



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>









LES  
CRONIQUEV ET  
ANNALES DE FRANCE,  
depuis la destruction de Troye, ius-

ques au Roy Loys unzième: iadis composées par  
feu maistre Nicole Gilles, en son uiuant  
Secretaire, Indiciaire du Roy,  
& Contrerolleur de  
son tresor.

*Nouvellement imprimées sur la correction de maistre Denis Sauvage de Fon-  
tenaille en Brie, & additionnées, tant par luy que par autres,  
selon les modernes historiens, iusques au Roy Charles  
neufiesme à present regnant.*

Second Volume.



A PARIS,

Par Michel de Roigny, rue S. Iacques, à l'en-  
seigne des quatre Elemens.

I 5 6 9.



*S'ensuyt la table des matières estant au second volume des présentes Annales & Croniques de France.*



Remierement cōment le Roy Philippe de Valloys bailla à messire Philippe, filz de Loys, Comte d'Eureux, le royaume de Nauarre : & cōmēt le Comte de Flandres feit hōmage au Roy, & se plaignit à luy des Flamens. feuillet.j.  
 Comment le Roy meit sus vne armée, pour aller ayder au Comte de Flādes, qui l'en auoit requis contre les Flamens, & y porta l'Oriflambe. f.ij.  
 De la grand' guerre que le Roy feit aux Flamens : & comment il restitua le Comte en sa Comté de Flandres. f.ij.  
 Comment au retour de Flandres le Roy retourna à Paris, & presenta son cheual & harnoy en l'eglise nostre Dame. f.ii.  
 Comment les Flamens s'esleuerent de rechef contre leur Comte : & comment l'Antipape fut excommunié. f.ij.  
 Comment le Roy d'Angleterre vint à Amyès deuers le Roy, & luy feit hommage de la Duché de Guyenne. f.iii.  
 Comment le Roy Philippe de Valloys feit abatre les murs & portaux des villes d'Ypre, Courtray, & autres villes de Flandres. f.iii.  
 Comment le Roy alla en Auignon veoir le Pape : & cōment l'Antipape vint requerer pardon. f.iii.  
 De l'Arrest de Parlement touchant la Comté d'Artois, donné contre messire Robert d'Artois : & des faulces lettres que feit vne Damoysele : & comment ledict Robert esmeut guerre contre le Roy. f.iii.  
 Comment messire Robert d'Artois fut déclaré bāny, & ses biens cōfisqueuz : & du mariage de monseigneur Iehan, filz du Roy, à la fille du Roy de Boesme. f.iii.  
 Comment le Roy alla visiter le Pape : & d'un Preuost de Paris qui fut pendu. f.iii.  
 Comment au pourchas de messire Robert, Comte d'Artois, le Roy d'Angleterre descēdit en France. f.v.  
 Comment les Flamens s'allierent aux Anglois, par le moyen d'Arteuelle. f.v.  
 Comment les Flamens retindrent leur Comte : & comment il s'en partit de Flandres secrettement : & cōment le pays de Flandres fut interdict. f.v.  
 Comment le Roy d'Angleterre alla en Allemagne, ou il feit alliance avec l'Empereur, & plusieurs Princes, cōtre le Roy de France, à la poursuyte de messire Robert d'Artois : & comment le Roy d'Angleterre print les armes de France, escartelées avec celles d'Angleterre. f.v.  
 Comment les Flamens feirent hommage au Roy d'Angleterre, parquoy le Roy luy feit guerre : & de la grand' desconfiture qui fut sur le nauire du

Roy de France. f.vj.  
 Comment l'armée des Flamens, que conduysoit messire Robert d'Artois, fut desconfite deuant saint Omer. f.vii.  
 Comment le Roy d'Angleterre meit le siege deuant Tournay : & des lettres qu'il escriuit au Roy de France. f.vii.  
 De la responce q̄ feit le Roy Philippe de Valloys, aux lettres du Roy d'Angleterre. f.vii.  
 De l'appointemēt, qui fut fait deuant Tournay, entre les Roys de France & d'Angleterre, par le moyen de la Comtesse de Henault. f.vii.  
 De la guerre qui se meut entre messire Charles de Bloys, & messire Iehan de Montfort, pour la Duché de Bretaigne. f.viii.  
 Comment le Roy d'Angleterre & les Flamens, ne voulurent entendre à faire appointement au mandement du Pape : & de l'emotion de ceulx d'Orleans touchant les bledz, dont furent penduz plusieurs aux goutieres. f.viii.  
 De la mort de messire Henry de Malestroit : & du mariage de Philippe, Duc d'Orléans, filz du Roy. feuillet.ix.  
 De la venue du Roy d'Angleterre avec grand' armée en France : & comment il print d'assault la ville de Caen, & gros nōbre de grāds Seigneurs qui estoient dedans ladicte ville. f.ix.  
 De la bataille de Crecy, pres Abeuille, ou mourut la fleur de la Cheualerie de France. f.x.  
 Comment le Roy d'Angleterre meit le siege à Calais. f.x.  
 Des dommages que feit en Poitou, Xaintonge, & Perigort le Comte d'Erby, Anglois : & cōment le Roy voulut auoir le Crucifix d'or estant en l'eglise saint Denis en France. f.x.  
 Comment messire Geoffroy de Harecourt vint à mercy au Roy, & comment les Lombards, banquiers, & vsuriers, furent prins en France, & banniz hors du royaume. f.x.  
 De la prinse de Calais par le Roy d'Angleterre. f.xj.  
 De la guerre de Bretaigne d'entre messire Iehan de Montfort, & messire Charles de Bloys, qui fut prins prisonnier deuant d'Arian. f.xi.  
 De l'acquisition du pays de Dauphiné. f.xi.  
 Des mariages du Roy & de son filz, Duc de Normandie, & du Comte de Foix. f.xi.  
 Du trespas du Roy Philippe de Valloys. f.xii.  
 Du Roy Iehan. f.xii.  
 Comment le Comte d'Eu, Connestable de France, fut decapité, & fut fait Connestable messire Charles d'Espaigne. f.xii.  
 De la prinse de Guynes par les Anglois sur les François. f.xii.  
 Comment le Roy de Nauarre, Comte d'Eureux, qui auoit espouse la fille du Roy Iehan, feit tuer messire Charles d'Espaigne, Cōnestable de France. f.xii.  
 Comment apres le pardon que le Roy eut fait au Roy de Nauarre, il machina cōtre luy : parquoy



- le Roy fait saisir ses terres. f.xiii.
- Des courtes que firent les Anglois en France : & comment le Roy Iehan offrit au Roy d'Angleterre se combattre a luy corps à corps, pour leur querelle. fucil.xiiij.
- D'une grand' assemblée que le Roy fait à Paris. fucil.xiiiij.
- Comment le Roy Iehan fait decapiter & pendre à Rouen le Comte de Harecourt, les Seigneurs de Grauille, de Preaux, & autres. fucil.xiiiij.
- De la prise du Roy Iehan, devant Poitiers. f.xiiiij.
- Comment le Prince de Galles enuoya le Roy Iehan prisonnier à Bordeaux. fucil.xv.
- De l'assemblée faite à Paris des gens des trois Estatz de France, apres la prise du Roy Iehan, pour le fait de sa deliurance. fucil.xv.
- De l'ayde qu'oütröyèrent ceulx de Languedoc, & du refus de ceulx de Paris. fucil.xvj.
- Comment le Duc de Normandie, Regent, alla deuers l'Empereur, son oncle, & de l'emotion de ceulx de Paris. fucil.xvj.
- De l'assemblée des trois Estatz de France, faite de rechef à Paris. f.xvii.
- Des trefues entre le Roy & le Prince de Galles, & d'une assemblée des trois Estatz röpue. f.xvii.
- Comment le Roy Iehan fut mené par le Prince de Galles, en Angleterre. f.xvii.
- Comment le Roy de Nauarre fut mis hors de prison, par vn Cheualier qui l'auoit en garde : & comment il voulut seduire le peuple contre le Roy. fucillet.xvii.
- Des maux que les Nauarrois faisoient autour Paris. fucil.xviii.
- Comment le Roy de Nauarre fait despendre du gibet de Rouen le corps du Seigneur de Grauille, & autres. f.xviii.
- Des remonstrances que fait monseigneur le Duc de Normandie, Regent, à ceulx de Paris. f.xix.
- Des esmeutes de ceulx de Paris : & comment ilz tuerent au Palais, en la chambre du Regent, deux des Mareschaulx de France : & comment ledict Regent, pour la seureté de sa personne, porta vn chaperon de leur liurée. fucil.xix.
- Du gouuernement que ceulx de Paris entreprenoyent. f.xx.
- Du retour du Roy de Nauarre à Paris. f.xx.
- De l'autorité que vouloit prendre en France le Roy de Nauarre : & comment monseigneur le Duc de Normandie, aîné filz du Roy, fut déclaré Regent. f.xx.
- De la responce des gens des Estatz de Champagne : & comment ceulx de Paris faisoient plusieurs entreprinſes. f.xx.
- De l'assemblée du Regent & du Roy de Nauarre : & comment ceulx de Paris voulurent faire ledict Roy de Nauarre leur Capitaine. f.xxj.
- Des grands maux que le Roy de Nauarre & ses gens faisoient en France. f.xxj.
- De la Iaquerie de Beauuoysin. f.xxj.
- Comment le Roy de Nauarre fut fait Capitaine de Paris. f.xxii.
- Des maux que faisoient les Nauarrois, au royaume de France. f.xxii.
- De plusieurs emotions qui furent faites à Paris : & comment ceulx de Paris se declarerent du party du Regent, & tuerent le Preuost des Marchés & autres. f.xxiii.
- Comment le Regent entra à Paris : & comment le Roy de Nauarre le defia : & des maux que faisoient les Nauarrois & Anglois. f.xxiii.
- Comment le Chancelier de Nauarre fut tué : & comment messire Iehan de Picquiny cuyda surprendre Amyens. f.xxiiiij.
- De la course de Robin de Canolle, Anglois : & comment les Anglois & Nauarrois pillerent le pays d'Auxerrois. f.xxiiiij.
- De l'assemblée faite à Paris par le Regent, pour veoir le pourparlé d'appoinctement fait par le Roy en Angleterre. f.xxiiiij.
- De l'appoinctement de Bretigny, pour la redemption du Roy Iehan : & de la course des Anglois par France. f.xxv.
- Comment le Roy Iehan fut ramené en France. fucillet.xxv.
- Des ostages qui furent baillez pour la reste de la rançon du Roy. f.xxvi.
- De la venue du Roy à Paris, apres son retour d'Angleterre : & comment il alla en Auignon deuers le Pape. f.xxvi.
- De la mort du Roy Iehan en Angleterre : & de la guerre que faisoit messire Bertrand du Guesclin, contre les Anglois. f.xxvi.
- Du Roy Charles cinquieme de ce nom, qui est surnommé le Sage. f.xxviiij.
- Comment messire Bertrand du Guesclin, pour deliurer le royaume de France des gens d'armes vagabons, les mena en Espagne contre les Sarrazins. f.xxvii.
- Comment le Duc de Bretagne fait hommage au Roy, le manteau & le chapeau osté, les genoux flechis, comme à son souuerain Seigneur. f.xxviii.
- Comment le Roy de Nauarre, par fiction & trahison, se fait prendre prisonnier en Espagne : & comment Bertrand du Guesclin fut prisonnier, & apres deliuré. f.xxviii.
- Des appellations que le Comte d'Armignac, & autres Seigneurs de Guyenne firent en Parlemēt, contre le Prince de Galles. f.xxx.
- Comment le Roy alla à Tournay, pour traicter le mariage du Duc de Bourgongne, son frere, & de la fille du Comte de Flandres. f.xxx.
- De la natiuité & baptême de Charles, premier filz du Roy Charles cinquieme. f.xxx.
- Comment plusieurs villes en Guyēne, Ponthieu, & ailleurs, se reduysirent es mains du Roy. f.xxxi.
- Des appellations que les Seigneurs & communautéz de Guyenne auoyent interiettes contre le Prince de Galles, Duc de Guyenne. f.xxxi.
- Du ma-



- Du mariage du Duc Philippe de Bourgogne, à la fille du Comte de Flandres. f. xxxi.
- D'une descente d'Anglois en France. f. xxxi.
- De la course de Robt Canolle, & autres Anglois: & comment messire Bertrand du Guesclin fut fait Connestable de France. f. xxxj.
- De l'appoinctement du Roy de Nauarre: & comment messire Bertrād du Guesclin meit es mains du Roy le pays de Poitou, de Xainctōge, & aussi presque tout le pays de Bretagne, par ce que le Duc s'en estoit allé en Angleterre. f. xxxij.
- D'une course que feirent Anglois tout au trauers du royaume de France. f. xxxii.
- Comment le Roy eut cinq grandes armées en vn mesme temps sur les champs. f. xxxiii.
- Comment l'Empereur & le Roy des Rommains, son filz, vindrent veoir le Roy Charles à Paris. f. xxxiiij.
- De l'entrée de l'Empereur & de son filz, Roy des Rommains, en la ville de Paris. f. xxxiiij.
- Comment le Roy de Nauarre voulut faire empoisonner le Roy. f. xxxiiij.
- De l'Arrest donné contre messire Iehan de Montfort, Duc de Bretagne. f. xxxv.
- De la rebellion que feirent ceulx de Montpellier, & de la griefue punition qui en fut faite. f. xxxv.
- De la mort de messire Bertrand du Guesclin, Connestable de France. f. xxxv.
- D'une descente d'Anglois, qui trauerferent au trauers du royaume, de Calais iusques en Bretagne, sans estre combatus, & de la mort du Roy Charles, le Quint. f. xxxvi.
- De l'ordonnance que feit le Roy Charles, cinquieme, deuant son trespas: & de la confirmation de l'appoinctement de Iehan de Montfort, Duc de Bretagne. f. xxxvi.
- De bonnes mœurs & vertus qui estoient au Roy Charles le Quint. f. xxxvi.
- Du Roy Charles. vj. appelé le bien aymé. f. xxxvi.
- Comment le Roy Charles, sixieme fut mené sacrer à Reims: & comment le Duc d'Aniou print les thresors du Roy Charles, le Quint. f. xxxvii.
- De l'esmeute de ceulx de Paris, pour les aydes: & comment ilz pillerent les maisons des fermiers desdictes aydes, & celles des Juifz. f. xxxvii.
- Des courses que faisoient les Anglois, en Frâce, & apres se retiroient en Bretagne: mais en fin les Barōs ne les voulurent plus souffrir. f. xxxvii.
- Du Scisme qui estoit en l'Eglise, touchant la Papauté. f. xxxviii.
- Comment le Duc de Berry fut fait gouuerneur de Languedoc. f. xxxviii.
- Comment Hugues Aubriot, Prenoist de Paris, fut declairé heretique, & condāné à perpetuelle prison. f. xxxviiij.
- De l'esmeute des Flamēz, cōtre leur Cōte. f. xxxix.
- Comment monseigneur Loys, Duc d'Aniou, fut fait Roy de Cecille, par l'adoptiō de la Royne Iehanne. f. xxxix.
- De l'esmeute qui fut à Paris, pour les aydes q l'on vouloit mettre sus: & comment le populaire meit hors de prison Hugues Aubriot. f. xxxix.
- Comment on voulut de rechef mettre sus les aydes, dont aduindrent plusieurs commotions en France. f. xl.
- Comment monseigneur Loys, Duc d'Aniou, fut couronné Roy de Cecille, par le Pape Clement: & comment il conquist Prouence, & apres alla en Lombardie. f. xl.
- De la guerre du Comte de Flandres cōtre les Gantois & Flamens, qui fallierent avec les Anglois. f. xl.
- De l'ayde que feit le Roy au Comte de Flandres, contre les Flamens. f. xl.
- De plusieurs rencontres & desconfitures, faites par les François, sur les Flamens. f. xl.
- De la bataille qui fut entre le Roy & les Flamēz, à Rosebec, ou il mourut bien quarante mil Flamens. f. xli.
- Comment la ville de Courtray fut pillée & brulée. f. xli.
- Comment apres la guerre de Flandres le Roy s'en retourna à Paris, mal content de ceulx de la ville. f. xli.
- Comment le Roy feit faire vn siege en la court du Palais: & de la propositiō qu'il feit faire par messire Pierre d'Orgemont, son Chancelier. f. xlii.
- De la commotiō que feirent ceulx de Rouē, pour les aydes que l'on vouloit mettre sus. f. xlii.
- D'une descēte d'Anglois, que les Flamens recueillirent, & de la rebellion de ceulx d'Orleans, pour le fait des aydes. f. xliii.
- Du voyage que le Roy feit contre les Anglois, & Flamens, ou il porta l'Oriflambe. f. xliii.
- Du voyage que le Duc de Bourbon, & autres Seigneurs de France, feirent en Barbarie, sur les Sarrasins. f. xliii.
- Des maulx que plusieurs gens du commun d'Auvergne faisoient, & de la punition que le Duc de Berry en feit. f. xliiii.
- D'aucuns Docteurs Iacobins, qui voulurent soutenir la Vierge Marie auoir esté conceue en péché originel, & pourquoy on les appela Huetz. f. xliiii.
- De la mort du Roy de Cecille, Duc d'Aniou: & comment le Roy de Nauarre voulut faire empoisonner les Ducs de Berry & de Bourgōgne, oncles du Roy. f. xliiii.
- De la guerre que feirent les Anglois: & du grand nauire qu'assembla le Roy, pour leur faire guerre. f. xliiii.
- De la mort du Roy de Nauarre. f. xlv.

- Commēt le Duc de Bretagne feit prendre prison  
nier, par trahyson, le Connestable Clifson, qui  
alloit faire guerre en Angleterre, dont il fut ad-  
iourné à comparoir en personne deuant le Roy,  
à Paris. f.xlv.
- Comment le Duc le Gueldres enuoya deffier le  
Roy, dont apres il se repentit. f.xlv.
- Comment en vn Cōseil, tenu à Reims, le Roy fut  
mis hors du gouuernement de ses oncles, & fut  
dict qu'il estoit en aage pour iouyr de ses droitz  
fueil.xlv.
- Comment la Preuosté des Marchans & Escheui-  
nage fut restituée à ceulx de Paris. f.xlvi.
- De l'entrée de la Roynes à Paris. f.xlvi.
- Comment le Roy alla visiter le Pape en Auignō.  
fueil.xlvi.
- Commēt le Roy osta au Duc de Berry, son oncle,  
le gouuernement de Languedoc: & du Scisme  
qui fut en l'Eglise par le trespas de pape Urbain.  
fueil.xlvi.
- De l'armée que le Roy enuoya contre les Sarra-  
zins, dont estoit Chef le Duc de Bourbō. f.xlvi.
- De l'appanage de monseigneur Loys, Duc d'Or-  
leans, frere du Roy. f.xlvii.
- Des doleāces que le Connestable Clifson feit au  
Roy, du Duc de Bretagne. f.xlvii.
- Comment le Seigneur de Craon cuyda tuer, à Pa-  
ris, le Seigneur de Clifson, Connestable de Frā-  
ce. f.xlvii.
- Comment le Roy deuint malade en la ville du  
Mans. f.xlviii.
- Comment apres la maladie du Roy, les Ducz de  
Berry & de Bourgongne entreprirent le gou-  
uernement. f.xlviii.
- Du dixieme qui fut leué en France. f.xlviii.
- Des accusations qui furent faictes contre maistre  
Iehan Iuuenel, Preuost des Marchans de Paris.  
fueil.xlviii.
- Des Iuifz qui furent chacez: & d'une course de  
Sarrazins. f.xlix.
- Du Scisme qui fut en l'Eglise pour la Papaulté.  
fueil.xlix.
- Du mariage du Roy Richard d'Angleterre & de  
madame Ysabeau de France, fille du Roy Char-  
les sixieme: & comment ceulx de Genes se dō-  
nerent au Roy. f.xlix.
- Du traité de paix faict entre les Roys de France  
& d'Angleterre, moyennant le mariage de ma-  
dame Ysabeau de France. f.l.
- De la piteuse desconfiture, qui fut faicte p les Turcz  
sur les Chrestiens, en Hongrie. f.l.
- Comment la Seigneurie de Nemours fut erigée  
en Duché, & baillée au Roy de Nauarre, en recō-  
pense de quelques terres. f.l.
- De la mutation de plusieurs Officiers: & des hay-  
nes secretes qui estoient entre les Ducz d'Or-  
leans & de Bourgongne. f.l.
- Comment Henry de Lanclastre, baron d'Angle-  
terre, se retira en France. f.li.
- Comment ledict Henry de Lanclastre s'en retour-  
na en Angleterre, pour faire guerre au Roy Ri-  
chard, qu'il print prisonnier, le feit mourir, & se  
feit Roy. f.li.
- De la venue de l'Empereur de Constantinoble, à  
Paris. f.li.
- Comment la hayne secrette d'entre les Duc d'Or-  
leans & de Bourgongne, se manifesta. f.lii.
- Du debat qui estoit entre les Princes, pour le gou-  
uernement des finances. f.lii.
- De la desconfiture de sept Anglois, qui combati-  
rent en champ contre sept François. f.lii.
- Du mariage de la Duchesse de Bretagne au Roy  
d'Angleterre: & des deffiances du Duc d'Or-  
leans audiēt Roy d'Angleterre. f.lii.
- D'une course que feit en Guyēne, sur les Anglois,  
le Connestable d'Albret. f.liii.
- De l'apoiētemēt faict sur le debat des Ducz d'Or-  
leans & de Bourgongne, touchant le gouuerne-  
ment du royaume. f.liii.
- Du trespas du Duc Philippe de Bourgōgne. fueil.  
liii.
- Des condamnations faictes cōtre Sauoisfy. f.liii.
- D'un autre apoiētemēt faict entre les Ducz d'Or-  
leans & de Bourgongne. f.liii.
- De l'ordonnance faicte sur les priuileges de l'Egli-  
se de France. f.liiii.
- Commēt le Duc de Bourgongne feit tuer le Duc  
d'Orleans, en trahyson. f.liiii.
- Cōment le Duc de Bourgongne s'en fuyt apres la  
mort du Duc d'Orleans. f.lv.
- De deux Escoliers que le Preuost de Paris par ha-  
sueté feit pendre, parquoy fut condamné à les  
faire despendre, & baiser en la bouche. f.lv.
- Touchant les priuileges de l'Eglise de France.  
fueil.lv.
- Cōmēt le Duc de Bourgongne vint à Paris, pour  
soy excuser de la mort du Duc d'Orleans, voulāt  
soustēir qu'il auoit bien fait, & en obtint remis-  
sion. f.lvi.
- D'une desconfiture de Liegeois. f.lvi.
- De l'appoiētemēt faict à Chartres entre le ieu-  
ne Duc d'Orleās & ses freres, & le Duc de Bour-  
gongne present le Roy. f.lvi.
- Du Roy de Nauarre, qui fallia au Duc de Bourgō-  
gne: & du desappoiētemēt de plusieurs officiers,  
& du Seigneur de Monragu, qui eut la teste cop-  
pée. f.lvii.
- De l'assemblée de plusieurs Princes, qui tenoyēt le  
party du Duc d'Orleās, pour venir deuant Paris,  
ou estoit le Duc de Bourgongne, qui tenoit le  
Roy en ses mains. f.lvii.
- Commēt messire Pierre des Essars, Preuost de Pa-  
ris, tenant le party du Duc de Bourgongne, esle-  
ua les bouchers & escorcheurs de Paris, & en  
fut Capitaine vn nommé Caboche. f.lvii.
- Des deffiances du Duc d'Orleās & ses freres, & du  
Duc de

Duc de Bourgogne qui s'enfuyt d'aupres de Mōdidier, ou il estoit parqué. f.lviij.  
 Cōment ceulx de Paris tenoyent le party du Duc de Bourgogne, qui leur enuoya pour secours le Comte de saint Paul: lequel le Roy feit Conestable: & de la venue dudit Duc de Bourgogne à Paris, ou il fut crié Noel. f.lviij.  
 De la sentence d'excommuniment que feit proférer le Duc de Bourgogne contre les Seigneurs. fucil.lx.  
 Comment le Roy d'Angleterre enuoya son filz & son frere à l'ayde du Duc d'Orleans: & du siege de Bourges. f.lx.  
 D'une commotion q̄ les bouchers & escorcheurs de Paris firent par l'enhortement du Duc de Bourgogne, & prindrent prisonniers les Officiers des Ducz de Guyenne, d'Orleans, & de Bourbon. f.lx.  
 Comment le Duc de Bourgogne feit coper la teste à messire Pierre des Essars, Preuost de Paris, à messire Jaques de la Riuiere, & autres: & feit mettre les Damoyelles de la Roynne, & de madame de Guyenne en prison. f.lx.  
 De l'esmotion qui fut de rechef faicte à Paris par les bouchers: & commēt le Duc de Bourgogne s'enfuyt hors Paris. f.lx.  
 Du siege de Compiègne & Soissons, qui tenoyent pour le Duc de Bourgogne. f.lxi.  
 Comment le Duc de Guyenne, Daulphin, print le gouuernement du royaume. f.lxi.  
 De la bataille d'Azincourt. f.lxi.  
 Comment le Comte d'Armignac fut faict Cōestable de France: & du Duc de Bourgogne, qui vint deuers le Roy en armes. f.lxii.  
 De la mort du Duc de Guyenne & Jehan son frere, aînez filz du Roy. f.lxii.  
 De la venue de l'Empereur à Paris: & de la mort du Duc de Berry. f.lxii.  
 De la guerre que feit le Duc de Bourgogne contre monseigneur le Daulphin: & commēt il print la Roynne & sa fille en ses mains: & du Daulphin lequel vint à Paris. f.lxii.  
 De la prinse de Caen par les Anglois. f.lxiii.  
 Comment le Seigneur de Lisleadam entra à Paris, criant, viue Bourgogne: & comment monseigneur le Daulphin se retrahit en la Bastille: & comment le Conestable de Frâce fut tué, & plusieurs autres, à Paris. f.lxiii.  
 Comment les gens de monseigneur le Daulphin faillirent à recouurer Paris: parquoy il s'en alla à Bourges, & à Saumur. f.lxiii.  
 Des Capitaines Poton & la Hire. f.lxiii.  
 Cōmēt le Duc de Bourgogne traita le mariage du Roy d'Angleterre à la fille du Roy de Frâce. f.lxv.  
 Des libertez de l'Eglise de France. f.lxv.  
 Du parlement qu'eurent ensemble, à Corbeil, le Daulphin & le Duc de Bourgogne: & de la prinse de Rouen par les Anglois. f.lxv.

De l'assemblée de Monstereau, ou fut tué le Duc de Bourgogne. f.lxv.  
 Du mariage du Roy d'Angleterre à madame Catherine de France: & comment le Roy d'Angleterre se porta & nomma Roy de France. f.lxv.  
 Des sieges de Meleū & Cōpiègne, mis par les Anglois: & cōmēt le Roy d'Angleterre emmena sa fême, & laissa le Duc de Clarèce, son frere, Lieu tenāt en Frâce: & de plusieurs Seigneurs d'Escosse qui vindrent au secours du Daulphin. f.lxv.  
 De la bataille de Baugé, ou fut tué le Duc de Clarence: & comment le Comte de Boucan, Escossois, fut faict Conestable de France. f.lxvi.  
 De la venue du Roy d'Angleterre en Frâce, apres le trespas du Duc de Clarence. f.lxvi.  
 De la mort du Roy Henry d'Angleterre: & comment le Duc de Bethfort, fut Regent en France pour le ieune Roy d'Angleterre. f.lxvi.  
 De la mort du Seigneur de Partenay: & comment la Seigneurie en vint au Roy, comme heritier du Duc de Berry, qui l'auoit aquis. f.lxvij.  
 Du trespas du Roy Charles, sixieme. f.lxvij.  
 Du Roy Charles septieme. f.lxvij.  
 Comment Henry le ieune Roy d'Angleterre, fut nommé Roy de France: & comment on scella de ses seaux à la Chancellerie à Paris. f.lxviii.  
 Du siege de Crauant, & de la bataille de la Granelle. f.lxvij.  
 Des sieges de Sedane, & du mont saint Michel. fucil.lxix.  
 De la bataille de Vernueil. f.lxix.  
 Des sieges du Mans & de la Ferté Bernard. f.lxix.  
 Comment le Comte de Richemont fut faict Cōestable de France. f.lxix.  
 Commēt les gouuerneurs du Roy furent chacez de court. f.lxx.  
 Comment le Duc de Bretagne feit hommage & aliance au Roy. f.lxx.  
 Du siege de Môtargis, tenu par les Anglois, & leué par les Frāçoys: & de la conspiration d'aucuns Princes. f.lxx.  
 Cōmēt la ville du Mās fut reprise par les Frāçoys, puis rescouffée par Talbot Anglois. f.lxxi.  
 De la prinse de Pontorson, par les Anglois. f.lxxi.  
 Comment le Comte de Salbery se mit à chemin pour aller assaillir Orleans, & en y allant print toutes les places de la Beaulse. f.lxxi.  
 De la prinse des villes de Baugency, Iargueau, & Suilly, par les Anglois. f.lxxi.  
 Du siege d'Orleans du costé de la Soulongne & Beaulse, & de la bataille des Harens. f.lxxij.  
 De l'Ambassade que ceulx d'Orleans enuoyerent au Duc de Bourgogne. f.lxxiiij.  
 De la venue de la Pucelle vers le Roy de France. f.lxxiiij.  
 De l'aitaillement d'Orleans par ladiète Pucelle. fucil.lxxiiij.  
 Du siege d'Orleans, leué par la Pucelle. f.lxxiiij.

# LA TABLE DV SECOND VOLUME

De l'allée de la Pucelle vers le Roy : & de la prinse de Iargueau & Baugency.	f.lxxiii.	De la prinse de Pontoise, par les Anglois, fucillet	lxxxvj.
De la bataille de Patay, & prinse de Talbot. fucil.	lxxv.	De la prinse de plusieurs places, d'emblée, par les Anglois, & autres par les François: & de la venue du Roy à Paris.	f.lxxxvj.
Comment le Roy se meit à chemin, pour aller à Reims, soy faire sacrer.	f.lxxv.	Comment le Duc de Bourgongne meit le siege deuant Calais.	f.lxxxvj.
Du sacre du Roy à Reims.	f.lxxvi.	De la grand' famine & mortalité de Paris. fucil.	lxxxvii.
Cōment le Roy, apres son Sacre, tira vers Paris, & se meirent plusieurs villes & forteresses à son obeissance.	f.lxxvi.	De la Pragmatique Xanctiō.	f.lxxxvii.
Comment le Roy, Jehāne la Pucelle, & plusieurs Seigneurs, vindrent deuant Paris.	f.lxxvii.	Du mariage de madame Katherine, fille du Roy, au filz du Duc de Bourgongne.	f.lxxxvii.
De la prinse de Laigny, & du partement du Roy, pour aller en Touraine.	f.lxxvii.	De la Praguerie.	fucil.lxxxvii.
Comment le Duc de Bourbon s'en alla en ses pays, pour la pillerie que faisoient les gens du Roy.	f.lxxviii.	Commēt, apres le discord appaisé, le Roy meit le siege deuant la Charité.	f.lxxxviii.
La prinse de saint Pierre le Monstier, par la Pucelle.	f.lxxviii.	Dela deliurance de monseigneur Charles, Duc d'Orleans.	fucil.lxxxviii.
Rencontre d'Anglois: & des sieges de saint Scelerin, & Laigny.	f.lxxviii.	Du siege de Creil & Pontoise.	f.lxxxix.
De la prinse de la Pucelle deuant Compiègne.	f.lxxviii.	De la prinse de Beaumont le Rogier, & de Beaumefnil: & de la descōfiture d'Anglois.	f.lxxxix.
De la reductiō de Meleū, Moret, Corbeil, le boys de Vincennes, & autres places.	f.lxxix.	De la prinse d'Eureux, par Floquet.	f.lxxxix.
D'une grand' descōfiture d'Anglois, pres Chaulons.	f.lxxix.	Du voyage de Tartas, & plusieurs autres matieres.	f.xc.
De la iournée d'Authon, au Daulphiné.	f.lxxix.	Prinse de la Bastille de Dieppe, par monseigneur le Daulphin.	f.xc.
De la venue du ieune Roy d'Angleterre, & de son couronnement, à Paris.	f.lxxx.	Comment le Roy enuoya saisir en ses mains les pays d'Armignac.	f.xcj.
Du grād siege de Laigny, par le Duc de Bethfort, qui fut leué par les François.	f.lxxx.	Des trefues prinſes entre les Roys de France & d'Angleterre: & cōment monseigneur le Daulphin conduict les gēns d'armes en Allemaigne.	f.xcj.
D'une belle entreprinſe que feit le Seigneur de Lore, sur Caen.	fucil.lxxxi.	Du trespas de madame Marguerite, femme de mō seigneur le Daulphin.	f.xcij.
Descōfiture d'Anglois, faicte de rechef par le Seigneur de Lore.	f.lxxxi.	Cōment messire Gilles de Bretagne fut prins prisonnier, par le commandement du Duc de Bretagne, son frere: & comment ceulx de Gennes se donnerent au Roy.	fucil.xcij.
De la question & debat des Ducz de Bretagne, & d'Alençon.	f.lxxxi.	Cōment les Ambassadeurs des Electeurs de l'Empire, & ceulx du Roy d'Angleterre, vindrent deuers le Roy, à Bourges.	f.xciii.
De plusieurs places prinſes par les Anglois. fucil.	lxxxi.	Del' Ambassade que le Roy enuoya vers le pape Nicolas: & cōmēt il trauailla grandement pour le faict de l'vnion de l'Eglise.	f.xciii.
De la bataille de Gerberoy.	f.lxxxii.	De la prinse de Fougieres.	f.xciii.
De la prinse du Seigneur de la Trimouille. fucil.	lxxxii.	De la respōce du Roy d'Angleterre: & de la prinse du pōt de l'Arche, & autres places, par les François.	f.xciii.
Comment le peuple de la basse Normandie seſleua contre les Anglois.	fucil.lxxxii.	De la reduction de la ville de Rouen par les François.	f.xcv.
De l'esmeute du commun du pays de Caux. fucil.	lxxxii.	Comment le Duc d'Alençon meit le siege deuant Belesme.	f.xcvj.
Du siege de saint Denis.	f.lxxxiii.	La bataille de Formigny.	f.xcvj.
Du Seigneur de Vilby, qui fut Capitaine de Paris, & de la reduction de Pontoise.	f.lxxxiii.	Du siege & prinse de Caen, par les François. fucil.	xcvij.
Du traitté d'Arras.	f.lxxxiii.	Du siege & prinse de Falaize, par les François. fucil.	xcvij.
De la mort de la Roynne de Frāce, Ysabeau de Baviere: & d'une descōfiture d'Anglois pres saint Denis.	fucil.lxxxiii.	De la prinse de plusieurs villes en Guyēne: de l'institution du Parlement de Bordeaux: & de la totale	
De la reduction de Paris.	f.lxxxv.		
Du mariage de monseigneur le Daulphin, & de madame Marguerite, fille du Roy d'Eſcoſſe. fucil.	lxxxv.		

- tale reduction de Guyenne, pour les François.  
 fucillet.xcvii.  
 Cōment le Sire de l'Espare, & autres, allerēt que-  
 rir les Anglois, affin qu'ilz fussent encores leurs  
 Seigneurs en Guyenne. f.xcix.  
 Cōment le Roy Charles.vij. meit en sa main tou-  
 tes les fortresses, villes, & chasteaux du Daulphi-  
 né, que tenoit son filz Loys, Daulphin. f.xcix  
 Commēt le Roy Charles.vii. mourut à Meun. f.c.  
 Du Loys, vnzieme du nom. f.c.  
 Comēt le Roy d'Arragon enuoya au Roy de Frā-  
 ce, requerir ayde cōtre ceulx de Barcelonne. f.cj.  
 Cōmēt le Roy dēsgaigea les terres de Picardie du  
 Duc de Bourgongne. f.cj.  
 De la conspiration que les Seigneurs de Frāce fei-  
 rēt contre le Roy, pour le gouuernemēt du roy-  
 aume. f.cj.  
 De la mort du Duc d'Orleans: & comment le Roy  
 cuydoit retirer le Duc de Berry, son frere, par  
 douceur. f.cj.  
 Trefues entre le Roy de France & d'Angleterre.  
 fucillet.cij.  
 Comment le Roy d'Angleterre enuoya Ambassa-  
 de au Roy de France, pour traicter appoinctement.  
 f.cij.  
 Comment le Roy enuoya son armée en Norman-  
 die. f.cii.  
 De l'appoinctement fait entre le Roy, & monsei-  
 gneur Charles, son frere. f.cii.  
 Du secours q̄ les Seigneurs d'Angleterre vindrent  
 demander au Roy de France. f.cii.  
 De la natiuité du Roy Charles.viii. de ce nō. f.cii.  
 Comment le Roy print en ses mains les terres en-  
 gagées de Picardie, qu'il auoit vne fois rache-  
 ptées du Duc de Bourgongne: & de la guerre que  
 ilz eurent. f.ciii.  
 De l'armée que le Duc de Bourgongne fait pour  
 venir à Amyens. f.ciii.  
 Commēt le Duc de Bourgongne vint à grand' ar-  
 mée deuant la ville de Neelle. f.ciii.  
 Comment la ville de Parpignan fut baillée par au-  
 cuns au Roy d'Arragon. f.ciii.  
 Comment le Roy alla à Vernon: & comment le  
 Cōnestable, outre les sermens qu'il auoit faitz,  
 manda le Roy d'Angleterre pour descendre en  
 France. f.ciii.  
 Appoinctement fait entre le Roy de France &  
 d'Angleterre. f.ciii.  
 Cōment le Roy de Portugal vint requerir secours  
 & ayde au Roy de France. f.cvj.  
 La prise de Hesdin. f.cvi.  
 Commēt le Roy fait hommage de la ville de Bou-  
 longne, à la glorieuse vierge Marie, d'un coeur  
 d'or, pesant deux mil escus. f.cvii.  
 Cōment ceulx d'Arras estoient mal contents d'e-  
 stre en l'obeissance du Roy: & comment ilz cuy-  
 derent aller en Ambassade deuers la Comtesse de  
 Flandres, pour auoir secours. f.cvii.  
 Cōment messire Iaques d'Armignac, Duc de Ne-  
 mours, & Comte de la Marche, fut décapité aux  
 Halles de Paris. f.cviij  
 Des Ambassadeurs de l'Archeduc Maximiliā, qui  
 vindrent au Roy, pour traicter appoinctement.  
 fucillet.cviij.  
 Comment ceulx de Cambray se meirēt en l'obeis-  
 sance de l'Archeduc d'Autriche: & comment le  
 Roy enuoya son armée es pays de Bourgongne.  
 fucillet.cviij.  
 Comment le Roy d'Angleterre enuoya Ambassa-  
 de vers le Roy de France, & aussi commēt le Pa-  
 pe enuoya le Cardinal, ad Vincula, Legat en Frā-  
 ce. f.cix.  
 Comment le Roy fut malade. f.cix.  
 Commēt le Roy fait faire vn beau & grand camp  
 de guerre. f.cix.  
 De la mort de madame Marie de Bourgōgne, fem-  
 me de l'Archeduc d'Autriche. f.cix.  
 Trespas du Roy Loys, vnzieme du nom. f.cx.  
 Trespas de la Royne Charlote, femme dudit Roy  
 Loys. f.cx.  
 Des faitz & gestes du Roy Charles, huyetieme du  
 nom. f.cxj.  
 Comment les trois Estatx furent tenuz à Tours: &  
 de ce qui fut ordonné. f.cxi.  
 Commēt Loys, Duc d'Orleans, s'en fuyt de la vil-  
 le de Paris, craignant d'estre prins. f.cxi.  
 Comment l'armée du Roy entra en Bretagne, en  
 poursuyuant le Duc d'Orleans, qui estoit illec re-  
 tiré. f.cxii.  
 Commēt le Roy de France gaigna la bataille con-  
 tre les Bretons, pres faitz Aubin du Cormier, ou  
 fut prins le Duc d'Orleans. f.cxiii.  
 Comment le mariage fut fait entre le Roy Char-  
 les & madame Anne de Bretagne. f.cxiii.  
 Comment la Comté de Roussillon fut rendue au  
 Roy d'Espaigne. f.cxiiii.  
 Comment le Roy Charles se partit de Lyon, pour  
 aller conquerir son royaume de Naples. f.cxiiii.  
 Comment Picus Mirandula mourut à Florence,  
 lors que le Roy Charles y passa. f.cxv.  
 Comment le Roy se partit de Romme, pour tirer  
 vers Naples. f.cxv.  
 Comment le Roy Charles entra en la ville de Na-  
 ples, sans aucunes solennitez. f.cxvj.  
 Comment le Roy Charles fait son entrée trium-  
 phante en la ville de Naples. f.cxvi.  
 Comment le Roy Charles, maulgré ses ennemys,  
 passa triumpamment Fournoue. f.cxvi.  
 Comment la maladie de Naples fut apportée en  
 France. f.cxvii.  
 Du Roy Loys, douzieme du nom, & comment il  
 conquist la Duché de Milan, qui luy appartenoit  
 fucillet.cxviii.  
 Comment le Roy Loys, douzieme, au commence-  
 ment de son regne vendoit les offices pour auoir  
 argent. f.cxviii.  
 Comment le Roy Loys.xii. alla conquerir la Du-  
 ché de Milan, qu'occupoyent les Sforces. f.cxix.

- Comment apres que le Roy eut donné ordre à sa Duché de Milan s'en retourna en France. f.cxx.
- Comment Loys Sforce fut mené à Lyon, puis en la tour de Bourges. f.cxx.
- Comment vn Escolier arracha la sainte Hostie d'entre les mains du Prestre, en la sainte Chapelle, à Paris. f.cxxj.
- Comment le Roy François, premier de ce nom, fiança madame Claude, fille du Roy Loys douzieme. f.cxxij.
- Du Concile de l'Eglise de France, tenu à Tours, à cause du discord du pape Iulius, & du Roy Loys. fueil.cxxii.
- Comment la maladie de la Coqueluche feit mourir moult de gens en France. f.cxxii.
- Comment les Espaignolz, & leurs alliez, furent desconfitz par les François, à Rauenne, ou fut occis le Duc de Nemours, Lieutenant du Roy. fueil.cxxiii.
- Comment les Anglois descendirent en France, & de la descōfiture par mer desdictz Anglois. fueil.cxxiiii.
- Comment le Roy Loys douzieme fut marié en secondes nopces à madame Marie d'Angleterre, & de son trespas peu apres. f.cxxiii.
- Du Roy François premier de ce nom. f.cxxv.
- Comment le Roy se partit de France, pour aller conquister la Duché de Milan. f.cxxv.
- Comment les Suysses, qui auoyent faulcé leur foy au Roy, furent tous mis à sac, pres sainte Brigide. f.cxxvj.
- Comment le Roy se trouua avec le Pape à Boulogne la Grasse, & du Cōcordat qui y fut pourparlé. f.cxxvj.
- Comment Maximilian, qui voulut inuader la Duché de Milan, fut vaillamment repoulsé par le Seigneur de Bourbon. f.cxxvij.
- Additions qui defaillent es autres Impressions. fueil.cxxviii.
- Du traité fait par madame la Duchesse d'Aniou, avec l'esleu Empereur, pour la deliurâce du Roy estant en Espagne. f.cxxx.
- Comment le Seigneur de Bourbon fut tué, voulāt entrer dedans Rōme, & comment le Pape se retira au chasteau de saint Ange. f.cxxx.
- Des placards affichez par les places de Paris: & de la processio, ou le Roy assista en personne. fueil.cxxiiii.
- Du commencement des guerres de Piedmont, & de Sauoye: & d'autres matieres. f.cxxxv.
- De l'assemblée de Nice, ou furent accordées trefues pour dix ans entre le Roy & l'Empereur. f.cxxxvii.
- Du partemēt de l'Empereur du royaume de France, & de l'execution qu'il feit contre les Gatoys: de la fortification de la ville d'Ardre: du mariage du Roy d'Angleterre, à la sœur du Duc de Gueldres, laquelle depuis à repudiée. f.cxxxviii.
- Des Edictz & Ordonnances que le Roy feit sur le fait de la gabelle du sel. f.cxxxviii.
- Des armées q̄ le Roy feit dresser pour la tuition & defēse de son royaume, en diuers lieux. f.cxxxviii.
- Des Bourgongnōs deffaictz en plusieurs lieux par les François, & de la guerre faite tāt à Landresy & es enuirōs, qu'au pays de Boulōnoys. f.cxxxix.
- Du voyage de Carignan, dont estoit chef le Seigneur d'Enghien: des princes de Luxembourg & Ligny, & des sieges de Montereul & Boulogne par les Anglois, de la guerre de Champagne: & de la paix entre le Roy & l'Empereur. f.cxl.
- Du preparatif de guerre fait pour recouurer Boulogne, & du trespas du Duc d'Orleans: & de la deffaite des Anglois en diuers lieux, & de la mort du Seigneur d'Enghien. f.cxlj.
- De la paix faite & publiée entre les Roys de France & d'Angleterre: & de la mort du Roy d'Angleterre. f.cxlj.
- Du trespas du Roy François, premier du nom, de ses obseques & funerailles: ensemble de feu monseigneur le Daulphin, & du Duc d'Orleans, ses enfans. f.cxlj.
- Du Roy Henry, deuxieme du nom. f.cxlj.
- L'entrée, Sacre & couronnement du Roy Henry, deuxieme du nom, en la ville de Reims. f.cxlj.
- Debat entre les Escoliers de l'Vniuersité de Paris, & les Religieux de saint Germain des Prez, pour raison du Pré aux Clercs. f.cxlj.
- L'entrée du Roy & de la Roynne en la ville de Lyō. fueil.cxl.
- Commotion de la commune du pays & Duché de Guyenne, pour raison de la Gabelle du sel, & de l'Arrest contre eulx donné. f.cxl.
- L'entrée du Roy & de la Roynne à Paris, avec le Tournoy fait audict lieu, pour la celebration de leur ioyeux aduenement. f.cxli.
- La procession solennelle, faite à Paris par le Roy, pour l'extirpation des heresies, & augmentation de la foy Chrestienne. f.cxlvi.

Fin de la table du second & dernier Volume  
des Annales & Croniques de France.



## Aux Lecteurs debonnairez.

**M**Esseigneurs, pour entendre mieulx la figure suyuant, & la bien accorder avec le texte du premier & second Volume, ie vous vueil bien aduertir que ne trouuerez en icelle figure Iehan, sixieme Duc de Bourbon: car il n'est pas aussi au texte de la genealogie de Bourbon. f. ciij. du premier Volume: qui la est vn peu corrompu: & le fault remettre ainsi, ou il parle de Loys, second du nom, & troisieme Duc. Ledit second Loys eut vn filz, nommé Iehan, Duc de Bourbon, qui fut prins à la bataille d'Agincourt, & mourut en Angleterre: & ce Iehan eut vn filz, nommé Charles, qui fut Duc apres luy: lequel Charles eut aussi Iehan, sixieme Duc, qui mourut sans enfans, & luy succeda Pierre, son frere &c. La raison pour laquelle ie pense que ce Iehan, sixieme Duc de Bourbon, n'a esté mis en la figure, est qu'il mourut sans enfans, et que son frere luy succeda, & eut des enfans. Oultre ce, en ceste figure suyuant, sur la fin de la genealogie de Nauarre, ou il met Blanche, aucuns mettent Iehanne: à laquelle sa seur Alienor succeda. Ie vous vueil bien aussi aduiser que, combien que la figure semble faire Iehan, Philippe Marie, & Valentine (de laquelle vint le droit de Milan à la maison d'Orleans) tous trois enfans de Iehan Galeas, & d'Ysabeau de France, neantmoins la Cronique de Milan, faicte par vn Donato Bosso, met les deux filz au second mariage de ce Iehan Galeas, avec Catherine, fille de Bernabo, son oncle. à quoy ceulx, qui ont adiousté le regne du Roy Loys douzieme, à ce present Volume, semblent accorder. Encores entendrez vous, s'il vous plaist, qu'en ceste mesme ligne d'Orleans, la ou il met Iehane, femme du Duc d'Alencon, autres mettent Marguerite, femme de Richard, Comte d'Estampes. Au reste ne vous esmerueillez si en ceste dicte figure il donne plus de filles à Charles, sixieme, qu'il n'en met au texte du fueillet trentesix de ce Volume second: car celui, qui a fait les figures est vn autre que Nicolas Gilles, qui ne s'est pas dressé sur luy: aussi que Catherine se trouue apres mariée à Henry cinquieme du nõ, Roy d'Angleterre, au fueillet soixantecinq de ce present Volume. Itē, si vous ne trouuez point Loys troisieme, filz de Loys d'Aniou, second du nom, en la figure (comme à la verité ne l'y trouuerez ny au texte mesme) estimez, comme ie croy, que la raison est qu'il mourut sans enfans, ainsi que nous auons dit de Iehan, sixieme Duc de Bourbon. Quant au reste, nous auons corrigé et ceste cy, et les autres, suyuant les bons auteurs, nous accordant le plus qu'auons peu avec nostre Annaliste ou Croniqueur, non sans grande peine & travail, cōme estant le tout fort depraué, ainsi que pourra congnoistre tout iuste iuge de telles matieres: qui pourtant nous excusera si quelquesfois se rencontre autre chose qu'a point en ces presens Volumes: Dequoy ie supplie aussi humblement la debonnaireté de vous autres mes bons Seigneurs, me recommandant tousiours à voz bonnes graces.





**P**hilippe, sixieme de ce nom, qui est surnommé de Valloys, filz de monseigneur Charles, en son viuant Comte de Valloys, lequel Charles auoit esté frere du Roy Philippe le Bel, & lequel Philippe de Valloys estoit cousin germain desdictz trois Roys precedens, Loys, Philippe, & Charles, enfans dudit Philippe le Bel, commença à regner l'an mil trois cens vingt & sept, & deceda au vingt & troisieme an de son regne, à Nogent le Roy, l'an mil trois cens cinquante, & gist à saint Denis en France. Côme il a esté dict au chapitre precedēt, au tēps du trépas du Roy Charles le Bel, madame Iehanne d'Eureux, sa femme, estoit grosse d'enfant, & estoient plusieurs qui vouloyent auoir le gouuernement d'elle & du royaume: & entre autres le Roy Edouard d'Angleterre, qui estoit filz d'Ysabel, fille du Roy Philippe le Bel, & soeur germaine des trois Roys de France derniers trespassez, & maintenant qu'il deuoit auoir le gouuernement du royaume: & disoit encores qu'en deffaulte de ligne masculine il deuoit succeder au royaume de France, & pour ceste cause enuoya grands Ambassades en France: mais pource que ledict Roy d'Angleterre estoit subiect & vassal de la couronne de France, à cause des terres qu'il tenoit deçà la mer, & que iamais le royaume de France ne fut gouuerné par Anglois, n'autres estrangiers, attendu aussi que la proximité de lignage, que disoit auoir iceluy Roy d'Angleterre, venoit par femme, & que *ab omni auo*, tant par la loy Salique que par les coustumes, loix, ordonnances & edictz du royaume de France, faictz & confermez des le temps de Pharamond, premier Roy de France Payen, Clouis premier Roy Chrestien, Charlemagne, & autres Roys de France, femme ne succede point, & ne doit succeder, à la couronne n'au re-

L'an mil  
trois cens  
vingt sept

Le Roy de  
Angleterre  
n'oult estre  
regent en  
France. ce  
qui fut em-  
pesché.

A



Les femmes  
ne succèdent  
à la couronne  
de France

gne de France, il fut debouté de sa demande, & fut dict qu'il ne fut onques veu qu'elle y succedast, ne donnast lieu de succeder à personne quelconque, soit male ou femelle, quelque faulte de directe ligne masculine qui soit interuenue en France: & quand ainsi seroit que femme y deust succeder (que non) si ne deuoit lediſt Roy Anglois venir à ladiſte ſucceſſion: car plus toſt y fuſſent venues les filles des Roys Loys Hutin, & Charles le Bel. Car les filles euſſent plus toſt ſuccedé à leurs peres, que le filz de la ſoeur d'iceulx: les marys deſquelles filles ſemblablement y pretendoyent & demandoyent droit: & furent d'une part & d'autre alleguées & debatues pluſieurs raiſons, tant de droit diuin qu'humain: & n'eſt aucun qui peult ſouſtenir à dire le contraire, que les Roys de France & les François n'ayent peu faire ladiſte loy, ordonnance & conſtitution: Car le Roy de France eſt iuge en ſa cauſe: *quia exemptus ab Imperio, ut dicit Baldus, cap. Inueſtitura in maritum facta*: & par ce ſeul mot Roy, eſt entendu Roy de France, qui eſt le bras dextre de l'Egliſe, combien que Boniface de Amannatis ſolennel Docteur es droitz Canon & Ciuil, dit que les Anglois ne le conſeſſent pas: mais attendu leur ancienne inimitié, on ne doit tenir compte de choſe qu'ilz en dient. Finablement à la tresgrand' pourſuyte de meſſire Robert d'Artois, Comte de Beaumont, qui auoit eſpouſé la ſoeur germaine dudiſt Roy Philippe, & qui eſtoit l'un des plus puisſans Princes, & mieulx enlignagé qui fuſt en France, lequel ſeit moult grands diligences de ceſte matiere, & moyennant le bon droit, fut dict par les gens des Eſtatz de France, que lediſt Philippe de Valloys, comme plus prochain lignagier, en ligne masculine, auroit lediſt gouuernement & regence deſdiſtz royaumes, durant que ladiſte Roynes ſeroit groſſe: parquoy il ſe porta regent deſdiſtz royaumes de France & de Nauarre: & comme tel ſeit prendre & receuoir les hommages de France: & ſ'acquitta tresbié de la perſonne de la Roynes, groſſe, & des affaires du royaume: & mettoit en ſon tiltre, Philippe, filz du Comte de Valloys, oncle des Roys de France, Regent des royaumes de France & de Nauarre, à tous les iuſticiers, &c. Quand vint le premier iour d'Auril, elle eut vne fille, au boys de Vincennes, qui fut appelée Blanche: laquelle fut depuis par diſpéſe maryée avec Philippe Duc d'Orleans, filz de ce Roy Philippe de Valloys: apres la natiuité de laquelle Blanche lediſt Roy Philippe de Valloys, parauant appelé Regent, fut appelé Roy.

*Comme le Roy Philippe de Valloys bailla à meſſire Philippe, filz de Loys, Comte d'Eureux, le royaume de Nauarre: & comment le Comte de Flandres ſeit hommage au Roy, & ſe plaignit à luy des Flamens.*



Eſdiſt Roy Philippe de Valloys eut deux femmes. La premiere fut Iehanne, fille du Duc de Bourgogne, laquelle fut moult humble & vertueuſe: & recite *Fasciculus temporum (ut pie creditur) quoddam sancta*: de laquelle il eut Iehan, qui fut Duc de Normandie, & apres Roy de France, & vn autre Iehan qui mourut ieune, & Philippe Duc d'Orleans, qui eſpouſa ladiſte fille dudiſt Charles le Bel, dont la mere eſtoit demourée groſſe. La ſeconde femme dudiſt Philippe de Valloys,

ſut Blanche, fille du Roy de Nauarre, & de Iehanne fille du feu Roy Loys Hutin. Lediſt Roy Philippe de Valloys tantost apres ſon aduenement à la couronne, en enſuyuant le bon conſeil des Seigneurs, Barons, & anciens du royaume, en approuuant la couſtume & l'ordonnance du royaume de Nauarre, reſtitua lediſt royaume de Nauarre à meſſire Philippe, filz de Loys, Comte d'Eureux, qui luy deuoit appartenir à cauſe de madame Iehanne, ſa femme, fille du feu Roy Loys Hutin: & en recompénſe des Comtez de Champagne & de Brie, qui ſemblablement deuoyent appartenir à ladiſte Iehanne, luy bailla autres terres & ſeigneu-

Le Comte  
de Flandres  
ſeit homa-  
ge au Roy  
de France,  
de la Comté.

ries en la Comté de la Marche, pres Angoulesme. En ce temps Loys, Comte de Flandres, vint deuers le Roy Philippe, & luy ſeit hommage de ſa Comté, & ſe complaignit au Roy de la malice & rebellion des Flamens, meſmement de ceulx de Bruges & d'Ipre: & luy ſupplia qu'il luy vouliſt ayder à ce beſoing, pour extirper & abbatre leur orgueil & deſobeiſſance. ce que le Roy luy promit faire, dont apres ſ'en enſuyuirent de grandes guerres, tant en France qu'en Flandres. Apres que le Roy eut diſpoſé d'aucuns affaires, il ſe delibera d'aller à Reims, ſoy faire ſacrer, & la furent faiſtz de grands preparatoires: puis ſ'en partirent le Roy & la Roynes, & allerent à Reims, ou lediſt Roy en grand' triumphe & aſſemblée de Princes fut ſacré, & la Roynes ſacrée, par la main de meſſire Guillaume de Trye, lors Archeueſque de Reims.

Comment

*Comment le Roy meit sus vne armée pour aller ayder au Comte de Flandres, qui l'en auoit requis contre les Flamens, & y porta l'Oriflambe.*

**E**Ncontinent apres le Sacre du Roy, il sen retourna & alla à saint Denis, & de la à Paris, ou il fut receu en grand' triumphe & honneur. puis tint parlement de mettre sus vne armée, pour aller ayder au Comte de Flandres, qui l'en auoit requis. ce que plusieurs luy desconseilloient, disans, que le temps n'estoit opportun, & que bonne chose seroit à luy qu'il demourast en son royaume iusques à vn an: lequel cōseil il ne print pas bien en gré, & luy en desplut: & lors demanda le Roy à messire Gaultier de Crecy, seigneur de Chastillon, Connestable de France, son oppinion: lequel voyant l'affection, & plus pour complaire au Roy, que pource qu'il luy semblaist estre bon de ce faire, feit ceste responce: Qui à bon coeur à la bataille, tousiours trouue temps conuenable: de laquelle responce le Roy fut bien ioyeux. Lors ledict Roy se lieue du conseil, ou il estoit assis, & embrassa ledict messire Gaultier Connestable, & dist aux autres: Qui m'aymera si me suyue: & feit erier son ban par tout son royaume, & que les gens de guerre se rendissent à Arras, à la feste de la Magdaleine ensuyuant. Apres ladicte assemblée le Roy alla à saint Denis, & feit ce qu'on n'auoit pas accoustumé de veoir faire: car il feit ouurir les chasses ou sont les corps saint Denis & ses compaignons, & celle de monseigneur saint Loys: & luy mesmes print & apporta lesdictz corps saintz sur l'autel, & y feit dire la messe par l'Abbé de ladicte Abbaye: & apres la messe feit apporter par ledict Abbé l'Oriflambe, & par ses mains la receut en la présence de plusieurs Seigneurs & Barons, & icelle bailla en garde à vn Cheualier, nommé messire Milles de Noyers: & ce fait, remeit & apporta luy mesmes lesdictz corps saintz en leurs lieux & chasses.

*Qui a bon  
coeur a la  
bataille  
tousiours trou-  
ue temps co-  
uenable.*

*De la grand' guerre que le Roy feit aux Flamens: & comment il restitua le Comte en sa Comté de Flandres.*

**Q**Uand son armée fut preste il partit, & sen alla à Arras, & passa oultre, & tira vers le Mont de Cassel, ou les Flamens estoient assemblez, & la feit mettre ses tentes pres de celles des Flamens, & fut le pays d'entour moult gasté: & quand les Flamens veirent l'ost du Roy approcher, ilz vindrent contre luy à moult grand' & puissante armee, & feirent vn grand coq de toille taincte, & par derision meirent vn escripteau dessus, auquel estoit escript: Quand ce coq icy chantera le Roy trouué cy entrera: & appelloient ledict Roy Philippe, le Roy trouué: laquelle mocquerie leur tourna apres à grād meschef. Lors le Roy ordonna ses batailles. La premiere bataille conduysoient les Marechaulx de France, & le grand Maistre des Arbalestriers: & auoyent six bannieres, & estoient avec eulx les gens de pied, & tout le charroy & bagage. Quand les Marechaulx vindrent aux champs, ilz baillerent aux Fourriers place pour les Maistres. La seconde bataille menoit le Côte d'Alençon, frere du Roy, en laquelle auoit vingt & vne bānieres: & print son tour pres du mont de Cassel, & illec se tindrent en bataille iusques à ce q̄ les tentes & pauillons fussent tenduz. La tierce bataille cōduysoit le Maistre de l'hospital d'oultre mer, & seigneur de Beauieu, & y estoient ceulx de Languedoc. La quatrieme conduysoit Gaultier de Chastillon, Connestable de France. En la cinquieme estoit le Roy en personne, & y auoit vingt neuf bannieres: & en sa cōpaignie estoit le Roy Philippe de Nauarre, le Duc de Lorraine, & le Côte de Bar: & y auoit vne aesse de six bānieres, que messire Milles de Noyers conduysoit, & portoit l'Oriflambe. La sixieme bataille conduysoit le Duc de Bourgongne, & y auoit xvij. bannieres. La septieme conduysoit le Daulphin de Vienne, & y auoit douze bannieres. La viij. conduysoit messire Robert d'Artois, Côte de Beaumôt, ou il y auoit dixhuyt bannieres: & y auoit vne aesse des gēs du Roy de Boesme, qui faisoient l'vnzieme. Tous sen allerent loger es lieux que les Marechaulx leur auoyent ordonnez: puis vint l'arrieregarde, ou auoit vingt & deux bannieres, & enuironna tout l'ost & tira vers le mont de Cassel, & s'alla loger en vne petite Abbaye, qui est là aupres. Le Roy enuoya ledict messire Robert d'Artois tenir la frontiere à saint Omer: & commanda au Comte de Flandres qu'il allast tenir frontiere vers l'Isle. Le lendemain arriua le Seigneur de Bourbon, en l'ost du Roy, avec grand nombre de gens. Les Flamens, qui estoient au mont de Cassel, veirent la grand' puissance du Roy, & la belle ordonnance de son armée: mais pourtant ne seffrayerent ilz point, & meirent leurs tentes hors la ville, & se logerent sur ledict mont de Cassel, affin que les François les peussent veoir. La furent les ostz trois iours sans riē faire. A la quatrieme iournée le Roy approcha, & vint loger à vne demye lieue pres d'eulx, sur vne petite riuiere qui s'appelle la Piēne. Adonc vint la messire Robert de Flandres, & amena aucunes bannieres qui estoient à luy. Lors le Roy print conseil commēt

*D'un coq  
que les Fla-  
mens feirent  
faire par de-  
rison du  
Roy Philip-  
pe, & des  
parollesque  
ilz disoyēt  
de luy.*

*L'ordnan-  
ce de l'ar-  
mée des Frā-  
coys, pour  
aller contre  
les Flamens.*

il pourroit tirer lesdictz Flamens hors dudit mont, & les faire descendre en la vallée, & pour ce cuyder faire enuoya lesdictz Mareschaux & leur bande de gens fourrager, & mettre les feux: mais pourtant ne se remuerēt ilz point: & quand lesdictz Mareschaux furēt retournez, ainsi qu'ilz se desarmoyent, & que les François de l'ost, & mesmemēt le Roy & ses Seigneurs estoient tous en leurs robbes, comme ceulx qui ne doubtoient riens, les Flamens descēdirent hastiement aual le mont contre les François, qui estoient en la vallée, cuydant les prēdre en desarroy: & lors lesdictz Mareschaux & leurs gens, qui encores n'estoient pas desarmez, allerent au deuant, & les feirent arrester. Ce pendant le Roy & ses gens s'armerent hastiement, & coururent sus ausdictz Flamens: & fut la bataille si grande & si aspre qu'il en fut tué desdictz Flamens, bien xix. ou vingt mil: & entre autres fut tué t Colin Rezequins, qui estoit le principal mutin, conducteur & Capitaine desdictz Flamens. Les gens du Roy, chaceans leurs ennemis, entrerent en la ville du Mont de Cassel, & pillerent & bruslerent la ville, la veille de la feste S. Barthelemy, au moys d'Aoust, l'an mil trois cens vingt & huyt. Apres celle descōfiture aucuns Flamens se vindrent rendre au Comte de Flandres, qui estoit avec le Roy, au chāp ou auoit esté la bataille, auquel le Roy se tint quatre iours: lesquelz Flamens le Roy condamna à diuerses peines. Puis reſtablit ledict Comte en sa Comté, en luy disant telles parolles: Beau cousin, gardez que deſormais, par deſſaulte de faire iustice ne nous faille plus par deçà retourner. Puis ſ'en partit le Roy, & passa la ville de l'Isle, lez Flandres, & ſ'en retourna en France.

† Froissard  
le nomme  
Colin Dan-  
nequin.  
L'an mil  
ccc.xxviii.

† P. Em. l'at-  
tribue à Phi-  
lippe le Bel

*Comment au retour de Flandres, le Roy retourna à Paris, & t presenta son cheual & harnoyz en l'eglise nostre Dame.*

Qui meit la  
representation  
d'un  
Roy à che-  
ual en l'egli-  
se nostre Da-  
me de Paris

**Q**uand le Roy fut retourné à Paris, il ſ'en alla remercier Dieu & nostre Dame, en la grād eglise d'icelle, & se feit armer, & entra en ladicte eglise tout le long de la nef, armé, à cheual, iusques deuant le Crucifix: & presenta son cheual & ses armeures à nostre Dame, en luy attribuant l'honneur & la gloire de sa victoire: & en ſigne de ce est encores la presentation tout à cheual en la nef de ladicte eglise de Paris: & dōna à icelle eglise cent liures de rente perpetuelle, qui leur acquist & assigna en Gaſinois. Enuiron celle ſaison la guerre, qui longuement auoit duré entre les Anglois & les Eſcoſſois, fut appaisée par appoinctement, & fut fait le mariage de la fille du Roy d'Angleterre avec le filz du Roy d'Eſcoſſe: lequel promist ayder audit Roy d'Angleterre, en toutes ſes guerres & armées, le Roy de Frāce excepté. En ce tēps pape Iehan, qui auoit octroyé au feu Roy Charles le Bel, en ſon viuant, deux dixiemes, les cōferma de rechef audit Roy Philippe de Vallois: & apres ce furēt trouuées des cedulles attachées aux portes de pluſieurs eglises de Paris, qui furēt attachées par nuyt: par lesquelles estoit contenu q l'Empereur, le Duc de Bauiere, & autres leurs complices tenoyent le pape Iehan pour heretique, & auoyēt à leur poſte fait eſlire à Romme vn Antipape, de l'ordre des freres Mineurs, nommé frere Pierre t Ramuche, Cordelier, & fut à ſa conſecration nommé Nicolas le quint: & pour le conſacrer feirēt & promeurēt pluſieurs Cardinaulx, preſque tous mendians. Lesdictz Empereur & Antipape furent aucun temps à Romme, à grands deſpens des Rommains, qui ſ'en ennuyèrent, & ne les voulurent plus porter ne ſouſtenir: & par ce furēt contrainctz eulx en partir hors de Romme, & alloyēt vaguans par les villes d'Italie: & auoit esté fait ledict Antipape, en hayne de ce que ledict pape Iehan ſe tenoit es marches de France, & obtemperoit trop aux voluntez du Roy de France.

† Plar. et au-  
tres diſent  
Reatin ou  
de Reate, et  
miculx.

*Comment les Flamens ſeſleuerent de rechef contre leur Comte: & comment l'Antipape fut excommunié.*



**P**E Comte de Flandres, q le Roy auoit reſtably à ſa ſeigneurie, n'oublia pas ce q le Roy luy diſt à ſon partement, c'eſt à ſçauoir qu'il feiſt iuſtice des malſaictours: car dedās trois moys apres il ſeit mourir des conſpirateurs & principaux mutins des villes de Flandres, bien dix mil ou enuiron: parquoy vn des principaux Capitaines desdictz Flamens, nommé Guillaume le Chanu, de Bruges, eut paour, & ſ'en alla au Duc de Braban, luy requerir ayde pour les Flamens contre ledict Comte de Flandres, leur Seigneur, & luy faiſoit grands promeſſes de gens, d'argent, armeures, cheuaux, & autres choſes: mais ledict Duc fut ſaige, & diſt qu'il ne le feroit pas ſans l'aſſentemēt du Roy de Frāce. Apres, iceluy Duc enuoya, par aucuns de ſes gēs, ledict Guillaume Chanu deuers le Roy: a l'encontre duquel Chanu furēt faiſtes informations & enqueſtes: & luy trouué coupable fut tourné au pillory, coppé les deux poings, & puis mis ſus vne roue: & quād on veit qu'il ſ'enclinoit à mourir, il fut trayné à la queue d'une charrette, & puis apres pendu au gibet de Paris.

En ce temps



En ce temps le pape Iehan feist publier à Paris aucun proces contre ledict Antipape, nommé Pierre Ramuche, qui se faisoit appeler pape Nicolas le quint : & estoit contenu qu'iceluy Ramuche auoit esté marié auant que d'estre Cordelier, & auoit abandonné sa femme : & que ladicte femme, nommée Ichâne Mathie, viuoit encores, & l'auoit fait semondre & citer : mais en contemnant les constitutions & commandemens de l'Eglise, il ne vouloit point retourner à elle : parquoy l'excommunioit. En ce mesme temps le Roy enuoya les messagers en Angleterre, pour sommer le Roy Edouard d'Angleterre, de luy venir faire hommage de la Duché d'Aquitaine : lesquelz messagiers ne peurent trouuer façon de parler à luy : mais parlerent à madame Ysabeau de France, sa mere, seulement : laquelle leur feist vne response ambigue & impertinente, comme femmes ont accoustumé de faire : & ce faict lesdictz messagers s'en retournerent en France, sans autre chose faire. Quand le Roy les eut ouys, il y en renuoya d'autres, signifier audict Roy Anglois, que s'il ne vouloit faire ledict hommage, il procederoit à l'encontre de luy, par voye iuridique : & ce pendant feist saisir ladicte Duché de Guyenne.

*Le Duché de  
Guyenne fait  
sic pour le  
Roy.*

*Comment le Roy d'Angleterre vint à Amyens deuers le Roy, & luy feist  
hommage de la Duché de Guyenne.*



AN mil trois cens vingt & neuf apres lesdictes sommations, le Roy Edouard d'Angleterre se mit sur mer pour venir en France, & vint descendre à Boulogne. Quand le Roy sceut sa venue il alla avec grand' cōpaignie iusques à Amyens, & enuoya au deuant de luy des plus grands de son lignage. Le Roy d'Angleterre vint à Amyens, ou le Roy le receut grandement, & honorablement. Puis parlerent de la matiere pour laquelle ilz estoient assemblez, requerrant le Roy que ledict Roy Anglois luy feist hommage pour la Duché d'Aquitaine, & Comté de Ponthieu, qu'il tenoit. Le Roy d'Angleterre allegua que feu messire Charles de Valloys, pere du Roy, quand il alla en Guyenne contre le feu Roy d'Angleterre, son pere, il l'auoit despouillé d'une grand' portion de ladicte Duché d'Aquitaine, & qu'il n'estoit tenu faire hommage iusques à ce qu'il fust reintegré de ladicte portion. Le Roy dist au contraire que ledict feu Roy d'Angleterre auoit confisqué celle partie d'Aquitaine & plus. Finablement fut dict que le Roy d'Angleterre feroit hommage lige de la portion qu'il en tenoit, & que ce que le Roy en tenoit demourroit à la couronne de France : laquelle portion auoit esté forfaitte par le feu Roy d'Angleterre, son pere : toutesfois si le Roy d'Angleterre se sentoit de ce greué, vint à Paris, & là luy seroit fait droit par le iugement des Pers de France : & ainsi ledict Roy d'Angleterre feist hommage de ladicte portion, & de la Comté de Ponthieu, en la maniere dessus declarée. Ce faict, furent faictes iouistes & esbatemens, & grands honneurs audict Roy d'Angleterre : & apres se departirent lesdictz Roys. Le Roy s'en vint en France, & le Roy d'Angleterre s'en retourna : & enuoya ledict Roy d'Angleterre les lettres dudiect hommage, données à Eselin, le trentieme iour de Mars, mil trois cens & trente : lesquelles lettres d'hommage Iehan Froissard auoit incorporées de mot à mot en sa Cronique, sur ladicte année. En ce temps le Roy de Chipre, ayant desir que son royaume fust anobly de la semence de France, enuoya solennelle Ambassade deuers monseigneur Loys, Comte de Clermont, luy requerir sa fille en mariage, pour son aîné filz : laquelle luy fut oütoyée, & l'emmenèrent le Patriarche de Hierusalem, vn Euesque, & autres messagers dudiect Roy de Chipre, honnestement accompagnée. En ce mesme tēps le Duc Iehan de Bretagne, filz d'Artus, espousa en l'Eglise nostre Dame de Chartres, la soeur du Comte de Sauoye, le Roy de France present : & parauant auoit eu deux femmes. La premiere auoit esté soeur dudiect Roy Philippe de Valloys : & la seconde, nommée Blanche, fille du Roy de Castille : de toutes lesquelles il n'eut aucuns enfans. Il auoit vn frere, nommé Guy, qu'il maria à la dame d'Auulgour, & luy donna la seigneurie de Pointhieure : & desdictz Guy & dame d'Auulgour y eut vne fille, nommée Ichanne, qui fut boyteuse. Ledit Guy trespassa l'an mil trois cens trente, delaisant ladicte fille : laquelle sondict oncle maria à messire Charles de Bloys, filz puîné de Guy, Côté de Bloys, & de la soeur du Roy Philippe de Valloys : & luy feist faire par les Barons hommage, & prindrēt le nom & les armes de Bretagne, & par le traité dudiect mariage la feist son heritiere audict Duché, par le consentemēt des Barons dudiect Duché, reiettant à son pouoir Iehan, Comte de Montfort, soubz couleur du mariage d'elle, combien que ledict de Montfort fust son frere de pere, & filz d'Artus, & de la Comtesse de Montfort, nommée Yoland, qui auoit autrefois espousé le Roy † d'Ecosse, comme dict à esté dessus.

*L'an mil ccc.  
xxix.*

*Hommage  
fait p le Roy  
d'Angleterre  
au Roy de  
France, de la  
Duché d'A-  
quitaine.*

*† Parauant  
au fueil. 125  
pag. 2. dis  
Roy de Sirie*

*Comment le Roy Philippe de Valloys feit abbatre les murs & portaulx des villes d'Ipre, Courtray, & autres villes de Flandres.*

L'an mil  
ccc.xxix.  
La seigneurie de Bour-  
bon fut eri-  
gée en Du-  
ché.

**A** Pres ces choses le Roy, congnoissant le grand orgueil qui estoit es cœurs des Flamens, qui ne vouloyent obeyr à leur Comte, enuoya en Flandres aucuns commissaires, qui feirent abbatre & desmolir les portes, tours & fortifications des villes d'Ipre & Courtray, & autres villes & forteresses, dont les Flamens eurent grand despit: car iamais n'auoit esté fait en Flandres vn tel exploit. Audiēt an mil trois cens vingt & neuf, fut la seigneurie de Bourbon erigée en Duché: & en fut messire Loys, Comte de Clermont, & de la Marche, seigneur de Bourbon, premier Duc. En celle année l'Euesque de Paris, accompagné de plusieurs Prelatz, au paruy de deuāt la porte nostre Dame de Paris, de l'autorité du Pape Iehan excommunia publiquement frere Pierre Ramuche Antipape, Loys de Bauiere Empereur, & frere Michel General de l'ordre des freres Mineurs. En ce tēps le Roy Philippe feit appeler tous les Prelatz du royaume, pour corriger les abuz qu'eulx & leurs Officiaulx faisoient, touchant les iustices: & cuyderēt aucuns qu'il voulsist offer audictz gens d'Eglise leursdictes iustices, mesmement temporelles, mais non feit. En icelle mesme année le Roy feit nouvelle monnoye, foible, par le conseil de Raymon de Bediers, cōme on disoit: lequel Bediers tantost apres se desespera, & se pendit. En celle mesme saison pource qu'Aymon, frere du feu Roy d'Angleterre, ne vouloit obeyr au Roy Edouard, son nepueu, & disoit que le vieil Edouard, son frere, n'estoit point mort, & qu'il viuoit encōres, ledict Edouard, son nepueu, luy feit coper la teste.

*Comment le Roy alla en Auignon veoir le Pape, & comment l'Antipape vint requerir pardon.*

Mil trois cēs  
trente.

**E**N l'an mil trois cens trente la Roynie de France, soeur du Duc de Bourgogne eut vn filz, qui fut nommé Loys: & pour ceste cause, comme l'on disoit, se partit le Roy pour aller en voyage à S. Loys de Marseille, son oncle de par sa mere: mais ledict enfant xv. iours apres sa natiuité trespassa, & fut enterré en l'eglise des freres Mineurs à Paris. Le Roy en sen retournant visita le pape Iehan, qui estoit en Auignon, qui le receut honorablemēt & familièrement: puis sen retourna le Roy en France: & tātost apres ledict Pierre Ramuche Antipape, qui se nōmoit Nicolas, congnoissant son mal, vint & entra en Auignon en habit seculier & dissimulé, pour la crainte du peuple: & le lendemain se monstra en l'eglise, en la presence dudit pape Iehan, en habit de Cordelier, criant & disant: Pere i'ay peché & erré, & suis indigne de pardon, toutesfois ie viēs au giron de sainte Eglise. Lors le Pape mota en chaire, & feit vn preschemēt & dist entre autres choses q' l'Aigle esgarée ne doit pas aux chiēs estre liurée: & quād le Pape eut finē son sermon, l'Antipape se ietta à ses piedz vne corde au col. Lors le Pape luy osta le lyē du col, & le leua, & le receut à trois baisers: c'est à sçauoir aux piedz, à la main, & à la bouche: dont plusieurs s'esbahyrent: puis feit chanter *Te Deum laudamus, te dominū confitemur*. En celle année mōseigneur Philippe, Comte d'Eureux, fut en la cité de Pampelune courōné Roy de Nauarre, dont le royaume luy appartenoit à cause de sa femme, qui fille estoit du Roy Loys Hutin, come dict est dessus.

*De l'arrest de Parlement, touchant la Comté d'Artois, donné contre messire Robert d'Artois: & des faulces lettres que feit vne Damoysselle: & comment ledict messire Robert esmeut grand guerre contre le Roy.*

† Dorefnant nous  
pourrez li-  
re aucc Troi-  
sard, pource  
qu'il estoit  
de ce temps  
la, ou peu  
apres.

**E**N ce tēps messire Robert d'Artois, Comte de Beaumont, qui auoit espousé la soeur du Roy, & le gouuernoit paisiblement, recōmença proces contre madame Mahault, Comtesse d'Artois, si cōme il auoit autresfois fait, & en auoit esté fait & donné contre luy arrest en Parlemēt: & maintenoit que les lettres de conuenance du mariage d'entre monseigneur Philippe d'Artois, son pere, & dame Blanche de Bretaigne, sa mere, par lesquelles ladiēte Comté d'Artois luy appartenoit, auoyent esté par fraude mussées: si les auoit de nouuel trouuées, & les produysit en iugemēt contre le Duc de Bourgogne, frere de la Roynie, qui tenoit ladiēte Comté à cause de sa femme, fille du Roy Philippe le Long, & de la Roynie Ichāne, fille de ladiēte Cōtesse Mahault: mais lesdictes lettres par luy produictes furēt trouuées faulces, & nonobstāt icelles parrest de ladiēte court de Parlemēt, ladiēte Comté fut adiugée audiēt Duc de Bourgogne: & fut adueré qu'une Damoysselle de Bethune, appelée la Damoysselle de † Dunon, auoit esté cause de faire lesdictes faulces lettres: & elle mesmes, qui estoit

† als Di-  
uyon.

estoit fort subtile & ingenieuse, y auoit placqué le scel d'une autre lettre : pour laquelle cause icelle damoyse fut bruslée au marché aux pourceaulx à Paris. Tantost apres, durant ledict proces, ladiete dame Mahault trespassa à Paris : & fut son corps enterré au conuent des freres Mineurs, à Paris, & par sa mort ladiete Comté escheut à sa fille la Roynne Iehanne de Bourgogne, veufue de feu Philippe le Long, Roy de France. Quand ledict messire Robert d'Artois, Comte de Beaumont, veit comme les choses alloient contre luy, il fut moult courroucé, & dist telles parolles du Roy : Par moy, & par mes poursuytes & diligences fut fait Philippe Roy de France, mais par moy en sera desmis. Tantost apres iceluy messire Robert feit secrettement mener ses cheualx & besongnes à Bordeaulx, & se mit sur mer, & s'en alla vers le Roy d'Angleterre : & depuis se retira ledict messire Robert à Guillaume, Côte de Haynault, & deuers son cousin le Duc de Braban, ou il se tint aucun tēps. Quand le Roy sceut son parterement, il feit saisir ses terres, & luy manda qu'il se vint purger personnellement des cas qu'on luy imposoit, deuant les Pers de France, mais il n'en tint cōpte. Et est à sçauoir q' ledict messire Robert s'estoit grādemēt allié, se retirāt vers le Côte de Haynault. Car il auoit marié ses filles, l'une au Roy d'Angleterre, l'autre à Loys de Bauiere, Empereur d'Allemagne, l'autre au Duc de Iuilliers, & la quarte estoit fiancée au filz du Duc de Braban : tous lesquelz Princes & autres ledict messire Robert esmeut contre le Roy, au moyē dudiēt Côte de Haynault leur beau pere : mais le Roy feit rompre le mariage du filz du Duc de Braban, & luy dōna le Roy l'une de ses filles, & par ce allia à luy le Duc de Braban. Puis trouua façon le Roy de France d'attirer à son alliance le Roy de Boesme, qui se disoit aussi Empereur d'Allemagne, Princes & Seigneurs de diuers pays, l'Euesque du Liege, & plusieurs autres : tous lesquelz vindrent deuers luy à Compiègne, & la le Roy donna à son aîné filz Iehan la Duché de Normandie. En l'an mil trois cens trente & vn, se meut guerre entre messire Iehan de Challon, & le Duc de Bourgongne, en laquelle fut tué messire Charles d'Eureux, Comte d'Estampes : mais le Roy print la question en sa main, & ne combattirent point : toutesfois les Bourgongnons de la Comté feirent hōmage audiēt Duc, & le retindrent pour leur seigneur, à cause de sa femme.

Vne Damoyse  
felle faulxai  
re bruslée à  
Paris.

L'an mil ccc.  
xxxii.

*Comment messire Robert d'Artois fut declairé banny, & ses biens confisquez :  
& du mariage de monseigneur Iehan, filz du Roy, à la fille du Roy de Boesme.*



Edict messire Robert d'Artois, Comte de Beaumont, fut si courroucé qu'onques puis ne cessa de brouiller & contrarier au Roy, & à la couronne de France : & apres ce qu'il eut esté cité & appelé par plusieurs iournées, en la presence d'aucuns des messagiers qu'il auoit enuoyez (lesquelz toutesfois n'auoyent point de pouoir de luy sinon de l'excuser) fut par le Roy, tenant son siege, en la presence des Pers de France, declairé banny du royaume, & ses biens confisqz. Apres ladiete sentence le Roy partit de Paris, & s'en alla à Melun, & la feit faire les nopces de monseigneur Iehan son filz, & de la fille du Roy de Boesme, & puis s'en retourna à Paris : & le iour de la feste saint Michel, en la chapelle du Palais, en la presence des Roys de Boesme, de Nauarre, des Ducz de Bourgongne & de Braban, & de plusieurs Prelatz, Barons, Cheualiers & Nobles, feit proposer qu'il auoit intētion d'aller oultre mer en l'ayde de la sainte terre, & qu'il laisseroit, Iehan son aîné filz, Duc de Normandie, pour gouverner le royaume (lequel estoit encores en l'age de quatorze ans) & feit iurer lesdictz Princes & Prelatz, illec presents, qu'ilz luy feroient obeissance durant son absence, & que sil aduenoit qu'il trespassast audiēt voyage, ilz le couronneroyent Roy de France.

En l'an mil trois cens trente deux, frere Pierre de Paluer, de l'ordre des freres Prescheurs, fut fait Patriarche de Hierusalē : & l'enuoya le Roy vers le Souldan en Ambassade, à ce qu'il cessast de faire guerre aux Chrestiens. A son retour il feit relation de la grand' obstination du dict Souldan : parquoy Pape Iehan ordonna le passaige d'oultre mer, & commanda audiēt Patriarche prescher la croysée, & feit le Pape le Roy Capitaine general de ladiete armée & voyage. parquoy apres ladiete feste saint Michel, par ledict Patriarche feit le Roy faire vn Sermō au pré aux clercz, près Paris, pour prédre la croix pour aller oultre mer, & luy mesmes se croisa le premier & grand' quantité de Nobles, & autres, en la presence des Roys de Boesme & de Nauarre, les Ducz de Bourgogne, de Braban, & de Lorraine : & ce mesme iour feit le Roy de France le mariage de madame Marie, sa fille, au filz dudiēt Duc de Braban. Apres commanda ladiete croysée estre preschée par tout le royaume. ce qui fut fait, & se croyserēt plusieurs personnes, mais non pas tant qu'on cuydoit qu'il s'en deust croysier : car plusieurs eurent imagination que ladiete croysée se faisoit seulement pour auoir occasion de leuer argent sur le

L'an mil ccc.  
xxxii.

Le Roy de  
France fut  
fait Cap-  
taine gene-  
ral de l'ar-  
mée pour al-  
ler oultre  
mer.

royaume, ainsi qu'autresfois on en auoit esté abusé. Tantost apres le Roy enuoya messire Raoul d'Eu, Connestable de France, & l'Euesque de Beauuais, les Ambassadeurs, en Angleterre, pour traicter de paix, dõt le Pape l'auoit fait admonnester: & requierent lesdictz Ambassadeurs au Roy d'Angleterre de par le Roy de France, que pour la reuerence de Iesus Christ il voulsist entreprendre ledict voyage d'oultre mer. Ledit Roy d'Angleterre feit responce que moult luy sembloir estrange chose que le Roy de Frâce entreprinst ledict voyage d'oultre mer, & toutesfois il ne luy tenoit pas les choses qu'il luy auoit pmises: & chargea lesdictz messagiers qu'il luy dissent que quand il luy auroit acomply ses promesses, qu'il luy auoit faites, il seroit plustost prest d'aller audict voyage que luy: & s'en retournerent les messagiers sans riens faire: & par ce fut renouelée la guerre entre les deux Roys: & pource que le Roy fut aduertie qu'il y auoit plusieurs Anglois au chasteau de Xainctes, il enuoya le Comte d'Alençon, son frere, qui feit raser ledict chasteau.

En ce temps, pource que le Pape Iehan auoit presché en Auignon, publiquement, que les ames de ceulx qui trespassoyent en estat de grace ne verroyent point Dieu iusques apres le iour du iugement, & auoit enuoyé ledict Pape deux freres, l'un Prescheur, & l'autre Mineur pour publier sadiete oppinion, dont sourdit grād' murmure entre les clerics de l'Vniuersité de Paris, la chose venue à la congnoissance du Roy, il feit assembler grand nombre de Docteurs Theologiens, & autres de ladiete Vniuersité, & par leur oppinion fut trouué que le contraire de ce que disoit ledict Pape estoit vray, & les oppinions desdictz Theologiens feit le Roy rediger par escript, & mettre en trois lettres, contenant chacune vne forme, sellées de trente des seaulx desdictz Docteurs, & les enuoya au Pape, & luy manda qu'il corrigeast ceulx qui erroient au contraire: & aucun temps apres ledict Pape trespassa en Auignon, & luy estant malade au liēt de la mort il appela & reuocqua ledict erreur qu'il auoit voulu tenir. Apres luy fut esleu le Cardinal de saincte t Praxede, qui auoit esté moyne de Cisteaulx, qui fut appelé Benedic xij. de ce nom: lequel Benedic eut grand' guerre contre ceulx de Milan, & contre les Guibelins, qui desconfirent ses gens, dont il fut moult appauury: & par ce enuoya en France requerir aux gens d'Eglise du royaume qu'ilz luy feissent aucun ayde pour sa guerre: mais le Roy luy contredist & empescha, par ce que t i' n'auoit esté fait en France: & voyant le Pape qu'il ne pouoit auoir ayde desdictz gens d'Eglise de France, sans la faueur du Roy, il luy escriuit vnes lettres de belles parolles, & ottroya au Roy la decime de deux années, sur lesdictz gens d'Eglise de son royaume: parquoy le Roy se consentit que lesdictz gens d'Eglise de son royaume feissent ayde au Pape: par ce voila comment il en alla: Donne men ie t'en donneray. Iceluy Pape Benedic fut dur à donner benefices à nulles gens, filz n'estoyent dignes de les auoir, & n'en vouloit donner aucun à ses parens, & disoit que les Papes n'ont aucuns parens, & priua plusieurs des benefices qu'ilz tenoyent, par ce que les vns n'estoyent capables, & les autres en tenoyent trop: & affin que doresnauant on ne donnast aucun benefice aux indignes, il feit vne Decretale, qui se commence par son nom: *Benedictus Deus in donis suis*. Oultre ce feit le Roy de grandes exactions sur ses subiectz. Lors vindrent en l'ayde du Roy de Frâce quarante galées Geneuoises, qu'il auoit enuoyé querir par messire Hue t Queuret, son Admiral, & en estoit conducteur vn nommé t Barbenoire, & prindrent moult de nautres du Roy d'Angleterre, & coururent & prindrent les isles de Gaze, & autres portz d'Angleterre, & luy firent moult de dommage. En celle saison les gens du Roy prindrent aussi sur les Anglois le chastel de Mottendre, & autres fortereſſes en Xaintonge. En ce temps fut adiugée au Roy par forfaiture vne belle maison appelée le Moncel, pres le pont saincte Maxence, en laquelle il fonda vne moult belle Abbaye, ou il meit nonnains pour Dieu prier. En ce temps aussi la sœur dudit Roy Philippe, femme de messire Robert d'Artois, qui estoit banny, fut soupesonnée d'auoir fait aucuns veuz & charmes: parquoy elle fut prise, & mise prisonniere à Chinon, & ses enfans aussi enuoyez prisonniers à Nemours.

*Comment le Roy alla visiter le Pape: & d'un Preuost de Paris qui fut pendu.*

*t autres six* **L**An mil trois cens trente t cinq, le Roy se meit en chemin pour aller vers le Pape Benedic, en Auignon: mais en chemin luy print vne maladie, parquoy il n'y peut aller, & luy enuoya ses Ambassades pour obtenir certaines requestes sur le fait du voyage d'oultremer, lesquelles le Pape ottroya liberalement. Apres ce que le Roy fut guery, luy & monseigneur Iehan Duc de Normâdie, son filz, alerent visiter les villes & citez des loingtains parties de son royaume: & en s'en retournant passa en Auignon ou ledict Pape Benedic estoit, qui le receut honnorablement, & parlerent de plusieurs matieres, & entre autres des choses necessaires & viles pour ledict voyage d'oultremer.

tremer. Puis print le Roy avec le Pape grand' familiarité & accointance : & apres se meit au retour, & passa par Marseille & Prouence, pour veoir & visiter les nauires qu'il auoit fait apprester, pour faire ledict voyage d'oultremer, & enuoya dedans aucunes gallées messire Iehâ de t Sepay, Admiral, oultremer, pour veoir & espier la contenance des Turcz. Puis passa par Lyon & vint par Bourgongne, ou il trouua que le Duc & Comte de Bourgongne, & messire Iehâ de Chaalon, auoyent grâd' guerre ensemble, pour le fait du reuenue des pays de Sallins, & ne les peut pour ceste fois appoincter, mais prindrent seulement vne trefue : & l'année ensuyuant le Roy les feit venir vers luy, & les appoincta du tout. Enuiron celle saison tresgrandes & solennelles alliances furent confermées entre les Roys & les royaumes de France & d'Espaigne. Enuiron la Magdalaine, mil trois cens trente six, messire Hugues de Coucy, Cheualier de Bourgongne, Preuost de Paris, qui auoit esté President en Parlement, fut accusé & attainct de plusieurs crimes, abuz, & iniustices qu'il auoit commises en son office: & fut condâné à estre pendu & estranglé au gibet de Paris: laquelle sentence fut executée.

† alias  
Sepoy.

Le Preuost  
de Paris fut  
pendu au  
gibet de Pa  
ris.

Audiēt an Iehan, Duc de Bretagne, voyant qu'il ne pouoit auoir hoir de son corps, voulant euitier les discordz qui pouoyent venir entre les siens, à cause de sa succession, p ce que les vnz disoyent desia luy viuant, que ma dame Iehanne, iadis fille de feu Guy, de Bretagne, Vicomte de Lymoges, frere dudiēt Duc, deuoit estre son heritiere, & que les autres disoyent que mōseigneur Iehan de Bretagne, Comte de Montfort, son frere puîné, le deuoit estre, octroya au Roy de France qu'il eust sa Duché apres sa mort, en telle maniere que fil aduenoit qu'il eust hoir de sa femme, qu'il eust la Duché d'Orleans: mais aucuns Bretōs l'empeschèrent, & ne sortit point la matiere d'effect. Les gens du Roy d'Angleterre prindrent par trahyson le chastel de Paracourt, en Xaintonge, & le leur liura vn gentil homme de Languedoe: lequel pour ceste cause eut la teste coppée, à Paris.

### *Comment au pourchas de messire Robert d' Artois, le Roy d' Angleterre descendit en France.*



Essire Robert d' Artois, qui comme dict est dessus, auoit esté banny du royaume de Frâce, estoit lors en Angleterre, & par tous les moyens qu'il pouoit, animoit le Roy d' Angleterre, & tous les Princes avec lesquelz il auoit alliance & affinité, à eulx esmouoir contre ledict Roy Philippe de Valloys: & tant feit & pourchacea que ledict Roy d' Angleterre feit vne grand' armée par mer & par terre, & descendit en Xaintonge, ou il feit plusieurs maulx. Pour laquelle cause le Comte d'Eu, Cōnestable de France, les Comtes de Foix, & d'Armignac, prindrent plusieurs villes en Gascongne, que tenoit le Roy d' Angleterre. Semblablement Nicolas Buschet, Thresorier de Frâce, assembla plusieurs nauires, & feit vne course en Angleterre, & brusta vn port, & plusieurs bourgs à l'environ: & en s'en retournant ses gens pillerent & bruslerent les Isles de l'arre: par quoy le Roy d' Angleterre, pour resister aux François, enuoya en Gascongne messire Verard d'Allebret: & aussi enuoya pour auoir l'alliance du Comte de Flandres, & des Flamens. Si fassemblerent pour ceste cause le Comte & les Flamens, en la ville de Bruges: & pource q le Cōte, qui à celle heure estoit bō François, sceut qu'vn Cheualier Gantois, qui la estoit, auoit machiné contre le Roy, il le feit prédre & amener deuers le Roy, dōt ceulx de Gand furent courrouce: si enuoyerent à ceulx de Bruges, à ce qu'ilz leurs voulsissent ayder contre leurdict Cōte: & pource que le Comte sceut qu'aucuns de Bruges se vouloyent accorder & adherer audictz Gantois, il alla en personne à Bruges, pour les punir: mais quand ceulx de la ville sceurent sa venue, ilz s'armerent, & allerent au marché: & lors le Comte & messire Robert de Fiēnes, vindrent contre eulx à bannieres desployées, audiēt marché, & sentrebatirent tresbien, & y eut moult de gens tuez: mais à la fin il conuint audiēt Comte qu'il se reculast: & tantost apres s'en vint ledict Comte deuers le Roy.

Le Roy  
d'Angleter  
re suscita  
les Flamens  
à luy ayder  
à faire la  
guerre con  
tre le Roy  
de France.

### *Comment les Flamens fallierent aux Anglois, par le moyen d' Arteuelle, Capitaine des Flamens.*



Pres ce le Roy d' Angleterre, par le moyen d'aucunes intelligences qu'il auoit, enuoya en Flandres grand nombre d' Anglois, en la faueur des Flamens, contre ledict Comte: lesquelz Anglois feirent beaucoup de maulx, & puis s'en retournerent. Apres ce que le Roy sceut que les Flamens festoyent ainsi esmeuz, il enuoya deuers eulx pour les appoincter avec ledict Cōte, & les attraire & allier de sa

Arteu-  
Capitaine  
des Flamens

de sa part, mais ilz n'y voulurent entendre: & semblablement y enuoya le Roy d'Angleterre: lequel par grands promesses & persuasions attrahit à soy vn nommé laques d'Arteu-elle, qui estoit de Gand, qui autresfois auoit esté avec feu messire Charles de Valloys, en Lombardie, & en l'isle de Rhodes, & apres auoit esté varlet fruietier du feu Roy Loys Hutin, & depuis estoit retraict à Gand, dont il estoit natif, & auoit espousé la femme d'un brasseur de ceruoysse, & depuis nagueres les Flamens l'auoyent fait leur Capitaine: & par le moyen d'iceluy Arteu-elle, qui donnoit à entendre que sans la communication de marchandise, & bienvueillance des Anglois, ceulx de Flādres ne pouoyent bonnement viure, n'eulx entretenir, apres plusieurs prechemens & persuasions lesditz Flamens fallierent audict Roy d'Angleterre.

*Comment les Flamens retindrent leur Comte: & comment il s'en partit de Flandres secrettement & d'emblée: & comment le pays de Flandres fut interdict.*



Bonne cau-  
telle dont u  
sa le Cōte  
de Flādres.

Vand le Comte de Flandres, qui estoit avec le Roy de Frāce, sceut ces nouuelles, il alla en Flandres, pour veoir s'il les pourroit desmouir de leur mauuais propos: mais quand il fut par delà ilz le retindrent comme prisonnier: parquoy il faignit d'estre de leur partie, & luy baillerent vn habillement de leurs couleurs, qu'il porta. Vn iour le Comte, à qui il greuoit moult d'estre en la subiection desditz Flamens, ses subiectz, pour trouuer façon d'eschaper de leurs mains, s'aduisa de prier des dames & damoyelles de Gand à dīner avec luy, & fait faire grāds pparatiōs: mais quād il eut ouy la messe, il dist qu'il vouloit aller vōler vn heron auant que dīner. Il monta à cheual & s'en vint hastiement deuers le Roy, sans retourner, & ainsi faillit la feste. Quand ledict Comte fut venu deuers le Roy, au moyē des censures esquelles iceulx Flamens festoyent obligez & soubz mis, le Roy fait mettre l'interdict en Flandres, & excommunier lesditz Flamens: lesquelz à ceste cause furent vn peu refroidiz de leur malle volunté.

*Comment le Roy d'Angleterre alla en Allemagne, & fit alliance avec l'Empereur & plusieurs Princes, contre le Roy de France, à la poursuyte de messire Robert d'Artois: & comment le Roy d'Angleterre print les armes de France escartelées avec celles d'Angleterre.*

L'an mil ccc.  
xxxviii.



† le uieil  
exempl. ne  
merrien du  
nombre.

Quand le  
Roy d'An-  
gleterre  
prit premie  
remēt le til  
tre de Roy  
de France.

N l'an mil ccc. xxxviii. le Roy d'Angleterre passa la mer, & amena avec luy sa femme, qui estoit fille de messire Guillaume, Comte de Haynault, & niepce de Iehan de Henault susdict, & allerent en Braban, & en Allemagne, où ilz firent plusieurs alliances: & entre autres firent alliance avec Loys de Bauiere, qui se disoit Empereur, (combien qu'il fust excommunié de par le Pape) & autres Seigneurs d'Allemagne: & les prenoit ledict Roy d'Angleterre comme souldoyers, à certaine somme de deniers, au cas que si faulte de paiement y auoit lesdictes alliances estoient nulles: & vint ledict Empereur & ses Allemans iusq's à Anuers, à tout bien t xxxij. mil hommes de cheual, & deux cens mil de pied: & fait ledict de Bauiere ledict Roy Anglois Vicair de l'Empire: & par le conseil des dessusdictz ledict Roy d'Angleterre changea ses armes, & les porta escartelées des armes de France & d'Angleterre, & se nomma & intitula Roy de France & d'Angleterre. ce qu'il n'auoit iamais fait. Quand le Roy sceut ces choses, il assembla grād ost par mer & par terre, & estoit son armée bien à xxxiiij. mil hommes de cheual, & cc. mil hommes de pied, & alla à Amyens, attendant le retour d'Allemagne dudit Roy d'Angleterre, pour le combattre, & le prendre au passage: & fait le Roy scauoir à Iehan, Duc de Braban, & Guillaume de Haynault, qu'il n'estoit pas content de l'ayde & faueur qu'ilz donnoyent contre luy au Roy d'Angleterre, comme on luy auoit rapporté: si s'en vindrent excuser vers luy. Pour faire ladicte armée fait le Roy de grandes exactions sur son peuple, mesmement sur les gens d'Eglise (car il auoit requis le Pape Benedic, qu'il luy octroyast le decime de deux années) & en la compagnie du Roy estoient les Roys de Nauarre, & de Boesme, & son filz Iehan, Duc de Normandie, le Duc d'Alençon, son frere, & plusieurs autres Princes, & y furent long temps: & quand le Roy veit sa longue demoure, & qu'il sceut qu'il ne venoit point, il s'en retourna en France.

L'an mil ccc.  
xxxviii.

Audict an mil trois cēs trētehuyet, monseigneur Iehan, Duc de Normandie, eut vn filz, qui fut nommé Charles, leq'l apres luy fut Roy, cinquieme de ce nom. Enuiron ce tēps, en ensuyuant le priuilege



le privilege de Loys Hutin, Roy de Frâce & de Nauarre, fut conclud par les gens des Estatx de France, present ledict Roy Philippe de Valloys, qui s'y accorda, que l'on ne pourroit imposer ne leuer taille en France sur le peuple, si vrgente necessité, ou euidente vtilité ne le requeroit, & de l'oüroy des gens des Estatx. En ce temps le Roy erigea en Comté la seigneurie de Harecourt. En celle mesme année mil trois cens xxxviij. trespassa Guillaume, Comte de Haynault, qui auoit espousé Iehanne de Valloys, sœur dudit Philippe de Valloys: & luy succeda son filz, nommé Guillaume, audict Comté de Haynault, de Hollande, & de Zelade, lequel espousa Iehanne, fille du Duc de Braban: & ladicte Iehanne de Valloys sa mere, sœur du Roy, s'en vint demourer à Fontenelles, sur Escau, & vsa ses iours en l'Abbaye: & alors le Comte de Bloys auoit espousé Iehane, fille de messire Iehan de Haynault, seigneur de Beaumont, oncle dudit ieune Guillaume, Comte de Haynault. En l'an de grace mil trois cens treute neuf, furent par les Geneuois, qui estoient venuz à l'ayde des François, à grand' quantité de nauires, & par les autres nauires de Frâce, prins les chasteaulx de Blaye, & Bourg, sur Girôde: parquoy enuiron la saint Michel audict an, le Roy d'Angleterre, qui estoit encores en Braban, esperant auoir l'ayde du Duc de Bauiere, Empereur, assembla grand ost d'Anglois, Brabançons, Allemans, & autres souldoyers, pour destruire France, & vindrent à Valenciennes, & en Cābresis, du costé de t Therasse. Pour obuyer à leur entrée, le Roy de Frâce se blablement assembla grand nombre de gens de guerre, & alla à Noyon, & à saint Quentin en Vermendois: & la attendit vne piece, quelle contenance tiendroyent les aduersaires, & ne voulut point le Roy qu'on entrast ne courust es terres de l'Empire, qui sont fort prochaines de ladicte ville de saint Quentin, & attendoit pour veoir si par aucuns moyens il pourroit pacifier sans faire guerre, affin d'euer effusion de sang humain, & autres inconueniens qui se peuuent ensuyuir, à cause de la guerre: mais il fut aduertty qu'il couroit vn bruyt par le royaume, qu'il ne faisoit cela que pour faindre, & qu'on l'imputoit & arguoit de lascheté: parquoy incontinent qu'il le sceut il arma, & fit armer ses gens, & se mit en voye droit vers l'ost des Anglois, & cheuaucha cinq grands lieues en bataille, iusques à vn lieu appelé t Bunorisfosse, en intention de combattre ses ennemys: mais aucuns des Seigneurs de Frâce qui estoient avec luy (lesquelz, cōme on disoit, auoyent aucune secreete intelligēce au Roy d'Angleterre) luy desconseillerent, & dirent que pour ce iour il ne deuoit batailler, car il estoit Védredy, & estoit basse heure, & que ses gens auoyent ia cheuauché cinq grosses lieues en bataille, & n'auoyēt point repeu, eulx ne leurs cheualx. Aussi disoyēt ilz qu'il y auoit vn mauuais pas entre les deux ostz, & luy conseillerent qu'il attendist iusques au lendemain: & tant fut le Roy persuadé qu'il les creut (qui luy vint à grand dommage & deshonneur) & ordonna que chacun fust prest à batailler le lendemain: mais le Roy d'Angleterre, qui fut aduertty de ces choses, & de la grād' puissance qu'auoit le Roy, s'en partit subtilement à l'heure de minuyt, & s'en retira en Braban, & de la à Anuers: & ainsi fut le Roy fraudé, dont il fut moult courroucé le matin quand il le sceut: parquoy il s'en retourna en France.

De ne leuer  
taille en Frā  
ce sans ap  
peler les E  
statz.

L'an mil  
ccc. treute  
et neuf.

t Froissard  
dit Thierac  
che.

t al. Bu  
nōfosse,  
& Burō  
fosse, &  
viroufos  
se.

Remonstra  
ce de nō cō  
batre fait  
au Roy de  
France par  
aucuns tra  
hystres.

*Comment les Flamens feirent hommage, & fallierent au Roy d'Angleterre, parquoy le Roy leur fait guerre: & de la grand' desconfiture qui fut sur la namre du Roy de France.*

**L**Antoist apres les Flamens, par l'enhortement de Iaques d'Arteuelle, se rebellerent contre le Roy, & fallierent & feirent hommage au Roy d'Angleterre, qui estoit venu à Gand, comme Roy de France, & tel le nommoiet & appeloient lesdictz Flamens: & comme faulx & desloyaulx laisserent leur Roy souuerain & naturel seigneur. Apres ce le Roy d'Angleterre s'en passa par Bruges, & par le Dan, & alla en Angleterre pour assembler gens & argent pour faire guerre au Roy de France, & laissa la Roynne sa femme, qui lors acoucha en l'Abbaye de saint Bauon, de Gand. Vn nombre de nauires du Roy d'Angleterre, en la saison d'yuer, vint soubdainement, & descendirent à Boulongne, & la ardirent la pluspart des maisons, qui estoiet sur le port: mais ilz furēt reboutez hastiuelement, & perdirent bien deux cēs homes de leurs gens: puis allerent à Dieppe. Au moys d'Auril, audict an six mil Flamens & quarante Cheualiers Anglois, avec le Côte de Salbery, & vn autre Comte, vindrent courre deuant l'Isle, lez Flandres: car lors ledict Roy Philippe pos sedoit ladicte ville de l'Isle, Douay, & Bethune. Les gens du Roy, qui estoient en garnison à petite compaignie, saillirent au deuant, & les combattirent, & feirent tellement qu'il n'en demoura que douze, dont ledict Côte de Salbery estoit l'vn, lequel fut prisonnier, & enuoyé au Roy, à Paris. Aucun tēps apres les Flamens & Brabançons offrirent paix au Roy, soubz aucunes conditions qu'il ne voulut accepter, par ce qu'ilz faisoient trop grandes demandes, & esmeut le Roy grād ost pour aller cōtre lesdictz Flamens: & pēdant q'ses gēs s'assembloyēt

t Ie ne dou  
te pas que  
ne trouuiez  
les guerres  
suyuantes un  
pen autre  
ment dedās  
Froissard,  
& autres:  
mais nous  
ne mouons  
pas chāger  
nostre au  
theur, ains  
seulement  
rēueoir ou  
on luy a fait  
tort, & l'ac  
corder a soy  
mesme a no  
stre pouoir.

*Le Ques-  
noy le Cō-  
te, & tout  
le pays d'en-  
uiron, fut  
exilé.*

*† al. vou-  
loyent.*

*l'ā mil ccc.  
xl.*

*La desconfi-  
ture qui fut  
faicte deuāt  
l'Escluse car  
de Frācoys,  
que d'An-  
glois & Fla-  
mens.*

il enuoya son filz, monseigneur Jehan Duc de Normandie, pour gaster la terre du Comte de Henault. Apres s'en alla le Roy à Arras: puis tira vers Cambray (car il tenoit & possédoit lors ladiète ville) & fonda son filz tenoit siege deuant vne place, nommée Bouchan, laquelle & plusieurs autres ilz prindrent au pays de Henault. Le Duc de Braban, le Comte de Gueldres, avec moult de Flamens, vindrent pour leuer le siege de deuant Bouchan, & y en eut moult de tuez: & fut la faicte le Duc de Bourgongne Cheualier: & apres lesdictz Ducz de Normandie & de Bourgongne allerent au Quesnoy le Comte, en Henault, & exillerēt tout le pays d'environ, ou ilz bruslerent bien deux cens que villes que villages: & feirent vne courie deuant Valenciennes, ou estoit le Côte de Henault, comme on disoit, appareillé de combatre: mais nul n'y fist hors de la ville: parquoy ilz s'en retournerent en l'ost du Roy, qui estoit à Arras, lequel s'en retourna en Frāce pour faire apprestre sa nauire, pour aller au deuant d'iceluy Roy d'Angleterre, affin de luy empescher à prendre port & terre en France: & furent faictez Capitaines des nefz du Roy, Hue, Gouverneur & Admiral de France, messire Nicole Buschet, Cheualier, Thresorier de France, & vn nōmé Barbenoire, Geneuois, qui assemblerent pour le Roy biē quatre cens nefz, qu'ilz auitaillerent, & entrerent dedans, eulx & leurs gēs. Si aduint que l'un desdictz Admiraulx ne voulut receuoir aucuns gentilz hommes en ses nefz: & disoit on qu'il le faisoit pour ce qu'il t vouloit auoir trop grāds soultes, & print pauures prisonniers & mariniers, pour ce qu'il en auoit grand marché. Puis se meirent en mer & passerent deuāt Calais, & s'arrestèrent deuāt l'Escluse, tellemēt que nul n'y pouoit entrer n'y s'ir. Si aduint que le Roy d'Angleterre fut aduertty que la nauire du Roy estoit tirée vers Flādrès: parquoy se meit sur mer, & avecques luy se meit messire Robert d'Artois, Comte de Beaumont, avec grand quantité de nefz & grand nōbre de gentilz hommes & Archiers: & la veille de la feste saint Jehan baptiste, l'an mil trois cens quarante, vindrent droit ou estoient les nauires du Roy deuant l'Escluse, & se meirent en ordonnance. Quand Barbenoire, l'un des Capitaines des nauires de France, qui auoit la charge, conduicte, & gouuernement de quatre gallées les veit venir, il luy sembla bien à veoir que la ou ilz estoient les Anglois auoyent grand' aduātage sur eulx, & le dit à ses compaignons, & leur conseilla qu'ilz prissent le large en la mer, & le vent & le soleil à l'aduantage, mais ilz ne le voulurent croire: parquoy luy, qui estoit expert & congnoissant en guerre de mer, se meit au large en la mer, & au dessus du vent auerqs les nauires dont il auoit la charge & conduicte. Les Anglois aborderent & frapperent sur les autres nauires: & d'abordée les Anglois eurent le pire, iusques à ce que le Roy d'Angleterre & la grand' flotte de ses nauires arriuaissent. Si commēça la bataille forte & cruelle, qui dura de puis prime iusques à nonné, si merueilleuse qu'il en mourut, tant d'un costé que d'autre, bien trente mil: mais finablement les nauires du Roy de France furent desconfites & prinsez: & fut ledict messire Nicole Buschet, l'un des Capitaines de France, prins tout vif: & apres le Roy d'Angleterre le fait pendre au maz d'un nauire, par ce que l'année precedente il auoit fait vne course en Angleterre, & fait plusieurs maux aux Anglois: & aduint ceste desconfiture par ce que les deux Admiraulx ne voulurent croire le conseil de Barbenoire: lequel Barbenoire se sauua, & les nefz dont il auoit charge, & en recueillit plusieurs autres petites de la charge des autres Capitaines, qui se retirerent à luy: & cōbien que le chāp demourast audict Roy d'Angleterre, toutesfois perdist il tous les nobles hommes de son pays, qui avec luy estoient, & grand nombre d'autres: & eust perdu la bataille (comme on dit) si n'eust esté l'ayde des Flamens, qui luy vindrent à secours. Le Roy d'Angleterre en ladiète bataille auoit esté blessé en la cuisse, & se tint aucuns iours en sa nauire, & la le vit veoir sa femme qu'il auoit l'aissée en gesine l'année precedente en Flandres: & en sa compaignie alla laques d'Arteuclle Capitaine des Flamēs. Quand ledict Roy d'Angleterre fut venu par eue iusques à l'Escluse, il descendit à terre, & s'en alla en Flandres, ou il fut par tout bien receu: & apres delibera luy & les Flamens de faire la guerre, & d'assaillir le royaume de France, par deux costez: c'est à sçauoir du costé de Tournay, & d'autre part vers saint Omer. Le Roy de France fut aduertty de ces choses, & assembla hastiuement ses gens en moult grand nombre, & enuoya le Côte d'Eu, Connestable de France, le Comte de Foix, le Marechal Bertrand, & quatre mil hommes d'armes à Tournay: & puis enuoya le Duc de Bourgongne & le Comte d'Amignac à tout quarante & deux bannieres, à saint Omer: & le Roy de France estoit entre eulx & Arras avec sa bataille.

Comment

*Comment l'armée des Flamens, que conduysoit messire Robert d'Artois, fut desconfite deuant saint Omer.*

Edict messire Robert d'Artois (par l'enhortemēt duq̄l s'estoit meue ceste grand' guerre, & qui menoit vne des batailles du Roy d'Angleterre) estant au mont de Cassel voulut venir vers saint Omer: mais la plus part des Flamēs qui estoient avec luy, mesmemēt ceulx de Furnes & de Bruges, disoyent qu'ilz ne passeroient point le Neuf fossé, & ne sortiroient des limites de leur pays: & qu'autrefois on les en auoit tirez hors, mais qu'onques ne leur en estoit biē prins. parquoy iceluy messire Robert parla à eulx, & les incita à aller auant, disant qu'ilz se tinssent tous asseurez, & que si tost qu'ilz arriueroyēt deuant la ville de S. Omer, on leur ouuriroit les portes, & leur liureroit on le Duc de Bourgongne, le Côte d'Armignac, & autres, qui estoient dedans, & q̄ de ce auoit receu deux paires de lettres: & fait tant qu'ilz passerēt oultre. Le Roy, qui souuent estoit aduertie de ce que faisoient ses ennemys, se mit en voye, pour aller vers saint Omer. Quand messire Robert d'Artois le sceut, soubz vmbre de ce qu'il donna à entendre à ses gēs, que pour certain ladicte ville de saint Omer luy seroit liurée, ilz s'armerent, & s'en allerent mettre en bataille deuant ladicte ville de saint Omer: mais le Duc de Bourgongne, le Comte d'Armignac, & leurs gens, saillirēt sur eulx, & fort se combaterēt, & fut tué bien trois mil Flamēs, & plusieurs prins prisonniers, & les autres mis en fuyte, & abandonnerēt leurs têtes & pauillons. Ledit messire Robert mesmes y perdit son escu, son heaume, & sa banniere: mais il eschapa par fuyte: & fut ceste bataille faicte le vingtieme iour de Iuillet, l'an mil ccc.xl. Apres ce furēt faictes plusieurs courses & entreprinſes, ou il y eut plusieurs gens tuez d'une part & d'autre.

L'an mil ccc. xl.

*Comment le Roy d'Angleterre mit le siege deuant Tournay: & des lettres qu'il escripuit au Roy de France.*

Quand le Roy d'Angleterre sceut la desconfiture de la compaignie de messire Robert d'Artois, le lendemain il fit passer tous ses gēs la riuere de l'Escau, & fit assieger la ville de Tournay, & y fut vnze sepmaines, trois iours moins. Le Roy de France, qui auoit la plus grand' assemblée de gens qu'on auoit iamais veue en France, alla loger pres d'Ipre, & là luy apporta l'on vnes lettres de par le Roy d'Angleterre, desquelles la teneur s'ensuyt. De par le Roy de France & d'Angleterre, Seigneur d'Irlande. Sire Philippe de Valloys, par long tēps vous auons poursuyuy par messagiers, & en plusieurs autres manieres, affin que vous nous feissiez raison, & que vous nous redissiez nostre droit heritage du royaume de France, lequel vous nous auez long temps occupé à force. Et pource que nous voyōs bien que c'est à grand tort, & que vous entēdez perseverer à nostre iniurieuse detenuē, & sans nous faire raison droituriere, nous sommes entrez en la terre de Flādres, comme souverain Seigneur d'icelle terre, & passez parmy le pays: & vous signifions q̄ p̄ins auons l'ay de de nostre seigneur Iesus Christ, & du droit, avec le pouoir dudit pays: & avec noz gēs & alliez, regardant le droit qu'auons en l'heritage, que vous nous detenez à grand tort, nous nous retirons deuers vous, pour mettre fin à nostre droituriere demande & calenge: si nous voulons approcher. Et pource que si grand' multitude de gens d'armes, qui viennent de vostre party, ne se pourroyent mye tenir si longemēt ensemble, sans faire grand' destruction au peuple, & à tout le pays (laquelle chose chacun bon Chrestien doit euitier, & especialement Prince à autre Prince, qui se tient pour gouuerneur & principal Capitaine de gens d'armes) nous desirerions moult qu'à briefz iours se print la fin, pour euitier mortalité, & occision de gens (aussi que la querelle est apparoiſſante à vous & à nous, à la destruction de nostre calenge) & se cessast entre nous deux: laquelle chose nous vous offrons pour les choses dessusdictes: combien que nous pēsons bien la grand' noblesse de vostre corps, sens, & vostre aduisement. Et au cas que ne voudriez ceste chose, qu'adonc fut mis en nostre calēge, pour affermer bataille de vous mesmes, avec cent personnes de vostre part, des plus suffisans, & nous mesmes à autre, tout pareillement: & si vous ne voulez vne voye ou l'autre, q̄ vous nous assignez certain iour deuant la ville de Tournay, pour combattre puissance contre puissance, dedās dix iours apres le date de ces presentes lettres. Et les choses dessusdictes voulons estre congnes parmy tout le mōde, & qu'en ce est nostre desir, nō pas par orgueil, ne par oultrecuydance, mais à celle fin que nostre Seigneur mette repos de plus en plus, entre les Chrestiens: & la voye q̄ sur ce voudrez eslire des offres dessusdictes, rescriuez nous par le par le porteur de ces lettres, en luy faisant hastiue deliurance. Donné soubz nostre grād scēl, à Lesclin sur l'Escau, pres Tournay, en l'an de grace mil trois cens quarante, le vingtieme iour de Iuillet.

Lettres envoyées par le Roy d'Angleterre, au Roy de France, estant à Ipre.

*De la responce que fect le Roy Philippe de Valloys aux lettres du Roy d'Angleterre.*



Quand le Roy de France & son conseil eurent veu ces lettres, tantost enuoyerent responce au Roy d'Angleterre, en ceste forme. Philippe, par la grace de Dieu Roy de France, à Edouard Roy d'Angleterre. Nous auons veu vnes lettres enuoyées à Philippe de Valloys, apportées en nostre court, esquelles lettres estoient aucunes requestes. Et pource que lesdictes lettres ne venoyent pas à nous, lesdictes requestes aussi n'estoyent pas faictes à nous, comme il appert par la teneur desdictes lettres: & pourtant ne vous en faisons aucunes responce: toutesfois, pource que nous auons entendu, tant par lesdictes lettres, qu'autrement, que vous estes embatu & entré en nostre royaume de France, en portant grand dommage à nous & à nostredict royaume, & au peuple, meu de volonté, sans point de raison, & non regardant ce qu'homme lige doit regarder à son droict Seigneur (car vous estes entré en nostre hommage, en nous cōnoissant (si comme raison est) Roy de France, & promis obeissance, telle qu'on la doit promettre à son Seigneur lige, si comme il appert par voz lettres parêtes scellées de vostre grand scel: lesquelles nous auons par deuers nous) nostre entente est telle quand bon nous semblera de vous chacer hors de nostre royaume, à l'honneur de nous, & de nostre maiesté royale, & au profit de nostre peuple: & de cefaire nous auons ferme esperance en Iesus Christ, dont tous biens nous viennent. Car par vostre entreprinse, qui est de volonté, non pas raisonnable, a esté empesché le saint voyage d'oultre mer, & grād quantité de Chrestiens mis à mort, & le seruice de Dieu appetissé, & sainte Eglise aornée de moins de reuerence. Et de ce que vous cuydez auoir les Flamens à vostre ayde, nous cuydons estre certains que les bonnes villes & communes se porteront en telle maniere par deuers, & enuers nous, & nostre cousin, le Comte de Flādrès, qu'ilz garderont leur honneur, & loyauté: & de cē qu'ilz ont mesprins iusques à ceste heure cy, a esté par mauuais conseil de gens, qui ne regardoyent le profit du cōmun, mais au profit d'eulx ieulement. Donnē sur les champs, au Prieure saint Andry, pres Ayre, soubz le scel de nostre secret, en l'absence de nostre grand scel, le trentieme iour de Iuillet, l'an mil trois cens quarante.

*Le roy d'Angleterre fut cause d'empeschier le voyage de oultre mer, dont plusieurs maux sont aduenuz.*

*De l'appointement qui fut faict deuant Tournay, entre les Roys de France & d'Angleterre, par le moyen de la Comtesse de Haynault.*



Sur ces entrefaictes ceulx de Tournay, qui estoient assiegez, enuoyerent deuers le Roy, q̄ pour Dieu il les voulsist secourir: & tantost apres le Roy enuoya le Duc d'Athenes, le Vicōte de Thouars, le Vicomte d'Aunay, le seigneur d'Auxerre, le seigneur de Craon, le Daulphin d'Auergne, le seigneur de Clifson, le seigneur, de Beauieu, le seigneur de S. Venand, & plusieurs autres Princes & Barons, avec bien deux mil hommes, & tirerēt vers le mont de Cassel: mais les Flamens l'auoyēt ia reprins. Si bouterent le feu par tout, & cuyderent les François par les fumées faire leuer le siege qui estoit deuant Tournay: mais pource ne s'en leuerent lesdictz Anglois. Lors le Roy se conseilla s'il entreroit dedans le pays de Flandres, ou s'il yroit à Tournay: mais aucuns amys du Comte de Flandres, qui estoient avec le Roy, pour euitier que son pays ne fust gasté, conseillerent au Roy qu'il allast vers Tournay. Si tira le Roy vers la, iusques à trois lieues pres, & la se logea pres de ses ennemys: & n'y feirēt d'un costé ne d'autre pas de grands armes. Lors madame Jehanne de Valloys, Comtesse de Haynault, femme du feu Comte Guillaume de Haynault, laquelle estoit sœur dudit Roy Philippe de France, & auoit sa fille maryée audit Roy d'Angleterre, alla & vint par tant de diuerses fois deuers l'un & deuers l'autre desdictz Roys, pour trouuer quelque appointement, que iour fut assigné pour parlementer entre eulx: & lors ledict Iaques d'Arteuelle, Capitaine des Flamens, dist au Roy d'Angleterre que s'ilz n'estoyent comprins en l'appointemēt qui seroit faict, que ia de la ne bougeroit, & ne le quitteroyent point du sermēt qu'il leur auoit fait: mais ladiète Cōtesse de Haynault, qui auoit grād paour q̄ l'appointemēt ne se feist, dist au Roy d'Angleterre, que ce seroit biē grand pitié & dommage que pour le dict d'un villain, tel qu'estoit ledict Arteuelle, le sang de la plus grand noblesse du monde fust en danger d'estre respandu: & furēt commis plusieurs grands Princes d'un costé & d'autre, pour debatre les articles de l'appointement: c'est à sçauoir de la part du Roy de France, le Roy de Boesme, le Comte d'Armignac, le Comte de Sauoye, messire Loys de Sauoye, le seigneur des Noyers, & autres; & de la partie du Roy d'Angleterre, messire Guillaume de Thihonne, l'Euesque de Lincole, Jehan de Haynault, le Seigneur d'Anthoyn, & autres. Et pource que la chose seroit longue à traicter, furēt prinſes trefues iusques à certain iour.

*Des allées et venues que feut la Comtesse de Haynault, pour traicter la paix d'entre le Roy de France & le Roy d'Angleterre.*

Après

Après icelles accordées, le Roy s'en retourna en France, & le Roy d'Angleterre, qui auoit tenu le siege deuât ladiète ville de Tournay vnze sepmaines; moins trois iours, s'en alla en Flandres, & avec luy alla le Comte de Flandres, & s'entrefestoyerent plusieurs fois: mais ne sceut lediēt Roy d'Angleterre tant faire qu'il attirast à luy le Comte de Flandres, ne qu'il voulsist abandonner l'obeyssance du Roy de France, & par ce s'en retourna en Angleterre: & messire Robert d'Artois, à qui le Roy d'Angleterre auoit donné la Comté de Richemont; demoura par deçà la mer, & s'en alla deuers Iehan, Duc de Brabā: puis, aucun temps apres, s'en passa en Angleterre. Tost apres, le Comte de Flandres, qui estoit demouré en son pays, pource qu'on luy faisoit peu d'obeyssance à son gré, par mal'talent s'en partit d'avec les Flamens, & s'en vint deuers le Roy de France: & furent lesdictes trefues prolongées, & continuées à diuerses fois.

En l'huiuer ensuyuant le Roy poursuyuit que les alliances qui estoient entre le Duc de Bauiere, Empereur, & le Roy d'Angleterre, fussent mises à neant, & meit peine d'attirer à luy iceluy Duc, & les Allemās: & pource enuoya lediēt Duc son Châcelier, & autres messagiers, qui furent en France tout l'huiuer: & promit le Roy audiēt Duc qu'il luy ayderoit à le reconcilier enuers le Pape, qui l'auoit excommunié: dont le Pape fut fort esmeu cōtre les Prelatz du royaume, qui auoyēt esté de ce cōseil: & dit on qu'il sceut bon gré au Roy de Nauarre, qui audiēt cōseil auoit esté d'opinion qu'audiēt Duc on ne pouoit faire accord, q̄ premieremēt il ne fust recōcilié à l'Eglise. En icelle année iceluy Duc, cōme Empereur, erigea la seigneurie de Gueldres en Duché: laquelle parauant n'estoit q̄ Comté, & le Marquisat de Iuilliers en Côté.

La Cōté de  
Gueldres  
erigée en  
Duché.

*De la guerre qui se meut entre messire Charles de Bloys, & messire Iehan de Montfort, pour la Duché de Bretagne.*

**E**N l'an mil ccc.xlj. Iehan, Duc de Bretagne, qui auoit esté avec le Roy en l'armée de Flandres, trespasla en chemin, en s'en retourant en son pays, sans hoirs de son corps, & gist son corps à Plermel: parquoy s'esmeut grosse discention entre messire Charles de Bloys, filz du Comte de Bloys, & nepueu dudiēt Roy de Frâce, de par sa mere, qui auoit espousé la fille de feu Guy de Bretagne, Vicomte de Lymoges, premier frere dudiēt feu Duc de Bretagne, de par ses pere & mere d'une part, & messire Iehan, Côte de Montfort, aussi frere puîné, de par mere dudiēt feu Duc, lequel de Montfort auoit espousé la soeur dudiēt Côte de Flandres, pour raison dudiēt Duché, d'autre part: laquelle succession de Bretagne chacū d'eulx pretendoit luy appartenir: & fut la cause debatue en Parlemēt, disant lediēt de Montfort, que par la generale coustume de Bretagne, puis qu'il y auoit hoir masle, la Duché ne deuoit point aller en ligne de femme. Tant fut procedé en la matiere, que par arrest donné au moys de Septēbre audiēt an, ladiète Duché fut adiugée audiēt messire Charles de Bloys, à cause de ladiète femme, fille dudiēt feu Guy de Bretagne, Vicôte de Lymoges: lequel messire Charles de Bloys en feit hommage au Roy, & le Roy l'en reuestit, & si le feit Cheualier. Ce voyant lediēt messire Iehan de Montfort, auquel sembloit bien que le Roy & sa iustice fussent fauorables audiēt Charles de Bloys, son nepueu, s'en alla incontinent mettre dedans la cité de Nātes, & autres villes de Bretagne, pour resister & obuier audiēt messire Charles de Bloys, & empescher que l'arrest donné à son profit ne fust executé: & pour auoir alliāce au Roy d'Angleterre, enuoya Iehan de Montfort, son filz, lequel fiança & accorda vne des filles du Roy d'Angleterre: & voyant le Roy que lediēt de Montfort estoit desobeyssant, & resistoit contre le iugement de son Parlemēt, & fallioit des Anglois, ses anciēs ennemys, il feit saisir la Comté de Montfort, & toutes les autres terres qu'il auoit en France: & enuoya mōseigneur Iehan, Duc de Normardie, son filz, le Comte d'Alēçon, son frere, en Bretagne, pour faire mettre lediēt arrest à execution par main forte: lesquelz allerent deuant ladiète cité de Nantes, ou estoit lediēt de Montfort, & y meirent le siege. Ceulx de la cité, sachans & congnoissans le Roy de France estre leur souuerain Seigneur, & que ladiète Duché est tenue de la couronne de France, & les subiectz d'icelle resortissans au iugement de ladiète court de Parlement, & que par ce ilz estoient tenuz obēyr aux iugemens de ladiète court de Parlement, meirent ladiète cité en l'obeyssance du Roy: & fut deliurée audiēt messire Charles de Bloys, qui la estoit, & la bailla l'on en garde au Comte de Bloys, son frere: & baillerent lediēt Iehan de Montfort, ausdictz Ducz de Normardie & d'Alençon, lesquelz l'amenerent à Paris deuers le Roy, & fut mis en prison au Loure, & apres fut deliuré, ou, comme disent aucuns, eschapa par subtilz moyens: & apres s'en alla en Bretagne, ou il ne vesquit gueres, & est enterré aux freres Prescheurs de kemperle: & dient aucuns qu'auant son trespas s'apparurent à luy de mauuais espritz: & quand il mourut, il fut veu sur le lieu ou il mourut, & es enuirs, si grand nombre de Corbeaulx qu'on ne cuydoit point qu'en tout le monde y en eust tant.

L'an mil  
ccc.xli.

Arrest de  
Parlement  
touchant la  
Duché de  
Bretagne.

La Duché  
de Bretai-  
gne est te-  
nue de la  
courōne de  
France.



† als Hé-  
bent &  
Hānibēt

L'an mil ccc.  
xlii.

De l'imposi-  
tion de la ga-  
belle du sel  
au royaume  
de France.

L'an mil ccc.  
xlii.

S. Yves, natif  
de Bretagne

Les Cheua-  
liers du bleu  
iartier.

Il eut vn filz, nommé Iehan, de sa femme, fille de Loys, Comte de Flandres, qui luy succeda en ses seigneuries. Or nonobstant sa prise, la Comtesse sa femme, avec ses alliez, pour son filz continua la guerre en Bretagne, & elle mesme estoit armée sur vn coursier, & ses damoyelles qui estoient dedans † Hannebont, ou les gens du Roy tenoyent siege, portoyent pierres & autres choses pour ietter sur leurs aduersaires: & vindrēt d'Angleterre en son ayde, lediēt messire Robert d'Artois, lors Comte de Richemont, qui estoit retourné en Angleterre, & le Cōte de Salsebery, avec plusieurs Anglois: & audiēt voyage en la prinse de Vannes, lediēt messire Robert d'Artois, Comte de Richemont, fut nauré d'un traict en la cuysse, & fut mené en Angleterre, & mourut à Lōdres, & fut son corps la enterré, & luy fort regretté du Roy d'Angleterre & des Anglois aussi. L'an mil trois cens quarante, & deux les trefues prises entre le Roy, & le Roy d'Angleterre & ses alliez, furent prolongées iusques à la saint Iehan.

En celle année lediēt Roy Philippe meit sus la gabelle du sel, & fait sa monnoye tellement empirer, que le denier en valloit cinq, dont le peuple murmura fort contre luy. Au moys de May, audiēt an, trespassa le pape Benediēt, deuxieme, en Auignō. Si enuoya lediēt Roy en Auignon, deuers les Cardinaulx monseigneur Iehan, Duc de Normandie, son filz, & le Duc d'Alençon, son frere, affin de faire eslire Pierre Roger Cardinal, Archeuesque de Rouen, natif de Lymosin, religieux de l'ordre saint Benoist, homme fort lettré, & grand Prescheur: mais auant qu'ilz fussent en Auignon, ilz auoyent desia esleu lediēt Roger, comme lesdiēt Ducz eurent nouuelles, toutesfois ilz allerent iusques en Auignon deuers luy, & il les receut moult honnorablement, & fut sacré Clement, sixieme de ce nom: lequel premierement auoit esté simple Moïne, & en moins de seize ans parauant esté Prieur de sainte Babile, après Abbé de Fescamp, apres Euesque d'Arras, & puis Archeuesque de Sens, apres translaté à Rouē, & fait Cardinal.

En ce temps, c'est à sçauoir le trentieme iour de Ianuier, mil trois cens quarante & deux, trespassa monseigneur Loys, Duc de Bourbon, Comte de Clermont, & de la Marche: & luy succeda Pierre, son filz, qui mourut en la bataille de Poitiers. En ce tēps fut fait Yves en Bretagne, lequel fut directeur & deffenseur des querelles des femmes veufues, orphelins, & pauvres gens. Et notte qu'en sa legende est faite mētion des exploitz faitz par les gens de la iustice du Roy, au pays de Bretagne: par lesquelz appert que lediēt pays de Bretagne est du fief de la couronne de France.

Enuiron celle saison le Roy d'Angleterre feit & ordonna au chasteau d'Vvindsorē vne feste à tenir chacun an, ou il y auroit quarante Cheualiers preux, qui se nōmeroyent les Cheualiers du bleu Iartier, à l'exemple & semblance des Cheualiers de la table Ronde, que le Roy Artus iadis feit faire audiēt lieu d'Vvindsorē, qu'il auoit fait construire & edifier.

*Comment le Roy d'Angleterre & les Flamens ne voulurent entendre à faire appointement au mandemēt du Pape: & de l'emorion de ceulx d'Orleans, touchāt les bledz, dont furent penduz plusieurs à leurs goutieres.*



Antoist apres le couronnement dudiēt pape Clement, & durant lesdiētes trefues d'entre les Roys de France & d'Angleterre, iceluy Pape enuoya deux Cardinaulx, pour signifier ausdiēt deux Roys, de France & d'Angleterre, & leurs alliez, qu'ilz feissent paix finale entre eulx. Lesdiēt deux Cardinaulx parlerēt au Roy de France, qui leur feit responce qu'il entendroit voluntiers à faire ladiēt paix: parquoy ilz s'en partirent pour vouloir aller en Angleterre: & quand le Roy d'Angleterre sceut qu'ilz vouloyent passer la mer, il leur manda qu'ilz n'y entroyent ia: mais qu'il entendoit en brief visiter son royaume de France, & illec pour la reuerence du siege de Romme, il orroit voluntiers ce qu'ilz vouldroyent dire. Apres, lesdiēt Cardinaulx allerent en Flandres, pour traicter de paix avec les Flamens, qui estoient excommuniez: mais lesdiēt Flamēs, comme gens obstinez, dirent qu'ilz n'entendroyent point à appointement, s'ilz n'estoyent premierement absoulz: toutesfois feirent tant lesdiēt Cardinaulx, qu'ilz feirent aucun appointement avec le Roy, les Brabançons & les Henuyers, sauf l'alliance qu'ilz auoyēt au Roy d'Angleterre. Durant ce temps faisoient forte guerre en Bretagne ceulx qui tenoyēt le party de messire Iehan de Montfort, combiē qu'il fust detenu prisonnier au chasteau du Louure, à Paris, à l'encontre de messire Charles de Bloys: & au moys de Septembre audiēt an, descendit en Bretagne, en propre personne, lediēt Roy d'Angleterre avecques grand' armée, pour ayder à Iehan de Montfort, filz dudiēt Messire Iehan de Montfort, qui auoit sa fille fiancée, & meit le siege à Vannes, & partie de ses coureurs deuant Nantes, & brullerent les faulxbourgz. Quand le Roy de France sceut la venue & descente en Bretagne, dudiēt Roy d'Angleterre, & qu'il auoit ia mis le siege à Vannes, & que ses gens couroyent deuant Nantes, il tira droit la avec grand

La responce  
que le Roy  
d'Angleter-  
re feit faire  
aux Ambas-  
sadeurs du  
pape.



grand' armée: mais lesdictz deux Cardinaulx, Legatz, feirent plusieurs allées & venues, pour traicter la paix entre eulx, & furēt faictes vne trefues iusques à trois ans: & deuoyēt enuoyer lesdictz deux Roys, leurs Ambassades en Auignon, deuers le Pape, pour traicter de paix: parquoy le Roy d'Angleterre s'en retourna en Angleterre. Audiēt an mil trois cens quarante & deux, s'en partit de France le bon Roy de Nauarre, pour aller à l'ayde du Roy de Castille, qui continuellement auoit guerre contre les Roys de Grenade, & de belle Marine, Sarrazins, qui opprimoyent la Chrestienté: & passa ledict Roy de Nauarre par deuers le Pape, qui luy octroya pardon, & planiere remission, pour luy, & generalement pour tous ceulx de sa cōpaignie: & alla sur les Sarrazins, ou il feit de grands vaillances, luy & ses gens: mais par la volonté de Dieu, luy print vne griefue maladie, dont il mourut, & ne dura pas grandement, & fut son corps enterré en l'église nostre Dame, en la cité de Pampelune. En ce tēps eut vne grand' cōmotion de peuple, en la cité d'Orleans, à cause de la cherté des bledz, & ne vouloyēt ceulx de ladiète ville en ayder à leurs voyfins, combien qu'en eussent grand' abondance, ainsi qu'ilz ont communement de mauuaise accoustumance, quand le cas y escher, & n'en voulerent bailler pour nul argent qu'on leur offrist, ne souffrir qu'on en emmenast. Quand le Roy le sceut, & aussi qu'ilz auoyēt fait plusieurs iniures & desobeissances à ses officiers, qui auoyēt voulu faire deliurer lesdictz bledz, par leur ordonnance, à ceulx qui en auoyent vrgente necessité, il y enuoya aucuns Cōmissaires & gens de Guerre, & en furent plusieurs des coupables penduz & estranglez à leurs goutieres. En l'année mil trois cens quarante & trois, messire Oliuier de Clifson, messire Geofroy de Malestroit, & son filz, & plusieurs autres Cheualiers & Nobles, tant de Bretagne que de Normandie, furent decapitez es Halles de Paris, pour trahysons qu'ilz auoyent machinées contre le Roy, & porté faueur au Roy d'Angleterre, estant dedans Bretagne, & audiēt messire Jehan, Comte de Montfort, pource qu'on disoit qu'ilz le vouloyent faire Duc de Normandie. Geofroy de Harecourt, par ce qu'il ne peult estre apprehendé, en personne, fut par arrest de Parlement, pour ladiète cause, banny de France. Semblablement fut bannic du royaume de France la femme dudiēt Oliuier de Clifson, qui estoit dame de Belleville, laquelle estoit chargée desdictes trahysons. Aussi fut banny Oliuier de Clifson, son filz. Audiēt an les Roys de France & d'Angleterre enuoyerēt leurs Ambassades en Auignon, deuers le Pape, pour traicter paix, comme il estoit conuenu.

En l'an mil trois cēs quarante & cinq, enuiron la Pētecōuste, les Gascōs & Bordeloys rōpi-  
rent les trefues entre les Roys de France & d'Angleterre, & feirēt plusieurs courfes, & moult  
de maulx, au pays du Roy: & lors le Roy d'Angleterre enuoya lettres au Pape, en Auignon,  
en luy donnant à entendre, contre verité, que le Roy auoit rompu les trefues, à l'occasion des  
dessusdictz de Clifson, Malestroit, & autres: & par icelles lettres deffioit le Roy: lesquelles  
lettres le Pape enuoya au Roy de France: lequel quand il en fut aduert, & qu'il sceut que le-  
dict Roy d'Angleterre venoit contre luy, par mer, du costé de Flandres, & ia estoit descendu  
à l'Escluse, en grande diligence il assembla ses gens, & alla droit à Arras. Le Roy d'Angle-  
terre vint deuant l'Escluse, par l'enhortemēt de Jaques d'Arteuelle, qui luy auoit promis fai-  
re faire hommage par les Flamens, & faire son filz Edouard, Prince de Galles, Duc de Flan-  
dres, & eriger la Comté en Duché, & en priuer Loys, Comte de Flandres, & Loys, son filz,  
moyēnant que ledict Prince de Galles espouserait la fille du Comte de Flandres: & pour ce-  
ste cause auoit ledict Roy d'Angleterre amené sondict filz, Prince de Galles, qui estoit aagé  
de treize ans seulement: mais lesdictz Flamens, voyans que ledict Arteuelle ne les faisoit que  
brouiller & mutiner, s'esleuerent contre luy, & le tuerent villainement. Quand le Roy d'An-  
gleterre le sceut, & voyant que son entreprinse estoit rompue, il s'en retourna en Angleterre,  
& enuoya son armée vers Bordeaux, au deuant du Duc de Normandie, que le Roy son pere  
auoit enuoyé en Gascongne, avec grand' armée de gens d'armes. Au moys d'Aoust audiēt  
an mil trois cens quarante & cinq ledict Jehan de Bretagne, Comte de Montfort, s'en retour-  
na en Bretagne avec vne grand' armée d'Anglois, & meit le siege deuant la ville de Quim-  
percorentin: lequel siege les gens de messire Charles de Bloys leuerent, & encloyrent ledict  
de Montfort, au chasteau: mais on luy fit voye, & s'en fuyt par nuyt. En ce temps le Roy  
enuoya grand' armée à monseigneur Jehan, Duc de Normandie, son filz, en Gascongne, con-  
tre les Comtes d'Erby & de Lancastre, Anglois, qui y estoient descēduz, & ia auoyent prins  
la place de Bergerat, ou estoit dedans pour le Roy messire Aymōd de Poitiers, Comte de Va-  
lentinois, qui fut tué à l'affault, & le Côte de l'Isle qui fut blecé: & s'en retourna ledict Duc de  
Normandie: mais le Roy l'y r'enuoya de rechef avec grand' armée, & meit le siege deuant A-  
guillon, ou il fut iusques au moys d'Aoust l'an ensuyuant.

# LES CRONIQVES ET ANNALES DE FRANCE.

## *De la mort de messire Henry de Malestroit : & du mariage de Philippe, Duc d'Orleans, filz du Roy.*

**E**n ce temps maistre Henry de Malestroit, frere dudit Geofroy de Malestroit, qui auoit esté decapité, & lequel maistre Henry estoit Maistre des requestes de l'hostel du Roy, apres la mort de son frere s'en alla au Roy d'Angleterre, & se porta Capitaine de Vannes : mais il fut prins & emmené deuers le Roy. Et pource qu'il ne se peut excuser, il fut constitué prisonnier, & mis en la tour du Temple, à Paris, & apres rendu & mené à l'Euesque de Paris, en vn tombereau assis sur vn aiz mis au trauers : & par vertu d'une commission du Pape, que le Roy auoit impetree, s'efforçoit de le faire degrader, toutesfois il ne le fut pas : mais par le iugement de l'Eglise se il fut par trois fois mis en l'echelle, au paruy nostre Dame de Paris, ou les sergens & menues gens luy feirent de grands opprobres, en luy iettant de la boue & des pierres, dont il fut blessé iusques au sang, nonobstant la deffence que faisoient les officiers de l'Euesque, sur peine d'excommuniement. Puis il fut condamné à perpetuelle chartre, ou il fut enclos, & assez tost apres il mourut, & fut porté en la court du Palais, pour monstrer au peuple. En celle mesme année le Roy donna à monseigneur Philippe, son second filz, la Duché d'Orleans, & traita le mariage de luy & de madame Blanche, fille du feu Roy Charles le Bel : & n'auoit ledit Philippe que dix ans, & ladicte Blanche en auoit dixsept : & le lendemain furent faites grandes ioustes. En celle mesme année Guillaume, Comte de Haynault, filz de feu messire Guillaume de Haynault, & nepueu dudit Roy Philippe, de par sa mere, mourut en vne guerre qu'il auoit en Frize : & auoit espousé Iehanne, aînée fille du Duc de Braban, de laquelle il n'auoit nulz enfans : & par ce vint ladicte Comté de Haynault à Marguerite sa sœur, femme de messire Loys de Bauicre, Empereur & Roy d'Allemagne.

*punition de  
maistre Henry  
Malestroit,  
Maistre des  
requestes de  
l'hostel du  
Roy.*

## *De la venue du Roy d'Angleterre avec grand' armée en France, & comment il print d'assault la ville de Caen, & gros nombre de grands Seigneurs qui estoient dedans ladicte ville.*

**E**n l'année mil trois cés quarante & six, le Roy d'Angleterre vint en France, avec bien t douze nefz sur mer, & à grand' armée descédit à la Hogue saint Vvast, en Constantin, & cheuaucha par Normandie, & gasta le pays à feu & à sang, & vint iusques deuant la ville de Caen qu'il print d'assault, & moult y moururent de gens d'une part & d'autre : & furent prins dedans le Comte d'Eu, Connestable de France, le Seigneur de Tancarville, cent Cheualiers, & douze cens hommes armez, dõt le Roy d'Angleterre enuoya les meilleurs prisonniers en Angleterre, & ardit grad' partie de la ville. Apres cheuaucha vers Falaise & Lysieux : & pource qu'il n'y eut là qui les guerroyast, ilz vindrent vers Rouen, & sceurent que le Roy de France alloit contre eulx à grand' armée, du costé d'oultre Seine : parquoy ilz vindrent au Pont de l'arche, ou le Roy de France leur escriuit & offrit bataille : mais le Roy Edouard d'Angleterre le refusa, disant, qu'il se combatroit à luy deuant Paris, & non ailleurs. Si passerent les Anglois la riuere de Seine, du costé Chartrain, & apres s'en vindrent à Vernon, Mente, & Meulanc, & de là à Poissy, & se logea le Roy d'Angleterre audit lieu de Poissy, & son filz à saint Germain en Laye : & tousiours messire Geofroy de Harecourt, qui auoit esté banny du royaume de France, pour la cause dessus declarée, & lequel auoit pourchacé la venue des Anglois en France, alloit deuant, & menoit les auantcoureurs, brullans & gastans le pays. Le Roy de France, qui auoit grand' armée avec luy, & entre les autres estoient venuz à son mandement Eude, Duc de Bourgogne, & son filz, qui estoit Comte d'Artois, & de Boulongne, costoya tousiours l'armée du Roy d'Angleterre, tout du long de la riuere de Seine, de l'autre part de l'eau. Tandis que le Roy d'Angleterre estoit à Poissy, & son filz à saint Germain en Laye, ou ilz furent par six iours, leurs coureurs gasterent & bruslerent tout le pays du Vau de Gallie & d'environ, iusques à saint Cloud : & veult on dire que par diuerses fois ilz meirent le feu en la maison de Rueil, qui appartenoit à l'eglise saint Denis, par don du feu Roy & Empereur Charles le Chauue : mais par les merites de saint Denis elle demoura sans estre domagée : & sachant ledit Roy Philippe les maux que faisoient lesditz Anglois, il se mit hors de Paris, & se logea & parqua à saint Germain des Prez, pour attendre le Roy d'Angleterre, qui luy auoit mandé qu'il se combatroit à luy deuant Paris, & non ailleurs, & luy manda qu'il y vint. Et pource q le Roy de France veoit que le Roy d'Angleterre ne venoit point, il delibera de l'aller combattre iusques à Poissy, ou il estoit : mais nouuelles luy vindrent que ledit

*t al. douze  
cés, &  
deux cés*

*du roy d'An  
gleterre qui  
prit d'assault  
la uille de  
Caen, et gros  
nombre de  
grands sei  
gneurs qui  
estoyent de  
dans ladicte  
uille.*

ledict Roy Anglois auoit fait faire reparer le pōt de Poissy (qui parauant auoit esté abatu par les François, affin q̄ les Anglois ne s'en peussent aller sans combattre) pour passer & s'en fuyr, & que luy & ses gens s'en estoient allez, & à leur partement auoyent bruslé l'hostel du Roy à Poissy, & tout le bourg, reserué l'Abbaye : aussi auoyent bruslé les chasteaulx & eglises de saint Germain en Laye, la maison du Roy en la forest de Raiz, Montioye, & autres lieux qui estoient lors tenuz & reputez les plus beaulx, singuliers, & principaulx domicilles, pour le deduyt & soulas des Roys, qui fussent en Frâce. Puis tira ledict Roy d'Angleterre vers Beauuais : & pource qu'il ne peut entrer en la ville, il brusta les faulxbourgs, & l'Abbaye de saint Lucien : & apres s'en tira vers Picardie, bruslant, pillant, & gastant le pays, tuant & prenant prisonniers hommes & femmes, & plusieurs autres inhumanitez. Quand le Roy de France sceut que le Roy d'Angleterre s'en estoit allé, il s'en partit de Paris, pour le suyuir, & alla apres luy en grand diligence : & tant cheuaucha qu'il arriua ainsi que le Roy d'Angleterre vouloit disner à vn lieu appelé Rames. Le Roy d'Angleterre sceut que le Roy de Frâce auoit ce iour cheuauché deux lieues, & estoit pres de luy, dont il eut si grand paour qu'il abandōna son disner, & s'en partit subitement, & alla loger au plus pres de la forest de Crecy : & les François qui la artiuèrent, moult las, repeurēt, eulx & leurs cheuaulx, du disner que les Anglois auoyēt appresté, à Rames. Depuis s'en alla le Roy d'Angleterre à vn lieu qu'on appelle la Blancquetacq, & illec passa la riuere de Sōme : & le Roy passa à Abbeuille, & feit reparer le pōt, qui estoit trop foible pour son ost & charroy, ou il demoura tout le iour de Védredy, pour assēbler son ost : & le Samedy matin s'en alla à la t̄ Braye, vn lieu assez pres de la forest de Crecy : & la luy vindrent nouuelles q̄ son ennemy le Roy d'Angleterre estoit à quatre ou cinq lieues pres d'illec, & toutesfois il n'en estoit qu'à vne lieue.

Montioye  
pres Ioyen-  
ual fut brus-  
lée par les  
Anglois,  
& la mai-  
son de Raiz

† al. Are-  
nes.

† alias,  
Broye.

*De la bataille de Crecy pres Abbeuille, ou mourut la fleur de la Cheualerie de France.*

**N**uiron l'heure de vespres & iour du samedy audiēt an mil trois cens quarante & six, ledict Roy Philippe, qui estoit desirant de combattre son aduersaire, moult fierement & de grand & ardent courage, sans vouloir croire le conseil de ses gens, de les laisser reposer iusques au lēdemain, se delibera d'aller assaillir ses ennemys. Si se meit à voye pour aller apres, & cheuauchoit en bien petite ordonnance, & les trouua en vn lieu qu'on appelle Crecy, ou il y estoient : & si tost qu'il les apperceut feit crier alarme, & les assaillit : lesquelz si roidemēt se deffendirent que la iournée fut pour eulx, & François desconfitz : la ou moult vaillāment de sa personne se porta le Roy Philippe en celle bataille, & ne taschoit qu'à trouuer le Roy d'Angleterre en persōne, pour cōbatre à luy main à main : & si auant se bouta qu'à grand' peine le peut on retirer, & fut en grand danger de sa personne : toutesfois il fut retiré, & se sauua. En ladiēte bataille mourut la fleur de la Cheualerie de France, & fut la plus grande perte & cōfution que iamais fust aduenue, dōt il fust memoire : & principalement en ladiēte bataille moururent Jehan de Luxembourg, Roy de Boesme, filz de feu Henry de Luxembourg, Empereur, le Comte d'Alençon, frere dudiēt Roy Philippe de France (lequel auoit vn filz nommé Pierre, qui luy succeda) le Duc de Lorraine, le Côte de Bloys, nepueu du Roy, de par sa mere, les Comtes de Flandres, de Harecourt, de Sancerre, de Vienne, & autres plusieurs Barons, Cheualiers & Escuyers, iusques au nombre de quinze cens. Apres ce le Roy avec si peu de gēs qu'il auoit autour de luy se gira à Amyens : & le lendemain iour de Dimenche, bien matin, plusieurs François qui s'en estoient fuyz de la bataille les vns ça les autres la, & ne sçauoyent comme il estoit allé de la besongne, se rendirent audiēt lieu de Crecy, ou auoit esté la bataille, & apperceurent les bannieres du Roy de France, que les Anglois auoyent gaignées, & les tenoyent debout au champ. Si cuyderent lesdictz François que le Roy fust la demouré victorieux, & s'approcherent, & se meirent en l'ost des Anglois, qui de rechef en tuerent presque aussi grand nombre qu'ilz auoyent fait le iour precedent. Et cōbien qu'aux hommes n'appartiēne point de proposer raison sur les iugemens de Dieu, par ce qu'ilz leur sont incognuz, toutesfois il est vray semblable à croire que celle malle aduenture aduint sur les François par punition, pour l'enormité de leurs pechez. Car lors estoit en Frâce moult grād orgueil, & couuoitise de richesse, & dissolution, & superfluité d'habillemens difformes, tant es hommes comme es femmes. Le corps dudiēt Roy de Boesme fut porté à Luxembourg, & celui du Comte d'Alençon à Paris, enterrer aux Iacobins : & furent apportez les enfans de cinquante Cheualiers de sa terre, qui estoient mors avec luy, lesquelz sont figurez autour de sa sepulture.

L'amil ccc.  
xvi.

En la bata-  
ille de Cre-  
cy mourut  
la fleur de  
Cheualerie  
de France.

Orgueil  
couuoitise,  
dissolution,  
& super-  
fluité d'ha-  
billemens  
causent de  
grands  
maux.

*Comment le Roy d'Angleterre meit le siege à Calais.*



Pres ces choses aïsi faïctes le Roy d'Angleterre, moult ioyeux de la victoire qu'il auoit eue, s'en alla à Monstereul sur la mer, à Boulongne, & deuant Calais : ou il meit le siege, qui dura toute celle année. De ladiète ville estoit Chef & Capitaine pour le Roy de France, vn vaillant Cheualier, nommé messire Iehan de Vienne, en Bourgogne : & y fut depuis le troisieme iour de Septembre iusques au troisieme iour d'Aoust ensuyuant : & auoit le Roy d'Angleterre iuré que iamais ne partiroit de la iusques à ce qu'il eust ladiète ville à sa volonté, & luy administroyent lesdictz Flamens, durant ledict siege, viures & argent. En l'année mil trois cens xlvij. durant ledict siege, fut faïct certain appoinctement avec lesdictz Flamens : & par iceluy receurent pour leur seigneur & Comte, le filz du feu Comte de Flandres, qui estoit mort en ladiète bataille de Crecy : & luy promeirēt & iurerent loyauté : mesmemēt qu'ilz ne le contraindroient point à prendre femme contre sa volonté, n'a faire chose qui fust contre la loyauté qu'il deuoit au Roy de France, son Seigneur : & par ce cessèrent iceulx Flamens de mener viures ausdictz Anglois, qui tenoyent siege deuant Calais.

*L'an mil ccc. xlvii.*

*Des dommages que feit en Poitou, Xaintonge, & Perigort, le Comte d'Erby, Anglois : & comment le Roy voulut auoir le Crucifix d'or estant en l'eglise saint Denis en France.*



Vand monseigneur Iehan, Duc de Normandie, filz du Roy, sceut la guerre que son pere auoit en Picardie, il abandonna le pays de Gascongne, ou il faisoit la guerre, & le siege qu'il tenoit deuant Aguilhon, & se meit à chemin pour s'en venir vers le Roy son pere : & quand le Comte d'Erby, qui estoit à Bordeaux, pour le Roy d'Angleterre, sceut le partement dudit Duc de Normandie, il esmeut son ost, & vint iusques à Xainctes, à saint Iehan d'Angely, & tira à Poitiers, & toutes icelles villes print sans resistance, & les pilla, gasta, & ardit tout le plat pays, & print tous les thresors & richesses qui estoient en ladiète ville de Poitiers, tant des eglises comme autres, & emmena les Bourgeois, Marchans, & Chanoines prisonniers, & ardit la pluspart d'icelle ville, & le Palais du Roy. Puis s'en retourna à Bordeaux, avec grands richesses : & en s'en retournant alla deuant Bergerat, qu'il print. Tantost apres s'en alla ledict Comte d'Erby en Angleterre, par ce que la Duché de Lancastre luy estoit escheue, par le trespas de son pere : & puis s'en retourna au Roy d'Angleterre, qui tenoit le siege deuant Calais.

*Du Roy Philippe de Vallois, qui voulut auoir le Crucifix d'or estant en l'eglise s. Denis en France.*

En ce tēps le Roy feit mander au conuent de saint Denis en France, qu'ilz luy voulussent prester & ayder d'aucune sōme, pour le faïct de ses guerres : & entre autres choses demādoit le grand Crucifix d'or : mais l'Abbē remonstra comment le Pape Eugene auoit proferé sentence d'excommuniment sur ceulx qui le descouuroient, ou y feroient dommaige, si comme il est escript au pied de la croix dudit Crucifix, parquoy le Roy s'en deporta. En ce mesme tēps, pource qu'on ne sçauoit ou trouuer argēt pour fournir aux guerres du Roy, Pierre des Essars, de la nation de Normandie, Thresorier, garde & dispensateur de thresors du Roy en partie, fut prins prisonnier, & mené en diuerse prison de l'une en l'autre : & apres moult de reproches qui luy furent faïctes & dictes, pour escheuer la mort fut condamné en la somme de cent mille florins, qui apres à la priere du Comte de Flandres luy fut moderée à cinquante mil, & fut deschargé de la Thresorerie. Apres ce les Abbez de Marmoustier, & de Corbie, furent establiz gouuerneurs des fināces de Frāce : & aucun temps apres leur furent adioincts avec eulx, pour gouuerneur desdictes finances, quatre Euesques & quatre Cheualiers.

*Deux Abbez furent establiz pour gouuerner les finances de France.*

*Comment messire Geofroy de Harecourt vint à mercy au Roy : & comment les Lombars, banquiers, & vsuriers furent prins en France, & bannis hors du royaume.*

*L'an mil ccc. xlvii.*



V dict an mil trois cens quarante & sept, messire Geofroy de Harecourt, cōgnoissant la faulte qu'il auoit faïcte & commise enuers le Roy de France, son naturel & souverain Seigneur, se vint presenter en la presence du Roy, & se getta à genoulx à ses piedz, vne touaille au col, disant : Je confesse que i'ay esté trahyste au Roy & au royaume, dont i'en requiers misericorde & pardon : laquelle misericorde le Roy de sa grace luy octroya. En ce temps aussi furent prins tous les Lombars, banquiers, & vsuriers qui estoient en

estoyēt en France, & furent chacez & banniz du royaume, pour la grande euacuation qu'ilz faisoient des finances de France, dont le royaume estoit apauury: & par procès fait contre eulx fut ordonné que quicōque seroit tenu enuers eulx en aucunes vsures, en baillant au Roy le sort principal, ilz ne payeroyēt riens des arerages. Et qui seroit de present ainsi ce seroit bien fait, car ilz font beaucoup de mal en France: & quand ilz y viennent iamais n'y apportent vn ducat, mais seulement vne feuille de papier en vne main, & vne plume en l'autre, & ainsi rondēt aux François la laine sur le dos, & leur font gabelle de leur propre argent. Il fut lors trouué que les debtes qu'on leur deuoit montoient oultre vingt & quatre cens mil liures d'vsures, desquelles le sort principal ne montoit point oultre douze vingtz mil liures.

*Les maux  
que font les  
Banquiers  
Lōbars en  
France par  
leur subtil  
té vsures*

*De la prinse de Calais par le Roy d'Angleterre.*



Edict Roy de France feit si grand' diligence qu'il assembla gens, or, & argent: & enuiron la Pentecouste audict an, alla à saint Denis, & print l'Oriflambe, & la bailla à porter à messire Geofroy de Charny, vaillant Cheualier, du pays de Bourgogne: & puis se mit en voye, pour & en inrention d'aller leuer le siege que le Roy d'Angleterre tenoit deuant Calais. Ce pendant se rendit deuers luy le Comte de Flandres, filz du Comte, qui estoit mort en la bataille de Crecy: le quel les Flamens contre leurs promesses & sermens auoyent voulu, & de fait vouloyent, contraindre par menaces de mort à prendre & fiancer à femme la fille du Roy d'Angleterre: ce qu'il n'auoit voulu faire, dont le Roy de France, & la mere dudit Comte, furent bien ioyeux, & luy en sceurent bon gré. Tantost apres du vouloir du Roy fut marié iceluy Comte à la fille du Duc de Braban. Le Roy alla iusques à Hesdin, & illec attēdit ses gēs, & moult luy enuyā à les attendre. Quand ilz furent venus il tira vers Calais, & presenta au Roy d'Angleterre la bataille, mais il ne la voulut accepter. Ledit Roy d'Angleterre, & le Duc de Lancastre, parauant Côte d'Erby, & les Anglois qui estoient nouuellement retournez d'Angleterre, auoyēt tellemēt enuironné ladicte ville de Calais par mer & par terre, que les viures ne leur pouoyēt estre menez, & ne les peut le Roy secourir, pource que le lieu ou estoit le Roy d'Angleterre estoit inuasible: & furent en telles necessitez qu'ilz mangerent leurs cheualx, chatz, chiens & cuirs de beufz. Finablement ceulx qui estoient dedans ladicte ville de Calais, par faulte de viures & necessité de faim, furēt contrains rendre la ville es mains du Roy Edouard d'Angleterre par cōposition, leurs vies sauues, & les robes qu'ilz portoyent tant seulement. Cela fait, ledict Edouard s'en retourna en Angleterre: & ce voyant le Roy de France, il s'en retourna à Paris, & la se rendirent à luy à refuge les pauvres gens de Calais, ausquelz les François feirēt de grandes aumosnes & humanitez: & fut ordonné que tous les offices qui vacqueroyēt fussent donnez ausdictz gens de Calais, selon leurs vacations. Le Roy, estant à Paris, feit grand' assemblée de Prelatz, & Nobles, pour auoir conseil comment il pourroit mener à fin ses guerres: lesquelz luy conseillerent qu'il feist grand' armée par mer & par terre, & luy offrirent faire ayde de gens, & d'argent. Le Roy feit Capitaine de par luy es marches de Picardie monseigneur Geofroy de Charny, lequel eut en sa compaignie le Seigneur de Montmorency, & autres, avec bien quinze cens lances, & allerent audict pays: & la eurent intelligence sur le chastel de Calais par vn Geneuois, qui en estoit Chastelain, & au iour qui leur estoit assigné allerent deuant ledict Calais: mais ledict Geneuois auoit reuelé l'entreprinse au Roy d'Angleterre, qui estoit dedans: lequel & le Prince de Galles saillirent à grand' puissance sur les François, qui se combaterent vaillamment: mais en la fin leur conuint mettre en fuyte, & y fut prins ledict seigneur de Charny, monseigneur Eustace de Richemont, & autres.

*Ceulx de  
Calais par  
extreme ne  
cessité de vi  
ures furent  
contrainctz  
d'eulx ren  
dre au Roy  
d'Angleter  
re.*

*De la guerre de Bretaigne d'entre messire Jehan de Montfort & messire Charles de Bloys, qui fut prins prisonnier deuant d'Arian.*



EN l'an mil ccc. quarante & huyt, furent données trefues au Flamē pour trois ans: & furent le Duc de Braban, l'Archeuesque de Trefues, & monseigneur Jehan de Haynault, commis à traicter l'appoinctement desdictz Flamēs: & pource que les Anglois tenoyent plusieurs places en Bretaigne, & entre autres la Roche d'Arian, & faisoient moult de maux, & gastoyent le pays, & la Duché, messire Charles de Bloys, Duc de Bretaigne, assembla plusieurs Barōs, & gens de guerre, & alla assieger ladicte place, & la eut moult grand' bataille. Et combien que ledict messire Charles de Bloys eust le plus grand nombre de gens, toutesfois pource que la bataille fut de nuyt, ses gens ne s'entrecōgnoissoient point, ains s'entretuoyent l'un l'autre par grand desor

*L'an mil ccc.  
xlviij.  
La Cron.  
de Breta.  
& Frois-  
sard, disent  
que ceoy ad  
uint l'an  
1347.*

Horrible  
et cruelle  
inhumanité  
commise par  
les Anglois.

D'un Cōseil  
liet de Par-  
lement, qui  
fut pendu  
et estranglé  
au gibet de  
Paris.  
L'ā mil ccc.  
xlviii.

dre : & en la parfin l'ost dudiēt messire Charles fut desconfit, & luy prins, par messire Robert du Chastel, & fort nauré, & fut mené au chasteau d'Aulroy : & de la fut apres mené à Vannes, ou il fut bien vn an, attendant qu'il fust guery de plusieurs playes qu'il auoit eues en la bataille : & fut apres mené au chasteau de Brest : car la mer estoit si bien gardée par les François, que les Anglois ne l'osoyēt mettre sus, pour le mener en Angleterre : toutesfois à la fin ilz le menerent : mais auant son partement la Duchesse sa femme eut congé des Anglois d'aller visiter le Duc son mary. En icelle bataille furent presque tous les Barons de Bretaigne mors ou prins. Quand les Anglois meirent lediēt Duc es nauires, ilz luy baillerent plusieurs ioueurs de vielles & guiternes, & à luy mesmes en baillerent vne, & le contraignirent à en iouer par derisiō. Apres la bataille gagnée par les Anglois deuant la Roche d'Arian, iceulx Anglois prindrent ladiēt ville, & tuerent hommes, femmes & petis enfans, de quelque aage, sexe ou condition qu'ilz fussent : mais le lendemain les Barons & populaires du pays de Bretaigne se meirēt sus pour ladiēt Duchesse, & prindrēt ladiēt ville : & apres ce enuoyerent deuers le Roy pour requerrir ayde : lequel leur enuoya le seigneur de Cran, & messire Anthoine d'Aurie, Cheualier, avec grād' armée : lesq̃lz reprindrent plusieurs villes sur les Anglois, & tuerēt tous ceulx qu'ilz trouuerent : toutesfois à la prise de ladiēt ville de la Roche il auoit esté accordé que les Anglois, qui estoient dedans, auroient leurs vies & habillemens saufz, & leur furent baillez aucuns Capitaines pour les conduire, mais on ne peut garder que le menu populaire ne les tuassent. Le vingtieme iour de Iuillet, audiēt an, messire Halain de Hourdery, Cheualier, Cōseillier du Roy en sa chambre des enquestes en son Parlemēt, fut pendu & estranglé au gibet de Paris, par iugement contre luy donné en ladiēt court de Parlement, pource qu'en vne cōmission, ou il auoit esté commis par ladiēt court avec messire Jehan de Thoronde, aussi Cheualier, Cōseiller en icelle court, en vne cause contre Geruais le Comte, Aduocat en Normādie, iceluy de Hourdery auoit enregistré la confession d'aucuns tesmoings, ausquelz il n'auoit point parlé, & dont les aucuns estoient mors, & auoit corrompu le dire des autres tesmoings, en la faueur de l'vne des parties. La sepmaine deuant Pasques flories, audiēt an mil trois cens quarantehuyt, mondiēt seigneur Jehan, Duc de Normandie, en la ville de Sens feit l'appoinctement entre la Comtesse mere de Loys, lors Comte de Flandres, & Jehanne Comtesse de Boulōgne, qui auoit esté femme de feu Philippe de Bourgongne, filz du Duc de Bourgōgne, & de la sœur de ladiēt Comtesse, sur ce que ladiēt Comtesse de Flādres vouloit auoir le bail dudiēt Philippe, & de ladiēt Cōtesse de Boulongne, en tant que touchoit la Comté d'Artois, & autres questions qu'ilz auoyent ensemble.

*De l'acquisition du pays de Dauphiné.*

L'ā mil ccc.  
xlix.



Année mil trois cens quaranteneuf lediēt Roy de Frāce Philippe de Valloys acquist de ses propres deniers, & moyennant certaine composition, le pays de Dauphiné, d'un nommé messire Imbert Dauphin, & luy en paya le pris de quarante mil escus, pour vne fois, & dix mil florins chacun an sa vie durant, & autres patitions faictes entre eulx : lequel Imbert le vendit soubz telle condition q̃ les Roys de France ne le pourroyent aliener, & que l'aisné filz de France, incontinct apres sa natiuité, en auroit & prendroit le nom & tiltre de Dauphin : & ce feit il tant par despit de ceulx qui luy deuoyent succeder, qui auoyent fait plusieurs choses contre sa volonté, qu'aussi pource qu'il vouloit vser paisiblement & solitairement le demourant de ses iours en religion. Et de faict apres ladiēt vendition, se rendit de l'ordre de S. Dominique, au conuent de Lyon : & ladiēt acquisition ainsi faicte, lediēt Roy Philippe, à la requeste de monseigneur Jehan, son filz, Duc de Normādie, donna iceluy pays du Dauphiné à Charles, aisné filz du Duc Jehan : lequel Charles alla iusques à Viēne, audiēt pays de Dauphiné, & la receut les hommages des vassaulx d'iceluy pays, & en print possession & saisine

*Des mariages du Roy, & de son filz Duc de Normandie, & du Comte de Foix.*

L'ā mil ccc.  
xlix.



Vdiēt an mil trois cens quarante neuf mourut à nostre Dame des Champs pres Paris, madame Jehāne, Roine de Frāce, qui fille auoit esté de mōseigneur le Duc de Bourgongne, & fut enterrée à S. Denis : & le troisieme iour d'Aoust audiēt an lediēt Roy Philippe de France espousa pour seconde femme, en la ville de Bray, madame Blāche, fille du feu Roy de Nauarre, qui estoit mort cōtre les Sarrazis, en Espagne : laq̃lle Blāche estoit aagée de dixsept ans ou enuiron, & estoit moult belle Dame : & audiēt an le Cōte de Foix print à fēme vne autre fille d'iceluy Roy de Nauarre & de madame Jehāne sa fēme, fille du feu Roy Loys Hutī, filz de Philippe le Bel : & furent les nopces au Louure,



Louure, à Paris: & au moys d'Octobre ensuyuant trespasla ladiète Iehanne. En celle mesme année trespasla aussi madame Bonne, femme de monseigneur Iehan, Duc de Normandie, fille du feu Roy de Boesme, qui mourut à la bataille de Crecy: & fut son corps mené & enterré en l'Abbaye des Nonains de Maubuisson, pres Pontoise. En ceste diète année le Mardy vnziesme iour de Feburier, iour de Karesme prenant, ledit Duc de Normandie espousa Iehan, Comtesse de Boulongne, qui femme auoit esté de monseigneur Philippe, filz du Duc Eude de Bourgongne, & en auoit vn filz, aussi nommé Philippe, qui deceda en l'aage de treze ans, au chasteil de Rouure pres Dyion. En ce temps se combatit monseigneur Raoul de Caours, & plusieurs autres Cheualiers, estans enuiron six vingtz hommes d'armes, qui estoient pour le Roy en Bretagne, contre messire Thomas d'Argonne, Cheualier Anglois, Lieutenant du Roy d'Angleterre, audict pays, deuant le chasteil d'Aulroy: & fut ledit messire Thomas mort, & de ses gens bien cent hommes d'armes, & les autres desconfitz & prins. En celle année mil trois cens quaranteneuf, au moys d'Auril, ledit Philippe acquist de ses deniers de Iaqués de Mallorgue, la Comté de Roussillon & Sardaigne, les Baronnie, villes, chasteaulx & chastellenies de Motpellier & leurs appartenâces, le pris de six vingtz mil escus d'or, de poix, lors courans.

† Froissard  
dit d'Agora  
ne nomme  
le chasteil  
Aulion.

### *Du trespasement du Roy Philippe de Valloys.*

**E**N celle mesme année furent faictes & accordées trefues entre lesdictz Roys de France & d'Angleterre, soubz esperance d'appointement, & se soubzmeirent de leur question au Pape: deuers lequel le Roy enuoya grands Ambassades: mais le Roy d'Angleterre n'y enuoya point, & ne faisoit que diffimuler: parquoy le quatorzieme iour de Iuin l'an mil trois cens cinquante, furent lesdictes trefues prolongées: & durant icelles, au moys d'Aoust, le Roy estant à Nogent le Roy pres t Coulo, luy print vne griefue maladie, de laquelle, le Dimeneche xxij. dudiect moys, il alla de vie à trespas au lieu de Nogent, en l'an de son aage cinquantesept, & de son regne xxij. & fut le iedy ensuyuant son corps amené à nostre Dame de Paris, & le Lundy ensuyuant fut enterré en l'eglise saint Denis en Frâce, à moult belle ordonnance. Son cœur fut porté enterrer à Bourgfontaine en Valloys, en l'eglise des freres Chartreux, & ses entrailles aux Iacobins de Paris. Dieu par sa grace luy face pardō à l'ame: car ce fut vn moult vaillāt Prince & bon catholique, qui en son temps eut moult de guerres & de persecutions par ses aduersaires: & est par aucuns appelé Philippe le bon catholique, & p les autres le biē fortuné: car ce fut à luy vne grand' & moult belle fortune de puenir à la courōne de France, attēdu qu'il y auoit auāt luy trois hoirs masles, enfans de feu Philippe le Bel, qui tous moururent sans hoirs masles, & ne durerēt enuiron q̄ treize ans: & si eut plusieurs victoires contre ses ennemys & aduersaires, qui moult le travaillerent toute sa vie. En ce temps fut vne si grand' mortalité, qui estoit avec crachat de sang, & estoit si contagieuse que non pas seulement par communicatiō de l'un à l'autre, mais aussi pour regarder l'un l'autre, l'un mouroit, & mourut bien les trois pars du monde.

L'a mil ccc.  
cinquante.  
† Froissard,  
dit Conbois

Grosse ma-  
ladie, dont  
moururent  
les trois par-  
ties du mon-  
de.

### *Du Roy Iehan.*



**I**Ehan, premier de ce nom, filz dudiect Philippe de Valloys, com-  
mença à regner l'an mil trois cens cinquante, & trespasla au qua-  
torzieme an de son regne, l'an mil trois cens soixante quatre. Ce  
stuy au commencement eut à femme madame Bonne, fille du Roy  
de Boesme, dont il eut quatre filz, & trois filles: c'est à sçauoir Char-  
les, qui fut Roy après luy, & fut appelé Charles le quint, Loys, qui  
fut Duc d'Aniou, & Comte du Maine, Iehan, qui fut Duc de Berry  
& d'Auuergne, & Philippe qui fut Duc de Bourgongne. L'une des  
filles fut mariée au Roy de Nauarre, l'autre au Duc de Bar, & la tier-  
ce au Duc de Milan: laquelle dame Bonne trespasla l'vnzieme iour  
d'Aoust, mil.ccc.xlix. & apres eut à femme madame Iehanne, Comtesse de Boulongne, veuf-  
ue de feu Philippe de Bourgōgne, filz aîné d'Eude, Duc de Bourgongne, & pere de Philip-  
pe Duc de Bourgongne, qui deceda à Rouure pres Dyion, le.xxj.iour de Nouembre l'an mil  
trois cens lxj. comme sera diect sur lediect an. Le Dimēche xxvj.iour de Septembre l'an mil ccc.  
cinquante, lediect Roy Iehan, & madame Iehanne sa femme furent solennellement couron-  
nez en l'eglise de Reïs, & là feit le Roy plusieurs nouueaulx Cheualiers: c'est à sçauoir Char-  
les son aîné filz, Daulphin de Viennois, Loys son second filz, Duc d'Aniou, mōseigneur Phi-

L'a mil ccc.  
cinquante.

*L'entrée tri-  
umphale du  
Roy Iehan,  
en la ville  
de Paris.* lippe Duc d'Orléans son frere, Philippe Duc de Bourgogne, filz de madame Iehane sa femme, & de feu Philippe Duc de Bourgogne, son premier mary, les Comtes d'Alençon, d'Estampes, de Dampmartin, messire Iehan d'Artois, & plusieurs autres. puis s'en vint le Roy à Paris, ou il feit son entrée le dixseptieme iour d'Octobre ensuyuant, qui fut moult belle & honnorable: & estoient tous les gens des mestiers de Paris habillez de liurées de diuerfes couleurs, & dura la feste vne sepmaine: & illec demoura le Roy iusques à la saint Marti, d'yuer, pour donner ordre à sa court de Parlemēt, & au faict de la Iustice, & aux autres affaires de son royaume.

*Comment le Comte d'Eu, Connestable de France, fut decapité, & fut faict Connestable messire Charles d'Espagne.*

*Connestable de France  
fut decapité* **E** mardy xvj. iour de Nouembre ensuyuant, messire Raoul de Neelle, Comte d'Eu, & de Guynes, Cōnestable de France, qui nouuellement estoit venu d'Angleterre de prison, ou il auoit esté depuis l'an mil trois cens quaratesix, qu'il fut prins par les Anglois en la ville de Caen, ou il estoit, lequel auoit esté par plusieurs fois eslargy par lesdictz Anglois, pour venir en France, fut prins en l'hostel de Néelle à Paris, par le Preuost de Paris: & par commandement du Roy fut mis en prison audiēt hostel, & le Vendredy ensuyuant, bien matin, en la prison mesme ou il estoit, fut decapité: & là estoient presens, du commandement du Roy, qui estoit logé au Palais, le Duc de Bourgogne, le Comte d'Armignac, le Comte de Montfort, Monseigneur Iehan de Boulōgne, & autres: & auoit esté mis prisonnier pour plusieurs trahysons, qu'il confessa volontairement, en la presence du Duc d'Athenes, & des dessusdictz, auoir faictes & machinées avec les Anglois à lencōtre du feu Roy, & du royaume: & fut son corps enterré aux Augustins, hors le monstier. Au moys de Ianuier ensuyuant, le Roy feit messire Charles d'Espagne, Connestable de France, & luy donna la Comté d'Angoulesme, & feit le mariage de luy, & de la fille de messire Charles de Bloys, en son viuant Duc de Bretagne. Le premier iour d'Auril ensuyuant, fut faicte vne rencontre entre François & Anglois en Xaintonge, & furent desconfitz les François, & y fut prins messire Guy de Neelle, son frere, messire Raoul d'Audenchau, & plusieurs autres: & au moys de Septembre apres la ville de saint Iehan d'Angely, que les Anglois auoyēt tenu cinq ans, fut recouuerte par les François: mais apres elle fut rendue aux Anglois, par ce que les François ne peurent auoir viures, & valloit lors le septier de bled à Paris, huyēt liures Parisis. En ce temps estoit Chancelier de France, messire Pierre de la Forest, Archeuesque de Rouen.

*De la prinse de Guynes par les Anglois, sur le François*

*L'an mil ccc.  
li.* **E**n l'an mil trois cens cinquante & vn la ville & le chastel de Guynes furent prins par trahyson, par les Anglois, nonobstant les trefues qui estoient lors, & la leur liura vn nommé Guillaume de Beaucouroy, Lieutenant du Capitaine du dict lieu, lequel pour ladicte cause fut prins & decapité, & apres pendu. En l'année ensuyuant mil trois cens liij. le xiiij. iour d'Aoust, ledict Guy de Neelle, Marechal de France, combatit contre les Anglois en Bretagne, & fut ledict Marechal occis en la baraille, & semblablement le Seigneur de Bricquebec, & le Chastelain de Beauuais, & plusieurs autres. En celle année le Duc de Lancastre † filz du Roy d'Angleterre, & vn Duc de Boesme, Allemand, se deuoyēt cōbatre à oultrance à Paris, deuant le Roy de France, par deuant lequel ledict Duc de Boesme l'auoit appelé pour aucunes parolles que le Duc de Lancastre auoit dictes, touchant son honneur: & comparurent les parties deuant le Roy hors Paris, au pré aux Clercs, pres saint Germain des prez: & apres qu'ilz eurent fait les sermens & montrez à cheual, l'espée au poing, prestz de combattre, le Roy print leur question en ses mains, & les appoincta sans bataille. En iceluy an mourut Pape Clement sixieme, en Auignon, & fut esleu vn Cardinal du tiltre d'Ostie, natif de Lymosin, qui en son propre nom estoit appelé Estienne Aubert, & auoit esté Euesque de Clermont, & fut sacré, & appelé Innocent.

*Comment le Roy de Nauarre, Comte d'Eureux, qui auoit espousé la fille du Roy Iehan, feit tuer messire Charles d'Espagne, Connestable de France.*

*L'an mil ccc.  
liiij.* **E**n l'an mil trois cens cinquante & trois le Roy Charles de Nauarre, Côte d'Eureux, qui auoit espousé la fille du Roy Iehan, estant lors à Eureux, dont il estoit Comte, monta à cheual, & en sa compaignie estoit messire Philippe de Nauarre, son frere, messire

messire Iehan, Comte de Harecourt & ses freres, messire Geofroy de Harecourt, leur oncle, & plusieurs Cheualiers, & autres, tant Normans que Nauarrois, allerent à l'Aigle, ou estoit lors messire Charles d'Espaigne, Connestable de France : & quand ilz furent aux faulxbourgs le Roy de Nauarre s'arresta en vne grâge, & feit entrer ses gens dedans la ville: lesquelz allerent au logis dudit Connestable qu'ilz trouuerēt encor' au liēt, & la le tuerēt. puis s'en vindrent audit Roy de Nauarre, qui les attēdoit en ladiēte grange aux faulxbourgs. Ce faict s'en retournerent en ladiēte ville d'Eureux, ou iceluy Roy se fortifia & se garnit, & avec luy sallierēt plusieurs Nobles de Normādie, & mesmemēt lediēt Seigneur de Harecourt, le Seigneur de t Hanebuye, messire Iehan t Mallet, seigneur de Grauille, le seigneur de t Melenne, & plusieurs autres. Apres escripuit lediēt Roy de Nauarre lettres aux bonnes villes du Royaume, & aux gens du grand Conseil du Roy : esquelles lettres estoit contenu qu'il auoit fait mettre à mort lediēt Connestable, pour plusieurs grands meffaiētz que lediēt Connestable luy auoit faictz. puis enuoya lediēt Roy de Nauarre le Comte de Namur deuers le Roy à Paris, pour s'excuser dudit faict: & aucun tēps apres le Roy enuoya deuers luy plusieurs grands psonnages, c'est à sçauoir monseigneur Guy de Boulongne, Cardinal, Robert le Coq, Euesque de Lyon, le Duc de Bourbon, le Comte de Vêdoisme, & plusieurs autres, ausquelz le Roy de Nauarre, à qui ne suffist pas de demāder que le Roy luy pardonnast son meffaiēt, feit plusieurs grāds demandes de quelques choses qu'il vouloit auoir du Roy Iehan, & fut la chose deslors en dāgier de faire grād' guerre entre lesditz deux Roys: car lediēt Roy de Nauarre auoit fait de grands alliances & grands semonces en diuers pays, & si garnissoit ses villes & places, qu'il auoit en Normandie & ailleurs: toutesfois finablement fut faict vn appoinctemēt, par lequel entre autres choses le Roy de Frāce promit au Roy de Nauarre, & luy assigna xxxviij. mil liures de rente, tant pour acquiter certaine rente que lediēt Roy de Nauarre prenoit sur le thresor du Roy, qu'aussi pour autre rente que le Roy luy deuoit assigner par aucuns traictēz faictz long temps parauant, entre les predecesseurs des deux Roys, pour cause des Comtez de Chāpaigne & Brie, à cause du mariage du Roy de Nauarre, Comte d'Eureux, son pere, qui espousa la fille du Roy Loys Hutin, filz de Philippe le Bel, à laquelle lesditz royaumes & Comtez de Champaigne & de Brie deuoyent appartenir: & pour l'assiete desditz xxxviij. mil liures tournois de rente luy furent baillées les Vicomtez de Beaumont le Roger, Bretueil, Conches, Orbec, le Pontaudemer, le Bailliage & pays de Constatin. Oultre ce luy fut accordé que lesditz alliez de Normādie luy feroiēt hōmage de leurs terres, se faire le vouloyent, autrement non: & qu'il tiēdroit toutes lesdites terres, avec celles qu'il tenoit parauant, en Perrie, & qu'il pourroit tenir fil vouloit en lesdites terres son Eschiquier, aussi noblement comme le Duc de Normandie: & pardonna le Roy ausditz de Harecourt, de Grauille, & à tous ceulx qui estoient consentans & aydans à la mort dudit feu Connestable. Nonobstant tout cela, auant que le Roy de Nauarre voulust venir deuers le Roy, il conuint au Roy luy liurer vne grand' somme d'escus, & bailler en ostage monseigneur Loys, Duc d'Aniou, second filz du Roy: & lors vint à Paris, à grand orgueil, & grand' compaignie de gens d'armes: & le quatrieme iour de Mars, audiēt an fut lediēt Roy de Nauarre, en propre personne en la chambre de Parlemēt, deuant le Roy, tenant le siege, avec aucuns de ses Pers, & plusieurs de ses Conseilliers, & y estoit aussi le Cardinal de Boulongne, & autres: & pria lediēt Roy de Nauarre au Roy qu'il luy pleust luy pardonner la mort dudit Connestable, en disant qu'il auoit eu de ce faire bonne & iuste cause, laquelle il estoit prest de dire au Royvne autre fois, & qu'il ne l'auoit point fait au contēnement du Roy, ne de son office de Connestable, & qu'il ne seroit de rien si courroucé comme d'estre en l'indignation du Roy. Lors messire Iaques de Bourbon, Comte de Poitou, que le Roy auoit fait nagueres parauant Connestable de France, du cōmandement du Roy meit la main audiēt Roy de Nauarre, & le feit on retirer à part: & lors entrerēt en ladiēte chambre de Parlemēt la Roynē Iehanne, qui femme auoit esté de Charles le Bel, ante de la Roynē Blanche, & icelle Roynē Blanche, qui sēme auoit esté dudit feu Roy Philippe de Valloys dernier trespasé, & estoit sœur dudit Roy de Nauarre, & feirēt la reuerence au Roy, & s'agenouillerēt. Et adonc messire Regnault de Trie, dit Patrouillart, s'agenouilla subitemēt, & dist: Mon trefredouté seigneur, voicy mes dames les Roynes, Iehanne & Blanche, qui ont entēdu q monseigneur de Nauarre est en vostre malle grace, dont elles sont moult desplaisantes & courroucées, pource sont venues par deuers vous, & vous supplient q vostre plaisir soit luy pardonner vostre malalent, & si Dieu plaist il se portera doresnauant enuers vous si biē que vous & tout le peuple de France en sera bien content. Apres lesdites parolles dictes, lediēt Connestable & l'un des Mareschaulx de France allerēt requerrir lediēt Roy de Nauarre, & le ramenerēt en ladiēte chambre de Parlemēt, lequel Roy de Nauarre se meit entre les deux Roynes. Et lors lediēt Cardinal de Boulongne, en parlant au Roy de Nauarre, dist telles parolles: Mōseigneur

Charles  
d'Espaigne,  
Conestable  
de France,  
tué en son  
liēt.  
† Froissard  
Mauluc,  
Mallet, Men  
tanc.

De Roy de  
Nauarre q  
requist par  
dō au Roy,  
en plain Par  
lemēt d'a  
noir tué &  
occis le Con  
nestable de  
France

de Nauarre, nul ne se doit esmerueiller si le Roy s'est tenu mal content de vous, pour le cas ad-  
nu, qu'il ne conuient ia reciter, car vous l'avez assez publié par voz lettres, & autrement : & ne  
le deussiez pas auoir fait, car vous estes enuers luy tenu, à cause de ce qu'estes son prochain pa-  
rent, & estes son homme & Per, & si auez espousé madame sa fille, & de tât plus en auez vous  
mesprins : toutesfois pour l'honneur de mes dames les Roynes, qui tant affectueusement l'ont  
requis, & aussi qu'il tient que l'avez fait par mauuais cōseil, il le vous pardonne de bon coeur,  
& de bonne volûté : & lors lesdictes deux Roynes, & le Roy de Nauarre, se meirer le genouil  
à terre, remerciât le Roy. Apres ce, dist encores ledict Cardinal, presens plusieurs Seigneurs,  
qu'aucuns, fussent du lignage du Roy, ou autres, ne s'aduéturassent plus de faire doreinauant  
telz faitz & oultrages aux gens & officiers du Roy : car fil aduenoit, & fust le propre filz du  
Roy, il en feroit faire iustice & reparation : & ce dict, le Roy se leua : & aucuns iours apres ledict  
Roy de Nauarre s'en retourna en ses terres de Normandie. Aucun temps apres se reconci-  
lierent deuers le Roy de France, le seigneur de Harecourt, & son frere, qui estoient alliez par-  
auât avec ledict Roy de Nauarre, & luy reuelerēt moult de choses : & lors s'en partit de court  
ledict Cardinal de Boulongne, & s'en alla deuers le Pape en Auignon : & disoit on qu'il s'en  
estoit allé fort en la malle grace du Roy : & semblablement s'en partit monseigneur Robert de  
Lorris, grand Conseiller du Roy, hastiuement, par ce qu'on le chargeoit d'auoir sceu l'entre-  
prinse de la mort dudit feu Connestable en France.

*Comment apres le pardon que le Roy eut fait au Roy de Nauarre, il machina  
contre luy, parquoy le Roy feit saisir ses terres.*

L'an mil ccc.  
liii.



Nl'an mil ccc. liiiij. au moys de Nouembre, ledict Roy de Nauarre se partit secrette-  
ment de Normâdie, sans le sceu & congneu du Roy, & s'en alla iusques en Auignō,  
latitant par diuers lieux, & de la en Nauarre : & fut le Roy aduertý d'aucunes machi-  
nations qu'il auoit faictes contre luy. Parquoy il alla en Normandie, & fut iusques à  
Caen, & feit prendre & saisir en ses mains les terres q' ledict Roy de Nauarre auoit en ses pays  
de Normandie, reserué Eureux, Pôteaudemer, Cherebourg, Gauray, Aurâches, & Mortaing,  
par ce que ceulx qui estoient dedans dirent qu'ilz ne les bailleroient à autre qu'audit Roy de  
Nauarre, qui les leur auoit baillées en garde. En celle année grands Ambassades des Roys  
de France & d'Angleterre, allerēt en Auignon, deuers le Pape, pour traicter la paix : c'est à sça-  
uoir du party de Frâce, l'Archeuesque de Rouen, Chancelier de Frâce, & le Duc de Bourbois  
& pour la part du Roy d'Angleterre, le Duc de Lâclastre, & plusieurs autres : mais ilz n'y peu-  
rēt riens faire : & furēt par le Pape les trefues d'entre les deux royaumes prolongées seulemēt,  
iusques au moys de Iânier. Audit an vint à Paris, de par le Roy de Nauarre, deuers le Roy,  
messire Gaucher de Lorris, lequel apres ce qu'il eut parlé au Roy, en emporta saufcōduyt pour  
ledict Roy de Nauarre, iusques en Auril ensuyuant. En celle année le Roy feit faire florins d'or  
à l'aiguel, & en dōnoit on lij. au marc d'or fin : & deffendit le cours de tous autres florins. L'an  
mil ccc. lv. vindrēt aucuns Anglois deuant le chastel de Nantes, & le soir de Karesme prenât y  
en eut lij. qui entrerent dedans, & le prindrent d'emblée par eschelle : mais messire Guy de Ro-  
chefort, qui en estoit Capitaine, lequel estoit allé en la ville, hors dudit chastel, feit tant par  
assault, ou autrement, qu'il le recouura en la nuyt mesmes, & furēt lesdictz lij. Anglois mors,  
& prins. Enuiron la feste de Pasques audit an, le Roy enuoya monseigneur Charles, Dau-  
phin de Viennois, son aîné filz, pour estre son Lieutenant en Normandie, & y demoura tout  
l'esté : & luy octroyerent les gens dudit pays deux mil hommes d'armes pour trois moys : &  
au moys d'Aoust ensuyuant ledict Roy de Nauarre s'en retourna de Nauarre, & vint en Fran-  
ce, & descendit à Cherebourg en Constentin, en Normâdie, avec bien deux mil hommes : les-  
quelz, & ceulx qui estoient de par luy en ses places, coururent, pillerent, & gasterent tout le  
pays d'environ, comme ennemys, & prindrent le chastel de Conches, qui estoit en la main du  
Roy : mais en la fin fut fait appoinctemēt, & s'en vint ledict Roy de Nauarre, le xvij. iour de  
Septembre, par deuers mondict seigneur le Daulphin, qui estoit au chastel du Val de Rueil, en  
Normandie : & amena mondict seigneur le Daulphin le Roy de Nauarre deuant le Roy, au  
chastel du Louure, à Paris, en la présence des Roynes Iehanne & Blanche, ses tante & soeur.  
Si iura & afferma que depuis la mort du Cōnestable, il n'auoit fait chose qui deust tourner au  
desplaisir du Roy : & requeroit que s'il y auoit aucuns qui l'eussent accusé qu'on les luy nom-  
mât, pour soy iustifier, requérant au Roy qu'il luy pleust pardonner son maltalent, & pro-  
mettoit que doreinauant à tousiours luy seroit bon & loyal : & alors le Roy luy feit dire par le  
Duc d'Athenes, Cōnestable de France, qu'il luy pardonnoit tout de bon coeur : mais qu'il gar-  
dast de s'encheoir.

Le Roy le  
has pardon-  
né la seconde  
fois au Roy  
de Nauarre.

Des courtes

*Des courses que firent les Anglois en France: & comment le Roy Iehan offrit au Roy d'Angleterre de se combatre à luy corps à corps, pour leur querelle.*

**V**di& an, au moys d'Octobre, le Prince de Galles, filz du Roy d'Angleterre, vint en France, & descendit à Bordeaux à grand' armée: puis tira vers Toulouze, & passa la riuere de Garonne: puis cheuaucha vers Carcassonne, & ardit les faulxbourgs de la cité: & apres alla vers Narbone & Besiers: puis s'en retourna en Bordelois, pillant & gastant le pays, & emmena grand nombre de prisonniers, sans contredit: & toutesfois estoient audict pays de par le Roy, le Comte d'Armignac, qui estoit Lieutenant general du Roy en Languedoc, les Comtes de Foix, & de Ponthieu, Connestable, & autres en plus grand' compagnie que le Prince de Galles, dont on murmura fort contre eulx. En ce mesme moys le Roy d'Angleterre descendit à Calais, avec grand' armée: puis tira vers Hedin, & rompit le parc, & brussa les maisons qui y estoient: mais il n'entra pas au chasteau n'y en la ville. Lors le Roy de France, qui auoit fait son mandement, & assemblé ses gens à Amyés, si tost qu'il sceut la nouuelle de la venue dudit Roy d'Angleterre, partit d'Amyens pour aller au deuant: mais quand le Roy d'Angleterre sceut sa venue, il ne l'osa attendre, & s'en retourna à Calais. Si alla le Roy apres luy, le suyuant iusques à S. Omer: & de la enuoya leid& Roy deuers le Roy d'Angleterre, le seigneur de t d'Euchan, vn de ses Marechaulx: & luy manda que s'il vouloit il se combatroit à luy corps à corps, ou puissance contre puissance, à quelque iour & en quelque lieu qu'il voudroit: mais le Roy Anglois, comme lasche & failly de courage, refusa la bataille, & s'en repassa la mer, & retourna en Angleterre: par quoy le Roy s'en reuint à Paris.

† Trois. dis  
Dauchin.

*D'une grand' assemblée que le Roy fait à Paris.*

**E**nviron la feste saint Andry ensuyuant, le Roy fait assembler en la ville de Paris les gens des trois Estatx de son royaume, & par messire Pierre de la Forest, lors Archeuesque de Rouen, & Chancelier de France, leur pria en la chambre de Parlement qu'ilz eussent aduis qu'elle ayde ilz luy pourroyent faire, pour la conduyte de sa guerre: & pource qu'il auoit entendu q ses subiectz se tenoyent greuez de la mutation qu'il auoit faicte de la monnoye, il offrit à faire forte monnoye & durable, mais qu'on luy feist ayde suffisante: lesquelz feir& responce, c'est à sçauoir les g&es d'Eglise par la bouche de m&seigneur Ich& de Craon, lors Archeuesque de Reims, les Nobles, par la bouche du Duc d'Athenes, & les gens des villes, par la bouche d'Estienne Marcel, lors Preuost des Marchans de Paris, qu'ilz estoient prestz de viure & mourir avec le Roy, & de le seruir de corps & de biens, & requierent delay pour deliberer ensemble de quel ayde ilz le secourroyent lors. Apres ladi&te deliberation feirent responce qu'ilz feroient au Roy chacun an trente mil hommes d'armes, dont le Roy fut bien content, & les mercia: & pour fournir au payem&ent & soude desdictz trente mil h&mes, fut ordonné que la gabelle du sel & l'imposition du vingt denier pour liure auroy&ent cours, & seroy&ent leu&es sur toutes manieres de gens, tant d'Eglise, Nobles, qu'autres: mais pource qu'on ne sçauoit lors c&obien lesdictes gabelles & impositions pourroyent m&ter, & si elles suffiroient bien audict payem&ent & soude desdictz gens de guerre, fut ordonné qu'ilz se r&assembleroyent au premier iour de Mars ensuyuant, pour veoir l'estat de la v&aleur d'iceulx aydes. Auquel iour assigné ilz trouuer&ent que lesdictes gabelles & impositions ne pourroyent fournir audict payement: & par ce fut ordonné que toutes manieres de gens du royaume (fussent du lignage du Roy, Prelatz, Religieux, Hospitaliers, Officiers, Marchans, Laboureurs, ou autres quelzconques) qui auoyent cent liures de rente ou de reuenu en benefices, ou de gaiges d'offices, feroiy&ent ayde au Roy de quatre liures, & au dessus, & au dessous au feur l'employe, & les gens de mestier & Laboureurs, qui n'auoyent nul heritage ou rente, feroiyent chacun dix solz.

L'offre que  
feirent au  
roy les trois  
Estatz asse-  
blez à Paris

Imposition  
sur tous les  
habitans de  
France.

*Comment le Roy Iehan fait decapiter & pendre à Rouen le Comte de Harecourt, les Seigneurs de Granville, de Preaulx, & autres.*

**E**n moys de Mars, audict an mil trois c&es cinquante & cinq, ledit Roy Ich& donna audict monseigneur Charles, Dauphin de Viennois, son aîné filz, la Duché de Normandie, & le receut à hommage: puis l'enuoya à Rouen, pour en prendre possession, & en recevoir les hommages des v&assaulx. Et pource qu'aucun temps apres il fut rapporté au Roy que deuers fondit filz festoyent retirez, &

L'an mil  
trois c&es cin-  
quante & q.



† Froissard  
dit Jehan  
d'Artois,  
Côte d'Eu,  
monseigneur  
Charles son  
frere, &c.  
† d'Andre-  
ghen Frois.

† Frois. dit  
de Mamef-  
nars Colinier  
Doublet, et  
Jehan de  
Vaubatu.

Le Roy de  
Nauarre, et  
autres, pri-  
sonniers à  
Paris.

† à Orbec  
Frois.  
† Hotetot  
Frois. &  
Guag. Ho-  
lecot.

prenoient gouuernement autour de luy le Roy de Nauarre, le Comte de Harecourt, les Seigneurs de Preaulx, de Grauille, & autres: & qu'ilz empeschoyent q̄ ceulx dudit pays de Normandie ne feissent au Roy l'ayde qui luy auoit esté octroyée par ceulx dudit pays de Normandie, en l'assemblée qui auoit esté faite l'année precedente, par mondict seigneur le Duc de Normandie, au val de Rueil, & aussi auoyent dit plusieurs iniurieuses & orgueilleuses parolles de la personne du Roy, de monseigneur le Duc, son aîné filz, & de tout le royaume, le .v. iour du moys d'Auril, audict an, le Roy se partit du lieu de Maneuille biē matin, auant le iour, tout armé, & en sa compaignie cēt hommes tous armez, entre lesquelz estoit monseigneur Loys, Comte d'Aniou, son filz, monseigneur Philippe, Duc d'Orléans, son frere, monseigneur † Charles d'Artois, Comte d'Eu, & son frere, le Comte de Tancarville, messire Arnoul de † Deuchan, Marechal de France, & autres iusques au nombre de cent: & cheuaucha tant qu'il vint droit au chasteau de Rouen, par l'huy de derriere, hors les murs, sans entrer en la ville, ou l'attēdoit le Capitaine, auquel il auoit fait sçauoir sa venue. Si entra dedans, & trouua en la salle assis au disner mondict seigneur Charles, Dauphin de Viennois, & Duc de Normandie, son aîné filz, Charles, Roy de Nauarre, Jehan, Comte de Harecourt, le Seigneur de Preaulx, messire Jehan Mallēt, seigneur de Grauille, le seigneur de Clermont, monseigneur Loys de Harecourt, frere dudit Comte, les Seigneurs de Friquault, de Tournebeu, de Clere, de Maubué † Mainefmares, tous Cheualiers, † Colinet Doublet, & Jehā de † Portalu, Escuyers, & aucuns autres, lesquelz ne se doutoyēt pas de sa venue. Tous lesquelz il feit leuer de table, & mettre en prison, en diuerses chābres audict chasteau, & leur feit bailler chacun vn confesseur: & puis s'en alla disner: & si tost qu'il eut dîné, luy & ceulx qui estoient venuz monterent à cheual, & sortirent par ledict chasteau hors la ville, en vn chāp, ou le Roy auoit fait faire vn eschaufault sur quatre pipes: & la furēt amenez en deux charrettes, par le commandemēt du Roy, lesditz Comte de Harecourt, le Seigneur de Grauille, le Seigneur de Maubué, & Colinet Doublet: & leur furēt les testes coppées en la presence du Roy, de sesditz enfans, de sondict frere, & autres: & puis les corps furēt trainez, & penduz au gibet de Rouen, & leurs testes mises à deslances sur le gibet. Le lendemain feit deliurer le Roy les autres prisonniers, qui auoyent esté prins, reserue ledict Roy de Nauarre, & lesditz Friquault & Portalu, qui furēt amenez prisonniers à Paris: & fut mis le Roy de Nauarre au Loure, & les deux autres au Chastelet. Pour laquelle cause Philippe de Nauarre, frere dudit Roy de Nauarre, & messire Geofroy de Harecourt, oncle dudit feu Seigneur de Harecourt, feirēt garnir les places dudit Roy de Nauarre, qu'il auoit en Normandie, de gens & de viures: & amasserent grand nombre de gens, & tindrent long temps le pays de Conſtentin, contre le Roy & ses gens: & à leur suggestion & poursuyte le Duc de Lancastre, Anglois, descendit audict pays de Conſtētīn, avec quatre mil hommes, & cheuaucherent à Lyſieux, † au Bechelouyn, au Ponteau de mer, ou messire Robert de † Hocquetot, Maistre des Arbalétriers de France, auoit ia biē tenu le ſiege par huyt ſepmaines: lequel ilz surprindrent, tellement qu'il fut contrainct, & ceulx de sa cōpaignie, s'en fuyr, & laisser les engins & artilleries qu'ilz auoyent. Depuis cheuaucherēt ledict Duc & sa compaignie vers Bretueil, & rafreschirent le chasteil de gens & de viures: & pource qu'ilz sceurēt que puis nagueres la ville & le chasteil d'Eureux auoit esté baillé es mains des gens du Roy de France, qui longuement auoyent esté deuant, par les Nauarrois qui estoient dedans, lesquelz parauāt auoyent bruslé la pluspart d'icelle ville, & la grand' Eglise, ilz tirerent à Vernueil au Perche, & la prindrent, pillerent & roberent tout, & en bruslerent la plus grand' partie.

### De la prinſe du Roy Jehan, deuant Poitiers.



Vand le Roy, qui auoit assemblé son armée, sceut ces nouuelles, il tira vers Vernueil, en grand' diligence: mais en cheminant il sceut qu'ilz en estoient partis, & alloient vers la ville de l'Aigle, & ne les pourroyt acconsuyure: patquoy il print vn chasteau, appelé Tilliers, que tenoyēt les Nauarrois. puis alla deuant Bretueil, ou il tint ſiege par huyt ſepmaines, & apres luy fut rendu par composition: & de la ſen alla à Chartres, ou luy vindrēt nouuelles q̄ le Prince de Galles, aîné filz du Roy d'Angleterre, estoit party de Bordeaux, & auoit cheuauché par les pays d'Auuergne, Bourbōnois & Lymosin, & auoit esté deuant les villes de Bourges & Issouldun, & bruslé les faulxbourgs, par ce qu'il n'auoit peu entrer dedans. Puis auoit passé à Vierzon, pillé la ville, & tous les autres lieux des pays par ou il estoit passé: & apres estoit venu sur la riuere de Loyre, & passé par Romorantin, qu'il print d'assault, & plusieurs Cheualiers qui estoient dedans: entre lesquelz estoit le Seigneur de Cran, messire Bouciquault, & l'Hermite de Chaumont. Puis estoit tiré à Tours: & lors le Roy de France alla à Tours pour le rencontrer: mais quand le Prince de Galles



Galles le sceut il se vouloir retirer, & retourna vers Poitiers, pour cuyder retourner à Bordeaux dont il estoit venu: & combien que le Roy n'eust encores tous ses gens assemblez, toutes fois poursuivoit il ardemment, & de hault couraige ledit Prince de Galles, le plus tost qu'il pouoit, pour le r'encontrer & combattre, & auoit grand' paour qu'il ne luy eschapast: & tant cheuaucha que le Samedy dixseptieme iour de Septembre, mil trois cens cinquante six, il fut à deux lieues pres de l'ost du Prince de Galles: Iceluy Samedy les Comtes d'Auxerre & de Joigny, le Seigneur de Chastillô sur Marne, grand Maistre d'hostel du Roy, avec les cōpaignes qu'ilz conduyfoient, se combattirent avec plusieurs des gens dudit Prince de Galles, qu'ilz r'encontrerent: & furēt lesditz deux Comtes, & le Seigneur de Chastillon desconfitz & prins. Le Dimanche xviii. iour dudit mois le Roy Iehan ioignit & approcha son ost iusques à vn quart de lieue pres de l'ost dudit Prince de Galles, qui estoit logé es champs de Beauvoir & de Maupertuys. Ledit Prince de Galles n'auoit qu'environ huyt mil hōmes, & les François estoient bien quarante mil combatans. Là vint le Cardinal de Perigort, qui auoit esté enuoyé par le Pape, pour traicter la paix desditz deux Roys de France & d'Angleterre, & aussi du Roy de Navarre, qui estoit prisonnier au Louure: lequel Cardinal feit plusieurs allées & venues esditz deux ostz, d'un costé à l'autre: & feit le Prince de Galles de moult grandes offres au Roy. C'est à sçauoir de rendre tout ce qu'il auoit conquis, & ses gens prins & pillé, depuis son parlement de Bordeaux, & de iurer de non soy armer, ne luy ne ses gens, de sept ans contre le Roy: lesquelles offres le Roy ne voulut accepter: & durant ce temps qu'on parlementoit, les Anglois se fermerent de hayes, buyssons, & grands fosséz: & voyant ledit Cardinal qu'il ne pouoit riens faire s'en alla à Poitiers, qui estoit à deux lieues pres du lieu, ou le Roy de France auoit logé son ost, deuant celui du Prince de Galles, es champs de Beauvoir & de Maupertuys, qui estoit pres d'un chasteau nommé Chauuigny, appartenant à l'Euesque de Poitiers, assis en un fort pays de hayes & de buyssons, tellement qu'on ne pouoit aborder sur ses gens. Mais ce neantmoins le lendemain matin, qui fut le lundy xix. iour de Septembre, audit an mil trois cens cinquante six, ledit Cardinal, qui estoit moult desplaisant qu'il ne pouoit faire la paix, retourna, & alla d'un ost à l'autre, & les cuyda par son preschement pacifier: mais il n'y peut donner remede: & luy fut dict par un Seigneur François, qu'il s'en retournast hardiment ou il luy plairoit, & que plus ne se traouillast de porter nulles parolles d'appointement, car il luy en pourroit mal prédre. Quand ledit Cardinal veit ce, il print congé du Roy, & s'en alla au departir deuers le Prince de Galles, & luy dist: Beau filz faictes ce que vous pourrez: il vous fault cōbatre, car ie ne puis trouuer nulle grace d'accord deuers le Roy de France. Le Prince dist: Nous nous sommes mis en nostre deuoir de faire offres, qui nous semblent raisonnables, & puis qu'ainsi est qu'il n'y veult entēdre, & qu'il n'ya autre moyē, c'est biē l'intention de nous & des nostres de le cōbatre, & Dieu vueille ayder au droit. Lors ledit Prince parla & prescha ses gēs, & leur remonstra le deuoir en quoy il s'estoit mis pour auoir appointement: & puis qu'ainsi estoit qu'il ne l'auoit peu auoir, qu'ilz se deliberaissent de batailler vaillamment, & venger leurs vies, & qu'ilz estoient gens pour cōbatre les François, & les desconfire, & la gaigner hōneur & cheuāce si à eulx ne tenoit: & moult d'autres parolles leur dit, pour leur donner courage: & ce dict meir le meilleur ordre qu'il peut en son ost. Lors mōseigneur Gaultier, Duc d'Athenes, Côte de Brienne en Chāpaigne, Connestable de Frāce, mōseigneur Arnoul de Duel, & messire Iehan de Clermont, Mareſchaulx de France, avec leurs batailles enuironnerēt l'ost dudit Prince de Galles d'une part: & monseigneur Charles, Duc de Normādie, aîné filz du Roy, qui auoit la secōde bataille: mōseigneur le Duc d'Orleans, qui auoit la tierce, s'approche rēt d'une autre part dudit ost: mais les Anglois estoient en si fors halliers, buyssons & diuers pays & de si malle venue, qu'il n'estoit hōme tāt fust à droit, à pied ou à cheual qui peust aborder sur eulx: & lors les archiers Anglois, dont il y auoit grād nōbre, cōmēcerent à tirer sur les François moult fort & vertueusement, eulx deffendās: & de la grand' quātité du traitt blesserēt à l'arriuee moult de gēs & de cheuaux: à l'occasion de quoy grand nombre de François tournerēt le dos, & se meirēt en fuyte. Les autres se combati rēt fermement, & fut la bataille moult aspre & cruelle: & en icelle furent tuez de la partie du Roy, monseigneur Pierre, second Duc de Bourbon, Comte de Clermont & de la Marche, qui en son viuāt auoit esté fait Per & Chābrier de Frāce, le Duc d'Athenes, Connestable de Frāce, messire Iehan de Clermont, Mareſchal, messire Geofroy de Charny, qui portoit l'Oriflābe, monseigneur Regnault Chameau, Euesque de Chaalons, le Seigneur de Pons, & plusieurs Nobles, Escuyers, Cheualiers, & autres, iusques au nōbre de sept à huyt cens: & aussi y furēt prins prisonniers le Roy de France, qui en la bataille s'estoit plus vaillamment porté & combatu, q nul autre de ceulx de sa compaignie, & fut pris à la retraicte aux portes de Poitiers, par un Cheualier natif de S. Omer, nommé messire Denis de Morbecque, Cheualier du pays d'Artois, lequel s'estoit retiré au seruire

L'an mil ccc.  
cinquante six.

Des offres  
que feit le  
Prince de Gal  
les au Roy  
Iehan.

Les remōstrā  
ces que feit  
le Prince de  
Galles à ses  
gens.

De la descōfi  
ture des François  
faicte p  
le Prince de  
Galles & ses  
gens.

Prise du Roy  
Iehan deuant  
Poitiers, par  
un Cheualier  
d'Artois.

du Roy d'Angleterre, pour vn homicide qu'il auoit fait à sainct Omer, en guetre d'amys: auquel messire Denis, le Roy bailla son dextre gand pour gage, & luy pria qu'il le menast deuers le Prince de Galles, son cousin: car il voyoit biē que tout estoit perdu par desordre. † Aussi furent prins monseigneur Philippe son quart filz, monseigneur Jaques de Bourbon, Comte de Ponthieu, frere du Duc de Bourbon, messire Iehan d'Artois, Comte d'Eu, & son frere, Charles, Comte de Longueuille, le Comte de Tancarville, monseigneur Iehan de Melun, & son filz, l'Archeuesque de Sens, messire Simon de Dampmartin, le Comte de Védosme, le Comte de Sallebriche, le Côte de Nassou, le Marechal de Suchan, & plusieurs autres Barons, Cheualiers, Escuyers, iusques au nombre de dixsept cens, ou enuiron: entre lesquelz mors & prins y auoit cinquante deux Cheualiers baneretz. Et voyant la grand' desconfiture qui venoit sur les François, on feit retraire monseigneur Charles, Duc de Normandie, aîné filz du Roy, & ses deux autres freres, & aussi le Duc d'Orleans, frere du Roy, & aucuns autres: & finablement il fut trouué qu'il auoit esté prins dixsept Comtes, sans les Barons, Cheualiers, Escuyers: & y furent mors de six à sept mil hommes, & y eut des prisonniers qu'vns qu'autres deux fois autant que les Anglois estoient.

† le Roy  
que les nōs  
de ces pri-  
sonniers pen-  
uēt estre au-  
tres allieus  
mais il est  
mal aisé  
d'asseurer  
lesquelz sēt  
les plus  
vrais.

*Comment le Prince de Galles enuoya le Roy Iehan prisonnier à Bordeaulx.*

**A** Pres la bataille ledit Prince de Galles se retira en vn pauillon, pour soy rafraeschir: & la luy fut par ledit messire Denis de Morbecque, amené le Roy de France prisonnier: lequel Prince alla au deuant, & luy feit moult grand' honneur & reuerence, en le reconfortant, & luy disant que ce qui estoit aduenu n'estoit pas de sa vaillance: mais qu'a Dieu auoit pleu qu'ainsi se feist, & l'enhortoit de faire bonne chere: & apres le mena à Poitiers, ou on luy feit ouuerture. Tantost apres le mena à Bordeaulx, avec les autres bons prisonniers, reserué le Comte d'Eu, qui estoit fort blessé: lequel fut enuoyé sur sa foy, & plusieurs autres menuz prisonniers furent mis à rançon, & laissez aller sur leur foy, pour pourchacer leurs rançons: & tant comme le Roy fut es mains du Prince de Galles, il le traita moult honnorablement, & luy faisoit tout l'honneur qu'on luy pouoit faire. Mondit seigneur Charles, Duc de Normandie, le Comte de Poitiers, son frere, le Duc d'Orleans, leur oncle, apres ladicte desconfiture s'en vindrent à Paris, pour auoir conseil sur la deliurance du Roy, leur pere.

*De l'assemblée faicte à Paris, des gens des trois Estatx de France, apres la prinse du Roy Iehan, pour le faict de la deliurance d'iceluy.*

**L**E xv. iour du moys d'Octobre ensuyuant, furent assemblez à Paris les gens des trois Estatx de France, qui auoyēt esté mandez par mondit seigneur le Duc de Normandie: lequel par la bouche de l'Archeuesque de Rouē, Chancelier de France, leur demanda conseil & ayde, pour la deliurance du Roy, son pere, & pour la conduicte de la guerre: & furēt par les gens desdictz Estatx deputez cinquante personnes, qui plusieurs fois s'assemblerent: & apres aucunes iournées feirent dire à monseigneur le Duc qu'ilz parleroyent voluntiers à luy en secret: lequel à ceste cause alla deuers eulx au conuent des Cordeliers: & la ilz luy remonstrerent q plusieurs des Thresoriers, Maistres des cōptes & des monnoyes, qui auoyēt esté du tēps de son pere, auoyent mal administré les deniers des finances, & requeroyēt que cōmission fust octroyée al'encōtre d'eulx, & qu'ilz fussent puniz, & leurs biēs confisquees, & qu'il muast tous officiers, & mesmemēt ceulx dont les noms s'ensuyuēt. Monseigneur Pierre de la Forest, Archeuesque de Rouen, Chancelier de France, messire Simon Bray, Cheualier du grand Cōseil du Roy, & premier Presidēt de Parlement, messire Robert Lorris, Cheualier, Premier Chābellan du Roy, messire Nicole de Bracquē, Cheualier, Thresorier de Frāce, & Maistre des cōptes, Enguerrād du petit Celier, Bourgeois de Paris, Thresorier de Frāce, Ichā de Pouilleuillain, General des monnoyes, Ichā Chauueau de Chartres, Thresorier des guerres, qui tous estoient coupables: & à ceste cause qu'ilz fussent puniz p ceulx qu'ilz nōmeroyēt, & filz estoyēt innocēs, si vouloyēt ilz qu'ilz pdissent leurs biēs, & demourassent sans offices. Itē luy requeroyēt qu'il voulsist deliurer ledit Roy de Nauarre, q son pere auoit fait emprisonner, en luy disant, q depuis qu'il auoit esté pris prisonnier, n'estoit venu biē au Roy n'au royaume. Itē requeroyent q ledit Duc se voulsist gouverner par quatre Prelatz, xij. Cheualiers, & xij. Bourgeois qu'ilz luy bailleroient: lequel Duc leur dist qu'il auroit aduis sur ces choses, avec son cōseil: mais pource que la matiere requeroit celerité, il leur prioit qu'ilz luy dissent prompte responce de quel ayde ilz luy voudroyēt faire octroy:

Assemblée  
secrete qui  
se feit aux  
Cordeliers  
de Paris, p  
les deputez  
des trois  
Estatx.

oſtroÿ: & ilz luy dirēt qu'ilz luy feroÿēt vn dixieme & demy pour vn an, ſur les Nobles & gēs d'Egliſe, & que les gēs des bonne villes feroÿent pour cēt feux vn hōme d'armes: lequel ayde ſe mōtoit biē à trente mil hommes d'armes, leſquelz toutesfois ilz payeroyent p leurs mains. Sur leſquelles requeſtes & offres lediēt Duc eut conſeil par deux ou trois iours, & enuoya par deuers leſdiētz deputez, aux Cordeliers, leur prier qu'ilz ſe vouliſſent deporter deſdiētes requeſtes, & qu'elles touchoyēt fort le Roy ſon pere, ſāns lequel il ne voudroit beſongner, dōt leſdiētz deputez ne voulurent riens faire. Et pource que mondiēt ſeigneur le Duc ne pouoit auoir l'oſtroÿ dudiēt ayde, il fut conſeillé les leur accorder ſecrètement: mais ilz voulurent, que lediēt Duc leur promiſt & diſt publiquement en la chambre de Parlement: & ce faiſoyent & pourchaceoyent aucuns particuliers deſdiētz Eſtatz; qui auoyent bien intention que tous les ſaiētz du royaume fuſſent par eulx gouuerner: mais mondiēt ſeigneur le Duc fut conſeillé de ne le faire pas. Et pource qu'à l'heure moult grand peuple eſtoit aſſemblé en la chambre de Parlement, & en la ſale du Palais, ou deuoyent eſtre ſaiētes leſdiētes requeſtes audiēt Duc, par la bouche de maistre Robert le Coc, Eueſque de Laō, lediēt Duc eut conſeil comment il pourroit faire departir le peuple, & par le conſeil qu'il eut, il enuoya querir en ladiēte chambre de Parlement, pour venir en ſa maiſon, qui eſtoit à la poinēte du Palais, au bout des iardins de la Conciengerie, aucuns de ceulx des trois Eſtatz: & principalemēt maistre Raymond Sacquet, Archeueſque de Lyon, meſſire Iehan de Craon, Archeueſque de Reims, & lediēt Eueſque de Laon, pour le clergé: & pour les Nobles y furent meſſire Vallentin de Luxembourg, meſſire Iehan de Conſlans, Mareſchal de Champaigne, & meſſire Iehan de Picquigny, Gouverneur d'Artois: & pour les bonnes villes y furent Eſtiēne Marcel, Preuoſt des Marchans de Paris, Charles Rouſſac, Eſcheuin, & autres pluſieurs. Et là leur diſt lediēt Duc aucunes nouuelles qu'il auoit ouyes, tant du Roy ſon pere, comme de l'Empereur: & leur demanda par conſeil ſil leur ſembloit qu'il fuſt bon que leſdiētes requeſtes, qui luy deuoyēt eſtre ſaiētes, & pour leſquelles ouyr le peuple eſtoit aſſemblé, fuſſent delayées iuſques à vne autre fois. Surquoy les gēs du conſeil dudiēt Duc, & auſſi les autres par fiction furent d'oppinion qu'elles fuſſent différées iuſques au Ieudy enſuyuant, & ainſi ſ'en retournerent en la chambre de Parlement: & incontinent lediēt Duc enuoya lediēt Duc d'Orleans, & autres, pour dire au peuple qu'il ne pouoit pour ce iour ouyr leſdiētes requeſtes, pour aucunes nouuelles qui luy eſtoient venues du Roy ſon pete, & de l'Empereur ſon oncle, dont il leur feit lors aucunes dire publiquement, & ainſi ſ'en departirent de ladiēte chābre. Apres trouua façon de faire departir de Paris grād' quantité du peuple, qui eſtoit venu à l'aſſemblée deſdiētz Eſtatz, & les enuoyer hors de Paris, chacun en ſa maiſon, & leur diſt qu'il les remanderoit, dont pluſieurs deſdiētz Eſtatz, qui auoyent intention de gouuerner le royaume de France, par le moyen deſdiētes requeſtes qu'ilz auoyent ſaiētes audiēt Duc, furent moult dolens.

*De l'ayde qu'oſtroÿerent ceulx de Languedoc, & du refus de ceulx de Paris.*



Emblablement audiēt moÿs d'Octobre les gens des trois Eſtatz du pays de Languedoc, de l'auctorité du Comte d'Armignac, qui eſtoit Lieutenant du Roy audiēt pays, ſ'aſſemblerent à Toulouze, & liberalement oſtroÿerent vn grand' ayde au Roy, & promeirent ſouldoyer pour vn an cinq mil hommes d'armes, mille gens à cheual armez, mille Arbaſtriers, & deux mil partiſiniers, tous à cheual. Et oultre ordonnerent qu'audiēt pays, ſi le Roy n'eſtoit deliuré durant ladiēte année, hōme ne femme ne porteroit en habillemēs, or, argent, ne perles, couleurs de vert ne gris, robes ne chaperons decopez, n'autres cointiſes, & que iangleurs ne menestriers ne ioueroÿent de leur meſtier durant lediēt an. Mondiēt ſeigneur le Duc requiſt par pluſieurs fois à ceulx de Paris, qu'ilz luy vouliſſent faire aucun ayde pour le ſaiēt de la guerre: mais ilz ne le voulurēt onques accorder, ſilz ne faiſoyent de rechef aſſembler les gens de trois Eſtatz. ce qu'il ne trouuoit par conſeil qu'il deuſt faire: & par ce enuoya aucuns de ſes Cōſeilliers, par les Bailliages, pour leur requerir ayde. Enuirō celle ſaiſon meſſire Robert de Clermont, Lieutenant de mōſeigneur le Duc de Normandie, deſconfit au pays de Conſtentin bien ſept cens des gens du Roy de Nauarre, & fut tué meſſire Geofroy de Harecourt, qui ſ'eſtoit rendu ennemy du Roy de France, deſlors que le Comte de Harecourt ſon frere, fut decapité à Rouen: & furent ſes gens, qui peurent eſchaper, contrainētz ſe retirer à S. Saulueur le Vicomte, que lediēt de Harecourt auoit vendu au Roy d'Angleterre, avec ſes autres ſeigneuries, pour en iouir apres ſon trespas: & depuis en la main du Roy de France, & de mondiēt ſeigneur le Duc de Normādie, ſon filz, fut baillé le Pontaudemer, & prins par compoſition.

*Ordōnance  
moult lon-  
ble que fei-  
rent ceulx  
de Languedoc.*

*Comment ledict Duc de Normandie, Regent, alla deuers l'Empereur son oncle, & de l'emotion de ceulx de Paris.*

L'an mil ccc.  
lvi.

*Nouvelle monnoye publiée à Paris, qui fut cause de commouvoir le peuple.*



V moys de Decembre, audict an mil trois cens cinquantesix, monseigneur le Duc de Normâdie partit de Paris, & alla en la cité de Metz, deuers môseigneur Charles de Boesme, Empereur de Romme, son oncle de par sa mere, pour auoir cōseil sur le fait de la detention de son pere, & du gouuernement du royaume: & laissa son Lieutenant durant son absence monseigneur Loys, Comte d'Aniou, son frere: & le dixieme iour dudiect moys fut publiée à Paris nouvelle monnoye, qui auoit esté faite par l'ordonnance dudiect Duc de Normandie. C'est à sçauoir deniers blancs de six solz huyet deniers Parisis, de taille, & de trois deniers d'alloy, & auoit cours chacun denier pour douze deniers: & le moutō d'or fut mis à trente solz tournois: desquelles choses le commun de Paris fut moult esmeu. Car ceulx qui gouuernoyēt en ladicte ville ne vouloyent souffrir ledict Duc auoir finance, sans leur cōgé: & pour ceste cause le Preuost des Marchans, nommé Estienne Marcel, & plusieurs des habitans de la ville de Paris, allerent au Louure en moult grand nombre deuers ledict Comte d'Aniou, & luy requirent qu'il voulüst faire cesser le cours de la monnoye que monseigneur de Normandie, son frere, auoit nouuellement fait faire, & luy dirent que pour riens ilz ne souffriroyent qu'elle eust cours. Mondict seigneur d'Aniou leur dist qu'il auroit conseil sur ce, & que le lendemain leur en feroit responce: & par ce se departirent pour celle heure: mais le lendemain ilz retournerent deuers luy en plus grand nombre quatre fois qu'ilz n'auoyēt esté la iournée precedente, & semblablement y retournerent la journée ensuyuant: & voyant le Comte d'Aniou la grand' assemblée qu'ilz faisoient, leur accorda qu'on cesseroit de faire ladicte monnoye, iusques à tant qu'il sçauoit la volunté de son frere, deuers lequel il pensoit tantost enuoyer, & luy escrire la requeste desdictz Preuost & habitans: & ainsi se departirent, & ne courut depuis ladicte monnoye. Le xxvij. iour du moys de Ianuier ensuyuant mondict seigneur de Normandie retourna à Paris, de deuers son oncle l'Empereur, ou il estoit allé à Metz: & estoit en sa compaignie l'Archeuesque de Rouē, Châcelier de France, lequel auoit esté nouuellement fait & prononcé Cardinal en court de Rōme: & allerent deuers luy lesdictz Preuost des Marchs & habitans de Paris en grand nombre: & pour l'hōneur dudiect nouveau Cardinal plusieurs ordres & colleges de ladicte ville allerent en pcessiō iusques à saint Anthoine des Chāps, hors Paris. Tantost apres que mondict seigneur le Duc de Normandie fut arriué à Paris, il enuoya deuers ledict Estienne Marcel, Preuost des Marchs de ladicte ville de Paris, aucuns de ses Cōseilliers qui luy dirēt qu'il se trouuast vers saint Germain de Lauxerrois: car ilz luy auoyent à dire aucune chose de p monseigneur le Duc: leq̃l Preuost à l'heure de disner y alla, avec luy grand' cōpagnie des gēs de ladicte ville, dont y en auoit plusieurs armez à descouert: & là lesdictz Conseilliers luy requirent qu'il feist cesser ceulx de ladicte ville, qui donnoyent empeschement au cours de ladicte monnoye: mais ilz respondirent que riens n'en feroient: & y eut si grand' esmeute par toute la ville qu'ilz feirent cesser tous ouuriers d'ouurer, & commanderēt que chacun s'armast: & furent en grands dangiers les officiers du Roy, qu'on ne feist aucune chose contre eulx. Lors mondict seigneur le Duc, pour fuyr à l'incōuenient qui se pouoit ensuyr, & de la fureur du peuple, contre sa volunté s'accorda à ce qu'ilz voulurent, & consentit que ladicte monnoye n'eust point de cours, & que les gens des trois Estatx fussent assemblez, & que par eulx en fust ordonné: dont ledict Preuost des Marchans requist lettres, que ledict Regēt commanda à vn Notaire. Pour laquelle cause plusieurs desdictz officiers s'absenterent: & ledict Chancelier, qui auoit esté fait Cardinal, ne se môstra plus à Paris pour celle fois: & pource que parauant on auoit appoincté que ledict Châcelier, le Seigneur de Macy, & autres, yroyent à Bordeaulx, pour les traictez du Roy de Frâce & d'Angleterre, ilz requirent que ceulx n'y allassent point, & que leur commission fust reuouée: parquoy conuint que ledict Duc la reuouast, reserué le Chancelier Cardinal, par ce qu'on dist qu'il conuenoit qu'il y allast, pour rendre au Roy ses seaulx de ladicte Chancellerie. Oultre ce conuint audict monseigneur le Duc, à la requeste dudiect Preuost des Marchans, qu'il enuoyast Sergens & gens en garnison es hostels de messire Simon de Bucy, & messire Nicolas Bracque, Maistre d'hostel, du Roy, qui longuement festoit entremis de ses finances, & aussies maisons d'Enguerrand du petit Celier, Thresorier de France, & Jehan Pouilleuillain, Maistre des Comptes, & General des monnoyes, & furent leurs biens inuentoriez. Apres à la poursuyte de ceulx de Paris, les gens des trois Estatx de tout le royaume furent mandez se rassembler audict Paris, au cinquieme iour de Féurier ensuyuant.

Pendant

Pendant q̄ ces choses se faisoient à Paris, messire Philippe de Nauarre, qui estoit en Consten-  
tin, cheuaucha avec huyt ou neuf cens homes en sa compaignie, iusques au deuant de Char-  
tres, & de la à Bonneuil: & puis s'en retourna pillant & gastat tout le pays par ou il passa. Auf-  
si messire Guillaume de Grauille print sur le Roy, par trahyson, le chastel d'Eureux, & occist le  
Chastelain dudit chastel, & le bailla aux Nauarrois.

*De l'assemblée des trois EstatZ de France, faicte de rechef à Paris.*



V iour qui auoit esté estably furent assemblez à Paris les gens des trois EstatZ, en  
grād nombre de Prelatz, Nobles, & gēs des bonnes villes: & par plusieurs iour-  
nées cōseillerent ensemble au conuent des Cordeliers, & la feirent plusieurs or-  
donnances: & le troisieme iour de Mars messire Robert le Coq, Euesque de Laõ, Des remon-  
strances que  
feir l' Eues-  
que de Laõ,  
en l'assem-  
blée des iij.  
estatz pre-  
sent le Duc  
de Normā-  
die.  
en l'assemblée des gēs desdictz trois EstatZ en la chambre de Parlement, present  
ledict Duc de Normādie, le Comte d'Aniou, & le Comte de Poitiers, ses freres, & plusieurs au-  
tres, en si grand nombre que toute la salle estoit plaine, prescha & dist que le royaume & les  
finances auoyēt par cy deuant esté mal administrées & gouvernées, & que ce procedoit par la  
faulte dudit Cardinal, Chācelier, de messire Simon de Bucy, maistre t̄ Iehā Chauuelart, mai-  
stre Pierre d'Orgemōt, President en Parlement, Nicolas Bracque, Iehā Pouilleuillain, laques  
l'Empereur, Estienne de Paris, messire Robert de Lorris, Iehā Turpin, & autres iusques au nō-  
bre de quatorze qu'il nomma: & que les gens desdictz EstatZ ne le pourroyent plus souffrir  
n'endurer, & auoyent deliberé ensemble que les dessus nommez, & autres des plus grands  
& principaux officiers, seroyent priuez de leurs offices royaulx: & requis à mondict seigneur  
le Duc, que deslors il les voulsist priuer, cōbien qu'ilz n'eussent esté ouyz, & si estoient la plus  
part d'eulx residens en la ville de Paris. Oultre ce requeroient que tous les officiers du royaume  
fussent suspendus, & que reformateurs telz qu'ilz nommeroyent fussent enuoyez par tout  
le royaume, pour enquerir & reformer des abuz qui sy faisoient, & plusieurs autres requestes  
qu'il feir: lesquelles aduouerēt messire Iehan de Picquigny, pour l'Estat des Nobles, & Estien-  
ne Marcel Preuoost des Marchans, & t̄ Colard le Caucher, pour l'estat commū des villes: & re-  
queroit oultre ledict Euesque que bonne monnoye courust, & telle que lesdictz gens des E-  
statZ ordōneroyent: & en ce faisant promettoient souldoyer trente mil hommes, lesquels ilz  
feroyent payer par les mains de ceulx qu'ilz y commettoyent. Monseigneur le Duc, voyant  
qu'autrement il ne pouoit auoir ayde, leur oſtroya toutes leurs requestes: & furent les dix  
dessus nommez priuez de leurs offices, & tous les autres officiers du royaume suspendus, tel-  
lement qu'aucuns iours ne fut point tenue de iurisdiction, iusques à ce que le Preuoost de Paris  
fut restitué en son office. Sēblablement, au regard du Parlement, ceulx qui auoyent esté esleuz  
par les gens desdictz EstatZ, en ordonnerent & en osterent plusieurs, & n'y en laisserent de  
ceulx qui y estoient, que seize: & au regard de la chambre des Comptes ilz osterent tous les  
Maistres & les Clercz qui y estoient, en nōbre de quinze, & en meirēt quatre nouveaulx, deux  
Clercz, & deux Laiz: lesquels, pour ce qu'ilz n'y cōnoissoient riens, le lendemain requierent  
qu'on leur baillast aucun de ceulx qui parauant y estoient, pour leur remonſtrer le faict de la-  
dicte chābre: & par ce y en furent remis quatre: & tantost apres fut la monnoye publiée à Pa-  
ris, par lesdictz gens des trois EstatZ.

les grādes  
Croniques  
de France le  
nōment Ni-  
colas le Chā-  
celier.

La plus part  
des officiers  
de la court  
de Palremer  
& des Cō-  
ptes, oſtez.

*Des trefues prinſes entre le Roy & le Prince de Galles, & d'une assemblée des  
EstatZ rompue.*



L E dixseptieme iour de Mars ensuyuant, en la ville de Bordeaux, fut pourparlé  
de faire la paix entre le Roy de Frāce, qui estoit encores à Bordeaux, & le Pri-  
nce de Galles, au nō du Roy d'Angleterre, son pere: & pour ce qu'il y auoit plu-  
sieurs articles, que ledict Prince reseruoit à sondict pere, furent prinſes trefues  
iusques à deux ans, lesquelles trefues furēt publiées à Paris, le cinquieme d'Auril  
ensuyuant: & aussi fut crié qu'on ne leueroit point le subſide, qui auoit esté or-  
donné par les trois EstatZ, ne qu'iceulx estatZ ne se rassembleroyent pas la quinzaine d'apres  
Pasques, comme ilz auoyent ordonné: dont le peuple fut mal content & esmeu, mesmement  
cōtre l'Archeuesque de Sens, & les Comtes d'Eu, & de Tancarville, qui auoyent apporté les-  
dictes lettres desdictes trefues & deffences, & disoit le peuple que c'estoit vne trahyson. Pour  
ladicte cause lesdictz Archeuesque de Sens, & Comtes d'Eu, & Tancarville, s'absenterent de  
Paris, moult courrouceez: & disoit on qu'ilz auoyent dit qu'ilz s'en vengeroyent contre ceulx  
de Paris: & qu'ilz assembleroyent gens d'armes: parquoy on feit faire grand guet & garde à

Bon guet à  
Paris.



Paris: & le huytieme iour dudiect moys d'Auril, veille de Pasques, lediect Duc de Normandie, par la contraincte desdictz gens des trois Estatz, ordonna que nonobstant le cry precedent lediect ayde se leueroit, & que les Estatz seroyent assemblez à la quinzaine ensuyuant de Pasques. Durant lesdictes trefues, le Duc de Lancastre, qui auoit tenu huyt ou neuf moys le siege deuant Renes, leua lediect siege par le commandement du Roy d'Angleterre: mais on luy donna quarante mil escus, pour ses fraiz.

*Comment le Roy Iehan fut mené par le Prince de Galles, en Angleterre.*

Les Cron.  
de France di-  
sent mardy  
sezieme  
iour, et que  
le Roy en-  
tra en Lon-  
dres le uigt  
quatrieme  
dudiect moys



Et mecredy vnzieme iour d'Auril, l'an mil.ccc.lvij, apres Pasques, pour cōclurre le traicté d'appoinctemēt pour parlē à Bordeaux, lediect Prince de Galles feit mettre le Roy sur mer à Bordeaux, pour le mener en Angleterre, & arriua le quatrieme iour de May ensuyuant, en la ville de Londres: & hors ladiete ville, en cheuauchant, le Roy d'Angleterre rencontra le Roy de France aux champs, & luy feit grand honneur & reuerence, & parla à luy longuement: & apres passa outre son chemin, & lediect Roy de France & le Prince de Galles entrerent en Londres, & luy feit on de grands honneurs, & ne fut pas fort detenu ne gardé: car il alloit chacer, voller, & ailleurs esbatre à sa plaissance, toutes les fois qu'il luy plaisoit: & auoit autour de luy telles gens qu'il demandoit, estant logé en vn bel hostel, appelé Sauoye, qui estoit au Duc de Lancastre hors la ville de Londres. Enuiron la feste saint Iehan ensuyuant, les Cardinaulx de Perigort, Durget, & de Rouen, l'Archeuesque de Sens, & autres, allerent en Angleterre, deuers le Roy de France, pour faire & conclurre lediect traicté de paix, ou ilz demourerent longuement: & disoit l'on en France par plusieurs fois que lediect traicté estoit rompu, & qu'il ne se feroit point. Tantost apres l'assemblée desdictz trois Estatz de France, les gens des bonnes villes congurent que les douze qui auoyent esté commis pour le gouvernement des deniers de l'ayde, n'estoyēt pas loyaux, & que les poursuytes qu'ilz auoyent faictes estoyēt tendās à leur profit particulier: parquoy ilz ne voulurent plus obeyr ne riens faire pour eulx, & furent la plupart des officiers, qui auoyent esté ostez, remis en leurs Estatz & offices: & lors mondiect seigneur le Duc de Normandie dist au Preuost des Marchans de la ville de Paris & autres, qu'il ne vouloit pl<sup>us</sup> auoir de Curateur, & vouloit doresnauāt gouverner luy mesmes, & qu'ilz ne s'entremissent plus du gouvernement du royaume, lequel ilz auoyent lors tellement entre prins qu'on obeyssoit plus à eulx qu'à luy: & commença mondiect seigneur le Duc à cheuaucher par aucunes de ses bonnes villes du royaume, & leur faire requeste en sa personne, pour auoir ayde d'eulx. parquoy lediect Euesque de Laon, qui auoit tousiours conduit, comme le principal, le faict de ceulx desdictz trois Estatz, s'en retourna à Laon, & voyoit biē qu'il auoit tout gasté. Ce voyans ceulx de Paris, au moys d'Octobre ensuyuant, se reconcilierent enuers mondiect seigneur le Duc de Normandie, & feirent tant qu'il retourna en ladiete ville, & luy promeirent fournir vne grand' cheuance pour ayder à la deliurance du Roy son pere: & pour celle heure ne luy requierent riens contre les officiers du Roy, ne pour la deliurance du Roy de Nauarre, dont parauant ilz luy auoyent par plusieurs fois parlé: mais ilz luy requierent que son plaisir fust que vingt ou trente bonnes villes fussent mandées assembler à Paris, ce que lediect Duc leur oſtroya: & en furent par luy mādēz iusques à septante, combien qu'ilz n'en eussent demandé que vingt ou trente. Quand ilz furent la venuz ilz ne feirent aucune chose: & allerent deuers le Duc, & luy dirent qu'ilz ne pouoyent besongner, si tous les trois Estatz du royaume n'estoyent assemblez, & que sans eulx ilz ne pourroyent riens faire n'acorder, comme ilz disoyent. Si leur oſtroya ladiete assemblée, au septieme de Nouembre ensuyuant, & fut tellement mené mondiect seigneur le Duc à ladiete assemblée, par dissimulation, qu'il fallut qu'il leur oſtroyaſt tout ce qu'ilz vouloyent, car il n'auoit plus de finance.

Le Duc de  
Normandie  
dist & de-  
claira qu'il  
vouloit luy  
mesmes es-  
tre gouver-  
neur du ro-  
yaume.

*Comment le Roy de Nauarre fut mis hors de prison, par vn Cheualier qui l'auoit en garde: & comment par preschement & autrement il voulut seduire le peuple de France contre le Roy.*

L'an mil.ccc.  
lvii.



V moys de Nouembre audiect an, mil.ccc.lvij, le Roy de Nauarre, qui estoit prisonnier au chastel d'Alleux, en Cambresis, fut par trahyson, & sans le sceu du Duc de Normandie, deliuré par messire Iehan de Picquigny, Cheualier, lors Gouverneur d'Artois, auquel le Roy l'auoit baillé en garde: lequel Roy de Nauarre vint à Amiens, & deliura tous les prisonniers, tant de la iustice d'Eglise, que des prisons du Roy, & seiourna en ladiete ville par aucuns iours: puis par le moyen de la Roynne Blanche, sa sœur, & de la



de la Roynne Iehâne, son ante, & autres ses amys, qui pour ceste cause estoient venus à Paris, luy fut enuoyé sauſconduyt, par mondict seigneur le Duc de Normandie, tel que les gens du Roy de Nauarre voulurent deuifer, pour amener en sa cōpaignie tant & de telz gens que bon luy sembleroit, armez ou desarmez: & de ce fut cause & eōducteur principal l'Euesque de Laon, qui estoit le principal qui conduysoit le fait des gens desdictz trois Estatz, & lequel auoit proiecté & procuré lesdictes choses, par la puissance & ayde dudiect Preuost des Marchans de Paris. Et fut lediect sauſconduyt porté audiect Roy de Nauarre, iusques à Amyens, par vn Clerc, nommé Matthieu de Picquigny, & par vn des Escheuins de Paris, nommé Charles Rouſſac: parquoy plusieurs des gens des bonnes villes, qui estoient venus à l'assemblée desdictz trois Estatz, espécialement des parties de Champaigne & Bourgongne, s'en partirent, & eulx en retournerent sans prendre congé, quand ilz sceurēt que le Roy de Nauarre deuoit venir, pour ce qu'ilz se doubterent qu'on leur voulsist faire aduouer la deliurance d'iceluy Roy. Le penultime iour de Nouembre audiect an, la veille saint Andry, entra le Roy de Nauarre à Paris: & estoient allez l'Euesque de Paris, le Preuost des Marchans de ladiect ville, & autres plusieurs au deuant de luy, iusques à saint Denis, & alla descendre, & soy loger en l'Abbaye saint Germain des prez. Lendemain iour de saint Andry, iceluy Roy de Nauarre, qui auoit fait ſc̄auoir à ceulx de ladiect ville, qu'il vouloit parler à eulx, mōta en vn eschauffault, sur les murs de ladiect Abbaye saint Germain des prez, du costé deuers le pré aux Clercz, lequel eschauffault auoit pieça esté fait pour le Roy de France, pour veoir combatre les gaiges de bataille, qui aucunesfois se faisoient en vnes lices, audiect pré aux Clercz: en laquelle place estoient venus grand nombre de gens de ladiect ville de Paris, & des autres villes qui estoient venus à ladiect assemblée, par le commandement qu'auoit fait faire lediect Roy de Nauarre, & lediect Preuost des Marchans, à plusieurs quarteniers & cinquanteniers de ladiect ville: & estoient estimez à dix mil personnes, & plus: & illec lediect Roy de Nauarre prescha, & dist moult de choses, voulant demonſtrer qu'il auoit esté prins sans cause, & detenu prisonnier l'espace de dix-neuf moys: & contre plusieurs des officiers du Roy, & dudiect Duc de Normandie dist aussi plusieurs choses: & combien que contre le Roy, ne contre lediect Duc de Normandie, il ne dist riens appertement, toutesfois en dist il des choses assez deshonnestes, par parolles couuertes. Semblablement auoit presché & publié à Amyens, & estoit son intention de paruenir à estre Roy de France. Le lendemain premier iour de Decembre allerent au Palais, deuers monseigneur le Duc de Normandie, lediect Preuost des Marchans, maistre Robert de Corbie, & autres de ladiect ville: & luy requirerent de par les bonnes villes, qu'il voulsist faire raison & iustice audiect Roy de Nauarre: & lors lediect Euesque de Laon, qui estoit le principal, & presidoit au conseil dudiect Duc, & par l'aduertissement duquel lesdictz Roy de Nauarre, Preuost des Marchans, & autres de leur party faisoient les pourſuytes qu'ilz faisoient, respōdit pour mondict seigneur le Duc de Normandie, sans luy en demander congé, que lediect Duc feroit au Roy de Nauarre grace & courtoisie, comme bon frere à autre doit faire: & n'auoit lors homme à l'entour de mondict seigneur le Duc, qui oſast contredire lediect Euesque de Laon. Le Dimanche ensuyuant mondict seigneur le Duc, par l'enhortement d'iceluy Euesque de Laon, alla en l'hostel de ladiect Roynne Iehanne, à petite compaignie, pour parler audiect Roy de Nauarre, qui n'estoit encores daigné venir par deuers luy: lequel Roy tantost apres qu'il sceut que lediect Duc fut arriué audiect hostel, il vint à grand compaignie de gens d'armes: & à son arriuee les gens dudiect Roy osterent de la garde de l'huy de l'hostel les gens dudiect Duc de Normandie. Quand il fut entré, ilz s'entresaluerent assez laschement, & parlerent aucun peu ensemble: & furent ordonnez aucuns Conseillers pour ouyr les requestes que le Roy de Nauarre vouloit faire: puis se departirent d'ensemble. Le lendemain furent rapportées lesdictes requestes, en la presence de mondict seigneur le Duc de Normandie, & de plusieurs Conseillers, à poste, telz comme le dessusdict Euesque de Laon voulut faire appeler au conseil, tous à la poste dudiect Roy de Nauarre: & sy trouua lediect Preuost des Marchans, maistre Robert de Corbie, Iehan de l'Isle, & plusieurs autres de ladiect ville, soubz vmbre d'aller parlamāter d'autres matieres: lesquels furent tous d'opinion, que mondict seigneur le Duc accordast audiect Roy de Nauarre lesdictes requestes: & en opinant par lediect Preuost des Marchans, on dit qu'il dist telles parolles: Monseigneur, accordez amiablement au Roy de Nauarre ce qu'il demande: car il conuient qu'il soit ainsi. Comme s'il vouloit dire: il sera fait, vucillez ou non. Si furent rendues audiect Roy de Nauarre toutes les villes & forteresses, & toute la terre qu'il tenoit en Normandie, lors qu'il fut prins: & par donna mondict seigneur le Duc audiect Roy de Nauarre, & tous ses adherens, tout ce qu'ilz auoyēt meſſait au Roy & au royaume de France: & si fut ordōné que les corps du Cōte de Harcourt, des seigneurs de Grauille, de Maubue, & Colinet Doublet, q̄ le Roy Iehan auoit fait

*Du presche  
mēt queſte  
le Roy de  
Nauarre à  
ceulx de pa  
ris.*

*des villes  
placées, &  
forteresses  
qui furent  
rendues au  
Roy de Na  
uarre, qu'il  
tenoit en  
Normandie.*

decapiter, & pendre au gibet de Rouen, seroyent despenduz & renduz à leurs parés, pour les mettre en terre sainte, & toutes leurs terres, qui auoyent esté confisquées, rendues à leurs enfans ou heritiers. Et pource que ledi&t Roy de Nauarre demâdoit pour ses iniures & interestz grand' somme de florins, & disoit on à part qu'il s'attendoit bien du moins auoir en recompense la Duché de Normandie, ou la Comté de Champagne, il fut ordonné qu'on traiteroit avec luy de continuer ceste requeste iusques à vn autre iour: & apres ladi&te conclusion mondi&t seigneur le Duc enuoya Cômmissaires, pour faire deliurer audi&t Roy de Nauarre ses places qui estoient tenues au nom du Roy de France: & apres furent lesdi&tz Duc & le Roy aucuns iours mangeans ensemble souuent, & faisans bonne chere: & ce pendant vindrent nouuelles à Paris, q' l'accord estoit conclud en Angleterre, entre le Roy de France, & celuy d'Angleterre: & disoit on que le Roy seroit de brief de retour en France.

*Des maulx que les Nauarrois faisoient autour de Paris.*

**E**N ce temps que ces choses se faisoient vindrent vers Villepreux, Trappes, & autres lieux, au val de Gallie, plusieurs g&es de guerre par diuerses flotes & compaignies, qu'on disoit estre à messire Philippe de Nauarre, & ne sçauoit on qui estoient leurs Capitaines, & pillerent tout le pays iusques à trois ou quatre lieues pres de Paris. Le trezieme iour de Decembre, iour sainte Luce, s'en partit de Paris ledi&t Roy de Nauarre, avec plusieurs gens d'armes, & s'en alla à Mante: & illec manda & vindrent deuers luy au iour de Noel ensuyuant, la pluspart des Capitaines des places du Roy de France, en Normandie: lesquels il entretint & fait dîner avec luy: & disoit on qu'il auoit fait de grandes alliances, parquoy mondi&t seigneur le Duc de Normandie fait assembler plusieurs gens de guerre, pour estre à Paris, & es villes d'enuiron, pour rebouter les ennemys, qui pilloyent & roboient le pays: mais ceulx de Paris eurent imagination, que c'estoit pour les greuer, & luy en parler&ent plusieurs fois: & il respondit tousiours que c'estoit pour ladi&te cause: mais ce neantmoins ne voulurent souffrir que nul homme armé entrast en ladi&te ville, & feirent garder les passages & entrées. Semblablement ledi&t Roy de Nauarre, qui par ledi&t Euesque de Laon estoit tousiours aduertie de tout ce que faisoit môdi&t seigneur le Duc, sçachât l'assemblée qu'il faisoit, fait de sa part grand amas de gens d'armes: & doubtoit on que tout le pays deust estre gasté: car les Capitaines qui estoient pour le Roy de France es places d'Eureux, Bretueil, Pôteaudemer, & autres, ne les vouloyent r&dre audi&t Roy de Nauarre, sans m&ement du Roy de France: & par ce disoit ledi&t Roy de Nauarre (qui ne queroit qu'occasion de dire qu'on ne luy tenoit pas les conuenances, que môdi&t seigneur le Duc luy auoit faictes) que son intention estoit de pourchacer son droit. La premiere sepmaine de Ianuier audi&t an, ceulx de Paris qui fauorisoyent du tout le Roy de Nauarre, commander&ent que tous ceulx de ladi&te ville, eussent chaperons mipartys de rouge & de pers: & tousiours estoient les gens d'armes dudi&t Philippe de Nauarre, autour de Paris, pillant, robant, & rançonnant les pauures gens.

Des chaperons mipartys des Parisiens.

*Comment le Roy de Nauarre fait despendre du gibet de Rouen, les corps du Seigneur de Grauille, & autres.*

† notez que maintenant il ne comence son an qu'apres Pasques.

L'hostel de Couronne pres Rouen, fut bruslé par les Nauarrois.

**E** huy &tieme iour dudi&t moys de Ianuier, mil trois cens cinquante † & sept, le di&t Roy de Nauarre alla à Rouen, avec grand' compaignie de gens, r&t armez que desarmez, ou ceulx de la ville le receurent, & allerent honnorablement au deuant de luy: & iceluy mesme iour les Nauarrois ardirent vn bel hostel, que le Duc de Normandie auoit à trois lieues de Rouen, appelé Couronne. Le Mercredy ensuyuant que fut arriué ledi&t Roy de Nauarre audi&t lieu de Rouen, il enuoya despendre les corps des quatre, qui auoyent esté decapitez: mais on ne trouua ri&es du Comte de Harecourt: car ses parens l'auoyent fait parauant secrettement oster: & furent lesdi&tz corps dudi&t Seigneur de Grauille, & autres, ensepuelis par trois beguines, & mis en trois coffres, & amenez chacun en vn chariot couuert de noir: & alla ledi&t Roy de Nauarre en personne iusques au gibet, avec grand nombre de gens: & y auoit cent hommes habillez de noir, qui portoyent cent grandes torches: & furent les corps arrestez au lieu ou ilz auoient esté decapitez, & illec chât&es vigilles: & apres furent portez en l'Eglise cath&rale nostre Dame de Rouen: & la furent mis soubz vne grand' chapelle de boys pain&te de noir, toute couuerte de cieffes de cire, & en vn des chariotz, qui amenerent lesdi&tz corps estoient les corps des seigneurs de Maubué & Colinet Doublet. Apres ledi&t chariot auoit deux Escuyers armez de

armez de leurs armes sur deux cheualx, & leurs amys apres. Au secōd chariot estoit le corps de messire Iehan Mallet, Seigneur de Grauille, & apres auoit deux hommes à cheual, qui portoyent deux bānieres de ses armes, & deux autres sur deux cheualx armez, l'un pour la guerre, & l'autre pour le tournoy. Au troisieme chariot n'auoit point de corps, mais il faisoit representation dudit Comte de Harecourt: & apres auoit deux bannieres, & deux homes armez, & ledict Roy de Navarre & les amys apres. Le lendemain ledict Roy de Navarre feit assembler le peuple de ladicte ville de Rouen, deuant l'Abbaye de saint Ouen; & leur feit vn pareil sermon qu'il auoit fait à Paris & à Amyens: & puis parla des quatre decapitez, & les appeloit vrayz martyrs. puis alla en ladicte eglise nostre Dame, & feit ce iour seoir à sa table le Maire d'icelle ville, qui estoit vn homme de petit estat, marchant de vin.

*Des remonstrances que feit mondict seigneur le Duc de Normandie, Regent, à ceulx de Paris.*



Et lundy xj. iour dudit mois de Ianuier audit an mil ccc. lvij. mōdict seigneur le Duc de Normādie, qui longuemēt auoit esté à Paris, & ne pouoit auoir cheualce n'argēt, feit sçauoir à ceulx de la ville qu'il vouloit parler à eulx, & qu'ilz s'assemblassent aux Halles: mais ledict Euesque de Laon, & le Preuost des Marchāz qui fauorisoient le Roy de Nauarre, & auoyent le gouuernemēt des finances, le cuyderent desmouuoir & empescher, disans q grand dangier estoit à luy de soy mettre & fier entre si grand nombre de peuple qu'il veoyoit prest & legier à esmouuoir: neātmoins il ne les creut pas, & y alla, & feit plusieurs remonstrances, disant qu'ilz ne creussent pas ce qu'on leur auoit donné à entendre: car les gens d'armes qu'il faisoit assembler, n'estoit point pour les greuer, mais pour les garder, & garentir le peuple de France, qui moult auoit à souffrir, & qu'il vouloit du tout viure & mourir avec eulx. Et au regard de ce qu'on leur auoit dit qu'il les faisoit venir pour les piller, il n'y auoit onc pensé: & oultre dist q de toute la finance qui auoit esté leuée au royaume depuis que ceulx des trois Estatz en auoyent eu le gouuernement, il n'en auoit eu denier ne maille, mais il entēdoit bien en faire rendre bon compte à ceulx qui auoyent receuladicte finance, comme raison estoit, & si estoit son intention de doreseuuant gouverner le royaume, & que s'il eust eu le gouuernement pieça, il eust chacé ses ennemys, & n'eust pas tant attēdu à les chacer, & q ceulx qui auoyent eu & prins le gouuernement n'y mettoyēt point de remede, & remonstra plusieurs autres choses que le peuple eut moult agreables, & dont plusieurs se tournerent de son party. parquoy ledict Preuost des Marchans & ses alliez, doutant q le peuple ne s'esmeust contre luy & sesdictz cōplices, en la faueur dudit Duc, le Vēdredy ensuyuant feit vne assemblée en l'eglise S. Iaques de l'Hospital: mais quand ledict Duc le sceut il y alla, & avec luy ledict Euesque de Laon, & feit dire & remōstrer au peuple ce qu'il auoit proposé le iour precedent aux Halles, & qu'il ne tenoit pas à luy si on ne tenoit au Roy de Nauarre ce qui luy auoit esté promis, en s'excusant que ceulx qui auoyent la garde des places, de par le Roy, son pere, ne les vouloyent bailler pour son mandement, filz n'auoyēt mandemēt de sondict pere. Cela dict, mōseigneur le Duc s'en partit p vn grand tumulte, qui s'ensleua entre le peuple: & apres son partement ledict Preuost des Marchans & ses alliez dirent plusieurs parolles, mal sonnans contre mondict seigneur le Duc: & dit vn nōmé Charles † Roussac plusieurs choses contre les officiers du Roy, & que ledict Preuost des Marchans estoit vn bon preud'hōme, & qu'il auoit fait tout ce qu'il auoit peu pour la liberté du peuple, & que s'il cuydoit que ceulx qui la estoient, & les autres de Paris ne le voulsissent porter & soustenir, il chercheroit ailleurs son sauuemēt ou il pourroit. Alors plusieurs de ceulx qui la estoient de leur alliance crierent à haulte voix qu'ilz le porteroyēt & soustiēdroyent contre tous: & ce sachant mōdict seigneur le Duc māda venir en son logis plusieurs des principaux de la ville, & les attrahit à luy tant qu'il peut, leur requérant qu'ilz luy voulsissent estre bons subiectz, & il leur seroit bon Seigneur, & ilz luy promirent qu'ilz viuroyent & mourroyēt avec luy, & qu'il auoit trop mis à prendre le gouuernemēt. En ce tēps festoyent rassemblez les gens des trois Estatz à Paris, & y estoient venus plusieurs des bonnes villes, mais il n'y vint aucuns Nobles, & peu de gens d'Eglise, & s'assemblerent plusieurs iournées, & ne pouoyent estre d'accord. Si s'en allerent, & ordonnerent qu'ilz retourneroyent l'vnzieme iour de Feurier ensuyuant: & par prouision ilz ordonnerent qu'on feroit nouuelle monnoye plus foible que celle qui auoit esté faicte, & que ledict Duc de Normandie en auroit du profit le cinquieme denier, & les quatre seroyent pour la guerre, & vallut le mouton trente solz Parisis. Ce pendant les deux Roynes, Iehāne & Blanche, qui estoient à Paris, se trauailloyēt fort de traicter l'appoinctemēt d'entre monseigneur le Duc de Normandie & le Roy de Nauarre, qui estoit à Mante:

† Les Cro.  
de Fran. di-  
sent Teudy,  
mais c'est  
peu de cas  
pour cela.

Des remon-  
strances que  
feit le Duc  
de Norman-  
die au peu-  
ple de Paris  
estāt assem-  
blé es Hal-  
les.

Autre asse-  
blée du peu-  
ple de Paris  
à s. Iaques  
de l'Hospi-  
tal.

† Cron. de  
Fran. disent  
Roussac.

Monnoye  
nouuelle or-  
donnée de  
rechef.

mais il y auoit de ses gens à Paris: c'est à sçauoir mōseigneur Iehan de Piquigny, & autres, qui alloient & venoyent: & tousiours venoyent à Paris & es enuironz genſ d'armes, tant q̄ lediſt Duc eut bien à la Chandeſeur deux mil hommes d'armes, gēs de faiſt. Le ſeizieme iour dudiſt mois de Ianuier monſeigneur Loys, Comte d'Eſtampes, print à femme madame Iehanne, fille de feu Raoul, Côte d'Eu, Conneſtable de France, qui fut decapité en l'hoſtel de Neelle à Paris: laquelle Iehāne auoit eſté femme de monſeigneur Gaultier, Duc d'Athenes, Comte de Brienne, en Chāpaigne, & Conneſtable de France, qui mourut à la bataille de Poitiers: & ce meſme iour les aduerſaires du Roy prindrent & pillerent la ville d'Eſtampes, & emmenèrent grand nombre de priſonniers des fortereſſes qu'ilz tenoyent en Beauſſe.

*Des eſmeutes de ceulx de Paris: & comment ilz tuerent au Palais, en la chambre du Regent deux des Mareſchaulx de France: & cōment lediſt Regent pour la ſeureté de ſa perſonne porta vn chaperon de leur liurée.*

Iehan Baillet  
Threſorier  
de France fut  
tué en la rue  
neufue s.  
Mery par  
un changeur



† Les Cro.  
de Frā. diſ.  
de Dernal  
de Xain  
des au lieu  
de ſainſtre.  
vous y pren  
drez garde  
ſ'il vous  
plaist, tant  
pour les nōs  
ppres que  
pour les dat  
res, d'autr  
que touſ-  
iours ne ſac  
cordēt pas.

Mil trois  
cens lvii.

Les gens de  
meſtier de  
Paris ſe mei  
rēt en armes

Homicides  
faictz de-  
dans le Pa-  
lais de Pa-  
ris.

E xxiiij. iour dudiſt mois de Ianuier Iehan Baillet, Threſorier de mōdiſt ſeigneur le Duc, fut tué à Paris en la rue neufue ſainſt Mery par vn changeur, nōmé Perrin Mare, lequel incontīnēt ſ'en alla en l'eglīſe ſainſt Iaques de la boucherie: mais mōdiſt ſeigneur le Duc, qui en fut moult courroucé le feit tirer hors de ladiſte eglīſe, de nuyſt, par meſſire Robert de Clermont, ſon Mareſchal, & meſſire Iehā de Chaalon, & le Preuoſt de Paris, nōmé Guillaume Staife: & le lendemain fut trainé iuſques au lieu ou il auoit frappé le coup, & la eut le poing coppé, & fut mené pēdre au gibet de Paris: mais l'Eueſque de Paris feit tant que lediſt Perrin fut deſpēdu, & ſon corps eſtably & r'apporté en ladiſte eglīſe, en laquelle il fut enterré, & à ſon enterremēt fut preſent lediſt Preuoſt des Marchans. En ce tēps le Roy de France, qui eſtoit priſonnier en Angleterre, enuoya meſſagiers deuers ſon filz le Duc de Normādie, l'Eueſque de Therouēne, ſon Chācelier, le Comte de Vendosme, le Seigneur † d'Orual, le Seigneur d'Aubigny, & meſſire Iehan de Saintre, Cheualier, & Iehan de Champeaulx, pour luy faire ſçauoir le traité qu'il auoit fait par dela: lequel fut agreable à monſeigneur le Duc, & à ceulx de ſon Conſeil. Enuiron le. v. iour du mois de Feurier enſuyuant meſſire Iehan de Piquigny, Cheualier, vint à Paris de par le Roy de Nauarre: & feit à mōdiſt ſeigneur le Duc, preſens les Roynes Iehanne & Blāche, requēſte qu'il tint audiſt Roy les conuenances qu'il luy auoit promiſes, & luy feiſt rendre ſes fortereſſes, & les xl. mil qu'on luy auoit promis l'autre fois qu'il auoit eſté à Paris, & aucūs ioyaux qui luy auoyent eſté prins lors qu'il fut faiſt priſonnier, en diſant deuāt leſdiſtes Roynes, que lediſt Roy de Nauarre auoit tenu de ſa part ce qu'il auoit promis audiſt Roy & audiſt Duc, & que ſi aucun à qui il fuſt tenu de reſpondre vouloit dire le contraire, il diroit qu'il mētiroit. Lors lediſt Duc, qui eſtoit debonnaire, ſ'agenouilla deuant leſdiſtes Roynes, qui le feirēt incontīnēt leuer & ſeoir, & dit qu'il auoit bien tenu audiſt Roy de Nauarre ce qu'il auoit promis, & q̄ lediſt de Piquigny n'eſtoit pas homme à qui il deuſt reſpōdre: & lors lediſt Eueſque de Laon diſt que lediſt Duc auroit plus grand aduis ſur leſdiſtes requēſtes, & en reſpondroit tant qu'il ſuffiroit, & ainſi ſe departirent. En celle ſepmaine ceulx de l'Vniuerſité, & le Preuoſt des Marchāſ de Paris, & ceulx de ſa ſecte, ſ'aſſemblerēt, & allerēt deuers mōdiſt ſeigneur le Duc, au Palais: & par vn frere Iacobin, nommé maiſtre Simon de Langres, luy feirent dire qu'il rendiſt les places du Roy de Nauarre, ainſi que promis luy auoit eſté, & qu'ilz auoyēt deliberé qu'ainſi ſe feroit: & au ſurplus qu'il luy pourueuſt ſur ſes autres requēſtes & appointaſt avec luy, autremēt ilz ſeroient à l'encontre de celui qui ne voudroit venir à appointemēt. L'vnieme iour dudiſt mois de Feurier audiſt an mil trois cens cinquante & ſept, ſe raſſemblerent à Paris les gens des trois Eſtatz, comme ilz auoyent fait parauant: & ordonnerēt que les gens d'Eglīſe payeroyent demy dixieme pour vn an, & les villes fermées ſeroient pour ſeptrāte & ſix ſeux vn homme armé. Le quatorzieme iour dudiſt mois lediſt Preuoſt des Marchans feit armer & aſſembler les gens de meſtier de Paris, à ſainſt Eloy, deuant le Palais: & eſtoient bien trois mil hommes armez: & ainſi qu'un Aduocat, nommé maiſtre Regnault d'Acy, alloit du Palais à ſa maiſon, pres ſainſt Landry, il fut tué par leſdiſtz gēs de meſtier, deuant l'Eglīſe de la Magdaleine, en l'hoſtel d'un paticier, ou il ſe meit pour ſoy cuyder ſauuer. Apres ce, lediſt Preuoſt & ceulx de ſa compagnie entrerent au Palais, & monterent en la chābre ou eſtoit mōdiſt ſeigneur le Duc, auquel lediſt Preuoſt diſt telles parolles: Monſeigneur ne vous eſbahiffez de choſe que vous voyez: car il eſt ordonné, & conuient qu'ainſi ſoit faiſt: & ce diſt, aucuns de ſa cōpaignie coururent ſus à meſſire Iehan de Conflans, Cheualier, Mareſchal de Chāpaigne, & en la preſence dudiſt Duc, ioignant ſon liſt, le tuerēt: & aucuns autres coururēt ſus à meſſire Robert de Clermōt, Mareſchal de mōdiſt ſeigneur le Duc, qui

qui se recula tant qu'il peut, & se retrahit en la chābre du retraict de mondiēt seigneur le Duc: mais ilz le suyurent, & la le tuerent: & lors mondiēt seigneur le Duc, qui de ce fut moult effrayé, pria lediēt Preuost qu'il le vouldist sauuer (car tous ses gens & officiers s'en estoient ia fuyz, & l'auoyent abandonné) & adonc lediēt Preuost luy dist: monseigneur n'ayez point de paour, car vous n'avez garde. Lors luy bailla lediēt Preuost son chaperon, qui estoit miparty de rouge & de pers, à la liurée de ceulx de la ville, leq̃l Duc le meit en sa teste: & lediēt Preuost print le chaperon de mondiēt seigneur le Duc, qui estoit de brunette noire, orfauerizé d'or, & le porta tout le long du iour en sa teste: & lors aucuns de la compagnie prindrēt les corps de ceulx qui auoyent esté tuez, & en la presence dudiēt Duc les trainerent inhumainement, iusques deuant la pierre de marbre, en la court dudiēt Palais, & la demourerēt estenduz & descouuers, iusques apres disner biē tard, & n'estoit nul qui les osast oster. Apres ce, lediēt Preuost & ses gens s'en allerent en l'hostel commun de la ville, en Greue, & dist au peuple que ceulx qui auoyent esté tuez, estoient faulx & trahystres, & qu'ilz auoyent esté tuez & mis à mort pour le bien de la chose publique, & leur requist qu'ilz ne l'habandonassent point: & lors le populaire criant dirent qu'ilz aduouoyent le fait, & qu'ilz soustiēdroient lediēt Preuost iusques à la mort: le quel Preuost apres ces choses faictes s'en retourna, & alla de rechef avec grand cōpaignie de gens armez au Palais, iusques à la chambre dudiēt Duc, qu'il trouua moult dolent & esbahy de ce qui estoit aduenue: & luy dist qu'il ne s'esbahist de riens des choses qu'il auoit veues: car ç'auoit esté fait pour euitier plus grand inconuenient: & requist lediēt Preuost que mondiēt seigneur le Duc vouldist aduouer le fait, & estre tout vn avec eulx, & si mestier estoit d'aucun pardon, le leur donner. Ce q̃ lediēt Duc leur oētroya: & pria audiet Preuost qu'il feist tant que ceulx de Paris vouldissent estre ses bons amys, & il seroit le leur: & apres s'en retournerent lediēt Preuost & sa compagnie: & tantost apres iceluy Preuost enuoya deux pieces de draps à mondiēt seigneur le Duc, l'une rouge, & l'autre perse, pour faire faire des chaperons luy & ses gens, à la liurée, & telz que ceulx de ladiēte ville les portoyēt. Ce qu'il feit, & les porterent, aussi feirent ceulx de la chambre des Comptes, & tous autres officiers communemēt.

Le Duc de Normandie qui fut contrait pour sauuer sa vie de prendre un chaperon miparty de rouge & de pers.

#### *Du gouvernement que ceulx de Paris entreprenoyent.*



Es corps desdictz deux Marechaulx mors furent par l'ordonnāce dudiēt Preuost des Marchans, enuiron l'heure de vespres, enuoyez en vne charrette à sainte Katherine du val des Escoliers: & là furent laissez en la court deuant l'eglise, dedans ladiēte charrette. Les religieux n'y oserēt toucher, & allerēt deuers lediēt Preuost des Marchans, pour sçauoir qu'on vouloit qu'ilz en feissent. Il leur dist qu'ilz en feissent ainsi que lediēt Duc leur ordonneroit. Si allerent deuers luy: & il leur dist qu'ilz les enterlassent secrettement sans solennité: mais assez tost apres l'Euesque de Paris feit deffendre ausdictz religieux qu'ilz n'enterrassent le corps dudiēt messire Robert de Clermont, par ce qu'il le tenoit pour excommunié, pource qu'il auoit esté à mettre hors du mōstier de saint Iaques, Perrin Marc, qui auoit tué Iehan Baillet. Le lendemain dudiēt cas ainsi aduenue lediēt Preuost des Marchans feit assembler les gens des Estatz qui estoient à Paris, au conuēt des Augustins: & leur feit par maistre † Regnault de Corbie, faire des remonstrances q̃ ce qui auoit esté fait estoit pour le bien de la chose publique, & feit tant que les aucuns aduouerent lediēt cas. Et le Samedy vingtquatrieme dudiēt moys mondiēt seigneur le Duc alla en la chambre de Parlement, avec aucuns de ses Conseilliers, qui luy estoient demourez: & alla deuers luy lediēt Preuost des Marchans, & grand nombre de gens armez & desarmez: & luy requirent qu'il gardast & entretint les premieres ordonnances qui auoyent esté faictes par les gēs des Estatz, & que leurs commis gouuernassent leurs finances. aussi qu'il meist aucuns en son conseil qu'ilz luy nommeroyent: le quel Duc leur accorda tout ce qu'ilz voulurent requerir.

† Parauant en nōme un Robert, qui pourroit biē estre cestuy cy.

#### *Du retour du Roy de Nauarre à Paris.*



LE Lundy vingtsixieme iour dudiēt moys de Feurier le Roy de Nauarre vint & entra à Paris, en grand' compagnie de gens d'armes, tant de ses gens, comme ceulx de Paris: & alla descendre à l'hostel de Neelle, qui estoit au Duc de Normandie: & tantost qu'il fut arriué lediēt Preuost alla deuers luy, le prier qu'il vouldist porter & fauoriser ceulx de Paris, & soustenir & aduouer ce qu'ilz auoyent fait. puis escriuit lediēt Preuost des Marchans aux bonnes villes du royaume, pour les allier à ceulx de Paris, & qu'ilz prinsent tous chaperons de leur liurée, ainsi qu'ilz les auoyent prins, & les portoyent mondiēt seigneur le Duc de Normandie, le Roy de



† als,  
d'Au-  
uergne.

Nauarre, monseigneur d'Orleans, frere du Roy, le Comte d'Estâpes, & plusieurs autres: mais de la part desdictes villes ilz n'eurent oncques responce, n'alliance, & ne prindrent point lesdictz chaperons. Ledit Roy de Nauarre estant à Paris, ledit Duc & luy mangerent souuēt ensemble, & s'entrefaisoyent bonne chere, par semblant: & luy donna ledit Duc son hostel de Neelle: mais ce neantmoins ceulx de Paris se mutinoyent, & s'armoyēt tous les iours: pour laquelle cause plusieurs des officiers du Roy de Nauarre, & dudit Duc s'absenterent de ladiete ville: & mesmement l'Euesque de Therouenne, Chancelier de France, qui nouuellement estoit retourné d'Angleterre, & auoit laissé ses seaulx au Roy, & s'en alla en son pays en t Allemagne, par ce qu'il veit qu'on vouloit vser d'autres seaulx, que de celui du Chastelet, duquel on vsoit en l'absence du grand. Durant que ces choses se faisoient, le Roy manda à mondict seigneur le Duc, son filz, qu'il luy enuoyast en Angleterre deux Prelatz, & quatre Cheualiers, pour ce qu'il estoit par dela petitement accompagné, & deux bons & habilles notaires, pour dresser les lettres du traité & appointement d'entre luy & le Roy d'Angleterre. Aussi deuant ce tēps, le Roy d'Angleterre manda à ceulx qui tenoyēt les forteresses en France, lesquelles auoyent esté prinſes depuis les trefues accordées à Bordeaux, qu'ilz les rendissent: & pour ce faire enuoya deux Cheualiers Anglois: mais plusieurs des Capitaines, qui estoient dedans, n'en voulurent riens faire, mesmement au pays Chartrain: & disoyent qu'ilz n'estoyent point au Roy d'Angleterre, & qu'ilz les tenoyent pour le Roy de Nauarre, & faisoient plusieurs maulx & pilleries.

*De l'autorité que vouloit prendre en France le Roy de Nauarre: & comment monseigneur le Duc de Normandie, aîné filz du Roy, fut declairé Regent.*



Du tiltre  
que le Duc  
de Norman-  
die, Regent  
en France,  
mettoit es  
lettres qu'il  
oſtroyoit.

Ledit Roy de Nauarre estant à Paris, donna plusieurs sauſconduitz, pour aller & venir par tout le royaume de France: par lequelz il commandoit à tous officiers du royaume, cōme s'il eust esté Roy de France, & y obeyſſoit on plus à luy qu'on ne faisoit à ceulx de mondict seigneur le Duc de Normandie, qui estoit filz du Roy: & le Mardy douzieme iour de Mars ensuyuant iceluy Roy de Nauarre s'en partit de Paris, & alla à Mante: & mondict seigneur le Duc de Normandie demoura à Paris: lequel, le quatorzieme iour d'iceluy moys, fut publié & declairé Regent du royaume (car parauant il ne fesoit nommé que Lieutenant, depuis la prinſe de son pere) & fut ordonné q̄ doreſnauant on ne ſcelleroit plus du ſeél de Chastelet, ainſi qu'on auoit fait depuis ladiete prinſe, mais ſcelleroit on des seaulx dudit Regent. Et es arrestz de Parlement, & lettres de Chancellerie, parloit ledit Regēt, & estoit son tiltre tel qu'il ſenſuyt: Charles, aîné filz du Roy de France, Regēt le royaume, &c. & fut le nom du Roy estainct, & bailliez les seaulx dudit Regent à maîſtre Jehan des Dormans, son Châcelier, Euesque de Beauuais: & furent mis au Conſeil dudit Regent, le Preuoſt de Paris, maîſtre Robert de Corbie, Charles Rouſſac, & Jehan de l'Isle. Tantost apres mondict seigneur le Regent alla à Senlis, & de la à Compiègne, ou il y auoit mandé les Nobles de Picardie: & tousiours y auoit gens d'armes, ou diuiſions ſur le pays, qui pilloyēt & gaſtoient tout, & pillerēt Montlehery, Chartres, Corbeil, & emmenerent grand nombre de prisonniers. Item, le dixſeptieme iour dudit moys de Mars, fut prins aupres de ſainct Cloud vn Escuyer, nommé Philippot de Repenty, & amené à Paris: & le Lundy matin fut decapité, par ce qu'il confeſſa eſtre de la compagnie de plusieurs qui auoyent entrepris de prendre mondict seigneur le Regent, en la noble maiſon de ſainct Ouen, pres Paris, ou il auoit esté trois ou quatre iours deuant.

*De la responce des gens des Eſtatz de Champaigne: & comment ceulx de Paris faisoient plusieurs entreprinſes.*

L'an mil  
ccc. lviij.

† Cron. de  
Fran. diſent  
Robert de  
Rouſſy.  
† Cron. de  
Fran. diſent  
Breſne en  
Launnois.



Le Lundy apres Quasimodo, neuſieme iour d'Auril, l'an mil trois cens cinquante & huyēt, mondict seigneur le Regent ſe trouua à Prouins, ou il auoit mandé les gens des trois Eſtatz de Champaigne: & combien que le Roy de Nauarre eust promis ſy trouuer, toutesſois il n'y alla point, & y allerēt de par la ville de Paris, meſſire Robert de Corbie, meſſire † Pierre de Roſny, Archediacre de Brie. Et illec aux gens desdictz Eſtatz, mondict seigneur le Regent par ſa bouche leur diſt & remonſtra le dangier en quoy estoit le royaume de France, & les affaires qu'il auoit, & leur requiſt qu'ilz y vouliſſent mettre remede: lequelz luy feirent par la bouche de meſſire Simon de Rouſſy, Comte de † Briēne, responce, qu'ilz eſtoyēt preſtz de le conſeiller, ſeruir & ayder, de corps & de biēs, comme bons & loyaulx ſubiectz: mais pource que les plus grands



grands & plus puissans de Champaigne n'estoyent pas là, ilz requirēt qu'ilz se peussent assembler en la ville de Vertus: & disoit iceluy de Rouffy qu'ilz n'yroyent plus à Paris: laquelle requeste fut accordée par ledict Regēt. puis s'en partit iceluy Regēt, & alla en l'Abbaye de Prully, & de là à Monstereau Faultyonne, dont le chasteau estoit gardé de par la Royne Blanche, sœur du Roy de Navarre, par vn Cheualier, nommé messire <sup>†</sup> Toupin, que ledict Regēt feir <sup>†</sup> a<sup>p</sup>. Taut sommer de le mettre en ses mains: & apres plusieurs difficultez il le rendit audiēt Regēt, qui <sup>Pin.</sup> entra dedans, & y coucha vne nuyt: & la luy vindrent nouuelles que ceulx de Paris s'esmouuoient, & auoyent intention de leur mettre dedans le marché de Meaulx, & le faire garder. Pourquoy le Regent vint audiēt Meaulx, ou estoit madame la Duchesse, sa femme, & y auoit enuoyé deuant le Comte de Joigny, & bien quarante hommes d'armes: & ainsi qu'il s'en vouloit partir de Meaulx pour aller à Compiègne, ou il auoit mandé assembler ceulx de Picardie, & de Vermandois, luy vindrent nouuelles que ceulx de Paris auoyent mis gens de par <sup>L'Artilerie</sup> eulx <sup>du Loure</sup> dedans le chastel du Loure, & y auoyent prins grand' quantité d'Artilerie, que ledict Regēt <sup>mise en l'ho-</sup> y auoit fait retraire, & icelle auoyent fait mener en leur hostel de ville, en Greue, & si auoyēt <sup>stel de la uil-</sup> <sup>le, par les m-</sup> <sup>ins de Paris.</sup> escrit audiēt Regent vnes bien estranges lettres closes.

*De l'assemblée du Regent & du Roy de Navarre: & comment ceulx de Paris voulurent faire ledict Roy de Navarre leur Capitaine.*

**E**N ce temps; & depuis que ledict Regent estoit party de Paris, peu de Gētilz hommes repairoient à Paris, dont ceulx de la ville estoient desplaisans: & disoyent que les Gentilz hommes leur vouloyent mal, & fut vne grande diuision au royaume. car plusieurs tenoyent le party dudiēt Regent, cōme leur droict Seigneur, en l'absence de son pere, & les autres tenoyent le party de ceulx de Paris. Autres nouuelles vindrent audiēt Regent, luy estant à Cōpiègne, que ceulx d'Amyès auoyent grand discord en leur ville, les menuz contre les grands: si se meit en voye d'y aller, & alla iusques à Corbye: mais pource que sur les champs y auoit plusieurs ennemys gens de guerre, Anglois & Nauarrois, qui gastoyent & pilloyent tout, & emmenoyēt mesmemēt ceulx des fortereffes d'Esparnon, Chasteaulandon, & plusieurs autres lieux, & emmenoyent gens prisonniers, il n'alla plus auant, & disoit on qu'à celle course lesdictz ennemys auoyēt bien gagné cinquante mil moutons d'or, & grand nōbre de prisonniers. Itē le Dimēche xxix. iour d'Auril furēt les Chāpenois assemblez en la ville de Vertus, pour faire respōce audiēt Regēt, aīsi qu'ilz auoyēt promis à l'assemblée de Prouins: mais ledict Regent n'y peut estre, par ce qu'il estoit encores occupé au voyage vers Amyès, & y enuoya monseigneur Simon de Rouffy, Comte de Brienne, qui leur feir par luy semblables requestes qu'il leur auoit fait à Prouins: lesquelz de Champaigne luy octroyerēt faire vne ayde: c'est à sçauoir de septante feux es bonnes villes vn homme d'armes, & au plat pays, de cent feux vn homme d'armes, & des personnes de mortés mains, & formariages, de deux cens feux vn homme d'armes: les gens d'Eglise vn dixieme, les Nobles de cent liures cent solz: lesquelz aydes ilz leueroient par leurs mains, reserué le dixieme des gens d'Eglise, que ledict Regent auroit pour sa despēce. Et pource qu'à la dernière assemblée, faicte à Paris, des gēs des trois Estatz, il auoit esté ordonné qu'ilz s'assembleroyēt en ladicte ville Paris, au premier iour de May ensuyuant, ledict Regent manda & ordonna que ladicte assemblée seroit faicte à Compiègne: & ainsi se feit, dont ceulx de Paris ne furent pas contens, mais ceulx de toutes les autres villes en furēt bien aydes: & la fut accordé vn subside tel que les Chāpenois l'auoyent accordé: qui estoit vn dixieme, sur les gēs d'Eglise, sur les Nobles de cent liures de terre, cent solz, & es bonnes villes, de septante feux vn homme d'armes. Apres s'en alla ledict Regent loger à Clermont en Beauuoysin, tirant vers le Roy de Navarre, qui estoit logé à Merlo, pour parler à luy: & le deuxieme iour dudiēt mois de May s'assemblerēt lesdictz deux Princes au marché dudiēt Clermont, chacun à grand' compaignie de gēs d'armes: & la ledict Roy de Navarre parla fort de ceulx de Paris, afin que ledict Regēt voulüst accorder à eulx: lequel Regēt dist au Roy de Navarre, qu'il aymoient la ville de Paris, & sçauoit bien qu'en icelle ville auoit de bonnes gens, mais il y en auoit aucuns qui luy auoyent fait de grandes rudesses & villénies, comme tué ses Mareschaulx en sa présence, & aussi puis nagueres fait prēdre son artillerie au Loure: & oultre luy dist qu'il n'auoit pas intētion d'entrer en Paris, q̄ ses besongnes & affaires du royaume ne fussent autrement dressées: & requist audiēt Roy de Navarre qu'à les dresser le voulüst ayder. ce qu'il promit faire: & le lendemain le Roy de Navarre s'en partit, & vint à Paris, ou ceulx de la ville le receurēt, & s'esiouyrēt grādement & honnorablement l'espace de dix iours, & deslors le cuyderent faire leur Capitaine. <sup>Plainte du</sup> <sup>Reg. au Roy</sup> <sup>de Navarre,</sup> <sup>contre ceulx</sup> <sup>de Paris.</sup> En ce temps la ville de Paris n'estoit point close de murs du costé de deuers la Bastille saint <sup>Clofture des</sup> <sup>murs de</sup> <sup>Paris.</sup>

Antoine : & pource deslors le Preuost des Marchans, & ceulx de sa secte, qui vouloyent tout entreprendre le gouuernement de la chose publique, au moyen aussi qu'ilz sçauoyent certainement qu'ilz n'estoyent point en la bonne grace de mondiēt seigneur le Regēt, & qu'on leur dist que lediēt Regēt les auoit deffiez, iceluy Preuost des Marchans feit fermer ladiēt ville de petiz murs sangles, & de fossez tout au long depuis la riuere, du costé des Celestins, & tirant tout oultre les portes saint Antoine, le Temple, saint Martin, saint Denis, Montmartre, saint Honoré, & iusques à la tour du Boys, qui est sur la riuere pres du Louure : & par ce feit encloste lediēt chasteau du Louure, qui n'auoit plus d'issue hors la ville : & à faire ladiēt closture y auoit chacun iour quatre mil ouuriers, l'espace d'un an.

Le chasteau  
du Louure  
seuloyt estre  
hors Paris.

*Des grands maulx que le Roy de Nauarre & ses gens faisoient en France.*

**D**urant l'assemblée de Compiègne fut dist audiēt Regēt que l'Euesque de Laon, qui estoit le principal en son conseil, luy estoit faulx & trahyste, & que par luy estoient aduenus tous les maulx, à cause des aduertissemens qu'il faisoit audiēt Roy de Nauarre, & à ceulx de Paris : pour laquelle cause lediēt Euesque fut en danger d'estre villenné par aucuns Nobles, qui estoient avec lediēt Regēt : parquoy lediēt Euesque, qui en fut aduerty, s'en partit secrettement & hastiuement dudiēt Compiègne, & s'en vint iusques à saint Denis, & de là mada à Paris qu'on l'allast querir. parquoy le Roy de Nauarre, qui encores estoit à Paris, & ceulx de ladiēt ville, l'enuoyerent querir à grand nombre de gens d'armes, qui l'emmenerent à Paris. Durant ce temps Messire Iehan de t Meudan, Chastelain d'Eureux, pour le Roy de France, qui n'auoit voulu bailler la place au Roy de Nauarre, meit le feu en ladiēt ville d'Eureux, & fut toute arse & destruite, dont lediēt Roy de Nauarre fut moult indigné. Les gēs dudiēt Roy de Nauarre, de la garnison d'Espernō, dont estoit Capitaine messire Iames Pippes, lequel en ses sauscōduictz s'appeloit Lieutenant dudiēt Roy de Nauarre, cheuaucherent par Galtinois, & ardirent Nemours & toutes les places & villages d'enuirō, dont moult de gēs s'esbahyrēt : car lediēt pays estoit assigné en douaire à la Royne Blanche, soeur dudiēt Roy de Nauarre. Le quinziesme iour de May audiēt an mil trois cens cinquante & huyt, furent enuoyées d'Angleterre plusieurs lettres de par plusieurs Seigneurs de France, & d'ailleurs, qui la estoient : par lesquelles estoit faite mention q la paix des deux Roys de France & d'Angleterre estoit faite & accordée. Ce que plusieurs ne vouloyent croire, par ce q parauant auoit esté ainsi mādé par diuerses fois, dont n'estoit riēs, & aussi q les aucuns ne l'eussent point voulu : & ce mesme moys ceulx de Paris feirent decapiter & escarteler le Maistre des pons de ladiēt ville, & le Maistre des oeures de charpētier, pour le Roy, à Paris, pource qu'on disoit qu'ilz auoyent entrepris de mettre par la riuierē les gens dudiēt Regent, en icelle ville.

L'an mil  
ccc.lviii.  
Des Mai-  
stres des pōs  
& des œu-  
res de Pa-  
ris, q surēt  
decapitez  
& escarte-  
lez.

*De la laquerie de Beauuoyfin.*

**A**vdiēt moys de May s'esmeurēt plusieurs menus gens populaires au pays de Beauuoyfin, & coururent sus à tous les Nobles qu'ilz peurent trouuer audiēt pays : & tuerent eulx, leurs femmes, & enfans, pillerent, brulerent & desmolirent leurs maisons : & auoyent fait vn Capitaine, nommé Guillaume Caillet. puis allerent à Compiègne : mais ceulx de la ville ne les voulurent pas laisser entrer dedans : si s'en retournerent à Senlis, & feirent tant qu'ilz entrerent en la ville, & abbatirēt le chastel d'Armenonville, & plusieurs autres places d'enuiron, & allerent à Beaumont sur Ayse, & abbatirēt partie du chastel : & la Duchesse d'Orleans, qui estoit dedans, s'en fuyt, & s'en alla à Paris : & ladiēt assemblée de Beauuoyfin, qu'on appelloit la Laquerie, par ce qu'ilz estoient tous habillez de laques, se multiplioit tous les iours. Ce pēdant lediēt Regēt, qui estoit à Meaulx, s'en alla à Sens, ou il fut receu moult honorablemēt, par ceulx de la ville. Quand ceulx de Paris sceurēt qu'il estoit party de Meaulx, ilz assemblerēt gēs iusques à huyt cens hommes, dont estoit Capitaine vn nommé Pierre Gille, espicier de Paris, & vn autre nommé Iehan Vaillāt : lesquelz le neuiesme iour de Iuin, audiēt an mil trois cens lviii. allerent à Meaulx, & dedans la ville & citē les bouta vn nommé Iehan Soulas, Maire de ladiēt ville : combien que ceulx de ladiēt ville eussent promis & iuré audiēt Regent, à son partement, luy estre bons & loyaux, & qu'ilz ne feroient ne souffriroyent faire chose qui fust contre luy, neantmoins ilz receurent iceulx gens de guerre, & dresserent tables, vin & viandes par les rues : & quand ilz eurent repeu, ilz s'allerent mettre en bataille deuant le Marché dudiēt Meaulx (qui est vne place moult forte, séparée de ladiēt ville & citē, la riuere de Marne entre deux) & avecques eulx se mei-  
rent

Pourquoy  
les laques  
de Beauuoy  
fin estoient  
ainsi appe-  
lez.  
L'an mil  
ccc.lviii.

rent plusieurs des habitans de ladicte ville & cité: auquel marché la Duchesse, femme dudit Regent, & la sœur d'iceluy, nommée Ysabeau, qui apres fut Duchesse de Milan, & Comtesse de Vertus, q̄ le Roy Iehan luy donna en son mariage, s'estoit retirée: & avec elles estoient le Côte de Foix, le Seigneur d'Angest, & plusieurs autres Gentilz hōmes, que ledict Regent y auoit laissez pour les garder: & y firent du Marché le Comte de Foix, & enuiron vingt & cinq hommes d'armes, qui fraperent sur ledict Pierre Gille & sa compagnie, avecques lesquels s'estoyent mis plusieurs de la ville de Meaulx, & les tuerēt & desconfirent. Toutesfois il fut tué vn Cheualier dudit Marché, nommé messire Loys de Chambly, qui fut frappé d'un vireton pres de l'œil: & puis ceulx dudit Marché meirent le feu en ladicte ville & cité, & la pillerent & bruslerent, reserué la grand' Eglise, & aucunes maisons des Chanoynes, & fut bruslé le Chastel, qui estoit au Roy, & y dura le feu bien quinze iours: & fut prins ledict Iehan Soulas, Maire, & autres principaulx de ladicte ville, & fut ledict Maire decapité. Ledit monseigneur le Regent, pour obuier aux assemblées desdictz Iaquierz de Beauuoyfin, feit grand' assemblée de Gentilz hōmes & autres, & leur feit courir sus: & par tout ou on les trouuoit on les mettoit à mort, & tellement qu'auant qu'il fust la saint Iehan, on disoit qu'on en auoit bien tué vingt mille.

De la uille  
de Meaulx  
qui fut ar-  
sée, bruslée,  
& pillée.

*Comment le Roy de Nauarre fut fait Capitaine de Paris.*



Emblablement ledict Roy de Nauarre courut sus à ceulx de Beauuoyfin, & tua plusieurs des communes: & en la ville de Clermōt feit coper la teste audit Guillaume Caillet, leur Capitaine. Et pource que ceulx de Paris luy manderent qu'il allast vers eulx, il se retira à saint Ouen, en la noble maison, & illec alla parlamēter avec le Preuost des Marchans: & le leudy quatorzieme iour de Iuin iceluy Roy de Nauarre vint à Paris, & au deuant de luy allerent ledict Preuost des Marchans, & plusieurs autres, qui l'accompagnerent iusques en l'Abbaye de saint Germain des prez, ou il alla loger. Le lendemain il alla en l'hostel de la ville de Paris, & prescha longuement au peuple: & entre autres choses dist qu'il aymeroit moult le royaume de France, & le bien de la chose publique, & qu'il y estoit bien tenu, car il estoit des fleurs de lys, de tous costez, & eust esté sa mere Roïne de Frāce, si elle eust esté homme, car elle estoit seule fille du Roy, & pource estoit prest de viure & mourir avec eulx. Apres ce parla & prescha Charles Roussac, & dist plusieurs choses cōtre les Officiers du Roy & du Regent, & que le royaume estoit mal gouuerné, & estoit besoing qu'ilz feissent vn Capitaine, qui bien les gouuernerait, & biē luy sembloit que meilleur ne pourroyent ilz auoir que le Roy de Nauarre: & tellement les forgea & persuada que plusieurs qui la estoient à poste, crierēt à haulte voix Nauarre, Nauarre, mais la plusgrād' partie se teut, & ne l'oserent contredire: & fut ledict Roy de Nauarre tenu & fait Capitaine de Paris: & luy dit le Preuost des Marchans qu'ilz escriroyent à toutes les bōnes villes, affin qu'ilz consentissent qu'ilz fust Capitaine vniuersel du royaume de France. Ledit Roy de Nauarre feit le serment à ceulx de Paris, de les garder & deffendre enuers & contre tous: & puis leur dist: Beaulx Seigneurs ce royaume est bien malade, & y est la maladie moult enracinée, & ne peult pas estre si tost guery: si ne vous vueillez mouuoir cōtre moy, si ie n'appaise si tost la chose, car il fault besongner avec le temps.

Un Capitai-  
ne des Ia-  
ques de  
Beauuoyfin  
qui fut de-  
capité à  
Clermōt en  
Beauuoyfin

Le Roy de  
Nauarre fut  
esleu Cap-  
taine de Pa-  
ris p̄ ceulx  
de Paris.

*Des maux que faisoient les Nauarrois au royaume de France.*



Ledit Roy de Nauarre, qui ne taschoit qu'à gaster & destruire le pays de France, & attirer le populaire à luy, contre ledict Regent, faisoit tousiours courir ses gens d'armes, pillant & gastant le pays, & auoit fait venir en sa compagnie grand nombre d'Anglois, dont il en feit mettre plusieurs dedans Paris: lesquels à vne esmeute qui fut en la ville, furēt tuez, & estoit la chose en vne merueilleuse cōfusion: dont ledict Regent fut aduertty, lequel auoit esté long temps sur les champs, pour departir les compagnies desdictz Iaques de Beauuoyfin, & aussi des Anglois & Nauarrois, qui estoient sur le pays, es marches de Sens, Prouins, Chasteauthierry, Gandeluz. Il fut aussi aduertty que plusieurs Gentilz hommes, qui estoient avec ledict Roy de Nauarre, l'auoyent habandonné, parce qu'il faisoit courir sus & destruire les autres Gentilz hommes du pays, cōtre lesquels ilz ne vouloyent point estre. Durant ces choses la Roïne Iehan-ne, tante du Roy de Nauarre, qui estoit à Paris, mettoit grand' diligence à trouuer façō de faire appoinctement entre ledict Regent & le Roy de Nauarre: si alla vers ledict Regent qui estoit enuiron Meaulx, attendāt ses gens d'armes qui venoyēt: & tousiours ardoient les Gentilz hommes de sa compagnie les maisons qu'ilz trouuoient estre à ceulx de Paris, filz n'e-

Nul home  
allant par  
pays ne se  
fust ose ad-  
uouer estre  
de Paris.

Le Roy de  
Nauarre re-  
fusa de re-  
cevoir le  
corps de no-  
stre seigneur  
Iesus Christ

Desconfi-  
re des Paris-  
siens pres la  
porte de s.  
Anthoine.

Ceux de  
Paris se com-  
mencerent à  
ennuyer du  
Roy de Na-  
uarre, leur  
Capitaine.

estoyent Officiers du Roy ou du Regent: & n'estoit homme qui allast par pays, qui fofast ad-  
uouer estre de Paris. Plusieurs Gentilz hommes, qui festoyent tenuz avec ledict Roy de Na-  
uarre, principalement ceulx du pays de Bourgogne, quād ilz veirēt qu'ilz eut la Capuaine-  
rie de Paris, l'abandonnerent, disans qu'ilz ne seroyent point contre le Regent, & s'en allerēt  
en leur pays. Le Roy de Nauarre & sa compaignie allerent vers Gonneffe, & de la vers Sen-  
lis: & ledict Regēt, avec grand' compaignie, qu'on estimoit bien à trente mil hommes de che-  
ual, s'approcha de Paris, & s'en vint loger à Chelle sainte Baudour: & la royne Iehāne estoit  
à Laigny, qui moult se penoit de faire l'appoinctement: mais elle ne pouoit pour l'orgueil de  
ceulx de Paris. parquoy ledict Regent s'en vint loger à Conflans, au pres du boys de Vincen-  
nes, & au pont de Charenton, & la feit faire vn pōt sur bateaulx, pour passer la riuere de Sei-  
ne: & tint ledict Regent, qui auoit bien trente mil cheuaulx en sa compaignie, ceulx de ladicte  
ville de Paris si pressezz qu'ilz ne pouoyent auoir viures, n'issir de ladicte ville: & lors ledict  
Roy de Nauarre s'en retourna, & s'en vint loger à saint Denis, avec grād' cōpaigñie de gēs,  
ennemys du Roy, & du royaume, Anglois, & autres des garnisons cōtraires qu'il auoit man-  
dez & amassez. En ces entre faictes ladicte Royne Iehāne alloit & venoit chacun iour audict  
lieu de saint Denis, deuers ledict Roy de Nauarre, & audict lieu de Conflans deuers ledict  
Regent, & se penoit & traualloit moult pour faire l'appoinctemēt, mais elle n'y pouoit trou-  
uer moyen: toutesfois elle feit tant qu'un iour huyetieme de Iuillet s'assemblerent lesdictz Re-  
gent & le Roy de Nauarre en vn pauillon, qui pource fut tendu pres la porte saint Anthoi-  
ne, ou fut chantée vne messe, pour confermer l'appoinctemēt que ladicte Royne auoit pour-  
parlé, & pour bailler le corps de Iesus Christ au deux Princes: mais ledict Roy de Nauarre, qui  
n'auoit pas vouloir tenir chose qu'il promist, le refusa, en disant qu'il n'estoit pas à ieun. Du-  
rant que lesdictz deux Princes estoient au pauillon, leurs gens estoient tous armez, à cheual,  
& rengiez en bataille, pres à combatte d'une part & d'autre: toutesfois par certain appoinctem-  
ent qu'ilz feirent fut promis audict Roy de Nauarre, pour toutes choses qu'il pourroit de-  
māder, luy seroit baillé dix mil liures de rente, & quatre cens mil florins à l'escu, en quatre an-  
nées, chacun an cent mil: & par ce promet ledict Roy de Nauarre aller à Paris, pour les met-  
tre en l'obeissance dudit Regent, & luy en faire lendemain responce: mais il n'en feit riens,  
& s'en retourna à saint Denis, & ledict Regent es carrieres de Conflans, ou il estoit logé. Et  
combien que ledict Roy de Nauarre eust promis audict Regent luy porter le lendemain ladi-  
cte responce de ceulx de Paris, & qu'il feroit tant qu'ilz se mettroient en son obeissance, com-  
me dict est, & qu'ilz luy payeroyent trois cens mil escus, pour ayder à la rançon de son pere,  
pourueu qu'il leur quictast toute peine criminelle, n'en feit riens ledict Roy, ains plustost, pour  
ce qu'on luy dist que ceulx de Paris estoient mal contens qu'il auoit fait appoinctement sans  
eux, & disoyent qu'ilz se passeroient bien de luy, il vint à Paris, & feit à eulx plus fortes alli-  
ances, contre ledict Regent, que iamais: & meit dedans la ville de Paris plusieurs Anglois, &  
ennemys du royaume, qu'il auoit avec luy, lesquelz il laissa en ladicte ville, & s'en retourna à  
saint Denis: & sortirent ceulx de Paris en grand nombre sur les gens dudit Regent, qui es-  
toient logez iusques à la Granche aux merciers, pres la porte saint Anthoine: lesquelz furēt  
tantost secouruz par l'ost dudit Regent, & furent ceulx de Paris desconfitz & mis en fuyte,  
& plusieurs mors. Le lendemain douzieme iour de Iuillet ledict Regent enuoya à saint De-  
nis deuers ledict Roy de Nauarre, qui s'y en estoit allé, pour sçauoir qu'il auoit volenté de fai-  
re, & le feit requerir qu'il vint avec luy (car il auoit promis luy ayder) & il dist q' ledict Regent  
auoit enfrainct le traité, & que ses gens auoyent couru sur ceulx de Paris, le iour precedent, cō-  
bien que le contraire estoit vray, car ceulx de Paris auoyent assaillie ceulx dudit Regent. Le  
Samedy quatorzieme iour dudit mois de Iuillet ceulx de Paris saillirēt avec grand' compai-  
gnie d'Anglois, & allerent pour assaillir ledict Regent secrettement, par le pont qu'il auoit  
fait du costé de saint Victor: & auant que ledict Regent & ses gens s'en aperceussent il en y  
eut plusieurs qui estoient ja bien auant sur le pont: mais quand ilz furent aperceuz ilz furent  
lourdement reboutez, & en furent tuez plusieurs: & tantost ceulx de l'ost dudit Regent passe-  
rēt la riuere, & ardirēt Vitry, & autres villages d'environ: & ladicte Royne Iehanne alloit &  
venoit souuent deuers lesdictz Princes, pour renouer ledict traité. Aussi ce iour furēt faictes  
plusieurs escarmouches du costé de la Bastille saint Anthoine, ou les gens dudit Regēt alle-  
rēt courir: & finablement ceulx de Paris, qui soustenoyent de grands pertes & dōmages, voyās  
que le bast les bleffoit, furent aucungement ennuyez desdictes guerres & discordz: & disoyent  
que ledict Roy de Nauarre ne faisoit q' brouiller, & qu'il ne tenoit riens de chose qu'il promist.  
Si commencerent à murmurer contre luy, & à traicter de faire leur appoinctement enuers le-  
dict Regent, par le moyen de ladicte Royne Iehanne: & allerent aucuns de par eulx deuers le-  
dict Regēt, du costé de par dela la riuere de Seine, deuers Vitry: c'est à sçauoir ladicte Royne  
Iehanne

Iehan, l'Archeuesque de Lyon, qui estoit enuoyé de par le Pape, l'Euesque de Paris, le Prieur de saint Martin des champs, Iehan Velot, Escheuin, Colin le Flament, & autres: & auoyent en leur cōpaignie plusieurs gēs armez, & parlerent à luy en vn des bateaulx du pōt qu'il auoit fait faire pour passer ladiète riuere de Seine: & fut requis p ceulx de Paris audict Regent qu'il leur voulsist pardonner son maltalent, & qu'ilz se mettroyent en sa mercy, par telle condition qu'il ordonneroit de leur faict par le conseil de la Roynie Iehanne, du Roy de Nauarre, & du Duc d'Orleans, concordablement, & non autrement, adioinct avec eulx le Comte d'Estampes: & que les alliances qu'ilz auoyent faictes au Roy de Nauarre, avec les bonnes villes, & tous autres, demoureroyent en leur vertu. Ce que ledict Regent leur accorda: & aussi de faire ouurer les passages des riuieres, affin que viures & marchandises peussent estre amenees à Paris: & fut ordonné iour au Mardy ensuyuant pour faire les choses dessusdictes en la ville de Laigny sur Marne: & à ceste cause fut leué & departy l'ost dudiect Regent: mais ce neantmoīs ceulx de Paris ne voulurent laisser entrer en ladiète ville aucuns des gens dudiect Regent.

*Des plusieurs esmotions qui furent faictes à Paris: & comment ceulx de Paris se declarerent du party du Regent, & tuerent le Preuost des Marchans & autres.*



A veille de la Magdaleine, vingtvnieme iour dudiect moys, estoit le iour assigné pour soy trouuer à Laigny, mais il fut cōtinué & remis à Corbeil vn autre iour: & celuy mesme iour, apres disner, s'esmeut grand discord à Paris, entre ceulx de la ville & plusieurs Anglois, que ledict Roy de Nauarre auoit laissez & mis dedans la ville: & vint le discord pource qu'on disoit qu'aucuns autres Anglois qui estoient à saint Denys & à saint Cloud, pilloyent & gastoyent le pays. Si s'esmeut le commun de Paris, & coururent sus ausdictz Anglois, & en tuerent vingtquatre ou xxv. & si en prindrēt quarante sept des principaulx de ceulx qui auoyent disné avec ledict Roy de Nauarre, en l'hostel de Neelle, & plus de quatre cens autres en diuers hostels de ladiète ville, & les meirent prisonniers au Loure: dont ledict Roy de Nauarre, le Preuost des Marchans, l'Euesque de Laon, & les autres gouuerneurs, leurs alliez, furent moult courroucez: parquoy le lendemain iour de Dimenche, feste de la Magdaleine, allerent en la maison de la ville, ou se rendit moult de peuple enuiron l'heure de Midy, tous armez en la place de Greue: ausquelz le Roy de Nauarre dist qu'ilz auoyēt mal fait d'auoir tué lesdictz Anglois (car il les auoit fait venir soubz son saufconduit pour leur ayder) mais ledict populaire commença à crier que tous lesdictz Anglois fussent tuez, & qu'ilz le vouloyent ainsi: & avec ce qu'ilz vouloyent aller à saint Denis, pour tuer ceulx qui y estoient, qui auoyent tout pillé & gasté le pays: & dirent audict Roy de Nauarre, & audict Preuost, qu'ilz les y menassent. Ce qu'ilz leur accorderent, & promirent qu'ilz yroyent avec eulx: mais auant que partir fut bien enuiron l'heure de vespres, dont plusieurs presumerent qu'ilz differoyent leur partement pour aduertir lesdictz Anglois, affin qu'ilz ne fussent prins à despourueu. Lors se meirent à chemin, & disoit on qu'ilz estoient bien seize cens hommes de cheual, & huyēt mil hommes de pied. Les vns faillirent par la porte saint Honoré, & ledict Roy de Nauarre, & le Preuost des Marchans, sortirent par la porte saint Denis, & se tindrent longuement en vn champ entre Montmartre & le moulin à vent: & furent veuz des coureurs venir du costé deuers Montmartre, qui dirēt qu'ilz auoyent veu aucuns Anglois au boys de Boulongne. Lors ceulx de Paris, qui estoient sortis par la porte saint Honoré, & aucuns autres qui estoient allez quand & ledict Roy de Nauarre & Preuost des Marchans, se meirent à chemin tirant droit la, & en veirent quarante ou cinquante enuiron le long du boys de Boulongne, & cuydoyēt qu'il n'y eust que ceulx qu'ilz voyoyent: si les allerent assaillir: & à celle heure vne grand turbe d'Anglois, qui estoit embuschée dedans le boys, sortit sur eulx: parquoy ilz se meirent en fuyte vers Paris, & Anglois les chacerent, tuant, & en turent bien six cens: mais neantmoins, combien que ledict Roy de Nauarre & Preuost des Marchans les veissent ainsi tuer, ilz ne s'en remuerent oncques, & ne les secoururent aucunement. Cela faict, ledict Roy de Nauarre s'en alla à saint Denis, & ledict Preuost des Marchans s'en retourna à Paris, & luy & ceulx de sa compaignie furent moult huyez & blasmez de ce qu'ilz auoyent ainsi laissé tuer les autres, sans les secourir: & deslors le peuple de Paris commença fort à murmurer contre lesdictz gouuerneurs. Ce neantmoins le Vendredy ensuyuant xxvij. iour dudiect moys de Iuillet, ledict Preuost des Marchans, & en sa compaignie bien huyēt vingtz ou deux cens hommes armez allerent au chasteau du Loure, & meirent hors lesdictz Anglois, qui estoient prisonniers, & les enuoyerēt par la porte saint Honoré iusques hors la ville: & s'en allerēt lesdictz Anglois deuers le Roy de Nauarre à saint Denis, & ledict Preuost des Marchans avec eulx, lequel se tint trois iours

*Cōsentemēt  
de tuer tous  
les Anglois  
qui estoient  
à Paris.*

*Occisio d'un  
nōbre de Pa  
risiens par  
les Anglois*



*Mutinerie  
de ceulx de  
Paris cōtre  
le Preuost  
des Mar-  
chans.*

*Le Preuost  
des Mar-  
chans, & le  
Clerc de la  
ville de Pa-  
ris furent  
tuez.*

qu'il n'osoit seurement retourner à Paris. Le Mardy dernier iourdudiēt moys de Iuillet, lediēt Preuost des Marchans, & autres ses alliez, allerent disner en la Bastille, ou boulleuert de la porte saint Anthoine, tous armez: & quād ilz furent la lediēt Preuost commenda à ceulx qui gar doient ladiēte porte, qu'ilz en baillassent les clefz à Iosseran de Mascon, qui estoit Thresorier du Roy de Nauarre: mais lesdiētz gardes dirent qu'ilz n'en feroient riens: & sur celle question se meurēt grosses parolles entre eulx, dont vn nommé Iehan Maillart, qui gardoit vn quartier des murs de ladiēte ville, pres ladiēte porte, ouyt nouuelles, & vint incōtinent à ladiēte porte: & quand il eut ouy le debat, il dist audiēt Preuost des Marchans que les clefz ne seroyēt point baillées audiēt Iosseran: & sur ce se meurent plusieurs grosses parolles: & ce voyāt lediēt Mail lart il print vne banierre aux armes du Roy, & monta à cheual, & commença à crier à haulte voix: Montioye saint Denis: & cheuaucha par la ville, & tous ceulx qui le voyoyent allerent apres luy criant: Montioye saint Denis, & alla iusques aux halles: & vn Cheualier, qui auoit nom Pepin des Essars, print vne autre banierre aux armes du Roy, criant semblablement par la ville: Montioye saint Denis. Quoy voyant lediēt Preuost s'en partit de la: puis print aucunes lettres que luy auoit enuoyées le Roy de Nauarre, & s'en alla en la Bastille, & en sa com pagnie estoient Philippe Guyphart, & Simō Paulmier. Ceulx qui estoient en ladiēte Bastille requirēt audiēt Preuost qu'il leur monstrest lesdiētes lettres, & s'ensueut grosse riote entre eulx, tant qu'aucuns qui la estoient coururent sus audiēt Philippe Guyphart, qui se deffendit vaillā mēt, toutesfois il fut tué: & apres tuerēt lediēt Estienne Marcel, Preuost, & lediēt Simō Paulmier: lesquelz furēt tantost despouilleez, & trainez parmy la rue deuant ladiēte Bastille iusques à sainte Katherine du val des Escoliers, ainsi qu'ilz auoyent fait mettre les Mareschaulx de Champaigne & de Clermont ( car plusieurs tenoyent que c'estoit de l'ordonnance de Dieu, qu'ilz estoient mors de pareille mort, qu'ilz les auoyēt fait mourir) & lors lediēt peuple s'emeut pour aller querir de leurs complices: & en allant par la rue, on leur dist que Iehan de l'Isle, le ieune, estoit en l'hostel de Tours à la porte Baudet: si y entrerent & le trouuerent, & le tuerēt, & semblablement Gilles Marcel, Clerc de la marchandise, qui estoit avec luy: & tantost furēt despouilleez, & traynez sur les carreaulx, deuant l'hostel de la ville, & la laissez tous nudz. Sem blablement fut tué vn nommé Iehan Pont, & autres, vers la porte S. Martin: & furent prins prisonniers Charles Roussac, Escheuin de Paris, & lediēt Iosseran de Mascon, Thresorier de mondiēt seigneur de Nauarre: & lendemain furent lesdiēt Roussac, & de Mascon traynez de Chastelet iusques en Greue, & decapitez, & leurs corps icētez en la riuiere.

*Comment le Regent entra à Paris: & comment le Roy de Nauarre le deffia, & des maulx que faisoient les Nauarrois & Anglois.*

*L'an mil ccc.  
lviii.*



*Des remon  
strances que  
feist le Re-  
gēt au peu-  
ple de Paris*

*Des fortes  
places que  
prindrent en  
France les  
Anglois.*

LE Vendredy second iour d'Aoust, audiēt an mil trois cens cinquante huyt, mō diēt seigneur le Regent vint à Paris, en moult belle compaignie, & fut receut à grand' ioye du peuple de la ville: & le lendemain lediēt Roy de Nauarre l'en uoya deffier, & se declaira son ennemy & aduersaire. Aucuns iours apres furent decapitez plusieurs des trahystres de ladiēte ville: c'est à sçauoir vn nommé Pier re Gille, Messire Pierre Caillart, Cheualier, natif d'Orleans, qui estoit Cha stellain du Louure, deux Aduocatz, & autres plusieurs: & ce mesme iour mondiēt seigneur le Regēt alla à l'hostel de la ville, & parla au peuple, & leur remōstra les grāds trahysōs qu'auoyēt voulu faire contre le Roy son pere, & contre luy, les trahystres qui estoient mors, & aussi l'E uesque de Laon, & plusieurs autres qui encores viuoyent, & qu'ilz tendoyent à vouloir faire Roy de France lediēt Roy de Nauarre, filz fussent venuz à leurs attainctes, & mettre les An glois & Nauarrois dedans la ville de Paris, le iour que le Preuost des Marchans auoit esté tué: & deuoyent piller & mettre à mort tous ceulx qui se tenoyēt de la partie de son pere, & de luy, & auoyēt esté signées les maisons de plusieurs, de diuers signes, dont plusieurs furent esbays. Les Anglois & Nauarrois, qui estoient tout vn, allerent à Meleun, & les meit la Roynne Blā che, sœur dudiēt Roy de Nauarre, dedans le Chastel, & prindrent vne partie de la ville, deça la riuiere: mais le Regēt y enuoya, & fait garder l'autre partie: & gasterent & bruslerent lesdiēt Nauarrois l'Abbaye du Lys, & tous les lieux d'enuiron, du costé de la forest de Biere, & de Ga stinois. Lesdiēt Anglois & Nauarrois prindrēt les fortresses & places de Poissy, S. Germain en Laye, Raix, Creil, & plusieurs autres, & tous les iours couroyent, pilloyent, & prenoient prisonniers, iusques apres les portes de Paris, & feirēt moult de maulx & dommages en Frā ce. Audiēt moys d'Aoust, plusieurs Gentilz hommes, & gens de commune de Tournay, & autres villes de Picardie, meirēt le siege deuāt vn chastelet qui estoit à l'Euesque de Noyon, que les Anglois & Nauarrois tenoyent, & en estoit Capitaine messire Iehan de Piquigny, qui s'estoit



ſeſtoit rendu ennemy du Roy & du Regent, avec ledict Roy de Nauarre: mais leſdictes cōmun-  
nes furent deſconfites, & ſ'en fuyrent, & furent prins priſonniers bien ſix vingtz des Gentilz  
hommes. Auſſi fut prins ledict Eueſque de Noyon, & furent menez priſonniers à Creil, que  
tenoit ledict de Piquigny, depuis que ladiſte place auoit eſté prinſe.

*Comment le Chancelier de Nauarre fut tué: & comment meſſire Iehan de Pi-  
quigny cuyda ſurprendre Amyens.*



A premiere ſepmaine de Septembre le Roy de Nauarre, partāt de Mante, che-  
uaueha avec bien. ij. mil hommes, & alla à Melcun rafreſchir ſes gens, & veoir  
ſes ſœurs la Royne Blanche, & vne autre nommée Iehāne, & en cheuauchāt  
bruſla & pilla Chaſtres ſoubz Mōtlechery, & les autres lieux par ou il paſſa. Itē  
le Mercredy xij. iour dudiſt moys de Septēbre, maĩſtre Thomas de Ladiſt, Chā-  
celier du Roy de Nauarre, qui auoit eſté mis priſonnier au Palais de Paris, des  
le quatrieme iour d'Aouſt, fut par vertu d'vnes bulles de Pape ordōné eſtre rendu à l'Eueſque  
de Paris: & ainſi que deux hommes le portoyent dudiſt Palais en l'hoſtel dudiſt Eueſque (par  
ce qu'il eſtoit enſerré, & ne pouoit aller à pied) ſi toſt qu'il fut hors de la porte dudiſt Palais, au  
cuns compaignons de Paris le tirerent, & l'abatirent à terre, & le tuerent. Meſſire Iehan de  
Piquigny, qui trahyſtreuſemēt ſeſtoit retiré du Roy de Nauarre, contre le Roy & le Regent,  
avec grand compaignie de genſd'armes alla à Amyens, parce qu'il auoit intelligence à aucū  
Bourgeois de ladiſte ville, qui auoyent promis la luy liurer: mais il faillit à ſon entreprinſe,  
par la volonté de Dieu, & auſſi par la reſiſtance que feirent les bons Bourgeois de ladiſte vil-  
le, & le Côte de S. Paul, qui là vint haſtiuement, & n'y entrèrent point, & bruſlerent les faulx-  
bourgz: & leſdictz Bourgeois, qui auoyent voulu faire ladiſte trahyſon furent prins & deca-  
pitez par ceulx de ladiſte ville. Leſdictz Anglois & Nauarrois cheuaucherent par diuerſes  
fois le pays de Mucian, Dampmartin, Gonneſſe, la Ferté ſur Marne, & autres lieux, & emme-  
noyent priſonniers, & tout pillerent & gaſterent, & tenoyent en ſubiection toutes les riuie-  
res d'entour Paris, dont ceulx de Paris ne pouoyent auoir viures tant au deſſus comme au deſ-  
ſoubz: & pillerent la ville de Laigny ſus Marne, & ſi gardoyent que ceulx de Tournay, l'Isle,  
Arras, & autres villes de Picardie n'euſſent nulz viures: car ilz tenoyent tout le pays de Be-  
auuoysin.

† aſs, ſa  
ſœur.

Du Chāce-  
lier de Na-  
uarre, qui  
fut tué en  
ſaillant du  
Palais de  
Paris.

*De la courſe de Robin Canolle, Anglois: & comment les Anglois & Nauar-  
rois pillerent le pays d'Auxerrois.*



V moys d'Octobre mil trois cens cinquante huyt, Robin Canolle, Capitai-  
ne de pluſieurs fortereſſes Angloiſes, en Bretagne & Normandie, cheuaucha &  
courut contremont le long de la riuere de Loire, & print en Orleanoys Cha-  
ſteauneuf, ſur Loire, & pluſieurs autres places: & tātōſt apres la ville de Chaſtil-  
lon. Et puis tira en l'Auxerrois † en Puyſoye, & print vne place nommée Mali-  
corne, & pluſieurs autres: mais les gens du pays ſaſſemblerent, & avec eulx ſe meit vn Che-  
ualier, nommé meſſire Arnault de Ceruolle, autremēt diſt l'Archepreſtre, qui venoit au mā-  
dement du Regent, avec genſd'armes, & chacerent honteuſement ledict Robin Canolle. Si  
ſ'en retourna: mais par tout ou il paſſoit il boutoit le feu, & emmenoit priſonniers. Item le  
vingt-cinquieme iour dudiſt moys furent prins en la ville de Paris, par l'ordonnance dudiſt Re-  
gent, pluſieurs des habitans, grands & puiſſans gens, par ce qu'il auoit eſté aduertty qu'ilz a-  
uoyent conſpiré trahyſons contre luy enuers le Roy de Nauarre, dont le peuple ſe cuyda eſ-  
mouuoir, & allerēt deuers luy au Loure grand nombre de gens de meſtier, & autres, parens  
& amys deſdictz emprisonnez, & feirent par vn Aduocat, nommé maĩſtre Iehan Blondel, luy  
requerir qu'il les deliuraſt: & il diſt que le lendemain il yroit à l'hoſtel de la ville, & quand ilz  
l'auroyent ouy parler ſilz vouloyent il les deliureroit. Si alla ledict Regent le lendemain, &  
mōta ſur les degrez de la croix, qui eſt en la place de Greue, & declaira les trahyſons qu'ilz a-  
uoyent machinées, & qu'ilz eſtoyent alliez au Roy de Nauarre: & quand il eut parlé, & que  
le peuple eut ouy leur cas n'y eut plus nul qui pourſuyuiſt leur deliurance: & ledict Blondel  
cria mercy audiſt Regent de la pourſuyte qu'il en auoit faiſte: toutesſois, pource que leur en-  
treprinſe eſtoit ſi ſecrete qu'on ne la peult auer, aucuns iours apres ilz furent deliurez. Au  
moys de Nouembre enſuyuant arriuerent à Paris les Cardinaulx de Perigort & Durget, que  
le Pape auoit enuoyez pour traicter la paix dudiſt Regent & du Roy de Nauarre, & allerent  
à Meulanc deuers le Roy de Nauarre, & apres à Melun deuers la Royne Blanche ſa ſœur, &

l'ā mil ccc.  
lviii.

† Cron. Frā.  
diſent &  
en Puiſſatte

D'aucū  
bitā de pa-  
ris qui ad-  
heroyēt au  
Roy de Na-  
uarre.

par tout ne feirent riens, si s'en retournerent en Auignon. Le huytieme iour de Ianuier les Anglois & Nauarrois qui estoient à la Ferté sus t Oyze, prindrēt la ville de Laigny, & la pillerent, & emmenerent plusieurs prisonniers: & quand ilz en furent partis, aucuns brigās, qui estoient venuz de Milan, s'allerent mettre dedans, & la gasterent, tellement que tous les habitants s'en fuyrent, & l'habandonnerent qu'elle demoura toute gastée: & le douzieme dudiēt moys enuiron quatre cens Anglois & Nauarrois, qui tenoyent la place t d'Aiz, en Oſte, appartenant à l'Euesque de Troyes, coururent deuant la ville de Troyes: mais le Comte de Vaudemont, & ceulx de ladiēte ville, sortirent sur eulx, & en tuerent enuiron six vingtz, & autant de prins: parquoy les autres bruslerent ladiēte place d'Aiz, & s'en partirent. Item le iour des Brandons, dixieme iour de Mars lesdiēt Anglois & Nauarrois feirent vne assemblée à t Regennes t Cron. Frā. disent Ars en Ore. & allèrent à Auxerre, ou ilz ne trouuerent nulle ou petite garde: & par nuyt d'emblée prindrent ladiēte ville, & monterent par eschelles par dessus les murs, ou ilz ne trouuerent nulle resistance: & y furent faitz Cheualiers Robin Canolle, & Thomelin Fouque, Anglois. Au chastel de ladiēte ville fut prins messire Iehan de Chaalon, filz du Comte d'Auxerre, & sa femme: & prindrent lesdiēt Anglois & Nauarrois tous les biens des habitants, & faignirent vouloir brusler la ville: mais lesdiēt habitants la rançonnerent à quarantē mil moutōs d'or, & lx. perles, du pris de dix mil moutons: & pour contregarde desdiētes sommes emporterent les reliques de l'eglise saint Germain, que les habitants promeirent degaiger: & si feirent abatre les murs, & brusler les portes, & emmenerent grand nōbre d'hommes, femmes & enfans prisonniers: & toutesfois n'estoyēt pas lesdiēt Anglois & Nauarrois plus de mil comme on disoit: & apres allerēt lesdiēt Nauarrois à Aubigny sur t Nerre, en Berry, & prindrent la ville d'emblée, par nuyt, & la pillerent. En ce mesme moys messire Iames de Pippes, & messire Ote de Hollande, Cheualier Anglois, partirent d'Eureux, pour aller deuers le Roy de Nauarre. Les compagnons du chastel de t Senna, qui estoit au Seigneurs de Garanciers, en furent aduertis, & allèrent au deuant d'eulx, & les prindrent prisonniers avec quinze ou seize de leurs gens. Ainsi que ceulx de ladiēte ville d'Auxerre, qui estoient allez à Paris pour faire la finance de leur rançon, s'en retournoyent pour porter grand' partie de leur rançon, ilz furent prins par les Bourguignons, qui leur osterent leur argent. Itē le deuxieme iour de May mil mil trois cens lix. fut la ville de Chastillon sur t Louin bruslée par messire Robin Canolle, & ses gens, qui emportoient leur part eu butin de la pillerie d'Auxerre, & s'en alloyent à Chasteauneuf.

*De l'assemblée faite à Paris par le Regent, pour voir le pourparlé d'appointement fait par le Roy en Angleterre.*

**L**E Dimenche dixneuſieme iour de May, par lettres de mondiēt seigneur le Regent fut faite vne conuocation de peuple à Paris, pour ouyr & veoir le traité de paix qui auoit esté accordé en Angleterre entre le Roy de France & celuy d'Angleterre: lequel auoit esté apporté par monseigneur Guillaume de Meleū, Archeuesque de Sens, le Comte de Tancarville son frere, le Comte de Dampmartin, & messire Raoul t Denchan Mareschal de France, tous prisonniers des Anglois. A laquelle assemblée furent peu de gens, par ce qu'on ne pouoit venir à Paris de nulle part, pour les dangiers des ennemys qui tenoyent toutes les villes & places d'entour. Audiēt iour lediēt Regent fut au Palais, sur le Perron de marbre, emmy la court, & en la presence du peuple, illec assemblé, fait par maistre Guillaume des Dormans, Aduocat du Roy en Parlement, lire lediēt traité: par lequel le Roy d'Angleterre vouloit auoir tous les pays & Duchez de Normandie, Guyenne, Xaintonge, Agenois, Tarbe, Perigort, Lymosin, Cahors, Bigorre, Poitou, Aniou, le Maine, Touraine, les Comtez de Boulongne, Guynes, Ponthieu, Monstreul sur la mer, Calais, & toute la terre de Merq, & toute souueraineté & seigneurie, & les tenir comme voyſin du Roy: & vouloit auoir l'hommage & souueraineté de la Duché de Bretagne, & quatre millions d'escus d'or fin, de la monnoye du Roy Philippe: & si vouloit auoir la possession des villes & Chasteaulx de Rouen, Caen, Vernon, le pont de Larche, Goulet, Gisors, Molmeaulx, Arques, Gaillart, Vire, la Rochelle, cēt mil liures d'Ostrelis, & qu'on luy baillast dix seigneurs pour ostages: & ce fait, il mettroit le Roy en son royaume, toutesfois loyal prisonnier, iusques à ce que les choses dessusdiētes fussent accomplies. Apres ce que les gēs des Estatz illec assemblez, eurent ouy le contenu esdiētes lettres, & eu sur ce deliberation, ilz respondirent q lediēt traité n'estoit point accordable: & pour ce ordonnerent de faire bonne guerre ausdiēt Anglois: & pour ce faire offrirent vn grand ayde audiēt Regent: lequel Regēt rapela la pluspart de ses Officiers, qui auoyent esté ostez, par les gens des trois Estatz.

De l'appointement

t parauant en nōmevn d'Andechā que ie pense estre cestuy cy.

La rancon que le Roy d'Angleterre demandoit au Roy Iehan.

*De l'appointement de Bretigny pour la redemption du Roy Iehan: & de la  
course des Anglois par France.*



V moys de Nouembre audict an mil trois cens cinquante & neuf, le Roy d'An-  
glettre, le Prince de Galles, & autres ses filz, le Duc de Lâclastre, & toute la puis-  
sance & seigneurie d'Angleterre arriuerent à Calais, avec grand nombre de na-  
uires & de gens, & cheuaucherēt par Artois & Vermendois, vindrent en Cham-  
paigne, & meirent le siege à Reims, ou ilz furent par xl. iours: & auoit intention  
le Roy d'Angleterre de soy faire courōner Roy de France, fil y fust entré: & quand ilz veirēt  
qu'ilz n'y pouoyēt riens faire, ilz se leuerēt, & passa ledict Roy d'Angleterre par deuāt Cha-  
lons, sans y arrester: & puis trauersā la riuere de Marne, au dessus de ladicte ville. puis passerēt  
les riuieres d'Aulbe & d'Ayse, & cheuaucherēt toute la Chāpaigne, & tirerent à Sens, à Au-  
xerre, & à Pons, & vindrēt deuers luy en la ville d'Aguillon ceulx de Bourgongne, & luy dō-  
nerent cc. mil florins: affin qu'il ne feist nul mal à la Duchē, & qu'il n'y entraist point. Puis pas-  
sa la riuere d'Yonne, à Colanges la vineuse, & tira vers Neuers: mais ceulx de la ville compo-  
serent pour le pays de Niernois & d'Ozois, affin que lesdictz Anglois ne les pillassent point.  
puis tirerēt vers Paris par Gastinois, & assiegea le Prince de Galles, la forteresse t d'Vseiz, des  
Tournelles, pres Prouins, en laquelle auoit plusieurs Cheualiers François qu'il print: c'est à  
sçauoir les Seigneurs de Bonuille, Dorgeuille, Iehan des Barres, Iehan Braque, tous Cheua-  
liers, & plusieurs autres. Le Mardy dernier iour de Mars, ledict Roy d'Angleterre s'alla lo-  
ger en l'hostel du parc de Chantelou, entre Chastres & Montlehery, & ses enfans en sa com-  
paignie, & son ost estoit à Chastres & à Mōtlehery, à Corbeil, & à tout le pays d'environ Pa-  
ris, iusques pres de Corbeil & Lōgiumeau: & fut prinse iournée pour traicter la paix entre le-  
dict Roy d'Angleterre, & ledict Regent, par le moyen de frere Simon de Langres, General;  
Maistre des freres Precheurs, Legat de par le Pape pour ladicte cause: & s'assemblerent. les de-  
putez des parties, à la maladerie de Lōgiumeau, mais ilz ne feirēt riens: parquoy le Roy d'An-  
glettre & tout son ost se deslogerēt, & vindrēt loger pres Paris, à Mōtrouge, à Vāues, à Vau-  
girard, à Chastillon, Gētilly, & autres lieux prochains, & se mōstrerēt plusieurs fois en batail-  
le deuāt Paris, mais nul n'en sortit: & furēt illec logez iusques au iour de Quasimodo ensuy-  
uant mil ccc. lx. qu'ilz deslogerēt & bruslerēt plusieurs desdictz villages, & feirēt maulx innu-  
merables. Et voyāt ledict Roy Anglois qu'il ne pouoit riens faire à Paris, s'en partit pour s'en  
aller vers Normandie & le Maine, & tira vers Chartres: & quand luy & ses gens furent entre  
Montlehery & Chartres, cheut vne si tref horrible & espouventable gresle, tonnerre espars, &  
fouldres, qu'il en mourut plusieurs de ses gens: & à celle occasion ledict Roy d'Angleterre fut  
si espouētē, qu'il voua à Dieu qu'il feroit paix & appointemēt avec le Roy de Frāce, & ledict  
Regent, son filz. Si manda & feit dire par messire Aubery, Abbē de Clugny, qui estoit venu de  
nouuel de par le Pape, q si ledict Regent vouloit entendre à appointemēt, il seroit contēt d'y  
entendre: parquoy par grand' deliberation de conseil, ledict Regēt enuoya grāds Ambassades  
à Chartres, ou ledict Roy d'Angleterre estoit pres d'illec: & allerēt en ladicte Ambassade, mes-  
sire Iehan des Dormās, Euesque de Beauuais, Chācelier de Normādie, messire Iehan de Me-  
lun, Côte de Tancarville, qui encores estoit prisonnier aux Anglois, les Seigneurs de Bouci-  
quault, Marechal de Frāce, de Montmorēcy, de Vignay, messire Iehā Grolée, maistre Simon  
de Bucy, Estiēne de Paris, maistre Iehan des Mares, Aduocat en Parlemēt, & Iehan Maillart,  
Bourgeois de Paris: & prindrēt lieu pour eulx assembler à vne lieue pres de ladicte ville, à vn  
village appellē Bretigny: auquel iour & lieu les dessusnōmez se trouuerēt pour la partie dudit  
Regēt: & pour la partie du Roy d'Angleterre furēt le Duc de Lâclastre, les Côtes de Norātō-  
ne, de Vvaruic, de Suffort, Regnault de Colestā, Gaultier de Marigny, Cheualier, & plusieurs  
autres: & par tāt de iours s'assemblerent, q le viij. iour de May audict an mil ccc. lx. ilz vindrēt  
à appointemēt. par lequel fut baillé audict Roy d'Angleterre, pour la rançon du Roy, le pays  
de Poitou, les fiefz de Touars & Belleuille, les pays de Gascōgne, Agenoys, Perigort, Lymo-  
sin, Cahors, Tarbe, Bigorre, Gaure, Rouergue, Angoulmoys, & toute souueraineté, avec les  
hommages des Seigneurs estans en iceulx, Montreul sur la mer, Ponthieu, Calais, Guynes,  
le pays de Merq, Saugate, Boulongne, Hames, Valles, & Oingnies. Et oultre ce fut promis  
payer la somme de iij. millioīs d'escus d'or, dont les deux valloyēt vn noble d'Angleterre, & p  
ce moyen ledict Roy d'Angleterre, & son aîné filz renoncerent pour eulx, & leur successeurs  
aux droictz & tiltres qu'ilz pretēdoiyēt auoir en la couronne de Frāce, & du royaume, à la sou-  
ueraineté & ordōnance du Duchē de Normādie, des pays de Touraine, Aniou & le Maine, à  
la souueraineté & hōmages du Duchē de Bretagne, & Côtē de Flādrēs: & rēdroit ledict Roy  
d'Angleterre le Roy de Frāce à Calais, dedās trois sepmaines apres la S. Iehan ensuyuāt, aux

L'an mil ccc.  
lix.

Du roy d'An-  
glettre qui  
meit le siege  
deuāt Reims,  
esperant de  
soy faire cou-  
ronner Roy  
de France.

t als du  
Plessis.

Du roy d'An-  
glettre qui  
vint loger  
son ost pres  
Paris.

Appointe-  
mēt fait en-  
tre le Roy  
d'Angleter-  
re, & le Roy  
Iehan, tou-  
chāt la racō  
dudit Roy.

Ostages qui  
furēt bail-  
lez au Roy  
d'Angleter-  
re, pour sen-  
rete de la  
paix faicte  
entre luy et  
le Roy Ie-  
han.

despens dudiēt Roy d'Angleterre, hors les frais de l'hostel du Roy de France: & audiēt lieu de Calais seroyent payez audiēt Roy d'Angleterre six cens mil escus contens, & cccc. mil dedās l'an prochain ensuyuāt, & le surplus en ladiēteville de Calais à certains termes: & ne pourroit lediēt Roy de France soy armer cōtre lediēt Roy d'Angleterre, iusques à tant qu'il eust accō-  
ply tous les poinctz dudiēt traité: & demourroyent pour ostages en Angleterre mōseigneur Loys, Comte d'Aniou, monseigneur Iehan, Comte de Poitiers, qui apres fut Duc de Berry, enfans dudiēt Roy de France, mōseigneur Philippe, Duc d'Orleans, frere du Roy, le Duc de Bourgongne, le Comte de Bloys, & son frere, le Côte d'Alençon, son frere, le Côte de saint Paul, les Comtes de Harecourt, de Porcian, Valentinoys, de grand Pré, Brenne, de Forest, les Seigneurs de Vaudemont, de Coucy, de Fyennes, de S. Venant, de Preaulx, Garécieres, de la Roche Guyon, Destouteuille, de Hangeſt, le Daulphin d'Auuergne, le Seigneur de Montmo-  
rency, d'Andrezel, Guillaume de Craon, Loys de Harecourt, & autres: & furēt faictes & publiées trefues de la iusques à la S. Michel de l'an suyuant. Lequel appoinctement fut confirmé par mondiēt seigneur le Regent estāt à Paris, ou le Roy d'Angleterre enuoya six Cheualiers, pour luy veoir faire le sermēt sur le corps de Dieu: & semblablement fait pareil sermēt & confirmation le Prince de Galles, estant à Louuiers, promettant tenir lediēt traité ferme & estab-  
le. Cela faict, le xx. iour de May audiēt an, le Roy d'Angleterre, ses enfans, & leurs gens, a-  
uec les ostages, monterent sur mer à Honnefleu, & s'en allerent en Angleterre: & grand' par-  
tie de leurs gens allerēt passer la riuere de Seine, au Pont de l'Arche, du consentement du Re-  
gent, & de la tirerent à Calais: & demoura le Côte d'Vvaruich en France, pour le Roy d'An-  
gleterre, pour faire tenir les trefues: mais il s'en acquita mal: car les Anglois se meirēt à espier  
les chemins, & roboient & tuoyent les gens, & faisoient plus de maux que du temps que la  
guerre estoit ouuerte. Quand lediēt Roy d'Angleterre, ses enfans & ostages furent la arriuez,  
le Roy Iehan de France les festoya grandemēt, à vn disner, en la tour de Londres, & promei-  
rent l'vn à l'autre garder & entretenir le traité de paix qui faict auoit esté.

*Comment le Roy Iehan fut ramené en France.*

Du gros em-  
prunt q fut  
faict par le  
royaume de  
France pour  
payer la ran-  
con du Roy  
Iehan.



V moys de Iuillet ensuyuāt, c'est à sçauoir le huyetieme iour, le Roy de France fut  
amené à Calais: & lors mondiēt seigneur le Regent partit de Paris, & alla à saint  
Omer, pour accomplir ce qu'il pourroit du contenu audiēt traité, affin que son-  
diēt pere fust deliuré: & furent faictz de grands empruntz par le royaume, & en-  
presterent ceulx de Paris, pour le premier payemēt cent mil Royaulx: & au moys d'Octobre  
ensuyuant arriua le Roy d'Angleterre & ses gens audiēt Calais: & alla le Roy de France (qui  
trespres de la estoit) au deuant de luy, iusques à sa nef. Aucuns iours apres le Roy de France,  
qui estoit au chastel, l'alla veoir en son logis en la ville: & fait lediēt Roy de France la paix  
d'entre le Roy d'Angleterre & le Comte de Flādres: & apres pria audiēt Roy d'Angleterre,  
que luy & ses enfans disnassent le lendemain au chasteau. ce qu'ilz feirent: & furēt assis à sa ta-  
ble le Roy d'Angleterre, le premier, au hault bout, le Roy de France le second, le Prince de  
Galles le tiers, & le Duc de Lancastre le dernier: & eulx estans à table, lediēt Comte de Flā-  
dres arriua à Calais, qui alla au chasteau, iusques deuant la table ou ilz disnoient, & fait la re-  
uerence, en soy agenouillant deuant le Roy de France, & apres salua le Roy d'Angleterre,  
sans soy agenouiller: & luy fait le Roy de France tresbonne chere. Apres disner les deux en-  
fans du Roy d'Angleterre partirēt de Calais, pour aller en pelerinage à nostre Dame de Bou-  
longne, & deux des enfans du Roy de France les conduyrent: & mondiēt seigneur le Re-  
gent, qui estoit à Boulongne, alla au deuant d'eulx enuiron demye lieue. Le lendemain lediēt  
Regent laissa les deux enfans d'Angleterre à Boulongne, & ses deux freres pour leur tenir  
compagnie, & s'en alla à Calais deuers son pere, ou il fut tout ce iour: & le lendemain il re-  
tourna au giste à Boulongne, & quasi au meillieu du chemin il rencontra les enfans du Roy  
d'Angleterre qui s'en retournoyēt à Calais. Le Samedy vingtquatrieme iour dudiēt moys,  
lesdiētz deux Roys de France & d'Angleterre, ouyrent messe en vn oratoire, & iurerent sur le  
corps de Iesus Christ, qu'ilz vserent ensemble, qu'ilz tiendroyent la paix qu'ilz auoyent faicte,  
ferme & estable, & n'allerēt point à l'offrande, par ce que l'vn ne vouloit point aller deuant l'au-  
tre: & quād vint à la paix, on la presenta premieremēt au Roy de France, qui ne la voulut pre-  
dre: & la print en sa main, & la porta audiēt Roy d'Angleterre, qui ne la voulut prendre de  
sa main: & par ainsi s'entrebaiserent eulx deux, sans prendre autre paix. En celuy iour fut  
faict l'appoinctement dudiēt Roy de France, & dudiēt Roy de Nauarre, & de messire Philip-  
pe de Nauarre, son frere, combien que lediēt Roy de Nauarre ne fust pas la present: mais bien  
y estoit lediēt Philippe de Nauarre, son frere, qui se fait fort pour luy, & iura ladiēte paix: &  
le Duc

Les Roys de  
France &  
d'Angleter-  
re s'entre-  
baiserēt l'un  
l'autre à la  
messe, en  
lieu de pré-  
dre la paix.

le Duc d'Orleans, frere du Roy de France, la iura pour le Roy. Lors ledit Roy Iehan erigea le pays d'Aniou en Duché, qui parauant n'estoit que Comté, & la donna à son filz Loys. A Iehan son autre filz donna les Duchez de Berry & d'Auuergne: & à Philippe le plus ieune de ses enfans, donna la Duché de Touraine. En ce temps messire Berault, Daulphin d'Auuergne, espousa la fille du Comte de Forestz, que ledit Comte auoit engendrée en la soeur de messire Iaqués de Bourbon.

*Des ostages qui furent baillez pour la reste de la rancon du Roy.*

**L**E xxv. iour dudit mois d'Octobre, ledit Roy Iehan fut totalemēt mis hors de prison, & à son liberal arbitre. Si s'en partit de Calais, & vint à Boulongne, ou il cōuoia le Roy d'Angleterre biē vne lieue hors de Calais: & le Prince de Galles vint avec le Roy iusques à Boulongne: & le Lundy ensuyuant ledit Prince de Galles s'en retourna à Calais: & par ainsi appert que ledit Roy de Frāce fut prisonnier audit Roy d'Angleterre enuiron quatre ans. Le xxix. iour dudit mois d'Octobre le Roy partit de Boulongne, & vint à saint Omer: & le Samedi ensuyuant, le Roy d'Angleterre mōra sur mer pour s'en aller en Angleterre, & emmena avec luy ses ostages qui luy auoyēt esté baillez pour seureté du payemēt du reste de la rancon du Roy: c'est à sçauoir mōseigneur Loys, Duc d'Aniou, Comte du Maine, & monseigneur Iehan, Duc de Berry, & d'Auuergne, enfans dudit Roy de France, monseigneur Loys, Duc de Bourbon, messire Pierre, Côte d'Alençon, & monseigneur Iehan, frere du Comte d'Estampes, tous des fleurs de lyz, Guy, frere du Comte de Bloys, le Comte de S. Paul, les Seigneurs de Montmorēcy, de Hangeſt, de S. Venant, d'Andrezel, les Comtes de Brēne, de Coucy, de Harecourt, de grand Pré, & le seigneur de la Roche Guyon. Le Roy de France estant à S. Omer, furent faictes vnes moult belles iouſtes, pour l'honneur de luy, & de sa venue. Puis s'en vint à Hesdin, & la fait les ordōnances de son hostel: ordonna six Maistres des requestes, trois Clercs, & trois Laiz, & six Maistres de ses Comtes, trois Seculiers, & trois Clercs: & apres s'en vint à Cōpiegne, à Senlis, & à saint Denis: & la le Roy de Nauarre vint deuers luy, & luy feit la reuerence deuant le grand autel de l'eglise saint Denis, & ramena aucuns ostages qui luy auoyent esté enuoyez: car il ne ſoſoit mettre en voye d'y venir sans seureté: toutesſois il se fia du tout aux parolles du Roy, & iura sur le corps de Iesus Christ, q̄ deslors en auant il seroit bon, ſeal, & loyal ſubiect du Roy, & du royaume: & apres iurerent pour la partie du Roy, le Duc de Normandie, & messire Philippe de Nauarre, & lors le Roy le print par la main, & l'emmena diſner avec luy: puis print congé ledit Roy de Nauarre, & s'en alla. En ce temps moururent l'une apres l'autre les deux filles du Duc de Normādie, dont il fut moult courroucé (car il n'auoit nulz autres enfans) & furent enterrées à l'Abbaye des Nonnains de saint Antoine des Champs, pres Paris.

*De la venue du Roy à Paris, apres son retour d'Angleterre: & comment il alla en Auignon deuers le Pape.*

**A**V diēt an mil trois cens soixante, le trezieme iour du mois de Decembre, entra le Roy dedans Paris, ou il fut receu moult honnorablemēt, & furent les rues tēdues, & portoit on vn poille de drap d'or sur luy, & luy feirent ceulx de Paris present en don de mille marcs d'argent en vaisselle: & lors cōmença à tenir la court de Parlement, qui auoit vaqué par l'espace d'un an, ou enuiron. En ce temps auoit parmy le royaume en diuers lieux, meſmement en Champaigne & Brie, plusieurs Anglois & Nauarrois, & autres gens vacabons, qui tenoyent plusieurs fortresses, & pilloyent & gastoyent tout le royaume, & ſappeloit vne bande la grand' compaignie: lesquelz quand ilz ſceurent le retour & deliurance du Roy de France, se reculerent & retirerent vers le pays de Languedoc, & prindrent & pillerēt la ville du pont saint Esprit, & autres. En icluy an fut faict l'ordōnnance de faire retourner les Iuifz en France. Le vingt & vnieme iour de Nouembre en l'an mil trois cens lxj. mourut à Rouure, pres Dyion, Philippe, Duc & Comte de Bourgongne, Comte d'Artois, d'Auuergne, de Boulongne, Palatin de Brie, & de Chāpaigne, de l'age de treize ans, ou enuiron: lequel Philippe auoit lors espouſé Marguerite, fille du Comte de Flandres, que Philippe, quatrieme filz du Roy Iehan, espousa apres: auquel Duché de Bourgongne ledit Roy Iehan luy ſucceda, à cauſe de sa femme, qui estoit mere d'iceluy Philippe: & es Comtez d'Artois & de Boulongne luy ſucceda messire Iehan de Boulongne, son oncle, de par sa mere: & alla ledit Roy Iehan prendre la poſſeſſion dudit Duché de Bourgongne, & de tous les droitz de Champaigne, au deſplaiſir du Roy de Nauarre, qui ſen diſoit heritier &

L'an mil  
ccc.lx.  
Le don que  
feirent ceulx  
de Paris au  
Roy Iehan,  
apres son re-  
tour d'An-  
gleterre.

La Duché  
de Bourgongne  
eſcheut  
au Roy de  
France.



† p. verg. 1. an mil ccc. lxi. successeur: & vouloit le Roy d'Angleterre traicter le mariage de messire † Hemon, son quart filz, & de ladiete Marguerite, veufue dudiēt Philippe de Bourgongne, & fille dudiēt Loys, Comte de Flandres. Item audiēt an mil trois cens soixante & vn se combatir le Comte de Tancarville, & plusieurs autres Cheualiers & Escuyers pour le Roy, contre ceulx des compaignies, dont a esté parlé, en vn lieu appelé Brignes, pres Lyon sur le Rosne, & y furēt prins lediēt Comte de Tancarville, le Comte de Sallebruche, le Comte de Joigny, messire Jaques de Bourbon, frere du feu Duc de Bourbon, Comte de la Marche, qui tātost apres mourut, pour les playes qu'il auoit receues: & le Comte de Forest, & plusieurs autres Cheualiers moururent sur le champ de la bataille. Aussi mourut tantost apres apres messire Pierre de Bourbon, filz dudiēt feu messire Jaques de Bourbon. Au moys d'Aoust l'an mil trois cens soixante & deux lediēt Roy Iehan se meit en voye pour aller en Auignon, pour veoir le pape Innocent, qui lors viuoit: mais il sceut en chemin qu'il estoit trespasé: par la mort duquel fut esleu l'Abbé de Marseille, appelé messire Guillaume Grimoart, qui parauant auoit esté Abbé de S. Germain d'Auxerre, & estoit nay de Beaucaire: & fut esleu en son absence, & luy manderent les Cardinaulx & Prelatz qu'il allast en Auignō, ou il alla, & fut sacré, & appelé Urbain le quint: lequel lediēt Roy Iehan alla veoir en Auignon, & le receut ioyeusement le Pape, & luy feit moult grand honneur: & feit lediēt Pape vn sermon en Auignon, & prescha le voyage general d'oultre mer, pour le recouurement de la terre sainte, & en feit lediēt Roy Iehan de France, illec p̄sent, Capitaine general, & luy bailla la croix, & aussi au Roy de Cypre, qui y estoit, & plusieurs autres Princes & Seigneurs: & ordonna le Cardinal de Perigort Legat, pour lediēt voyage. En celle année madame Ysabeau de France, fille de feu Philippe le Bel, mourut en Angleterre, & est enterrée aux Cordeliers de Londres. Item en celle année la Princesse de Galles accoucha, en Angoulesme, d'un filz, qui fut nommé Edouard, comme son pere.

Le Roy Iehan fut fait de pape Capitaine general de l'armée d'oultre mer.

*De la mort du Roy Iehan, en Angleterre: & de la guerre que faisoit messire Bertrand du Guesclin, contre les Anglois.*

1. an mil ccc. lxxiii.



1. an mil ccc. lxxiii.

Le Roy Iehan trespas en l'hostel de Sauoye pres Londres en Angleterre.

An mil trois cēs soixāte & trois, le troisieme iour de Iāuier, lediēt Roy de France par legiere volūte, & contre le cōseil de tous ses Barons, sans besoing qu'il en fust, retourna en Angleterre, & mena avecques luy messire Iehan d'Artois, Comte d'Eu, & plusieurs autres Seigneurs, pour traicter la deliurance de son frere le Duc d'Orleans, de son filz Iehan, Duc de Berry, & des autres ostages qui estoient demourez en Angleterre (car son filz Loys, Duc d'Aniou, auoit esté deliuré parauant) & fut lediēt Roy Iehan par lediēt Roy d'Angleterre, & par ceulx de Londres, receu moult grandement & honorablement: & la fut iusques au moys de Mars ensuyuant, qu'il luy print vne maladie, qui luy dura iusques au huyetieme iour d'Auril ensuyuant, que l'on comptoit mil trois cens soixante & quatre: auquel iour il alla de vie à trespassement, en l'hostel de Sauoye, pres ladiete ville de Londres: & fut son corps amené à Paris, par messire Iehan d'Artois, & autres plusieurs grands Seigneurs, & honorablement enterré en l'eglise saint Denis en France: & audiēt Roy Iehan succeda mōseigneur Charles, Duc de Normandie, & Daulphin de Viennois, son aîné filz, qui fut nommé Charles le Quint, surnommé le Sage. En ce tēps messire Iehan de Montfort, qui pretēdoit droit en la Duché de Bretagne, meit le siege deuāt la place de Becherel, qui tenoit pour messire Charles de Bloys, & estoit avec luy messire Iehan Chandos, Connestable d'Angleterre, Robin Canolle, & autres Cheualiers d'Angleterre. Le Duc Charles assambla grand Cheualerie pour les cōbatre. Les Euesques de Bretagne, desirās les appoincter, traicterēt en paix faisant qu'a chacū d'eulx seroyēt baillées villes & chasteaulx, & se pourroyēt dire & nōmer chacun Duc de Bretagne: & furent baillez ostages pour tenir l'appoinctement. pour la partie du Duc Charles fut baillé Bertrand du Guesclin, au Côte de Montfort, avec d'autres: & de la partie au Comte de Montfort furent baillez messire Guillaume Feletō, Cheualier Anglois, & autres. Ainsi eschaperēt sans auoir bataille: mais lediēt appoinctement fut rompu par la faulte dudiēt de Montfort: & furent lesdiētz ostages deliurez, reserué lediēt Bertrand, que lediēt de Montfort ne voulut deliurer, & le bailla à garder audiēt messire Guillaume Feleton, & le garda bien vn an, non obstant les remonstrāces dudiēt Bertrand, disant qu'il n'estoit ne deuoit estre prisonnier: parquoy il trouua facon vn matin d'eschaper de la maison dudiēt Feleton, lequel aucun temps apres voulut dire que lediēt Bertrand estoit son prisonnier, & le feit conuenir au Parlement de France. Lediēt Bertrand fut assez content de venir en France, par ce qu'il sçauoit que les Anglois & Nauarrois y faisoient guerre: si y vint, & fut iugé q'lediēt Bertrand n'auoit au Côte de Mōtfort, n'a Feleton, soy ne prison brisée. Apres lediēt Arrest mōseigneur le Regēt trouua facon



façon d'attirer de son party ledi<sup>t</sup> Bertrand, pour les grands biens & vaillances qu'il auoit ouy dire de luy. Alors la Royne Blanche, qui tenoit la ville de Melun, pour son douaire, la meit es mains du Roy de Nauarre, son frere. Si y alla ledi<sup>t</sup> Regent pour l'enchacer, & en sa compaignie ledi<sup>t</sup> Bertrand du Guesclin, qui feist de grâds vaillances, iacoit ce que pour lors il ne fust encores point congnu. Apres ladi<sup>t</sup>e ville de Melun prinse, s'en alla ledi<sup>t</sup> Bertrand es marches de Normandie, pour faire guerre aux Anglois & Nauarrois, & print la ville de Mante, qui estoit au Roy de Nauarre: & f'estoit mis ledi<sup>t</sup> Bertrand, luy & ses gēs, en guyse de vigneron. Puis apres print la ville de Meulanc, & dedans furent prins aucūs de ceulx de Paris, qui tenoyent le party dudi<sup>t</sup> Roy de Nauarre, contre le Roy de France, & le Duc de Normandie: lesquelz ledi<sup>t</sup> messire Bertrand enuoya prisonniers à Paris, & en furēt les aucuns decapitez.

† stratage-  
me, ou Ruse  
de guerre  
de Bertrād  
du Guesclin

Le xvj. iour de May audi<sup>t</sup> an, ce pendant que le Roy Charles v. estoit allē soy faire sacrer, & couronner à Reims, ledi<sup>t</sup> Bertrand du Guesclin se cōbatit deuant Cocherel, contre le Captau de Buch, Lieutenant pour le Roy d'Angleterre, es marches de Normandie, & fut ledi<sup>t</sup> Captau prins prisonnier, & tous ses gēs mors ou pris: & apres ce le nouveau Roy, pour auoir ledi<sup>t</sup> Captau de Buch en sa main, donna audi<sup>t</sup> Bertrand de Guesclin la Comté de Lōgueuille la Guieffart, qu'il tenoit en sa main, par ce q̄ ledi<sup>t</sup> Roy de Nauarre, auquel elle auoit appartenu, f'estoit declarē son ennemy: & enuoya ledi<sup>t</sup> Captau prisonnier au marché de Meaulx: & ledi<sup>t</sup> Bertrand demoura pour le Roy à Rouen, pēsant selon sa charge de greuer les ennemis du royaume, & cōment il les pourroit extirper de la Duchē de Normandie. Si se meit sur les champs, & en brief temps print les chasteaulx de Valongnes, Carenten, † Douure, & plusieurs autres en Normandie: & tout le gaing q̄ faisoit ledi<sup>t</sup> Bertrand, il le departoit libēralemēt à ses Cheualiers & gens, sans riēs ou peu en retenir à luy. Messire Charles de Bloys, Duc de Bretagne, enuoya deuers ledi<sup>t</sup> Bertrand du Guesclin, luy requērir ayde, contre Iehan de Montfort, qui luy occupoit & greuoit sa Duchē: si y alla ledi<sup>t</sup> Bertrand, & sa compaignie.

† Ce mot  
s'escri<sup>t</sup> di-  
uersement  
par uns &  
autres, cōe  
aussi fait  
Guesclin.  
† als,  
Rouure

*Du Roy Charles, cinquieme de ce nom, qui est surnommē le Sage.*



Charles, cinquieme de ce nom, qui est surnommē le Sage, filz du Roy Iehan, commença à regner l'an mil trois cēs soixante & quatre, & trespassa le dixseptieme an de son regne, l'an mil trois cens quatre vingtz, au chaste<sup>t</sup> de Beaultē, pres le boys de Vincennes, & gist à saint Denis en France. Cestuy Charles & madame Iehanne de Bourbon, sa femme, furent sacrez & couronnez en l'eglise de Reims, à grand honneur & reuerence, par Messire Iehan de Craon, Archeuesque de Reims, le iour de la Trinitē, audi<sup>t</sup> an mil trois cens soixante & quatre: & furent presens audi<sup>t</sup> Sacre Loys,

L'an mil  
ccc. lxxiii.

Duc d'Aniou, & Philippe, lors Duc de Touraine, ses freres, la Comtesse de Flandres & d'Artois, le Roy de Cypre, le Duc de Braban, le frere de l'Empereur, frere d'armes dudi<sup>t</sup> Roy Charles, les Ducz de Lorraine, & de Bar, & plusieurs autres. Apres ledi<sup>t</sup> Sacre le Roy

Entrée du  
Roy Char-  
les le quint  
à Paris.

& la Royne s'en vindrent à Paris, & feirent leur entrē le vingt & quatrieme iour du moys de May, ou ilz furent receuz en moult grand triumphe & honneur: & feist lon grandes ioustes au Palais, & y iousta le Roy de Cypre, & plusieurs grands Seigneurs: & le dernier iour d'iceluy moys de May le Roy octroya à son frere Philippe, lors Duc de Touraine, la Duchē de Bourgongne, & l'en receut à hommage, & reprint en sa main ladi<sup>t</sup>e Duchē de Touraine. Oultre ce par ses lettres, données au Louure le second iour de Iuin audi<sup>t</sup> an, conferma le don & transport que le feu Roy Iehan, son pere, auoit fait audi<sup>t</sup> Philippe, Duc de Bourgongne, donné à Germigny sur Marne, le sixieme iour de Septembre, l'an precedent mil trois cens soixante & trois, de tout le droi<sup>t</sup> qu'il auoit au Comté Bourgongne. Le

L'an mil  
ccc. lxxiii.

iour de la feste S. Michel audi<sup>t</sup> an mil trois cēs soixante & quatre, messire Charles de Bloys, Duc de Bretagne, à cause de sa femme, & Iehan, Côte de Montfort, qui pretendoit droi<sup>t</sup> audi<sup>t</sup> Duchē, se combatirent pres le chaste<sup>t</sup> d'Aulroy, en Bretagne: & fut ledi<sup>t</sup> messire Charles de Bloys tuē en la bataille: & Bertrand du Guesclin, & le Comte d'Auxerre, qui estoient allez à son ayde, prins prisonniers, par messire Iehan Chandos, Cheualier Anglois, & tous ses gens desconfitz, mors & prins: & fut ledi<sup>t</sup> Bertrand dū Guesclin menē prisonnier en Angleterre: depuis laquelle bataille ne trouua ledi<sup>t</sup> de Mōrtfort, qui luy resistast audi<sup>t</sup> Duchē de Bretagne. Apres ladi<sup>t</sup>e bataille d'Aulroy, ledi<sup>t</sup> messire Iehan de Montfort voulut veoir le corps de messire Charles de Bloys mort entre les autres mors: & puis p son ordōnāce fut ensepue<sup>ly</sup> & porté inhumer à Guinguāt: & aucū tēps apres fut ledi<sup>t</sup> corps releuē & canonizē,

Charles de  
Bloys cano-  
nizē.

comme saint, par le pape Urbain cinquieme, qui lors regnoit, pour plusieurs grands & euidés miracles qui se faisoient au lieu ou estoit ledict corps. Et est à sçauoir que monseigneur Loys Duc d'Aniou, frere du Roy, lequel apres fut Roy de Cecille, auoit espousé la fille dudit messire Charles de Bloys: & oultre ce ledict de Bloys delaisa deux enfans massés, l'un nommé Jehan, l'autre Guy, lesquelz furent menez prisonniers en Angleterre. Ledit Jehan fut marié à Marguerite, fille du seigneur de Clisson, Connestable de France, & d'elle eut Oliuier, Jehan, Charles, & Guillaume. Oliuier fut Comte de Pointhieure apres la mort de son pere, & Jehan fut seigneur de l'Aigle. Aucun tēps apres, c'est à sçauoir l'an mil trois cens lxxv. ledict messire Jehan de Montfort enuoya deuers le Roy, luy requerir qu'il le voulsist receuoir à homme, & il luy feroit hōmage qu'il deuoit à cause dudit Duché de Bretagne, & le seruiroit tāt qu'il viuroit. A ceste cause le Roy enuoya monseigneur Jehan de Craon, Archeuesque de Reims, & messire Jehan le t Mengre, dict Bouciquault, Marechal de France, en Bretagne, deuers ledict de Montfort pour traicter appoinctemēt entre luy & la Duchesse, veufue dudit feu messire Charles de Bloys: & fut accordé que ladiſte Duché, laquelle vingt & quatre ans, ou enuiron parauant, viuant le Roy Philippe de Vallois, auoit esté adiugée par arrest audict feu messire Charles de Bloys, à cause de sa femme, demoureroit en heritage audict messire Jehan de Montfort: & ladiſte Duchesse auroit la Comté de Pointhieure, & les seigneuries de t Grelou, Auaugour, Guinguant, Chauerlin sur Trien, Chauerlin en Cornouaille, Duhault, Vllgoher, Relpredon, & autres terres & seigneuries qui auoyēt esté heritages de messire Guy de Bretagne, son pere: & si se pourroit, sa vie durant, dire, porter, & nommer Duchesse de Bretagne: & si deuoit auoir la Vicomté de Lymoges. Et iaçoit ce q la Duchesse ne fust personnellemēt à faire ledict traité, mais y auoit commis aucuns Procureurs, neâtmoins toutes les places & forteresses de Bretagne furent incontīent deliurées audict de Montfort, auquel fut donné delay de faire hommage qu'il estoit tenu de faire au Roy, à cause dudit Duché de Bretagne. Et par ledict appoinctemēt fut messire Bertrād du Guesclin, & le Comte d'Auxerre, qui auoyent esté prins à la bataille d'Aulroy prisonniers, & semblablement les autres prisonniers, deliurez parmy gracieuse rançon, & aussi le Captau de Buch, qui auoit esté prins à la bataille de Cocherel, fut aussi deliuré de prison, & deuint homme du Roy, & de son Cōseil: & par son moyen fut fait appoinctement en la ville de Vernon, entre les Roys de France, d'Angleterre, & de Nauarre, sur la guerre qui estoit encommēcée pour raison de la prinſe qu'auoit faicte messire Bertrand du Guesclin, des villes de Mante & Meulan: & aussi la Comté de Longueuille, q le Roy auoit ia donnée audict du Guesclin, pour la rançon dudit Captau, fut rendue audict Roy de Nauarre: & si deuoit oultre auoir ledict Roy de Nauarre les Baronneries de Montpellier & Homelaz, & fut la paix crieée. Mais dudit appoinctement ne fut pas content monseigneur Loys de France, Duc d'Aniou, frere du Roy, qui auoit espousé la fille du feu Duc Charles de Bloys, & de ladiſte Duchesse, & auoit intention de faire guerre audict messire Jehan de Montfort: & pour ce faire auoit attrait à luy grand' Cheualerie: mais le Roy, son frere, le luy deffendit: & de la en auant ne foserēt trouuer deuant luy ledict Archeuesque de Reims, ne le Marechal Bouciquault, qui ledict appoinctement auoyent traité.

l'an mil  
ccc.lxxv.

† Cro.Fran.  
disent de  
Maugre.

† Ces noms  
sont un peu  
autres es Cro  
ni.de Bretai.

La Comté de  
Longueuille  
fut redue au  
Roy de Na  
uarre.

*Comment messire Bertrand du Guesclin, pour deliurer le royaume des gens d'armes vacabons, les mena en Espagne, contre les Sarrazins.*

**L**Antost apres ledict messire Bertrand du Guesclin, qui estoit vn vaillant Cheualier, & qui moult aymoist le bien du Roy & du royaume, affin de deliurer le pays de plusieurs gens de guerre, des compagnies tant Anglois, Nauarrois, Normans, Gascons, que François, qui estoient en diuers lieux, & tenoyēt plusieurs forteresses, & gastoyēt le pays, & le royaume, fait tant aux Capitaines, deuers lesquelz il alla par saufconduyt, qu'il les assembla & les attrahir, & furēt contens d'aller combattre pour la foy, avec luy contre les Sarrazins, qui estoient en Espagne, & en l'ayde du Roy d'Arragon, q le Roy Pietre d'Espagne, filz de feu Alphonse, vouloit contraindre luy faire hommage de son royaume. Et pour faire ledict voyage le pape Urbain, q ledict Bertrand alla veoir en Auignō, luy fait ayde de grand' somme de florins, & si luy oſtroya deux dixiemes. Aussi ledict Bertrand alla veoir le Duc d'Aniou, qui estoit en Lāguedoc, gouverneur pour le Roy, son frere, lequel le receut hōnorablemēt, & luy fait de grands dons: & partirent tantost apres, allerent à Parpignan, & passerent parmy le royaume d'Arragon: & avec eulx se meit Henry d'Espagne, frere de Pietre, Roy d'Espagne: & prindrēt plusieurs villes & places en Castille, sans ce que ledict Roy Pietre de Castille, qui toutes fois estoit tenu moult puissant de gens & d'argent, leur feist aucune contrarietē n'empeschement. Si cheuaucherent tant qu'ilz vindrent deuant la cité de Burghes,

Burgues, ou estoit lediſt Roy Pietre: lequel, quād il ſceut leur venue, ſ'en partit, & alla à Tollette: & entra lediſt meſſire Bertrand & ſa compaignie dedans Burgues, & y tuerent ſes gens pluſieurs Iuiſz & Sarrazins. Ce pendant que leſdiſtes compaignies eſtoient par dela, fut couronné Roy de Caſtille Henry d'Eſpaigne, Côte de Triſtemare, ſoubz le nom & tiltre duquel lediſt Gueſclin, & ceulx deſdiſtes compaignies, eſtoyēt entrez audiſt royaume (lequel eſtoit frere dudiſt Pietre, Roy de Caſtille) par l'ayde dudiſt de Gueſclin, & des François de ſa compaignie: lequel Henry parauant auoit par lediſt Pietre eſté mis hors, & banny du pays, par ce qu'il n'auoit voulu conſentir qu'il euſt la compaignie d'une ſienne prochaine parente: & donna iceluy Henry audiſt meſſire Bertrand ladiſte Comté de Triſtemare, en Eſpaigne. Lequel Henry tantost apres, à l'ayde d'iceluy meſſire Bertrand, & de ceulx de ſa compaignie, conqueſta tout le royaume de Caſtille, & en chacea lediſt Roy Pietre, ſon frere, en peu de temps: & diſoit on q'c'eſtoit aduenue par vengeance diuine: car lediſt Roy Pietre auoit eſté vn grand Ti

*Cruauté  
d'un Roy  
de Caſtille,  
enuers ſa ſe-  
me.*

*Comment le Duc de Bretagne fait hommage au Roy, le mantel & le chapeau oſteZ, les genoulx flexis, comme à ſon ſouuerain Seigneur.*

**N**uiron la feſte de Paſques mil trois cens ſoixante & ſix, meſſire Iehan de Montfort lors Duc de Bretagne, enuoya à Paris deuers le Roy, afin qu'il vouliſt conſermer l'appoinctement qui auoit eſté faiſt avec la veufue de feu meſſire Charles de Bloys, & requerrir prorogation du delay de faire hommage: & y vindrent le Seigneur de Clichō, Bretō, & meſſire Guillaume de la Cuuer Anglois: ausquelz fut à grand' difficulté baillée ladiſte confirmatiō: toutesſois leur fut elle deliurée cloſe & ſeclée, & promeirēt qu'elle ne ſeroit ouuerte iuſque à ce que lediſt de Montfort euſt fait au Roy l'hommage de la Duché de Bretagne, Comté de Mōtfort, & autres terres qu'il tenoit de luy: & pour ce faire fut prefix delay iuſques à la ſainct Michel enſuyuant. Lequel Iehan de Montfort vint aucun temps apres à Paris, & fit au Roy hommage dudiſt Duché de Bretagne, Comté de Montfort, & des autres terres qu'il tenoit au royaume, le mantel & le chapeau oſtez, & les genoulx flexis, comme à ſon ſouuerain Seigneur: & lors en la preſence du Roy, & de ſon cōſeil ladiſte Duchefſe veufue dudiſt feu meſſire Charles de Bloys, ratifia en ſa perſonne l'appoinctement qui auoit eſté faiſt par ſes Procureurs avec lediſt de Montfort, par lequel elle renonçoit au droit qu'elle pretendoit à la Duché: lequel appoinctement le Roy cōferma en force & vertu d'Arreſt, & de choſe iugée.

*L'ā mil ccc.  
lxvi.*

*Hommage  
fait au Roy  
de France du  
Duché de  
Bretagne,  
& de la  
Comté de  
Montfort.*

*Comment le Roy de Nauarre par fiction & trahyſon ſe fait prendre prifonnier en Eſpaigne: & comment Bertrand du Gueſclin fut prifonnier, & apres deliuré.*

**V** moys de Feurier audiſt an mil trois cens ſoixante & ſix, le Prince de Galles & le Roy Pietre d'Eſpaigne, qui auoit eſté debouté de ſon royaume, par ſon frere Henry, à l'ayde de meſſire Bertrand du Gueſclin, & de ſa compaignie, deſcendirent en Eſpaigne avecques grand' compaignie d'Anglois: & combiē que le Roy de Nauarre euſt promis ayder audiſt Henry, qui pour ce faire luy auoit donné grand' finance, ce neantmoins il donna paſſage par ſon royaume de Nauarre auſdiſtz Prince de Galles & le Roy Pietre: Et ſe fit lediſt Roy de Nauarre ſainctement par vn Cheualier de leur party, prendre prifonnier, afin qu'il allaſt avecques eulx en Caſtille: & tant cheuauchèrent qu'ilz vindrent près de la ville de ſainct Dominique, en vn lieu appelé Nadres. Et là le ſixieme iour d'Aouſt eurent bataille contre lediſt Roy Henry, en laquelle iceluy Henry fut deſconfit, & meſſire Bertrand du Gueſclin, meſſire Arnoul de d'Euchan, Mareſchal de France, le Begue de Villainies, & pluſieurs autres François, Bretons, Caſtilliens & Arragonnois, furent prins prifonniers, & y eut vingt quatre mil hōmes mors: mais lediſt Roy Henry eſchapa

*L'ā mil ccc.  
lxvi.*

E iij

Du Roy Hēry, qui en guise de pelerin alla veoir Bertrand du Guesclī prisonnier à Bordeaux.

Bertrād du Guesclī par la uertueusement au Prince de Galles.

& s'en vint vers France, & se tint par aucun temps luy & sa femme en la cité de Carcassonne, en laquelle estoit lors madame Marie de Bretagne, fille de feu messire Charles de Bloys, & femme de messire Loys Duc d'Aniou, gouverneur pour le Roy au pays de Lâguedoc. Apres ladiète bataille de Nadres, fut deliuré lediēt Roy de Nauarre, lequel par fictiō laissa son filz en ostage. Et combien que lediēt Pierre eust eu ladiète victoire, par le moyen dudiēt Prince de Galles, ce neantmoins il le laissa en ladiète bataille & l'abādona, ne depuis ne le veit: parquoy lediēt Prince de Galles fut mal cōtent, & luy & le Duc de Lancastre, son frere, s'en retournerent à Bordeaux, & emmenerent avec eulx prisonnier lediēt messire Bertrand du Guesclī; & luy estant ainsi prisonnier lediēt Roy Henry d'Espaigne, qui estoit pour lors à Carcassonne, vint secrettement à Bordeaux, en guise de Pelerin, & s'adressa à vn des gens dudiēt Bertrand qu'il congneut, lequel dist à son maistre la venue du Roy Henry, dont lediēt Bertrand fut moult esbahy, comment il festoit mis en tel dangier: & moyennant cent florins que lediēt Bertrand donna au Geolier, il consentit que lediēt Henry veist & disnast avec lediēt Bertrād. puis s'en retourna lediēt Henry en Languedoc, & alla à Villeneufue pres Auignon, ou il trouua monseigneur Loys, Duc d'Aniou, frere du Roy, qui moult le festoya. Apres le disner luy donna toute la vaisselle d'or & d'argent, en quoy ilz auoyent esté seruis au disner, dont iceluy Henry fut moult ioyeux: car il en auoit bien besoing: & apres s'en allerent ensemble veoir le Pape en Auignon, & les receut & festoya grandement. Lediēt Duc d'Aniou amassa gens de guerre, & bailla audiēt Roy Henry deux mil hommes, pour courir la terre du Prince de Galles, en Guyenne: lequel Prince, qui attendoit que le Roy Pierre luy eust fait deliurer le payement de luy & de ses gens, comme promis l'auoir, dont il ne fait riens, quand il sceut la nouuelle que lediēt Henry gastoit sa terre bailla la charge de ses gens de guerre à messire Ichā Chandos, pour courir la terre du Roy de France: & retint avec luy messire Bertrand du Guesclī, & autres prisonniers qu'il auoit amenez d'Espaigne. Et pource que lediēt Prince estoit pour lors en trefues avec le Roy de France, par fiction il bannist tous ses gens de guerre, & se nommoient la grand' compaignie. Pour la venue dudiēt Prince le Duc d'Aniou manda au Roy Hēry d'Espaigne aller à luy à Villeneufue pres Auignon, lequel y alla: & ordonna lediēt Duc que dedans Espaigne retourneroit lediēt Henry. En ces entresfaictes fut deliuré le Begue de Villaines, qui s'en vint deuers le Roy de France. Aucuns familiers du Prince de Galles, qui estoient à Bordeaux, luy dirēt qu'il estoit bruyt que lediēt Prince detenoit lediēt Bertrād, pour la doubte qu'il auoit qu'il luy feist guerre, s'il estoit echapé: & lors le Prince par orgueil & despit fait venir lediēt Bertrand deuant luy, & luy dist que s'il luy vouloit promettre que iamais contre luy ne s'armeroit, ne semblablement pour le Roy Henry d'Espaigne, qu'il luy acquitteroit sa rançon & toutes ses debtes, & luy donneroit dix mil florins pour soy monter & armer: mais Bertrād luy dist qu'il aymeroit mieulx mourir en sa prison, que telle chose luy promettre: & soyez certain (dist Bertrand au Prince) que ie seruiray de tout mon pouoir ceulx à qui ie suis tenu, se possible est que ie sorte hors de prison, ou trop longuement m'ayez tenu à tort & contre raison: car i'estoye party de France avecques mes cōpaignons en propos d'aller les sur les Sarrazis, & pour faire le salut de noz ames. Et pourquoy n'y aliez vous sās arrester? dist le Prince. Je le vous diray (dist Bertrand moult asseurement) nous trouuāmes vn Pierre d'Espaigne, qui de Dieu soit maudit, lequel auoit fait meurtir la bōne dame Blāche de Bourbon, sa femme, extraicte de la noble maison du Duc de Bourbon, & du sang saint Loys: laquelle estoit de vostre sang, & vostre cousine prochaine du plus grand & merueilleux costé q̄ vous ayez: & vouloit iceluy Pierre espouser la fille d'vn Iuif, son principal Conseiller & Medecin: si m'arrestay illec pour de luy prendre vengeance, & ayder à Henry son frere, lequel ie scay estre vray heritier du royaume d'Espaigne, & aussi pour d'estruire Iuifz & Sarrazins, dōt lediēt Pierre estoit fort acompaigné. Or estes vous venu vous & voz Anglois, pour conuoitiser d'or & d'argēt, que lediēt Pierre vous donna & promet, & troydant tenir le royaume apres luy faullement: auquel voyage vous auez tout premierement offensé Dieu nostre createur (car vous auez empesché la vengeance des aduersaires de la loy, & si auez greué vostre sang, à soustenir leur querelle par vostre ambitiō, à la grand' perte de voz nobles Cheualiers, qui par guerre & par famine, & glaiue, y sont mors) & maintenant vous apperceuez à tard comme le desloyal Pierre vous a deceu, dont ie luy scay bon gré. Quand Bertrand eut acheué sa raison, le Prince de Galles leua la chere & ne se peut tenir qu'il ne dist que Bertrand auoit raison, & les Barōs, qui la estoient, disoyent qu'il auoit dit verité. Or ça Bertrand (dist le Prince) on dit que ie vous tien longuemēt prisonnier, pour doubte que i'ay vous, parquoy ie vueil que vous en aliez, mais ce ne sera pas sans payer vostre rançon. Sire respondit Bertrand, vous sçavez que ie suis vn pauvre Cheualier de petite estimation, qui n'ay gueres de terre ne de biens, & si tant peu que i'en ay est engaigé pour monture & pour harnois, & si dois en ceste ville mieulx de

dix mil



dix mil escus, si me vueillez mettre à gracieuse rançon, & vous ferez vostre honneur. Et ou yriez vous beau seigneur? dist le Prince, qui vous laisseroit aller. Le m'en iray, dist Bertrand, ou ie pourray tantost recouurer ma perte: & plus ne vous en dy, & vous prie que plus ne m'en demandez. Or vous aduisez, dist le Prince, combien vous me donnerez: car ie vous fais iuge de vostre cause mesme. Sire, dist Bertrand, ie vous mercie: & ie croy que ne daigneriez aller contre la parolle qu'auetz proposée: & puis q de ma rançon m'auetz fait iuge, ie vous donneray cēt mil doubles d'or. Quand le Prince l'ouyt si haultement parler la couleur luy mua, & en regardant ses Barons, dist: Voyez vous pas comment Bertrand se sçait gaber & mocquer de moy, qui m'offre telle somme: car ie le quitteroye pour la quarte partie. Sire Bertrand ie n'en vueil pas tant: car vous ne le pourriez finer: & bien, dist Bertrand, grand mercys: si en aurez vous soixante mil, ne ia moins, si pour tant me voulez quitter. Ouy certes, dist le Prince, i'en suis d'accord. Lors dist Bertrand haultement: Maintenant se peut bien vanter Henry qu'il mourra Roy d'Espaigne: car ie l'en couronneray, quoy qu'il doye couster: & me prestera la moitié de ma rançon, & le Roy de France l'autre. Le Prince s'esbahyst du noble courage de Bertrād: & la Princeesse de Galles, qui pour lors estoit en Angoulesme, qui ouyt la renommée de Bertrand, alla à Bordeaux expressement pour le veoir, & luy donna dix mil doubles en allegement de sa rançon. Si fut Bertrand deliuré pour aller faire finance de sa rançon, par ainsi qu'il promet ne porter armes tant que payée l'auroit. Bertrand s'en partit de Bordeaux, & s'en alla deuers monseigneur Loys, Duc d'Aniou, qui tenoit le siege deuant Tarracon, contre la Roynne de Cecille: & tant fait Bertrand que par sa conduyte & subtilité, la ville fut prinse dedans le tiers iour de son arriuée: & ceulx d'Arle aussi se rendirent par composition, moyennant grād finance. Le Duc dist à Bertrand qu'il luy donnoit vingt mil escus, & luy en feroit autant donner par le Pape, & que le Roy de France luy en donneroit soixante mil, & si plus en faillloit il ne luy faudroit point. Bertrand le remercia humblement, & print congé de luy, & s'en vint deuers le Roy qui honorablement le receut, & luy donna cent mil florins pour ayder à payer sa rançon & ses despens: puis luy donna congé, mais à son partement il luy fait promettre que toutes les fois qu'il le manderoit il reuiendroît à son ayde. Apres s'en alla Bertrand en Bretaigne veoir madame Tiphaine sa femme, qui estoit à la Roche Derien, & passa par l'Abbaye du mont saint Michel, en laquelle auant son partement il auoit laissé en la presence de sa femme cent mil florins, en garde, & les cuidoit bien trouuer, mais sa femme les auoit receuz: & il luy demanda en quoy elle les auoit despendus: & elle respōdit: Sire sachez que ie les ay bailliez & donnez aux Gentilz hommes, qui vous ont seruy en la guerre, pour ayder à payer leur rançons, & d'eulx pourriez encores estre bien seruy. Si dist Bertrand que bon gré luy en scauoit. Les Barons de Bretaigne receurent honorablement ledit Bertrand, & luy feirēt plusieurs dons pour sa rançon payer. Cela fait, s'en retourna Bertrand à Bordeaux, ou tantost apres sa rançon fut apportée, & rachapta Bertrand tous les autres prisonniers François. Apres, ledit Prince de Galles le fait grandement honorer & conduire par ses Cheualiers iusques hors de ses terres. Si s'en alla en Languedoc deuers le Duc d'Aniou, qui luy bailla messire Oliuier de Mannay, & bien douze cens lances de gens de guerre qu'il auoit assemblez pour aller en layde du Roy Henry d'Espaigne contre le Roy Pietre: lequel comme on disoit, pour auoir ayde contre ledit Henry, auoit prins alliance au Roy de Bellemarine, Sarrazin, & espousé sa fille: & pour ce faire il renia la loy de Iesus Christ. Ledit Henry eut cinq batailles cōtre ledit Pietre: lesquelles, par la conduïte dudit Bertrād, il gagna toutes. A la sixieme iceluy Pietre fut prins prisonnier par le Begue de Villaines, Cheualier François, duquel ledit Henry l'achepta, & luy fait copier la teste, & l'enuoya deuant la cité de Seville: & ainsi fina ses iours miserablement iceluy Roy Pietre, meurdrier de sa femme, & Apostat de la loy Iesus Christ. Apres la mort duquel toutes les citez, de Seville, de Tollette, & les autres villes & chasteaux d'Espaigne se rendirent tous en l'obeissance dudit Henry, qui demoura paisible Roy d'Espaigne: & par ainsi ledit royaume de Castille fut gagné par Henry, recouuert par Pietre, & regagné par Henry, tout en vn an & demy. Apres ces choses faites le Roy manda à messire Bertrand du Guesclin par plusieurs messages, & à la parfin y enuoya le Mareschal de Denchā, luy prier qu'il s'en retournast en France, pour luy ayder contre les Anglois, qui fort le guerroyoyēt: & luy promit ledit Mareschal, de par le Roy, l'espée de Connestable de France. Si s'en retourna & emmena à son retour d'Espaigne. v. c. lances: & si tost qu'il fut en France, il passa par Languedoc pour veoir le Duc d'Aniou, qui ioyeusement le receut, lequel faisoit guerre aux Anglois, pour plusieurs tortz qu'ilz luy auoyent faitz. Apres ce, Bertrād s'en passa par Perigort, ou le Comte le festoya fort, & s'en venant plusieurs gens de guerre se meirent en sa compaignie, tellement qu'il eut grand nombre de gens: & en passant & cheuauchant print plusieurs villes & places que tenoyent les Anglois.

*La rançon de Bertrād du Guesclin.*

*Dons de Princes à Bertrād du Guesclin, pour sa rançon.*

*Du Roy Pietre d'Espaigne qui espousa la fille d'un Sarrazin, & en ce faisoit renouua à la foy de Iesus Christ.*

- L'ā mil ccc. lxvii.* L'an mil trois cens soixantesept, après ce que le Prince de Galles & son frere, avec leurs cō-  
paignies, furent retournez d'Espaigne, ou ilz estoient allez en l'ayde du Roy Pietre, comme  
dessus a esté dict, ilz seiournerent vne espace de temps en Guyenne & à Bordeaulx, & iusques  
au moys de Decembre, qu'ilz eurent receu la rançon de messire Bertrand du Guesclin, qu'ilz  
se meirent sur les champs, & vindrent & entrèrent es pays d'Auvergne, Berry, Bourbōnois;  
& allerent passer la riuere de Loire à Marcigny les Nonnains, & seiournerent aucun temps  
en Masconnois. puis entrèrent en la Duché de Bourgongne, ou ilz ne trouuerent nulz viures  
sur les champs: car monseigneur Philippe, Duc de Bourgongne, frere du Roy, auoit tout fait  
retraire es forteresses qui estoient bien gardées. Si passerent en Auxerrois, ou ilz se rafreschirēt  
de viures & d'habillemens, dont ilz auoyent grand mestier, & entrèrent en Gastinois, enuiron  
huyt cens hommes d'armes Anglois, & grand nombre de gens de pied, tellement qu'ilz es-  
toient bien dix mil personnes: & vne autre plus grand' bande, ou ilz estoient bien vingt mil,  
qui passerent Seine, & allerent vers Troye. Puis passerēt la riuere d'Aulbe, & allerēt vers Es-  
pernay, & y meirent le siege, & furent ceulx de dedans si pressees qu'ilz furent contrainctz bail-  
ler la ville, & rançonnerēt leurs corps & la ville de brusler de deux mil francs d'or, & demou-  
rerent dedans aucuns gens d'armes desdictes compagnies. puis allerent deuant le monstier  
d'Ay, qui estoit fort, & y auoit vingt hommes d'armes François qui le monstier deffendirent,  
& par tout pilloyent & roboient, prenoient prisonniers, & faisoient autres grands maux:  
& ce sachant le Roy, il feit diligēce de faire assembler gens pour les combatre: parquoy ceulx  
qui estoient venus en Gastinois, repasserent la riuere d'Yonne à Pons, & passerent Seine à  
Nogent, sur Seine, & s'en tirerent à Esparnay avec les autres. puis allerent vers Chaalons &  
Vitry en Parthois, & seiournerent en celle marche iusques enuiron le moys de Iuin: & le Roy  
auoit grand nōbre de gens d'armes es bonnes villes pres d'eulx, comme à Sēs, Troyes, Chaa-  
lons, Prouins, & autres, qui semblablement venoyent sur les champs, & faisoient de moult  
grands rudesses. Le Roy feit parler ausdictz Anglois par plusieurs fois pour trouuer moyen  
de les faire vuyder hors dudit royaume: mais ilz faisoient trop grandes demandes: c'est à  
sçauoir quatorze cēs mil frācs d'or. Iceulx Anglois repasserēt la riuere assez pres de Troyes,  
& fallerent loger à Marigny, & illec enuiron. Le Duc de Bourgongne estoit lors à Troyes,  
mais il n'auoit pas assez gens pour les combatre & assaillir. Si s'en allerēt passer la riuere d'Y-  
onne vers Auxerre, & allerent vers Chastillon sur le Loin deuant Montargis, & par tout le  
Gastinois vers Estampes & Estrechy, ou ilz estoient logez au moys de Iuillet, & bouterent  
le feu en plusieurs villes & villages. Et pource qu'on disoit qu'ilz tiroient vers Paris, le Roy  
manda ses gens d'armes venir à Paris, mais il sourdit aucunes deffiances entre les Gascons,  
qui estoient avec lesdictz Anglois, & aux Anglois des Gascons. Les Gascons se departirent  
d'avec eulx, & s'en allerent deuers Baugency, & les Anglois allerent en Normandie, & prin-  
drent d'arriuee en plain iour la ville de Vire: car il en y alla cinquante ou soixante, habillez cō-  
me gens de village sur leurs harnois, & gaignerent les portes & tuerent les portiers: & puis  
leurs routes qui estoient embuschées entrèrent dedans, mais ilz ne prindrent pas le chasteil.  
puis vne partie d'eulx alla en Aniou, & prindrent Chasteaugontier. Les Gascons qui estoient  
à Baugency, y seiournerēt enuiron trois sepmaines, & alla le Seigneur d'Albret plusieurs fois  
deuers eulx, pour trouuer moyen de les faire vuyder en esperance de certain appointement:  
& combien qu'il ne fust encores accordé lesdictz Gascons passerent Loire du costé de Soulon-  
gne: & si tost qu'ilz furent passez, la riuere creut tellement qu'ilz ne la peurēt repasser, & ain-  
si demourerent vne piece en attendant le traicté dudit appointement, que ledict seigneur  
d'Albret auoit porté deuers le Roy.
- L'ā mil ccc. lxvii.* Audiēt an mil trois cens soixante sept, le Pape Urbain partit d'Auignon pour s'en al-  
ler tenir sa court à Romme, & emmena avec luy les Cardinaulx: toutesfois il en demou-  
ra quatre qui n'y voulurent point aller, dont le Pape fut mal content d'eulx, & ne leur lais-  
sa nulle puissance.
- L'ā mil ccc. lxviii.* L'an de grace mil trois cens soixante & huyt, le sixieme iour d'Auril, arriua à Paris messire  
Lionnel, Duc de Clarēce, filz du Roy d'Angleterre, qui alloit pour espouser la fille de messire  
Galiache, l'un des seigneurs de Milā, ou le Roy de Frāce le receut à grād hōneur: & allerent  
au deuant de luy iusques à S. Denis, monseigneur Iehan, Duc de Berry, qui auoit eu congé de  
venir en France, pour vn an (car il estoit l'un des ostages du feu Roy son pere) & mōseigneur  
Philippe, Duc de Bourgōgne, frere germain du Roy: & le menerent descendre au chasteau du  
Louure ou le Roy estoit logé, & le feit disner & soupper avec luy, & le festoya moult grāde-  
ment. Le lēdemain le feit festoyer par la Roynie & par les Dames en l'hostel de saint Paul: &  
apres le festoyerent les Ducz de Berry & de Bourgongne, en l'hostel d'Artois, ou ilz tin-  
drent maison ouuerte. Apres le Roy feit audiēt Lionnel, & à ses gens, des dons & presens qui  
valloyent

valloyent bien vingt mil florins, & le feit conuoyer iusques hors du royaume, à ses despens.

En celle année, au moys de Iuin, le Roy feit deux Mareschaulx de Frâce, c'est à sçauoir messire Loys de Sancerre, & messire Loys Moton, Seigneur de Blanville: car le Mareschal Bouciquault estoit mort: & messire Raoul de t Deuchan, qui ne pouoit plus soustenir la peine laissa l'office es mains du Roy, qui luy bailla l'Oriflambe: & enuiron quinze iours deuant le Roy auoit fait Admiral messire François Perilleux, & en auoit osté le t Baudoan de la Heuze. En ce mesme temps couroyent tousiours plusieurs compagnies d'Anglois, Nauarrois, Gascons, & autres gens assemblez parmy le royaume, & prenoient & pilloyent les places, boutoyent feu, & forçoient femmes & pucelles, & faisoient tant de mauix que ce seroit pitié à racompter.

Il le nomme indifféremment & Deuchan. t alias Bauldrā

*Des appellations que le Comte d'Armignac & autres seigneurs de Guyenne firent en Parlement, contre le Prince de Galles.*

**E**nuiron celle saison les Comte d'Armignac, d'Albret & Perigort, & plusieurs autres Barons, & Nobles de Guyenne & Gascongne, appelerent du Prince de Galles, Duc de Guyenne, pour aucuns griefz qu'il leur auoit faitz: & requirēt au Roy d'auoir lettres d'adiournement en cas d'appel: lesquelles, apres plusieurs difficultez, le Roy par la deliberation de son conseil pour ce assemblé en la chābre de Parlement, auquel le Roy, la Royne, tous les Princes, Prelatz & gens de communitiez des bones villes de France estoient en grand nombre assemblez, leur bailla. car il estoit dict expressement par le traicté de paix fait entre les François & les Anglois, que le souuerainetez, hommages, & ressors desdictz pays demoureroyēt au Roy de France, iusques à ce que lesdictz Roy d'Angleterre & Prince de Galles eussent fait certaines renonciations: & mesmement qu'il eussent baillé lettres de renonciation du droit qu'ilz pretendoyent à la couronne de Frâce & au royaume, desquelles bailler ilz auoyent esté refusans & delayans, & ne les auoyent point baillées. En celle année le seigneur d'Albret espousa la fille du Duc de Bourbö, sœur de la Royne & de la Comtesse de Sauoye. Item en ce temps Pierre Comte d'Alençon, l'un des ostages du Roy Iehan en Angleterre, retourna en France, & depuis n'y retourna, & paya trēte mil frācs d'or: & semblablement le Duc de Bourbon aussi par certains moyens s'en retourna, & paya vingt mil francs d'or.

*Comment le Roy alla à Tournay, pour traicter le mariage du Duc de Bourgongne, son frere, & de la fille du Comte de Flandres.*

**L**entrée du moys de Septēbre, audit an mil trois cens soixante & huyt, le Roy partit de Paris, & alla iusques à Tournay, ou il auoit mandé venir Loys, Comte de Flandres, le Duc de Brabant, le Comte de Henault, & autres, en esperance de faire le mariage pourparlé de messire Philippe de France, Duc de Bourgongne, son frere, & de madame Marguerite seule fille & heritiere dudit Comte de Flandres, veufue de feu Philippe de Bourgogne, qui estoit mort en l'aage de treize ans: mais iceluy Côte de Flandres auoit volenté & affection de marier sadiete fille à messire Aymōd, Comte de Cantorbie, l'un des filz du Roy d'Angleterre: & l'eust fait: mais le Pape ne voulut donner dispence de la proximité du lignage qui estoit entre eulx: & par dissimulation se feit excuser ledict Côte de Flandres, par maladie, & par ce s'en retourna le Roy à Paris: mais madame Marguerite Cōtesse d'Artois, mère dudit Côte de Flandres, qui s'estoit trouuée audit lieu de Tournay, & qui pour celle cause moult desiroit ledict mariage estre accōply, alla p deuers ledict Côte, son fiz, à Malines: & furēt faitz & pourparlez plusieurs appoinctemens touchant iceluy mariage, lequel ledict Loys Comte de Flandres ne vouloit consentir n'accorder, sinon que le Roy luy baillast & delaissast les villes & chastellenies de l'Isle & de Douay, & leurs appartenances. ce que le Roy promit faire, moyennant ce que ledict Philippe, Duc de Bourgongne, son frere, par ses lettres patentes données à Peronne, le douzieme iour de Septembre, audit an mil trois cens soixante & huyt, promit que si tost qu'elles reuiendroyent en ses mains apres le trespas dudit Comte, qu'il les rendroit & restitueroit au Roy, son frere, ou à ses successeurs: & à ce obligea luy & ses hoirs, soubz les censures Apostoliques, & fut la matiere mise en surceance. En la fin d'iceluy moys les Anglois, qui estoient à Vire, en Normandie, moyennant certaine somme qui leur fut donnée, s'en saillirent, & s'en allerent à Chasteaugontier, avec leurs compaignons qui la estoient, & prindrent plusieurs fortresses illec enuiron, pour eulx loger: & les Gascons, qui estoient passez Loyre (comme dict à esté) allerent

L'ā mil ccc. lxxviii.

L'ā mil ccc. lxxviii.

en Touraine: & lors plusieurs gens de guerre, tant des ordonnances que sans gages, les suy-  
uient, en esperance de les combattre, iusques à Faye la vineuse, en Poitou, ou ilz se retrahyrêt,  
& ne les peurent auoir. Le vingtroisieme iour dudiect moys aucuns Cheualiers & Escuyers  
de Bourgongne, allerent en Forest apres aucuns Anglois, qui auoyent cheuauché p la Bour-  
gongne, & les combattirent & desconfirent: & y en eut de tuez douze ou quatorze cens: les  
autres s'en fuyrent, & furent rescoux les prisonniers qu'ilz auoyent prins en grand nombre.

*De la natiuité & baptesme de Charles, premier filz du Roy Charles cinquieme.*

L'an mil ccc.  
lxviii.



La pöpe &  
solénité qui  
fut faicte au  
baptesme  
du premier  
filz du Roy  
Charles, le  
Quint, à Pa-  
ris.

LE Dimenche troisieme iour de Decembre audiect an mil trois cens soixante &  
huyet, nasquit monseigneur Charles, premier filz dudiect Roy Charles cinqui-  
me, en l'hostel de saint Paul à Paris, dont grand' ioye fut par le royaume. Le  
Roy alla incontinent rendre graces à Dieu & à nostre Dame, en l'eglise nostre  
Dame de Paris, & le lendemain alla en pelerinage à saint Denis, & feit don-  
ner aux colleges des Médiens de Paris bien quatre mil florins. Le Mecredy vn-  
zieme iour dudiect moys fut lediect Charles baptisé en l'eglise saint Paul à Paris, & sy trouua  
moult grand' multitude de peuple, & y auoit deux cens hommes qui portoyent deux cens tor-  
ches. Apres estoient messire Hue de Chastillon grand Maistre des Arbaletiers de France, qui  
portoit vn cierge, & le Comte de Tancarville portoit vne coupe d'or, en laquelle auoit du  
sel. Apres estoit la Roynie Iehanne d'Eureux, qui portoit l'enfant, & messire Charles de Dāp-  
martin aupres d'elle. Apres l'enfant estoient monseigneur le Duc d'Orleans, oncle du Roy,  
& les Duc de Berry & de Bourgogne, ses freres, le Duc de Bourbon, frere de la Roynie, & plu-  
sieurs autres: & aussi y estoient la Roynie Blanche, la Duchesse d'Orleans & sa fille, la Com-  
tesse de Harecourt, la Dame d'Albret, & plusieurs autres Dames & Damoyelles, toutes ha-  
billées en couronnes, flocars & autres ioyaulx, le plus richement qu'il estoit possible de faire:  
& en ladiect eglise estoient attédas la venue de l'enfant l'Euesque de Beauuais, Chancelier de Frā-  
ce, lors declairé & prononcé Cardinal (lequel le baptiza) le Cardinal de Paris, nommé maistre  
Guy de Maignac, les Archeuesques de Lyon & de Sens, les Euesques d'Eureux, de Coutan-  
ces, de Troyes, d'Arras, Meaulx, Noyon, & plusieurs Abbez tous habillez en pontificat avec  
leurs chappes, mytres & crosses: & le tint sur sons messire Charles, Seigneur de Montmoren-  
cy, & luy bailla son nom. Apres ce, fut fait vne dōnée de vingt deniers Parisis à chacune per-  
sonne qui y vouloit aller, & y eut si grand' presse que plusieurs femmes y furent estainctes. Le  
Roy donna à son filz le pays de Daulphiné, affin qu'il fust appelé monseigneur le Daulphin:  
& tantost apres p bulles du Pape l'Archeuesque de Sens presenta audiect Euesque de Beauuais,  
Chancelier de France, le Chapeau de Cardinal: & lors maistre Guy de Maignac, Euesque de  
Paris, s'en partit pour aller à Romme deuers le Pape.

*Comment plusieurs villes en Guyenne, Ponthieu, & aillieurs, se reduysrent es  
mains du Roy.*

L'an mil ccc.  
lxi.



L'an mil ccc.  
lxi.

EN ce temps plusieurs des villes & places dudiect Duché de Guyenne, en adherant  
aux appellations interiectées par les Côtes d'Armignac, d'Albret & Perigort, &  
autres dessusdictz, se reduirent volontairement es mains du Roy de France, au  
moyen dequoy se sourdit guerres: & lors print audiect Prince de Galles vne mala-  
die, dont il deuint ydropicque: & à ceste cause par le conseil des Medecins s'en par-  
tit d'Aquitaine, & s'en alla en Angleterre, pour chāger l'air, & emmena avec luy la Princesse sa  
femme, & son filz Richard (car le premier, nommé Edouard, estoit mort à Bordeaulx) & lais-  
sa son frere le Duc de Lancastre, pour gouverner le pays. Tantost apres le Roy d'Angleterre  
y enuoya son autre filz, nommé Lyonnell, Duc de Clarence, avec grand nombre d'Anglois.  
Le Samedy d'apres Pasques, septieme iour d'Auril, l'an mil trois cens soixante & neuf, fut  
accordé le traicté du mariage, qui longuement auoit esté pourparlé d'entre messire Philip-  
pe, Duc de Bourgongne, frere du Roy, & madame Marguerite, fille de messire Loys, Comte  
de Flandres. Audiect moys d'Auril, les villes d'Abeuille, de Rué, & toutes les autres de la Cō-  
té de Ponthieu, reserué Neelle, de leur volonté se meirent en l'obeissannce du Roy de France,  
en moins de dix iours, es mains de messire Hue de Chastillon, grand Maistre des Arbaletiers  
de France.

Des appel-



*Des appellations que les Seigneurs & communaultez de Guyenne auoyent interiectées, contre le Prince de Galles, Duc de Guyenne.*



Le second iour de May, audict an, se presenterent en Parlement lesdictz Comte d'Armignac, de Foix, d'Albret, & autres Barons & Seigneurs, qui s'estoyent portez pour appellans à l'encontre d'Edouard Prince de Galles, Duc de Guyenne: & le xxj. iour dudit mois le Roy alla en psonne en Parlemēt: & estoit la Roynne Iehanne assise aupres de luy, le Cardinal de Beauuais au dessoubz, les Archeuesques de Reims, Sēs, Tours, xv. Euesques, & plusieurs Abbez, les Ducz d'Orleans & Bourgongne, les Comtes d'Alençon, d'Estampes, & plusieurs Barons, Nobles, & gens de plusieurs bonnes villes illec assemblez, pour ladiete cause: & meit le Roy lesdictes appellations, en conseil & deliberation, affin de scauoir sil y auoit esté fait autrement que la raison le vouloit: & la estoient tous les Conseillers en Parlement, lesdictz Ducz, Comtes, Barons, Archeuesques & Euesques, lesquelz furent tous d'opinion qu'a bonne & iuste cause le Roy auoit admis & receu les appellations, & qu'il ne les pouoit ne deuoit reffuser, & que si le Roy d'Angleterre vouloit mouuoir guerre pour ceste cause, ce seroit à tort & sans raison. Apres furent leues les responcez qui auoyent esté aduisées de faire sur vne lettre ou cedula qu'il auoit baillée, cōtenant plusieurs desraisonnables demandes, que faisoient les Anglois: & pour occasion des choses dessusdictes recommença la guerre entre François & Anglois. En ce temps le Duc de Lancastre, filz du Roy d'Angleterre, qui estoit demouré à Bordeaux, espousa en vn village, pres Bordeaux, Constance, fille du Roy don Pietre d'Espaigne. Item en ce temps Yuain, filz du Prince Aymond de Galles, que le Roy d'Angleterre auoit fait mourir, pour auoir sa terre, vint en France, & seruir bien le Roy & les gens contre les Anglois.

*La Roynne de France estoit assise aupres du Roy en la court de Parlement.*

*Du mariage du Duc Philippe de Bourgongne, à la fille du Comte de Flandres.*



Le Mardy dixneuuieme iour du mois de Iuin audict an mil ccc. lxxix. fut celebré & accōply le mariage de monseigneur Philippe, Duc de Bourgogne, frere du Roy, & madame Marguerite, seule fille & heritiere de Loys, Comte de Flandres, d'Artois, de Neuers, & de Rethel, & furent espousez en l'eglise saint Bauon de Gād, par l'Archeuesque de Tournay, & y allerēt plusieurs grāds Princes & Seigneurs de France, & y estoient le Duc & la Duchesse de Braban, oncle dudit Comte de Flandres: & durant ladiete feste furent faictes iustes, tournois, & autres grands esbatemens. Ladiete Marguerite auoit parauant esté femme de monseigneur Philippe, Duc de Bourgongne, qui trespassa à Rouure, des l'an mil trois cens soixante & vn: & ainsi elle fut Duchesse de Bourgongne deux fois: & par le traité dudit mariage, pource que ledict Comte de Flandres, pete de ladiete Marguerite, faisoit plusieurs difficultez, le Roy luy promet, & de fait luy bailla les villes, chasteaux, chastellenie, terres, & seigneuries de l'Isle, Douay & Orchies, & leurs appartenances, à faculté de les pouoir rauoir & rachepter p luy & ses successeurs, en deffault d'hoir male en ligne directe, en baillant dix mil liures de terre: laquelle chose le Roy feit pour auantager ledict Philippe, Duc de Bourgongne, son frere, & affin que ledict traité de mariage sortist effect: mais ce fut soubz telle cōdition, qu'iceluy Philippe promet, & bailla lettres au Roy que si tost qu'elles seroyent venues en ses mains, par la mort dudit Comte, son beau pere, ou autrement, il les rendroit & restitueroit au Roy, son frere, ou à ses hoirs, ou ayans cause. Item le quinziesme iour de Iuillet le Roy partit de Paris pour aller en Normandie, veoir vne grand quantité de nauires qu'il auoit fait preparer, pour faire vne course en Angleterre: & auoit le Roy ordonné que son frere le Duc de Bourgongne y passeroit.

*L'an mil ccc. lxxix.*

*Marguerite, fille du Comte de Flandres, fut deux fois Duchesse de Bourgongne.*

*D'une descente d'Anglois en France.*



En ce temps le Roy fut aduertty que le Duc de Lancastre estoit descendu à Calais avec grand' compaignie de gens d'armes: & vindrēt iusques à Therouēne, & à Aire, & bruslerent & gasterent le pays d'enuiron. Le Roy, qui parauant auoit fait assembler plusieurs nauires à Harfieu, pour enuoyer son frere le Duc de Bourgongne faire vne course en Angleterre, cessa son entreprinse, & enuoya incontinent le Duc de Bourgongne, qui hastiuement alla au deuant du Duc de Lancastre, & se logea aupres d'Arde, & Tournehan: & la furent longuement les deux ostz sans combatre. puis se leua ledict Duc de Bourgongne, & s'en vint à Hesdin, dont plusieurs gens murmurerent, & furent mal contents contre luy, car il estoit plus puissant de gens que ledict de Lancastre, & estoit assis

F

L'an mil ccc.  
lxx.

son ost à l'auantage, & si auoit viures à planté. Quand ledit Duc de Bourgonne fut leué, ledit Duc de Lancastre se meit à cheuaucher par Ponthieu, vers le pays de Caux, & passerét la riuere de Sôme, à la Blâquetacque, & allerent iusques à Harfieu, en intètion de brusler les nauires du Roy de France, qui la estoient: mais ilz ne peurent: parquoy ilz ardirét plusieurs villes en la Comté d'Eu, & s'en retournerent par Ponthieu: & aupres d'Abbeuille prindrét messire Hue de Chastillon, & plusieurs Cheualiers, Escuyers, & Bourgeoys de ladiete ville, qui estoient sailliz pour leur courir sus, & les enuoyerét prisonniers à Calais. Le vingt & deuxieme iour de Septèbre audict an mil trois cens soixante & neuf, madame Marguerite de Flandres, Duchesse de Bourgongne, entra à Paris, ou elle fut receue à grand hōneur du Roy & de la Roynie, & des gens d'Eglise, Nobles, & autres de tous Estatz. En ce tēps le Roy de Nauarre, qui longuement auoit demouré en Nauarre, vint par la mer, & descēdit à Constantin: & feit sçauoir au Roy qu'il viēdroit volūtiers à luy s'il luy plaisoit, mais il auoit à luy faire aucunes requestes, qu'il diroit volūtiers à aucuns de son Conseil auant sa venue: & par ce le Roy luy enuoya à Cherebourg, ou il estoit, le Comte de Sallebruche, le Doyen de Paris, maistre Jacques le Riche, & Pierre Blanchet: & estoient lesdictes requestes touchant les villes de Mante & Meulan, que le Roy de France tenoit en sa main: & pour celle cause feirent les Roynes Blanche & Iehanne plusieurs voyages deuers lesdictz Roys de France & de Nauarre: mais nōobstāt ces choses ledit Roy de Nauarre auoit tousiours ses messagiers deuers le Roy d'Angleterre: & disoit on communément que s'il eust trouuē bon appoinctement avec luy, il n'en eust point fait avec le Roy. En ce temps fut commencēe la Bastille à Paris, & assise la premiere pierre par Hugues Aubriot, lors Preuost de Paris, qui la feit faire des deniers du Roy. En ce mēse tēps fut fait le mariage de madame Iehanne de France, fille du feu Roy Philippe de Vallois, & de madame Blanche de Nauarre, sa femme, qui encores viuoit, à Iehan, filz ainsné du Roy d'Arragon, Duc de Girōne, & fut espousée par procuration: & tātost apres, ainsi qu'on la menoit en Arragon, elle mourut à Beziers en Languedoc.

Le bastimēt  
de la Bastil  
le à Paris.

*De la course de Robin Canolle, & autres Anglois: & comment messire Bertrand du Guesclin fut fait Connestable de France.*

L'an m. ccc.  
lxx.



Les Anglois  
se uēdrēt lo  
ger mesqes  
pres Paris.

De l'imposi  
tion q fut  
faicte sur  
les denrées  
marchā  
disēs en  
France.

Bertrand du  
Guesclin  
crēe Conne  
stable de  
France.

V moys de Iuillet mil ccc. lxx. Robin Canolle & messire Thomas Grācō, Anglois, accōpaignez de six mil hommes d'armes, & v. cens Archiers, partirent de Calais, & cheuaucherent vers S. Omer, & Arras, & ardirent les faulxbourgs, & les bledz du pays d'environ, qui encores estoient debout. Apres cheuaucherent vers Noyon, par Vermandois. Puis passerent les riuieres d'Aulbe & de Seine, passerent par Iigny, Nemours, Gastinois, & vindrent à Corbeil, & Essonne, & iusques deuant Paris, en bruslant & gastant tous les pays par ou ilz passoyent, qui ne se vouloyent rançonner, & ne furent point combatuz, sinon qu'aucuns de Paris saillirent sur eulx, & en tuerent pres de sept cens, car ilz furent aucuns iour logez par les villages d'entour Paris, & furent vn iour longuement en bataille entre Ville Iuifue & Paris, & coururent iusques à S. Marcel & S. Victor, & apres s'allerēt loger au pont d'Antoinis, au Bourg la Roynie, & illec environ. puis tirerent à Estāpes, & s'en retournerēt par la Beausse iusques en Aniou, tousiours faisant si rigoureux exploitz de guerre, qu'ennuoy seroit de les racompter. Item au moys d'Octobre audict an le pape Urbain, qui estoit allē es parties de Rōme, s'en retourna en Auignō, es gallées q le Roy luy auoit enuoyees par l'Abbē de Fescamp, & par vn Cheualier, nommé messire Iehan de Chambly. Item en ce tēps feit le Roy conuocation des Prelatz, Nobles, & bōnes villes de son royaume, pour auoir conseil & ayde sur le fait de sa guerre: & apres ses remonstrāces faictes luy fut octroyē vn ayde, c'est à sçauoir l'imposition de douze deniers pour liure de toutes denrées vendues, la gabelle du sel, & quatre francs pour feu es bōnes villes, & vn franc au plat pays, le quatrieme du vin vendu en broche, douze deniers Parisis pour queue de vin François, qui entroit à Paris, & vingt quatre solz pour queue de vin de Bourgongne. Le deuxieme iour dudit moys d'Octobre le Roy congnoissant les sens, vaillance & preud'hōmie de messire Bertrand du Guesclin, qui nouuellement estoit retournē de la guerre d'Espaigne de l'ayde du Roy Henry, le feit Connestable de France: lequel tantost apres s'en alla en Aniou, ou estoient les Anglois, que conduysoit Robin Canolle, & Thomas Grancon, & les combatit, & d'arriuee en tua bien six cens, & print ledit messire Thomas prisonnier. Puis alla à Vierzon en Berry, que tenoyent les Anglois, & print la placē, & en tua bien trois cens: & apres alla à Ruilly, mais les Anglois abandonnerent la place, & s'en fuyrent. Ledit Duc du Guesclin les suyuit iusques à Bressure en Poitou, & la les combatit, & y eut que de mors que de prins quatre cens hommes.

Le vij. iour de Ianuier mil trois cens lxx. ledit Roy achepta de messire Iehan de Chazons la Comté

la Comté d'Auxerre, le pris & somme de trente & vn mil francs d'or, qu'il en paya content, & la ioignit au demaine de la couronné de France, & ordonna que iamais n'en fust separée.

*De l'appointement du Roy de Nauarre: & comment messire Bertrand du Guesclin meit es mains du Roy le pays de Poitou, de Xainctonge, & aussi presque tout le pays de Bretaigne, par ce que le Duc s'en estoit allé en Angleterre.*

**A**V moys de Decembre audict an mil trois cés septante, trespassa le pape Urbain en L'an m.ccc. Auignon: au tēps duquel fut saincte Katherine de Seine, vierge de grande saincte-  
septante.  
té. Apres ledict Urbain fut esleu messire Pierre Roger, Cardinal François, qui estoit nepueu du feu pape Clement, & l'appeloit on le Cardinal de Beaufort, car il estoit filz du Comte de Beaufort en Vallée, & n'auoit que xl. ans, & par aucun temps ne voulut accepter la charge: mais finalement fut sacré aux Iacobins d'Auignon & nommé Gregoire, en la presence du Duc d'Aniou, frere du Roy, Lieutenant en Lâguedoc: lequel Duc ramena ledict Pape, depuis les Iacobins iusques au Palais d'Auignon, allât à pied, tenant la resne de son cheual. En ce tēps le Roy estant à Vierzon, enuoya messire Bertrand du Guesclin, son Connestable, plusieurs fois à Eureux, pour faire venir le Roy de Nauarre, son serourge, vers luy: leq̃l differa longuement sa venue, car il sçauoit bien qu'il n'estoit point en la grace du Roy, par ce qu'il auoit donné passage au Prince de Galles, quād il alla en Espagne, en l'ayde du Roy Pierre, & aussi attēdoit ses gens qu'il auoit enuoyez deuers le Roy d'Angleterre. Finalement le xxj. iour de Mars audict an, il vint, moyēnant que le Roy enuoya pour ostages le Duc de Berry, son frere, à Eureux: & feirent appointement, par leq̃l ledict Roy de Nauarre deuoit auoir les Baronnie de Montpellier & Homelaz, qui autresfois luy auoyēt esté promises: & ledict Roy de Nauarre feit hommage au Roy des terres qu'il tenoit de luy, dont le Roy & le peuple furēt tous ioyeux, car on doutoit qu'il ne se voulsist faire ennemy du Roy: & quād ledict Roy de Nauarre s'en partit, il laissa ses deux filz Charles & Pierre, avec le Roy, leur oncle, & s'en retourna en Nauarre. En ce tēps messire Jehan des Dormans, Cardinal, Euesque de Beauvais, Chancelier de France, rendit au Roy les seaulx, & remeit ledict office es mains du Roy, & fut maistre Guillaume des Dormans, son frere, par grand' deliberation fait Chancelier de France, & tint ledict messire Jehan des Dormans ledict office de Chancelier trois ans quatre moys, depuis qu'il fut fait Cardinal. En ceste saison le pape Gregoire, qui estoit en Auignō, enuoya & feit Legatz pour traicter la paix des François & Anglois, les Cardinaulx de Cantorbie & de Beauuais, & enuoya le pouoir audict Cardinal de Beauuais, qui estoit à Paris: lequel alla iusques à Meulanc, au deuant dudiect Cardinal de Cantorbie, & la furēt ensemble iiij. iours. Puis vindrent à Paris deuers le Roy, & luy dirent leur legation. Le Roy feit responce q̃ voluntiers entendroit à appointement, & ne tiendrait point à luy de sa part. Puis ledict Cardinal de Cātorbie s'en alla à Calais, ou le Roy le feit conuoyer, & passa en Angleterre, & ledict Cardinal de Beauuais demoura à Paris. Le xij. iour de Mars, mil trois cens lxxj. naquit à Paris messire Loys, second filz du Roy Charles. En ceste mesme saison les François recouurerēt plusieurs villes & places que tenoyēt les Anglois en Guyēne: & par especial la cité de Lymoges, & le pays de Lymosin. Tantost apres les liures des Turelupins furent bruslez à Paris, en la place de Greue, & leur religion condamnée, & du tout abolie. Au moys de Iuillet ensuyuant le Roy enuoya ledict du Guesclin, son Connestable, au pays de Poitou, ou il print plusieurs villes & places, & en diuers lieux desconfit grand nombre d'Anglois: & furent presque tous ceulx qui auoyent couru par le royaume avecques Robin Canolle, ou mors ou prins: & semblablement le nauire du Roy Henry d'Espagne vint pour secourir le Roy de France deuant la Rochelle: & d'adventure trouuerent en mer vingt & cinq grosses nefz Anglesches, lesquelles ilz combattirent & desconfirēt, & y mourut moult d'Anglois, & y en fut prins prisonniers plus de viij. mil, & entre autres le Côte de t̃ Pantbrot, & moult grād' finance ilz gaignerent. Assez tost apres mondiect seigneur le Connestable Bertrand, & monseigneur le Duc de Berry, allerent deuant Poitiers ou la ville se meit amyablement en l'obeyssance du Roy, & assaillirent le chastel qu'ilz prindrēt par force, & les Anglois qui estoient dedans: & tantost apres les François combattirent deuant Soubize le Captau de Buch, Lieutenant du Roy d'Angleterre, en Poitou & Xainctonge: & furent les Anglois descōfitz, & prins ledict Captau de Buch, & plusieurs Anglois. Lediect Captau de Buch fut amené prisonnier à Paris, & mis en la tour du Tēple, ou il mourut cinq ans apres. Lors se trouuerēt lesdictz Anglois moult foibles audict pays, & y estoient les François les plus fors: car les Ducz de Bourgogne & de Berry, freres du Roy, y estoient avec ledict Connestable, & plusieurs gens d'armes. Le sixieme iour de Septēbre mil trois cens septante deux, mesdictz seigneur les Ducz de Berry &

Des Dormans, Chancelier de France, rendit au Roy les seaulx.

L'an m.ccc. lxxi.

Des Turelupins, qui furent aboliz.

† Pennebroth. Erois

L'an m.ccc. lxxii.

Ceux de  
Poitou se  
redirent en  
l'obeyssance  
du Roy de  
France.

La pruden-  
ce du Roy  
Charles le  
Quint, qui  
faisoit tou-  
tes ses be-  
songnes par  
conseil.

de Bourgongne, allerent deuant la Rochelle, qui se meit en l'obeyssance du Roy, aussi feirent tantost apres en ce mesme moys ceulx d'Angoulesme, Xainctes, S. Iehan d'Angely, Touars, & presque toutes les autres villes & places dudit pays. Item, le iour de la saint Andry ensuyuant lesdictz Ducz de Berry, de Bourgongne, & le Connestable allerent deuant Touars à tout quatre mil hommes d'armes, laquelle ville estoit encores pour les Anglois, & illec attēdirent tout le iour: car parauant auoit esté traicté entre les gens du Roy de France, & les Nobles de Poitou, qui encores tenoyent le party du Roy d'Angleterre, q̄ si audict iour ilz se trouuoient deuant la ville, & Anglois ne les vinsent combattre, ilz se mettroient en l'obeyssance du Roy: mais nul ne vint pour ledict Roy Anglois. Si fut la ville baillée aux François, & se rendirent tous ceulx de Poitou: & feirēt lesdictz Nobles hommage audict Duc de Berry, auquel le Roy auoit donné la Comté de Poitou en heritage, & le pays de Xaintonge à vie, retenue la souueraineté: mais il demoura encores trois forteresses Angloisches: c'est à sçauoir Mortaigne, Lusignen & Gensay. Et est à noter que durant le siege, qui estoit deuant Touars, le Roy Anglois, qui estoit en Angleterre, se delibera de venir en persone secourir ladicte ville de Touars, & assemblea grand' nauire, & se meit sus mer pour passer avec iiii. mil lances & xj. mil archiers, mais ilz eurent vêt si cōtraire qu'ilz ne peurēt prendre terre en Frâce, parquoy il s'en retourna tout despitē, & dist telles parolles du roy Charles v. Il n'y eut oncquesmais Roy en France, qui moins s'armast que cestuy cy, qui ne bouge de son comptouer à escrire lettres, & si n'y eut onc Roy qui tāt me donnast à besongner qu'il fait. Enquoy on peut noter la bonne direction & conduicte dudit Roy Charles, qui faisoit toutes ses besongnes par conseil, & qu'es armes ne gist pas du tout la recourance des royaumes. En ce temps le Roy qui sentoit le Duc de Bretagne moult fauorable aux Anglois, & qui auoit espousé Iehanne, fille du Roy de Nauarre, contre son vouloir, enuoya par plusieurs fois deuers luy, dire qu'il feist son deuoir enuers luy, comme son vassal & hommage lige, & ne voulsist laisser entrer les Anglois en son pays, ne les fauoriser: lequel tousiours respondit qu'ainsi se feroit il, mais ce neantmoins dedans la feste de Pasques ensuyuant, iceluy Duc, en venant contre ses promesses, feit venir grand nombre d'Anglois en Bretagne, que les Nobles, ne ceulx dudit pays, ne voulurent receuoir: & luy dirent qu'ilz ne seroyent ia Anglois, & que le Roy de France estoit leur souuerain Seigneur: & requirent audict Duc qu'il voulsist faire vuyder lesdictz Anglois hors de Bretagne. Ce qu'il ne voulut faire: mais les meit en plusieurs villes, & places, & en mettoit hors les Bretons: lesquelz à ceste cause enuoyerēt deuers le Roy, leur souuerain Seigneur, luy requerir qu'il y meist remede: & par ce enuoya le Roy en Bretagne ledict messire Bertrād du Guesclin, son Cōnestable, le seigneur de Craon, le seigneur de Clisson, & autres: & quand le Duc sceut leur venue, il s'en partit, & s'en alla en Angleterre. Si cheuaucha ledict Connestable par par tout le pays de Bretagne, tant Galo comme Bretonnāt, & se rendirent à luy, Nobles, gēs d'Eglise, bonesvilles, & toutes les places dudit pays, excepté Brest, & Aulroy, & Derual. Si meit le siege deuāt Brest, & fut appoincté par ceulx, qui estoient dedans, q̄ filz n'estoyēt les plus fors deuant la place dedans vn iour qu'ilz nommerent, pendant lequel temps il enuoyèrent en Angleterre, ilz rendroyent la place: & de ce baillerent douze ostages, desquelz ledict Connestable eslargit les six sur leur foy: mais ce neantmoins au iour escheu, ilz ne furēt point cōbatus, & ne rendirent point la place: parquoy les ostages demourerēt audict Connestable.

*D'une course que feirent Anglois tout au trauers du royaume de France.*

L'an mil ccc.  
lxxii.

La ville de  
Roye brus-  
lée.



V moys de Iuillet l'an mil ccc. lxxiiij. Iehan, Duc de Lāclastre, filz du Roy d'Angleterre, & le Duc de Bretagne, qui s'en estoit fuy en Angleterre, descendirent à Calais, avec grand nombre de gēd'armes & d'archiers, & tirerent & cheuaucherent vers Hesdin, Dourlens, Corbie, ou ilz passerent la riuere de Somme, & allerent à Roye, & la seiournerent six iours dedās la ville: & pource qu'ilz ne peurent prēdre l'eglise, qui estoit forte, ilz bruslerent la ville à leur partement. Apres tirerent en Laonnois, & passerent la riuere d'Aisne, à Villy, & moult ardirent de villes. puis passerēt la riuere d'Aulbe, vers Gye, & trauerferent Champaigne, & les riuieres de Marne, Seine, Yonne, & Loyrē, vers Marcigny les Nōnains: & tousiours les François les cheuauchoyēt & costoyoyēt, & par tout ou ilz en trouuoeyēt ilz en tuoyent, puis s'en retirerent à Bordeaux, sans riens assaillir: car ilz estoeyēt tenus de si pres par le Duc de Bourgongne, & autres gens du Roy, qu'ilz n'auoyent ne viures n'habillemens, & auoyent tous perdus leurs cheuaulx, tellemēt qu'il y auoit plus de trois mil Cheualiers allans à pied, & tous deschirez. Et combien que la cheuauchée semblaist de prime face leur auoir esté bien honorable, toutesfois leur fut elle moult dommageable: car auant qu'ilz fussent à Bordeaux ilz se trouuerent si las, & si trauaillez, qu'il demouroit par tout de leurs



leurs gens & cheuaulx: & ceulx qui tiroient auant laissoient & abandonnoyēt leurs harnois & habillemens: & à la fin, quand ilz furent à Bordeaux, ilz ne se trouuerent que six mil hommes bien mal accoustrez, & ilz estoient partis bien trente mil: & apres ledictz Ducz de Lancastre, & de Bretagne s'en retournerent en Angleterre, avec ce peu de gens qui leur estoient demourez: & disoit on q de ladicte course le Roy d'Angleterre, son pere, & le Prince de Galles, son frere, n'en furent pas contens de luy, ne dudit Duc de Bretagne, pour la grand' perte de gens & biens qu'ilz y auoyēt eue: parquoy iceluy Duc de Bretagne partit, & s'en vint par mer à Bordeaux. puis s'en tira en Bretagne, ou il trouua encores ledictes trois forteresses qui tenoyent pour luy: c'est à sçauoir Derval, Brest, & Aulroy: & descendit premierement à Aulroy, ou estoit sa femme, qui estoit sœur du Roy de Navarre, & amena plusieurs Anglois: puis manda plusieurs du pays, pour venir parler à luy. Quand le Roy le sceut il y enuoya des gens d'armes, pour secourir le pays, cōbien que le Connestable, & le seigneur de Clifson y estoient. Le vingtième iour de May, iour de Pentecouste, mil trois cens lxxiiij. faillirent les trefues d'entre François & Anglois: & le vingt & vnième iour d'Aoust ensuyuant, la ville de la Reolle, sur Gironde, fut rendue au Duc d'Aniou, frere du Roy, apres ce qu'il y eut longuement tenu siege: mais le chastel ne luy fut pas rendu: & à ceste cause il y meit le siege, & fut appointé entre luy & les Anglois, qui estoient dedans, que si le Roy d'Angleterre ou l'un de ses filz n'estoyent deuant ladicte place, puissans pour combattre l'armée des François, au huyctieme iour de Septembre ensuyuant, iceulx Anglois rendroyent ladicte place au Duc d'Aniou: & pource qu'audit iour, ne ce pendant, ledictz Anglois ne comparurent point, elle luy fut livrée. En celuy an furent enuoyez par le Pape, l'Archeuesque de Rauenne, & l'Euesque de Carpentras, pour faire paix entre François & Anglois, & s'assemblerent à Bruges, ou estoient de par le Roy de France, le Duc de Bourgogne, son frere, l'Euesque d'Amiens, & plusieurs autres: & pour le Roy d'Angleterre le Duc de Lancastre, son filz, l'Euesque de Londres, & plusieurs autres. Les Anglois demandoient les souuerainetez & ressors des terres qu'ilz deuoyent auoir par le traité de paix: mais le Roy fut conseillé qu'il ne le pouoit faire, & seroit contre son sermēt & son hōneur, & au detrimēt de son ame (car il n'est qu'administrateur des biens de la couronne de France) & pour plusieurs autres raisons. Le xxvj. iour de May mil ccc. lxxv. ledit Roy Charles, le Quint, feit vne Loy & Edict, q les enfans de France ne seroyēt point couronnez Roys de Frâce, iusques à ce qu'ilz eussent l'aage de xiiij. ans accomplis: laquelle Loy ou Edict en la p'sence de l'aîné filz du Roy, des Ducz de Berry, & de Bourgogne, ses freres, & plusieurs Princes & Seigneurs, Clercs & gés de l'Vniuersité fut publiée & approuuée par les gés de la court de Parlemēt. Audit an m. ccc. lxxv. le iour de la Trinité, ledit Edouard, Prince de Galles, trespassa en Angleterre: & fut fait Prince Richard, son filz, qui estoit ieune enfant: & est à noter q parauant, quād le Roy d'Angleterre voulut partir pour venir en Frâce, secourir ceulx de Touars, il auoit esté appointé entre ledit Roy d'Angleterre & ledit Prince de Galles, son filz, q si l'aduenoit que ledit Roy mourust par deça auāt son retour, q ledit petit Richard, son filz, qui estoit ieune enfant, filz dudit Prince, seroit Roy d'Angleterre: nōobstāt q ledit Roy eust d'autres enfans: laquelle ordonnāce & appointemēt ledit Roy d'Angleterre feit cōfermer & iurer aux Duc de Lancastre, au Côte de Cātorbie, & à messire Thomas, Côte de Bouleigny, ses enfans, & aux Barōs d'Angleterre. Quād le Roy de Frâce sceut le trespas dudit Prince de Galles, il feit faire vn hōnorable obsequie pour l'ame de luy, en la sainte Chapelle du Palais de Paris. En ce tēps plusieurs villes & places, tāt en Poitou, qu'en Normādie, se reduyrēt es mains du Roy, par la poursuyte & diligēce dudit messire Bertrād du Guesclin, Connestable, qui estoit en Poitou, & de messire Pierre de Viēne, Admiral, qui estoit en Normādie: & lors retournerēt de Flandres monseigneur le Duc de Bourgogne, frere du Roy, & plusieurs Conseillers, qui estoient allez à Bruges, pour ledit traité de paix, ou ilz feirēt peu, fors qu'ilz prindrent terme sus esperance d'appointement, iusques à la Toussainctz ensuyuant: auquel iour monseigneur le Duc d'Aniou, & ledit Duc de Bourgogne, freres du Roy, & plusieurs autres, retournerēt & allerēt à S. Omer: & pour le Roy d'Angleterre vindrent à Bruges le Duc de Lancastre, & messire Aymond, Comte de Cantorbie, enfans dudit Roy d'Angleterre, & plusieurs autres. Puis allerent ceulx du party du Roy de Frâce à Bruges, par le moyen des Archeuesques de Rauēne & de Rouen, qui parauant estoit Euesque de Carpentras (lesqz estoient la enuoyez de par le Pape, pour traiter ladicte paix) auquel lieu ledictz freres du Roy de Frâce, de son cōmandemēt feirēt pour l'hōneur de Dieu & de la reuerēce du Pape, qui là auoit enuoyé, & pour cōpassiō du peuple, & euter à l'effusiō du sang humain, au Roy d'Angleterre de grāds offres de plusieurs terres & seigneuries & de grās sommes d'argēt, mais tousiours reseruoyēt la souuerainete: car ilz auoyēt mise la chose en deliberation, & ne trouuerēt par conseil qu'il peust trāsporter la souuerainete: lesquelles choses

De trēte mil Anglois qui estoient descendus en Frâce ne s'en retournera au pays que six mil.

L'an mil ccc. lxxiiij.

Le Roy n'est qu'administrateur des biens de la couronne de France.

Mort du Prince de Galles

Autres disent Cantorbie & voient au lieu de Bouleigny & le uieil exemplaire mesme.

*l'an m.ccc.  
lxxvii.  
De Richard  
q fut fait  
Roy d'An-  
gleterre, cō-  
bien qu'il  
fust bastard*

les Anglois ne voulurent accepter, & dirent qu'ilz le rapporteroient à leur Roy, & en feroient responce à Bruges, au moys d'Aoust ensuyuant, à ceulx que le Roy de France enuoyeroi pour celle cause, & furent les trefues prolongées de terme en terme, iusques à la saint Iehan mil trois cens septante & sept: & s'en retournerent les François en France, & les Anglois en Angleterre. Et la veille de ladicte feste saint Iehan, audict an mil trois cens septante sept, trespassa ledict Edouard, Roy d'Angleterre, & luy succeda Richard, filz du feu Prince de Galles, qui estoit mort en l'an mil trois cens septante & cinq, auant ledict Roy Edouard, son pere, combien qu'iceluy Edouard eust trois autres filz: c'est à sçauoir Iehan, Duc de Lancastre, Aymond, Comte de Cantorbie, & messire Thomas: dont moult de gens furent esbahis: car la mere dudit petit Richard auoit esté premierement mariée au Comte de Sallebery, & auoit esté cinq ans en sa compaignie: & apres elle maintint qu'un Cheualier, appelé messire Thomas de Hollande, l'auoit fiancée auant que ledict Comte de Sallebery l'espousast, & l'auoit congneue charnellement: & pource ledict Comte de Sallebery la laissa, & ledict messire Thomas de Hollande l'espousa, avec lequel elle fut longuement, & en eut plusieurs enfans: & apres la mort dudit messire Thomas, ledict Prince de Galles, aîné filz du Roy d'Angleterre, l'espousa, viuant encores ledict Comte de Sallebery, son premier mary: & de ce mariage naquît ledict Richard, qui fut fait Roy.

*Comment le Roy eut cinq grandes armées en un mesme temps sur les champs.*



E. Duc d'Aniou, frere du Roy, & ledict du Guesclin, Cōestable, allerēt en Guyēne à grand' puissance de gens d'armes: & si y auoit grand nombre de nauires sur mer, dont il y auoit trentecinq gallées, & foison de barques, & autres vaisseaulx moult biē armez & auitaillez: & par toutes les frontieres de Picardie auoit grād' garnison qui tenoyent les fortes places: & en estoit chef monseigneur Philippe, Duc de Bourgōgne. Avec ce auoit grands armées qui tenoyēt siege deuant Brest & Aulroy, deux fortes places de Bretaigne, qui tenoyēt pour messire Iehan de Montfort, Duc de Bretaigne. Oultre ce mōseigneur le Duc de Berry, frere du Roy, tenoit siege deuant Darlat en Quercy, que tenoyent ceulx des compaignies de la partie des Anglois: & ainsi auoit le Roy en vne meisme saison cinq grādes & puissantes armées sur les chāps, ou auoit grand nōbre de Ducz, Comtes, Princes, Cheualiers, Escuyers, & autres grands personages: & n'est pas de memoire que iamais gens feissent si grands exploitz de guerre, que faisoient lesdictz gens de guerre François. Car premieremēt au moys d'Aoust, mondict seigneur le Duc d'Aniou, frere du Roy, & en sa cōpaignie le Cōestable, le Mareschal de Sacerre, le seigneur de Coucy, les seigneurs de Montfort, de la Hunaudaye, de Roze, de Mōtauban, de Rochefort, de Manny, le Begue de Villaines, le seigneur de Chasteauguion, & autres plusieurs iusques à seize cens lances, allerēt loger à Nanton, qu'ilz prindrent, & semblablement Condac, les Bernardiers, Bordeilles, ou tindrēt siege quatre iours: & la vint en ladicte cōpaignie messire Iehan de Bueil, Seneschal de Toulouse, Lieutenant du Duc d'Aniou, es parties de Rouergue, Quercy, Agenay, Bigorre, Bazades, & amena cinq cens hommes d'armes, & deux cens Arbalestriers: & de la partirent pour aller deuant Bergerat: & pour plus tost la prédre & dommager mondict seigneur d'Aniou enuoya ledict de Bueil à la Reolle, pour querir l'artillerie qui y estoit. Quand le Seneschal de Bordeaux le sceut, il assembla plusieurs Anglois, & se meit entre la Reolle & Bergerat, pour garder qu'ilz ne retournassent. Quand le Duc d'Aniou le sceut il feit par messire Pierre de Bueil prendre trois ou quatre cens hommes d'armes, pour aller secourir ledict messire Iehan de Bueil, son frere: si alla avec luy le Begue de Villaines, le Mareschal de Sacerre, & autres: & cheuaucherent iusques apres † d'Aymet, ou ilz trouuerent ledict Seneschal de Bordeaux, & plusieurs seigneurs de Guyenne, pour le Roy d'Angleterre, & se combatarēt moult asprement. A la parfin par la grace de Dieu furēt Anglois desconfitz, & y furent prins ledict Seneschal de Bordeaux, les Seigneurs de Lāgoissan, de Mussidan, de Duras, de Rozan, & plusieurs autres: & les autres furent tuez & mis en fuyte, & s'en noya plusieurs à la riuere du Dort. Apres ce, messire Verdune d'Albret se meit luy & ses places en l'obeissance du Roy de France: puis prindrent les François Bergerat, Aymet, Castillon, Liborne, saint Million, Sauueterre, Montsegne, Cadoyn, saint Macaire, Langon, Strandas, Duras, & autres plusieurs places iusques au nombre de six vingtz quatorze fortresses. Durant cetēps que mondict seigneur d'Aniou estoit deuant Liborne, furent amenez deuers luy les Seigneurs de Langoissan, de Messidan, de Duras, & de Rozan, qui feirent sermēt d'estre désormais bons & loyaux au Roy de France: mais tātost apres lesdictz Seigneurs de Duras & de Rozan se pariurerent, & se tournerent vers les Anglois, & s'en allerent à Bordeaux: & apres que les François eurent mis

*Du Roy de  
France, qui  
en une mes-  
me saison  
auoit cinq  
grādes &  
puissantes  
armées sur  
les champs*

*† Croni. de  
Fran. disent  
d'Aymac.*

*Anglois des-  
confitz de-  
uant Berge-  
rat, par les  
Francoys.*

eurent mis bonnes garnisons es forterefles, ilz s'en retournerent en France, pour la saison d'yuer. En ce mesme temps, c'est à sçauoir le iour de la my Aoust, ceulx qui tenoyent le chasteau d'Aulroy, en Bretagne, se rendirent es mains du Seigneur de Clichon, pour le Roy de France, & s'en allerent en Angleterre: & ainsi demoura toute la Duché de Bretagne es mains du Roy de France, reserué le chasteau de Brest, deuant lequel on feit vne Bastille, tellement que ceulx de dedans ne pouoyent saillir. Semblablement le Duc de Bourgongne, avec plusieurs des gens du Roy, feit vne course deuant Calais, & illec enuiron, & print la ville d'Ardre, & plusieurs places que tenoyent les Anglois, & puis s'en retourna. Aussi le nauire du Roy de France feit vne course en Angleterre, ou ilz prindrent & pillerent aucunes villes & villages, & en rapporterent moult de biens. Audict moys d'Aoust deuoient retourner les Ambassadeurs d'Angleterre à Bruges, pour faire leurs respōces, mais ilz n'y vindrēt point, dont il ne chalongua au Roy. L'an mil trois cens septante huyt, le Roy acquist de monseigneur de Bourbon la Seigneurie de Creil, sur la riuere d'Ayse: & luy en bailla en contr'eschange la Seigneurie de Chasteauchinon.

*La Seigneurie de Creil sur Ayse, acquise par le Roy.*

*Comment l'Empereur & le Roy des Rommains, son filz, vindrent veoir le Roy Charles à Paris.*

**E**N l'an mil trois cens septante huyt Charles, Empereur de Romme, oncle dudit Roy Charles, luy escriuit vnes lettres par lesquelles il luy madoit qu'il auoit desir de venir en France le veoir, & accomplir aucuns voyages & pelerinages, ou il auoit deuotion, & qu'avec luy ameneroit le Roy des Rommains, son filz, dont le Roy fut moult ioyeux: & quand il sceut qu'il approchoit il enuoya plusieurs Seigneurs & honorables personnes au deuant de luy iusques à Cābray, ou ceulx de la ville le receurēt moult honorablement (car c'est ville d'Empire) & la feit la feste de Noel: car l'Empereur a de coustume de dire vne leçon à matines, habillé de ses habitz, & faire autres grands cerimonies. Puis vint & tira vers Paris, & passa par saint Quentin, à Han, à Noyon, à Compiègne: & par tout ceulx des villes, du cōmandement du Roy, le receurēt, & allerēt au deuant honorablement, & en grand reuerence, & luy dirent qu'il fust le tresbien venu en la ville du Roy, & par tout luy feit on de beaulx presens: toutesfois à l'entrée des villes on ne sonna point les cloches, ny ne porta l'on poit de poiss, & autres choses qu'on a accoustumé faire à la personne du Roy de France, iusques audict lieu de Cōpiègne, la ou le Roy enuoya à l'encontre dudit Empereur le Duc de Bourbon, frere de la Royne, le Comte d'Eu, son cousin, l'Euesque de Beauuais, l'Euesque de Paris, & plusieurs Barons, Cheualiers, & grands personages iusques à trois cens cheualx, & tous leurs gens habillez de liurée, c'est à sçauoir chaperons mypartis de blanc & de bleu: & luy feirent la reuerence, & luy dirent que bien fust il venu, & q le Roy les auoit la enuoyez pour l'accompagner, & estoit le Roy moult ioyeux de sa venue: & là ledict Duc de Bourbon festoya au soupper le Roy des Rommains, filz de l'Empereur, & les Cheualiers qui estoient venus avec eulx, & tous autres qui y voulurent aller. Et dist ledict Empereur qu'il fust allé soupper sans semondre si ne fust esté vne goutte qui luy estoit prise en la jambe, dont il ne se pouoit soustenir: & furent la assemblées les Dames & Damoyelles de la ville & des enuiron. Le lendemain s'en vindrent au giste à Senlis: & la vindrent au deuant pour l'accompagner à l'entrée de ladicte ville les Ducz de Berry, & de Bourgongne, freres du Roy, le Cōte de Harecourt, l'Archeuesque de Sēs, l'Euesque de Laon, & plusieurs Seigneurs, Cheualiers & Escuyers: & le lendemain, qui estoit iour de Samedy, vindrent à Loupres au giste: & là pource que le Roy sceut la maladie de goutte dudit Empereur, au moyen de laquelle il ne pouoit bonnement cheuaucher, il luy enuoya vn chariot tout doré de fin or, richement appareillé & attelé de beaulx grāds cheualx tous blācs. Aussi luy enuoya la liètiere de mōseigneur le Dauphin, son filz, richement aornée & attelée de deux grosses mulles, affin qu'il vît plus aise: dont ledict Empereur fut ioyeux, & mercia moult le Roy, & monta en ladicte liètiere, & vint dedans iusques à saint Denis: & là luy allerent au deuant les Archeuesques de Rouen, Sens, Reims, & les Euesques de Laon, Beauuais, Paris, & autres plusieurs iusques à vingt ou enuiron, qui dirent audict Empereur que le Roy les auoit là enuoyez pour l'accompagner & honorer: & ainsi vint à saint Denis: & pource qu'il ne pouoit aller pour sa goutte fut portée sa liètiere à bras iusques deuant le grand autel, ou il feit sa priere: & luy furēt mōstrées les reliques & thresors, & voulut veoir les sepultures des Roys. puis fut mené en sa chambre, & luy feit l'Abbé de saint Denis de grands presens de viures.

*Du beau & riche chariot que le Roy enuoya à l'Empereur estāt à Loupres en Paris.*

*De l'entrée de l'Empereur & de son filz, Roy des Rommains, en la ville de Paris.*



Le Lundy ensuyuant, quatrieme iour de Ianuier, ledict Empereur se leua bien matin, & ainsi qu'il estoit aux fenestres de sa chambre vindrent emmy la court messire Bureau de la Riuiere, premier Châbellan, & le grâd Escuyer du Roy de France, & amenerent deux moult beaulx destriers richement habillez & couuers des armes de France: lesquelz ilz presenterent, l'un audict Empereur, l'autre au Roy des Rommains, son filz: dôt il mercia le Roy, & dist qu'il monteroit dessus, & les enuoya deuant iusques au villages de la Chapelle, ou il alla en sa liètiere: & la vindrēt eulx presenter deuant l'Empereur, le Preuost de Paris, le Cheualier du Guet, & leurs Sergēs, habillez de liurée; le Preuost des Marchans, les Escheuins, & grand nombre de Bourgeois de Paris, & plusieurs autres tous vestuz de robbes mypartis de blanc & de violet. Quand ledict Empereur fut à la Chapelle, & q̄ ceulx qui estoient venuz au deuant de luy, luy eurent fait la reuerence, il descendit de sa liètiere, & mōta sur le cheual que le Roy luy auoit enuoyé, & aussi feit le Roy des Rōmains: & à celle heure le Roy se partit de son Palays, & en sa cōpaignie son filz aîné, Daulphī de France, les Ducz de Bourgōgne, de Berry, de Bourbon & de Bar, les Comtes de Sallebruche, de Tâcaruille, Sancerre, Dâpmartin, Porcian, grand Pré, de Fiēnes, de Bloys, & plusieurs autres grâds Seigneurs: & estoient les gens & Officiers du Roy, & des Princes, tous habillez de liurées de leurs maistres: & alla le Roy iusques hors la ville, & rencontra l'Empereur & son filz entre en la Chapelle & le moulin à vent, ou ilz feirent grand' reuerence l'un à l'autre. puis se meirent en voye, & feit le Roy mettre l'Empereur à sa dextre (cōbien que ledict Empereur le refusast longuement) & puis le Roy des Rōmains à sa fenestre: & ainsi cheuaucherent iusques au Palais en moult grand triumphe. Le lendemain le Roy les festoya, & tint table rōde en la plus grande magnificence & planté de viandes, & autres choses qu'on veit oncques: & les autres iours les mena & festoya au boys de Vincennes, à Beaulté, & ailleurs. puis leur feit le Roy monstrier par Gillet Mallet, son varlet de chambre, ses couronnes & ioyaulx, & en donna plusieurs audict Empereur, & à son filz, & aux Seigneurs qui estoient avec eulx. Ledit Empereur feit plusieurs dons de ioyaulx & autres choses à mōseigneur le Daulphin, filz du Roy, & le feit Vicair de l'Empire irreuocable, sa vie durant, & luy donna les chasteaulx de Pompes & Chamaulx au Daulphiné, & luy en bailla ses lettres seellées en seau d'or. Quand l'Empereur & son filz eurent esté vn temps à Paris, il s'en allerent, & les feit le Roy conuoyer iusques à Moson, hors le royaume, moult honnorablement, & à ses despens. Le leudy, quatrieme de Feurier, audict an mil trois cens septante & t̄ huyt, madame Iehan de Bourbō, femme du Roy, en l'hostel de saint Paul à Paris acoucha d'une fille, qui fut nommée Marie: & le sixieme iour dudit mois icelle Roïne trespassa, dôt fut fait grâd dueil: car c'estoit vne moult bonne Dame. Ses obseques & funerailles furent faictes moult honnorablement, & fut portée enterrer à saint Denis en France. En iceluy mois de Feurier se remeirent sus les deputez ou commis à faire la paix d'entre les Roys de France & d'Angleterre, par le moyen desdictz Archeuesque de Rauēne & de Rouen, Legatz du Pape, & enuoyerent lesdictz deux Roys leurs messages à Bruges, ou ilz furēt longuement. Le vingthuyetieme iour de Mars ensuyuant trespassa le Pape Gregoire à Rōme, & fut esleu par aucuns des Cardinaulx, qui estoient à Rōme, Barthelemy, Archeuesque de Bar, & fut appelé Urbain: sur laquelle election eut grâd' controuerſie, & s'en partirent les Cardinaulx de Romme, combien que ledict Archeuesque de Bar eust esté couronné & appelé Urbain: & feirent ladicte electiō pour la craincte des Rommains & sans appeler les six Cardinaulx qui estoient en Auignon, lesquelz n'estoyent voulu aller à Romme: & depuis fut ladicte electiō cassée, & fut esleu vn Cardinal, appelé monseigneur de Geneure, & fut nommé Clement septieme, & se declaira le Roy de sa partie, & qu'il le tenoit à vray Pape.

Le Roy Charles le Quint alla au deuant de l'Empereur & de son filz, hors Paris, vers la Chapelle.

Le Daulphin de France fut fait Vicair de l'Empire.

t̄ al. sept, cōe dessus, & mieulx ce me semble.

Urbain Pape

*Comment le Roy de Nauarre voulut faire empoisonner le Roy.*



En ce temps le Roy fut aduertty, par plusieurs grands Princes & Seigneurs de son sang, que le Roy de Nauarre auoit machiné de le faire empoisonner, par vn nommé Jaquet Rue, son Chambellan: lequel fut prins prisonnier, & confessa ledict cas & plusieurs autres: & semblablement pour ledict cas & autres, fut prins maistre Pierre du Terre, Secretaire dudit Roy de Nauarre, & furent condānez par le Parlement à estre trainez iusques aux halles, & auoir les testes & les quatre membres coppez. En celle mesme saison Charles, aîné filz du Roy de Nauarre, qui longuement auoit esté en Nauarre, avec son pere, vint en France, & par fauscōduyt vint à Senlis deuers le Roy, qui luy feit remonstrier en la presence de plusieurs Princes & Seigneurs, gens de son conseil, les grands



les grands brouillis & maux q̄ le Roy de Nauarre son pere auoit faictz en France, tant du tēps du feu Roy Ichā, son pere, que depuis: parquoy le Roy deliberoit de faire mettre en sa main les places qu'il tenoit en Normandie, & de faict y enuoya le Duc de Bourgogne, son frere, qui toutes les print, & dedans la Tour de Bertueil fut prins messire Pierre de Nauarre, & sa sœur: lesquelz le Roy feit mener dedans la Tour de Bernay, & commanda qu'on les pensast tresbiē; comme ceulx qui estoient son nepueu, & sa niepce: mais il les feit tenir en seure garde. Apres ce que ledict Duc de Bourgogne eut prins & mis toutes les places du Roy de Nauarre en l'obeissance du Roy, les vnes par force, les autres par composition, le Roy fut conseillé, pour obuier pour l'aduenir à semblables inconueniēts, qui en estoient aduenus parauāt, p̄ la malice du dict Roy de Nauarre, de les faire abatre: & feit desmolir les chasteaulx de Bertueil, Breual, Orbec, Beaumont le Roger, Vacy, Amiet: & abbattir les clostures des villes, la Tour, & chasteau de Nogēt le Roy, les chasteaulx d'Eureux, le Pontcaudemer, Mortaigne, Gauray, & plusieurs autres en Constantin: mais le chasteau de Cherebourg demoura entier, par ce que les Nauarrois, qui estoient dedans, ne le voulurent bailler: mais firent venir dedans plusieurs Anglois: lesquelz Anglois, quand ilz furent dedans, & qu'ilz se veirent les plus fors, enchasserent lesdictz Nauarrois. Au moys de Nouembre audict an mil.ccc.lxxviij. trepassa ledict Charles, Empereur de Romme, & Roy de Boesme, oncle du Roy de par sa mere: lequel & son filz auoyent esté en France: & fut par les Electeurs de l'Empire esleu fonsdict filz: lequel de son vivant il auoit pourchacé de le faire Roy des Romains: & disoit lon qu'il tenoit le party de Barthelemy, appelé Pape Urbain, nouuellement esleu: aussi faisoit le Roy de Hongrie: & pareillement les Flamens dirent qu'ilz ne tiendroyent point à Pape ledict Urbain, iusques à ce qu'ilz fussent plus amplement informez: & feit ledict Barthelemy à Rōme trente Cardinaulx.

*Les fortresses du Roy de Nauarre furent abbatues et demolies.*

*L'Empereur de Romme trespassa tātost apres son retour de France.*

*De l' Arrest donné contre messire Iehan de Montfort, Duc de Bretagne.*

**E**N ce temps pour les grands maux & felonniez que messire de Iehan de Montfort; soy portāt Duc de Bretagne, auoit commis contre le Roy & le royaume, en fauorisant les Anglois, & cheuauché à trauers du royaume, avec ledict Duc de Lancastre, & autres ennemys, faisant guerre au Roy, & au royaume, boutant feux, tuant hommes, raiuisant femmes & filles, il fut adiourné par diuerses fois, à comparoir personnellement en Parlement, ou il comparut point: & pource fut il dict par le Roy, seant en son Parlement, garny des Pers de France, & de plusieurs Ducz, Comtes, Archeuesques, Euesques, grands & notables Conseillers, que ledict de Montfort auoit commis crime de leze maieité, & felonnie enuers le Roy, son souuerain Seigneur: & par ce priué de tous droictz, honneurs, dignitez & noblesse de Parrye, & son corps ensemble tous ses biens, terres & seigneuries estans au royaume, tant en la Duché de Bretagne, comme autres, confisquez. Tantost apres le Roy feit venir de Bretagne, le Seigneur de Laual, messire Bertrand du Guesclin, Connestable, le Seigneur de Clichon, le Seigneur de Rohan, & plusieurs autres Barons de Bretagne: & en son Palais, presens plusieurs Princes, Seigneurs, & gens de Conseil, leur remontra les grands maux & felonniez dudit de Montfort, & l' Arrest qui auoit esté donné contre luy, leur requerant qu'ilz voulussent tenir la main, & luy ayder à faire mettre les places en son obeissance. ce qu'ilz promirent & iurerent faire: & par ce leur octroya plusieurs requestes qu'ilz luy firent, tāt pour eulx que pour ledict pays de Bretagne, & autres. puis s'en retournerent: mais ce neantmoins ledict Seigneur de Rohan, & plusieurs autres, en venant contre leurs foy & promesse, enuoyerēt en Angleterre querir ledict de Montfort, qui vint incontinent avec grand nombre d'Anglois, & prindrent plusieurs places, que les gens du Roy tenoyent. Si enuoya incontinent le Roy monseigneur d'Aniou, son frere, par deuers lequel ledict Rohan & ses adherens, pour cōtreattendre la venue dudit de Montfort & des Anglois, enuoyerent, faignant de faire l'apoinctement.

*La Duché de Bretagne fut confisquée au Roy, par la felonnie & forfait de Iehan de Montfort.*

Audict an mil trois cens septante & huyt, au moys d'Octobre, ceulx de Gand seismeurēt contre le Comte de Flandres, leur Seigneur, pour aucuns excès que les gens dudit Comte leur auoyent faictz: & tuerēt le Baillif de Gand, & autres ses Officiers, & firent esleuer grād' partie de ceulx des villes & pays de Flandres, & firent forte guerre audict Comte: parquoy monseigneur Philippe, Duc de Bourgogne, frere du Roy, qui auoit espousé la fille d'iceluy Comte, y alla, & les appoincta. Item en ce temps le Comte de saint Paul, qui auoit esté longuement en Angleterre, vint en Flandres, & fut le Roy aduertty qu'il auoit promis aux Anglois leur bailler ses places, pour faire guerre au Roy: si feit le Roy saisir seldictes places: & quand ledict Comte veit que son cas estoit descouvert, il s'en retourna en Angleterre, & espouza la sœur du Roy d'Angleterre, de par sa mere. Item les Anglois meirent grand' armée

*Ceulx de Gand s'esleuerent contre le Comte de Flandres, leur seigneur.*

sus mer, pour passer en Bretaigne: mais ilz eurent si grād' fortune qu'il perit plusieurs de leurs nauires, & bien six cens hommes d'armes, & les autres s'en retournerent en Angleterre.

*De la rebellion que firent ceulx de Montpellier, & de la griesue punition qui en fut faicte.*

L'ā mil ccc.  
lxxviii.



*De lesmotio  
de ceulx de  
Mōrpellier  
cōtre le Roy  
& ses gou-  
uerneurs.*

V moys d'Octobre audiēt an mil.ccc.lxxviii. pour ce qu'on demandoit vn ayde, pour le faict de la guerre, à ceulx de Montpellier, ilz se rebellerent contre les Officiers du Roy, & contre ceulx de monseigneur le Duc d'Aniou, son frere, Gouverneur & Lieutenāt en Languedoc: & y eut si grand' esmotion de peuple qu'ilz tuerent messire Jaques Pointel, Cheualier, Chancelier dudiēt Duc d'Aniou, messire Guy de Scery, Seneschal de Rouergue, Arnault de Laur, gouverneur de Montpellier, & plusieurs autres Officiers, tant du Roy que dudiēt Duc d'Aniou, iusques au nōbre de quatre vingtz personnes, & puis getterent leurs corps dedans les puis: lequel quād il en fut aduertty, en fut moult courroucé. Si y alla hastiement, & entra en ladiēte ville avec grand' compaignie de gens d'armes & Archiers, & au deuant de luy allerent tous les Officiers du Roy, qui estoient en ladiēte ville, le Cardinal de la Lune, tous les colleges Mendians, & autres eglises en processio, l'Vniuersité, & plusieurs autres: & par les lieux où lediēt Duc deuoit passer estoit tout le peuple de la ville à genoulx, nudz testes, crians misericorde. Apres estoient les Cōsulz de ladiēte ville, chacun vn licol au col, & apportoyent au deuant dudiēt Duc les clefz de ladiēte ville, & toutes les femmes en piteux habitz, crians misericorde. Lors lediēt Cardinal se meit à pied, & requist au Duc pour ceulx de ladiēte ville misericorde & grace. Lediēt Duc entra en la ville: puis manda des Officiers du Consulat, & fait apporter deuers luy tous les harnoys & bastons qui estoient en icelle ville: & le lendemain lediēt Duc monta sur vn eschauffault, en vne des places de ladiēte ville, & dōna vne sentence, par laquelle il declaira que ceulx de ladiēte ville auoyēt perdu leur Vniuersité, leur Consulat, maisons, arches communes, scel, cloches, & toute la iurisdiction, qu'ilz auoyent: & les condamna enuers le Roy & luy, en vj. vingt mil francz d'or, & en ses despens: & qu'il en y auroit six cens hommes Seculiers faictz mourir: c'est à sçauoir deux cens decapitez, deux cens pendus, & deux cens bruslez, leurs enfans infames à perpetuelle seruitude, & tous leurs biens confisquezz, & tous leurs harnoys & armeures bruslez: tous les biens desdiētz six cens confisquezz, & la moytiē desdiētz biens de tous les autres habitans: les Consulz & plus notables de ladiēte ville condampnez à tirer les mors des puyz, ou ilz auoyēt esté iettez, & que l'Vniuersité fonderoit vne eglise, ou il y auroit six chapelles, de chacune soixāte liures, & la seroit mis la cloche dont on sonna le toquesain, & seroyent abbatuz les murs & portaulx de ladiēte ville. Mais apres ce, à l'intercession du Cardinal & d'autres Prelatz, qui la furent enuoyez de par le Pape estant en Auignon, fut ladiēte sentence moderée à six vingt mil francz, & de l'execution desdiētz six cens condamnez, & aussi que les murs & portaulx ne seroyent point abatz, & si leur rendir leur Consulat & l'Vniuersité. Item, le trezieme iour de Feurier, mil.ccc.lxxix. le Roy estant au boys de Vincennes, le Duc de Iuilliers vint deuers luy, & luy fait hommage lige de sa Duché: auquel le Roy le receut.

L'ā mil ccc.  
lxxix.

*De la mort de messire Bertrand du Guesclin, Connestable de France.*

L'ā mil ccc.  
liii.xx.



Nuiron Pasques de l'année commençant mil.ccc.liii.xx. ceulx de Languedoc enuoyerent deuers le Roy, luy supplier qu'il leur enuoyast vn Capitaine de par luy pour les deffendre contre les gens d'armes des cōpaignies, qui gastoyent le pays: & pour ceste cause oūroyerent vne grande ayde au Roy, qui leur enuoya pour estre leur Capitaine lediēt messire Bertrand du Guesclin, Connestable de France: lequel en y allant meit le siege deuant vne place, appelée le chastel de Rençon, & tant assailit ceulx de dedans, qu'ilz furent sur le point de rendre la place: & aduint qu'vne griesue maladie print audiēt Connestable, tellement qu'il mourut. Mais ce neantmoins le iour de son trespas (qui fut le trezieme iour de Iuillet) ceulx de ladiēte place se rendirent, & furent les clefz apportées & mises sur le cercueil ou estoit le corps dudiēt Connestable: de la mort duquel fut moult grand dommage: car c'estoit vn moult bon & vaillant Cheualier, qui auoit aymé & seruy le Roy & le royaume, plus que Cheualier qui fust en son temps: & pour les grands biēs & vertuz que le Roy son maistre auoit congnees en sa personne, il fait apporter & enterrer son corps en l'eglise saint Denis en France, en la Chapelle ou il auoit esleu sa sepulture.

D'vne descen-

*D'une descente d'Anglois, qui traueserent de Calais iusques en Bretagne, au trauers du royaume, sans estre combatus: & de la mort du Roy Charles, le Quint.*



Vdiēt moys de Iuillet, mil.ccc.iiij.xx. messire Thomas, filz de feu Edouard, Roy d'Angleterre, avec six mil Anglois en sa compaignie, descēdit à Calais, & feit vne course tout au trauers du royaume, comme autresfois auoit esté fait par le Duc de Lancastre, & messire Jehan de Montfort, Duc de Bretagne: & vindrēt passer la riuere de Somme à Clery, pres Peronne, & tirerent vers Soissons, & passerent les riuieres d'Aise, & d'Aisne, & de la vers Chaalons, & passerent Marne, & à Plaucy passerēt Aulbe, & allerēt deuāt Troyes: & de la entre Villeneufue & Sēs passerēt Seine, & cheuauchierent par Gastinois & Beauffe, & allerent à Bonneual, & par tout mettoient feu, & prindrent & emmenerēt plusieurs bons & riches prisonniers, tant nobles qu'autres: & tāt cheuaucherēt faisans tous exploitz de guerre, que sans estre combatus ilz allerent iusques en Bretagne, ou lediēt messire Jehan de Montfort, qui la estoit, les receut. En ceste saison furēt pourparlez plusieurs fois de traicter paix entre les gens du Roy, lediēt de Montfort, & les Bretons, & aucunesfois par le moyē du Côte de Flādrès, & autresfois par le moyē du Seigneur de Clisson: mais riēs n'y fut cōclud. En celle saison les Gantois & les Flamēs, de leur alliance, fesseuerēt contre leur Côte, & y alla le Duc de Bourgongne son gendre, pour en cuyder faire l'appoinctement: mais il ne peut. Si eurent plusieurs rencōtres, en toutes lesquelles lediēt Comte eut tousiours victoire, & les feit venir à mercy, & plusieurs en feit decapiter, les autres condamner en grandes amendes. Au moys de Septembre, l'an mil.ccc.iiij.xx. print vne grieve maladie audiēt Roy Charles le Quint: & ainsi qu'on veit qu'elle s'aggrauoit, & que Medecins n'y pouoyent donner remede, furent mandez ses freres, le Duc d'Aniou, de Berry, & de Bourgongne, & aussi le Duc de Bourbon, frere de la feue Roynē sa femme, lesquels estoient sur les frontieres des ennemys, occupez à la deffence du royaume, ou ilz commencerent des gēs à la garde des places, chacun en son esgard au mieulx qu'ilz peurent, auant leur partemēt. Finalement par la volūte de Dieu lediēt Roy Charles, apres qu'il eut disposē moult grandement & sagement du salut de son ame, des faitz & affaires du royaume, fait son testament, & ordonné les executeurs aucuns grands & notables personnes, le seizieme iour de Septembre audiēt an, mil trois cens quatre vingtz, au Chastel de Beaultré, pres le boys de Vincennes, rendit son esprit à Dieu: & lediēt iour qu'il trespassa feit bailler & deliurer comptant, auant son trespas, à seldiēt executeurs, la somme de lxxx. mil florīs d'or, qu'il auoit mis en reserue, pour l'execution de son diēt testament: & furēt ses obseques & funerailles faictes & accomplies, en la plus grande solennité & honneur, que iamais fust à Roy n'à autre Prince: & fut enterrē à saint Denis, aupres de ladiēt Roynē Jehāne, sa femme, en la chapelle qu'il auoit fait edifier: en laquelle il auoit aussi fait apporter le corps dudiēt Bertrand du Guesclin, son Connestable, pour les grands vertuz qu'ilz auoit congñues en sa personne. Son cœur fut porté en l'eglise cathedrale de Rouen, & ses entrailles à Maubuisson.

† il l'escrie  
par auant Clisson.

† finente des  
Flamens cō-  
tre le Côte.

Le Roy  
Charles le  
Quint, mourut à Beaultré pres le boys de Vincennes.

*De l'ordonnance que feit le Roy Charles, cinquieme, auant son trespas: & de la confirmation de l'appoinctement de Jehan de Montfort, Duc de Bretagne.*



Avant son trespas il auoit fait vne ordonnance, par laquelle il ordonna qu'apres son trespas en attendant que Charles, son aîné filz, eust l'aage de quatorze ans, & qu'il fust couronné Roy de Frāce, monseigneur Loys Duc d'Aniou, son frere, auroit le gouuernement des faitz & finances du royaume, & que monseigneur Philippe Duc de Bourgongne, son plus ieune frere, & le Duc de Bourbon, frere de feue la Roynē Jehanne sa femme, auroient le gouuernement de la personne dudiēt monseigneur Charles, son filz, iusques à ce qu'il fust audiēt aage de quatorze ans: & aussi de Loys son autre filz, qui depuis fut Duc d'Orleans, & semblablement de ses autres enfans: & prendroyent pour leur nourriture & entretenement les proffitz ordinaires & extraordinaires, tant de Normandie que du Bailliage de Sens, Melun, villes & Vicomté de Paris, excepté le Palais, le Parlemēt, & Requestes, & Officiers du thresor, que lediēt Roy vouloit demourer soubz le gouuernement dudiēt Duc d'Aniou. Et pource qu'apres le trespas dudiēt Roy, les diēt Ducs n'estoyent point d'accord touchant lediēt gouuernement, & cōmençoeyēt à eulx diuifer les vns contre les autres, les Princes, Barons, Prelatz, & gens de conseil de France, furent d'opinion pour les tenir en vñité, que lediēt Charles, aîné filz du Roy, seroit couronné

Roy, receuroit en sa personne les hommages des vassaulx, & seroit gouuerné le royaume en son nom. En ce temps furent continuez les traictez pourparlez entre le Roy & messire Jehan de Montfort: lesquelz furent concludz la seconde sepmaine de Ianuier ensuyuant: & durât ledict tēps ledict messire Thomas, filz du feu Roy d'Angleterre, & ses Anglois furēt tousiours en Bretaigne avec ledict de Montfort, & tindrent longuement siege deuant Nantes, qui se tenoit pour le Roy: mais riens n'y feirent, & si y moururent plusieurs de leurs gens & cheualx: puis s'en allerent aucuns en Angleterre, & emmenerent grand nombre de prisonniers.

*Inifz piller à Paris* Le quatrieme iour de Nouembre audict an, furent tous les iufz qui estoient à Paris, piller par le populaire de Paris, qui s'esleua contre eulx.

*Des bonnes mœurs & vertus qui estoient au Roy Charles le Quint.*



*Maistre Nicole Oresme instructeur du Roy Charles le Quint.*

*Charles le Quint est appelé Charles le Sage.*

Estuy feu Roy Charles cinqieme, que Dieu absoulle, des le temps de sa ieunesse ayma & craignit Dieu, reuera son Eglise & les suppostz d'icelle, fut bon catholique, tresamoureux de sciences, & plein de bonnes mœurs & louables vertus, sage en cōseil, prudent en armes, & diligent en execution: & eut vn merueilleusemēt grand zele & affection au faict de la conduicte & direction de la iustice, & police de son royaume. Et ce peut on veoir par plusieurs belles ordonnances & statuz faictz de son tēps, lesquelles sont es registres de la court de Parlement, Chambre des Comptes & du Thresor. Il esleut pour son instructeur vn trefnotable & grand Theologien, nommé maistre Nicole Oresme, Euesque de Bayeux, qui feit à sa requeste plusieurs beaulx volumes de liures, tant en latin qu'en François: & entre autres il feit vn traicté contre l'erreur des Iacobins, de la Cōception de la glorieuse vierge Marie, qui se commence: *Needum erant abissi, & ego concepta eram: &* translata Oeconomiques, Ethiques, & Politiques. Il ayma & hōnora moult les sages Clercz, vertueux & vaillans hommes, tellement que de son temps & regne, pource qu'on veoyoit qu'il y prenoit plaisir, plusieurs gens de toutes vacations s'estudioyent à qui plus de bien pourroit sçauoir & valoir. Il alloit souuent & assistoit en personne en sa court de Parlement, & en sa chambre des Comptes: & quand il sçauoit aucuns de ses Barons & loyaulx Seruiteurs, qui auoyent filles à marier, ou autres affaires à quoy ilz ne pouoyent fournir, il les faisoit venir à luy, & secretiement leur donnoit & departoit de l'argent: & luy mesmes oyait aucuns iours de la sepmaine les requestes de ses subiectz, & leur faisoit faire prompte iustice, & reparation des tors faictz. Sur toutes choses il gardoit & deffendoit les droitz des Eglises, femmes veufues, & enfans mineurs. Il laissa son royaume riche, & opulent de biens. Il feit de moult grāds biens aux Eglises, & les enrichit de moult beaulx reliquaires, sanctuaires d'or & d'argent, paremens, & ornemens, chapes, chasubles de draps d'or & de soye, & decora le royaume de France de moult beaux & sumptueux edifices: & entre autres feit de neuf les chasteaulx de Mōtargis, Creil, sainct Germain en Laye, le Louure, la Bastille sainct Anthoine à Paris, & plusieurs autres de moult grand despence: & si laissa moult grand nombre de florins en son thresor: & tellement laboura que pour les grands sens, vertus, conduicte, & bonne prudēce qui estoient en sa personne, ce nom glorieux qui luy demourera perpetuellement, luy est attribué qu'entre tous les autres Roys qui ont esté en France, il estoit dict & appelé Charles le Sage: & doit estre patron & miroir à ses successeurs..

*Du Roy Charles sixieme, appelé le Bien aymé.*

*L'an mil ccc. iiii. xx.*



Charles sixieme de ce nom, filz de Charles le Quint, fut tresdébonnaire, & sage: & est entre les autres Roys de France appelé & intitulé & le Bien aymé: & commença à regner l'an mil. ccc. iiii. xx. & trespassa au quarante deuxieme de son regne, & gist à sainct Denis en France. Il eut à femme ma dame Ysabeau de Bauieres: de laquelle il eut cinq filz, & quatre filles: lesquelz cinq filz furent tous Daulphins, les vns apres les autres, & tous moururent, reserué le plus ieune, qui auoit nom Charles, qui suruescut, & succeda à la couronne de France. L'une desdictes filles, nommée Marie, fut religieuse, & Prieure de Poissy: l'autre nommée Ysabeau, fut mariée au Roy Richard d'Angleterre, ou elle ne fut que trois ans, p ce que les Anglois tuerent ledict Richard: & depuis fut mariée au filz du Duc d'Orleans, son cousin: l'autre fut mariée par dispence au filz du Duc de Berry, & gueres ne vesquirent tous deux: l'autre nommée Marguerite, fut accordée à Jehan, Duc de Bretaigne, mais elle trespassa auant la cōsummation



summation du mariage. Au temps du trespas du feu Roy Charles le Quint, il laissa ses deux filz ieunes, & en bas aage: c'est à sçauoir ledict Charles sixieme, qui fut Roy en l'aage de xiiij. à xiiij. ans, & Loys, son frere, qui fut Duc d'Orleans. Quand on congnt la grauité de la maladie dudit feu Roy Charles le Quint, & q̄ les Medecins estoient hors d'esperance de sa guérison, on mada ses trois freres: c'est à sçauoir Loys, Duc d'Aniou, & Roy de Cecille, Iehan, Duc de Berry, & Philippe, Duc de Bourgongne: tous lesquelz estoient es frontieres, à la conduite des armées en diuers lieux, pour obuyer aux entreprinſes q̄ faisoient les Anglois, en diuerses parties du royaume: & quand ilz furēt arriuez à Paris, ilz trouuerent le Roy, leur frere, mort. Si assemblerēt vn grand Conseil à Paris, touchant l'ordre & gouuernement du royaume: & pource qu'on voyoit ia soudre aucunes q̄stions & secrettes enuies, entre lesdictz Seigneurs, pour l'affection que chacun auoit de gouuerner, & auoyent ia subitement esleue & mis sus les champs plusieurs gens de guerre, pour obuyer aux inconueniens qui ſen pouoyēt ensuyuir, fut ordonné & appoincté pour plusieurs raisons, en la presence desdictz Seigneurs, & des gēs des Estatz, qui furent alleguées par maistre Iehan des Mares, Aduocat du Roy, en Parlemēt, homme fort authorisé, que nonobstant que le ieune Roy n'eust encores xiiij. ans accomplis, neantmoins il seroit sacré & couronné Roy, & q̄ les vassaulx & subiectz luy feroient hommage. Et entre autres raisons ledict des Mares dist & allegua q̄ plusieurs Roys en moindre aage auoyēt eu le gouuernemēt de leurs royaumes & seigneuries, & mesme le Roy S. Loys: & remonstra que quelconque loy & ordonnance qui auroit esté faicte au parauāt, elle se pouoit muer & changer pour obuyer à plus grands inconueniens, lesquelz estoient taillez d'estre bien grands en France, pour la diuision des Seigneurs qu'on voyoit estre euidēte, & que les faictz & affaires du royaume se conduyroient en son nom, & par ses lettres & mandemens soubz son scel: & que ledict ieune Roy & son frere, seroyent mis es mains des Ducz de Bourgongne, & de Bourbon, oncles desdictz enfans, l'un de par pere, l'autre de par mere, pour les cōduyre & endoctriner en bonnes mœurs, iusques à ce qu'ilz fussent en aage de puberté, & que les affaires, tant de la guerre, que des finances & autres, se conduyroient par l'ordonnance dudit Duc d'Aniou, lequel quand à ce verseroit de ce nom de Regent: & fut ladicte ordonnance publiée.

Charles vi.  
fut couronné  
né Roy en  
l'aage de  
treize à  
quatorze  
ans.

*Comment le Roy Charles, sixieme, fut mené sacrer à Reims: Et comment le Duc d'Aniou print les thresors du Roy Charles, le Quint.*

**L**Antost apres ladicte conclusion, fut mis en deliberation de pourueoir à l'office de Connestable de France: car depuis le trespas de messire Bertrand du Guesclin, n'y auoit esté pourueu: & disoit ledict Duc d'Aniou, qu'a luy, cōme Regēt, appartenoit à y commettre: mais lesdictz Ducz de Berry, de Bourgongne, & de Bourbon, le cōtredirent, disans qu'il auoit esté appoincté que tous les grands faictz du royaume se deuoyent conduyre & commettre au nom du Roy, & ainsi fut cōclud qu'il se feroit: & pour y pourueoir fut assemblé grād Conseil des Princes, Seigneurs, Barons & Cheualiers: auquel Conseil fut esleu audit office de Connestable, vn vaillant Cheualier Breton, nommé messire Oliuier, Seigneur de Clisson, & luy fut baillée l'espée de Connestable: lequel seigneur de Clisson incontinent, par l'ordonnance du Roy, assembla plusieurs gens d'armes, pour le conduyre & mener sacrer à Reims. Et passa le Roy par Melun, ou il voulut aller veoir les armeures de son pere, qu'il luy auoit fait monstrer de son viuant, & y prenoit grand plaisir: & y estoient en sa compagnie ses oncles, les Ducz de Berry, de Bourgongne, de Bourbon, & de Bar: & ledict Duc d'Aniou demoura aucuns iours à Paris apres eulx, & contraignit vn nōmé Sauoisly, qui auoit esté Thresorier & grand Gouverneur des finances de France, à luy reueler & bailler le thresor du feu Roy: & pource qu'il en faisoit difficulté, luy voulut faire copper la teste: & tant feit qu'il le luy bailla, & estoit en gros lingor̄z d'or, & grand' quātité de beaulx ioyaux & riches bagues. Quand ledict Duc eut prins ledict thresor, il ſen alla hastiuemēt apres le Roy à Reims: & fut le Roy couronné & sacré en grand honneur, le Dimenche deuant la Toussainctz, presens seldictz oncles, les Ducz d'Aniou, de Berry, de Bourgongne, de Bar, ledict Connestable & les Pers & Seigneurs de France, en grand nombre, & richement aornez. Il y eut grand' differēt pour l'assiette desdictz Seigneurs, par ce que le Duc d'Aniou vouloit estre le premier, & le plus prochain du Roy, disant, qu'il estoit Regent en France, & l'aîné des enfans du feu Roy: & le Duc de Bourgongne disoit qu'il estoit premier Per, & Doyen des Pers de France: & fut par le Roy & son conseil dict qu'au cas present ledict Duc de Bourgongne seroit le premier assis au Sacre: mais ce neantmoins ledict Duc d'Aniou fallā seoir tout aupres de luy: & quand les Pers & Seigneurs furent tous regez, ledict Philippe, Duc de Bourgongne, faillit par dessus les bancs, & fallā mettre entre le Roy & ledict Loys, Duc d'Aniou, son frere, qui le

Les grands  
faictz &  
affaires du  
royaume se  
doyent cō  
duire au nō  
du Roy, &  
non pas au  
nom du Re  
gent.

Pourquoy  
Philippe,  
Duc de Bour  
gongne, fut  
surnommé  
le Hardy.

disimula pour l'heure: & de la fut appelé le Duc de Bourgongne, Philippe le Hardy. Tantost apres le Roy sen retourna à Paris faire son entrée, ou il fut receu honnorablement: & y auoit de ceulx de Paris bien deux mil personnes habillees d'une liurée: & furent faictes ioustes & tournois dedans la court du Palais. La fut le Comte de saint Paul fort chargé & accusé de ce qu'il sen estoit allé en Angleterre, & auoit espousé la sœur du Roy d'Angleterre, sans le sceu & cōgé du Roy: & apres aucunes excusations, qu'il proposa, ouyes, le Roy luy pardōna ses deffauts. Aussi fut chargé messire Bureau de la Riuiere d'auoir escrit aux Anglois, & les faire venir en France: desq̃lles charges ledict Cōestable de Clisson l'excusa, iusques à l'exposition de son corps pour le sien. Le Duc de Bourgongne se plaignoit de ce que le Duc d'Aniou auoit seul prins les thresors du feu Roy, leur frere, sans en faire aucune prouisiō au Roy: parquoy auoit conuenu mettre sus les aydes: & pour ceste cause, & autres secrettes inimitiez, se meurent de grands diuisions: & estoient les gens d'armes sur les champs, que les Seigneurs entretenoyēt, & gastoyent tout le pays d'enuiron Paris, dont on donnoit principale charge audict Duc d'Aniou: & pour y donner prouision fut faicte vne assemblée à Paris, en laquelle maistre Iehan des Mares, qui estoit Aduocat du Roy en Parlement, loua fort le Duc d'Aniou, de ses vertus, en taisant ceulx de ses freres, dont ilz conceurent hayne contre luy.

*De l'esmeute de ceulx de Paris pour les aydes: & comment ilz pillerent les maisons des fermiers desdictes aydes, & celles des Iuifz.*



Les usuriers  
& Iuifz de  
Paris furent  
pillez par au  
cuns habitās

Vcuns du menu populaire de Paris s'assemblerēt, & eleuerent, & vindrent deuers le Preuost des Marchans, & luy requirent que les aydes qui nouuellement auoyēt esté mises sus, fussent abatues & abolies. Ce qui fut faict, cōme par force, pour euitter à inconueniēt, & pour appaiser ledict populaire: lequel apres leur dicte requeste oūtroyée requirēt encores que les Iuifz & vsuriers fussent mis hors de Paris. Surquoy leur fut dict qu'on en parleroit au Roy: mais ilz ne furent pas contens: & sans attēdre la responce de la volonté du Roy, s'esmeurēt, & coururent par la ville, rompirēt les maisons, cōptoirs, & boistes des fermiers desdictes aydes, iettoient leur argēt, biens & papiers par les rues, entrerent enuiron en xl. maisons desdictz Iuifz, pillerent & emporterent or & argent, vaisselle, ioyaulx, robes, obligations & autres biens, & en tuerent aucuns: laquelle chose despleut au Roy, & à ses oncles, qui feirēt crier q̃ tout fust rapporté par deuers le Preuost de Paris: mais peu y fut obey.

*Des courses que faisoient les Anglois en France, & apres se retiroient en Bretagne: mais en fin les Barons ne les voulurent plus souffrir.*



Messire Thomas, filz du feu Roy d'Angleterre, & les Anglois qui estoient en Bretagne, avec messire Iehan de Montfort, voyans les diuisions qui estoient entre les Seigneurs de France, se leuerent du siege qu'ilz tenoyent deuant Nantes, qui tenoit pour le Roy de France, & couroyēt les pays de Touraine, Aniou, le Maine, & autres circōuoyfins: & apres se retiroyēt en Bretagne, comme avec leurs amys & alliez: parquoy ledict messire Oliuier de Clisson, Connestable de France, escriuit à vn notable & puissant Cheualier Breton, nommé messire Pierre de Beauvoir, qu'ausdictes choses il voulüst obuyer, & qu'il en pourroit aduenir de grands inconueniēs. Lequel tantost parla aux Seigneurs de Bretagne, qui auoyent fait sermēt au feu Roy Charles le Quint, leur remontrant les mauuaitiez couuertes du Duc de Bretagne, & d'aucuns Seigneurs du pays, & comment le Roy estoit leur souuerain Seigneur, deuers lequel ilz enuoyèrent tantost: & à ceste cause le Roy enuoya ses Ambassadeurs en Bretagne, l'Euesque de Chartres, le Seigneur de Cheureuze, & maistre Arnault de Corbie, President en Parlement: lesquelz Ambassadeurs en la presence du Duc & des Barons de Bretagne, proposerēt leur Legation, & leurent les alliances anciennes, submissions, & sermens faictz par les Ducs de Bretagne, & les Barons & Nobles du pays, leurs predecesseurs: lequel Duc iura solennellemēt, aussi feirēt semblablement lesdictz Barons & Nobles, & promeirent garder lesdictes alliances, & submissions, combien qu'on disoit que ledict Duc ne iuroit point volontiers: & feirent vn appoinctemēt, par lequel ladicte Duché de Bretagne fut rendue audict de Montfort, nonobstant l'arrest prononcé contre luy. Quand les Anglois qui estoient à grand' puissance en Normandie, sceurent la nouuelle alliance, & q̃ le Duc & ses Barons s'estoyent tournez, & auoyent fait avec le Roy, ilz le porterent impaciēment, & en furent moult courroucez: car ilz le cuydoient bien leur amy: & à ceste cause entrerent en Bretagne, & y feirent forte guerre, & coururent parmy iusques à la basse Bretagne, gastāt & y faisant maulx innumerables: mais les Nobles du pays s'assemblerent &

rent & les rebouterent:parquoy iceulx Anglois allerēt deuant Nantes, & l'assiēgerēt: & dou-  
 tant messire Amaury de Clisson, Capitaine de Nantes, que ceulx de la ville ne l'abandonnas-  
 sent, il manda au Roy qu'il luy enuoyast secours. Ce q̄ le Roy feit: & cheuaucherent les Fran-  
 çois si hastiuemēt qu'ilz surprindrēt les Anglois, en leur siege, auant qu'ilz fussent aduertis de  
 leur venue, & frapperēt dessus si roydemēt que lesdictz Anglois furent presque tous mors ou  
 prins: & durant ces choses les Ducz & Princes qui auoyent le gouuernement des affaires du  
 Roy & du royaume, congnoissans la petite vailleure du domaine du Roy, & qu'il ne pouoit  
 suffire aux affaires vrgens & necessaires du Roy & du royaume, à ceste cause assemblerēt des  
 plus notables de Paris, lesquelz furent assez contens qu'on leuast vn ayde, de douze deniers  
 pour liure: & fut ledict ayde crié & publié à Paris, Rouen, Amyens, & autres villes & lieux: *D'un cerf  
 trouue en la  
 forest de  
 senlis.*  
 mais le populaire contredirent tous d'une volūte, tellement que riens n'en fut leuē. Apres  
 ces choses le Roy sen partit de Paris, & alla à saint Denis: puis tira vers Senlis pour soy de-  
 duire & chacer: & en chaçant fut trouuē & prins aux laz, vn cerf qui auoit au col vne chayne,  
 ou collier de cuyure dorē, ou auoit escrit en lettre ancienne: *Casus hoc mihi donauit:* & de la en a-  
 uant le Roy de son propre mouuement voulut porter en sa deuise vn cerf volant, ayant vne  
 couronne au col: & par tout ou on mettoit ses armes y auoit deux cerfs volans, qui les souste-  
 noient d'un costē & d'autre. Semblablement voulut & ordonna que la ou ses predecesseurs  
 Roys auoyēt porte en leurs armes vn escu d'azur, tout semē de fleurs de lyz, sans nombre, que  
 deslors en auant n'y en eust que trois fleurs de lyz seulement. *Commence-  
 mēt de por-  
 ter trois  
 fleurs de lyz  
 en l'escusson  
 de France.*

*Du Scisme qui estoit en l'Eglise, touchant la Papauté.*



EN ce temps, apres le trespas du pape Gregoire xj. de ce nom, cōme deuant  
 a esté dict, les Cardinaulx par force, & par la crainte des Rommains,  
 esleurent pape Urbain vi. de ce nom: parquoy ilz sen fuyrēt en Auignon, &  
 esleurent vn autre nommé Clement, dont sourdit grand Scisme en l'Eglise: *scisme en  
 l'Eglise tou-  
 chant la pa-  
 pauté.*  
 & aucun temps apres les Roys d'Espagne & de Hongrie enuoyerent leurs  
 Ambassades deuers le Roy France, luy remōstrer que l'election dudit pape  
 Urbain estoit sainte & Canonique, comme ilz trouuoient par le conseil &

Clergé de leurs royaumes, q̄ pour ceste cause ilz auoyent assemblez, & auoyēt conclud de luy  
 obeyr, requerans au Roy qu'ainsi le voulsist faire, autrement ilz estoient deliberez d'eulx de-  
 partir des alliāces qu'ilz auoyēt au Roy & au royaume, & reputedroyēt ceulx qui n'obeyroyēt  
 audit Urbain Scismatiques, & telz qu'avec eulx on ne deuoit point auoir amour n'alliance.  
 Ausquelz Ambassadeurs fut respondu, & recitē la maniere de l'election dudit Urbain, qui a-  
 uoit esté faicte par force & violence, & l'auoyēt les Cardinaulx esleu pour eūter l'emotion &  
 fureur des Rommains, qui les vouloyēt occire: & que tantost apres ilz festoyent absentez de  
 de Rōme: & sachant icelle election estre nulle, auoyēt esleu Clement, lequel tantost apres son  
 election auoit enuoyē en France trois Cardinaulx, que le Roy auoit fait ouyr, & pour ce faict  
 assembler le Clergé de son royaume, & trouuē q̄ ladicte election de Clemēt estoit iuste & ca-  
 nonique, & celle d'Urbain à reprouuer: parquoy le Roy estoit delibéré d'obeyr audit Cle-  
 ment, & le tenir pour Pape. Ledit Scisme & debat feit de grands maulx & inconueniēs à l'E-  
 glise de France. Car avec ledict Clemēt, qui estoit en Auignon, auoit bien xxxvj. Cardinaulx,  
 qui embrasserent & reseruerēt à eulx, tous les benefices, par reseruations & graces expectati-  
 ues: tellemēt que nul homme graue, n'autre, n'en pouoit estre pourueu: & se faisoient de gran-  
 des exactions d'argēt, tant pour les vaquans, que de dixiemes & arreraiges qu'on demandoit  
 aux heritiers de ceulx qui auoyent tenu les benefices: & disoyent que tous les biens des gens  
 d'Eglise deuoyent estre au Pape. Lesquelz inconueniens ceulx de l'Vniuersité de Paris feirent  
 remonstrer au Duc d'Aniou, Regēt, par vn notable homme Docteur, nommé maistre Iehan  
 Rōce, qui demouroit au college du Cardinal le Moyne. En hayne dequoy ledict Duc enuoya  
 par nuyt audit college, prédre ledict Docteur, & fut mis en vne estroicte prison, au Chaste-  
 let de Paris. Parquoy l'Vniuersité s'assembla, & allerēt deuers le Roy & ledict Regēt, requē-  
 rans ledict maistre Iehan Ronce, cōme leur subiect, leur estre rendu: & apres plusieurs delaiz,  
 iceluy maistre Iehan Ronce leur fut deliuré par ledict Regēt, pourueu qu'ilz obeyroyēt au-  
 dict Clement, comme Pape. Si tost que ledict Ronce fut deliuré, il sen partit hastiuement de  
 Paris, & sen alla à Romme, vers ledict pape Urbain, qui le receut honnestement: & tantost a-  
 pres iceluy Urbain escriuit à ladicte Vniuersité de Paris, vnes gracieuses lettres, les remerciāt  
 de la faueur qu'ilz luy auoyent faicte, en les exhortant au surplus qu'ilz luy voulsissent obeyr.  
 Lesdictes lettres furent receues par le Recteur, qui feit assembler l'Vniuersité, & les feit lire  
 en pleine congregation, dont ledict Duc d'Aniou fut mal content, & voulut faire prendre

*du Recteur de l'vniuersité de Paris q's'en alla à Rome secrettement, craignant la fureur du Duc d'Aniou, Regent en France.* ledict Recteur, par ce qu'il ne les auoit presentées au Roy, ou à luy, deuant que de les faire lire en ladicte Vniuersité: mais ledict Recteur, qui en fut aduertý, & doutant sa personne, s'en partit secrettement & hastiuement, & s'en alla à Romme, deuers ledict pape Urbain. Tantost apres, ceulx de ladicte Vniuersité, voyás ledict Scisme, & les termes qu'on leur tenoit, s'en partit la plus part des grands Clercs & gens de bien: & mesmement vn grand & notable Clerc, nommé maistre Gilles, lequel estoit Chantre de Paris, & l'esmeurent plusieurs qui s'en allerent en sa compaignie. Lesquelles choses venues à la congnoissance dudit pape Clement, qui estoit en Auignon, pour tousiours capter la beniuolence dudit Duc d'Aniou, & à ce qu'il tint la main pour luy, octroya vn dixieme sur toutes les Eglises du royaume, & fut leué par gens Laiz, & par force, nonobstant plusieurs appellations, que plusieurs gens d'Eglise en interie-  
terent, dont mal en print audit Duc d'Aniou.

*Comment le Duc de Berry fut fait gouuerneur de Languedoc.*



LE Duc Iehan de Berry, qui estoit oncle du Roy, voyant que le Duc Loys d'Aniou auoit esté fait Regent, & auoit toute la charge des faitz & affaires du royaume, & qu'aux Ducz de Bourgogne & de Bourbon auoit esté baillée la charge & conduicte des personnes du Roy & de son frere, n'estoit pas content qu'il n'auoit aucune grand charge & gouuernement: & requist audit Duc d'Aniou qu'il luy feist bailler la charge & gouuernement des pays de Languedoc & Guyenne, que tenoit le Comte de Foix, des le viuant du Roy Charles cinquieme. ce qui luy fut octroyé & accordé. Quand le Comte de Foix le sceut, il assemblea le Conseil, & les gens des Estatz dudit pays de Languedoc, ou il estoit moult aymé: & fut conclud qu'ilz ne receuroient point gouuerneur ledict Duc de Berry, & qu'ilz auoyent vescu & viuroient en bonne paix & iustice soubz ledict Côte de Foix, auquel le feu Roy Charles cinquieme l'auoit baillé, & en auoit osté le Duc d'Aniou, pour les grandes exactions qu'il y faisoit, & disoyent que ledict Duc ne vouloit auoir ledict gouuernement que pour auoir occasion d'y faire de grandes exactions, ainsi qu'il faisoit en Poitou, & autres pays qu'il tenoit. Ce sachât ledict Duc de Berry, y alla en personne, à puissance de gens d'armes: & ledict Comte de Foix en assemblea de sa part, & s'entre-  
rencontrerent & s'entrebataient tresbien, & y en eut bien trois cens hommes dudit Duc de tuez. Quand le Roy sceut la desobeysance que ceulx de Languedoc faisoýent, de recevoir ledict Duc de Berry, son oncle, il en fut mal content, & delibera d'y aller en personne: & alla à saint Denis prendre congé des Martyrs, & prendre l'Oriflambe, pour porter audit voyage: mais ledict Duc d'Aniou l'en destourna de la porter, disant qu'il en pourroit bien auoir affaire plus près, & en brief tēps, par ce que les Flamens s'esleuoient. Ce pendant ledict Duc de Berry assemblea plusieurs gens d'armes au pays de Languedoc, qui pilloyent & gastoyent tout: & voyant ledict Comte de Foix les grands inconueniens qui estoient au pays, pour la question dudit gouuernement, & aussi que le Roy tenoit fort la main pour ledict Duc de Berry, s'en departit volontairement, & feirent appoinctement. Ainsi demoura ledict Duc de Berry gouuerneur desdictz pays de Languedoc.

*Comment Hugues Aubriot, Preuost de Paris, fut declairé heretique, & condamné à perpetuelle prison.*

*L'an m.ccc. quatre xx. & un.*



L'AN mil trois cens quatre vingtz & vn Hugues Aubriot, natif de Bourgogne, qui parauāt auoit eu grand gouuernemēt des finances de France, & par le moyē du Duc de Bourgogne auoit esté fait Preuost de Paris, & qui durāt son temps gouuerna tresbien la iustice & police de Paris, & au moyen & conduicte duquel furent faitz & edifiez plusieurs beaulx & sumptueux edifices, comme le pont S. Michel, les murs de deuers la Bastille saint Antoine, & le long de la riuere de Seine, le petit Pont & Chastelet de Paris, & plusieurs autres, fut accusé de plusieurs crimes, pource qu'il auoit, comme on disoit, en grand irreuerēce les gens d'Eglise, & principalemēt estoit fort contraire à ceulx de l'Vniuersité de Paris, lesquelz auoyent conceu grand hayne contre luy, mesmement à l'occasion de ce qu'il auoit fait edifier la tour du petit Chastelet, sur petit Pont, pour contrarier & obuyer aux maulx & courtes que faisoýent les Escoliers par nuyt, & pour les arrester filz couroyent plus par nuyt. parquoy à leur poursuyte furent faittes plusieurs enquestes secretes de sa vie, qui estoit orde & deshonnestē, & lubrique, à prendre & deceuoir femmes, partie par force, & partie par promesses, dons, autorité & puissance: & disoyent qu'il auoit eu compaignie des Iuifues, & qu'il ne croyoit point au Sacremēt le l'Autel, & s'en mo-  
quoit



quoit, & ne se confessoit point, & fut trouué chargé par lesdictes informations, tellemēt qu'il fut emprisonné au Chastelet. Apres fut rendu es prisons de l'Euesque de Paris: & ouye sa confession, fut declairé heretique; & qu'il estoit digne d'estre brulé: mais à la requeste des Princes la sentence fut moderée, & fut presché publiquemēt au paruy nostre Dame de Paris, comme heretique, & declairé estre de la loy des Iuifz, & contemneur des saintz Sacremens, & condamné à perpetuelle prison, au pain & à l'eau, & fut mis en oubliette en la prison de l'Euesque.

La sentence  
donnée cōtre  
Hugues Au-  
briot.

*De l'esmeute des Flamens, contre leur Comte.*

**P**ource que Loys, Comte de Flandres, vouloit leuer sus les Flamens; mesmement sur ceulx de Gand, aucunes aydes, par maniere de tailles, contre les priuileges du pays; ilz s'esleuerent contre luy, & feirent vn nommé † Jaques Arteuelle leur Capitaine; lequel estoit homme de basse condition, mais il estoit grand & beau personnage: lequel Arteuelle en print voluntiers la charge (car ledict Comte auoit parauant fait coper la teste à son pere) & assembla grand nombre de Gantoys & Flamens, tant des villes que du plat pays, & se meit sur les champs pour guerroyer le Comte, qui auoit fait venir des Anglois, & auoit amassé grand' armée, & se combattirent; & fut desconfit le Comte, & y eut bien cinq mil de ses gens mors. Depuis ledict Comte se retrahit à Bruges: & pour le surprendre, vn iour qu'on à accoustumé faire vne Procession solēnelle, & porter le saint Sang par ladicte ville de Bruges, ou tous les gens du plat pays ont accoustumé se trouuer en grand nombre, iceluy Arteuelle ordonna deux mil Flamens, des plus vaillans de son party, armez secrettement soubz leurs robes, lesquels par diuerses portes à plusieurs fois entrerēt en ladicte ville, faignans d'aller à ladicte Procession: & quand ilz furent tous entrez, ilz se rencontrerent au marché, & crierent alarme. Lors le Comte assembla subitement aucunes gens; ce qu'il peut, & leur courut sus: mais luy & ses ges furent reboutez, & se retrahit ledict Comte en sa maison de ladicte ville, ou lesdictz Flamens le vindrent chercher: mais il s'en estoit sorty par derriere, par vne fenestre, & se meit en l'hostel d'une bonne femme, ou il fut iusques à la nuyt, qu'il trouua façon de soy embler & partir de ladicte ville, & s'en alla à l'Escuse: par quoy lesdictz Gantoys dirent que ceulx dudit Bruges estoient cause que ledict Comte estoit eschape, & leur coururēt sus, & en tuerent plusieurs, pillerent & roberēt leurs maisons, & s'en retournerent avec grand' proye.

† Dag. et au-  
tres le nomēt  
Philippe, filz  
de Jaques.

Bruges pillée  
par ceulx de  
Gant.

*Comment monseigneur Loys, Duc d'Aniou, fut fait Roy de Cecille, par l'adoption de la Roynie Iehanne.*

**I**ehanne, Roynie de Cecille & de Hierusalem, Comtesse de Prouence, fille de Charles, † Duc de Calabre, filz de Robert, Roy de Cecille, & de Naples, laquelle auoit regné trēte ans, & n'auoit peu auoir lignée, adopta son filz, & feit son heritier ledict monseigneur Loys de France, Duc d'Aniou, oncle du Roy, & Regent en France: lequel deslors print le tiltre de Duc de Calabre, dont Charles, Prince de † Tarente, qui auoit espousé la soeur de ladicte Roynie Iehanne, fut mal content: & à ceste cause s'allia des plus grands Seigneurs de Cecille, & de Calabre: & principalement le pape Urbain, qui estoit à Romme, luy feit ayde: car il scauoit bien que si ledict Duc d'Aniou fust venu au dessus qu'il l'eust debouté, & eust fait obeyr au pape Clemēt. A ceste cause ledict Duc d'Aniou meit sus grand' armée, & en feit chef messire Philippe d'Artois: auquel semblablemēt le pape Clement, qui estoit en Auignon, feit ayde de gens & d'argent: & alla ledict Philippe d'Artois & ses gens en Lōbardie, & eurent bataille, en laquelle ceulx dudit Duc d'Aniou furent desconfitz: & ladicte Roynie Iehanne, & son mary, nommé messire † Charles Brescuich, & ledict messire Philippe d'Artois, & plusieurs autres grāds Seigneurs, Barons & Cheualiers furent prins prisonniers, & payerent grandes rançons. Apres ladicte victoire ledict pape Urbain, qui estoit à Romme, feit couronner ledict Charles, Prince de Tarente, Roy de Cecille: & tantost apres ladicte Roynie trespassa. Ces choses venues à la congnoissance dudit pape Clement, qui estoit en Auignon, lequel eut grand' doubte que les autres se fortifiassent fort, manda audit Duc d'Aniou qu'il se donnaist garde de ses besongnes, & qu'il pensast de se mettre sus, & venger la mort de ladicte Roynie Iehanne, sa mere par adoption: lequel delibera d'y aller luy mesme en personne l'année ensuyuant. En celle année le Mareschal de Sācerte alla en Lymosin, par ce qu'il y auoit grand nōbre d'Anglois, qui faisoient moult de maulx au pays, & meit le siege deuant la ville de la Soubzterrene, qui luy fut réduite: & lesdictz Anglois s'en saillirent leurs bagues sauues: & pource qu'ilz pilloyent & gastoyent tout le pays par la

† Les Cron.  
de Nap. le nō  
mēt Charles  
sans terre.

† Croni. de  
Nap. disent  
de Durazzo,  
et parlēt un  
peu mieulx  
de cecy.

† Croni. de  
Nap. disent  
Othōn de  
Brunsuich.

ou ilz passoyent, ledi&t Marechal les suyuit, & à plusieurs récontres les tua & desconfit tous. Le vingtcinquieme iour de Septembre audi&t an, le Duc de Bretagne vint deuers le Roy bien honnestem&t & grandement accompagné, & luy feit hommage de sa Duché, & autres Comtez qu'il tenoit de luy: auquel hommage le Roy le receut.

*De l'esmeute qui fut à Paris, pour les aydes qu'on vouloit mettre sus: & comment le populaire meit hors de prison Hugues Aubriot.*

L'an m.ccc.  
iii.xx. &  
deux.

Des fer-  
miers des  
aydes, q fu-  
rent tuez p  
le peuple  
de Paris, et  
leurs mai-  
sons pillées

De l'assem-  
blée des  
Maillorins,  
& pour-  
quoy ilz fu-  
rent ainsi  
nommez.

De l'esmeu-  
te de ceulx  
de Rouen,  
qu'on appe-  
loit la Ha-  
relle.

**E**N l'an mil trois cens quatre vingtz & deux, ledi&t Duc d'Aniou & les autres Seigneurs, qui estoient autour du ieune Roy de France, voulurent de rechef mettre sus certaines aydes à Paris & ailleurs: mais le peuple y contraria, & n'y voulurent obeyr, quelques remonstrances que leur feissent messire Pierre de Villiers, & messire Jehan des Mares, qui fort estoient en la grace du peuple de Paris: & de fait furent les fermes desdi&tz aydes baillées & liurées au plus offrant, & baillez mandemens & commissions aux fermiers pour les leuer. A cause dequoy s'assemblerent & meirent sus en armes plusieurs marchands & menus gens de ladi&te ville de Paris, & feir&t tendre les chaines par les rues de Paris, & fermer les portes, & aller&t par toutes les maisons de ceulx qu'ilz scauoient auoir prin&es lesdi&tes fermes, & tuerent ceulx qu'ilz peurent trouuer, leurs papiers brusler&t, & piller&t, & despecerent leurs maisons, & desfoncer&t les vins parmy les caues. Vn desdi&tz fermiers y eut qui eschapa, & s'en alla en l'eglise S. Iaques de la boucherie, pour estre en franchise: mais ce nonobstant le populaire en grand' fureur y alla, & le prindrent sus le grand autel, tenant l'image nostre Dame entre ses bras, leur criant mercy, ce nonobstant ilz le tuerent. Apres aller&t au Chastelet, rompirent les prisons, & meir&t hors tous les prisonniers: & semblablement par toutes les autres prisons: & principalement allerent es prisons de l'Euesque de Paris, lesquelles ilz rompirent, & meirent hors tous les prisonniers qui y estoient: entre lesquels ilz trouuerent ledi&t Hugues Aubriot, Preuost de Paris, qui estoit condamné à perpetuelle prison, comme di&t à esté dessus, & le prier&t qu'il fust leur Capitaine. ce qu'il leur accorda, & fut avec eulx tout ce iour: & la nuy&t ensuyuant, luy voyant le grand tumulte qui estoit à Paris, & le dangier qui y estoit, se partit secrettem&t, & s'en alla à Dyion, dont il estoit natif, dont ledi&t populaire fut moult courroucé. S&blablement icelle nuy&t l'Euesque de Paris, les Officiers du Roy, & les plus gens de bi& de la ville s'absenterent, & en emporter&t secrettem&t de leurs bi&es ce qu'ilz peur&t: & le lendemain au matin ledi&t populaire se r'assembla en grand' fureur, & allerent en l'hostel de la ville, ou ilz entrer&t par force, & prindrent tous les habillemens de guerre qu'ilz trouuerent, & principalement grand' quantité de mailletz de plomb, que ledi&t Hugues Aubriot, luy estant Preuost de Paris, auoit fait faire, pour enuoyer en vne course qu'auoit fait le feu Connestable sur les Anglois, au moyen desquelz mailletz on appella ladi&te assemblée, l'assemblée des Mailletz. Quand la fureur dudi&t populaire fut passée & rassise, sachant que le Roy en seroit fort courroucé & mal content, & qu'il en prendroit vengeance d'eulx, ilz & ceulx de l'Vniuersité enuoyer&t Ambassade deuers luy, qui estoit au boys de Vincennes: & feirent tant les Ambassadeurs qu'ilz implorerent sa misericorde, & q le Roy leur pardonna, & ordonna que lesdi&tes aydes ne seroyent point leuées en ladi&te ville, moyennant qu'ilz donner&t & payerent au Roy cent mil francs, & qu'il y en auroit quarante executez à la volonté du Roy: & pendant que lesdi&tz Ambassadeurs estoient deuers le Roy, le Preuost de Paris en feit prendre plusieurs secrettem&t des plus coupables, & par nuy&t en feit executer & noyer quatorze en la riuere de Seine, dont le peuple se cuyda de rechef esleuer: parquoy le Roy manda qu'on cessast, & qu'on laissast la chose en suspens iusques à vne autre fois: & ainsi demourerent les choses en cest estat iusques au dixseptieme iour de Mars, que le Roy s'en partit du boys de Vincennes, pour aller à Rouen, en laquelle ville y auoit eu vne semblable esmeute, qu'on appella la Harelle, & pour pareille cause que ceulx de Paris: & par le commandement du Roy, auant qu'il entrast en ladi&te ville, furent prins six des plus coupables de l'esmeute, & fut le batail de la cloche de l'hostel de la ville osté, & toutes les armeures & bastons qui estoient en ladi&te ville, portez au chasteau, & semblablement les chaines de fer qui estoient es rues, & la porte de la ville, du costé de sainte Katherine, abbatue: & apres ces choses faictes le Roy y entra. Quand il y eut seiourné aucuns iours il s'en retourna: mais pource que ceulx de Paris n'estoy&t pas encores bien appeaisez, n'en voye d'obeyssance, il n'alla point en ladi&te ville, iusques à ce que ceulx de ladi&te ville le requissent de rechef en grand' instance, & s'en alla à Compiègne, à Meaulx, à Melun: & durant que ces choses se faisoient le Duc d'Aniou estoit en Auignon, le Duc de Berry en Languedoc, & le Comte de Flandres auoit grand' guerre contre les Gantois.

Comment

*Comment on voulut de rechef mettre sus les aydes, dont aduindrent plusieurs commotions en France.*



Les gouuerneurs, qui estoient autour du Roy, qui ne tendoyent qu'à mettre sus les aydes, affin qu'ilz en peussent mieulx faire leurs besongnes, feirēt assembler les gens des trois Estatz à Paris: & quand ilz furent assemblez maistre Arnauld de Corbye, premier President en Parlement, proposa en remonstrant les grāds charges & affaires que le Roy auoit à supporter: lesquels ne se pouoyent cōduire sans leuer ayde sur le peuple: à ceste cause il requeroit qu'on n'empeschast point que lesdictes aydes ne fussent leuées: mais quand les deleguez des villes eurent ouye ladicte proposition, ilz parlerent ensemble, & pour toute responce ilz dirent qu'ilz n'auoyent puissance ne charge, sinon d'ouyr ce qu'on leur voudroit dire, & de le rapporter. Si leur fut ordonné que dedans certain iour ilz en feissent sçauoir la responce à Ponthoise: & combien que les deleguez de la ville de Sens en ladicte assemblée eussent dit comme sorz, que ceulx de ladicte ville s'y consentiroient, toutesfois quand ilz furent retournez à Sens ceulx de ladicte ville dirent qu'ilz n'en feroient riens: & pour raison desdictes aydes aduindrent au royaume de France de grands maulx, commotions, & inconueniens en plusieurs villes & lieux.

*Les gouuerneurs d'entour le Prince ne demāderent que mettre sus nouvelles aydes sur le peuple.*

*Comment monseigneur Loys, Duc d'Aniou, fut couronné Roy de Cecille, par le Pape Clement: & comment il conquist Prouence, & apres alla en Lombardie.*



Vdiēt an mil ccc. quatre vingtz & deux, lediēt Loys, Duc d'Aniou, considerant qu'il auoit eu du Roy grandes finances & thresors, delibera d'aller conquerir la Comté de Prouence, & lesdictz royaumes de Cecille & de Hierusalem: & pour ladicte cause assemblea grand' armée, & print son chemin vers Auignon, ou le Pape Clement le receut en grand honneur & triumphe, & enuoya plusieurs Cardinaulx au deuant de luy: & apres le couronna Roy de Cecille & de Hierusalem: & le receut à hommage desdictz royaumes de Cecille, Hierusalem, Naples, Duché de Calabre & Comté de Prouence: & meit lediēt Duc ses gens d'armes en la Comté de Prouence: mais les Prouenceaulx se deffendirent, & resisterent, & y dura la guerre bien huyt moys. A la fin lesdictz Prouenceaulx, qui n'auoyent point de secours, se meirent es mains dudiēt Duc d'Aniou, nouveau Roy de Cecille, lequel y meit gens, & Officiers de par luy. Tantoist apres se meit à chemin luy & son armée pour tirer vers Naples, & passerent la Lōbardie, non pas sans grāds empeschemens & pertes de gens, cheuaulx, & biens: & quand Charles, qui se disoit Roy de Cecille, sceut qu'il approchoit, il meit sus grand' armée, en laquelle luy ayda le Pape Urbain, qui l'auoit couronné Roy desdictz royaumes. Iceluy Roy Charles s'adressa à vn compaignō qui se faisoit fort d'empoisonner lediēt Roy Loys, Duc d'Aniou, sil vouloit: parquoy lediēt Charles le feit habiller en estat de messagier, pour venir empoisonner lediēt Roy Loys: mais iceluy Loys en fut aduertie par vn Italien: parquoy lediēt messagier auant que venir en la presence dudiēt Roy Loys, fut prins, & legierement confessa le cas, & fut decapité.

*L'an mil ccc. lxx. & deux. La conquēste de la Côte de Prouēce faicte par Loys, Duc d'Aniou.*

*De la guerre du Comte de Flandres contre les Gantois & Flamens, qui s'allierent avec les Anglois.*



Nicelle mesme année, pource que Loys, Comte de Flandres, vouloit mettre aucunes maletostes sur ses subiectz, qui estoient contre les status & priuileges de Flandres, ce que les Flamens ne voulurent consentir ne souffrir, comme dessus a esté dict, & mesmement ceulx de Gant, ilz s'esleuerent de rechef contre luy, & s'allierent des Anglois, & feirent Arteuelle leur Capitaine. Le Comte, qui auoit assemblée grand' armée se meit sur les chāps, quand il sceut que lediēt Arteuelle y estoit, & s'entrentrecontrerent les deux armées, qui se combaterent: & en ladicte bataille mourut des gens du party du Comte biē dix mil hōmes, & de ceulx du party dudiēt Arteuelle en mourut enuiron quatre mille: & finalement le champ demonstra audiēt Arteuelle, & s'en fuit le Côte de Flandres au trauers des boys & chemins commūs, iusques à l'Isle. Apres ladicte bataille lediēt Arteuelle, qui se doubra que le Roy de France n'aydast audiēt Comte de Flandres, luy escriuit vnes lettres en parolles arrogantes, par lesquelles il luy mandoit qu'il ne feist aucun ayde audiēt Comte contre lesdictz Flamens, autrement il luy faisoit à sçauoir que luy & les Flamens s'allieroyēt aux Anglois: &

*La desconfiture des gens du Côte de Flandres, faicte par les Flamens.*

G iij

de fait & sy allierent: & lesdites lettres il enuoya par vn cheuaucheur ou Herault seulement: leq̃l les presenta au Roy en la presence des Princes & Seigneurs de son sang: & apres ce qu'elles eurent esté leues, veu que ce n'estoit qu'un messagier, il fut gracieusement enuoyé sans response. Tantost apres ledit Comte de Flandres, qui se voyoit ainsi oultragé par lesditz Flamens, ses subiectz, s'en vint deuers le Roy, & luy exposa la rebellion de sesditz subiectz, & qu'il estoit son vassal, & Per, à cause de la Comté de Flandres, & des Comtez d'Artois, & d'autres plusieurs terres & seigneuries qu'il tenoit de luy, luy requerant qu'il luy voulsist donner confort & ayde: & combien qu'iceluy Comte eust fait plusieurs commotions & maulx au Roy, & se fust parauant allié aux Anglois, toutesfois le Roy delibera pour aucunes raisons lors alleguées, & mesmement en la faueur & requeste du Duc Philippe de Bourgogne, son oncle, qui estoit gendre d'iceluy Comte, de luy faire ayde & secours: & feit diligemment mander & assembler son armée vers Arras. Quand son armée fut prestee, il alla à saint Denis, & print l'Oriflambe qu'il bailla à garder & porter à vn vieil & vaillant Cheualier, nommé messire Pierre de Villiers: lequel, auant qu'il la print, receut le corps de Iesus Christ, & feit les sermens en tel cas acoustumez.

*De l'ayde que feit le Roy au Comte de Flandres, contre les Flamens.*



Vcuns des gens de l'armée du Roy, qui estoient allez les premiers, auant que le Roy y allast, fallerent mettre dedans la ville d'Audenarde, avec les gens du Comte de Flandres. Quand Arteuelle le sceut, il les alla assieger: mais ilz se defendirent vaillamment, & firent plusieurs saillies, & tuerent moult desditz Flamens, qui estoient en vn merueilleusement grand nombre. Lesditz François furent si fort lassez & trauaillez qu'ilz manderent au Duc de Bourgogne, & audit Comte de Flandres, qu'ilz ne pouoyent plus tenir sans secours, & aussi que viures leur failloyent: & aduint vn iour que lesditz François, qui estoient dedans Audenarde, veirent vn troupeau de pourceaulx, ou il en y auoit bien quatre cens, qui estoient pour l'aitaillement de l'armée des Flamens, & les faisoient paistre en la prairie pres de la ville, & pour trouuer façon de les auoir firent vne assemblée de gens à cheual & de gens à pied, & sortirent hors entre la ville & l'ost des Flamens: & puis aucuns des gens de pied allerent mussément & à cachette au lieu ou estoit ledit troupeau de pourceaulx, & en prirent deux seulement: lesquels ilz attachèrent par les piedz de derriere, pour les entrainer: parquoy lesditz deux pourceaulx se prindrent à crier, & incontinent tout le grand troupeau acourut au cry d'iceulx deux pourceaulx, & les suyurent ainsi crians, tellement qu'ilz entrerent tous iusques en ladiete ville, dont lesditz François furent fort reconfortez.

*D'un grand troupeau de pourceaulx qui fut subtillement pris sur les Flamens, pres Audenarde, par les François.*

*De plusieurs rencontres & desconfitures faictes par les François, sur les Flamens.*



Nuiron la fin d'Octobre ensuyuant, le Roy arriua à Arras, avec moult belle & grande compaignie, & enuoya vn Gentilhomme, qui parloit & entendoit Flamet, par deuers Arteuelle & les Flamens, pour les desmouuoir, & leur remonstrer les inconueniens qui leur pouoyent aduenir, à cause de leur entreprinse qu'ilz faisoient. Lesditz Flamens firent bonne chere au Gentilhomme, & luy firent response que pour riens ne laisseroyent les armes, & qu'ilz poursuyroyent leur entreprinse, veu que c'estoit pour la liberté du pays, & ainsi s'en retourna le Gentilhomme. Le Comte de Flandres, lequel estoit à Bruges, qui scauoit que bien difficile chose seroit que l'armée du Roy peust passer la riuere de l'Escou ailleurs qu'au pont à Bouynes, que lesditz Flamens occupoyent, y enuoya son armée, pour despescher & ouurir le passage, & se combattirent les gés & lesditz Flamens tresasprement & durement, & furent iceulx Flamens desconfitz, & la pluspart tuez, & prin drent les gens dudit Comte ledit pont à Bouynes: mais tantost apres iceulx Flamens se rallierent bien huyt mil homes, & regaignerent le pont. Le Roy meit son armée sus chaps: & pour auoir passage fut trouué, qu'il conuenoit premierement gaigner ledit pont à Bouynes. Si enuoya le Connestable Clichon, & le Marechal de Sancerre avec deux mil homes: lesquels sceurent que du costé de l'armée du Roy lesditz Flamens auoyent rompu les arches dudit pont: parquoy il leur estoit impossible de les venir assaillir par la. Si trouuerent façon la nuyt ensuyuant de passer la riuere au dessus dudit pont en deux lieux, par les bateaulx qu'ilz eurent: & le lendemain vindrent deuant les Flamens de l'autre costé de la riuere: lesquels furent bien esbahis quand ilz les apperceurent estre passez la riuere, si se meirēt en bataille entre ledit pōt, & les

*La desconfiture des Flamens, faicte au pont à Bouynes par le Comte de Flandres.*



& les François, qui les assaillirent & combattirent, & furent Flamés desconfitz, & en mourut plusieurs: & ainsi les François gagnèrent ledit pont, qui rātoſt fut réparé, & passa le Roy & son armée oultre la riuere. Meſſire Jehan de Vienne, Admiral de France, fut commis à cōduire les viures & bagage de l'armée du Roy, & dressa son chemin vers la ville d'Ypre. Les Flamens, qui estoient dedans, sortirent sur lesdictz viures: mais ledit Admiral les cōbatit & desconfit, & y en eut plus de trois cens mors, & plusieurs prisonniers: parquoy ceulx de ladicte ville, voyans ladicte desconfiture, enuoyerent vn Religieux, & crièrent mercy au Roy, qui leur pardonna, & se meirent en sa subiection. Vne compaignie de François allerent vers la ville du Dan, qui est vn port de mer, & forte place, & y auoit plusieurs viures, mesmement grand quantiré de vin, & assaillirent ceulx de ladicte ville, qui se deffendirent: mais ilz ne peurent résister, & fut ladicte ville prinſe d'assault: & pendant ce temps de guerre les François dommerent fort de tout costez les Flamens: dont ledit Arteuelle se commença à esbahir: mais il estoit obstiné, & n'en oſoit ne vouloit monſtrer le ſemblant. Le Seigneur de Hancelles, qui estoit moult puissant, lequel par l'induction d'Arteuelle ſeſtoit ioinct avec ſes Flamens, quand il apperceut la puissance du Roy, il congnut ſa folie, & le danger ou il estoit, & le remonſtra auditz Flamens: mais ilz n'en tindrent compte: & par ce il monta ſecrètement à cheual, & les habandonna: & dient aucuns que pareillement voulut faire Arteuelle, & diſt au peuple desdictz Flamens qu'on luy laiſſaſt prendre iuſques à dix mil combatans, & il ſe faiſoit fort de deffaire l'armée du Roy: mais ilz respondirent qu'ilz ne ſouffriroyēt point qu'il partiſt d'enlx, comme auoit fait le Seigneur de Hancelles.

Le pōt à Bo  
uines fut  
gagné par  
les François.

*De la bataille qui fut entre le Roy & les Flamens à Rosebec, ou il mourut bien  
quarante mil Flamens.*



Le vigtynieme iour de Nōuembre audit an mil trois cēs quatre vintg & deux l'ā mil ccc. le Roy voyant que les Flamens estoient en grand nombre sur les champs, & iii. xx. & pres de luy, ſe delibera de les combatre: & ordonna ſes batailles: & eurent charge de l'auāgarde le Connestable Clichon, le Mareſchal de Sancerre, & le Mouſton de Blanville, auſſi Mareſchal: & avec eulx ſe ioignirent les Comtes de ſainct Paul, de Harecourt, de grand Pré, de Seines en Allemagne, de Tonnerre, le Vicomte d'Aunay, les Seigneurs de Caſtillon, d'Anglade & de Hangeſt: & les Ducz de Berry & de Bourbon, l'Eueſque de Beauuais, & le Seigneur de Paupy faiſoyent les eſles de ladicte auantgarde. En la bataille estoient le Duc de Bourgongne, le Comte de Vallois, & ſes freres, & plusieurs haults Princes, & Seigneurs, Barons, Cheualiers, & Eſcuers: & fut crié de par le Roy que tous ſe meiſſent à pied, & que nul ne ſe meiſt en fuyte ſur peine de perdre la vie, & ne demoura que le Roy ſeul à cheual: & alentour de ſa perſonne furent ordonnez certains Cheualiers, c'eſt à ſçauoir le Begue de Villaines, le Seigneur de Pomiers, le Vicōte d'Acy, meſſire Guy de Bayeux. Semblablement fut ordonné meſſire Robert de Beauvoir avecques quatre cens lances, pour aller eſcarmoucher & eſmouuoir l'armée desdictz Flamens. ce qu'il feſt bien diligemment: & puis ſ'en retourna avec ceulx de l'auantgarde, & ſe meirent tous à pied, & renuoyerent leurs cheualx avec les autres. Deux choſes merueilleuſes aduindrent, auant la bataille, dont on ſ'eſbahilloit fort: l'vne c'eſtoit qu'il vint ſi grande habōdance de corbeaulx que c'eſtoit merueilleuſe choſe à regarder, & tant y en auoit qu'ilz enuironnerent toutes les deux armées: l'autre fut que par toutes les deux armées, cinq ou ſix iours precedens, le temps fut ſi obſcur & chargé de nuées & de brouillars qu'on ne ſe pouoit veoir n'aperceuoir l'vn l'autre. Finablement les deux armées ſ'approcherent l'vne de l'autre: & lors le Roy feſt deployer l'Oriflambe, & tout incontinent le temps deuint bel & cler, & commença le Soleil à luyre, & ſ'entreueirent les batailles, & marcherent les vnes contre les autres, & tellement approcherent qu'ilz vindrent à combatre main à main: & y eut de premiere rencontre moult aſpre & dure bataille, ou les Flamens ſe porterent ſi vaillamment que de prime face ilz feirent reculer les François, mais les François prindrent courage, tellement qu'ilz rebouterent & rōpirent les Flamens ſi vaillamment & fermement que les Flamens tomberent à grand ras les vns ſus les autres, & furent desconfitz: & à la fin de la bataille on eſtimoit les mors du coſté desdictz Flamens à bien quarante mil perſonnes, & des François n'en mourut que trespeu: & fut ladicte bataille en vn lieu qu'on appelle Rosebec. Apres ladicte desconfiture on doubta fort que les Flamens ne ſe raliaſſent: ſi furent commis les Seigneurs d'Albret & de Coucy à les ſuyuir & chacer. ce qu'ilz feirent, tellement que lesdictz Flamens n'eurent loyſir d'eulx r'aſſembler, & ſ'en fuyrent plusieurs parmy les boys & mareſtz, ou il ſ'en noya moult grand nombre. Quand les Flamens, qui tenoyent le ſiege deuant Audenarde, ſcuerēt la desconfitu-

De la multi  
tude de cor  
beaulx qui  
apparurent  
ſur l'oſt du  
Roy de Frā  
ce & des  
Flamens, au  
ant la ba  
taille.

re de leurs gens, ilz leuerent leur siege, comme sans arroy, & s'en alloyent par petites compaignies & tourbes: & lors les François, & gens du Côte de Flandres, qui estoient dedans, saillirent sur eulx, & les chacerent, & y en eut de rechef plusieurs mors & prins. Le Roy & ceulx de sa compaignie furent ioyeux, & rendirent graces à Dieu de la victoire qu'il leur auoit donnée: & lors ledit Loys, Comte de Flandres, en faisant son deuoir, vint deuant le Roy, & en la presence des Seigneurs & Princes le remercia de l'ayde qu'il luy auoit faicte, & aussi remercia lesditz Princes & Seigneurs: & le Roy luy dist, Beau cousin ie vous ay voluntiers secouru, & tellement que la Dieu mercy voz ennemys sont desconfitz, combien que du temps de feu mon seigneur mon pere, que Dieu absolue, vous fustes fort chargé d'auoir eu alliance & fauorisé à noz ennemys les Anglois, si vous en gardez dorenavant, si vous voulez auoir nostre grace: le quel Comte luy promeit & iura qu'à tousioursmais luy seroit vray & loyal seruiteur, vassal & subiect. Le Roy auoit grand desir de sçauoir si Arteuelle estoit mort ou non: & pource qu'il y auoit vn des Capitaines desditz Flamens, qui auoit esté moult fort nauré en la bataille, & estoit prisonnier, on luy demanda s'il n'en sçauoit riens: & il dist qu'il croyoit certainement qu'il fust mort, car il estoit embesongné assez pres de luy: lequel Flamet fut mené sur le chapp, ou le Roy & les Princes cheuauchoyent pour veoir les mors, & trouua le corps dudit Arteuelle mort: lequel il monstra au Roy & à ceulx de sa compaignie. Le Roy voulut faire habiller les playes dudit Flamet, prisonnier, & faire guerir: mais il ne le voulut souffrir, & dist que pour la liberte de son pays il vouloit mourir avecques les autres: & par ainsi, à cause de l'euacuation de son sang, il mourut tantost apres.

D'un Flamet qui fut si obstiné qu'il ayma mieux mourir pour son pays, que de sauuer sa vie.

*Comment la ville de Courtray fut pillée & bruslée.*

**A**pres ladicte victoire le Roy delibera s'en retourner en France, & de passer par Courtray, pour faire abbatre les portes & murailles. Ceulx de la ville qui estoient fort riches & auitaillez, luy firent resistance: & à ceste cause les François l'assaillirent & la prindrent par force: & cōbien que le Roy feist crier qu'on n'y tuast per sonne, & qu'on ne feist desplaisir à nul, neantmoins lesditz François, en despit de la bataille qui auoit esté audict Courtray, ou les François auoyent esté desconfitz, tuerent presque tous ceulx de ladicte ville, & les pillerent: & puis bouterent le feu par toutes les maisons de la ville, ou ilz trouuerent plusieurs biens & richesses.

*Comment apres la guerre de Flandres le Roy s'en retourna vers Paris, malcontent de ceulx de la ville.*

**E**n ladicte ville de Courtray furent trouuées, vnes lettres comme on disoit, que ceulx de Paris auoyent escriptes aux Flamens, touchant le faict des aydes, dont le Roy fut bien malcontent d'eulx: parquoy il delibera de s'en venir droit à Paris: & en s'en venant il passa les villes de Picardie, ou il fut grandement receu, & luy feit on de beaulx dons. puis vint à Compiene, ou il fut aucun peu de tēps, pour soy solacier à la chace: car il aymoit moult le lieu, pour la delectation de lassiete & beauté de la ville, & du pays d'enuiron. En ladicte ville de Compiene les Ducz de Berry & de Bourgongne, oncles du Roy, osterent à l'Euesque de Beauuais les grands seaulx de la Chancelerie, & furent mis es coffres du Roy: & fut ordonné que iusques à ce que le Roy eust fait vn autre Chancelier, on secleroit du petit seel, qui estoit ordonné en l'absence du grand: duquel petit seel on bailla la charge & garde à l'Euesque de Laon, & à maistre Roger de Corbie premier President de Parlement, & à maistre Philippe des Molins, Chanoyne de Paris, puis vint le Roy iusques à saint Denis, & alla à l'eglise ou il rapporta l'Oriflambe, laquelle nue tēte, & sans seincture, il bailla es mains de l'Abbé, & rendit graces & louenges à Dieu & aux martyrs, qui sont construteurs des Roys & de la couronne de France, de la grace & victoire qu'ilz luy auoyent donnée, en la presence des Ducz de Berry & de Bourgongne, ses oncles, & de plusieurs grands Princes & Seigneurs: lesquels firent de riches dons en ladicte eglise: & en ladicte ville de saint Denis le Roy & sa compaignie furent par aucuns iours, tenant cōseil, deliberant en toutes manieres de ce qui estoit à faire pour rabatre l'orgueil de ceulx de Paris, lesquels estoient de ce bien esbahis, & nō sans cause. En ladicte ville saint Denis vindrēt vers le Roy, le Preuost des Marchās, & plusieurs grands & notables personnes de ladicte ville de Paris, pour eulx vouloir excuser: & luy dirent que Dieu mercy tout estoit bien appaisé, & que seurement il pouoit venir à Paris quand il luy plairoit, & que ceulx de la ville estoient biē deliberez de luy obeyr & complaire de corps & de biēs, en luy priant qu'il les voulist tenir & remettre

Le Roy ay-moult fort la ville de Compiene, & le pays d'enuiron.

Le Roy delibera d'abbatre l'orgueil de ceulx de Paris.

& remettre en sa bonne grace, & leur pardonner aucunes fautes & offenses auoyent cōmises enuers luy. Ce qu'aucuns des Princes ne vouloyēt croire, & disoyent que le peuple les desaduouoit, & qu'ilz ne leur auoyent point donné ceste charge: & nourrissoyēt tousiours lesdictz Princes le Roy, qui estoit ieune, en malalent contre ladiète ville, par ce qu'ilz ne tachoyent qu'a faire faire exactions, pour en auoir les deniers: ce neantmoins le Roy bailla iour au Preuost des Marchs pour venir entrer dedans Paris: auquel iour il se trouua en grand' triumphe, & avec grand nombre de gens d'armes tous armez. Quand il fut à la porte saint Denis, auant qu'entrer en ladiète ville, il meit & ordonna ses gens d'armes en trois batailles. En la premiere estoit le Connestable Clichon, & le Mareschal de Sancerre. En la seconde estoit le Roy grā dement acompaigné, armé, & monté sur vn beau cheual, & tous ses gens d'armes à pied, referuez ses oncles le Duc de Berry & de Bourgogne: & à ladiète porte fait rompre les barrieres & les portes de la ville en sa presence: & illec estoient venuz à pied & en grand' humilité le Preuost des Marchans, les Escheuins & Bourgeois de Paris: lesquelz luy voulurent faire la reuerence, & aucune briefue proposition de bouche, mais il ne les voulut ouyr n'entēdre, & sans faire semblant de les veoir passa oultre & cheuaucha iusques à nostre Dame de Paris, en laquelle il fit ses oraisons, & y dōna la bāniere qui auoit esté portée deuant luy, le iour de la bataille de Rosebec en Flandres. Apres s'alla descēdre & loger au Palais: & quand luy & ses gēs d'armes furēt logez, il fit crier à son de trompe par toute la ville qu'on ne feist aucuns outrages ne dist aucunes parolles iniurieuses à ceulx de ladiète ville, & qu'on ne print nulz prisonniers, ne feist mal à personne. Ce neantmoins il y en eut deux de ladiète ville, lesquelz vferent de manieres mauuaises, & dirent du Roy aucunes parolles mal sonnantes: parquoy ilz furent prins prisonniers, & le lendemain furent penduz aux fenestres de leurs maisons: & incontinent apres ladiète execution, les Ducz de Berry & de Bourgogne cheuaucherēt par la ville, & feirent prendre plusieurs de ladiète ville prisonniers: & entre autres, maistre Guillaume de Sens, maistre Ichā Filleul, maistre Martin Doubler, & plusieurs autres, iusques au nombre de trois cens: & n'y auoit celuy de ladiète ville de Paris qui n'eust grand' paour: & emmena les aucuns des principaulx aux Halles, & la furent decapitez sans faire long proces, dont la femme de l'un, voyant passer son mary qu'on menoit executer, se precipita & ietta à bas, par les fenestres emmy la rue, & se tua, & son enfant qu'elle auoit au ventre. Apres ces choses, les dessusdictz Seigneurs allerent par ladiète ville, & feirent arracher toutes les chaines de fer qui sont au trauers des rues de ladiète ville, & les feirēt porter au boys de Vincennes: & apres furent par toutes les maisons, & prindrent tous les harnbis & habillemens de guerre qu'ilz trouuerent, & en feirent porter vne partie au Louure, l'autre au Palais, & l'autre en la Bastille, & disoit on qu'il y en auoit assez pour armer cent mil hommes. La Duchesse d'Orleans, & l'Vniuersité de Paris, vindrent deuers le Roy luy requerir qu'on procedast seulement à punir ceulx qui estoient cause de la commotion, & non pas contre la generalité: à quoy le Roy respondit qu'il aduiseroit qu'il auroit à faire. Durant ce tumulte, qui fut à Paris, en l'année mil trois cens quatre vingtz & trois, maistre Ichā des Mares, qui fut Conseiller & Aduocat du Roy en son Parlement à Paris, vn grand sage homme, & qui auoit esté Conseiller du feu Roy Charles le Quint, auquel ledict feu Roy adioustoit grand' foy, fut prins prisonnier, & ne scauoit l'on bonnement pour quelle cause (car il n'auoit point esté cause ne consentant desdictes commotions: mais luy desplaioyent terriblement les brouilleries qui auoyent esté à Paris) & fut mis en Chastelet, & ne luy fait on pas long proces, & à peine print on le loisir de l'examiner: & disoit on que c'estoit pour la hayne qu'auoyent conceue contre luy les Ducz de Berry, & de Bourgogne, durant les questions d'entre eulx & leur frere le Roy de Cecille, Duc d'Anjou: si fut condamné à estre decapité: & combien qu'il allegast sa clericature (car il n'auoit esté marié qu'une fois à vne ieune pucelle) & requist estre ouy en ses iustifications, ce neantmoins il fut mené es Halles de Paris: & fut decapité à la tresgrād' desplaissance de plusieurs, tāt grāds comme peris (car il estoit fort aymé à Paris) & en l'y menant disoit tousiours ce Pseume: *In iudicio me Deus, & discerne causam meam de gente non sancta, &c.* & avec luy en furent decapitez douze autres. Et combien que l'entendement humain ne puisse appōser raison sur les iugemens de Dieu, toutesfois plusieurs dirent que cela estoit aduenü audiēt Aduocat, pource que luy estāt Aduocat il prenoit & acceptoit voluntiers charge des causes qui estoient cōtre les droictz, priuileges, & immunitiez des Eglises, & sy delectoit fort: & au cōtraire faisoit, comme on disoit vn nommé maistre Pierre de Frontbrac, aussi Aduocat en Parlemēt du tēps dudiēt des Mares, qui estoit zelateur & deffenseur des droictz de l'Eglise: & combien qu'iceluy de Frontbrac ne fust qu'un simple Aduocat, & pour tous benefices Chanoynes de Chartres, homme ancien, mais vertueux, il fut par le Pape Clement fait & déclaré Cardinal, sans ce qu'il en feist aucune poursuyte: & par tant Dieu en punist vn & l'autre il exalta. Apres ces choses ainsi faictes,

Le Roy uolūt entrer dedans Paris à mai & mēc.

La grosse piē d'une fēme grosse d'enfant.

L'ā mil ccc. iiii. xx. & trois.

L'Aduocat du Roy en sa court de Parlement fut decapité.

La preuosté & Escheuinage de Paris aboliz.

le Roy feit crier, bailler, & liurer les fermes des aydes en ladicte ville de Paris: c'est à sçauoir gabelles & impositions: & fut la Preuosté & Escheuinage de ladicte ville condânée & abolie: & fut ordonné qu'il n'y auroit plus nul Preuost des Marchans n'Escheuins, & que la iustice du fait de la marchandise de l'eau, qui se souloit faire par ledict Preuost des Marchans, se feroit dorénuant par le Preuost de Paris: & estoient tous les habitans de Paris en grand' paour & craincte, & non sans cause, pour la grand' perturbation qui estoit en ladicte ville.

*Comment le Roy feit faire vn siege en la court du Palais: & de la proposition qu'il feit faire par messire Pierre d'Orgemont son Chancelier.*

La proposition que feit le Chancelier d'Orgemont en la court du Palais, au populaire de Paris.



Pres ces choses le Roy feit faire vn siege au hault des degrez du Palais deuant la representation du Roy Philippe le Bel, bien notablemēt paré, auquel il passeist, & auprès de luy furent ses oncles assiz, les Ducz de Bourgongne & de Bourbon, & plusieurs autres grands Princes Seigneurs & Cōseillers: & la feit on venir le populaire de Paris, qui estoit en si grand nombre que c'estoit merueilleuse chose à veoir, tous nues testes. Et lors commanda le Roy à messire Pierre d'Orgemont, qui auoit esté nouuellemēt crée son Chancelier de France, qu'il dist ce qu'il luy auoit chargé de dire: lequel Chancelier commença à parler du feu Roy Charles le Quint, & comment il auoit honnestemēt traité & entretenu ceulx de Paris, nonobstant les oultraiges qu'autresfois ilz luy auoyēt faitz: & comment le Roy, son filz, auoit delibéré de les biē traiter: mais qu'on congnoissoit biē leur ingratitude, & la grande dureté de leurs cœurs, dont ilz estoient digne de grand' punition, en declarant les matieres qui s'offroyent & les principales: parquoy on ne se deuoit esmerveiller des executions qui auoyent esté faites: en concludant qu'encores en y auoit il plusieurs qui estoient bien à punir. Apres ces choses dictes lesdictz Ducz de Berry & de Bourgongne, oncles du Roy, se meirent à genoulx deuant ses piedz, en luy priant & suppliant qu'il voulist auoir pitié de son pauvre peuple de ladicte ville de Paris: & apres plusieurs Dames & Damoyelles de ladicte ville, qu'on auoit fait venir, lesquelles estoient toutes descheuclées, en pleurant feirent pareille requeste au Roy, & tout le demourant du peuple se mit à genoulx, & nues testes, & tous commencerent à crier à haulte voix & par plusieurs fois, Misericorde qui estoit piteuse chose à veoir & ouyr: & lors respondit le Roy qu'il estoit content que la peine criminelle qu'ilz auoyēt encourue fust conuertie en ciuile: & par ce furent mis les prisonniers hors de prison, & fut l'amende ciuile imposée sur les coupables, telle qu'il failloit qu'il baillassent: qui estoit la moytié de ce qu'ilz auoyent vaillant: & fut icelle finance baillée aux gens de guerre, affin qu'ilz ne feissent nulles pilleries, car pour lors n'estoyent nulles ordonnances de gens d'armes souldoyez. Et combien que lesdictz gens d'armes eussent esté tresbien payez de tout ce qui leur estoit deu, & que par ce ilz eussent promis ne faire aucuns excès, ce neantmoins si tost qu'ilz furent sur les champs, ilz feirent de grands pilleries & roberies, & rançonnoient tous ceulx de ladicte ville de Paris, qu'ilz rencontroyent, & faisoient maulx innumérables.

La sentence donnée contre ceulx de Paris, par le Roy.

*De la commotion que feirent ceulx de Rouen, pour les aydes qu'on vouloit mettre sus.*



Antost apres ceulx de Rouē, qui festoyent esleuez, & auoyent fait comme ceulx de Paris, ou pis, & auoyent meurtz les fermiers du Roy, sceurent comme ceulx de Paris auoyent esté rudement traittez: si enuoyerent deuers le Roy demander pardon & misericorde de leur meffait. Parquoy le Roy y enuoya messire Jehan de Vienne, Admiral de Frâce, vaillant Cheualier & preud'homme, accompagné de gēs de guerre, & avec luy messire Jehan Pastourel, & le Seigneur de Noniant: lesquels entrèrent dedans ladicte ville de Rouen, & feirent abatre aucunes des portes, & prendre grand' quantité des habitans, especiallement ceulx qui auoyent contredit à payer lesdictes aydes, & qui auoyent esté cause des commotions qui auoyent esté faites en ladicte ville, & qui auoyēt couru sus aux fermiers: & d'iceulx y eut plusieurs executez, & les testes coppées: & lors les habitans demanderent pardon & misericorde. Et pource que c'estoit pres de Pasques les prisonniers furent deliurez, & l'amende criminelle conuertie en ciuile, & pour abbreger ilz feirent comme ceulx de Paris.

La punition de ceulx de Rouen.

D'une des-



*D'une descente d'Anglois que les Flamens recueillirent: & de la rebellion de  
ceulx d'Orleans, pour le faict des aydes.*



L'An mil trois cēs quatre vingtz & trois, y eut de grandes commotions en An-  
 gleterre: & disoyēt les Anglois que le Roy Richard estoit lasche de ce qu'il ne  
 faisoit guerre en France: & à vn Parlement à Londres, delibererent de faire la  
 guerre aux François. Les aucuns estoient d'opinion qu'on deuoit faire paix:  
 & soustenoit fort ceste opinion l'Euesque de Cantorbie, parquoy il fut tué biē  
 inhumainemēt, & plusieurs autres de son opinion. Le filz † du Roy d'Angle-  
 terre, Hugues de Carnelay, Cressonnal, & Robin Canolle, Anglois, assemblèrent huyt cens  
 hommes d'armes & xij. mil archiers, & monterent sus mer, pour venir en France: mais ilz eu-  
 rent vent contraire, qui les rechaça, & perirent la plus part de leurs nefz: mais tantost ilz en  
 assemblērēt d'autres, & vindrent descēdre à Calais, & auoit la charge l'Euesque de Norvvic,  
 avec bien six vingtz nefz, & allerent en Flandres, ou les Flamens les receurent lyemēt, & leur  
 administrerent viures. Le Lundy xxvj. iour de May, se combattirent lesdictz Anglois deuant  
 Dunkerque, contre aucuns Flamens, qui tenoyent le party du Roy, & du Comte de Flādres,  
 & furent lesdictz Flamens desconfitz: & apres allerēt lesdictz Anglois mettre le siege deuant  
 Ypre. Le Roy qui estoit à Paris, & rien ne sçauoit de la descente desdictz Anglois, l'en alla en  
 pelerinage par deuotion à nostre Dame de Chartres, ou il fut trefbiē receu: & apres ses orai-  
 sons faictes, luy vindrent nouuelles, que ceulx d'Orleans auoyent fait pareille desobeyffance,  
 à payer les aydes, & festoyent esleuez, comme ceulx de Paris: parquoy le Roy delibera d'y al-  
 ler, & de faict y alla, & fut notablemēt receu de ceulx de ladiēte ville: mais pourtant ne demou-  
 rerēt pas leurs fautes impunies, car (comme aux autres) il leur feit abatre leurs portes, & oster  
 les chaines, & des principaulx feit decapiter grand nombre, & le demourant payerent grand  
 finance, comme à eulx importable: puis s'en retourna à Paris.

l'an mil  
 ccc. quatre  
 vingtz &  
 trois.

† Froiss. &  
 Pol. Verg.  
 ne parlent  
 point de ce  
 filz d'Ang.  
 & font ces  
 nōs un peu  
 autres.

punitiō fai-  
 ste contre  
 ceulx d'Or-  
 leās, qui a-  
 uoyent esté  
 desobeissāz  
 au Roy.

*Du voyage que le Roy feit contre les Anglois & Flamens, ou il porta l'Oriflambe.*



LE Roy estant à Paris, luy vindrent nouuelles q̄ les Anglois, qui estoient descen-  
 duz en Flandres, faisoient maulx infinis es pays de Picardie: si delibera d'y reme-  
 dier, & manda gens de toutes pars. Les Gantois, qui furent aduertis de l'assem-  
 blée que faisoit le Roy, enuoyerent deuers luy Ambassadeurs: mais le Roy, qui  
 bien fut aduertiy qu'ilz ne vouloyent que l'amuser, affin qu'il n'allast contre eulx,  
 ne les voulut ouyr. Quand l'armée & viures du Roy furent prestz, il alla à saint Denis pren-  
 dre congé des martyrs, conseruateurs de luy & du royaume, & print l'Oriflambe, & la bailla  
 à garder & porter, à messire Guy de la Trimouille, Cheualier, puis se meit en voye vers Flan-  
 dres, & alla à Arras, & à Therouenne, & auoit bien xx. mil hommes d'armes, que Cheualiers  
 qu'Escuyers, sans les gens du Duc de Bretagne, qui estoient venuz pour seruir le Roy en sa  
 guerre. Les Anglois, qui estoient en Flandres, à la requeste des Gantois, tenoyēt le siege deuant  
 Ypre. Le Roy tira vers la, & le Connestable Clifson, & le Duc de Bretagne, qui menoyēt l'a-  
 uantgarde du Roy, les suyirēt. Apres estoit la bataille, ou estoit le Duc de Berry, de Bourgō-  
 gne, de Bourbon, de Lorraine, de Bar, & plusieurs autres, & estoient bien x. mil lances, & furēt  
 logez à Blādelle, à deux lieues pres de Cassel, ou estoient les Anglois, qui meirēt le feu dedans,  
 & s'en fuyrent. Si prindrent les gens du Roy plusieurs forteresses: & tantost lesdictz Anglois,  
 qui estoient au siege deuant Ypre, se leuerent, & meirēt le feu dedans leurs tentes, & se retire-  
 rent à Grauelines & à Bergues. Lediēt Robin Canolle s'en alla à Bergues, ou lesdictz Cōne-  
 stable & Duc l'allerent assieger: mais quand il le sceut, il s'en alla à Grauelines, & bouta le feu  
 en ladiēte ville de Bergues, ou les François entrērēt, & y auoit encores des Anglois: & pour-  
 ce q̄ ceulx de ladiēte ville les auoyent fort fauorisez, les François tuerent tous les gens de des-  
 fence qu'ilz y trouuerent. Puis allerent apres lesdictz Anglois à Grauelines, & y meirent le  
 siege, & y eut de grands armes: mais pource que les Anglois veirent qu'on les chaccoit de  
 pres, ilz s'en partirent secrettement par nuyt, par vne porte qui n'estoit point assiegée: le quel  
 partement les François ne voulurēt croire. Il y eut aucuns François qui prindrēt vn bateau,  
 & en petit nōbre des plus vaillans, entrērēt dedans ladiēte ville par eauc. Ceulx de ladiēte ville  
 s'assemblerent pour les rebouter, mais les François les tuerēt: & apres, toute l'armée des Fran-  
 çois entra dedās, & pillerent & brûlerēt presque toute la ville. Apres la prinse de ladiēte vil-  
 le de Grauelines, lediēt Cōnestable, & le Duc de Bretagne, menerēt leur armée à Bourbourg,  
 ou les Anglois festoyent retirez, & fut la ville assiegée de toutes pars. Vn iour fut aduisé de

La ville de  
 Grauelines  
 fut prinse  
 & pillée  
 par les Fran-  
 çois.

H

donner l'assault, ou les François feirent de grandes vaillances: & entre autres, messire Philippe d'Artois, Comte d'Eu, print vne banniere du Roy, à fleurs de lyz, & monta iusques sus les murs vaillamment, & dura l'assault iusques à la nuyt: & celle journée feit le Roy plusieurs Cheualiers, & y en eut plusieurs mors. Lors demanderent les Anglois, qui estoient dedans, à parler au Duc de Bretagne, qui là estoit, qui leur fut accordé: & en parlât à luy, ilz luy ramenerent à memoire les seruces qu'ilz luy auoyent faitz, & que filz ne luy eussent aydé, il n'eust point esté Duc de Bretagne, & que ses predecesseurs auoyent tousiours seruy la maison d'Angleterre, & que par ce il leur voulsist ayder, & trouuer moyen qu'ilz s'en retournassent honnestement: & le Duc leur promet faire enuers le Roy le mieulx qu'il pourroit pour eulx. si s'en alla deuers le Roy, & parla à luy, nō pas par maniere de supplication, mais p admonnestement & remonstrance, disant, que les faitz de guerre sont aduātueux & à doubter, & que les Anglois estoient puissans, & qu'a les prendre d'assault on pourroit perdre beaucoup de gens de bien, dont apres il seroit courroucé, aussi que l'hyuer s'approchoit, & que le pays de Flandres estoit froid & aquatique: & tant fait par le moyen d'aucuns Seigneurs qu'il attira le Roy à la cordelle, tellement qu'il fut accordé ausdictz Anglois, qu'ilz s'en yroyent leurs biens & vies saulues, & laisseroyent la ville à la volonté du Roy. Si s'en sortirent lesdictz Anglois, & vindrēt deuers le Roy, bien pompeusement, le remercier du gracieux traité qu'il leur auoit fait: & apres s'en allerent à Calais, & aucuns s'en allerent dedans Grauelines: mais on leur donna de l'argent, & ilz s'en sortirent sans siege. Apres leur partement, le Seigneur de Sempy, Capitaine pour le Roy, se meit dedās pour renforcer la ville: & par ce moyen fut clos aux Anglois le passage, de pouoir aller en Flandres. Dudit traité furent la plus part des gens de guerre mal contens, & mauldissoient ledict Duc de Bretagne, qui en auoit esté cause, & disoyent diuerses parolles mal sonnantes de luy: & les François entrerent en ladicte ville de Bourbourg, & y en eut vn qui par force entra en vne eglise, & veit vne image d'argent de saint Iehan, sur vn autel, qu'il vouloit prédre & emporter: mais l'image luy tourna le dos, & deuint iceluy homme enragé & hors du sens, & à cause de ce, les gens de guerre ne feirēt nul mal aux eglises, & par la ville se porterent gracieusement. & pource que le temps d'hyuer estoit prochain le Roy s'en retourna à Paris, & le Duc de Bretagne, qui demoura derriere, print & accorda aux Anglois vne abstinence de guerre, soubz esperance de paix, & l'apporta au Roy. Le Roy en s'en retournant ouyt parler aucuns de ses Capitaines, & par leurs parolles congnut la fraude dudit Duc: mais il la dissimula pour l'heure: & quand iceluy Duc eut parlé au Roy, il s'en retourna en Bretagne, le plus tost qu'il peut: & furent lesdictes trefues publiées en Guyenne: mais les Anglois couroyent tousiours & faisoient maulx innumerables, en guise de brigans: & disoyent les Capitaines Anglois, que ce n'estoyent point de leurs gens. & pource que lesdictes trefues estoient prinſes soubz esperance de paix, le sixieme iour de Decembre le Roy enuoya le Duc de Berry, son oncle, à Boulongne: & la vint le Duc de Lancastre à Calais, pour le party d'Angleterre, pour cuyder traiter paix: & eurent plusieurs parlemens de peu de profit, si non vnes trefues qu'ilz prindrent, qui ne durerent gueres. Tantost apres, c'est à sçauoir le treizieme iour de Ianuier, audiēt an mil trois cens quatre vingtz & trois, trespassa monseigneur Loys, Comte de Flandres: & fut enterré à saint Pierre de l'Isle: & luy succeda monseigneur Philippe, Duc de Bourgongne, son gendre, & oncle du Roy, lequel fut nommé Philippe le Hardy, qui auoit espousé madame Marguerite, fille dudit Comte de Flandres, à cause de laquelle luy vindrent les Comtez de Flandres: & lors se leuerēt merueilleux ventz & tempestes, dont plusieurs gens disoyent ce que bon leur sembloit: car il auoit esté mauuais François.

D'un Cheualier q deuint enragé, pour tant qu'il auoit commis sacrilege.

L'an m.ccc. iiii. xx. & trois.  
Philippe le Hardy, Duc de Bourgongne, succeda à la Comté de Flandres.

*Du voyage que le Duc de Bourbon, & autres Seigneurs de France feirent en Barbarie, sur les Sarrazins.*



En ce temps partit de France, mōseigneur Loys, Duc de Bourbon, deliberé de faire guerre aux Sarrazins, & en sa compaignie le Comte de Harecourt, le Seigneur de la Trimouille, & plusieurs autres, iusques au nombre de hny& cens Cheualiers, tant de France, que d'autres nations: & descēdirent en la Barbarie & en Afrique, ou ilz feirēt plusieurs assaulx & escarmouches ausdictz Sarrazins: mais iceulx Sarrazins quand ilz sceurent leur venue, ilz feirent tellement serrer & amasser les viures, & retirer es villes & citez, que les Chrestiens n'en pouoyent auoir, & y eurent de grandes indigences l'espace de six semaines, tellement qu'ilz furent contrainctz de leuer le siege qu'ilz auoyent mis, & retourner en leur pays.

Des maulx

*Des maulx que plusieurs gens du commun d'Auuergne faisoient, & de la punition que le Duc de Berry en feir.*



L'An mil ccc.iiij.xx. & iiij. les trefues qui auoyēt esté pourparlées entre les Ducz de Berry & de Lanclastre, furēt de rechef publiées par mer & par terre, & assez competammēt gardées: & lors le Duc de Berry se delibera d'aller en Auignon, pour veoir & visiter le Pape, pource q̄ les trefues estoient prinses entre les François & Anglois, & de rechef publiées, comme dict est. Et en y allant sceut que plusieurs des communes, gens mecaniques & laboureurs d'Auuergne, Poitou, & Lymosin, s'estoyent mis sus en armes, & auoyent fait leur Capitaine vn nommé Pierre de Bruyeres, & n'estoit mal au monde qu'ilz ne feissent: & entre autres choses quand ilz trouuoient aucuns, fussent Nobles ou Bourgeois des villes, ilz mettoient tout à mort. Il aduint qu'ilz trouuerent vn moult vaillant Cheualier, qui estoit d'Ecosse, auquel ilz meirēt vn bassinet sur sa teste, tout ardent, & piteusement le firent mourir. Ilz prindrent vn Prebstre, & luy copperent les doigz, luy escorcherent la couronne, puis le bouterent en vn feu & l'ardirēt. Ilz trouuerent vn Cheualier de Rhodes, & le pendirent à vn arbre par les aisselles: puis luy tirent traitz d'arbalistres & dardz, & d'autres glaiues, & ainsi piteusement le firent mourir, & firent plusieurs autres grands inhumanitez. Ledit Duc de Berry assembla plusieurs gēs Nobles & autres de guerre, & cheuaucha hastiuement vers eulx bien accompagné, & arriua à vn matin au lieu ou ilz estoient, & illec les assaillir, ou ilz ne firent pas grand' resistance: parquoy legierement furent desconfitz, & grand' foison y en eut de tuez sur le champ, & le residu furent tous pēduz, excepté aucuns qui s'eschaperēt, & retournerent en leurs maisons labourer, cōme ilz auoyēt accoustumé, ou ilz furēt delaissez, & leur fut pardonné: de laquelle execution ledit Duc de Berry eut grād' honneur, & grādes prieres du peuple. Apres ce alla deuers le Pape en Auignon, qui le receut, & par plusieurs fois le festoya moult honnorablement, & expedia toutes les requestes qu'il luy voulut demander: & au departir luy donna moult de beaux ioyaulx & de saintes reliques, & n'y eut si petit des seruiteurs dudit Duc à qui le Pape ne feist faire aucun don. En ce tēps le Roy d'Armenie, qui estoit vaillant & sage Prince, fut si trauaillé des Turcz, qu'il fut contrainct abandonner son royaume, & s'en vint à refuge en France deuers le Roy, qui le receut honnorablement, & ordonna q̄ son estat fust entretenu à ses despens.

*l'an mil ccc. quatre vingtz & quatre.*

*De l'inhumanité cruelle de ceux d'Auuergne, de Lymosin & de Poitou.*

*D'aucuns Docteurs Iacobins, qui voulurent soutenir la vierge Marie auoir esté conceue en peché originel, & pourquoy on les appela Huetz.*



Nuiron ce temps y eut aucuns Docteurs, & autres de l'ordre des freres Prescheurs, qui disoyēt, & prescherent publiquement, que la vierge Marie, mere de Iesus Christ, auoit esté engēdrée & conceue en peché originel: & en eut vn qui dist q̄ fil ne le scauoit monstrier & prouuer perēptoirement, qu'il vouloit qu'on l'appelast Huet: & en contemp de ce par desrision, quand on voyoyt aucuns desdictz Iacobins aller par la ville de Paris, & passer par les rues, les menuz gēs, Escoliers, & enfans crioyēt apres eulx: Aux Huetz, aux Huetz: tellement q̄ de honte qu'ilz auoyēt, ilz n'osoyent plus aller par la ville: & pour ladicte erreur fut assemblé vn grand conseil de Clercs & notables gēs à Paris: & par eulx fut ladicte pposition declairée erronée en plaine assemblée & Procession generale de l'Vniuersité de Paris. En celle mesme année, à la requeste de ceulx de l'Vniuersité de Paris, fut ordonné que nul or n'argēt ne fust trāsporté hors du royaume: & oultre q̄ la tierce partie du reuenu des benefices de ce royaume fust mise es reparations des Eglises & benefices, l'autre tierce partie à payer les charges: & l'autre tierce partie pour viure les gēs d'Eglise, & autres qui feroiyēt le diuin seruice: & fut faite ladicte ordonnance p̄ ce q̄ le Pape & les Cardinaulx faisoiyēt de grandes exactions sur l'Eglise de France, & prenoiyēt & emportoiyēt tout le reuenu des benefices.

*Des freres Prescheurs, qu'on souloit appeler Huetz.*

*Bonne ordonnance, touchant les benefices.*

*De la mort du Roy de Cecille, Duc d'Aniou: & comment le Roy de Nauarre voulut faire empoisonner les Ducz de Berry & de Bourgongne, oncles du Roy.*



L'An mil trois cens quatre vingtz & t̄ cinq, le neuueme iour de Septembre, mourut monseigneur Loys, Roy de Cecille & de Naples, duc d'Aniou, & oncle du Roy; apres ce qu'il eut passé les montaignes du royaume de Naples, ou il eut de grandes pertes de ses gēs, cheuaulx, & biens, tellement que ceulx qui estoient en sa compaignie mouroyēt de faim: car Charles, Roy de Cecille, son aduersaire, auoit

*† Croni. de Nap. disent 4. le 21. de Septēb.*

tout fait retrairees viures dedans les villes, si qu'ilz ne trouuoyent que menger sur les chāps, & auoyent par necessité vendu toutes leurs bagues & ioliuetez, & estoient en si grand' pau-  
ureté, que lediēt Roy Loys mesmes n'auoit qu'une cotte d'armes de toille paincte. Apres son  
trespas son corps fut mis en vn coffre de plomb, & luy fait on telles obseques qu'on peut: & ses  
gens s'en retournerēt tous à pied, mal en point, chacū vn baston au poing: & par ainsi la grād'  
cheuance qu'il auoit prinse du Roy & du royaume de France, fut toute perdue. Aucun  
temps parauant le trespas dudiēt Roy Loys de Cecille, estant en Cecille, il enuoya messire

De messire  
Guillaume  
de Craon, q  
retint l'argent  
qu'on enuoy-  
oit au Duc  
d'Anjou.

Guillaume de Craon, en France, deuers sa femme, qui fille estoit du Comte de Bloys, pour  
auoir argent: laquelle luy bailla tout ce qu'elle peut finer: mais lediēt de Craon meit plus à  
partir qu'il ne deuoit, & alla à Venise orgueilleusemēt habillé, & là sceut la mort du Roy Loys,  
dōt il dist qu'il en estoit bien ioyeux: si s'en retourna en Frāce, & vint à Paris en grands pōpes.

Vn iour monseigneur le Duc de Berry estoit au Conseil du Roy, & quand il veit lediēt  
de Craon, il luy dist: Ha faulx trahyste, mauuais & desloyal, tu es cause de la mort de mon  
frere: si tu eusses fait diligence de porter l'argent, que tu auois receu, les choses fussent bien  
autrement allées, & le voulut faire prendre prisonnier, mais il ne le fit point: car il n'appa-  
roissoit riēs de ce qu'il disoit. Lediēt Loys, Roy de Cecille, laissa deux filz, l'un nōmé Loys, qui  
fut courōné Roy aucū tēps apres, & l'autre Charles. En celle année fut en la ville de Cābray  
faict le mariage du Côte de Neuers, filz du Duc de Bourgōgne, & de la fille du Comte de He-  
nault, & fut le Roy aux nopces: & le lēdemain à vnes ioustes, qui furēt faictes, le Roy voulut  
iouster, & de faict iousta contre vn nōmé Colart d'Espinay, qui estoit grād & puissant, & fort  
vsite à la iouste: & combien que lediēt Roy n'eust iamais iouste, & qu'il fust ieune, neant-  
moins il se porta vaillamment & honnestement à la iouste, & rompit plusieurs lances, dont il  
fut fort loué, & en estoit le peuple bien ioyeux. Audiēt an le Roy de Nauarre enuoya vn  
Anglois, nōmé Iehan d'Estuy, en France, pour empoisonner les Ducz de Berry & de Bour-  
gongne, auquel il bailla grand' finance: mais iceluy Iehan d'Estuy en fut attainct, & confes-  
sa le cas: parquoy fut fait escarteler. En ce temps fut le mariage du Roy & de madame Ysa-  
beau, seule fille & heretiere de monseigneur Guillaume, Duc de Bauiere, en la ville d'Amyēs.

En celle mesme saison les Anglois feirent sçauoir qu'ilz estoient contens d'entendre à ap-  
pointement: & vint le Duc Lanclastre, filz du feu Roy d'Angleterre, à Calais: & le Roy en-  
uoya monseigneur le Duc de Berry, son oncle, à Boulongne: & furēt leurs tentes tendues en-  
tre deux villes, affin qu'ilz fussent plus pres pour parler ensemble: & cependant on faisoit la  
procession p tout le royaume, pour la paix: & fait lediēt Duc de Berry plusieurs grands offres,  
à quoy lediēt de Lāclastre ne voulut obtēperer, & voyoit on bien q lesdiēt Anglois n'auoyēt  
point de vouloir de paruenir à appointement: parquoy lediēt Duc de Berry s'en retourna à  
Paris deuers le Roy: & apres s'en alla es marches de Languedoc & Guyenne, dont il estoit  
Gouuerneur.

*De la guerre que feirent les Anglois: & du grand nauire qu'assembla le Roy  
pour leur faire guerre.*

L'an m.ccc.  
iii. xx. &  
six.



An mil trois cens quatre vingtz & six le Roy, qui voyoyt bien que les Anglois  
ne faisoient que dissimuler, & n'auoyent pas vouloir de faire ne conclure ap-  
pointement de paix, se delibera de descēdre en Angleterre, pour leur faire guer-  
re, & assembla grand nombre de gens & de nauires: mais le Roy d'Armenie, qui  
estoit venu vers les Roys de France & d'Angleterre, leur requerant ayde contre  
les Sarrazins, remonstra au Roy les grandes tyrannies & persecutions que faisoient lesdiēt  
Sarrazins à la Chrestienté, & qu'ilz ne pouoyēt estre reboutez sans l'ayde desdiēt deux Roys  
& royaumes, en les admonnestant qu'ilz feissent paix ensemble, & qu'ilz y allassent: lesquelz  
Roys dirent qu'ilz estoient contens de faire appointemēt, & fut faict vne assemblée à Bou-  
longne: mais les Anglois estoient si orgueilleux & si arrogans, & faisoient de si excessiues  
demandes qu'il apparoissoit bien quilz n'auoyent point deuoloir de faire appointement: &  
partant se departirent sans riēs faire, & se meirent les Anglois sur mer, & feirent grand' guer-  
re aux François, pour celle année, & prindrent Cherebourg, & Brest en Bretagne: & fut  
diēt que le Duc Iehan de Bretagne fauorisoit ausdiēt Anglois: & furent trouuées vnes let-  
tres, qui de ce faisoient mention: mais lediēt Duc s'en enuoya excuser deuers le Roy, disant  
que lesdiēt Anglois les auoyent contrefaictes pour luy donner charge enuers luy. Si fut mis  
par lesdiēt François & Bretons le siege deuant Brest, par mer & par terre, & y fut longue-  
ment: mais ilz ne peurent auoir la place. En l'année ensuyuāt, mil trois cens quatre vingtz  
& sept, & le Roy fait faire vn moult grand amas de nauires, & mettre sus plusieurs gens d'ar-  
mes

Brest & Che-  
rebourg priés  
par les An-  
glois.

L'an mil ccc.  
quatre uingt  
& sept.



mes pour aller descēdre en Angleterre, & y auoit neuf cens nauires: & se meit à chemin vers Picardie, & print la ville du Dan d'assault: & le Duc de Berry, son oncle, qui deuoit auoir la principale charge & conduicte de l'armée, demoura derriere à Paris, ou il se tint si longuemēt sans venir, que la saison de guerroyer se passa pour celle année, durant sa dissimulation, & ne fait l'on rien pour celle anuée, dont on luy donnoit grand' charge: car pour mettre sus ladiēte armée auoit on fait de grands empruntz, & leuē de grandes subides, tant sur gens d'Eglise q̄ sur gens Laiz: & furent les nauires & viures prins & gaignez par les Anglois, qui estoient sur mer.

*De la mort du Roy de Nauarre.*

**E**N celle année mourut le Roy de Nauarre, qui filz auoit estoit esté de madame Jehanne de France, fille du Roy Loys Hutin: lequel Roy de Nauarre auoit esté cause de faire plusieurs maux & inhumanitez en France, & desmolir, brusler, & ardoir plusieurs villes, chasteaux, & places, es marches de Normandie, & ailleurs: & aduint, comme par punition diuine, qu'une maladie le print, & disoyent les medecins qu'il auoit les membres refroidis, & ordonnerēt qu'il fust bien enuelope & cousu estroitement en vn drap moillé en l'eau de vie, qu'on appelle autrement eau ardant, pour luy reschauffer les nerfs. Celuy, qui le cousoit, auoit vne chandelle de bougie: & pour vouloir rompre le fil dont il l'auoit cousu, il vouloit brusler le bout du fil de ladiēte chandelle, & subitemēt tout le drap qui estoit moillé de ladiēte eau ardant s'enflamba, & n'y peut on mettre remede: & vescu trois iours en criant en ce martyre. Audiēt an mil trois cens quatre vingtz & sept, les Nobles & gens de guerre, qui estoient en Normandie, assemblerēt grand nauire, & se meirent sur mer pour greuer les Anglois. Les Anglois feirent semblablement leur appareil, & vindrent au deuant pour y resister, & estoit leur chef Hue le Despensier, & se rencontrèrent les deux armées, & y eut cruelle bataille, & furent presque tous les Anglois tuez ou iettez en mer, & leurs nauires, ou il y auoit de grādes richesses prins & butinez. Lediēt Hue le Despensier fut prins prisonnier, & par le moyen d'aucuns tantost apres il fut deliurē à petite rançon.

De l'horrible mort du Roy de Nauarre, q̄ tāt de maux auoit fait en France.

En celle mēme année mourut Pierre, Cardinal de Luxembourg, homme de sainte vie, & fut enterrē aux Celestins d'Auignon, & y eut aucugles, boyteux, & plusieurs autres maladies de diuerses maladies, gueris.

De S. Pierre de Luxembourg.

*Comment le Duc de Bretagne fait prendre prisonnier par trahyson le Connestable Clisson, qui alloit faire guerre en Angleterre, dont il fut adiournē à comparoir en personne deuant le Roy, à Paris.*

**E**N an mil trois cens iiij. xx. & viij. le Connestable Clisson & messire Jehan de Vienne, Admiral, sachans qu'en Angleterre auoit de grandes diuisions, delibererent d'y aller, & feirent de grandes apprestes. Lediēt Admiral passa par Normandie, & lediēt Connestable alla par Bretagne, pour veoir ses parēs, & pour auoir des Nauires & finances. Le Duc de Bretagne estoit à Vennes, qui mādā le Connestable, soubz vmbre de le vouloir festoyer, lequel alla deuers luy: & apres qu'il luy eut fait par semblant bōne chere, à l'issue du disner, pour aucunes haynes secretes qu'il auoit contre luy, le fait prendre & mettre en prison estroicte & mauuaise, ou il fut rudement traictē, & tellement que lediēt Connestable attendoit à y mourir: & finalement il fut contrainct à bailler audiēt Duc de ses places, & apres il fut deliurē, & s'en retira deuers le Roy, qui estoit à Paris: ou il fut conclud & deliberē du Conseil du Roy, que le Duc de Bretagne seroit adiournē à comparoir en personne deuant le Roy, pour soy venir purger. ce qui fut executē, & audiēt iour se trouua deuant le Roy bien accompagné: & apres les doléances prinśes pour le Roy, par le Chancelier de France, & ouyes les excusations dudiēt Duc qu'il feist proposer, en disant qu'il auoit fait prendre le Connestable comme son vassal, & non pas comme Connestable, n'officier du Roy. finalement, apres plusieurs poursuytes & choses alleguēes par lediēt Connestable, lediēt Duc fut condannē à rēdre audiēt Connestable toutes ses places, & cent mil francs pour les interestz: & le Roy, à la requeste de ses oncles les Ducs de Berry & de Bourgongne, remeit & pardona par lettres de remission audiēt Duc de Bretagne, le cas, & luy quitta son amēde. En celle année les Princes & Nobles d'Angleterre s'esleuerēt cōtre leur Roy Richard, par ce qu'ilz disoyēt qu'il se gouernoit par petites gēs de basse cōdition, & eurent la bataille deuāt Londres, & fut l'armée du Roy Richard desconfite: luy & le Duc d'Ibernie, & aucuns de son conseil, se retrayrent en aucuns prochains chasteaux. Plusieurs Seigneurs, qui estoient de la bēde furent prins & decapitez, & les

L'an m.ccc. iii. uingtz & huyt.

Des Anglois qui eurent guerre contre leur Roy.

autres par le conseil dudiect Richard, vindrent en France deuers le Roy, qui les receut benigne-  
ment, & leur ordonna leur estat estre entretenu. Quand le Roy Richard le sceut, il en fut  
bien ioyeux, & trouua façon d'auoir trefues avec le Roy, & pacifia ses Nobles.

En celle mesme année vn Capitaine, nommé Testenoire, qui tenoit le party des Anglois,  
print par nuyct d'emblée la ville de Montferrant, & la pillā, & print les habitās prisonniers.  
Quand le Marechal de Sancerre le sceut, il voulut aller assieger Testenoire dedās ladiete vil-  
le : mais il en fut aduertty, & s'en partit hastiuemēt, & en emmena de grandes richesses, & plu-  
sieurs prisonniers. En ce tēps vint deuers le Roy vn Hermite, qui bien sembloit homme de  
saincte vie, & en son bras d'extre portoit vne Croix rouge, & faisoit plusieurs abstinences, &  
fit tant qu'il parla au Roy, combien que par long temps on l'en auoit gardé : & luy dist & ad-  
monnesta qu'il feist cheoir & abbatre les aydes, autremēt que Dieu le puniroit & n'auroit ia  
lignée qui vescuist, dont le Roy eut grands imaginations, & voulut faire abatre lesdictes ay-  
des : mais les Ducz de Berry & de Bourgongne, ses oncles, l'en garderent & desmeurent, en  
disant que lediēt Hermite n'estoit qu'un fol.

*D'un Her-  
mite qui cō-  
seilla au Roy  
qu'il meist  
ius, & aba-  
tist les ay-  
des en son  
royaume.*

*Comment le Duc de Gueldres enuoya deffier le Roy, dont apres il se repentir.*

**E**n ce temps le Duc de Gueldres, qui auoit espousé la fille du Comte de Iuilliers,  
enuoya deffier le Roy de France par ses lettres. Le Roy receut honorablement le  
message, & luy feit de beaulx dons, puis l'en enuoya : & fut le Roy conseillé pour  
son honneur qu'il deuoit faire guerre audiect Duc de Gueldres. Si assembla son ar-  
mée, & tira vers Ardenne. Quand il fut à Verdun, il enuoya deuers le Comte de  
Iuilliers, beau pere dudiect Duc, pour sçauoir sil aduouoit & vouloit soustenir lediēt Duc de  
Gueldres, son gendre, lequel dist que non, & qu'il vouloit estre amy & seruiteur du Roy : & la  
vint deuers le Roy l'Archeuesque de Coulōgne, & amena lediēt Comte de Iuilliers, qui par-  
la au Roy tres humblement, & luy promit foy & loyauté, & qu'a son pouoir il feroit humi-  
lier son gendre : & alla deuers luy, & luy remonstra sa follie d'auoir si de leger deffié le Roy,  
qui estoit puissant pour le destruire & chacer de sa terre, dont de prime face le Duc ne tint cō-  
pte : mais à la parfin lediēt Archeuesque de Coulongne, & luy, le reconcilierent avec le Roy,  
& l'amenerent deuers luy, en sa personne.

*Comment en vn Conseil, tenu à Reims, le Roy fut mis hors du gou-  
uernement de ses oncles, & fut dict qu'il estoit en aage pour iouyr  
de ses droictz.*

**T**antost apres le Roy s'en retourna par Champaigne, & arriua à Reims : & illec  
fut tenu vn grand Conseil, auquel estoient ses oncles, les Ducz de Berry & de  
Bourgongne, le Cardinal de Laon, l'Archeuesque de Reims, & plusieurs grands  
Seigneurs, & gens de Conseil en grand nombre. Illec fut mis le Roy hors de  
tutelle, & du gouvernement de seldiētz oncles : & fut dict qu'attendu son aage  
& le sens, discretion & beaulté qui estoient en sa personne, il estoit deslors en auant capa-  
ble à gouverner son royaume luy mesmes : laquelle deliberation fut à la grande desplaisan-  
ce de seldiētz oncles. Le Cardinal de Laon, qui fut pressé de parler & deliberer le premier  
en ladiete assemblée, mourut tantost apres, & fut ouuert, & disoit on qu'il auoit este empoi-  
sonné. Tantost apres lesdictz Ducz s'en allerent : c'est à sçauoir, lediēt Duc de Berry, en Lan-  
guedoc, dont il estoit gouverneur, & le Duc de Bourgongne, en ses pays. Le Roy tint au  
pres de luy trois Cheualiers, pour le conseiller en ses affaires : c'est à sçauoir le Seigneur de  
Noniant, lequel il feit son grand Maistre d'hostel, le seigneur de la Riuiere, & messire Iehan le  
Mercier, qui estoit Gentil hōme, mais de petit lieu : & bailla audiect Mercier, & au filz d'un sien  
Secretaire, surnommé Montagu, tout le gouvernement de ses finances, dont le Duc de Bour-  
gongne fut fort desplaissant. Lediēt Seigneur de Noniant en peu de temps mesnagea si bien  
qu'il feit vn grād thresor au Roy, pour subuenir à ses affaires, quād le cas y escherroit : & pour-  
ce qu'il voyoyt le Roy fort liberal & enclin à donner, luy & autres du Conseil delibererent  
qu'on ne garderoit point d'or monnoyé, & aduiserent de le mettre en gros lingotz : & apres,  
lediēt Seigneur de Noniant dist qu'il feroit faire vn grand cerf tout d'or massif : & pour le pa-  
tron feit faire celuy qui est en la salle du Palais, esleué entre deux pilliers, & deslors fut cōmen-  
cé, & en fut faicte la teste & le col, & non plus.

*Le seigneur  
de Noniant  
bon mesna-  
ger pour le  
Roy.  
Du cerf du  
Palais, &  
pourquoy il  
fut faict.*

Comment

*Comment la Preuosté des Marchans & Escheuinage fut restituée à ceulx de la ville de Paris.*

**A** Vdiēt an le Preuost de Paris, nommé messire Jehan de Folleuille, lequel auoit esté des Conseilliers du Roy en Parlement, & estoit bon Clerc & fort saige, vint deuers le Roy, & luy remonstra en son conseil comment il estoit impossible de pouoir gouverner seul toute la iustice de Paris: parquoy fut conclud audict conseil qu'on feroit eslire par la court de Parlement, & par Chastelet vn prud'homme pour estre Preuost des Marchans de ladiēte ville de Paris, & qui auroit seulemēt congnoissance du faict des marchandises de l'eau, & non point de la iustice: car desia y auoit de grāds surprinses, sur les riuieres, de marchādises: & fut esleu maistre Jehan Iunenel des Vrsins, grand homme de bien, lequel alla demourer en l'hostel commun de ladiēte ville de Paris: & puis fait tant iceluy Preuost que les Escheuins d'icelle ville furent remis, lesquelz auoyent esté abolis à la commotion de Paris, qu'on appeloit les Maillietz.

*De l'entrée de la Royne à Paris.*

**L** An mil trois cens quatre vingtz & neuf le Roy, qui auoit espousé, aucun temps parauāt, en la ville d'Amyens, madame Ysabeau, fille du Duc de Bauieres, voult qu'elle feist son entrée en la ville de Paris. Si furēt les choses apprestées, & fut ladiēte Royne mise en vne littiere couuerte & toute batue de drap d'or, par ce qu'elle estoit ia grosse d'enfant: & apres elle estoient plusieurs Dames & Damoyelles, les vnes sur haquenēes blanches, & les autres sur chariotz tous dorez: & fut receue à grand' ioye & triumphe. Le Roy estoit à sainct Denis le iour de ladiēte entrée, & sceut qu'on faisoit merueilleux appareil pour ladiēte Royne: ce qu'il eut grand desir de veoir: & lors secrettement fait monter vn nōme Sauoisly sur vn cheual & se desguisa, & semblablement ledict Sauoisly, & monta le Roy derriere luy, voulüst ou non ledict Sauoisly, qui de ce fort s'excusoit: & vindrent veoir les appareilz par carrefours de ladiēte ville, & par lesdictz carrefours auoit grāds nombre de Sergens qui baillerent au Roy & audict Sauoisly, ainsi desguisez, plusieurs coups de boulaye, dont le Roy fut depuis bien farcé.

*Le Roy qui se desguisa pour veoir l'entrée de la Royne sa femme à Paris.*

En celle année le Duc de Berry fut remarié avec la fille du Côte de Boulongne, de laquelle il ne peut auoir nulz enfans.

*Comment le Roy alla visiter le Pape en Auignon*

**A** Vdiēt an furent faictes plusieurs allées & venues & Ambassades entre les Roys de France & d'Angleterre, pour le faict de la paix: mais riens ne peurent faire, & furent seulement prinses vnes trefues pour trois ans. Et pource que le Pape auoit plusieurs fois rescrit au Roy qu'il auoit grand desir de le veoir & parler à luy, le Roy alla en Auignon, ou il fut grandement & honnorablement receu par le Pape & les Cardinaulx, & fut au Cōclaue du Pape assis pres de luy, non point si hault d'un peu q̄ le Pape. Deuers le Roy vint en ladiēte ville d'Auignon, la Royne de Cecille, veufue du feu Roy de Cecille, Loys Duc d'Aniou, qui fille estoit d'un Comte de Bloys, & ses deux enfans Loys & Charles, qui estoient cousins germains du Roy. Le Pape à sa requeste couronna Loys, aîné desdictz filz, en Roy de Cecille & de Naples. Apres le couronnement dudiēt Roy de Cecille le Roy print cōgé du Pape, qui luy fait de beaulx & grāds dons, & pareillemēt à ses gēs: & print le Roy son chemin à Montpellier, à Narbonne, & à Toulouze, qui est la principale ville de Languedoc: & illec luy furēt faictes de grandes plainctes & doléances par les habitāz dudiēt pays de Languedoc, du Duc de Berry (son oncle) leur gouverneur, qui leur faisoit (cōme ilz disoyent) de grandes exactions & iniustices. Le Roy excusa le plus honnestement qu'il peut sondict oncle, & leur donna des prouisions, telles qu'ilz furent pour lors contens. Au partir de Toulouze le Roy alla veoir le Comte de Foix, qui estoit fort vieil, & fort riche Seigneur lequel fait de moult beaulx & hōnestes presens au Roy: & apres plusieurs grands festoyemēs, luy fait hōmage de la Comté de Foix, & de tout ce qu'il tenoit en France: & dist au Roy qu'après sa mort il vouloit qu'il fust son heritier: & ce fait il pour les raisons qui sensuyuent. Aucun temps parauant ledict Comte, auoit vn filz, duquel pource qu'il le voyoit de malle inclinatio, il entretenoit l'estat moyennement: toutesfois honnestement, mais non pas si grandemēt que ledict filz eust bien voulu: & à ceste cause s'en alla ledict filz deuers le Roy de Nauarre, duquel

*Le Roy estant en Auignon fut assis auprès du Pape.*

*Le Côte de Foix fait le Roy son heritier.*

il estoit nepueu de par sa mere, soy plaindre de son pere, disant qu'il ne tenoit compte de luy: & fut par aucun temps avec lediēt Roy de Nauarre, son oncle: lequel luy conseilla qu'il empoisonnast son pere, & par ainsi il seroit Seigneur & maistre, & qu'il luy bailleroit des si fortes poisons qu'il ne la feroit pas longue: & de fait les luy bailla. Apres ce lediēt filz s'en retourna deuers son pere, & faignoit le bien aymer, seruir & honorer, & soubz ceste couleur alloit plus souuent à la cuyfine de sondiēt pere qu'il n'auoit accoustumé, pour trouuer façon de luy bailler desdictes poisons: mais il aduint vn iour entre les autres: ainsi que Dieu le permet, q̄ la boeste ou estoient lesdictes poisons luy tomba de sa manche, & fut leuée par vn des Gētilz hōmes de leans, & monstrée aux Medecins, pour sçauoir que c'estoit: lesquels congurent bien que c'estoyēt poisons: & par ce fut mōstrée audicēt Comte, & pour ce esprouuer ce iour y auoit vn homme que la iustice enuoyoit mourir, auquel on bailla à manger desdictes poisons, avec d'autre viande, & incontinent il mourut: parquoy lediēt Comte feit prendre & emprisonner sondiēt filz: lequel sans grand' contraincte congnut le cas: parquoy sondiēt pere luy feit copper la teste, & aymoit mieulx le Comte que le Roy eust eust ses terres & biens, que nul teste coppé autre.

Le filz du Comte de Foix eut la teste coppée autre.

*Comment le Roy osta au Duc de Berry, son oncle, le gouvernement de Languedoc, & du Scisme qui fut en l'Eglise, par le trespas du Pape Urbain.*

L'an m.ccc. iiii. xx. & dix.



'An mil.ccc. iiii. xx. & dix, apres le retour de Languedoc, le Roy s'en vint à Paris: & en s'en venant feit sçauoir à son oncle le Duc de Berry, qui estoit à Poitiers, les grandes plainctes qu'il auoit eues de luy, es pays de Languedoc: lequel Duc n'en tint pas grand' compte. Quoy qu'il soit il feit comme deuant, ainsi qu'on rapporta au Roy: & par les informations, luy estant à Paris, veues par le Roy & son cōseil, il desapointa sondiēt oncle le Duc de Berry, dudiēt gouuernemēt, & y enuoya pour estre Gouverneur, vn simple Cheualier, nommé messire Jaques de la Capreuse, homme sage & prudent: lequel incontinent y alla, & en peu de tēps si porta tellement que le peuple en estoit fort content: mais si tost qu'il vint à la congnoissance dudiēt Duc de Berry, que le Roy l'auoit desapointé, il le porta tres impaciēment, & fut moult mal content de ceulx qui estoient autour du Roy, & principalement du Connestable Clisson: & manda audicēt de la Capreuse, qui estoit enuoyé en Languedoc, sur la vie que dudiēt gouuernement il ne s'entremist plus: lequel Cheualier, voyant qu'il n'estoit point pour resister contre la puissance dudiēt Duc, s'en retourna deuers le Roy. En ce temps mourut le Pape Urbain à Rōme: mais pourtant ne cessa poit le Scisme en l'Eglise: car les Rommains esleurent Pierre de Thomasselis, Cardinal, & fut apelé Boniface: & fut par lediēt Urbain instituée la feste de la Visitatiō nostre Dame, & de sainte Elizabeth, & donna de grands pardons & indulgences, à ceulx qui lediēt iour, & durant les octaues, iroyent au seruice, à l'exemple de la feste du corps de Dieu.

Feste de la vis. N. Dame, & de s. Elizabeth

*De l'armée que le Roy enuoya contre les Sarrazins, dont estoit chef le Duc de Bourbon.*



Vdiēt an les Ambassadeurs de Genes vindrent deuers le Roy, luy requerir ayde cōtre les Sarrazins, qui estoient venus courir iusques audicēt Genes: & y enuoya le Roy vne moult belle armée, dont estoit Chef le Duc de Bourbon, le Comte d'Eu, & messire Jehan de Viēne, de Harecourt, & plusieurs autres Cheualiers, Seigneurs & Escuyers: & estoient bien en nombre quinze cens lances, que Cheualiers qu'Escuyers, sans les Archiers, Arbalestriers, & gens de pied. Ladiēt armée fut publiée & sceue en Angleterre: parquoy le Côte de Sallebery, Anglois, s'en partit, & s'en vint à Paris, avec vne belle cōpaignie, & alla avec lediēt Duc de Bourbon, contre les Sarrazins: & tant cheuaucherent qu'ilz vindrēt à Genes, ou ilz furent grandement receuz: & illec se trouuerent aussi bien quatre mil combattans, qui se meirent sur mer, & feirent vn Capitaine & leur chef vn nommé Jehan d'Outremains, vaillant homme, qui auoit esté en bataille plusieurs fois, contre lesdictz Sarrazins, & sçauoit leur mode & façon de faire: & eurent plusieurs empeschemens de ventz sur mer, & de tempestes: mais ilz se meirent tous en oraisons, & cessa le tēps: & tant allerent qu'ilz arriuerēt au port de Thunes, ou estoit grand nombre de Sarrazins, qu'ilz combairent & desconfirent. Apres, les François octroyerent aux Sarrazins vnes trefues: & ce fait s'en retournerent en France, dont ilz eurent grand honneur, & rapporterent de grands richesses.

Sarrazins deffaictz à Thunes par les François.

En ce temps le Duc de Milan, faisoit forte guerre aux Florentins, & ceulx de Boulongne la Grasse: & pour ce qu'ilz se sentoient les plus foibles, ilz enuoyerēt deuers le Roy, vne solēnelle Ambassade,



Ambassade, luy supplier qu'il les voulsist prendre à sa seigneurie, & qu'ilz se donnoient à luy. Le Roy assembla sur ce son conseil, & trouua qu'il auoit grandes alliances iurées audiēt Duc de Milan, & que ce ne seroit pas grand honneur de les prendre en sa seigneurie: si leur fut faite la respōce: mais que si lediēt Duc leur faisoit aucuns griefz, il leur ayderoit. Quād lesdiēt Florentins & Boullenois sceurent la responce du Roy, ilz prièrent le Côte d'Armignac, qu'il les voulsist ayder: lequel apres plusieurs difficultez, leur promeit de ce faire, & assembla plusieurs gens, qu'on disoit des compagnies, lesquelz n'auoyent nulz gaiges, & gastoyent & pilloyent tout en France, & les fait passer, & passa les mons iusques à vne cité, nommée Alexandrie, qui est en la plaine de Lombardie, sur la riuere du Pau, & se meirent deuant. Le Duc de Millā, qui en fut aduertty, & y enuoya plusieurs gens d'armes, & eurent bataille, ou lediēt Côte d'Armignac fut tué, & tous ses gens desconfitz.

*De l'appanage de monseigneur Loys, Duc d'Orleans, frere du Roy.*



An mil ccc. iij. xx. & xj. mourut Philippe, Duc d'Orleans, & par son trespas ladiēt Duché reuint à la couronne de France: parquoy le Roy, desirant appanager mōseigneur Loys, son frere, qui estoit encores ieune, luy donna ladiēt Duché d'Orleans. Ce que ceulx d'Orleans cuyderent empescher: & disoyent qu'ilz auoyent priuilege que le Roy ne mettroit iamais ladiēt Duché hors de la courōne de France, s'elle y retournoit. Iceluy Loys, Duc d'Orleans, combien qu'il

L'an mil ccc.  
iij. xx. xi.

fust ieune d'aage, toutesfois estoit saige, prudent, & bon mesnager, & bien y apparut. car quād il mourut il n'auoit pas quarante ans, & si auoit aquis de ses propres deniers les Comtez de Bloys & Soissons, & de Beaumont, la Seigneurie de Coucy, & plusieurs autres, & par tout fait & encommencé de grands & sumptueux edifices, & auoit de moult beaulx meubles, tant en bagues, & io yaulx, qu'en vaisselle, librarie, & tapisserie. En ce temps mourut le Comte de Foix, aagé de quatre vingtz ans, d'une appoplexie. Il auoit (comme dessus est dict) donné sa Comté au Roy: mais le Roy, qui estoit fort liberal, la donna à vn bastard que lediēt Comte auoit, bel & vaillant homme, & fort aymé de ceulx du pays, & l'en receurēt en foy & hōmage: & pareillement luy donna le thresor de son diēt pere, le Comte de Foix, qui estoit grand: mais depuis le Roy voulut que le Comte de Candalle iouyst dudiēt Comté de Foix, & le luy baila. En celle saison le Roy Jehan d'Espaigne, en allant à la chace, courant apres vn lieure, son cheual tomba, & il se rompit le col. Apres son trespas son filz enuoya deuers le Roy, pour confermer les alliances que son diēt feu pere auoit faites. ce que le Roy fait volontiers.

Mort casuel  
le d'un Roy  
d'Espaigne.

*Des doleances que le Connestable de France, Clifson, fait au Roy, du Duc de Bretagne.*



Messire Oliuier de Clifson, Connestable de France, se plaignit au Roy de ce que le Duc de Bretagne ne luy auoit point rendu ses places, ne fourny à l'appoinctement que le Roy auoit fait entre eulx, comme dessus a esté dict. Si enuoya le Roy deuers le Duc, luy dire qu'il accomplist ce qu'il auoit promis: mais il n'en tint cōpte: & par ce lediēt Clifson assembla gens d'armes, & fait forte guerre en Bretagne: parquoy le Roy enuoya le Duc de Berry, son oncle, en Bretagne deuers le Duc, qui le festoya gracieusement & grandement: & auoit avec luy, de par le Roy, de grands & notables gens, ses conseilliers: par lesquelz fut exposé audiēt Duc de Bretagne plusieurs choses. Premierement que le Roy se plaignoit de ce qu'il faisoit forger monnoye d'or & d'argēt, & il ne luy appartenoit point, & ne la deuoit faire que noire. Secondement de ce qu'il n'auoit point fourny à l'appoinctement donné audiēt Seigneur de Clifson, & autres choses. Il sembla bien aux Barons de Bretagne que les remonstrances du Roy estoient raisonnables: mais le Duc n'y voulut entendre, & en s'en allant du Conseil dist qu'il feroit emprisonner tous les Ambassadeurs: mais messire Pierre de Nauarre, frere de la Duchesse, l'en fait desmouuoir par ladiēt Duchesse & ses enfans, disant, que s'il le faisoit, ilz seroyēt tous perdus. A la parfin le Duc fait responce ausdiēt Ambassadeurs, que luy mesmes viendroit deuers le Roy, & feroit tant qu'il seroit contēt, si s'en retournerent: & tantost apres y vint grandemēt accompagné, & s'excusa principalement du fait dudiēt Connestable, disant qu'il luy faisoit grand mal que son vassal se portoit si orgueilleusement contre luy, & luy auoit fait si forte guerre: parquoy on ne se deuoit pas esbahyr s'il ne luy auoit rendu ses places. Finablement fut appoincté que lediēt Ducourniroit au premier appoinctement. ce qu'il promeit, & s'en retourna. En celle année le Roy eut vn filz, qui fut nommé Charles, & le baptiza l'Archeuesque de Sens, accompagné

Le Duc de  
Bretagne,  
n'a puissan  
ce de forger  
monnoye d'or  
ne d'argēt.

de dix Euesques, & en fut faicte grand' ioye par tout le royaume. En celle mesme année le Roy d'Angleterre enuoya le Duc de Lāclastre deuers le Roy, qui estoit vers Amyens: lequel receut ledict Duc hōnorablemēt, & l'amena à Paris, & la feit & dist sa legation. Le Roy d'Angleterre demandoit, pour ce qui restoit de la rançon du Roy Iehan, vn miliō d'or, & la Duché de Guyenne, & Comté de Poitou, comprenant iusques aux portes d'Orleans: auquel fut respondu qu'ilz rendissent ledict Roy Iehan, & les ostages qui estoient mors en Angleterre, par leur faulte: & aussi apres le traité ilz n'auoyēt pas fait vider leurs genfd'armes des forteresses de France (cōme ilz auoyent promis) dont s'estoyent ensuyuis maulx innumerables: pour lesquels il demandoit audiēt Roy d'Angleterre trois millions d'or: & quand ilz auoyent fait ce que dict est, on luy feroit responce à ses demandes qu'il faisoit: lesquelles choses ouyes, ledict Duc print congé, & s'en retourna en Angleterre.

*Comment le Seigneur de Craon cuyda tuer, à Paris, le Seigneur de Clifson, Connestable de France.*

L'an mil. ccc.  
iii. xx. et  
xii.



Vdiēt an mil. ccc. iij. xx. xij. pource qu'on disoit aucunement que le Duc d'Orleans, frere du Roy, qui estoit ieune d'aage: mais assez de bon sens, beau & gracieux Prince, par le moyen d'aucuns qui estoient pres de luy, entendoit volontiers parler gens superstitieux, & soupçonnez d'exercer sortileges, messire Pierre de Craon, qui se tenoit bien son seruiteur, par le meilleur moyen qu'il peut l'en aduerit: dōt ledict Duc ne fut pas content, & pensa que ledict Craon le reputoit sortilege, & sectettement pourchacea tant qu'il fut mis hors de court. Iceluy de Craon cuyda qu'il eust esté chacé par le moyen & à la poursuyte & conseil du Connestable de Clifson: & pour s'en vouloir venger, vn iour deuers le soir il s'embuscha en vn lieu secret, luy vintieme de gens bien armez à couuert, en vne maison pres le cymetiere saint Iehan, à Paris, & guetterēt ledict Cōnestable, qui s'en venoit deuers le Roy, qui estoit en son hostel de saint Paul: & quād ilz l'apperceurent venir, ilz sortirent de ladicte maison, & l'assaillirent, & l'abbatirent de dessus son cheual: mais promptement se releua, & se deffendit vaillamment: car il estoit armé d'un haultberge soubz sa robe. Ce nonobstant ilz luy feirent plusieurs playes, & se retrahit en vne maison, ou le peuple s'assembla incōtinent au bruyt, & le sauuerent de mort: & lors ledict Seigneur de Craon & ses complices s'en fuyrent bien hastiuement, pour la doubte d'iceluy peuple: toutesfois ilz ne sceurent si bien fuyr qu'on n'en print trois, & les mena l'on en Chastelet, & ledict de Craon & sa compaignie s'en fuyrent en Bretagne. Le lendemain les trois, qui auoyēt esté prins, furent examinez, & confesserent le cas, & incōtinent furent decapitez. Ledit Seigneur de Craon fut appelé à ban, & par coutumace declairé banny du royaume de France, & ses biens confisquez. L'Admiral de France, pour executer ladicte sentēce, s'en alla en vn Chasteau ou l'on cuydoit que ledict Craon se fust retiré: mais il n'y trouua que sa femme, & ses enfans, & s'estoit party. Ledit Admiral print le Chasteau & entra dedans, & trouua bien des meubles qui se montoient à quarante mil escus: lesquels il print tous, & ne laissa rien à sa femme, sinon trois pauvres habillemens, & la meit hors du Chasteau, & s'en alla ou bon luy sembla. En celuy temps le Roy bailla à monseigneur Loys, Duc d'Orleans, son frere, en augmentation de son appanage, les Chasteaulx de Pierre fons, & de la Ferté Bernard. Tātost apres delibera d'aller en Bretagne, pour ce qu'il sceut que ledict Duc auoit recueilly le Seigneur de Craon, & l'entretenoit contre son voloir & plaisir, & fut aussi aduertty qu'il estoit consentant de la bature & oultrage qui auoit esté faicte au Cōnestable Clifson: parquoy il fut conclud, & son conseil tenu à saint Germain en Laye, qu'il yroit en personne, attendu aussi qu'il n'auoit pas obtemperé à la sentence, donnée à Orleans, comme dessus est dict: & pour ceste cause mādala les Ducz de Berry & de Bourgongne, ses oncles: lesquels furent tresmal contens de l'entreprinse qui auoit esté faicte sans eulx: & disoyent que c'estoit du conseil de Clifson, des Seigneurs de la Riuiere, & de Noniant, qui ne regardoyent point aux inconueniēs qui en pourroyēt aduenir, de faire si grande entreprinse, dont se pouoit ensuyuir de grands inconueniēs. Et à la verité plusieurs du royaume, tant de gēs d'Eglise qu'autres, estoient mal contens de ce que lesdictz Clifson, la Riuiere, & Noniant auoyent si grand gouuernement: car ilz tenoyēt le Roy de si pres, que nul Office n'estoit donné, n'autre chose faicte que par eulx: & leur sembloit qu'ilz estoient perpetuelz en leursdictes Offices & gouuernemēt: & entre autres, ceulx de l'Vniuersité de Paris estoient tresmal contens d'eulx, par ce qu'ilz faisoient & faisoient faire aux gens d'Eglise plusieurs maulx, contre les priuileges de ladicte Vniuersité: & affin qu'on n'eust acces à la personne du Roy, ilz le tenoyēt, & faisoient tenir à saint Germain en Laye,

Trois personnes  
nages p̄ci  
pallement  
gouernoyent le Roy,  
en sorte que  
riens ne se  
iaisoit sans  
eulx.

Laye. Ceulx de ladiète Vniuersité enuoyerent deuers le Roy audiēt lieu, pour luy faire aucunes remōstrances: mais il ne fut possible que leurs deleguez peussent auoir audience, & l'en retournerent sans riens faire, dont les suppostz de ladiète Vniuersité furent tresmal contens.

*Comment le Roy deuint malade en la ville du Mans:*

**A**V diēt an mil.ccc.iiij.xx. & xij. le Roy, pour executer ce qu'il auoit entrepris d'aller en Bretagne, se partit des marches de Paris, & tant cheuaucha qu'il arriua au Mās, vers la fin de Iuillet, attendāt ses oncles de Berry & de Bourgōgne, qu'il auoit mandez, pour aller avec luy: car lediēt Duc de Berry estoit lors fort occupé à la cōqueste de la Marche de Guyenne, & en auoit conquesté la grand' partie. Ce pendant le Roy enuoya à Sablé vn Herault, pour sommer ceulx qui le tenoyent de luy rēdre la place (& disoit on que le Seigneur de Craon estoit dedans) lesquelz feirent les sourdz, & n'y obeyrent pas. Quand le Duc de Bretagne sceut que le Roy s'en alloit en Bretagne, à si grād' puissance, il enuoya deuers luy vne Ambassade, pour rōpre le voyage, en luy faisant de grāds offres: & disoit qu'il n'estoit ia besoing qu'il allast en armes, & que par toute la Duché il luy feroit obeyr, & que tout estoit sien, & à son commandement, & estoit prest de luy faire tout seruice, comme son vray & loyal vassal & subiect. Quand le Roy sceut le reffus qu'auoyent fait ceulx de Sablé, il fut courroucé & desplaisant: & deslors on congnut qu'il auoit aucune alteration en diuersitez de langages, non bien entretenans: & dist qu'il vouloit aller aux champs en armes: & en l'heure commanda qu'on l'armast, & qu'on luy amenast son cheual: & de fait on luy amena & monta dessus, & tous ses gens apres saillirent de la ville du Mans, & se meirēt aux champs en armes. Tout aussi tost qu'il fut aux champs, hors de ladiète ville du Mās, s'adressa vers luy vn pauvre meschant homme de village, mal habillé, & vile personne, lequel luy dist telles parolles: Roy ou vas tu? ne passe plus oultre, car tu es trahy, & te doit on icy liurer à tes ennemys: & de ce le Roy entra subitement en vne melancolie, si merueilleuse, qu'il deuint aliené de son entendement, couroit ça & la, & frapoit de son espée qu'il tenoit toute nue, sur tous ceulx qu'il rencontroit, & tellement qu'illec tua quatre hommes: & lors on feit diligence de le prendre & arrester, & fut ramené en son logis, & mis sur vn liēt, & la fut long temps qu'il ne remuoit ne piedz ne mains, tellemēt que les Medecins iugerēt qu'il estoit mort. Tout le monde ploroit, & en c'est estat le voyoit qui vouloit. Les Anglois mesmes, qui estoient venus en Ambassade deuers luy, l'allerent veoir, par le moyen du seigneur de la Riuiere: dont le Duc de Bourgōgne fut tresmal contēt de luy, & luy dist qu'il en batroit vne fois ses paulmes, & s'en repentiroit. Le Roy fut par tout le royaume moult plainēt, & feit on pour luy de grandes processions & prieres: & tellement qu'aucunement il recouura santé, & se voua à nostre Dame de Chartres, & à mōseigneur saīct Denis: & lors il fut mené en vne Abbaye de religieux, ou il feit sa neufueine. puis alla à Chartres faire ses oraisons & offrandes, & de la fut ramené à Paris: & tousiours entretenoyent lesdiētz Seigneurs de la Riuiere & de Noniant leur autorité le mieulx qu'ilz pouoyent.

L'an m.ccc.  
iiij.xx. &  
xii.  
  
Le Roy deu-  
int aliené  
de son entē-  
dement, &  
en grād' fre-  
naisie, pour  
les parolles  
d'un pau-  
vre homme  
seulement.

*Comment apres la maladie du Roy, les Ducz de Berry, & de Bourgongne entreprirent le gouuernement.*

**N**continent lediēt cas adueni, & que les Ducz de Berry & de Bourgongne furent arriuez deuers le Roy, ilz reprindrent le gouuernement du royaume, & amenèrent le Roy vers Paris: & auoyent en grand' hayne le Connestable Clifson, & lesdiētz Seigneurs de la Riuiere, & de Noniant. Lediēt Cōnestable fut par ceulx enuoyé querir, au nom du Roy: lequel n'osa venir, & dist au messaige que le Roy n'auoit que faire de Cōnestable: & doubtant sa personne (non sans cause) s'absenta: par quoy il fut desapointé, & banny: & au lieu de luy fut fait Connestable le Comte d'Eu. Tantost apres le Duc de Bourgongne trouua au Palais à Paris, le seigneur de Noniant, auquel il dist: Noniant incontinent trouuez moy pour vn affaire qui m'est adueni trente mil escus, & les me faites apporter à mon logis, soit du thresor du Roy, ou autrement, & ie les rendray vne autre fois: lequel Seigneur de Noniant luy respondit doucement que ce n'estoit pas à luy à faire, & qu'il parlast au Roy & au cōseil, & que de sa part il y feroit tout ce qu'il pourroit. Lediēt Duc, qui vouloit auoir ladiète somme, sans qu'on n'en sceust riens, luy dist: Or bien vous ne me voulez pas faire ce plaisir: mais ie vous assure que vous en repentirez, & vous destruiray. Lors lediēt de Noniant alla deuers maistre Jehan Iuuenel, Preuost des Marchans, duquel auoit espousé la niepce, & luy compta ce que le Duc de Bourgōgne luy auoit dit: lequel Iu-

Du Cōnesta-  
ble qui fut  
desapointé  
& banny du  
royaume de  
France.

uenel le recōforta, disant qu'aucunesfois les grands Seigneurs disoyent des parolles qu'ilz ne mettoient pas à execution: & lors ledict Noniant luy dist qu'il congnoissoit bien ledict Duc, & qu'il auoit bien monstre son courage, au fait de maistre Iehan des Mares: & le lendemain furent prins lesdictz Seigneurs de Noniant & de la Riuiere, & mis en la Bastille S. Anthoine, ou nul n'osoit parler à eulx: & vindrent contre eulx plusieurs plainctes & doleances, & disoit on communement qu'ilz auroient les testes coppées: mais ilz eurent de bons amys, & mesmemēt ledict maistre Iehan Iuuenel, Preuost des Marchans, qui estoit parent de tous les deux: lequel s'employa vertueusement à leurs excusations, dont ledict Duc ne fut pas cōtent dudit Iuuenel: & deilors commença à machiner contre luy, pour le destruire. Finablement, par le moyen d'iceluy Iuuenel, la chose fut tellement conduite que lesdictz seigneurs de la Riuiere & de Noniant furent seulement bannis de la court du Roy, à quinze lieues pres, sur peine de la hart. Le Roy estoit souuent malade, & aucunesfois recouuroit santé. Il voulut sçauoir du Connestable Clisson, qu'il estoit deuenue, & luy compra l'on le cas: parquoy ilz en parla aufdictz Ducz de Berry & de Bourgongne, lesquels firent casser & adnuller tout ce qui auoit esté fait contre luy: & fut ledict Clisson refait Connestable, mais tousiours demoura en l'indignation dudit Duc de Berry. Vne espace de temps fut que le Roy auoit recouuert aucunement santé: & pour le resiouyr fut fait vn beau souper, en vn hostel qui estoit à la Roynne Bâche, hors Paris, aux faulxbourgz saint Marceau: & la fut fait apres souper vne mommerie d'hommes sauuaiges, enchainez ensemble, leurs habitz velus & faitz de lin, ou d'estoupes, engressez pour reluyre mieulx, & entrerent en la salle, dansans à torches, de laquelle mōmerie le Roy estoit l'vn: & aduint qu'apres qu'ilz eurent longuement dansé, le feu desdictes torches se meit dedans tous leurs habitz, qui estoient bien laissez & cousus ioignans au corps: & la aloit vne Dame, qui auoit vn grand manteau, laquelle en affubla le Roy, & fut incontīent le feu estainct: mais il y en eut deux des autres qui furent si bruslez qu'ilz en moururent. Plusieurs diligences furent faictes, pour sçauoir dont ce cas estoit aduenue (car on en parloit en plusieurs manieres) mais ce ne peut estre adueré: toutesfois pour l'enormité du cas il fut ordonné que l'hostel ou furent faictes ces choses, nommé l'hostel de la Roynne Blanche, seroit abatu & demoly. ce qui fut fait. Enuiron ce temps le Comte de saint Paul faisoit demande au Roy de Boesme de certaine grand' somme de deniers, qu'il disoit que son pere auoit prestée audict Roy, dont il en auoit obligation: laquelle ledict Comte de bonne foy luy enuoya par aucuns de ses gēs. Quand ledict Roy l'eut veue & leue, il la ietta dedans le feu, & dist qu'il n'en payeroit iamais riens: parquoy iceluy Côte esmeut guerre contre luy, & demanda ayde au Roy: lequel luy enuoya son Connestable, & huyt mil hommes d'armes, lesquels prindrent presque toute la Duché de Luxembourg, & y estoit obey. Ledit Roy de Boesme assembla gens, & enuoya droit à eulx, & meirent le siege deuant vne place. Quand les François le sceurent, ilz y allerent, mais les Boesmes qui sceurent leur venue, leuerent ledict siege & s'en fuyrent, & la gaignerent les François de grands richesses.

*Du biquet qui fut fait à S. Marceau, dōt furent gros inuenient à la cōpaignie*

*Du dixieme qui fut leué en France.*

**E**N ce temps le Pape Clement ordonna en France & ailleurs, par le consentemēt du Roy, vne decime, pour ayder à recouurer le royaume de Cecille, au ieune Roy Loys: lequel, comme dessus est dict, il en auoit couronné Roy, & de Naples. A quoy s'opposerent les gens d'Eglise, & l'Vniuersité de Paris: mais on leur bailla seulement Apostres reffutatoires, & nonobstant oppositions ou appellations, ilz la payerent. Le Roy qui s'estoit voué à saint Denis, y alla en grand deuotion, & fit ses ofrandes, & donna deux cens marcz d'or, pour faire vne chaffe à mettre le corps saint Loys, & mil liures pour faire vn chapiteau sur ladicte chaffe. En ce temps mourut le Roy d'Arménie, à Paris, qui estoit venu en France, ou il auoit longuement esté aux despens du Roy, pour suyuant qu'on luy feist ayde contre les Sarrazins, qui l'auoyent expulsé de son royaume: & fut enterre en l'eglise des Celestins, à Paris, en grand honneur & solennité.

*Le Roy donna deux cens marcz d'or pour faire la chaffe saint Loys.*

*Des accusations qui furent faictes contre maistre Iehan Iuuenel, Preuost des Marchans de Paris.*

*L'an mil.ccc.iii.xx.xiii.*

**E**N l'an mil trois cens quatre vingtz & treize, aucuns de la ville de Paris, qui se sentoient du temps passé, prindrent hayne contre maistre Iehan Iuuenel, Preuost des Marchans de Paris (lequel estoit vn treshomme de bien) & l'allerent dire au Duc de Bourgogne (pour ce qu'ilz sçauoyēt bien qu'il l'auoit en hayne, au moyē de ce qu'il auoit

auoit pourchacé la deliurance de prison des seigneurs de la Riuiere, & de Noniant)lequel Duc leur presta l'oreille, & leur bailla aucuns Commissaires de Chastelet, qui examinerent trente ou .xl. tesmoins, qui leurs furent baillez, tous hayneux dudit Iuuenel: & par ladicte information le chargerent de si grand cas, que finablement il fut adiourné à comparoir en personne deuant le Roy, au boys de Vincennes: & fut ordonné qu'il seroit la mis prisonnier en vne tour: mais le Roy, qui estoit lors en santé, voulut qu'il se iustificast en plain Conseil, & feit si bien & si honnestement qu'il fut renuoyé. Aux Pasques ensuyuant, par vn Legat, qui estoit à Paris, les faulx tesmoins qui l'auoyent faulcement accusé, lesquelz l'Euesque luy renuoya, furent condamnez à aller tous nudz, vn seul drap sur eulx, le iour du grand Vendredy au matin, à luy en sa maison, luy requerir mercy & pardon. ce qu'ilz feirent. En celle mesme année furent faictes plusieurs colloquutions, pour trouuer paix entre François & Anglois: & y eut vne grande assemblée à Abbeuille, ou allerent les Ducz de Berry & de Bourgongne: & vne grande & notable Ambassade vint d'Angleterre, & furent cōme d'accord: & pour accorder ladicte paix, fut dict que le Roy de France yroit à Abbeuille, & celuy d'Angleterre viendrait à Calais: mais la maladie reprist au Roy: parquoy il n'y pēut aller, & ne fut riens conclud: & lors fut le Roy si malade qu'il ne congnoissoit la Roynie sa femme, quand on luy amenoit, ne nulle autre personne, reseruee la Duchesse d'Orleans, laquelle il voyoit volontiers, & l'appeloit belle sœur: & disoyent aucunes mauuaises langues que par le moyen du pere de ladicte Duchesse, qui estoit Duc de Milan, on l'auoit fait ensorceler, duquel bruyt ladicte Duchesse estoit fort desplaisante, & ne l'eust voulu penser. En ce temps le Connestable Clisson se reconcilia aux Ducz de Berry, & de Bourgongne, qui le reprindrent en leur grace: & tātost apres fut enuoyée vne grande Ambassade, pour traicter l'appoinctement du Duc de Bretagne, & dudit Connestable: mais pour celle fois ne feirent riens: parquoy le Duc de Bourgogne alla en personne deuers le Duc de Bretagne: & fut mādē Clisson pour aller deuers eulx, qui y alla, & s'humilia vers ledit Duc: & par ainsi fut fait l'appoinctemēt, & vint ledit Duc de Bretagne à Paris, & laissa Clisson son Lieutenant general, en Bretagne.

*Du Roy qui fut si malade qu'il ne congnoissoit la Roynie sa femme, n'auoit*

*Des Iuifz qui furent chacez, & d'une course des Sarrazins.*



Vdiēt an mil trois cens quatre vingtz & treize, le Duc de Berry feit tant enuers l'Abbē & conuent de saint Denis, qu'ilz luy baillerent vne partie du chef saint Hilaire: lequel, & tout le corps, fut entieremēt apporté en ladicte Abbaye; des le temps du Roy Dagobert, qui destruisit Poitiers, comme à esté dict cy deuant es faictz & gestes dudit Dagobert: & feit ledit Duc faire vn moult bel & riche chef d'or, ou il le feit mettre & porter en l'eglise de saint Hilaire audict Poitiers, dont il estoit Comte: & en recompense de ce ledit Duc de Berry donna à ladicte eglise de saint Denis vne partie du chef & du bras de saint Benoist, qu'il feit richement enchasser. Semblablement feit faire, & donna à l'eglise nostre Dame de Paris, vn beau chef de saint Philippe Apstre: lequel est richemēt enchassé en or, & enrichy de moult belles perles & pierres precieuses.

*L'an mil ccc. iiii. xx. & xiii. Du chef s. Hilaire qui fut reporté à Poitiers.*

En celle mesme année les Iuifz, estans à Paris, feirent plusieurs inhumanitez à vn Chrestien, & le tuerent en despit de Iesus Christ, & de sa loy: parquoy il en y eut plusieurs prins & emprisonnez, & aucuns faictz mourir, & les autres batuz de verges, & la totalitē d'eulx cōdamnez en dixhuiēt mil escus, qu'ilz payerent, & furent conuertis en l'edifice du petit Chastelet, & de petit pont, à Paris, qui en fut fait tout de pierre. Sēblablement en ce temps le Roy enuoya le Comte d'Eu, qui auoit esté fait Connestable de France, au lieu de Clisson, & plusieurs gens d'armes, en ayde du Roy de Hongrie, contre les Turcz & Sarrazins: mais quand le Prince desdictz Turcz sceut la venue desdictz François, il cessa la guerre qu'il faisoit au Roy de Hongrie: & par ce qu'il ennuyoit audict Comte d'Eu, sans faire quelque chose, il delibera de s'en retourner, & aussi qu'il sceut, & fut aduertty que le Roy de Boesme sentoit mal en aucuns poinctz & articles de la foy, & tellemēt qu'il ne valloit gueres mieulx qu'un Sarrazin, il s'en entra audict royaume de Boesme, & meit le Roy & le pays en sa subiection. puis s'en retourna à grand honneur & louenge.

*Du Scisme qui fut en l'Eglise, pour la Papaulté.*



Nl'année mil trois cens quatre vingtz & quatorze, furent prinſes & accordées trefues entre les Roys de France & d'Angleterre, iusques à quatre ans ensuyuans, en esperance de paix: & pour mieulx paruenir à appoinctement, fut pourparlé du mariage du Roy d'Angleterre, & d'une des filles du Roy, combien que l'aînée desdictes

*L'an mil ccc. iiii. xx. & xiiii.*



filles n'eust que sept ans. En ces entrefaites le pape Clement, qui tenoit son siege en Auignon, enuoya en France le Cardinal de la Lune, faignant de vouloir entendre au fait de l'union de l'Eglise: lequel Cardinal s'accointa du Duc de Berry, & comme l'on dit, luy feit de grands dons de par le Pape, & feit plusieurs remonstrances, & eut de grandes parolles avec ceulx de l'Vniuersité de Paris, touchant leurs priuileges: lesquels de l'Vniuersité, qui cōnoissoient bien que ledict Pape n'auoit point de vouloir d'entendre à ladiete vnion, & leur auoit fait plusieurs griefz contre leursdictz priuileges, luy contrarierēt de tout leur pouoir: & pour auoir port, s'accointerent du Duc de Bourgongne, qui les porta & fauorisa. parquoy ledict Cardinal s'en retourna sans riens faire: & incontinent ledict pape Clemēt mourut, & fut ensepulturé en Auignon. Auant son trespas il donna & transporta au Roy tous les droictz & souueraineté & seigneurie temporelle des Ville, Cité, Bourg, & habitans de saint Malo: & enuoya le Roy en prendre possession messire Robert Brezille, & maistre Guy Chrestien.

Du scisme  
qui dura long  
temps en  
l'Eglise.

Le vingt & troisieme iour de Ianuier, audiēt an, semblablement ledict pape Clement, auāt son trespas, donna & octroya aux Vniuersitez roolles pour auoir benefices. Les Cardinaulx, qui la estoient, voulurent eslire vn autre Pape, en son lieu: mais le Roy leur manda qu'ilz ne se hastassent pas: ce neantmoins tantost apres ilz esleurent Pape ledict Cardinal de la Lune, & le nommerent Benedic: & par ainsi demoura encores le Scisme en l'Eglise. Ledit Benedic manda au Roy, & à l'Vniuersité qu'il desiroit singulierement l'union de l'Eglise, & qu'il estoit prest de faire cession, si on voyoit que faire le deust, dont on fut bien ioyeux: & feit le Roy assembler vn grand Conseil à Paris, de tous les Archeuesques, Euesques, Abbez, & Prelatz du royaume: & fut mis en deliberation de sçauoir si touchant la matiere on deuoit tendre à fin de cession, ou demander assemblée de Concile general: & fut trouué que la voye de cession estoit meilleure & plus briefue: & pour ceste cause allerent en Ambassade, de par le Roy, deuers ledict Benedic, les Ducz de Berry & de Bourgongne, ses oncles, le Duc d'Orleans, son frere, l'Euesque de Senlis, & autres. Aussi y furent quelques autres Ambassades, de par l'Vniuersité de Paris, & de par le Clergé, qui y allerent, & y furent longuement, & eurent plusieurs audiences: mais ledict Benedic ne leur vſa que de dissimulations, & sans riens faire s'en retournerent à Paris: & ne fut pas le Roy content de ce que ledict Pape n'auoit voulu autrement entendre à ladiete vnion: & de ce aduertit plusieurs Princes, & enuoya plusieurs Ambassades, tant en Allemagne, qu'en Angleterre, & ailleurs.

*Du mariage du Roy Richard d'Angleterre, & de madame Ysabeau de France, fille du Roy Charles sixieme: & comment ceulx de Gennes se donnerent au Roy.*

t als Cā-  
torbie.



Exploit de  
guerre du  
resch. Bouci-  
quault, qui se  
trouue peu  
ailleurs.

De la grosse  
desconfiture  
des sarrasins  
deuant Con-  
stantinoble.

Antost apres vint vne moult belle & grande Ambassade d'Angleterre, pour le mariage du Roy Richard d'Angleterre, qui auoit trente ans d'age, & madame Ysabeau, fille du Roy, qui n'auoit que sept ans: lequel mariage fut accordé, & l'espousa le Comte Roland de t Corbye, comme Procureur du Roy d'Angleterre: & furent les nopces faictes au Palais, ou il y auoit trois Roys: c'est à sçauoir le Roy de France, le Roy de Cecille, & le Roy de Nauarre. Aussi y estoient les Ducz de Berry & de Bourgongne, d'Orleans, & plusieurs autres Comtes, Barons, Cheualiers, & gens des bonnes villes de ce royaume de France, pour ce assemblez: mais neantmoins ladiete Ysabeau demoura encores en la garde de la Roynne, sa mere. En ce temps aussi ceulx de Gennes se donnerent au Roy de France, & y fut enuoyé pour Gouverneur messire Ichā le Maingre, dict Bouciquault, Mareschal de France: lequel meit en l'obeyſſance du Roy, les citez de Plaisance, Pauie, Milan, & plusieurs autres en Lombardie: & alla deux voyages sur les Sarrazins, qui tenoyent le siege deuant Constantinoble, dedans laquelle estoit Capitaine vn Frāçoys, nommé Chasteaumorant: & feit ledict Bouciquault plusieurs grands faitz d'armes, tellement qu'il contraignit lesdictz Sarrazins à eulx leuer dudiēt siege, & eulx en aller: mais tantost apres ilz se rassemblerent en merueilleusement grand nombre. Quand le Roy de Hongrie le sceut, il assemble gens, & y alla, & y eut vne merueilleuse bataille, en laquelle l'Admiral des Sarrazins, son filz, & son nepueu, & bien cent mil desdictz Sarrazins furent tuez. Quand le Roy en sceut les nouuelles, pour en rendre graces à Dieu, il feit faire processions generales, par toutes les eglises de France. Le Duc de Milan, qui fut aduertý du bon vouloir que tous les Geneuois auoyēt au Roy, les cuyda desmouuoir par belles & blandes parolles, & les attirer à luy: mais ilz n'y voulurent entendre, & se meirent du tout en l'obeyſſance du Roy, plus fort que deuant.

Du traitté

*Du traité de paix fait entre les Roys de France & d'Angleterre, moyen-  
nant le mariage de madame Ysabeau de France.*

**E**N l'an mil trois cens quatre vingtz & seize, le Roy de France alla à Boulon-  
gne, & le Roy d'Angleterre vint à Calais, & s'entreuirer, & parlerer ensemble  
plusieurs fois, & firent traité de paix: & la fut menée madame Ysabeau, fille  
du Roy de France, & liurée es mains du Roy d'Angleterre, son mary: & pour  
la recevoir vindrent au deuant les Duchesses de Lancastre, & de Clocestre, &  
grande Compagnie de Dames & Damoyelles, venues d'Angleterre: & s'en-  
trefirent lesdictz Roys & les Princes, qui estoient en leurs compagnies, de moult beaulx  
grands & riches dohs. puis se departirent: & s'en retourna le Roy à Paris, & le Roy d'Angle-  
terre en Angleterre. Tâtoist apres, le Roy Richard d'Angleterre, soy sentant fort de l'alliance  
qu'il auoit au Roy de France, commença à leuer de grands subides, dont les Anglois ne fu-  
rent pas contens, n'aussi de l'appoinctemēt qu'il auoit fait avec le Roy de France, & qu'il luy  
auoit rendu, par ledict appoinctemēt, les places de Cherebourg & Brest: & pource qu'il sceut  
que le Duc de Clocestre, & le Comte d'Arondel en patloyer, en voulant esleuer le peuple con-  
tre luy, il les feit prendre, & leur feit coper les testes.

L'an milccc.  
iii. xx. xvi

Les Roys de  
France &  
d'Angleter  
re parlerer  
ensemble  
pres Calais.

*De la pitieuse desconfiture, qui fut faicte par les Turcz, sur les Chrestiens, en Hongrie.*

**V**diēt an, combien que le Roy de Hongrie l'année precedente eust eu vne gran-  
de victoire contre les Sarrazins, par le moyen & ayde des François, toutesfois  
lesdictz Sarrazins festoyent assemblez en grand nombre, & luy faisoient, & aux  
autres Chrestiens voyfins, moult de persecutions & cruaultez: & à ceste cause,  
il enuoya deuers le Roy vne solennelle Ambassade: & apres ce qu'elle eut expo-  
sé sa creance, en la presence du Roy, & des Princes, il fut conclud de luy faire ayde: & le  
Duc de Bourgogne, qui estoit present, offrit d'y enuoyer pour luy son aîné filz, Iehan,  
Comte de Neuers. Aussi s'offrirent d'y aller le Comte d'Eu, Connestable de France, le Ma-  
reschal Bouciquault, l'Admiral de Vienne, les Seigneurs de Coucy, de Roze, de la Tri-  
mouille, & plusieurs autres: & furent assemblez plusieurs gens de guerre, & se meirent à che-  
min vers les Allemaignes, ou ilz trouuerent qu'on leur feit plusieurs gratuitez de viure, &  
autres choses: & toutesfois ilz faisoient de grands maulx & pilleries par tout ou ilz passoyent.  
Ilz passerent le fleue de la Dunoë, & vindrent en Hongrie. Le Roy de Hongrie conseil-  
loit qu'on meist deuant les gens de guerre du pays, qui congnoissoient les manieres des Turcz:  
mais les François dirent qu'ilz seroyent des premiers. Le † Basaac, Prince des Sarrazins,  
quand il sceut leur venue, vint alencontre d'eulx, avec grand nombre de gens, & eurent ba-  
taille, ou les Chrestiens furent tous mors ou prins. Apres la bataille le Basaac commanda  
qu'on amenaist les prisonniers deuant luy: & on luy amena bien trois cens des François. Quand  
il les veit, il commanda que tous fussent mis à mort, en sa presence, qui fut moult grand pitié:  
mais entre les autres feit reseruer de mort le Mareschal Bouciquault, pource qu'on luy dist  
qu'en guerre il auoit fait autresfois bonne composition à ses gens: & combien que ledict Ie-  
han, Comte de Neuers, filz du Duc de Bourgogne, fust en grand dangier d'estre tué, toutef-  
fois il fut reserué, par ce que la se trouua vn Sarrazin, grand Nigromancien, deuin, ou sor-  
cier, lequel apres ce qu'il l'eut regardé, dist qu'on le sauuaist, & qu'il estoit bien taillé de faire  
mourir plus de Chrestiens, que tous ceulx de leur loy ne scauroient faire. Aussi feit il par  
les guerres dont il fut depuis cause en France. Il estoit commune renommée que nostre  
seigneur Iesus Christ souffrit la chose ainsi aduenir, par l'orgueil desdictz François, qui n'a-  
uoient voulu croire le conseil du Roy de Hongrie, aussi pour la punition des grandes pil-  
leries, larrecins, ribaudises, dissolutions de ieux, d'habillemens, & autres maulx qu'ilz a-  
uoient commis en y allant. Vne chose miraculeuse aduint: car les Turcz ne vouloyent souf-  
frir que les corps des Chrestiens mors fussent enterrez, affin qu'ilz fussent deuorez des Loups,  
bestes sauuaiges, & oyseaulx: si furent treize moys sus terre, tous blancs, sans que beste ny  
oiseau y touchast. Lesdictz Comte de Neuers, & le Mareschal Bouciquault, furent mis à  
rançon, qu'ilz payerent: & puis s'en retournerent en France. En celle année la Duches-  
se de Brabant vint veoir le Roy, estant à Compiègne, & s'offrit en son service: & en sa pre-  
sence declaira au Duc Philippe de Bourgogne, qu'apres son trespas elle vouloit que ladicte  
Duché luy reuint: toutesfois elle le pria qu'il la laissast à Anthoine, son second filz. ce que luy  
accorda: & lors la Royne eut vn filz, que le Duc d'Orleans leua sur sons, & fut nommé Loys.

† Les uns  
le nommēt  
par son pro-  
pre nō Bay-  
seih, & les  
autres Pa-  
raites, cō-  
bien aussi  
que Bajā  
soit nom-  
d'Office on  
dignité en  
Turquie.

Punition di-  
uine sur les  
François, à  
cause des  
maulx que  
ilz auoyent  
faictz.

En ce temps fut fait le mariage de Iehan, filz du Duc de Bretagne, & d'une des filles du Roy: & luy fut promis trois cens mil francs. Aussi en celle année madame Marie de France, fille du Roy, de son gré & à sa requeste fut rendue religieuse au couvent de Poissy, & depuis fut Prieure du couvent. En celle mesme année, l'Euesque & les manans & habitans de la cité de Verdun enuoyerent deuers le Roy, pource que ladicte cité estoit neutre, & que le Duc de Lorraine, ses Officiers, & autres Seigneurs, leurs voyzins, leur faisoient plusieurs molestes: & feirent requerir le Roy qu'il les voulsist prendre en sa protection, & sauuegarde, & estre leur conseruateur. ce que ledict Seigneur leur promeit & accorda de faire, moyennant ce que lesdictz habitans luy promeirent payer chacun an à ses successeurs, à sa recepte ordinaire de Vitry, la somme de cinq cens liures: & ledict Euesque la somme de quarante liures: & sur ce furent baillées lettres, tant du costé du Roy, que par lesdictz Euesque & habitans. Durant ladicte année l'Empereur, les Roys de France & d'Angleterre, d'Espagne & de Hongrie, & plusieurs autres Roys & Princes trauaillerent fort pour cuyder mettre vnion en l'Eglise, & en oster le Scisme: mais le pape Benedic, qui estoit en Auignon, vsoit tousiours de dissimulations, & luy suffisoit qu'il iouyst de la Papauté, & en print les profits: parquoy aucun temps apres fut ordonné estre assemblé à Paris vn grand Concile general, ou les Cardinaulx, tant d'un costé que d'autre, seroyent, affin qu'on trouuast façon qu'il y eust vn Pape vnique en l'Eglise. Et pource que ledict Benedic n'y vouloit entendre, il fut ordonné qu'on luy feroit planiere subtraction de toute obeyssance, & que l'Eglise de France seroit reduyte à ses libertez: c'est à sçauoir que toutes reseruations, & graces expectatiues, n'auroyent point de lieu, & que les Chanoynes & Religieux des eglises Collegialles & Conuétuelles esliroyent, & que les elections seroyent confirmées par les Diocesains, & que les ordinaires donneroyent tous les autres benefices, sans plus auoir recours audit Benedic: & fut ledict Benedic assiegé dedans le Palais d'Auignon: lequel siege dura bien par cinq ans: car vn nommé Rodigo, de la Lune, son frere, trouuoit façon de luy faire secrettement ayde de gens, & de viures: & aussi il y auoit plusieurs qui dissimuloient de le faire plus aigrement assaillir, doubtant les censures Ecclesiastiques.

*Comment la Seigneurie de Nemours fut erigée en Duché, & baillée au Roy de Nauarre, en recompense de quelques terres.*

L'an mil  
ccc. quatre  
vingtz &  
dixsept.



Des regretz  
que faisoit  
le roy quand  
il pensoit à la  
maladie qui  
le prenoit si  
souuent.

AN mil trois cens quatre vingtz dixsept le nouveau Roy de Nauarre, Charles, enuoya l'Euesque de Pâpelune deuers le Roy, luy requerir qu'il luy voulsist rendre les terres qui luy deuoyent appartenir en Normandie: & fut sur ce assemblé Conseil, & disoyent plusieurs qu'on ne les luy deuoit point bailler, veu les horribles maulx & inconueniēces que son pere auoit faitz aux pays & royaume de France, & qu'on ne sçauoit la volunté du filz, qui en pourroit faire autant. Les autres disoyent qu'il y auoit eu accord & appoinctement avec le pere, & que par ce on luy deuoit rendre ses terres, ou luy en bailler recompense, sans auoir regard au tēps passé. Finablement fut cōclud & ordonné qu'il n'auroit point lesdictes terres de Normandie, attendu qu'elles estoient trop prochaines des Anglois, & des limites de France: mais qu'on luy en feroit recompense, iusques à dix mil liures de rente: & pour icelle recompense bailler, le Roy erigea en Duché la seigneurie de Nemours, & Gastinois, & y ioignit Nogent, Pons sur Seine, Colomiers, & autres terres, si prendre les vouloit, iusques à ladicte valeur. En celle mesme année le Roy fut malade par plusieurs fois, de sa maladie: & quand il venoit aucunesfois à conualescence & bon propos, c'estoit pitié des regretz qu'il faisoit, quand il pensoit à la subiection en laquelle il estoit d'y deuoir rencheoir: & moult deuotement reclamoit Dieu, nostre Dame, & plusieurs Sainctz. On print par souspeçon son barbier, & deux des seruiteurs du Duc d'Orleans, pour sçauoir si on ne luy auoit point fait de sort, ou autre chose, dont procedast ladicte maladie: mais on ne peut riens auerir, & furent tronuez innocens, & deliurez.

*De la mutation de plusieurs Officiers, & des haynes secretes qui estoient entre les Ducs d'Orleans & de Bourgongne.*

† Toute-  
fois parauant  
il le dit des  
ia tel.



EN ce tēps y eut grand' mutation d'Officiers, par ce que plusieurs estoient mors vn peu deuant, en vne bataille sur les Sarrazins: & fut fait Cōestable de France le Cōte de Sacerre, & messire Iehan le Maingre, dict Bouciquault, fut fait † Marechal, Iagues de Bourbon, grand Châbellan, & messire Hurin d'Amont ordonné pour porter l'Oriflambe. En ce tēps y eut deux Augustins à Paris, qui entreprirent à guerir le Roy, & luy feirent aucunes incisions en la teste, dont il fut en tresgrand danger

danger de sa personne. Il fut enquis de leurs vies, & fut trouué qu'ilz n'estoyent qu'abuseurs: A ceste cause ilz furent emprisonnez, & fut fait leur proces, & par l'Euesque de Paris furent amenez sur vn eschauffault en la place de Greue, & estoit ledict Euesque habillé *in pontificalibus*, & lesdictz Augustins, comme reueustuz à chanter messe. Ledit Euesque, en disant aucunes paroles leur osta tous leurs habillemens de prestre, & furent despoillez nudz en chemises, & leurs courônes rasées, & après liurez par ledict Euesque à la Iustice laye, qui les mena es Halles de Paris, & la eurent les testes coppées, & leurs corps enuoyez pèdre au gibet. On disoit q' ledict Duc de Bourgogne pourchacea la mort desdictz deux Augustins, qui s'aduouerent au Duc d'Orleans, par ce que peu parauant ledict Duc d'Orleans auoit pourchacé la mort d'un nommé maistre Jehan de Bar, grand Clerc, qu'on disoit estre Nigromancien, & inuocateur, qui estoit audiect Duc de Bourgogne, & luy auoit promis qu'il luy feroit venir le Diable, qui luy respondroit de tout ce qu'il luy demàderoit: & luy furēt trouuez plusieurs liures, miroers, & autres choses diuerses, qui en sa presence furent bruslez en la place de Greue: & y auoit des lors de moult grandes & secrettes haynes & inimitiez entre lesdictz deux Ducz d'Orleans, & de Bourgogne. En celle mesme année l'Empereur de Constantinoble enuoya de rechef deuers le Roy, requerir ayde contre les Sarrazins: & combien que le Roy y eust enuoyé l'année precedente à grands frais, & y eust perdu plusieurs grands personages, neâtmoins il delibera d'encores y enuoyer: & lors le Duc d'Orleans, son frere, s'agenouilla deuant luy, & luy supplia qu'il eust la conduyte de l'armée, dont il eut tresgrand honneur: mais le Roy ne voulut pas permettre qu'il y alast. En celle saison le Connestable du Basac enuoya au Roy de beaulx & gracieux dons, & choses plaisantes & estranges: lesquelles il receut benignemēt, & fait de grands dons à celuy qui les apporta. Le Roy de Boesme, qui auoit grand desir de veoir le Roy de France, se mit à chemin pour y venir, & sceut que le Roy estoit allé à Reims en pelerinage, si tira droit la. Le Roy, quand il sceut sa venue, alla voller & chacer, pour le rencontrer sur les champs, à deux lieues de la. Si le rencontra, & le receut honnorablement, & puis l'emmena iusques à Reims, ou il le festoya, & honnora grandement.

De deux Augustins q' furent decapitez es Halles de Paris.

D'un Nigromancien q' se ueroit de faire venir le Diable qui respondroit tout ce qu'on luy demanderoit.

*Comment Henry de Lanclastre, qui fut banny d'Angleterre, se retira en France.*



An mil trois cens quatre vingtz & dixhuyt, tantost apres que le Roy Richard eut fait mettre à mort les Ducz de Clocestre & le Comte d'Arondel, s'esleuerent de grandes discentions en Angleterre, & y eut vn Parlement assemblé à Londres, auquel Henry de Lanclastre, Comte d'Erby, dist au Comte Maréchal, que comme trahyste il auoit fait mourir son oncle de Clocestre, & avec ce qu'il auoit emblé les deniers du royaume, & appliqué à son profit: à quoy ledict Comte luy respondit qu'il auoit menty, & y eut gaigné de bataille, & se trouuerent au champ, & coururent les lances, mais en vn moment tous deux ietterent leurs lances à terre: parquoy ledict Roy Richard les fait prendre, & les fait bannir d'Angleterre: c'est à sçauoir, ledict Comte à cent ans, & ledict Henry à dix ans: lequel Henry s'en vint en France deuers le Roy, qui le receut honorablement, dont le Roy d'Angleterre ne fut pas content: & tantost apres le Duc de Lanclastre, pere dudit Henry, alla de vie à trespas: & cuyda ledict Henry que le Roy Richard deust appaiser son ire contre luy & le rappeler, & luy rēdre les terres & meubles de son pere, qui estoient grands, mais riens n'en fait, & les print à son profit, dont iceluy Henry delibera bien de s'en venger.

L'an mil ccc. quatre vngtz & dixhuyt

† Cery est un peu autre mēt en Troi. & P. Verg.

*Comment ledict Henry de Lanclastre s'en retourna en Angleterre, pour faire guerre au Roy Ricarrd, qu'il print prisonnier, & le fait mourir, & se fait Roy.*



An mil trois cens quatre vingtz & dixneuf ceulx d'Ibernie se rebellerent contre ledict Roy Richard d'Angleterre, & par ce alla contre eulx en personne: & apres son partement plusieurs monopoles & conspirations se firent contre luy audiect royaume d'Angleterre, tellement qu'aucuns vindrēt au lieu ou estoit madame Ysabeau, Roync d'Angleterre, fille de France, qui ieune enfant estoit, & luy osterent tous ses seruiteurs & seruantes, de la langue de France, exceptée vne Damoysele & son Confesseur: & luy laisserent aucuns Anglois, qui parloyent François, & la meirent en vn chastel, bien gardée, qui fut vn exploict bien merueilleux. Laquelle chose venue à la congnoissance dudit Héry de Lanclastre, Comte d'Erby, qui estoit bāny d'Angleterre pour dix ans, cōme dict est, & s'estoit retiré en France, pour estre en seureté, s'en partit secrettemēt, & trouua façon de passer en Angleterre. On dit qu'auant son partement furent jurées &

L'an mil ccc. xxi. xxi.

De la grād' mutatiō qui fut en Angleterre.

accordées grandes alliances entre monseigneur Loys, Duc d'Orléans, & luy: & si tost qu'il fut en Angleterre, il se fit Duc de Lancastre, au lieu de Iehan de Lancastre, son pere, & feit plusieurs seditions & entreprinſes, & attrahit, à luy grand nombre de gēs, dont son oncle d'Yort le reprint fort, mais il n'en tint compte: & feit prendre plusieurs Nobles d'Angleterre: c'est à ſçauoir les Comtes de Kent & Sallebery, de Suffort, de Vvermeton, Hue le Deſpēſier, & autres, & leur feit copper les teſtes, & icelles enuoya à Londres, & se meirent en ſes mains plusieurs places. Tantost apres, lesdictes choses vindrēt à la congnoiſſance du Roy Richard, qui en fut moult troublé, & nō ſans cauſe, & le plus tost qu'il peut ſ'en partit d'Ibernie, ou il estoit allé faire guerre, & ſ'en vint vers Londres: mais il fut tantost de tous ſes gēs delaiſſé: &, qui pis eſt, ceulx en qui il ſe fioit le prindrent priſonnier: & le liurerent es mains dudiſt Henry de Lāclastre, son ennemy: & tantost tout le peuple d'Angleterre, qui eſt ſubit, & ne demande q̄ mutation de ſeigneurie, tant gens d'Egliſes qu'autres, crierent à haulte voix qu'on le deuoit deſappoincter & priuer du royaume, & mettre en chartre perpetuelle, attēdu qu'il auoit fait mourir ſes parens, ſans cauſe, & auſſi qu'il auoit baillé au Roy de France les places de Cherebourg & Breſt, qui estoient deux entrées aux Anglois, pour venir en France, & auoit fait alliance au Roy de France, ſans y appeler les gens des trois Eſtatz d'Angleterre: & qui pis estoit, il auoit leué ſur le peuple grandes ſommes de deniers, comme deſſus eſt dict: & print on tous ſes amys & bienvueillans, & les feit on mourir, & furent leurs hoſtelz pillez. Et lors commença Henry de Lancastre, à ſoy nommer & porter Roy d'Angleterre, & se feit couronner, & eſt appellé Henry le quart. Tantost apres le Roy de France ſceut ce qui auoit eſté fait en Angleterre, contre lediſt Roy Richard, son beau filz, dont il fut fort courroucé: car il congnt bien que toutes trefues & alliances estoient faillies, & qu'on estoit à la guerre comme deuant: toutesfois lediſt Henry de Lancastre, ſoy diſant Roy d'Angleterre, enuoya deuers luy faire ſçauoir ſ'il vouloit enuoyer gens à Calais, & il y enuoyeroit de ſa part pour ouurir aucunes matieres touchāt le fait de la guerre. ce qu'il feit: & furēt prinſes vnes trefues iuſques à la Pentecouſte enſuyuant, tant ſeulement. En ce tēps le Comte d'Eſtampes, qui ſouuent buuoit & mangeoit à la table du Duc de Berry, en diſant mourut ſubitement d'une Apoplexie, à la table, & luy tomba la teſte ſur les bras qu'il auoit ployez ſur la table: & quand lediſt Duc de Berry l'aduifa, cuydant qu'il dormiſt, diſt en riant: Le beau couſin ſ'endort, leuez le, mais on trouua qu'il estoit mort. Audiſt Comte d'Eſtampes luy ſucceda lediſt Duc de Berry, qui l'auoit parauant achaptée, reſerué à luy à en iouyr, ſa vie durant. En celle année aucuns religieux de l'ordre ſainct Bernard apporterent le Suaire ou noſtre Seigneur fut enſepuely au tombeau, & le meirent en vne Abbaye de leur ordre, nommée Cadoyn, au diocēſe de Cahors.

Mort ſoudaine du Comte d'Eſtampes.

De ſ. Suaire de noſtre ſeigneur.

### De la venue de l'Empereur de Constantinoble à Paris.

L'an mil quatre cēs.



An mil quatre cēs il vint à la congnoiſſance du Roy que l'Empereur de Constantinoble vouloit venir vers luy en France, tant pour le veoir que pour luy requerrir ayde contre les meſcreans, & auſſi pour le remercier des aydes qu'il luy auoit faiſtes le tēps paſſé: & quand le Roy ſceut qu'il approchoit, il enuoya au deuant de luy de grands Seigneurs, pour le remercier à l'entrée du royaume, & le deffrayer. Quand il fut pres de Paris, il enuoya ſes oncles les Ducz de Berry & de Bourgongne au deuant de luy, & luy meſmes l'alla receuoir à la porte, & furent faiſtes grandes triumphes à ſa reception, en la ville de Paris: & l'amena le Roy à noſtre Dame de Paris, & au Palais, & de là au Louure, ou il fut logé, & la tint ſon eſtat aux deſpens du Roy: mais toutesfois il ne feit choſe qui touchaſt droict d'Empire, ne ſouueraineté contre la couronne de France: Puis ſ'en partit, & ſ'en alla en Angleterre, ou pareillement il fut honnorablement receu, & de là ſ'en retourna en ſon pays. On chatoit en la Chapelle dudiſt Empereur le ſeruiſſe, à la mode de ſon pays: ceſt à dire en Grec, qui ſembloit bien eſtrange aux gens du royaume, qui par ſingularité l'alloyent veoir & ouyr. Au commencement de celle année mourut Iehan de Montfort, Duc de Bretagne, auquel ſucceda Iehan, ſon filz, premier nay, qui auoit eſpouſé la fille du Roy de France: parquoy le Duc de Bourgongne alla en Bretagne prédre poſſeſſion de la Duché, pour lediſt ieune Duc: laquelle poſſeſſion luy fut baillée. puis ſ'en paſſa par Nâtes, pour veoir la Duchefſe, veufue, qui ſœur estoit du Roy de Nauarre, laquelle, cōme on diſoit, auoit ia promis d'eſpouſer le nouveau Roy d'Angleterre, Héry de Lāclastre. En celle meſme année fut fait & traité le mariage de Iehan, Comte de Clermont en Beauuoysin, filz de monſeigneur Loys, Duc de Bourbon, & de madame Marie, fille de mōſeigneur Iehan de Berry: par traité duquel mariage mōdiſt Seigneur de Berry, du congé & pmiſſion du Roy luy dōna la Duché d'Auuergne, & Comté de Montpenſier, ſoubz telle condition que ſ'il aduenoit que la ligne masculine

Le ſeruiſſe diuin celebré à Paris, deuant l'Empereur de conſtantinoble.



masculine deffaillist en ligne directe desdictz Ducz de Bourbon, la Duché de Bourbônois, & ladiète Côté de Clermôt viendroyét au Roy & à la courône de Frâce. En l'an mil quatre cēs <sup>L'ā mil cccc</sup> & vn fut mis en deliberation d'enuoyer querir en Anglererre madame Ysabeau de France, la <sup>& un.</sup> quelle estoit encores ieune pucelle (car le Roy Richard n'auoit poit couché avec elle) & y fut enuoyé le Seigneur de Hugueuille, & vn Maistre des requestes, nommé maistre Pierre Blanchet, ausquelz elle fut pour lors refusée: & fut aucune renommée q̄ les Anglois auoyét fait empoisonner lesdictz Ambassadeurs. quoy que soit ledict Blanchet y mourut, & ledict de Hugueuille vomissoit iusques au sang: toutesfois il guerist, & s'en retourna en France: mais tantost apres les Anglois, congnoissant que ce ne leur seroit pas honneur de retenir ladiète Roynne, l'amenerent à Calais, & le feirent scauoir au Roy, qui y enuoya l'Euesque de Chartres, messire Vvallerā, Comre de sainct Paul, le Seigneur de Lōgueuille, & autres, ausquelz elle fut baillée & liurée. Aussi furent enuoyées pour la receuoir honnestement les Dames de Montpensier & de Luxembourg: & feirēt les Seigneurs d'Angleterre, qui la estoient venus, à ladiète Dame & ses Damoyelles & seruiteurs de beaulx dons. puis s'en retournerent, & ladiète Dame fut amenée à Paris, ou le Roy son pere la receut: & en venant passa par Abeuille, ou le Duc de Bourgongne alla au deuant, & la festoya grandement. puis s'en retourna ledict Duc en son pays d'Artois.

La Roynne d'Angleterre, fille de Frâce, fut ramenée uierge à sō pere

*Comment la hayne secrette d'entre les Ducz d'Orleans, & de Bourgongne, se manifesta.*

**A**V dict an monseigneur Loys Duc d'Orleans, frere du Roy, partit de Paris, & alla iusques à Moz on, accompagné de bien cinq cens lances: & la feit & iura alliance avec le Duc de Gueldres, qui y estoit venu, & auoit bien autant de gens, & l'amena iusques à Paris: & pource qu'il n'en auoit point parlé aux Ducz de Berry & de Bourgōgne, ses oncles, ilz en furent fort courroucez & malcontents, & fort en murmurèrent, mesmement le Duc de Bourgongne: & y eut de grandes & estranges manieres tenues entre eulx, tellement qu'on apperceuoit bien deslors qu'il y auoit entre eulx de grād' hayne mortelle: mais toute la principale hayne ne venoit que par l'ambition du gouuernement du royaume, & par especial des finances: & de fait manderent & assemblerent chacun d'eulx grands armées de gens de guerre, qui tous tirèrent es enuirs de Paris, ou ilz faisoient de grands maulx. Finablement le Duc de Berry s'entremet de faire la paix d'entre eulx, & furent renuoyez leurs gens d'armes: & les feit tous deux aller dîner en son hostel de Neelle, & furent d'accord, & baisèrent l'un l'autre, & feirent promesses & grand serment d'auoir tousiours bonne paix & amytié ensemble, mais elle ne dura gueres.

*Du debat qui estoit entre les Princes, pour le gouuernement des finances*

**L'**An de grace mil quatre cens & deux, y eut de rechef debat entre les Princes de France, mesmement entre les Ducz d'Orleans & de Bourgongne, pour le gouuernement du royaume: car quand le Roy estoit en santé, il disoit, qu'il vouloit que ledict Duc d'Orleans, son frere, eust le gouuernement & administration de tous les faitz du royaume, tant des finances qu'autrement: lequel Duc, ayant prins ledict gouuernement, feit mettre sus vne grand' taille & ayde, & tellemēt qu'il vouloit que les gens d'Eglise payassent imposition. A quoy l'Archeuesque de Reims s'opposa pour luy & pour tous ses adherens: l'Archeuesque de Sens excommunia tous ceulx qui le contredisoient & empeschoyent: & y auoit de grands brouilliz. D'autre part les Ducz de Berry & de Bourgongne disoient & publioient qu'ilz n'en estoient point consentans. Le Roy tantost apres fut malade: & tout incontinent tous les autres Seigneurs esleurent le Duc de Bourgongne, pour auoir le gouuernement, disans, que ledict Duc d'Orleans estoit trop ieune d'aage, & qu'il auoit mieulx besoing d'estre gouuerné que de gouuerner. Parquoy ledict Duc de Bourgongne print ledict gouuernement: & incontinent qu'il l'eut il voulut semblablement trouuer façon & maniere d'auoir argent, & meit sus tailles & aydes, & ne voulut souffrir q̄ ledict Duc d'Orleā en eust aucune administratiō: & pour trouuer prēptemēt argēt il feit leuer & ordonner cōmissions extraordinaires, pour reformer toutes manieres de gens qui auoyent eu gouuernement du Roy, & par especial ceulx qui auoyent gouuerné & manié les finances, iusques sur les gens d'Eglise: & vouloit prendre sur ceulx qui auoyent eu aucuns dons ou biens faitz du Roy oultre les gaiges, ou prins les gaiges de diuers Officiers. Parquoy en vint de grands plainctes, & iusques à la chābre du Conseil: & allerent deuers luy messire Guy

L'ā mil cccc & deux.

Du Duc de Bourgōgne, qui fut esleu Gouuerneur du royaume de France.

Toute au-  
thorité est  
impatiente  
d'auoir com-  
paignon.

Archeuesque de Reims, grand notable homme, & autres: lequel Archeuesque se vint oppo-  
ser à toutes ces choses, & apres luy tout le monde s'opposa. Quand il veit ainsi tout le monde  
crier contre luy, il cessa de son intention, & de faire executer ladiete commission: & enuiron  
le moys de Iuin, le Roy fut de rechef surprins de sa maladie: & pource que toute autorité est  
impatiente de compaignon, & ne le peut souffrir, on craignoit que lesdictz deux Ducz, deme-  
nez par les esguillons d'enuie, ne se descordassent: si fut de rechef ordonné au Conseil, auquel  
estoyent la Roynie & des Ducz de Berry & de Bourbon, que lesdictz deux Ducz d'Orleans,  
& de Bourgogne, cesseroient d'vser de l'autorité & du gouuernement du royaume, iusques  
à ce que le Roy eust receu sa santé.

*De la desconfiture de sept Anglois, qui combatirent en champ contre sept  
Francoys.*

† al. Mo-  
rauc.



Quand le Duc d'Orleans veit qu'il n'auoit plus ledict gouuernement, il feit sem-  
blant & publia qu'il ne luy en challoit (combien qu'il luy en feist grand mal) &  
s'en alla à la Duché de Luxembourg, qu'il auoit nouuellement acquise du Roy  
de Boesme, qui l'auoit deuant engagée au Marquis de † Moriane, la ou il fut hō-  
norablemēt receu: & quād il fut la, il trouua qu'il y auoit guerre entre le Duc de  
Lorraine & ceulx de Metz, & y alla & les meit d'accord, & si gouerna tellement qu'il y eut  
proffit & honneur. En ce tēps vn vaillant Cheualier, nōmé messire Jehan de Harpedanne,  
Seigneur de Belleuille, & Seneschal de Xaintonge, feit sçauoir au Roy qui estoit à Paris, &  
aux grands Seigneurs, qu'il y auoit en Guyenne sept Anglois fort vaillans gens & renommez  
en guerre, lesquelz faisoient sçauoir à tous François, que s'il y en auoit autant qui les voulfis-  
sent combattre ilz estoient prestz pour l'amour de leurs Dames de les combattre: & estoient les  
nōs d'iceulx Anglois, le seigneur de † l'Escalle, messire Aymōd Cloiet, Jehan Haron, Richard  
Vitenaille, Jehan Flory, Thomas Thahis, & Robert d'Escalles. Cecy fut publié par toutes les  
cours & contrées de France: & ce venu à la congnoissance de ceulx qui estoient en la court  
de monseigneur le Duc d'Orleans, furent sept qui entreprendrent ledict voyage, mais à grād'  
peine peurent ilz auoir congé. Finablement ilz y allerent: c'est à sçauoir, messire Arnault Guil-  
lem Seigneur de Barbazan, messire Guillaume du Chastel, messire Colinot de Brabant, messi-  
re Guillaume Bataille, Archambault de Corroze, & Champagne, tous vaillans Gentilzhom-  
mes, & se rendirent deuers ledict Seneschal de Xaintonge: & estoit ledict seigneur de Barba-  
zan Chef, & des Anglois le seigneur de l'Escalle: & fut la iournée prinse au dixneuuieme iour  
de May, auquelz tous comparurent bien ordonnez ainsi qu'au cas appartient. Au matin, a-  
pres qu'il eurent ouy messe & receu le corps de Iesus Christ, aumoīs les François, ledict Seigneur  
de Barbazan les enhorta de biē besongner & de garder leur honneur, en leur demonstrent la  
vraye querelle que le Roy auoit cōtre eulx, & qu'ilz n'eussent pas regard aux Dames, ne pour  
acquérir la grace du monde, mais seulement pour eulx deffendre, avec autres bonnes parolles  
qu'il leur dist: & incontinent entrerent au champ en grande & fiere maniere, tant d'un costé  
que d'autre: & apres qu'il eut crié par le Herault, par le commandement dudit Seneschal, ilz  
commencerent à fraper de grans coups de haches: & finablement les Anglois furent descon-  
fitez, & y mourut messire Robert d'Escalles, & se rendirent tous les autres aux François.

† Tous ces  
nōs se trou-  
uent un peu  
autres au  
meil exēp.  
et ailleurs:  
mais c'est  
peu de cas  
pour cela.

*Du mariage de la Duchesse de Bretagne au Roy d'Angleterre, & des deffiances  
du Duc d'Orleans audit Roy d'Angleterre.*



En ce temps la Duchesse de Bretagne, veufue du feu Duc Jehan, qui fille estoit du  
Roy de Nauarre, se maria à Henry de Lanclastre, nouveau Roy d'Angleterre, la  
quelle auoit trois filz du feu Duc: c'est à sçauoir Jehan l'aisné, qui auoit fiancé vne  
des filles du Roy Charles, Richard le secōd, & Artus le tiers, lesquelz elle vouloit  
mener en Angleterre: & ce vint on hastiement dire au Roy & au Duc de Bour-  
gogne, qui auoit esté ordonné curateur desdictz enfans: lequel Duc alla incontinent en Bre-  
tagne, & print lesdictz enfans, & les amena tous trois en France. Audit an le Duc d'Or-  
leans enuoya deffier ledict Roy d'Angleterre: & par les lettres de deffiance il luy escriuoit les  
causes parquoy: qui estoient en effect qu'il le chargeoit d'auoir occis & fait mourir le Roy Ri-  
chard son naturel Seigneur, & n'auoit pas honoré sa niepce, veufue dudit Richard, ains l'a-  
uoit desnuée de son douaire, & despouillée de ses ioyaulx: dont ledict Roy fut moult courrou-  
cé, & luy feit dire qu'il n'estoit pas vray ce qu'il disoit, & qu'il en auoit menty, & enuoya au-  
dit Duc d'Orleans autres lettres de deffiance. Le vingthuyetieme iour de Feurier audit

an

an mil quatre cens & deux, fut né monseigneur Charles, filz dudit Roy Charles sixieme, & de dame Ysabeau de Bauieres: lequel depuis fut Roy apres la mort de son pere, par ce que ses freres aînez estoient tous mors, comme sera cy apres declairé.

Audit an messire Loys de Sancerre, Connestable de France, mourut: lequel pour les vaillances qu'il auoit faictes en son temps fut enterré en la Chapelle, & à la dextre main du Roy Charles le Quint, dict le Saige: & apres son trespas fut par electiō du Roy & des Princes faict Connestable messire Charles d'Albret, Comte de Dreux, Seigneur de Sully & de Craon: lequel refusa l'office plusieurs fois, mais à la fin il l'accepta: & bailla le Roy de sa main l'espée au Duc d'Orleans, son frere, qui la luy seignit es presences des Ducz de Berry & de Bourgongne & de Bourbō, ses oncles, au iardin de l'hostel saint Paul à Paris: & la feit ledict d'Albret le serment dudit Office es mains de messire Jehan de Corbie, Chancelier de France. En celle année le Duc Philippe de Bourgongne, oncle du Roy, feit le mariage d'Anthoine, son second filz (lequel filz fut depuis Duc de Brabant) avec la seule fille de Vvaleran, Comte de S. Paul, & de Mahault sœur du Roy d'Angleterre.

*D'une course que feit en Guyenne, sur les Anglois, le Connestable d'Albret.*

**L**'An mil quatre cens & trois, partit le Connestable d'Albret, & vne noble compagnie avec luy, nombrée à mil cinq cens Cheualiers, avec les gens de trait, pour aller en Guyenne, faire guerre aux Anglois: & meit siege à vn fort Chastel estant en Lymosin, nommé Carbasin, que tenoyent les Anglois, & faisoient moult de mal au pays, & le print par force, & plusieurs autres places en Guyenne: & auoit avec luy les Comtes de Tōnerre, de Bresne, de Roucy, le Seigneur de la Rochefouchault, le seigneur de Belleuille, le Gouverneur de la Rochelle, messire Ichā de Grauille, Seigneur de Montagu, & plusieurs autres Seigneurs: & ne trouuerent pas ledict Connestable, & ceulx de sa compagnie grād' resistance, par ce qu'en ce temps auoit grād' different entre les Seigneurs d'Angleterre, pour la mort du Roy Richard, qui auoit esté tué. Apres ledict voyage s'en retourna ledict Connestable deuers le Roy, à Paris. † En celle année vint vers le Roy vne grāde & solēnelle Ambassade, de par ceulx de Gennes, & apporterent la carte blanche, pour faire les lettres du don qu'ilz faisoient au Roy de la seigneurie dudit Gennes, en telle forme qu'il plairoit au Roy, & accepta le Roy ladicte donation: & aucun temps apres enuoya messire Jehan de Meingre, dict Bouciquault, Marechal de France, pour en prendre la possession, & en estre son Lieutenant: car c'estoit vn saige & vaillant Cheualier, & qui gouerna ledict pays, tellement que l'autorité du Roy y fut grandement gardée, non pas seulement audit Gēnes, mais par toutes les Itales, & allerent avec luy plusieurs vaillans Cheualiers & Escuyers François.

*De l'appointement faict sur le debat des Ducz d'Orleans & de Bourgongne, touchant le gouvernement du royaume.*

**L**'An mil quatre cens & quatre se meut de rechef grand' discention & debat entre les Duc d'Orleans, frere du Roy, & Philippe de Bourgongne, son oncle, pour cause du gouvernement du royaume, que chacun d'eulx vouloit auoir, mesmement touchant l'administation des finances: & feirent venir lesdictz deux Ducz entour Paris chacun grāds armées de tous leurs pays, amys & alliez: & se trouuerent à ceste assemblée des deux costez bien dix mil Cheualiers & Escuyers, tant du royaume de France, q̄ des pays voyfins: mais à la bōne ayde des Seigneurs du sang & autres Seigneurs & gens de conseil furent d'accord les deux parties, parmy ce que le gouvernement du royaume seroit faict & tenu par les Seigneurs du sang tous ensemble, & aussi de la Roine: & ne dura le debat que quinze iours, à la bonne diligence qui y fut mise: & s'en retournerent les gens d'armes chacun en sa maison. Et en faisant ledict accord feirent plusieurs mariages: c'est à scauoir le mariage de Charles, filz dudit Loys, Duc d'Orleans, & de l'aînée fille du Roy, nommée Ysabeau, sa cousine germaine (laquelle, cōme dessus a esté dict, auoit esté mariée au Roy Richard d'Angleterre) & semblablement celuy de monseigneur Loys, Duc de Guyenne, Daulphin de Viennois, aîné filz du Roy de France, à la fille de Jehan, Comte de Neuers, aîné filz du Duc de Bourgongne, nommée Marguerite: & aussi fut faict le mariage du second filz du Roy, nommé Jehan, Duc de Touraine, & de la seule fille du Duc Guillaume de Bauiere, Comte de Henault: & fut aussi faict le mariage du Duc Jehan de Bretagne, & de la † seconde fille du Roy nommée Marguerite: lequel Duc estoit bien ieune, & l'auoit amené le Duc de Bour-

gongne, par le consentement des Barons de Bretagne, pource que la Duchesse, sa mere, qui estoit seur du Roy de Nauarre, l'estoit de nouuel mariée à Henry de Lancastre, Roy d'Angleterre, comme dict est dessus, sans le consentement du Roy & desdictz Barons: & tantost apres ledict Duc de Bourgongne s'en alla en ses pays.

*Du trespas du Duc Philippe de Bourgongne.*

L'an m.cccc.  
v. cinq.

Des Chartreux de Dyion que fonda le Duc Philippe de Bourgogne



An mil cccc. v. trespassa ledict Duc Philippe de Bourgongne, qui fut appelé Philippe le Hardy, & fut son corps enterré à nostre Dame de Haulx en Brabant, & son cœur aux Chartreux de Dyion, qu'il fonda en son viuant: & tantost apres son filz aîné, nommé Iehan, Comte de Neuers, vint à Paris deuers le Roy, & luy feit hommage de la Duché de Bourgongne, & autres terres qu'il tenoit de luy: & luy estant à Paris par mauuais rapport & conseil l'engendra grand hayne entre monseigneur le Duc d'Orleans, frere du Roy, & ledict Duc Iehan de Bourgongne, par ambition du gouuernement, dont depuis sont aduenuz grands maux en France. Item en celle dicte année le Marschal Bouciquault, qui estoit gouuerneur de Genes pour le Roy, s'en partit dudiect Genes par l'ordonnance du Roy, pour venir en France, & laissa messire Gilbert, seigneur de la Fayette (qui estoit vaillant Cheualier, & fut depuis Marschal de France) son Lieutenant general: lequel gouerna tresbié la seigneurie de Gènes, en l'obeissance du Roy, & depuis s'en partit pour aller estre Gouuerneur & Podestat de Millan, pour le Roy: & laissa audiect Genes, en son lieu, vn Cheualier d'Auuergne, nommé Chauleton, lequel par sa simplesse fut tué à Genes, & se rebellerent le Geneuois contre le Roy: & aucuns d'eulx des principaulx se firent Ducz & Gouuerneurs. En celle année fut par appointement fait mis es mains du Roy la ville de Cherebourg, q̄ tenoit Charles Roy de Nauarre, qui lors estoit venu à Paris: moyennant qu'on luy promet bailler recompense de ladiete ville & des Comtez d'Eureux, Mortaigne & Constantin, qu'il pretendoit à luy appartenir: & pour ladiete recompense luy fut baillée la Seigneurie de Nemours en Gastinois, qui fut par ce erigée en Duché, & autres terres & Seigneuries y furent adioustées. En ce temps ledict Duc d'Orleans s'en alla en la Duché de Luxemborg, qu'il auoit aequis, & y conquist & print certaines places, comme la ville de Mōmedie, Yury, Danuiller & Ochimont, en intention d'acquérir terres en Allemagne, pour paruenir à estre Empereur. Puis s'en vint à Paris, & s'en alla en Auignon, pour ayder au Pape de la Lune, contre l'Vniuersité de Paris, qui le vouloit depose.

La seigneurie de Nemours erigée en Duché.

*Des condamnations faictes contre Sauoisly.*

L'an m.cccc.  
v. cinq.



Vdict an mil quatre cens & cinq, le Page d'un Cheualier, nommé messire Charles de Sauoisly, en retournant d'abreuuer vn cheual, cheuauchant le long de la rue, derriere sanct Anthoine de Paris, ainsi que la procession de l'Vniuersité passoit, par son cheual esclabota de la boue contre vn Escolier, qui pour ceste cause frappa ledict page. ce qu'on alla incontinent dire au gens dudiect Sauoisly, en sa maison, qui estoit pres ladiete rue: & d'icelle maison en sortit aucuns embastonnez, qui poursuyrent lesdictz Escoliers iusques en l'eglise sainte Katherine du Val des Escoliers: & y eut vn desdictz seruiteurs qui tira plusieurs flesches, & en tira vne de la porte de ladiete eglise iusques au grad autel, ou on chantoit la messe, dont ladiete Vniuersité fait grand poursuyte. Et pource que ledict Sauoisly, qui auoit lors grand autorité, & estoit Thresorier de France, aduoua seldictes gens, & luy sembloit que nul ne luy pouoit nuyre, il fut banny du royaume de France, & sa maison rasée & abarue, & luy excommunié: lequel s'en alla en Auignon deuers le Pape Benedic, qui l'absolut, & arma quatre gallées, & alla faire guerre aux Sarrazins, ou il gaigna moult grâdes cheuances. puis s'en retourna à Paris, & fut la paix faicte, & rappelé, & fait refaire sa maison: mais elle ne fut pas parfaicte, pour les empeschemens que luy firent ceulx de ladiete Vniuersité de Paris: & fait aussi edifier par les Sarrazins qu'il auoit amenez d'outre mer, vn bel gentil chasteil, nommé Saignelay, pres Auxerre.

La maison de Sauoisly, derriere s. Anthoine fut abarue, & est celle du Thresorier de France.

*D'un autre appointement, qui fut fait entre les Ducz d'Orleans & de Bourgogne.*

L'an m.cccc.  
vi.



N l'an mil quatre cēs & six, la Royne Ysabeau de Bauieres, & monseigneur le Duc d'Orleans, à belle cōpaignie se partirent de Paris pour aller à Meleun à la chace, & donnerēt charge au Duc de Bauieres, frere de ladiete Royne, d'amener apres eulx monseigneur le Duc de Guyēne, Daulphī, aîné filz du Roy, & madame Marguerite sa femme

sa femme, qui fille estoit du Duc de Bourgogne. Or fut ainsi qu'aucuns sedicieux de Paris, manderent audit Duc de Bourgogne, hastiement, que la Roynie & le Duc d'Orleans estoient partis de Paris, & emmenoyent avec eulx monseigneur le Daulphin & madame sa femme, & qu'ilz auoyent sceu qu'ilz s'en alloient, & les emmenoyent en Allemagne: & tout incontinent ledit Duc de Bourgogne, qui estoit en la ville d'Arras, à son de trompe assembla ses gens, lesquelz monterent incontinent à cheual. Quand il fut à Paris, il trouua que tout estoit party, & tira apres, & trouua à Iuifry, entre Paris & Corbeil, mondit seigneur le Daulphin, & madame sa femme, que le Duc de Bauiere, le Marquis du Pont, filz du Duc de Bar, le Comte Dampmartin, & le grand Maistre d'hostel, nommé Montagu, emmenoyent apres la Roynie: lesquelz il feit ramener à Paris, & les feit loger au Louure, & luy mesmes y logea. De ceste chose sourdit grand murmure pour les parcialitez qu'auoit le peuple de Paris aux deux Princes. Le lendemain ceulx de l'Vniuersité de la ville de Paris, allerent deuers ledit Duc de Bourgogne, & le louerent, & mercierent de ce qu'il auoit fait, & qu'ilz scauoient bien qu'il procedoit de bonne affection, en le priant qu'il voulsist perseverer en son propos. Le Dimanche ensuyuant, ledit Duc de Bourgogne se deslogea du Louure, & s'en ala loger en son logis d'Artois, qu'on dit l'hostel de Bourgogne pres les Halles: & par les rues feit faire de grandes fortifications de paliz de boys à l'entour de sa maison, affin qu'on ne le peust aysément surprendre: & feit rendre à ceulx de Paris leurs chaines, qui parauant leur auoyent esté abatues & ostées, dont il acquist grandement la grace des Parisiens. Le chastel du Louure demoura en la garde de messire Jehan Dagiennet, & la Bastille saint Anthoine es mains du grand maistre d'hostel Montagu: & le Duc de Guyenne fut au gouvernement du Duc de Berry, par ordonnance de ceulx du conseil du Roy. Ces nouuelles venues à la cōnoissance de la Roynie & de monseigneur d'Orleans, ilz en furent bien courroucez, non sans cause. Lors ledit Duc d'Orleans manda de toutes pars Seigneurs & gens, ses alliez, & tous ses bons amys, qu'ilz veinssent à son secours, en leur faisant scauoir que le Duc de Bourgogne auoit osté des mains de la Roynie, par force & violence, monseigneur le Daulphin son filz, & le vouloit mener ou bon luy sembloit: & tout incontinent vindrent & furent à son ayde le Duc de Lorraine, le Comte d'Aléçon, le Marquis du Pont, filz du Duc de Bar, le Comte d'Armignac, le Comte de Clermont, filz aîné du Duc de Bourbon, le Comte du Perche, le Comte de Harecourt, le Vicomte de Chastellerault, le Seigneur de Beaumont, & plusieurs Nobles, & grâds Seigneurs, iusques au nombre de cinq à six mille Cheualiers & Escuyers: & porterent ceulx du party du Duc d'Orleans, escript au bout de leurs lances, par deuise: le l'enuie: & ceulx du Duc de Bourgogne portoyent semblablement en leurs deuises au bout de leurs lances escript en Flament, Hic houd, qui en François est à dire: le le tiens. Et auoit ledit Duc de Bourgogne de sa part bien autat de gens, c'est à scauoir l'Euesque du Liege, le Comte de saint Paul, le Prince d'Orenge, le Seigneur de Vergy, Marechal de Bourgogne, & plusieurs autres, qui tous estoient logez en l'Isle de Frâce. Le Duc d'Orleans amena la Roynie au boys de Vincennes: & incontinent se meirēt sur les champs, & les gens dudit Duc de Bourgogne s'allerent monstrier en bataille deuant eulx, au dessus de Mortaucō: & ceulx de la ville de Paris s'armerēt, & porterēt au Duc de Bourgogne toute la faueur qu'ilz peurent, tellement que les deux puissances estoient bien pres l'une de l'autre. Plusieurs se trauaillerēt de toutes pars à faire l'appointement: car le Duc de Bourgogne auoit gaingé le peuple de Paris, & leur donoit à entendre que iamais ilz ne payeroyent nulles malletostes, aydes, ne subsides. Le Chancelier du Roy, & autres gens sages de conseil, voyās le trouble qui estoit, allerēt en l'hostel d'Aniou, ou estoit le Roy de Cecille, Duc d'Aniou, les Ducs de Berry & de Bourbon, & tant trauaillerent que l'appointement fut fait entre les Ducs: & baïserent l'un l'autre par alliance. Le lendemain allerēt querir la Roynie au boys de Vincennes, ou elle estoit venue, & l'amenerent à Paris en grand triumphe: & estoit le Duc d'Orleans à la dextre de la littere, & le Duc de Bourgogne à la fenestre: & par l'appointement faisant, le Duc d'Orleans deuoit aller mener la moytié de l'armée contre les Anglois en Guyenne, dōt il fut fait Gouverneur, & l'autre le Duc de Bourgogne à Calais, & luy fut baillé le gouvernement des pays de Picardie: & fut faite vne moult grand' taille par le royaume, qui monta en principal deux cens mil vieilz escus, dont chacun desditz Ducs eut cent mil pour la conduïte de la guerre: & alla le Duc d'Orleans en Guyenne, & voulut mettre le siege deuant le chastel de Blaye, sur Gironde: mais à la priere de la Dame, qui luy promet sa ville rendre si tost que de la ville de Bourg, qui est à deux lieues pres, sur la riuere de Gironde, auroit obeyssance, il passa oultre, & mit le siege deuant Bourg, ou il fut long temps. Pendant lequel messire Clinet de Brabant, Admiral de France, amena grand' nauire de France, sur ladicte riuere de Gironde, pour empescher que ceulx de Bordeaux n'aitaillassent Bourg: & vn iour les nauires de Bordeaux eurent bataille audit Admiral, qui perdit vne de ses nefz, ou

*Des chaines de fer, qui furent rendues à ceulx de Paris, pour estre rendues par les rues.*

*La deuise du Duc de Orleans, & celle du Duc de Bourgogne.*



*De Duc de  
Bourgogne  
qui eut cent  
mil escus  
niens, pour  
faire guerre  
aux Anglois  
de Calais,  
ce qu'il ne  
feist.*

furent prins les Seigneurs de Bracquemont & de Garācieres: mais à la fin furent les Anglois desconfitz, & furent prins le Maire de Bordeaux, & autres grands prisonniers: & pour le tēps d'yuer qui fut fort pluieux, fut lediēt Duc contrainēt soy leuer & retourner sans riens faire, dont luy desplut forment. Quant au Duc de Bourgogne si tost qu'il eut l'argent qu'il deuoit auoir, il s'en alla en ses pays, & n'en feist nulles guerres aux Anglois, fors qu'il mit aucunes garnisons: & tantost apres vindrent en France aucuns Ambassadeurs du Roy Henry d'Angleterre, qui requirent & demanderent à auoir trefues marchandes entre les deux royaumes, & à grand' instance requirent que madame Ysabel, fille aînée du Roy, qui parauant auoit esté femme du Roy Richard d'Angleterre, qui estoit fiancée à Charles, filz du Duc d'Orleans, leur fust octroyée à femme, pour le filz aîné dudiēt Roy Henry d'Angleterre, promettant que si tost que lediēt mariage seroit consummé, lediēt Roy Henry d'Angleterre, laisseroit le royaume à son filz, & le seroit couronner: lesquelles requestes furent longuement debatus au conseil du Roy, mais pour les fraudes qu'on auoit trouuées ausdiēt Anglois elles ne leur furent point octroyées: & aussi le Duc d'Orleans auoit ia accordée & fiancée ladiēt Ysabel, en mariage, pour lediēt Charles son aîné filz: & s'en retournerent lesdiēt Ambassadeurs, sans riens faire: si fut guerre ouuerte entre François & Anglois, plus fort que deuant. En celuy an de nuyēt enuiron huyēt heures, veille du iour de l'an, en la ville de Paris, messire Iehan de Grauille, Seigneur de Montagu, barit messire Geoffroy le Maingre, diēt Bouciquault, pource qu'à semblable iour, l'an precedent, lediēt Bouciquault auoit baillé sur la ioue audiēt de Grauille, parialousie d'une Damoyelle de l'hostel de la Roynne, nommée Charlote la Cochette, de laquelle ilz estoient tous deux amoureux: & tousiours depuis lediēt de Grauille disoit qu'il s'en vengeroit auant que l'an fust hors. Audiēt an furent les Prelatz de France assemblez à Paris, pour le discord qui estoit en l'Eglise, à cause des deux contendans à la Papaulé: & fut ordonné au conseil du Roy que tous les benefices des royaume & Dauphiné ne fussent dōnez par lesdiēt contens, mais fussent dōnez par les patrons & collateurs ordinaires: & qu'aucunes fināces qu'on auoit accoustumé porter en la chambre Apostolique, n'y fussent portées, ainsi que iadis auoit esté fait auant les reseruatiōs faictes par le Pape Clement, sixiesme du nom. Tantost apres Gregoire, Pape Rommain, enuoya ses Ambassadeurs deuers le Roy, & l'Vniuersité de Paris, disant qu'il estoit prest de ceder la Papaulé, & faire tout ce qu'on aduiseroit pour paruenir à l'vniō de l'Eglise, moyennant que Benedic son aduersaire le voulsist semblablement faire: parquoy le Roy & ladiēt Vniuersité enuoyerent deuers lediēt Benedic, qui lors se tenoit à Marseille, luy remonstrier ce qu'offroit lediēt Gregoire, & le sommer d'aîssi le faire, autrement s'il estoit desobeissant ilz estoient deliberez de faire substraction: mais ice luy Benedic, en amusant les Ambassadeurs du Roy, leur vsa long temps de dissimulation.

*Deffences  
de ne por-  
ter or n'y ar-  
gent des par-  
ties de Fran-  
ce, à la chā-  
bre Aposto-  
lique.*

*De l'ordonnance faicte sur les priuileges de l'Eglise de France.*

*L'an mil  
cccc. & six.*

**E**N ladiēt année mil cccc. & vij. pource que le Pape & les Cardinaulx, venans cōtre les sainētz decretz, & ordonnances des tresglorieux Roys de France, s'efforcoient de faire plusieurs exactions & vsurpations contre les libertez de l'Eglise Gallicane, lediēt Roy Charles, sixiesme, par la deliberation des Princes & Seigneurs de son sang, & des Prelatz & Clergé de France, & Dauphiné, pour ce assemblez, ordonna que ladiēt Eglise seroit reduite, & la reduysit à ses libertez & anciennes franchises, & qu'elle seroit en icelle perpetuellement maintenue & gardée: & fut ladiēt ordonnance enregistrée en la court de Parlement, en l'année ensuyuant mil quatre cens & sept.

*Comment le Duc de Bourgogne fait tuer le Duc d'Orleans, en trahyson.*

*L'an mil qua-  
tre cens &  
sept.*

**L**'An mil cccc. & vij. s'en retournerent les Ducz d'Orleans & de Bourgogne, à Paris: & apres leur retour commencerent secrettement à murmurer l'un contre l'autre, comme deuant, pour raison du gouuernement du royaume: & rātoſt apres print vne grieve maladie au Duc d'Orleans, lequel se feit porter au chasteſt de Beaulté sur Marne, pres le boys de Vincennes, ou les Seigneurs l'alloyent veoir souuent: & enuiron la Toussainētz recoura guerison, & s'en vint à Paris deuers le Roy, qui à celle heure estoit en bon propos, & demandoit à toute heure à veoir son diēt frere, le Duc d'Orleans. Quand il fut deuers luy venu il dist present le Duc de Bourgogne, qu'il vouloit que lediēt Duc d'Orleans eust le gouuernement du royaume, dōt lediēt Iehan, Duc de Bourgogne, ne fut pas content, combien qu'il n'en monstroit pas le semblant: & pour mettre sa hayne à execution, aduint qu'un iour de Mercredy, veille de la feste saint Clement,

Clement, vingt & deuxieme iour de Nouembre, le Duc d'Orleans enuiron de sept à huy & heures de soir, se partit de sa maison, pres l'hostel saint Paul, pour aller veoir la Roynne, qui estoit en l'hostel de la Barbette, accouchée d'un filz, qui ia estoit trespasé: & luy estant audit hostel vint deuers luy vn nommé Thomas de Courtési, valet de chambre du Roy, qui auoit intelligence au Duc de Bourgongne, & luy dist. Monseigneur, venez au Roy, car il vous demande hastiement. Si s'en partit ledict Duc d'Orleans, & monta à cheual: & ainsi qu'il s'en retournoit, luy estant pres la porte Barbette, deuant l'hostel du Mareschal d'Eureux, pres vn puy, qui estoit en la rue, faillirent d'une maison aucunes gens embastonnez, desquelz estoit le chef & cōducteur vn nommé Raoulet d'Antonville: lesquelz sans mot sonner frapperent sur ledict Duc d'Orleans, & tellement qu'ilz le ietterent à terre, de dessus sa mulle, & du premier coup qu'ilz luy baillerent luy cōpperent la main, dont il tenoit l'arçon de sa selle: & lors qu'il fut abbatu, vn sien Escuyer Allemand, qu'il auoit, cuydant le sauuer se ietta sur luy, & haultement s'escria, en disant: C'est le Duc d'Orleans: & aucuns d'iceulx respondirent: C'est ce que nous demandons: & commencerent à frapper, & à marteler sur luy, tellement qu'ilz luy escarterent la teste, & percerent en plusieurs lieux: & fut ledict Escuyer Allemand, tué sur luy. Apres le meurtre accompli s'enfuyrēt lesdictz meurtriers, par les rues obliques à l'escart, iusques en l'hostel d'Artois, appartenant audit Duc de Bourgongne: & en fuyant iettoient chaussetrapes apres eulx, affin qu'on ne les peust poursuyure. Tantost le bruyt fut grand par la ville: le peuple de la rue s'assembla, & prindrent le corps dudit Duc & l'emporterent en vne maison. Tantost apres vindrent illec le Roy Loys de Cecille, Duc d'Aniou, les Ducs de Berry, & de Bourbon, qui plorerēt fort quand ilz le virent: & semblablement y vint le Duc de Bourgogne, qui monstra aussi semblant de dueil: & apres s'en retournerent chacun en son hostel. Le lendemain au matin fut la main dudit feu Duc d'Orleans, & partie de sa ceruelle, trouuée sur les carreaux emmy la rue, qui fut recueillie, & mise en son sercueil. Tātost apres le Seigneur d'Albret, Connestable de France, le Preuost de Paris, nommé messire Guillaume de Tignonville, & autres gens du Conseil, retournerent en l'hostel ou estoit ledict corps mort, & le feirēt porter en l'Eglise des Guillemins, autrement appelez les Blancs meanteaulx: & fut conduyt par lesdictz Roy de Cecille, le Duc de Berry, le Duc de Bourbon, & le Duc de Bourgongne, tous portans le dueil, & tous les Gentilz hommes aussi vestuz de dueil, qui portoyent chacun vne torche en leur main: & fut fait vn seruice. Apres le seruice fait le porterent enterrer en l'eglise des Celestins, en vne chapelle qu'il auoit en son viuant fait faire, moult belle & riche: & à ses piedz fut enterré l'Escuyer, qui auoit esté tué avec luy.

Le Duc d'Orleans fut tué pres la porte Barbette, et son escuyer sur luy.

Les Blancs meanteaulx au parauant son loyers estre appelez les Guillemins.

*Comment le Duc de Bourgongne s'enfuyt apres la mort du Duc d'Orleans.*

**A** Pres l'enterrement fait, les Princes dessusdictz s'assemblerent au Conseil en l'hostel du Roy, à S. Paul, & illec ledict Duc de Bourgongne, & le Chancelier furent ordonnez Cōmissaires pour faire information dudit crime & meurtre, & le Preuost de Paris, maistre Pierre l'Orfeure, Conseiller dudit feu Duc d'Orleans, & maistre Robert de Tuilliers, Conseiller du Roy, & Lieutenant dudit Preuost avec eulx: & tāt fut peulx enquis qu'ilz trouuerēt qu'a faire ledict meurtre auoit esté vn porteur d'eau de la cuisine du Duc de Bourgongne, lequel s'en estoit allé en l'hostel d'Artois, ou se tenoit ledict Duc de Bourgongne. Or estoit il qu'en ce tēps nulz Officiers n'osoyent prendre vn hōme, ne faire quelq' execution en l'hostel d'un Prince, sans auoir cōgé dudit Prince: parquoy lesdictz Cōmissaires retournerent en l'hostel du Roy, qui estoit lors logé au Louure, ou estoient lesdictz Princes, pour demāder congé audit Duc de Bourgogne de pouoir prēdre ledict porteur d'eau en son hostel: & ainsi qu'ilz demādoient le congé audit Duc, le Roy de Cecille, son cousin, apperceut qu'il rougissoit & muoit de couleur, & cōtēnāce: parquoy il l'appela à part, & luy demāda s'il scauoit riēs de ce fait: lequel en plorāt luy dist q' par mauuais cōseil il auoit ce fait faire: & lors le Duc de Berry s'approcha d'eulx, pource qu'il les voyoyt plorer: & tout incontinēt le Duc de Bourgongne descēdit de la chābre, & en descēdant trouua le Duc de Bourbon, lequel venoit au Conseil, qui luy demanda ou il alloit, & il luy dist qu'il alloit pīsser de l'eau. Quand ledict Duc de Bourbon fut monté en la chambre, il trouua lesdictz Roy de Cecille & Duc de Berry, plorās, qui luy cōpterent tout le fait, lequel leur dist: & pourquoy ne l'avez vous arresté? Le Duc de Berry de rechef se prit lors plus fort à plorer, en disant: Helas quelle fortune est ce cy. Je pers aujourdhuy mes deux nepueux. Lors tous trois se partirēt d'illec, & l'allerēt dire au Roy, en la pīssence de tout le Conseil: & la fut ordonné q' le Duc de Bourgogne seroit prins. Ce pēdant que ces choses se faisoient ledict Duc de Bourgongne, qui s'en estoit allé en son hostel d'Artois, mōra hastiement sur vn bon cheual, & vn sien seruiteur seulement sur vn autre,

Le Duc de Bourgogne ne peut dissimuler le meurtre & homicide du Duc d'Orleans.

## LES CRONIQVES ET ANNALES DE FRANCE

& cheuaucha tellemēt qu'il alla sans repaistre iusques à Bapaulmes, ou il dormit vn petit: & de la s'en alla à Arras, ou il y à xliiij. grandes lieues de Paris: & puis sans delay s'en alla à l'Isle, lez Flandres: & en passant par dessus le pont sainte Maixance, lequel pont est sur la riuere d'Oise, il feit par son homme abbatre & icter en l'eau aucunes des planches de boys dudit pont, affin qu'on ne le peust suyuir. Aucuns des gens dudit feu Duc d'Orleans, & autre grād peuple cheuaucherent apres: mais quand ilz trouuerent ledict pont sainte Maixance abbatu, & qu'ilz sceurent le temps qu'il y auoit passé, & la diligence qu'il faisoit, ilz s'en retournerent.

Au tēps dudit meurtre la Duchesse d'Orleās estoit à Chasteauthierry, q̄ appartenoit audit feu Duc d'Orleans, & avec elle auoit Charles, Comte de Valloys, son aîné filz, & madame Ysabeau de France, sa femme, qui parauant auoit esté femme du Roy Richard d'Angleterre: & aussi estoient avec elle Philippe, Comte de Vertuz, & Jehan, Comte d'Angoulesme, ses enfans: lesquelz enfans elle enuoya incontînēt en la ville de Bloys, pour estre en seureté, reserué ledict Jehan, Côte d'Angoulesme qu'elle retint avec elle, & vint à Paris vers le Roy, demāder iustice & reparation dudit cas. ce qu'on luy promet faire le plus brief q̄ faire se pourroit: & apres ce qu'elle eut fait hommaige au Roy des terres que tenoit son feu mary, elle s'en alla à Bloys avec lesditz enfans. Aucun temps apres le Roy de Cecille & le Duc de Berry, oncles du Roy, allerent de par luy en la ville d'Amyens, ou se deuoit trouuer le Duc de Bourgogne, qui y vint en hault estat, & tenant fieres manieres, disant d'estre aussi content de la guerre que de paix: & feirent tant lesditz Seigneurs q̄ pour trouuer voye de paix le Duc de Bourgogne viendroit à Paris deuers le Roy, accompagné des gens de son hostel, à certain iour lors ensuyuant. Ce fait, se departirēt lesditz Seigneurs, & s'en vindrent lesditz Roy de Cecille & le Duc de Berry, à Paris, & ledict Duc de Bourgogne s'en alla en Flādes deux iours apres. Le Roy estant en son Palais, en la chambre de Parlement, accompagné des Princes & Seigneurs de son sang, feit vn edict, q̄ sil aduenoit qu'il decedast auāt que son filz le Duc d'Aquitaine, Daulphin, fust en aage competant, ce neantmoins il ordonnoit qu'il gouuernast le royaume en son nom, par la deliberation des gens des trois Estatz du royaume, iusques à ce qu'il fust en aage: & sil aduenoit que ledict Duc d'Aquitaine decedast auant son aage, il vouloit que Jehan son second filz, Comte de Touraine, luy succedast en ce droit, & pareillemēt Charles, son filz, Comte de Ponthieu, sil aduenoit que ledict Duc de Touraine mourust.

Les glaçons  
emporterēt  
quasi tous  
les pons de  
Paris.

En celle année fut vn moult grand yuer, qui dura depuis la feste saint Clemēt iusques à la Chandeleur, sans desgeler: & au desgeler les glaçons emporterēt presque tous les pons de Paris (qui fut vn moult grand dommaige) & pareillement en toutes les grādes riuieres, ou il fut perdu maintz hommes, femmes & enfans: & plusieurs pons, moulins, & edifices abbatuz.

*De deux Escoliers que le Preuost de Paris par hastiueté feit pendre, parquoy fut  
condamné à les faire despendre, & baisser en la bouche.*

L'an m. cccc.  
& sept.



V moys de Septembre audit an mil quatre cēs & sept, le Preuost de Paris, nommé messire Guillaume de Tignonuille, feit pendre au gibet de Paris deux Escoliers, estudians en l'Vniuersité de Paris, qui auoyent tué vn homme: & par hastiueté, affin que remede ne fust donné à leur fait, les feit pendre de nuyt aux torches: dont ceulx de ladiēte Vniuersité feirent telle poursuyte, qu'au moys de May ensuyuant conuint que lesditz deux Clercs fussent despenduz, & q̄ ledict Preuost y fust present en personne, & les baisast en la bouche: & les conuoya luy & ses Sergens iusques aux Mathurins, ou ilz furent enterrez.

*Touchant les priuileges de l'Eglise de France.*

De l'Arrest  
qui fut don  
né contre la  
chambre apo  
stolique, au  
proffit de  
l'Eglise de  
France.



EN celle mesme année mil quatre cēs & sept, pource que le pape Benedic & ses Officiers faisoient en ce royaume plusieurs exactions de pecunes, les Prélats & gens d'Eglise en feirent plaincte au Roy, & fut la matiere ventilée en la court de Parlement: en laquelle comparut l'Vniuersité de Paris, qui proposa grandement & notablement de ladiēte matiere, & requist que l'on feist cesser lesdites exactions. Pareillement le requist le Procureur general du Roy: & oultre requist que les pecunes receues fussent rendues & restituées, & qu'inhibitions & defences fussent faictes, que dorēsenauāt on ne feist telles exactions en ce royaume: à prendre lesquelles conclusions y estoient presens les Officiers de la chambre Apostolique, qui requirrent ce que bon leur sembla: & parties ouyes furent appoinctées au Conseil, & depuis tout veu par ladiēte Court, fut dict que toutes exactions, annates, vaccans, & aussi decimes, que sefforçoit de faire leuer en ce royaume

royaume ledict Pape, cesseroient: ensemble tous arreraiges que l'on sefforçoit de leuer sur tous les subiectz du royaume, & que deffence seroit faicte que desdictz arreraiges on ne payast aucune chose, & que ceulx qu'on auoit excommuniez, pour ceste cause, seroyent relaxez; cōme on pourroit veoir par ledict arrest, prononcé audict an, l'vnzieme iour de Septēbre. Et depuis, iceluy Roy feit vne Ordonnance conforme audict Arrest, & voulut & ordonna qu'iceluy Arrest fust gardé, comme Loy, Edict, & Ordonnance perpetuelle: laquelle Ordonnance fut publiée & enregistree le quinzieme iour de May, mil quatre cens & huyt, & consequemment en fut faict vn autre mil quatre cens dixhuyt.

L'an m.cccc.  
& huyt.

*Comment le Duc de Bourgongne vint à Paris, pour soy excuser de la mort du Duc d'Orleans, voulant soustenir qu'il auoit fait bien & saintement, & en obrint remission.*



V moys de Feurier ensuyuant, ledict Duc de Bourgongne vint en grand orgueil & triumphe à Paris, ou estoit le Roy, & amena grand' armée: & vn iour alla en l'hostel du Roy, ou estoient assemblez le Duc de Guyenne, Daulphin, son gendre, aîné filz & representant la personne du Roy son pere, le Roy de Cecille, le Duc de Berry, le Duc de Bourbon, le Seigneur d'Albret, Connestable, le Chancelier, les Presidens & Conseillers de la court de Parlement, l'Vniuersité, le Preuost des Marchans, & plusieurs autres en trefgrand nombre: en la presence desquelz le Duc de Bourgongne, pour vouloir soy couvrir & purger de la trahyson & meurtre qu'il auoit commis & perpetré en la personne du Duc d'Orleans, feit par maistre Jehan Petit, Docteur en Theologie, homme fort eloquent, natif de Normandie, faire vne grande proposition, palliée de mensonges, en faisant plusieurs allegations, tant de droict diuin, qu'humain, Canon, & Ciuil, en les appliquant à son propos, contre leur vray sens & entendement, autrement qu'elles ne se deuoyent entendre, contre le feu Duc d'Orleans, le chargeant fort de son honneur, voulant soustenir que de l'auoir fait mourir, il auoit bien & saintement fait, & que le Roy & le royaume le deuoyent remunerer en biens & honneurs: mais la ne fut nul qui respondist, ne soustint la querelle dudit feu Duc d'Orleans. Apres ledict Conseil departit iceluy Duc de Bourgongne, qui auoit fait escrire vne remission du cas, telle que bon luy auoit semblé, & alla deuers le Roy, qui pour l'heure estoit malade, & n'estoit pas en bon propos, & luy requist qu'il luy octroyast ladiete remission, sans riens luy dire ne declarer du contenu: lequel, non sachant qui estoit en ladiete lettre, ne qu'elle parlast de la mort de sondict frere le Duc d'Orleans, ne dequoy il luy parloit, à raison de ladiete maladie dont il estoit à l'heure troublé & affligé, luy octroya: laquelle chose voyant le Roy de Cecille, les Ducz de Berry & de Bourbon, & autres Princes, & que ledict Duc de Bourgongne auoit reprins du tout le gouuernement, & qu'il commençoit à desappoincter Officiers, & mesmement tous ceulx qui auoyent tenu le party dudit feu Duc d'Orleans, ilz se departirent de court, & s'en allerent viure chacun en leurs pays. Semblablement la Roynne de France, qui moult estoit esmerueillée de ce qu'elle voyoit faire, elle accompaignée de Loys de Bauiere, son frere, emmena monseigneur le Duc de Guyenne, Daulphin, son aîné filz, & ses autres enfans, & allerent faire leur residence à Melun. En ce temps vindrent à Paris deuers le Roy, & l'Vniuersité, aucuns messagiers, qui rapporterent que le pape Benedic, qui estoit en Auignon, & Gregoire, Rommain, ne vouloyent aucunement faire cesser ne delaisser la Papauté, ainsi qu'ilz auoyent promis, mais prolongeoient la besoingne par dissimulations frauduleuses, au preiudice de l'vniuerselle Eglise: parquoy le Roy enuoya deuers ledict Benedic, luy signifier que s'il ne la faisoit, il ne souffriroit plus qu'on luy fait obeissance en son royaume, & Daulphiné. Apres ladiete signification, & les Ambassadeurs retournez, ledict Benedic enuoya secrettemēt vn messager à Paris, qui vn iour, ainsi que le Roy commençoit à ouyr sa messe, & estoit en son oratoire, luy meit deuant luy lettres, de par ledict Benedic, contenant excommunication contre le Roy, & ses subiectz: & apres icelles leues, demāda le messager qui les auoit presentées: mais il ne fut pas trouué, & s'en estoit ia party, le plus secrettement qu'il auoit peu: mais ce neantmoins il fut prins aupres de Lyon. Tantost apres ceulx de l'Vniuersité de Paris, feirent en la presence du Roy, plusieurs conclusions, & remonstrances contre ledict Pape: & fut declairé scismatique, voire heretique, & indigne de dignité Papale, & tout ce qu'il auoit fait nul, & qu'à luy ne seroit obey: laquelle chose venue à la congnoissance dudit Benedic, s'en partit de Marseille avec quatre Cardinaulx, & s'en alla en Auignon, & Parpignan.

La Roynne de France emmena le Daulphin hors de court, pour le desordre qui y estoit.

De l'vniuersité de Paris, q declaira le pape Benedic heretique & indigne de la dignité Papale.

*D'une desconfiture de Liegeois.*

*L'an m.cccc.  
& luyt.*



*Des liegeois  
q' deposerēt  
leur Eues-  
que, pource  
quil ne pou-  
loit chanter  
messe.*

*Grosse des-  
confiture de  
Liegeois par  
le Duc de  
Bourgogne*

An mil quatre cens & huyt, au moys de Iuillet, ledict Jehan, Duc de Bourgogne, avec ses deux freres, s'en partit de Paris, en grand' indignation de plusieurs des Princes & Seigneurs du royaume: toutesfois la cōmune de Paris le fauorisoit tousiours: & s'en alla à Arras, mettre en possēssion de l'Euesché vn Iacobin, son cōfesseur, qu'il en auoit fait faire Euesque. Puis s'en alla à Gand visiter sa femme: & la eut nouvelles du Duc Guillaume de Bauieres, Seigneur de Hollande, & Comte de Henault, duquel il auoit espousé la sœur, que les Liegeois s'estoyent rebellez contre Jehan de Bauieres, son frere, qui estoit leur Euesque, pource qu'il ne vouloit chanter messe ne prendre les ordres de prestre: & auoyent les Chanoyne estē contrainctz à eslire vn autre Euesque, & auoyent esleu vn des Chanoyne, filz du Seigneur d'Espernay, & iceluy enuoyerēt consermer à Romme, & ia auoyent lesdictz Liegeois poursuyuy ledict Jehan de Bauieres, leur Euesque, iusques en la ville du Trekt, & là l'auoyēt assiegé, & prioit ledict Duc de Bauieres audiēt Duc de Bourgogne, qu'il allast à son ayde. Ledit Duc de Bourgogne incontinent qu'il le sceut assembla grand' armée, iusque au nombre de cinq ou six mil Cheualiers & Escuyers, & ledict Duc de Bauieres autre belle armée: & quand ilz furent assemblez ilz entrerent dedans le pays du Liege, & bouterēt les feux par tout ou ilz passoyent: & ce qu'ilz rencontroyēt de gens, hommes, femmes & enfans, mettoient tout à sang: & brusloyent les bledz qui estoyent prestz à cueillir, & faisoient tous autres degastz. Quand les Liegeois, qui tenoyent le siege deuant la ville du Trekt, comme dict est, ou estoit ledict Euesque sceurent, l'exploict qu'ilz faisoient, ilz leuerent leur siege, & delibererēt de les aller cōbatre aux champs: & de fait le iour saint Crespin, se meirent en belle bataille rengée cōtre eulx à pied. Lesdictz Ducz trouuerent facon d'enuoyer par derriere leur bataille enuiron v.c. lances, qui à l'heure que la bataille commença à frapper, frapperēt par derriere, tellemēt que finalement la bataille des Liegeois fut desconfite, & en mourut bien xxx. mil sur le champ, & en fut prins prisonniers plus de deux mil. Apres ce fait lesdictz deux Ducz de Bourgogne & de Bauiere, entrerent dedans la ville du Liege, & meirent leurs bannieres sur les portes d'icelle: & entre les mors fut trouué le Seigneur d'Espernay, & son filz, que les Liegeois auoyent fait leur Euesque, & furent condamnez iceulx Liegeois à obeyr à leur Euesque, & à payer la somme de cent mil escus vieux d'or: & feirent lesdictz Ducz copper les testes à plusieurs grands Seigneurs, qui auoyent esté prins à la iournée, pource qu'ilz auoyent ayde ausdictz Liegeois. puis s'en retournerent lesdictz Ducz en France. La Duchesse d'Orleans & ses enfans vindrent à Paris, & par leur conseil feirent proposer deuant le Roy, & les Princes, les excusations du feu Duc d'Orleans, contre les accusations qu'auoit fait proposer contre luy le Duc de Bourgogne: & fut faicte grand' armée & assemblée, pour aller contre ledict Duc de Bourgogne: mais les nouvelles vindrent au Roy & à la Roynie, & aux Princes, de la victoire qu'il auoit eue au Liege, & aussi qu'il auoit vne si grande assemblée de gens que merueilles: voyans aussi, & considerans que le peuple, & habitas de Paris, qui estoyent fauorables audiēt Duc de Bourgogne, à toute heure murmuroient pour l'absence dudit Duc, & contre ceulx qui tenoyent le party du Duc d'Orleans, delibererēt de mener le Roy & le Duc de Guyenne, son aîné filz, au pays de Touraine: & de fait les y menerent: & pour y aller l'accompagnerent les Ducz de Berry, de Bourbon, de Bretagne, & plusieurs autres grands Seigneurs, & seiournerent par aucun tēps en la ville Tours. Pendant ledict temps, trespassa la Duchesse d'Orleans, l'aînée, qui fille estoit au Duc de Milan, & delaisa Charles, son aîné filz, Duc d'Orleans, qui auoit espousé la fille du Roy, & Philippe, Comte de Vertuz, & Jehan, Comte d'Angoulême, ses filz, soubz bas aage: lesquelz elle enuoya deuers le Roy: & eut ledict Charles ses terres, & gouuernemēs de ses freres, par octroy & autorité du Roy, combien qu'il ne fust pas aagé: & tantost apres madame Ysabeau de France, femme dudit Charles, le ieune Duc d'Orleans, qui parauant auoit esté femme du Roy Richard d'Angleterre, accoucha d'une fille, au chastel de Bloys, & en sa gesine trespassa, & fut son corps enterré à saint Lomer de Bloys.

*De l'appointement faict à Chartres entre le ieune Duc d'Orleans, & ses freres,  
& le Duc de Bourgogne, present le Roy.*



Quand le Duc de Bourgogne sceut les nouvelles q' les Seigneurs auoyēt emmené le Roy à Tours, & qu'ilz auoyent aussi emmené mōseigneur le Duc de Guyēne, Daulphin, qui auoit espousé sa fille, il pria au Duc de Bauieres, son beau frere, qu'il le voulsist accompagner pour venir en France, pour les aller querir & ramener à Paris.



Paris: Le Duc de Bauiere, voyant le seruice que lediſt Duc de Bourgongne luy auoit fait au diſt voyage du Liege, ne l'oſa refuſer, & ſen vindrent à tout leur armée pres Paris. Puis entre rent dedans, ou les habitans receurēt lediſt Duc de Bourgongne à grand' ioye, & crierēt au cuns Noel à ſon entrée. Lediſt Duc de Bauiere, congnoiſſant & cōſiderant la proximité du lignage qui eſtoit entre eulx, & luy meſmes qui eſtoit couſin germain de la Roynne, & auſſi q̄ mōſeigneur Iehan de France, ſecond filz du Roy, auoit eſpouſé ſa ſeule fille, & q̄ ladiſte guet re eſtoit la deſtruction du royaume, pria tant lediſt Duc de Bourgongne qu'il fut contēt d'en tendre à appoinctement. Si ſen alla lediſt Duc de Bauiere à Tours, ou eſtoit le Roy, & Loys, Roy de Cecille, & Duc d'Aniou, les Ducz Iehan de Berry, de Bourbon, & de Bretagne, les Comtes d'Alēçon, & de Clermont, & d'Albret, tous tenans la querelle dudiſt Duc d'Orleās: & feit tant lediſt Duc de Bauiere qu'ilz furent tous contens d'eulx trouuer à Chartres, & là faire venir le Duc d'Orleans pour traitter appoinctement, & pareillement que lediſt Duc de Bourgongne ſ'y trouueroit. ce qu'ilz feirēt tous: & feit venir le Roy par deuers luy le Duc Charles d'Orleans, ſon gendre, Philippe, ſon frere, Comte de Vertus: & lediſt Duc de Bour gongne amena en ſa cōpaignie le Duc de Brabant, le Comte de Neuers, ſes freres, le Comte S. Paul, le Prince d'Orenge, & pluſieurs autres: & la par le Roy, preſens les Roys de Cecille, & de Nauarre, les Ducz de Guyēne, de Berry & de Bourbon, de Bar, de Bauiere, le Conneſta ble d'Albret, les Comtes d'Alençon, de la Marche, de Vendosme, & pluſieurs Conſeillers de Parlemēt, le Preuoſt des Marchās de Paris, & autres pluſieurs gēs notables, fut faiſt vn appoin ctēmēt entre leſdiſtz Ducz d'Orleans & de Bourgongne: leſquelz iurerēt & promirent ſolen nellemēt deuāt noſtre Dame de Chartres, le Roy & la Roynne, & tous leſdiſtz Princes & Sei gneurs preſens, de iamais ne porter rumeur, noyſe ne debat l'vn à l'autre, & d'eſtre bōs vrayſ parens & amys: & ſemblablement tous leſdiſtz Seigneurs iurerent l'appoinctēmēt: & fut or dōné q̄ lediſt Duc de Bauiere, Comte de Henault, qui touſiours tenoit ſa bāniere en ſa main, ſeroit cōſeruateur des deux parties: & par ainſi furēt d'accord enſemble (lequel accord ne du ra guerres) & ſen retourna le Roy, la Roynne, & ſes enfans à Paris, & tous les autres Princes & Seigneurs pareillement. Tantoſt apres la pluſpart deſdiſtz Princes & Seigneurs ſen allerent chacū en leurs terres: mais le Duc de Bourgongne demoura à Paris, & entreprint tout le gou uerne mēt du royaume. En celle année le Roy & l'Vniuerſité de Paris enuoyerent ſolēnelz meſſages à Pize en Lombardie, ou fut aſſemblé vn Cōcile pour le faiſt de l'vniō de l'Egliſe: & furent condamnez, & priuez les deux contendans à la Papaulté: c'eſt à ſçauoir Pierre de la Lune, qui eſtoit en Arragon, & longuemēt ſ'eſtoit tenu en France, & ſe faiſoit appeler le Pape Benedic, & Angle Corronā, Rommain, qui ſe faiſoit appeler Pape Gregoire: & au lieu d'eulx fut eſſeu Pierre de Candie, Cordelier, de nation Grecque, appelé le Cardinal de Milan: & fut ſacré, & nōmé Alexandre. En ceſtediſte année Anthoine, Duc de Brabant, frere du Duc de Bourgongne, eſpouſa la niepce du Roy de Boeſme, à laſſelle appartenoit la Duché de Luxem bourg, en la ville de Brucelles. Auſſi le grād Maiſtre d'hoſtel Mōtagu, pour la grād' autorité qu'il auoit, traitta le mariage de ſon filz, à la fille du ſeigneur d'Albret, Conneſtable: & furent les nopces faiſtes aux deſpens du Roy, dont lediſt Montagu encourut grand' indignation, & enuie des Princes, & Seigneurs de France, tellement qu'en la fin il en eut la teſte coppée.

Appointe-  
mēt d'entre  
les Ducz de  
Bourgogne  
& d'Or-  
leans.

Des deuxcō  
tēdans à la  
Papaulté, q̄  
furent con-  
damnez &  
priuez de la  
dignité pa  
palle.

*Du Roy de Nauarre, qui ſ'allia au Duc de Bourgongne: & du deſappoinctement de pluſieurs Officiers, & du Seigneur de Montagu, qui eut la teſte coppée.*



L'an mil quatre cens & neuf, le Comte de Sauoye eſmeut guerre contre monſei gneur Loys de Bourbon, oncle du Roy, pour raiſon d'aucunes places, aſſiſes au pays de Breſſe, appartenant audiſt Duc, que lediſt Comte diſoit eſtre tenues de luy en feage & hommage: & feit paſſer pluſieurs gēs d'armes la riuere de la Soſ ne, qui fort dommagerent le pays de Beauuiolois. Lediſt Duc aſſembla pluſieurs genſd'armes, & à ſon ayde allerent pluſieurs Seigneurs, qui reprindrent les villes de Hance, & de Belleuille, que lediſt Comte auoit prinſes ſur luy: & fut faiſt appoinctement, par lequel fut diſt, q̄ le Comte de Clermont, filz dudiſt Duc, ſeroit hommage deſdiſtes places audiſt Cō te de Sauoye. En ce tēps le Mareſchal Bouciquault, qui eſtoit à Gēnes, enuoya au Roy pour auoir ſecours contre le Comte Francisque, & le Marquis de Monferrat, qui gaſtoient la terre des Geneuois. Le Roy y enuoya mil hōmes d'armes, que conduyſoit meſſire Raoul de Gau court, & paſſerēt les mons. Lediſt Mareſchal Bouciquault les mena à Pauye, ou tenoyēt le ſie ge leſdiſtz Cōte & Marquis, leſq̄lz ſe leuerēt quand ilz ſcuerēt la venue des Frāçoys: parquoy iceluy Mareſchal alla à Milan, ou eſtoit le Duc, qui frere eſtoit de la ſeue Duchefſe d'Orleans, lequel alla au deuant de luy, & luy feit hommage au nom du Roy, & faiſoit on en ladiſte

L'an mil  
cccc. & ix.

K iij

*Trahison des  
Geneuois cō  
tre les Fran-  
coys.*

ville tous les crys de par lediēt Bouciquault, Gouverneur de Gennes, & de Milan : & ce pen-  
dant que lediēt Bouciquault & ses gens estoient là, le Marquis de Montferrat, & Francisque,  
par le moyen d'aucuns Geneuois, entrèrent dedans ladiēte cité de Gēnes, & tuerent tous les  
Françoys qui y estoient. Quand ceulx de Milan sceurent ces nouuelles, ilz cuyderent tuer  
de nuyēt tous les Françoys, chacun en leurs maisons, mais les Françoys, qui en furent aduer-  
tis, s'armerent, & cheuaucherent toute nuyēt en bataille par ladiēte ville, & le lendemain s'en  
partirent, & leur promeit le Duc de tenir ladiēte ville pour le Roy : mais, si tost que lediēt Ma-  
reschal fut party, il feit prendre aucuns Françoys, qui la estoient demourerz, & les feit man-  
ger aux chiens. Si s'en retourna lediēt Mareschal : &, tost apres, toutes les places dudiēt pays  
de Gēnes furent abandonnées, par les gens du Roy. En celle année le Roy de Nauarre ar-  
riua à Paris, ou il fut bien festoyé, & feit hommage au Roy de la Duché de Nemours. Tan-  
tost apres s'allierent luy & le Duc de Bourgongne, le Comte de la Marche, & le Comte de  
sainct Paul, & autres, & desappointerent de l'estat d'Admiral messire Colinet de Brabant,  
& messire Guillaume de Tignonuille, Preuost de Paris : & feirent Preuost de Paris mes-  
sire Pierre des Essars, qui estoit vn homme arrogant, & de grand orgueil & tyrannie : & pour  
trouuer façon de trouuer argent, ilz voulurent reformer tous les Officiers du Roy, & autres  
qui aucuns biens auoyent eu de luy par leurs seruices : & prindrent à machiner pour trouuer  
moyen de les destruyre : & feirent prendre messire Ichā de Montagu, Cheualier, Vidame de  
Laonnois, grand Maistre d'hostel de France, & luy baillerent Commissaires extraordinai-  
res, à leur poste, plains de tyrannie & cruauté : c'est à sçauoir du costé du Duc de Bourgon-  
gne messire Pierre des Essars, & le Seigneur de Hely, & messire Cancher de Ruppes, &  
pour la partie du Roy de Nauarre messire Rusto, lesquelz le gehēnerent si piteusement qu'il  
fut contrainct de dire ce qu'ilz voulurent, & luy feirent signer la confession. Si le feirent deca-  
piter es Halles de Paris : & deuant sa mort, il requist mercy au peuple, & afferma qu'onques  
il n'auoit commis les cas contenus en la confession qu'on luy auoit fait signer, & qu'il les au-  
oit confessez par force de gehenne : dont le Duc de Berry eut grand' desplaisance : car il au-  
oit aymé de ieunesse lediēt Montagu, & l'auoit tousiours congnu loyal enuers le Roy.  
Si print lediēt Duc lors congé de court & en son pays de Berry s'en alla : si feit pareillement  
le Duc Loys de Bourbon : & fut fait grād Maistre d'hostel messire Guichard, Daulphin d'Au-  
uergne : & audiēt des Essars fut baillé le gouuernemēt desdictes finances du royaume, & meit  
iceluy des Essars ses parens en l'hostel du Roy, en deboutant tous ceulx qui y estoient au par-  
auant, & en la faueur dudiēt grand Maistre de Montagu : & furent les maisons de plusieurs  
pillées, pource qu'ilz s'en fuyrent, & se retirerent deuers mondiēt seigneur le Duc d'Orleans,  
nonobstant lediēt appointement qui auoit esté fait à Chartres.

*Du seigneur  
de Montagu,  
qui fut deca-  
pité es Halles  
de Paris.*

*Messire Pier-  
re des Essars  
eut le gouuer-  
nement des  
finances de  
France.*

*De l'assemblée de plusieurs Princes qui tenoyent le party du Duc d'Orleans, & la Royne,  
pour venir deuant Paris, ou estoit le Duc de Bourgongne, qui tenoit le Roy en ses mains.*

*L'an m.cccc.  
& dix.*



An mil cccc. & x. les choses dessusdictes venues à la cōgnoissance du Duc d'Or-  
leans & des Ducz de Berry, Bourbon, Bretagne, & autres princes & Seigneurs  
de France, & q̄ lediēt Duc de Bourgogne faisoit tout le contraire de ce qui auoit  
esté promis & iuré au traité & appointement, qui auoit esté fait à Chartres,  
s'assemblerent & tindrent Conseil à Gyen sur Loyre, & feirent veu qu'ilz vien-  
droient mettre le siege à Paris, pour le Roy, la Royne, & leurs enfans, q̄ lediēt Duc de Bour-  
gogne tenoit en sa subiection & captiuité, en leur liberal arbitre. Si allerēt apres lediēt Con-  
seil, chacun en son pays, pour assembler gens, & apres se redirent à Tours, avec grand' cōpai-  
gnie de gens d'armes, & leuerent la bāniere de France : & tant cheuaucherent qu'ilz vindrent  
iusques au chastel de Vicesire, lez Paris : & la se rendirent le Duc d'Alençon, le Comte de Ri-  
chemont, le Seigneur d'Albret, Cōestable de France, le Comte d'Armignac, & plusieurs au-  
tres, iusques au nōbre de iiij. mil Cheualiers & Escuyers, pour vouloir venger le crime & des-  
hōneur q̄ lediēt Duc de Bourgogne auoit fait faire aux pauvres officiers du Roy, & du Duc  
d'Orleans : car par l'appointemēt fait à Chartres, lediēt Duc de Bourgogne auoit iuré & p-  
mis qu'aux Officiers, & autres qui auoyēt tenu le party & seruy le Duc d'Orleans, il ne feroit  
aucun dommaige ne desplaisir, & toutesfois il feit tout le contraire, tellement que plusieurs  
s'absenterent de Paris, pour la crainte de luy, & s'en allerent à Orleans, & ailleurs. Lediēt  
Duc de Bourgogne, qui sçauoit l'entreprinse & l'assemblée desdictz Seigneurs, manda aussi  
de toutes pars Bourgongnons, Flamens, & Picardz, & autres allies : & avecques luy se trou-  
uerent grand nombre de gens d'armes : & cheminerent iusques entre Paris & Senlis, An-  
thoine, Duc de Braban, frere dudiēt de Bourgogne, qui estoit fort agreable aux Seigneurs  
de France

*De l'assem-  
blée des prin-  
ces q̄ se feist  
au chastel de  
Vicesire, pres  
Paris.*

de France, vint iusques à Vicestre deuers eulx, & en sa compaignie le Roy de Nauarre: & feit tant qu'un autre appoinctement se feit: par lequel fut dict que lesdictz Seigneurs s'ellongneroyent chacun de sept lieues de la personne du Roy, & que le Roy ne demanderoit point lesdictz Ducz d'Orleans ne de Bourgongne, l'un sans l'autre: mais que le Duc de Berry y pourroit venir seul, quand mandé seroit, & s'en retournerent chacun en ses pays: toutesfoies il ne demoura gueres de gens autour du Roy, que tous ne fussent fauorables au Duc de Bourgongne: lequel tantost apres enuoya le Seigneur de Croy, deuers le Duc de Berry, qui s'en estoit allé en Berry, pour trouuer façon de rompre les alliances entre luy & le Duc d'Orleans. Ledit Duc d'Orleans en fut aduerty, & enuoya son Mareschal, au deuant dudit Seigneur de Croy, qui comme on disoit auoit esté cōsentant de la mort du feu Duc d'Orleans son pere: & fut ledit Croy rencontré en la Soulongne, par les gens dudit Duc d'Orleans, & prins prisonnier, & mené deuers ledit Duc d'Orleans, au chastel de Bloys: mais à la grand' priere dudit Duc de Berry il luy fut enuoyé en son hostel de Meleun, sur Yeure, moyennant qu'il promeit qu'il luy enferoit iustice. Par ledit appoinctement de Vicestre il fut dict q' ledit messire Pierre des Essars, q' le Duc de Bourgogne auoit fait Preuost de Paris, se departiroit dudit Office de Preuost, & en fut deschargé: & au lieu de luy fut fait Preuost de Paris un vaillant & sage Cheualier Breton, nommé messire Taneguy du Chastel. En iceluy an, mourut monseigneur Loys, Duc de Bourbon, lequel estoit un peu boiteux: & luy succeda monseigneur Jehan son filz, qui parauant estoit Comte de Clermont. Son corps fut porté enterrer au monastere & prieuré de Souigny, qui est de la fondation de ses predecesseurs. Iceluy Duc Loys fonda le conuent des Celestins de Vichy, en Bourbonnois, & les edifia tout de neuf, & en premier don leur donna cinq cens liures de rente en l'assiette de Bourbonnois, & plusieurs autres biens.

La prieuré  
de souigny  
est de la fon  
dation de  
messieurs  
de Bourbon

*Comment messire Pierre des Essars, Preuost de Paris, tenant le party du Duc de Bourgongne, esleua les Bouchiers & escorcheurs de Paris, & en fit Capitaine un nommé Caboche.*

**E**N l'an mil quatre cens & vnze s'en alla le Roy de Nauarre en son pays de Nauarre, & le Duc de Bourgongne en son pays d'Artois: & demoura le Roy, la Roine, monseigneur le Duc de Guyenne, Dauphin, & monseigneur Charles de Pothieu, ses deux enfans, à Paris. Le Duc de Bourgongne laissa à Paris messire Pierre des Essars: lequel incontinent apres l'armée rompue meit sus à Paris plusieurs Bouchiers & gens de basse condition, dont estoit Capitaine un nommé Caboche, qu'on disoit estre escorcheur de la grad' boucherie de Paris, pour estre ses cōplices & aydes à tenir ceulx de Paris en subiection, especiallement ceulx qui tenoyent le party du Duc d'Orleans, & ses alliez: & incontinent feit ledit des Essars prendre un Cheualier, nommé messire Vignet d'Espineuse, & luy feit copper la teste aux Halles, & porter son corps au gibet: dont ledit Duc d'Orleans fut fort mal content, & manda les Ducz de Bourbon, d'Alençon, les Comtes d'Armignac & de Richemont, le seigneur d'Albret, Connestable, & autres accompaignez de six à sept mil Cheualiers & Escuyers, qui vindrent à son ayde, & passerent la riuere de Seine aupres de Moret, & vindrent à Meleun, & cheuaucherent tant qu'ilz vindrēt en Vallois, Soissonnois, & en la terre de Coucy, & de la enuoyerent leur Ambassade à Han, & en Vermandois, pour faire la guerre au Duc de Bourgongne. En ce temps le Duc de Berry, qui estoit venu à Paris, luy estant en son hostel de Neelle, eut grand' paour & effroy de l'assemblée desdictz Bouchiers, lesquels faisoient moult de cruaultez: & à ceste cause s'en partit de Paris, & s'en alla à Meleun: & là vindrent deuers luy lesdictz Ducz d'Orleans, d'Alençon & de Bourbon, les Cōtes d'Armignac, de Richemont, de Vienne, de Tonnerre, le Connestable, Seigneur d'Albret, & leurs alliez, qui estoient en nōbre de six à sept mille Cheualiers, & Escuyers, comme dict est, prestz & deliberez de faire guerre au Duc de Bourgongne: & passerent la riuere de Seine, au pont de Samois, & cheuaucherent tirant vers Picardie.

L'an m. cccc.  
& unze.

*Des deffiances du Duc d'Orleans & ses freres, & du Duc de Bourgongne qui s'en fuyt d'aupres de Montdidier, ou il estoit parqué.*

**E**N moys de Iuillet audict an monseigneur le Duc d'Orleans, & ses freres, enuoyerēt audict Duc de Bourgongne lettres de deffiance, desquelles la teneur s'ensuyt. Charles, Duc d'Orleans, de Milan, & de Vallois, Comte de Bloys, Philippe, Cōte de Verrus, & Jehan, Comte d'Angoulesme, freres, à toy Jehan, qui te dis Duc de Bourgogne, pour le cruel meurtre par toy commis en trahyson, en la person-

K iij

Lettres de  
deffiance,  
enuoyées  
au Duc de  
Bourgogne

tal. Tai.

† alias,  
Chaul-  
ny.

Hôteuse fuy  
te du Duc de  
Bourgogne.

ne de nostre tresredoubté seigneur & pere, le Duc d'Orleans, que Dieu absolue, seul frere de monseigneur le Roy, ton cousin germain, nonobstant les alliances, fraternité & compaignie d'armes que tu auoys à luy, & pour plusieurs trahyson & desloyaultez par toy cominées, te mādons & faisons sçauoir que de ceste heure en auant de tout nostre puissance te serons nuy- sans & contre toy, pour te punir de ta desloyalle trahyson, appelons Dieu en ayde, & tous les preud'hommes du monde. En tesmoing de ce nous Charles, auons fait mettre nostre seel à ces lettres, dōnées à l'argueau sur Loyre, au moys de Iuillet, l'an mil quatre cens & vnze. Et semblable deffiance luy enuoya aussi Ichā, Duc de Bourbon. Apres lesdites lettres de deffia- ce receues, se meit pareillemēt sur les champs le Duc de Bourgogne: & auoit bien de ses sub- iectz & alliez seize mil combatans: & non content de son armée, il s'en alla à Calais, & s'alla tal. Tai. aux Anglois: & à son ayde vindrēt le Comte d'Arondel, & le Comte de † Tan, les seigneurs de Roux & de Gray, avec.ccc.lances, & mil Archiers d'Angleterre: & vindrent iusques de- uant la ville de Laon, qui appartenoit audiēt Duc d'Orleans, & peu de resistance y trouverēt. Si prindrent ladiēte ville, & la forteresse feit desmolir. puis s'en alla à Montdidier, & illec sur vn mōt, pres le gibet, se parqua, & feit clorre de son charroy. Quand le Duc d'Orleans, qui- † alias, estoit à † Chaulmes le sceut, il passa son ost oultre la riuiere d'Oyse, sur vn pont de boys qu'il a- Chaul- uoit fait faire (car Compiègne, & Pont sainte Maixance, & les autres passages de ladiēte ri- ny. uiere estoient tous en la faueur dudiēt Duc de Bourgogne) & vint iusques à Clermont en Beauuoysin, à vne cōmanderie, nommée S. Anthoine de Cathenay: & de la enuoya son auā- garde iusq's aupres du parc dudiēt Duc de Bourgogne: laquelle conduysoit le Comte d'Ar- mignac, le Bernadō de Sorre, Escuyer de renom: & demoura luy & sa bataille es villages d'en- tour Clermont & Cathenay: & y estoient les Ducz de Bourbon & d'Alençon, les Comtes de Vertus & de Vienne, l'Archeuesque de Sens, messire Geofroy Bouciquault, les Seigneurs de Craon & de Montbason, le Seigneur de Hangest, Maistre des Arbalestriers de France, le Seigneur d'Albret, Connestable, & plusieurs autres Seigneurs, Barons, & Cheualiers, qui mā- derent bataille audiēt Duc de Bourgogne: mais quand il sceut que ses ennemys estoient si prochains de luy, il feit mettre le feu en ses têtes & pauillons, & habandonna son charroy, vi- ures & marchandises, qui estoient en son ost, & s'en fuyt honteusement.

*Comment ceulx de Paris tenoyent le party du Duc de Bourgogne, qui leur en- uoya pour secours le Comte de saint Paul: lequel le Roy feit Connestable, & ainsi estoient deux Connestables en France: & de la venue du Duc de Bour- gogne à Paris, ou fut crié Noel.*



D'une descō  
cōsture qui  
fut faicte au  
pōr S. Cloud  
par le Duc  
de Bourgon  
gne.

Ncontinent apres la fuyte dudiēt Duc de Bourgogne, le Duc d'Orleans, & les Seigneurs deliberent de venir vers Paris, & manderent au Roy que son plaisir fust leur donner prouision de iustice contre ceulx qui son frere le Duc d'Orleās auoyent tué: & vindrent iusques à S. Ouyn, pres Paris, & se logerent es villages d'entour: mais messire Pierre des Essars, qui estoit retourné & restitué Preuoost de Paris, ne voulut pas souffrir q' leurs Heraulx entraissent à Paris, & meit en garnison à saint Denis le Prince d'Orenge, & trois cens hommes d'armes: & feirent ceulx de Paris plusieurs sorties sur l'ost des Seigneurs, & tousiours furent lesditz de Paris reboutez & grand nombre de tuez. Si māderent audiēt Duc de Bourgogne, la necessité ou ilz estoient, & il leur enuoya messire Vvalerā de Luxembourg, Comte de saint Paul: lequel à leur requeste le Roy feit Cō nestable à sa venue, en deboutant dudiēt Office le seigneur d'Albret, qui l'estoit parauant: & le Duc d'Orleans print la ville de saint Denis, que tenoit lediēt Prince d'Orēge, qui la rēdit par cōpositiō, & promet que luy ne ses gēs ne s'armeroyēt de six moys contre lesditz Seigneurs. En icelle ville lesditz Seigneurs se logerent: & illec seiournāt prindrēt le pont saint Cloud: parquoy vn iour ceulx de Paris sortirent en bataille, au costé de la porte saint Denis, sur l'a- uantgarde d'Orleans: mais ilz furēt lourdement reboutez, & en fut tué plus de sep cens: & ce- diēt iour perdirent toute leur artillerie, dont ilz tiroient d'oultre l'eauē à ceulx qui estoient à saint Ouyn. Au moys d'Octobre ensuyuant, à la requeste de ceulx de Paris, lediēt Duc de Bourgogne avec grand' armée vint iusques à Pontoise: & la ceulx de Paris allerent deuers luy, & tant feirent qu'ilz l'amenerēt iusques à Paris: & à son entrée en ladiēte ville, qui fut de mayēt, crierent Noel, & la seiourna aucuns iours. Et le. ix. iour de Novembre l'armée dudiēt Duc de Bourgogne alla pour prendre le pont saint Cloud, & y eut grande bataille: en quel- le les gens de mōseigneur d'Orleās eurent du pire, & y mourut de neuf cēs à mil hōmes. Apres laquelle

laquelle desconfiture le Duc de Bourgogne se retira à Paris, & amena ses prisonniers. Le Duc d'Orleans & ceulx de sa compaignie se retrahirent à sainct Denis: & la nuyt ensuyuant s'en allerent par dessus vn pont de bateaulx au trauers de Seyne, au droict de sainct Denis, & cheuaucherent tant qu'ilz vindrent à Chasteaudun: & en leur chemin prindrent Galardon, & autres fortresses. puis allerent à Iargueau qu'ilz prindrent: & de la vint ledict Duc d'Orleans faire sa noble entrée en ladicte ville d'Orleans, ou receu fut en grand' ioye de ses subiectz. Le Duc de Bourgogne amena le Roy & monseigneur le Duc de Guyenne, son filz, deuant Estampes, ou il meit le siege, & la print: & dedans fut prins le Duc de Bourbon, qui fut enuoyé prisonnier en Flandres. puis le Duc de Bourgogne enuoya son auantgarde en Beauſſe. Le Seigneur de Barbazan, & le Seigneur de Gaucourt, qui tenoyent le party du Duc d'Orleans, le sceurent, & allerent au deuant, & les rencontrèrent au Puyſet, & les desconfirent: & y furent prins messire Jaques de Bourbon, Comte de la Marche, le seigneur de Hambre, & plusieurs autres iusques à douze cens, qui furent menez prisonniers en la grosse tour de Bourges.

Le Duc de Bourbon qui fut prins par le Duc de Bourgogne dedans Estampes, & mené prisonnier en Flandres

Après ladicte desconfiture le Duc de Bourgogne se retira, & amena le Roy, & son filz le Duc de Guyenne, à Paris: & lors le Comte d'Arondel, & les autres Seigneurs Anglois, qui estoient venuz en son ayde se departirent d'avec ledict Duc de Bourgogne, & tantost apres ledict Duc de Bourbon fut deliuré de prison en rendant autres prisonniers.

*De la sentence d'excommuniment que fait proferer le Duc de Bourgogne, contre les Seigneurs.*



Encontre des Ducz Charles d'Orleans, Iehan de Berry, Iehan de Bourbon, Iehan d'Alençon, & autres Seigneurs de leurs alliances, fait le Duc de Bourgogne proferer sentence d'excommuniment, qui fut publiée par toutes les villes de son obeyſſance & alliâce, à cloches sonnans & chandelles estainctes, par ce qu'il vouloit dire & maintenir qu'ilz auoyent enfraint les traictez & appointemens parauant faictz. Et fut ladicte sentēce enuoyée, par vn des Heraulx du Duc de Bourgogne, à l'Euſque d'Orleans: lequel Herault fut prins, & mené audiect Duc d'Orleans, qui fait venir l'Archeueſque de Sēs, & assembla les Euſques de Chartres, Orleans, & plusieurs autres Prelatz, gens d'Eglise, Docteurs & Clercz solennelz, qui debatirent la matiere: & fut trouué que ladicte sentence s'adaptoit directement contre ledict Duc de Bourgogne & ses adherens, & non contre autre. Et parce sur vn eschauffault, present ledict Herault, fut ledict Duc de Bourgogne, & ses adherens declairez excommuniez en ladicte ville d'Orleans, apres vne predication & procession generale: & furent toutes les cloches de la ville sonnans, & chandelles estainctes, presens lesdictz Prelatz en pōtificat. Et apres ce fut ladicte sentence ſcelée, & baillée audiect Herault, qui l'en emporta: & fut mandé p toutes eglises du pays, & obeyſſances desdictz Seigneurs, publier ladicte sentence.

*Comment le Roy d'Angleterre enuoya son filz, & son frere, à l'ayde du Duc d'Orleans: & du ſiege de Bourges.*



En mil'ccc. & xij. les Ducz de Berry, d'Orleans, de Bourbon, & le Comte d'Alençon, estans à Bourges, tindrent conseil & enuoyerent le Seigneur d'Albrer, Connestable de France, en Angleterre deuers le Roy Henry, pour auoir ayde: lequel bailla son ſecond filz Thomas, Duc de Clarence, & son frere le Duc d'York, & messire Ichā de Cornouaille, Comte d'Orcet, acōpaignez de huyt cēs lances, & quatre mil Archiers, pour ayder ausdictz Ducz, pource que luy estāt en France ilz auoyent bien traicté, moyennant ce qu'ilz les feroient payer & souldoyer.

L'an m.cccc. & douze.

En celle ſaison le Duc de Bourgogne enuoya en Berry, Poitou, & Touraine, le Seigneur de Hely, avec grand' armée & commiſſion par lettres du Roy, pour ſaiſir les terres des Ducz d'Orleans, Berry, Bourbon & des autres Seigneurs & Barons leurs adherens: & auoit bien en sa compaignie. xiiij. cens hommes de cheual, & alla iusques à Linieres en Berry: & quand le Duc de Bourbon le ſceut, il se par rit de Bourges, ou il estoit avec le Duc de Berry, & vint au point du iour audiect lieu de Linieres, frapper sur ledict Seigneur de Hely, & sa compaignie, & le desconfit & destrouſſa, & perdit ledict Hely presque tous ses gens: mais il ne fut point prins, car il se ſaulua dedās le Chasteau dudiect Linieres, duquel il ſen fuyt d'emblée. Ces nouuelles venues à Paris au Duc de Bourgogne, il ſeit partir le Roy, monseigneur de Guyenne, son ainé filz, les Ducz de Bauieres, & plusieurs Comtes & Seigneurs, pour aller mettre le ſiege à Bourges, ou estoient les Ducz de Berry & de Bourbon, avec grand' Cheualerie, & prin-



*Du siege  
que le Duc  
de Bour-  
gogne mit  
deuant la  
ville de  
Bourges.*

*De l'appoin-  
ctement fait  
à Auxerre,  
entre le Duc  
de Bourgon-  
gne, & le  
Duc d'Or-  
leans.*

*De l'Abba-  
ye de Beau-  
lieu en Tou-  
raine que les  
Anglois bru-  
lerent & pri-  
derent l'Abbé.*

drent la ville de Dan le Roy. Puis vindrent mettre lediſt ſiege deuant l'une des portes de ladi-  
te ville de Bourges, du coſté de la groſſe tour, ou ilz furent ſix ſepmaines ſans riens faire. puis  
ſe leuerent, & allerent deuant vne des autres portes, nommée la porte ſainct Priué, du coſté  
de Soulongne, ou ilz demourerent grand temps: & la vint le Roy Loys de Cecille, qui amena  
à l'ayde du Roy, audiſt ſiege, ſix cens hommes d'armes: & illec fut aduertý le Duc de Guyen-  
ne, ainſné filz du Roy, que lediſt Seigneur d'Albret, Cōeſtable de France, amenoit au ſecours  
deſdiſtz Ducz de Orleans, de Berry, & de Bourbon, grande & groſſe armée d'Angleterre, &  
y eſtoit en perſonne le Duc de Clarence, filz du Roy, le Duc d'Yort, & le Comte d'Orcer, &  
des plus vaillans & grands ſeigneurs du pays, que ia eſtoient au pays du Perche. Parquoy fut  
tenu Conſeil, & parlerent aux champs leſdiſtz Ducz enſemble tant d'un coſté que d'autre: &  
la fut conclud de faire paix, & de ſe trouuer à certain iour enſemble en leur ſimple eſtat, en vn  
lieu nommé les Roches, pres la Charité. ce qu'ilz feirent: & leur remonſtroit le Conſeil, que  
les Anglois, filz entroyét plus auant au royaume qu'on ne les chaceroit pas aiſément quād  
on voudroit, & ſe pourroyent fortifier au royaume, & que c'eſtoit aſſez pour perdre tout le-  
diſt royaume. Audiſt lieu des Roches ne peurent tout conclurre lediſt appoinctement, &  
prindrent autre iournée, en vn lieu nommé Vanterre, pres Auxerre, & la deuoit eſtre le Roy:  
& par ce moyen fut leué le ſiege de deuant Bourges. Au iour assigné ſe trouuerent tous les  
Seigneurs en la cité d'Auxerre, & fut fait appoinctement final, & furent chacun reſtituez en  
leurs terres. à quoy ſe conſentit le Duc de Bourgogne ſainctement, mais il le fit pour la crain-  
te des Anglois. Apres ce, le Duc d'Orleans print congé de court: & le Duc de Bourgon-  
gne mena le Roy, la Roynne, & mōſeigneur de Guyenne, à Meleun, ou vindrēt nouuelles que  
leſdiſtz Anglois, qui n'agueres eſtoient venuz en France, en la faueur & ayde audiſt Duc  
d'Orleans, gaſtoient & deſtruiſoyent les pays du Maine, & Touraine, & prenoient villes,  
chasteaux & fortereſſes, & ia auoyent prins la tour de Laigle, & pillé la ville, & auſſi les villes  
de Buzençois, & Beaulieu, audiſt pays de Touraine, & prenoient priſonniers indifferem-  
ment, & meſmement auoyent prins l'Abbé de Beaulieu, & brulerent l'Abbaye, & faiſoyent  
tous les excès qu'ilz pouoyent, par ce que les Ducz d'Orleans, de Berry, & de Bourbon, qui  
les auoyent fait venir en France, auoyent appoincté ſans eulx avec lediſt Duc de Bourgon-  
gne. Et pour ceſte cauſe fut mandé lediſt Duc d'Orleans venir deuers le Roy, par ce que leſ-  
diſtz Anglois diſoyent qu'ilz ne ſ'en retourneroyent point en Angleterre, ſi lediſt Duc d'Or-  
leans n'y eſtoit, & auſſi qu'ilz ne fuſſent payez de leurs gages du temps qu'ilz auoyent eſté en  
France: & fut appoincté à eulx à la ſomme de .cc. xl. mil eſcus, dont ilz receurent cent xl. mil  
content: & pour cent mil eſcus qui leur reſtoient emmenerent en Angleterre, pour oſtage, le  
Comte d'Angoulefme, frere dudiſt Duc d'Orleans.

En ce temps fut prins vn Cheualier nommé Iourdain de Saligny, Chambellan du Duc  
de Bourgogne, & le fit lediſt Duc mener en Flandres, pour ce que le ſeigneur de Iaqueuil-  
le, en Gaſtinois, le chargea qu'il vouloit tuer iceluy Duc ſon maĩſtre, par l'enhortement de la  
veufue du feu grand maĩſtre de Montagu, que lediſt Duc auoit fait decapiter: & diſoit iceluy  
de Iaqueuille, que lediſt Iourdain la maintenoit. Enuiron la fin d'Oſtobre enſuyuant furent  
menez le Roy, la Roynne, & leurs enfans à Vicestre, pres Paris, accōpaignez des Ducz de Ber-  
ry, d'Orleans, & de Bourgogne, leſquelz ſe deuoyent trouuer à vne autre iournée assignée  
à Auxerre, & illec deuoyent ordonner du gouuernement du royaume: leſquelz Ducz d'Or-  
leans, de Berry, & de Bourbon, furent aduertis pas meſſire Pierre des Eſſars, Preuoſt de Paris,  
qu'en l'hoſtel du Duc de Bourgogne auoit eſté tenu vn Cōſeil ſecret, ou eſtoient le Seigneur  
de Iaqueuille, & lediſt meſſire des Pierre Eſſars: auquel fut cōclud que ſi on trouuoit leſdiſtz  
Ducz d'Orleans, de Berry, & de Bourbon, apoinct, on les feroit tous mourir. A quoy lediſt des  
Eſſars ne voulut donner ſon conſentement, & dit que c'eſtoit trop grand' choſe, & mal fait  
d'auoir fait mourir le pere dudiſt Duc d'Orleans, & puis encores faire mourir le filz, & les au-  
tres Ducz & Comtes, qui deuoyét venir pour faire le traité de paix: dont lediſt Duc de Bour-  
gogne fut tresmal content dudiſt des Eſſars, & delibera de le luy rendre: & fit lediſt des Eſ-  
ſars haſtiuement & ſecretement iour & nuyt ſcauoir auſdiſtz Ducz l'entreprinſe faite ſur  
eulx. Parquoy leſdiſtz Seigneurs d'Orleans, de Berry, & de Bourbon ne vindrent point, & le  
tindrent entre eulx le plus ſecretement qu'ilz peurent: mais en la fin de l'yuer ilz ſcuerēt que  
le Duc de Guyenne, ainſné filz du Roy, auoit prins le gouuernement du royaume: ſi vindrent  
leſdiſtz Seigneurs deuers luy, à Melun: lequel les receut grandement, & leur fit bonne che-  
re: & print lediſt Duc de Guyenne, pour ſoy ſeruir, deux des ſeruiteurs du Duc d'Orleans, l'un  
nommé Iagues de la Riuiere, Cheualier, Seigneur d'Anuel, pres Chartres, & l'autre Eſ-  
cuyer, nommé le petit Meſnil: leſquelz n'y demourerent gueres, car on les fit mourir.

En ce temps mourut Henry, quatrieme de ce nom, Roy d'Angleterre, filz de Iehan de Lan-  
claſtre,

lastre, lequel estoit entrepris de maladie de lepre: parquoy Thomas le Duc de Clärce, son filz, qui estoit venu en France, s'en retourna hastiement en Angleterre. Apres ledit Henry fut couronné Henry son filz, cinquieme de ce nom. En ceste saison, à la poursuyte du Duc de Bourgongne, & de maistr Jehan de Troyes, Cyrurgien, l'un des Capitaines des escorcheurs & mutins de Paris, furent mandez de par le Roy les Princes & les gens des trois Estatz du royaume, dont peu y en vint, mesmemēt des Nobles: parquoy ceulx de Paris ne purent riens executer de leur entreprinse. En ces entrefaites aduint qu'un Sergent, hostelier, demourāt en la rue de la Harpe, feit par nuyt & trainer un cheual qui estoit mort en sa maison, iusques au college de Harecourt. Le lendemain les Escoliers dudit college sceurent que ledit cheual estoit party de l'hostel dudit Sergent: si le luy feirent retrainer deuant sa maison. Ledit Sergent fut fier & orgueilleux, par ce qu'il estoit cōpere de Pierre des Essars, Preuost de Paris, & alla deuers ledit Preuost: leq̄l tantoit vint avec plusieurs Sergens, & print debat auiditz Escoliers, qui s'assemblerēt en grand nombre, & s'en allerent à plaincte auidit Duc de Bourgongne, qui auoit conceu hayne mortelle contre ledit Preuost, pour la bonne opinion qu'il auoit eue de garder la paix: & promet ledit Duc dōner toute faueur auiditz Escoliers: lesquelz poursuyrirent tellement que ledit Preuost fut desappoincté de son Office: & luy cōuint soy en aller en son chastel de la Mothe de Tilhy, pres Sens: & fut ledit Sergent puny.

Du Roy Hēry d'Angleterre, qui fut entrepris de maladie de lepre, dōt il mourut.

Des Escoliers de Harecourt qui feirent tant que Pierre des Essars, Preuost de Paris, fut desappoincté de son office de Preuost.

*D'une commotion que les bouchiers & escorcheurs de la boucherie de Paris feirent par le commandement du Duc de Bourgongne: & comment ilz prindrent prisonniers des Officiers des Ducs de Guyenne, d'Orleans & de Bourbon.*



An mil quatre cens & treize, au moys de May, en la faueur & à la poursuyte du Duc de Bourgogne, de rechef se meirent sus, & esleuerent un ras de bouchiers, escorcheurs, & autres gens mecaniques de la ville de Paris, & feirent Capitaine sur eulx, comme autresfois auoyent fait, Simonet Caboche, le Seigneur de laqueuille, & aussi un nommé maistr Jehan de Troyes, & tout incontinēt feirent vne moult grand' assemblée, & se rendirent tous en armes deuant l'hostel de la ville de Paris: & illec tous embatonnez au soir, avec torches & lanternes, vindrent deuant l'hostel du port aupres la poterne, qui est deuant l'eglise saint Paul, ou estoit logé pour lors monseigneur le Duc de Guyenne: auquel hostel estoit allé un peu deuant ledit Duc de Bourgongne, qui la les attendoit, & illec lesdictz trois Capitaines demanderent auidit Duc de Guyenne, qu'il baillast & feist deliurer tous ses Officiers, & ceulx desdictz Ducs de Berry & d'Orleans, qu'il auoit recueilliz autour de luy, dōt ilz auoyent les noms en un rolle, ou autrement ilz les detailleroient tous en pieces: & entre autres y estoient nommez les Ducs de Bar & de Bauieres, le Chancelier de Guyenne, messire Jaques de la Riuere, Seigneur d'Anuel, messire Regnault de Gennes, Guillot du Mesnil, la dame de Guesnay, Ysabeau de Bretagne, & plusieurs autres Cheualiers, Escuyers, Dames & Damoyelles seruans le Roy, la Roynne, le Duc de Guyenne & sa femme, dont faisoit grand mal auidit Duc de Guyenne: lesquelz en la fin leur salut bailler, par ledit rolle, qui leur auoit esté baillé: car ledit Duc de Guyenne congnoissoit bien que tout ce faisoit faire ledit Duc de Bourgongne, combien qu'il n'en feist pas le semblant. Auant que les bailler ledit Duc de Guyenne feit iurer ledit Duc de Bourgogne sur la vraye croix, qui la fut apportée en la presence de la Duchesse de Guyenne sa fille, que lesdictz Officiers n'auoyēt nul mal, & qu'ilz les renuoyeroit si tost que le menu peuple seroit appaisé: & quand ilz les eurent en leurs mains ilz les menèrent prisonniers en l'hostel d'Artois, qui estoit son logis: & apres furent menez en diuerses prisons. Ces choses ainsi aduenues, mōdit Seigneur de Guyenne manda au Roy de Cecille, au Duc d'Orleans, de Bourbon, d'Anlenço, de Bretagne, & si manda auidit messire Pierre des Essars, qu'il vint deuers luy à Paris: lequel, si tost qu'il fut arriué, ledit Duc de Guyenne, sachant la hayne qu'auoit contre luy ledit Duc de Bourgongne, pour sa fureté l'endoyā loger en la Bastille.

L'an m.cccc. & treize. tal. Porc Epi, pres la rue S. Anthoine ou estoit logé, &c.

*Comment le Duc de Bourgongne feincopper la teste à messire Pierre des Essars, Preuost de Paris, & à messire Jaques de la Riuere, & autres, & fait mettre les Damoyelles de la Roynne, & de Madame de Guyenne, prisonnières.*



Antoist apres, & le mesme iour de son arriuee, ledit Duc de Bourgongne, s'en alla deuant la Bastille S. Anthoine, où estoit ledit Pierre des Essars, & vindrent aussi ceulx de Paris en grand nombre, à estandars & banieres deployées. Ledit Duc de Bourgongne feit eslongner lesdictz Parisiens, & fait dire auidit des Essars, qu'il

parlast à luy à seureté: lequel, soy confiant de sa foy, saillit hors: & incontinent ceulx de Paris le prindrent & le menerent prisonnier: & tout incontinent qu'il fut hors de la Bastille, le Seigneur de la Trimouille, & vn Capitaine, nommé Enguerrand de Bournouille, entrerent dedans, & prindrent & pillerent tous les biens, gens & cheuaulx dudit des Essars, qui dedans estoient. Le lendemain le Duc de Bourgongne feit publier, par Paris, que ledit des Essars auoit prins & tenu plusieurs Offices, & Capitaineries, dont il auoit eu de grans profitz (qui estoit contre les status royaulx) & qu'il auoit eu profit de trois ou quatre cēs mil escus (qui estoit contre le Roy & le bien de la chose publique) & toutes ces choses faisoit publier, afin de le faire mettre en la malice grace du peuple, pour le faire mourir: & tout ce luy cōseilloit le Seigneur de laqueuille, pour auoir les estatz & Offices dudit Pierre des Essars. Finablement luy feirent copper la teste aux Halles de Paris: & pareillement la feirent copper à messire Jacques de la Riuere, qu'ilz trouuerent mort en la prison, & luy meirēt sus que luy mesme s'estoit tué & precipité, pource qu'on ne luy pouoit ou sçauoit aucune chose imposer. Il auoit vne robe fourée de Martres: & fut attaché à la queue d'une charrete, & fut trainé aux Halles: & puis on alla querir le petit Mesnil, à qui on coppa aussi la teste: & plusieurs autres feirēt decapiter, pendre & noyer, tuer & assommer. Apres allerent iceulx bouchiers en l'hostel de la Roync, & la prindrent toutes ses Dames & Damoyelles, & pareillement celles de madame de Guyenne, & les menerent toutes en prison, & pillerent moult de maisons, & tuerent beaucoup de gens, tellement que nul se fesoit trouuer par les rues, & ne failloit que dire vn mot, ou auoir quelque hayne, qu'on estoit incontinent tué & assommé. puis meirent sus tailles & empruntz, comme importables, tant sur le peuple que sur gens d'Eglise, & autres gens de biē, qui estoient moult desplaisans & en grand' doubte: car ilz n'auoyent regard à quelque chose.

Messire Pierre des Essars, preuost de Paris, eut la teste coppée

*De l'esmotion qui fut de rechef faicte à Paris, par les bouchiers: & comment le Duc de Bourgongne s'en fuyt hors Paris.*



L'aduint vn iour que le premier President de Parlement, nommé messire Henry de Marle, & messire Jehan Iuuenel des Vrsins, aduocat du Roy audit Parlement, grands gens de bien, & qui estoient bien & grandement alignagez de tous les plus grāds de Paris, & fort autorisez, eulx & leurs amys se meirēt sus, avec grand' multitude de peuple, & vindrent en l'hostel de saint Paul, ou estoit le Roy, & monseigneur le Duc de Guyenne, son filz aîné: & illec, present tout le Conseil & l'Vniuersité de Paris, remonstrent au Roy & à son diēt filz aîné, les inconueniens ou ilz estoient en leur diēte bonne ville de Paris: &, qui plus estoit, monseigneur d'Orléans, auoit grād nombre de gens d'armes, & mandoit de toutes pars ses alliez, & que ia estoient à Vernō: parquoy le royaume estoit en danger d'estre perdu du tout. Et lors mondiēt Seigneur de Guyenne, Dauphin, & le Duc de Berry, son oncle, desplaisans de la mort de tant de notables gēs, ses bons seruiteurs, veu la promesse que luy auoit faicte le Duc de Bourgongne, son beau pere, cōsiderant le peril & danger dessusdiēt, trouuerent facon de gagner aucuns des principaulx de Paris: & vn iour de Vendredy, troisieme iour d'Aoust, s'assemblerēt plusieurs Parisiens de leur intelligence en l'eglise S. Germain, de Lauxerrois, & estoit chef de l'entreprinse vn nommé Augier, qui feit desployer vn estandard aux armes du Roy: & au point du iour partirent, allant vers l'hostel dudit Duc de Guyenne, en criant à haulte voix par les rues, la paix. Ledit Duc de Bourgongne qui en sceut la nouuelle, alla au deuant, pour cuyder empescher l'entreprinse: mais ledit Augier feit tousiours marcher l'estandard criant: La paix: plus fort que deuant, & vindrent iusques deuant l'hostel des Tournelles. Lors ledit Duc de Berry feit mōter son neveu le Duc de Guyenne à cheual, & vindrent au deuant dudit populaire, qui luy feit grand' reuerce, & il les receut benignement, & feit desployer son estadard, & cheuaucha avec eulx par la ville, & allerēt mettre hors de prison lesdiēt Ducz de Bar, & de Bauières, & tous autres prisonniers, Dames & Damoyelles: & pour lors lesdiēt bouchiers & escorcheurs de Paris, & autres menuz populaires, leurs complices, qui estoient du party de Bourgongne, estoient en l'hostel de la ville: lesquels quand ilz sceurent & virent que le Duc de Guyenne venoit & estoit le plus fort, se mussierent & s'en fuyrent chacun ou ilz pouoyent trouuer seureté: & s'en fuyrent la pluspart es pays du Duc de Bourgongne, & se nommoyent les Caboches: & tout incontinent ledit Duc de Guyenne manda le Duc d'Orléans, & ses alliez, pour venir deuers luy. Quand le Duc de Bourgongne en fut aduertý, il eut paour, doubtant que quand le Duc d'Orléans seroit venu, il ne se voulsist venger de la mort de son feu pere, p iustice ou autrement: si pēsa en luy de soy retirer, & cōment il pourroit emmener avec luy le Roy, & le tirer hors de Paris: & feit & practica à luy vn Cheualier, nommé Charles de Saucuse, qui gouernoit le Roy, tellement

De l'assemblée des Parisiens, qui se firent en l'eglise de S. Germain de Lauxerrois.

tellement qu'il le menast à la chace, affin qu'il peust faillir avec luy, & l'émener. Si alla le Roy iusques à Bondis, chacer: mais les Seigneurs, & ceulx de Paris, le conuoyerent si fort q̄ le Duc de Bourgogne n'eut pas la puissance: & s'en alla avec luy Enguerrâd de Bournouille, Cheualier, qui estoit Capitaine de la garde de mondict seigneur le Duc de Guyenne, & cheuauchèrent hastiuemēt iusques à Compiègne, ou ledict Duc meit garnison, aussi feit il à Soissons. Tantost arriuerent les Ducz d'Orleans, de Bourbon, & d'Alençon, à Paris, & les autres Seigneurs leurs alliez, q̄ ledict Duc de Guyenne auoit mandez: lesquelz ceulx de Paris receurēt à grand' honneur, & allerent au deuant d'eulx en robes de liurées, & y furēt tout l'yuer. Depuis y vint le Roy Loys de Cecille, Duc d'Aniou, qui fallia au Duc d'Orleans, de Bourbon, & autres Princes de leur alliance: parquoy il r'enuoya audict Duc de Bourgogne, sa fille, laquelle estoit fiancée à son filz aîné, & renonça à l'alliance qu'ilz auoyēt ensemble: dont ledict Duc de Bourgogne fut fort desplaisant & courroucé: & par ladiète alliée fut fait & traité le mariage de monseigneur Charles, dernier filz du Roy, & Comte de Ponthieu, & de la fille dudit Loys, Roy de Cecille, nommée Marie d'Aniou. Les seigneurs de France requirent réparation des choses qu'il auoit mal faites contre eulx, tant pour les excōmuniemens, que pour auoir saizy leurs terres, & banny leurs subiectz, & en tout ce qu'il fut possible obtindrent prouisiō du Roy.

*Le Duc de Bourgogne cuyda mener le Roy avec luy.*

*Du siege de Compiègne & Soissons, qui tenoyent pour le Duc de Bourgogne.*

**E**N l'an mil quatre cens quatorze, au moys d'Auril, se partit de Paris le Roy, monseigneur de Guyenne son aîné filz, les Ducz d'Orleans, de Berry, de Bourbon, d'Alençon & de Bar, les Comtes de la Marche, de Richemont, d'Armignac, de Vendosme, le Seigneur d'Albret, Connestable de France, & plusieurs grâds Seigneurs & Cheualiers, en nombre de six à sept mil hommes d'armes: & meirent le siege à Compiègne, que les gens du Duc de Bourgogne tenoyent: lesquelz rendirent la ville par composition. Puis alla le Roy à Soissons, que tenoit pour ledict Duc de Bourgogne messire Enguerrand de Bournouille, & vn Cheualier de Touraine, nommé monseigneur Menou: en hayne desquelz, pource qu'ilz auoyēt tenu ladiète ville contre le Roy, & tué Hector le bon bastard de Bourbon, ladiète ville fut prinse d'assault & pillée, & les eglises: dont fut grand' pitié & domage: & là furent decapitez ledict Enguerrand de Bournouille, & le Seigneur de Menou, & messire Guyot du Plessis, qui fut prins en l'Abbaye de saint Marc, qui est hors la ville, & fut enuoyé à Paris, & decapité aux Halles. Tous ceulx de ladiète ville furent prins prisonniers, & leurs maisons pillées, & y trouuerent les François de grandes richesses. De ladiète ville de Soissons s'en alla le Roy à Laon: & illec le Comte de Neuers, frere dudit Jehan de Bourgogne, vint deuers luy faire le serment de bien & loyaument le seruir enuers & contre tous, & iamaïs n'ayder au Duc de Bourgogne cōtre le Roy, ne son aîné filz le Duc de Guyenne. De là s'en alla le Roy à saint Quentin, ou il ouyt nouuelles qu'il venoit grand' armée des pays de Bourgogne, pour secourir le Duc, & ia estoient au pays de Thierasse: & incontinent monterent à cheual en armes, par le commandement du Roy, les Ducz de Bourbon & d'Alençon, & de Bar, le Comte d'Armignac, & le Connestable de France, & chacerent iceulx Bourgongnons depuis la chapelle Haulteresse iusques à nostre Dame de Haultz, en Brabant: & en tuerent plusieurs, & prindrent grand nombre de prisonniers, & y gaignerēt François de grâds richesses. De là tirerēt lesdictz seigneurs à Bapaulme, qu'ilz prindrent, & en chacerēt les Bourgongnons. Puis meirent le siege deuant la ville d'Arras, ou le Roy vint en personne avec lesdictz Princes: & le siege durant, le Roy fut griefue-ment malade. Ledit Duc de Bourgogne seiournant lors en la ville de Douay, ladiète ville d'Arras fut fort batue d'Artillerie: & ce pēdant la Comtesse de Hollande, soeur dudit Duc de Bourgogne, vint plusieurs fois deuers le Duc de Guyenne, qui auoit espousé sa fille, pour faire l'appoinctement. Ledit Duc de Guyenne fut fressle, & tellemēt mené & persuadé qu'il feit leuer ledict siege, disant que ledict Duc de Bourgogne enuoyeroit à Paris messages, ayās puissance de traiter de paix: & se meit à chemin pour venir à Paris: dont les Seigneurs ne furent pas contens. Tantost apres ledict retour feit ledict Duc de Guyenne assembler vn grand Conseil à saint Denis, ou estoient les Ducz de Berry, d'Orleans, de Bourbon, de Bar, & autres grâds Princes. Le Duc de Bourgogne y enuoya le Comte de Hollâde, qui auoit sa soeur espousée, qui feit de grandes remonstrances, pour auoir preeminence: & les choses debatus, ledict Duc de Guyenne feit dire à tous lesdictz Seigneurs, par l'Euesque de Chartres, son Chancelier, qu'il vouloit la paix entretenir & garder entre eulx: & à tant se departit du Conseil.

*L'an mil cccc.xiiii.*

*La ville de soissons fut prinse & pillée.*

*Aucunes fois il nomme ce pays Thierache.*

*Le siege mis deuant la ville d'Arras.*

*Comment le Duc de Guyenne, Daulphin, print le gouuernement du Royaume.*



Antoist apres le Duc de Guyenne s'en retourna à Paris, & print le gouuernement du royaume, & se nōma Regent: & accueillit autour de luy ieunes gens, adonnez à plaifance, en telle maniere que nulles gens, mefmement les Ducz d'Orleans, de Berry, & de Bourbon, ny autres, ne pouoyēt auoir accez à luy, pour luy parler des grandus affaires du royaume, ausquelz failloit donner prouision. Auec ce ne voulut veoir la Duchesse, sa femme, & l'enuoya a Marcoucy, à petit estat: & par despit de ce que les Princes, qui estoient à Paris, assistoyent au Conseil, & expedioyent les besongnes & affaires sans luy, par ce qu'il n'y entendoit point, il s'en alla à Melun, & n'en voulut reuenir de long temps: & pour son absence ne pouoit on conclurre es faitz du royaume. La Royne, sa mere, & le Duc de Berry delibererent d'aller à Melun, pour le faire retourner, & allerent iusques à Corbeil: mais quand il sceut la venue, il leur manda qu'ilz n'allassent plusauant, & que le lendemain il seroit à eulx audiēt Corbeil, & y enuoya ses Fourriers pour faire son logis: mais le lendemain bien matin il partit de Melun, & tint le droiēt chemin de Paris, sans passer à Corbeil: & quād luy & ses gens eurent passé le pont de Charēton, il feit leuer le pont & fermer la porte, & emporta auec luy les clefz. puis vint à Paris: & en entrant feit leuer le pont, & fermer la porte S. Anthoine. Quand il fut en son logis, il enuoya querir les clefz de toutes les portes de Paris, & alla logger au Louure, dont ceulx de la ville furent effrayez: car lors estoiet tous les Seigneurs hors Paris, par deuers lesquelz ilz enuoya le lendemain, leur dire qu'ilz s'en allassent viure en leurs Seigneuries, & ne retournassent point en Court, sans son commandement expres: lesquelz obeyrent, & s'en allerent: & tantost apres il manda le Duc de Berry, qui assista au Conseil, comme deuant, ou lediēt Duc de Guyenne ne se trouuoit que peu. Celuy an vint à Paris (par saufconduyēt) le Duc d'Yorr, l'Archeuesque de Vvicestre, & le Comte t d'Orset, oncles du Roy Henry d'Angleterre, pour demander en mariage madame Katherine de France, fille du Roy: & surēt bien festoyez: & apres leur demande faicte, leur fut respondu que pour l'heure on n'y pouoit entendre, & leur feit on ladiēte responce, par ce qu'on sçauoit certainemēt que lediēt Roy d'Angleterre faisoit grosse armée pour descēdre en Normandie. parquoy s'en retournerēt bien desplaisans: & requirent qu'on les menast monter sur mer, pour retourner en Angleterre, & qu'ilz vouloyent monter à Harfieu: mais c'estoit principalement pour veoir & considerer la ville, & comment elle estoit fortifiée. En celle année mil quatre cens quatorze la Comté d'Alençon fut erigée en Duché.

Du Regēt en France q fut apporter en son logis les clefz de toutes les portes de Paris.

t paruant il escriit Orset.

La Comte d'Alençon en Duché.

*De la bataille d'Azincourt, dommageable aux François.*

L'an m.cccc. & quinze.



N l'an mil cccc. xv. au moys d'Aouft, Héry, Roy d'Angleterre, quint de ce nom, descēdit en Frāce à moult grand' armée, & entra par la bouche de Seine au Chef de Caux, & meit le siege deuant Harfieu, ou festoyēt retraictz la pluspart des Barons de Caux: & auec eulx estoit le seigneur de Gaucourt. Les Ducz de Guyenne & de Berry allerent à Rouen, & assemblerent gens & viures pour aller secourir ceulx de Harfieu: mais ilz furent si clos, & si pressiez de la baterie des Canons, quilz ne peurent estre secouruz, & y en mourut plusieurs, & entre autres vn vaillant Cheualier nommé le Boudoan de la Heuze. Finablement furent les François tenuz si à destroit, tant par diminution de leurs gens, que par blessures & par famine, qu'ilz furēt contrainctz bailer ladiēte ville, à la volonté du Roy d'Angleterre. Puis cheuaucha toute Normandie, & presque Picardie, pour tirer à Calais, le long du riuage de la mer: & passerēt la riuere de Somme, entre Corbye & Peronne, à vn lieu nōmé Beauquesne: & se trouuerent au deuant desdiēt Anglois presque tous les Princes, & grands Seigneurs de France, qui auoyēt esté mandez à Blangy, pres d'Azincourt: c'est à sçauoir le Duc d'Orleās, le Duc de Bourbon, le Duc de Bar, le Côte de Neuers, le Duc de Braban, le Comte d'Eu, le Comte de Védosme, le seigneur d'Albret, Cōnestable de France, Bouciquault, Mareschal de France, le Comte d'Aumalle, le Comte de Vaudemōt, frere du Duc de Lorraine, le Comte de Roucy & de Viēne. Tous lesquelz auoyēt en leur cōpaignie dix mil hommes d'armes, tous Cheualiers, & Escuyers. Le Roy d'Angleterre auoit en sa cōpaignie ceulx de son sang & lignage, & mil v.c. hommes d'armes, & de xvj. à xvij. mil Archiers: lesquelz François & Anglois estoient bien pres les vns des autres. Le Roy d'Angleterre veit que les François estoient en mauuais ordre: car les vns se pourmenoyēt, & les autres s'alloyēt chauffer & repaistre, eulx & leurs cheuaulx, & ne se tenoyent point ensemble en bataille, & ne cuydoient point q les Anglois les osassent combattre, veu la contenance qu'on leur auoit veu tenir par deux iours. Lesdiēt Anglois soudainement assaillirent & frapperent dessus

De la uille de Harfieu q fut contraincte de se rendre au Roy d'Angleterre



dessus les François, le iour S. Crespin xiiij. iour d'Octobre, mil cccc. xv. & par la permission di  
uine furent lesdictz Seigneurs, Ducz, & Comtes François desconfitz, & y mourēt les Ducz  
d'Alençon, de Bar, de Lorraine, & de Brabant, le Côte de Neuers, le Seigneur d'Albret, Con  
nestable de France, l'Archeuesque de Sens, & autres plusieurs grands Seigneurs, Barons, Che  
ualiers, Escuyers, & autres: & les Ducz d'Orleans & de Bourbon, les Comtes d'Eu, de Ven  
dosme, & de Richemont, filz du Duc de Bretagne, qui depuis fut Connestable de France, &  
le Mareschal Bouciquault, & plusieurs autres grands Seigneurs, Barons, Capitaines, Cheua  
liers, & Escuyers furēt prins prisonniers: & de la partie du Roy d'Angleterre y mourut le Duc  
d'Yort; & enuiron quatre cēs Anglois, & des François bien quatre mil, q̄ Cheualiers qu'Es  
cuyers. A ce iour estoient le Roy, le Duc de Guyenne, & le Duc de Berry à Rouen: lesquelz,  
deux iours apres, sceurent ces nouuelles, dont ilz furent fort desplaisans. Le Roy d'Angleterre  
meit lesdictz prisonniers à rançon, & les enuoya en Angleterre, ou ledict Duc de Bourbō tref  
passa, apres qu'il y eut esté prisonnier xvij. ans, & payé presque toute sa rançon: & gist à Lon  
dres en l'eglise des Cordeliers. Dieu en vueille auoir l'ame, car c'estoit vn bon Prince.

De la grosse  
desconfitu  
re des Fran  
coys, pres  
Azincourt,  
par les An  
glois.

Du Duc de  
Bourbō qui  
fut xviii. ds  
prisonnier en  
Angleterre

*Comment le Comte d'Armignac fut fait Connestable de France: & comment le  
Duc de Bourgongne vint deuers le Roy, en armes.*

**L**Antoist apres ladiēte desconfiture en vindrēt nouuelles au Roy, luy estant en ladi  
ēte ville de Rouen. si assembla son Conseil, & enuoya querir le Comte d'Armi  
gnac: lequel vint, & avec luy amena vne grosse armée: & quād il fut venu, le Roy  
par grand' deliberation de conseil, le fait Connestable de France: lequel fut receu  
au serment, & en fait hommage au Roy: & tout incontīnēt il sceut que le Com  
te d'Orset, Anglois, estoit au pays de Caux, & gastoit tout le pays, & festoit parqué en vn lieu  
appelé Vallemont. Lediēt Connestable tira droit la, & en sa cōpagnie estoient mes seigneurs  
Loys de Longny, Mareschal de France, & plusieurs Capitaines: & l'assaillirent moult aspre  
ment, & combattirent tout le iour, iusques à la nuyt, & en tuerent bien quatre cens. Quand  
la nuyt s'approcha, lediēt Comte d'Orset enuoya deuers lediēt Connestable, requerir trefues  
iusques au lēdemain: lesquelles il luy octroya, mais la nuyt iceluy Comte s'enfuyt si hastiue  
ment q̄ luy & ses gens perdirent tous leurs cheualx: & le lendemain au point du iour, quand  
lediēt Cōnestable s'en apperceut, il courut apres le long de la coste de la mer, & moult en tua,  
& fait noyer en la mer, mais lediēt Comte d'Orset se sauua dedans Harfleu. En ce temps le  
Duc de Bourgongne, qui fut courroucé de la mort de ses deux freres, qui estoient mors à Azin  
court, se partit de ses pays à tout grād' armée, & s'en vint vers Troyes. Le Roy, qui sceut sa ve  
nue, luy māda que s'il vouloit aller contre les Anglois, il luy bailleroit le Gouuernemēt: mais  
il fait responce aux Ambassadeurs qu'il s'en venoit pour parler au Roy, & à monseigneur de  
Guyenne, son gendre: lesquelz furent courroucez contre luy, de ce qu'il venoit vers eulx en  
armes: & manda le Roy aux villes d'entre Paris & Troyes, qu'on ne luy feist nulle ouuerture:  
ce neantmoins ceulx de Laigny le bouterēt en leur ville, ou il fut depuis la sainct Martin d'y  
uer iusques à Karesme prenant, esperāt tousiours qu'en la ville de Paris y auroit quelque com  
motion, & que ceulx de ladiēte ville le mettroient dedans.

*De la mort du Duc de Guyenne, & Jehan, son frere, aînez filz du Roy.*

**L**Nuiron la feste de Noel, audiēt an mil quatre cens, & quinze alla de vie à trespas l'an mil  
mondiēt seigneur Loys, Duc de Guyenne, Dauphin de Viennoys, aîné filz cccc. xv.  
du Roy, & fut enterré dedans l'eglise nostre Dame de Paris: lequel ne fut gue  
res plaint, par ce qu'il estoit mal conditionné, & ne vouloit faire les choses qu'a  
sa volonté, sans croire conseil. Et lors demourerent à la garde de Paris le Com  
te d'Armignac, Connestable de France, & messire Tāneguy du Chastel, Preuost de Paris, &  
fut fait Capitaine d'icelle ville monseigneur Charles, Comte de Ponthieu, dernier filz du  
Roy. Ce voyant le Duc de Bourgongne vint à Laigny à grand' puissance, & y seiourna  
par aucuns iours, esperant qu'aucune commotion se feist en la ville de Paris, & que les Bour  
geoys le mandassent: mais tellement y fut pourueu qu'aucun inconuenient n'y aduint: &  
voyant qu'il estoit loing de son entente, il fait requerir que sa fille la Duchesse de Guyenne,  
qui estoit veufue, luy fust rendue. ce qui fut accordé, & luy fut menée iusques à Brye Com  
terobert, ou il l'alla querir, & l'en emmena en son pays. En icelle année le Prince d'Oren  
ge, qui tenoit le party du Duc de Bourgongne, print & saisit presque tout le pays de Langue  
doc, & n'y auoit personne qui luy resistast pour le Roy. Apres le trespas de mondiēt seigneur

## LES CRONIQVES ET ANNALES DE FRANCE

de Guyenne, aîné filz du Roy, fut mandé au Duc de Bauhere, Comte de Henault, qu'il amenaist monseigneur Iehan de France, second filz du Roy, qu'il auoit avec luy, par ce qu'il auoit espousé sa fille, pour prédre la Regéce, & auoit le Gouuernemēt du royaume, & entretenir la guerre: lequel se meit à chemin, & vint iusques à Compiègne, & la mourut: & fut enterré en l'eglise S. Cornille, & par sa mort monseigneur Charles, Comte de Ponthieu, fut Daulphin.

### *De la venue de l'Empereur à Paris: & de la mort du Duc de Berry.*

L'an mil  
cccc. xvi.



N l'an m. cccc. xvj. le Duc de Bourgogne enuoya secrettemēt dedās Paris, messire Iehan de Poix, par deuers aucūs ses fauteurs, qui auoyēt entrepris faire esmouuoir le cōmun le iour de Pasques deuers le soir, & faire tuer tous ceulx qui auoyēt accointāce au Duc de Berry, d'Orleans, & de Bourbon: mais messire Tāneguy du Chastel, Preuost de Paris, en fut aduertty, & assembla & feit armer force gēs, & cheuaucha par Paris, & prindrēt plusieurs des coupables prisonniers: mais lediēt de Poix s'eschapa & s'enfuit. Entre lesdictz prisonniers fut prins le Doyen de Tours, qu'on appeloit le Boiteux d'Orgemont, qui fut filz de Pierre d'Orgemont, en son viuāt Chancelier de Frāce: lequel estoit des principaulx de la cōspiration, & par sentēce fut condāné, & mené es prisons de l'Euesque d'Orleāns, à Mehun sur Loyre en chartre perpetuelle, apres ce qu'il eut esté presché au paruy nostre Dame de Paris, & la mourut miserablemēt insensé: & plusieurs des autres coupables furēt decapitez.

Doyē de  
Tours q fut  
codamnē à  
perpetuelle  
prison.

En ladiēte année l'Empereur Sigismond vint à Paris, & le festoya moult grandemēt le Duc de Berry, son oncle, & de la s'en alla lediēt Empereur en Angleterre, pour cuyder trouuer facon de faire appoinctemēt entre les François & Anglois, & pour la deliurāce des prisonniers: mais riens n'y feit. Tantost apres mourut à Paris le Duc de Berry, en son hostel de Neelle (lequel auoit d'aage quatre xx. & neuf ans) dont fut dōmage de sa mort: car il estoit bon, doulx, & paisible, Prince de noble courage, liberal, & abandonné, ayant ioyaulx & edifices: & fut son corps porté enterrer en sa sainte Chapelle du Palais de Bourges, qu'il auoit fait edifier de moult bel & riche ouurage: & aussi auoit fait edifier le Palais de Poitiers, l'hostel de Neelle à Paris, & de Vicesbre, les chasteaulx d'Vsson la Nonnette, en Auuergne, Mehun sur Yeure, en Berry, & autres, iusques au nombre de xvij. Palais & Chasteaulx: & si auoit donné à l'eglise de Paris le chef S. Philippe Apostre, à S. Denis en Frāce le chef S. Benoist, & plusieurs autres beaulx, grands, riches, & sumptueux reliquaires & ornemens d'eglise, aornez de riches pierres precieuses de grand pris, & semblablement par toutes les eglises & villes de ce royaume, plus que iamais n'auoit fait Prince viuant sur terre. Aux seigneuries dudiēt Duc succeda le Roy, excepté que le Duc de Bourbon, qui auoit espousé sa fille, succeda en la Duché d'Auuergne, & Comté de Montpēsier. Au Karesme ensuyuant, en iceluy an, mourut Loys, Roy de Cecille, Duc d'Aniou, en la ville d'Angiers: & luy succeda mōseigneur René, son filz aîné, au royaume de Cecille, d'Arragon, & de Hierusalem, & audiēt Duché d'Aniou: & monseigneur Charles, son second filz, fut depuis Côte du Maine, & eut encores d'autres terres: & ne demoura plus aucuns Princes du sang du Roy autour de luy. parquoy lediēt Comte d'Armignac, Cōnestable, print tout le gouuernemēt du royaume, tant des fināces qu'autres affaires, qui ne fut pas à chacun agreable: car il n'entretenoit q Gascons, & gens de son pays. En ce tēps, par l'ordonnance dudiēt Côte d'Armignac, fut la Royne, & madame Katherine, sa fille, menée à Bloys, & de là à Tours, par le Presidēt de Prouence, messire Iehan Louuet: & feit lediēt d'Armignac grād' mutatiō d'Officiers & seruiteurs: & pource q ladiēte Royne auoit mis de grāds thresors & bagues en plusieurs Eglises collegialles & autres lieux, lediēt Comte d'Armignac, par mandemēt royal les feit prédre, pour conuertir es affaires du Roy, cōme il disoit.

Bastiment  
du chasteau  
de Vicesbre  
& autres  
places fai-  
ctes par le  
Duc de Ber-  
ry.

† Les Cro.  
d'Aniou, et  
autres, met-  
tent Loys &  
son filz de-  
uant René.

### *De la guerre que feit le Duc de Bourgogne cōtre monseigneur le Daulphin: & comment il print la Royne, & sa fille, en ses mains: & cōment mōseigneur le Daulphin vint à Paris.*

L'an mil  
cccc. xvij.



A n mil cccc. xvij. monseigneur le Daulphin Charles, qui parauāt estoit nommé Comte de Ponthieu, s'en partit secrettemēt de Paris, ou il estoit, pour aller à Angiers, à l'obsequie du feu Roy Loys de Cecille, Duc d'Aniou, son beau pere: leql fut enterré en la grand' eglise saint Maurice: & luy estant à Angiers luy vindrēt nouuelles que ceulx de la ville de Rouen festoyent esleuez, & auoyēt tué le seigneur de Gaucout, qui estoit le Baillif dudiēt lieu, nommé Raoul de Gaucourt, & les Aduocat & Procureur du Roy, & auoyent mis & tenoyent le siege deuant le chastel, duquel estoit Capitaine messire Iehan de Bourbon, seigneur de Preaulx. Si se meit à chemin pour y aller, & passa par Chartres, ou il eut nouuelles que le seigneur de Chastellun, & messire Guy de Bar, le Comte

Ceulx de  
Rouen tue-  
rēt leur Bail-  
lif, Aduo-  
cat, & le  
Procureur  
du Roy.

le Comte de Ioiny, & autres Seigneurs de Bourgongne estoient venus mettre le siege deuant S. Florentin. Si y enuoya mondict seigneur le Daulphin le grand Maistre des Arbalétriers de France, le Marechal d'Orleans, le seigneur de Vaugour, & autres, avec viij. c. homes d'armes: mais auant qu'ilz fussent la arriuez lesdictz Bourgongnons estoient entrez en ladicte ville. Quand ceulx de ladicte ville de Rouen sceurent la venue de monseigneur le Daulphin, en si grand' puissance qu'il estoit, ilz allerent au deuant de luy, & luy remonstrentent que ce qu'ilz auoyent fait, c'estoit pour les grands extorsions que leur faisoient les gens d'armes du Roy, qui estoient au pays de Caux (desquelz estoit Capitaine Jehan Rolet) & non pas pour empêcher l'autorité de mondict seigneur le Daulphin, & le receurent dedans la ville honnorablement: parquoy il leur pardonna benignement l'offence qu'ilz auoyent faicte: & leur fut baillé pour Capitaine & Gouverneur de ladicte ville & chastel, le Comte d'Aumalle, & demourerent avec luy plusieurs Seigneurs de Normandie. Audiect lieu de Rouen mondict seigneur le Daulphin eut nouuelles que le Roy d'Angleterre estoit descendu en Normandie, & ia auoit mis le siege deuant le chastel de Touque, qui luy fut baillé: & tost apres, vne heure ou deux, eut autres nouuelles que le Duc de Bourgongne estoit en Beauuoysin, & venoit à grand' puissance deuant Paris. Si vint iceluy Duc à Pontoise, qui luy fut baillée sans resistance, & passa Seine, à Poissy. Si eut illec mondict seigneur le Daulphin conseil, pour scauoir s'il demourroit à Rouen, pour resister au Roy d'Angleterre, ou s'il yroit garder Paris contre le Duc de Bourgongne: & illec fut deliberé qu'il yroit à Paris pour le mieulx. ce qu'il feit: & tantost apres qu'il y fut arriué, le Duc de Bourgongne y arriua aussi du costé de Montlehery, & se logea en vn village nommé Vanues, & au Bourg la Roynne, & autres villages d'environ, à grand' armée, ou il fut trois semaines sans en partir: & dedans la ville estoient avecques mondict seigneur le Daulphin, le Comte d'Armignac, Connestable de France, le Vicomte de Narbonne, messire Tanneuy du Chastel, Preuost de Paris, les Seigneurs d'Arpaion, de Seuerac, & plusieurs autres grands Seigneurs, qui faisoient tous les iours plusieurs grandes saillies, & escarmouches, sur lesdictz Bourgongnons. De la sen partir le Duc de Bourgongne, & sen alla par Montlehery, qu'il print. Puis alla à Corbeil, ou il mit le siege: mais riens n'y feit: car pour deffendre la ville y estoit allé le seigneur de Barbazan, & enuoya le seigneur de Tholongon, à tout grand nombre de gens, qui mit le siege deuant la place d'Orsay. Les Seigneurs qui estoient à Paris, y enuoyerent hastiuement des gens d'armes, qui frapperent sur les Bourgongnons, & les desconfirent, & enamerent grand nombre de prisonniers à Paris: & par ce sen alla en Gastinois. Apres tira ledict Duc de Bourgongne au Puiset, ou il trouua ledict seigneur de Barbazan, & Bertrād de la Tour, filz du seigneur de la Tour en Auuergne, qui luy resisterent si bien qu'il fut contrainct de passer outre, & sen alla iusques à Chartres: car la ville festoit mise en son obeysance, par le moyen de Helyon, seigneur de Iaqueuille, lequel auoit fait emprisonner plusieurs Bourgeoys & Nobles personnes, & rendoit à toutes fins de les faire decapiter, pour auoir leurs biens: & vn iour obtint cōgé dudit Duc de Bourgongne de ce faire: mais Dieu luy retrencha sa malle volonté: car vn nommé Hector de Saucuse, qui auoit debat à luy, en entrant en l'eglise nostre Dame de Chartres le rencontra. Si le feit prendre par ses varletz, & le feit ietter hors de l'eglise, & tuer, & trayner iusques deuant le logis du Duc de Bourgongne: & à grand' diligence sen alla ledict Duc de Bourgongne deuers la Roynne, qui estoit en Touraine: laquelle l'auoit secrettement mandé, pour aucuns desplaisirs qu'elle disoit que le Comte d'Armignac, & autres des Officiers du Roy, & de mondict seigneur le Daulphin, luy auoyent faictz: & furent prins les Châcelier & secretares de ladicte Roynne, par ce qu'elle disoit qu'ilz auoyent descelé les thresors du Roy, qui estoient en aucunes eglises, ou elle les auoit mis en garde, & que ledict Comte d'Armignac, & le President de Prouence, maistre Jehan Louuet, les auoyent prins: & alla ledict Duc de Bourgongne iusques à Marmonstier, lez Tours, ou il trouua la Roynne, qui ioyeusement le receut, & le mena à Tours, & à la venue ceulx de la cité crierent Noel. Quand ilz eurent la seiourné aucuns iours sen reuint ledict Duc de Bourgongne, & amena ladicte Roynne, & sa fille Katherine, à Chartres, ou il fut longuement: & ce pēdant aucuns trahystres luy cuyderent donner entrée à Paris, & y vint ledict Duc secrettement: mais la trahyson fut descouuerte, & en furent decapitez aucuns qui en estoient cause: & par ce sen retourna ledict Duc à Chartres: & audiect voyage perdit grand nōbre de ses gēs, de trauail & de froidure: & la se print si grand' mortalité sur ses gens qu'ilz mouroyent sur les fumiers. Adonc sen partirēt de Chartres, luy, la Roynne, & madame Katherine, & les mena à Ioiny, & de la à Troye: & la constitua vn Parlemement, & feit maistre Eustace de Lestre, Châcelier de par le Roy. Le Comte d'Armignac, Cōnestable de France, avec quinze cens lances suyuit ledict Duc de Bourgongne, iusques à Ioiny, mais il ne peut passer la riuere. Si sen retourna sans riens faire. Par ce que dict est, on peut veoir q le royaume cheut en grand' diuision: car

*Du Roy  
d'Angleterre  
q descendit  
en Normandie,  
et print le  
chastel de  
Touque.*

*Du Duc de  
Bourgogne  
qui n'ouloit  
entrer à Paris,  
& se vint  
loger à  
Vanues, au  
Bourg la  
Roynne, &  
aux environs.*

*De la venue  
du Duc de  
Bourgogne  
à Tours*

*Le royaume  
de France  
ce q cheut  
en grosses  
diuisions.*

le Roy Henry d'Angleterre, duquel ledi<sup>t</sup> Duc de Bourgogne s'estoit allié, estoit en celle saison faisant guerre en Normandie, conquerant villes & chasteaulx : & d'autre part ledi<sup>t</sup> Duc meit en son obeissance plusieurs villes, citez & chasteaulx, & presque toute Picardie, Châpaigne, & Vermendois, dont plusieurs se repentirent. Tantost apres, messire Tanneguy du Chastel, Preuost de Paris, print le chastel de Montlehery, sur les Bourgongnōs. puis alla mettre le siege à Senlis, qui tenoit pour le Duc de Bourgogne. Ceulx de la cité promirent la rendre à certain iour filz n'estoyent secouruz, & de ce baillerent ostages : & pource qu'ilz ne la rendirent pas au iour promis, ledi<sup>t</sup> Preuost feit copper la teste aux ostages & s'en retourna. Puis alla ledi<sup>t</sup> Preuost à Cheureuse, & print & pilla la ville, mais il ne peut prendre le chastel.

*De la prinse de Caen par les Anglois.*



Le Duc de Bourgogne fut prononcé excommunié.

EN celle saison le Roy d'Angleterre print d'assault la ville de Caen, ou estoit le seigneur de Mōtenay. puis meit le siege à Falaise, ou estoit messire Oliuier de Man-ny : & apres print saint Lo, Bayeux, & plusieurs autres villes & forteresses, les vnes par assault, & les autres par composition. En ce tēps fut mis es mains des maistres de la foy à Paris, la proposition que le Duc de Bourgogne auoit fait faire, pour vouloir soustenir qu'il auoit bien fait de faire mourir le Duc d'Orléans, & aussi la sentence d'excommuniement qu'il auoit fait prononcer contre les Seigneurs du sang : & apres plusieurs Conseilz, furent lesdictes propositions & sentence condamnées, comme erronées, & mal sonnantes touchant la foy, & le Duc de Bourgogne prononcé excommunié, à cloches sonnans, & chandelles estainctes. En celle saison messire Jehan de Chaalons, Prince d'Orenge, le Seigneur de saint George, & autres qui tenoyent le party du Duc de Bourgogne, avec grand armée se partit de Bourgongne, & passa par Lyonnois : & de la tira le long du Rosne, par le pays de Viennois, iusques en Auignon, & print le pont saint Esprit. Messire Regnault de Chartres, Archeuesque de Reims, & messire Jehan de Lenis, Cheualier, seigneur de Vauuert, assemblerent les Nobles d'Auuergne, & de Viennois, pour luy aller resister : mais auant qu'ilz y fussent ledi<sup>t</sup> Prince auoit ia mis toutes, ou la pluspart des citez, villes & places de Lâguedoc, en obeyssance pour ledi<sup>t</sup> Duc de Bourgogne (reseruees les villes de Beaucaire, & de Villeneuve, lez Auignon) & en fut ledi<sup>t</sup> Prince d'Orenge Gouverneur, pour ledi<sup>t</sup> Duc : & ce faisoit faire iceluy Duc, principalement affin que mondi<sup>t</sup> seigneur le Daulphin ne se peust ayder des finances du pays.

*Comment le Seigneur de Lisleadam entra à Paris, criant Viue Bourgongne: & comment monseigneur le Daulphin se retrahit en la Bastille: & comment le Comte d'Armignac, Connestable de France, fut tué, & plusieurs autres, à Paris.*

L'an mil cccc xvij.



De l'audace du seigneur de Lisleadam.

AN mil quatre cens dixhuyt s'assemblerent aucuns des Conseilliers du Roy, & du Duc de Bourgogne, en vn village, nommé la Tumble, pres Mōstereau fault Yonne, pour trouuer moyen de faire quelque appoinctement : mais ledi<sup>t</sup> Duc de Bourgogne faisoit de si excessiues demandes, contre l'honneur du Roy & du Daulphin, qu'il sembloit bien qu'il ne vouloit point d'appoinctement : & par ce s'en retournerent sans riens faire. Ceulx de Paris estoient si lassez & foulez de la guerre desdictz Seigneurs, qu'ilz cōmencerent à murmurer contre ledi<sup>t</sup> Connestable d'Armignac, par la persuation que leur faisoit faire ledi<sup>t</sup> Duc de Bourgogne : & le vingtneufieme iour de May, au point du iour, messire Jehan de Villiers, seigneur de Lisleadam, à tout trois cēs hommes combatans, entra par la porte saint Germain des pres dedans la ville de Paris, de par le Duc de Bourgogne : & luy ouurit la porte vn nommé Perrinet le Clerc, vendeur de fer, qui auoit emblé la clef de ladi<sup>t</sup> porte : & fut ledi<sup>t</sup> seigneur de Lisleadam au meillieu de ladi<sup>t</sup> ville auant qu'on s'en apperceust, cheuauchant luy & ses gens à banniere desployée, en criant : La paix, bonnes gens, la paix, viue Bourgongne. Ceulx qui estoient du party dudi<sup>t</sup> Duc de Bourgogne, & qui estoient en la ville, & demouroient en icelle, au quartier des Halles, & pareillement tous les bouchiers, prenoyēt la Croix blanche saint André, & tant plus alloient dedans la ville, tant plus croissoient leurs compagnies : & ceulx qui tenoyent le party du Roy, dudi<sup>t</sup> Duc d'Orléans, de Berry, de Bourbon, d'Alençon, & des autres Seigneurs s'en fuyoyent, & se mussoient ou ilz pouoyent, & furent leurs maisons pillées. Quand monseigneur le Daulphin, messire Tanneguy du Chastel, le Presidēt de Prouence, & messire Jehan Louuet, & autres grands gens de la maison de mondi<sup>t</sup> seigneur le Daulphin, qui estoient en la ville, sceurent ces nouuelles, ilz se retrahyrent en la Bastille saint Anthoine :

Anthoine: & lors iceluy seigneur de Lisleadam vint à S. Paul, ou estoit le Roy, accompagné de plusieurs qui auoyent esté Officiers du Roy, pendant le temps que le Duc de Bourgogne gouuernoit, & prindrent congnoissance au Roy, & le firent monter à cheual (car pour l'heure, il n'estoit pas en bon propos) & le firent cheuaucher & aller par la ville. parquoy ilz eurent tout le commun pour eulx: & prindrent & pillerēt toutes les maisons des Seigneurs, & Bourgeois, qui demouroient en la ville: c'est à sçauoir de ceulx qui tenoyent & aymoyent le party du Roy, de monseigneur le Dauphin, & de monseigneur le Duc d'Orleans, & en prindrēt plusieurs prisonniers, & en tuerent beaucoup: & entre autres ilz tuerent le Comte d'Armignac, Connestable de France, messire Henry de Marle, Chancelier de France, le Comte de grand Pré, & autres, tant Prelatz, Barons, Cheualiers, & Escuyers, qu'Officiers, Bourgeois, & Marchans: & en tuerent dedans les prisons, ou ilz les auoyent mis: & estoient cōducteurs de ceste besongne & malfaict le seigneur de Lisleadam, messire Jehan de Luxembourg, messire Charles de Lan, messire Claude de Chastelez, & messire Guy de Bar. Quand ledict Comte d'Armignac, Connestable de France, fut ainsi tué, ilz le meirent en la court du Palais, tout nud, sur la pierre de marbre: & pource qu'il portoit en ses liurées & deuises vne bade, lesdictz seducteurs luy leuerent vne courroye de sa peau, depuis l'espaule iusques au genoil, & la luy meirent en bande au trauers de son corps, & plusieurs desdictz prisonniers feirēt saillir par les fenestres, & par dessus les murs des prisons, par le Bourreau de Paris, & par plusieurs portefaix & brigans des villages d'entour Paris: & en firent bien tuer & noyer iusques au nombre de trois mil: car si vn hōme eust parlé du sien, ou qu'il eust demandé aucune debte d'or, ou d'argent, son ennemy le faisoit tuer, en donnant vn escu, soubz vmbre de luy mettre sus qu'il estoit de la partie du Roy, & du Comte d'Armignac.

De la grosse pillerie qui fut faicte à Paris par les gens du seigneur de Lisleadam.

De l'humilité qui fut faicte au Comte d'Armignac, à Paris.

*Comment les gens de monseigneur le Daulphin faillirent à recouurer Paris: parquoy il s'en alla à Bourges, & puis à Saumur.*

**I**ncontinent, & le lendemain, que ses gens furent entrez dedans Paris, monseigneur le Daulphin fut par messire Tanneguy du Chastel, transporté nuyctamment hors de ladicte Bastille, & mené à Meleun, & en passant laisserent garnison au pont de Charenton: & furent mandez audict Meleun tous les gens d'armes de son party, venir autour de luy. Si vindrēt deuers luy messire Pierre de Rieux, Marechal de France, le Seigneur de Barbazan, & plusieurs autres Capitaines, & retournerēt à Paris, & entrèrent dedans par la Bastille saint Anthoine, cuydans recouurer la ville: & vindrent ses gens par la grand' rue saint Anthoine, iusques à la porte Baudet: mais pource qu'aucuns se bouterent dedans les maisons, pour les piller & rober, à ceste occasion ilz perdirent à recouurer la ville, & furent reboutez & contrainctz à eulx retirer. Parquoy s'en retira mōdiēt Seigneur le Daulphin, & son armée, à Melun, & de la alla à Bourges: & ainsi demoura le Roy es mains dudiēt Duc de Bourgogne: & madame la Daulphine, qui estoit à Paris, se meit en l'hostel de Bourbon, ayant grand' paour, veu les maulx qu'elle veoit faire en la ville de Paris. Mondict seigneur le Daulphin enuoya ses gens d'armes à Meaulx, à Coucy, & à Guyse, & es places d'environ: & fit son Capitaine & Lieutenant general ledict messire Tanneguy du Chastel, Preuost de Paris, es pays de France, Champagne, & Brye.

En ce temps monseigneur le Daulphin enuoya au Comte de Foix lettres pour estre de par luy Gouverneur des pays de Languedoc, qu'auoit entrepris le Prince d'Orège, pour le Duc de Bourgogne: si l'accepta ledict Comte: & incontinent fit son armée, & manda tous ses amys & alliez, & mesmement le fit sçauoir aux gens des bonnes villes dudiēt pays de Languedoc. parquoy en peu de temps il recouura tout le pays de Languedoc, & le meit en l'obeissance de mōdiēt seigneur le Daulphin, & en chacea honteusement ledict Prince d'Orange, iusques en Bourgogne. En celle saison mōdiēt seigneur le Daulphin alla mettre le siege à Suilly, pource que le seigneur de la Trimouille, seigneur dudiēt lieu, auoit prins l'Euesque de Clermont, son Conseiller, lequel festoit eschapé de Paris des mains de ses aduersaires, & fut ledict Euesque deliuré. Parquoy mōdiēt seigneur le Daulphin s'en alla droit à Tours, qui tenoit pour le Duc de Bourgogne, & en estoit Capitaine vn Breton, nommé Charles l'Abbé: lequel par cōposition s'en alla en son pays, & ceulx de la ville demourerēt sans riens perdre: puis s'en alla mōdiēt seigneur le Daulphin à Chinon, & de la Bourges. En ce temps, c'est à sçauoir environ quarante iours apres ledict meurtre, le Duc de Bourgogne vint à Paris: & illec vint deuers luy le Duc de Bretagne, qui estoit fort son amy, pour cuyder trouuer moyē de faire l'appoinctement entre mōdiēt seigneur le Daulphin & luy, & luy pria qu'il luy deliurast madame la Daulphine sa femme. ce qu'il feir: & la mena ledict Duc de Bretagne à mōdiēt seigneur



le Daulphin, son mary, à Saumur. Le Samedi. xiiij. iour d'Aoust audict an, par le moye dudiect Duc de Bourgogne, & de ses gens & Officiers, le peuple de Paris s'esleua pour seconde fois en commotion, & commencerent à meurtrir gens de toutes pars: & allerent par toutes les prisons, & puis en la Bastille saint Anthoine, ou estoient prisonniers messire Hector de Chartres, messire Enguerrand de Merconet, Lancelot d'Harainuillier, Cheualiers, Charles Poyart, Argentier du Roy, James Tarenne, & plusieurs autres: lesquelz ilz prindrent pour mener au Chastelet, & en chemin en meurtrirer plusieurs, les autres tuerent sur les carreaux audict Chastelet, & plusieurs en firent geeter par le Bourreau du hault dudiect Chastelet en bas: & ceulx qui estoient sur le paué les receuoient à pointes de lances, iavelines, & autres bastons: & ainsi estoient meurtris par le moyen & commandement de ce cruel Duc de Bourgogne. De la sen alla lediect populaire au Louure, & prindrent maistre Charles Cudoc, grand riche homme, Bourgeois de Paris, & le firent monter derriere Capeluche, Bourreau, qui estoit à cheual, vestu d'une robe de damas fourrée de martres, & tenoit une doloire en sa main: lequel Bourreau mena lediect Cudoc deuers lediect Duc de Bourgogne, qu'il trouua en chemin, & luy presenta: lequel Duc le feit descendre de derriere lediect Capeluche, & dit à un sien Cheualier qu'il le luy gardast. depuis, moyennant finance, le deliura. Enuers lediect Duc de Bourgogne furent aucunes notables personnes à qui lesdictz meurtriers ennuyèrent moult, & remostrerent audict Duc qu'en donnant telle autorité audict populaire de Paris, ilz pourroyent en brief courir sur les Nobles & Seigneurs. Si fut aduisé de les faire uider: & pour auoir occasion fut deliberé de les mener mettre le siege deuant Mortlehery, que tenoit pour le Daulphin le Seigneur de Recoerf: & leur fut baillé pour les conduire messire Gaucher de Rupes, & messire Gaucher Railhart, qui allerent mettre lediect siege à Montlehery, & firent battre & assaillir la place: mais riens n'y firent. Si y enuoya le Daulphin messire Tanneguy du Chastel à tout grand nombre de gens, pour secourir ceulx de la place: & eulx venuz à Estampes, ceulx du siege en furent aduertis, & ne les oserent attendre: si ardirent leurs pouldres, leur trait & viures, & habandonnerent Bombardes, Canons & charroy, & sen retournerent droit vers Paris: mais on leur refusa l'entrée. si furent par plusieurs iours espars par les villages, viuans & faisans plusieurs maulx. Au mois de Septembre, mondiect seigneur le Daulphin partit de Bourges, pour aller à Chinon, & arriua à Azay sur Indre, & feit sommer ceulx de la ville & place de luy faire obeyssance, & bailler des viures: & dedans festoyent retirez plusieurs Nobles, & laboureus du pays, qui le refusoient, & disoient aucunes villaines parolles: dôt luy en despleut. si feit assaillir la place, & fut prinse d'assault, & y eut plusieurs de ceulx de dedans mors: & ceulx qui furent prins en vie furent par son commandement tous penduz: si sen alla à Chinon. Lors auoit un Escuyer vaillant homme, nommé Jehan de Xaintrailles, qui tenoit la ville & le chastel de Coucy, & auoit avec luy cent hommes d'armes, qui estoient logez à l'entour de ladiecte ville. Or est il que lediect Capitaine, Escuyer, auoit une chambriere, laquelle s'accointa d'un prisonnier, qui estoit en la grosse tour, à laquelle il promeit que si elle le pouoit mettre hors de celle prison il l'espouserait. A quoy elle s'accorda: & finalement un iour entre les autres qu'elle estoit couchée avec lediect Capitaine, quand elle veit qu'il fut bien endormy, elle se leua, & soubz le cheuet de son liect prit les clefs de ladiecte tour, & la vint bien tost ouurir audict prisonnier, qui tenoit pour grosse rançon, & avec luy en auoit plusieurs, lesquelz elle mena au lieu ou estoit lediect Capitaine, auquel ilz copperent la gorge: puis tuerent tous ses seruiteurs, & par ainsi furent Seigneurs & maistres dudiect Chastel & de la grosse tour: & tout instant celsdictz prisonniers, qui auoyent, comme dict est, gaigné tout, le manderent à messire Jehan de Luxembourg, qui tenoit leur party, affin qu'il leur amenast secours. Lesdictz prisonniers gaignerent leans en or & argent monnoyé cent mil escus: & quand vint au matin les gens d'armes qui estoient autour de ladiecte place s'apperceurent qu'elle estoit perdue: & incōincent monterent à cheual, & sen allerent à Guyse & à Montagu, & firent deux Capitaines sur eulx de leur cōpaignie, lesquelz ilz congnoissoient vaillans en armes: l'un nommé Estienne de Vignolles, dict la Hire, & l'autre nommé Poton de Xaintrailles: lesquelz ont depuis bien fait parler d'eulx, comme on verra cy apres.

cautelle de faire uider de Paris, le populaire se dicient.

De la chambre du Capitaine de Coucy, qui ioua un mauvais tour à son maistre.

### Des Capitaines Poton & la Hire.



Antoist apres qu'on eut donné ceste charge audict Poton & la Hire, ilz se partirent & vindrent vers Soissons, & la sceurent que le seigneur de Longueval estoit pres d'eulx en armes: lesquelz Hire, & Poton, qui n'auoyent enuiron que quarante hommes d'armes en leur compaignie, sans auoir regard au petit nombre qu'ilz estoient frapperent sur lediect de Longueval, qui auoit. cccc. lances, hommes d'armes du party du

party du Duc de Bourgogne, & les desconfirent, & en tuerent plusieurs, & le demourât prindrent prisonniers. Tantoit apres leur compaignie creut, tellemēt qu'ilz auoyēt bien deux cēs hommes d'armes: & vn iour ilz furent aduertis qu'Hector de Saucuze estoit pres de nostre Dame de Lyesse, qui auoit biē mil cōbatans: ce neantmoins ilz frapperēt dessus, en beau plain pays, & les descōfirēt, & en meirent à mort la pluspart, & le demourant prindrēt prisonniers.

*Des prouesses & uallées de la Hire, & de Poyton, Capitaines Eracoys.*

*Comment le Duc de Bourgogne traicta le mariage du Roy d'Angleterre, à la fille du Roy de France.*

**A**Vdiēt an le Duc de Bretaigne retourna à Paris, pour cuyder traicter paix, & alla deuers le Duc de Bourgogne, à Poilly le Fort, pres Corbeil, & furent faictes trefues, & prins iournée à Mōtereau fault Yonne: mais quād lediēt Duc de Bretaigne s'en fut allē, lediēt Duc de Bourgogne mena le Roy, la Royne, & madame Catherine de France, leur fille, entre Pontoise & Meulanc: & la traicterent du mariage de madiēt dame Catherine, & du Roy Hēry d'Angleterre, qui estoit à Mante: mais pour lors n'en fut riens conclud: & de la vindrent à Pontoise, ou lediēt Duc de Bourgogne laissa le seigneur de Lisleadam, Capitaine, & emmena le Roy, & la Royne, & leur fille, à Troyes en Champaigne.

*Des libertez de l'Eglise de France.*

**A**Vdiēt an mil.cccc.xviiij. au moys de Mars, *de consilio Prælatorum, & aliarum gentium Ecclesiasticarum Regni, propter hoc congregatorum,* fut faictē vne Ordonnāce pour entretenir l'Eglise de Frāce & du Daulphiné, en ses prerogatiues, libertez, & franchises: laquelle estoit conforme à l'Ordonnance de S. Loys, faictē l'an mil.cc.† xlviiij. & certaines autres Ordonnances faictes l'an mil.cccc.vj. & certains Arrestz pronōcez l'vniēzieme iour de Septembre, mil.cccc.vij. & le quinziesme de May, mil.cccc.viiij. & par icelle Ordonnance fut diēt que toutes reseruations, graces expectatiues, & toutes exactions de court de Rome cesseroient. Et pource qu'audiēt an aucuns par grand' autorité, par lettres de Chancellerie, s'efforçoierēt faire reuocquer ladiēt Ordonnance, le Procureur du Roy, General, s'opposa formellement en Parlement, à ce qu'aucunes lettres reuocatoires ne fussent faictes ne baillées, sans ce qu'il fust ouy: & fut ladiēt opposition enregistrée au liure du Conseil de Parlement, le quinziesme iour de Feurier. Et pource que nonobstant ladiēt opposition, aucuns de leur grand' autorité (dont on chargeoit le Duc de Bourgogne) seirent de faict publier lesdites lettres, la Court de Parlement declaira que ladiēt telle publication n'auoit point esté faictē de son Ordonnance, deliberation ne consentement, comme appert par ladiēt sentēce enregistrée audiēt liure du Conseil, le trentiesme iour de Mars, audiēt an.

*L'an mil.cccc.xviiij.*

*† Le uieil ex. dit 68. mais par cy deuāt il sēble la mettre en l'an 1258.*

*Du Parlement qu'eurent ensemble, à Corbeil, monseigneur le Daulphin, & le Duc de Bourgogne: & de la prinse de Rouen, par les Anglois.*

**L**AN mil.cccc.xix. lediēt Seigneur de Lisleadam, qui estoit Capitaine de Pontoise, liura la ville aux Anglois: & y estoit à la prendre, en personne, le Duc de Clarence, frere du Roy d'Angleterre: & aucun temps apres s'assemblerent mōdiēt seigneur le Daulphin, & le Duc de Bourgogne, à moult grand' difficulté, pource que les Conseilliers du Duc de Bourgogne estoient d'oppinion, & luy cōseilloient les aucuns de mettre le Roy & la Royne es mains du Roy d'Angleterre, & qu'ilz s'alliassent à luy: & les autres luy conseilloient qu'il meist le Roy & la Royne es mains de mōseigneur le Daulphin, & qu'il allast à luy: toutesfois par le conseil de madame de Giac, & de monseigneur de Giac, son filz, de Philippe Iossequin, & de monseigneur de Tholōgon, Marechal de Bourgogne, vint le Duc de Bourgogne d'aupres de Pontoise, ou il estoit allē parlementer à ceulx d'Angleterre, à mōseigneur le Daulphin à Poilly le Fort pres Corbeil: & illec parlerent ensemble, & prindrent iournée pour aller parlementer à la fontaine du Pimot pres Meleun, ou ilz se rendirent, & parlerent ensemble, & remeirent la matiere à certain autre iour à Monstereau fault Yonne, pour traicter plus à plain des besongnes du royaume, & de faire paix: mais apres le departement lediēt Duc de Bourgogne mena le Roy, la Royne, & madame Catherine, leur fille, à Pontoise, pour parlementer du mariage de ladiēt Catherine au Roy Henry d'Angleterre, qui estoit à Meulāc. Celuy an le Roy d'Angleterre assiegea Rouē, ou il fut sept moys, & par faulte de secours & de viures, apres ce qu'ilz eurent mangē ratz & souriz, rendirent la ville au Roy d'Angleterre.

*L'an mil.cccc.xix.*

*Rouen rendu aux Anglois par famine.*

*De l'assemblée de Monstereau, ou fut tué le Duc de Bourgogne.*

L'an m.cccc.  
xix.



Antoist apres, c'est à sçauoir vn iour de Dimenche au moys de Nouembre, audiēt an mil quatre cens & dixneuf, monseigneur le Daulphin, & le Duc de Bourgogne s'assemblerent à Monstereau fault Yonne: & fut ordonné que lediēt Duc de Bourgogne auroit le Chasteau pour sa retraicte & seureté de sa personne, & monseigneur le Daulphin auroit la ville: & fut fait vn parquet sur le pont & grands barrieres, entre lesquelz ne deuoyēt estre de chacun costé que dix personnes notables, qui furēt nommées. Or aduint que quand ilz furent dedans entrez il sourdit aucun debat entre eulx, par ce que lediēt Duc de Bourgogne parloit trop arrogamment & irreuerēment à mōseigneur le Daulphin: parquoy aucuns de ceulx du party de monseigneur le Daulphin, lesquelz secrettement, comme on dist depuis, auoyent iuré la mort de monseigneur le Duc de Bourgogne, luy coururent sus: & fut tué iceluy Duc de Bourgogne, & vn Gentil hōme de ses gens, appelé le Vicomte de Noailles, qui se iecta sur luy pour le sauuer: dont l'effroy fut grand en ladiēte assemblée: & incontinent vne partie des Seigneurs, qui estoient avec luy, furent prins, & les autres s'en fuyrent, & se meirent audiēt Chasteau: & les autres allerent à Bray sur Seine, & les autres à Troy: & tantost apres ceulx qui festoyent retirez audiēt Chasteau de Monstereau, se redirent leurs vies & corps sauues. En ces entrefaites les Anglois prindrent Meulanc, Poissy, & saint Germain en Laye, & tantost apres Gisors, Gournay, Chaumont, Aumale, & presque toute la Normâdie, reserué le mont saint Michel: & quand Philippe, Côte de Charolois, filz dudiēt feu Duc de Bourgogne, sceut la mort de son pere, il enuoya vers Paris, & pareillemēt ceulx de Paris, qui se veoyent enclauēz de toutes pars, enuoyerent deuers lediēt Comte, nouveau Duc de Bourgogne, & luy conseillerent, & par especial ceulx qui tenoyent les Offices du royaume, doubant la fureur de mondiēt seigneur le Daulphin, & de perdre leurs Offices, qu'il falliait du Roy d'Angleterre. ce qu'il feit: & meit entre les mains des Anglois le Roy, la Royne, & madame Catherine de France, sœur de mondiēt Seigneur le Daulphin: & conclurent lediēt Duc, & ceulx de Paris, le mariage de madiēte dame Catherine avec lediēt Roy Henry d'Angleterre, par telle condition que lediēt Roy d'Angleterre auroit par adoption la propriété du royaume, & en priueroit mondiēt seigneur le Dauphin, seul filz, & droit heritier du Roy: mais ilz cōptroyent sansleur hoste (car il en alla bien autrement ainsi que Dieu le permit, & que raison le vouloit) & meirent es mains dudiēt Roy d'Angleterre, la ville de Paris, & bien seize citez, & toutes les villes & chasteaulx du pays de France, Châpaigne, Brie, Vermandois & Bourgogne, que lediēt feu Duc de Bourgogne auoit prinſes & mises en ses mains durāt les diuisions deuant dictes, dont y en auoit aucunes, lesquelles il auoit eues soubz vmbre de leur faire entendre qu'ilz ne payeroyent nulles malletostes.

*Des Anglois qui prindrēt quasi toute la Normâdie, reserué le mont saint Michel.*

*Ceulx de Paris meirēt la ville es mains du Roy d'Ang.*

*Du mariage du Roy d'Angleterre à madame Catherine de France: & comment lediēt Roy d'Angleterre se porta & nomma Roy de France.*



Tantost apres ladiēte matiere conclue, lediēt Roy d'Angleterre & le Duc de Bourgogne allerent à Troyes, ou estoit le Roy, la Royne, & madame Catherine de France leur fille, que lediēt Roy d'Angleterre espousa, soubz la cōdition dessus declairée: & apres lediēt mariage & ratification du traité fait par lediēt Roy Henry, se porta Roy de France & d'Angleterre, & secla on, de ses seaulx.

En ce temps monseigneur le Daulphin alla en Lâguedoc, & meit le pays en son obeissance, & en meit hors du gouuernemēt le Comte de Foix, auquel il auoit baillé lediēt gouuernemēt, par ce qu'il ne luy vouloit bailler ne souffrir estre baillez les deniers qui en venoyent: & bailla la lediēt gouuernement à monseigneur Charles de Bourbon, Comte de Clermont, & s'en retourna en Berry & en Touraine: & lors mondiēt seigneur le Daulphin print la Regence, & tiltre de Regent du royaume de France.

*Du Daulphin de France, qui print la Regence du royaume.*

*Des sieges de Meleun & Compiègne, mis par les Anglois: & comment le Roy d'Angleterre emmena sa femme, & laissa le Duc de Clarence, son frere, Lieutenant en France: & de plusieurs Seigneurs d'Escoſſe, qui vindrent au secours du Daulphin.*

L'an mil  
cccc.xx.



N l'an mil quatre cēs & vingt, en venāt de Troyes à Paris, les dessusdictz Roy d'Angleterre & Duc de Bourgogne, meirent le siege deuant la ville de Meleun, ou estoit le Seigneur de Barbazan, qui vaillamment se deffendit: & tant souffrit en deffendant ladiēte ville, esperant d'auoir secours, que luy & ses gens mangerent leurs cheuaulx

cheuaulx: & finalement fut la ville rendue par composition, & furent prisonniers ledit seigneur de Barbazan & les autres Seigneurs, qui furent amenez à Paris: & la ville de Meaulx par pareil cas fut prinse, & apres allerent mettre le siege deuant Compiègne: mais ilz furent reboutez & desconfitz par les gens du Duc d'Orleans. Puis le Roy d'Angleterre feit amener de Troyes, le Roy, la Royne, & sa femme, & les mena à Paris, ou ilz furent reccuz à grād hōneur, & y tindrent à Noel haulte feste: apres laquelle il feit le Duc de Clarence son Lieutenant en France, & s'en alla à Rouē, ou il tint ses estatz: & apres passa la mer, & amena sa femme en Angleterre, & laissa ledit Duc de Clarence, son frere, Lieutenant general deça la mer, avec les Comtes de t Vvyntiton, Sobresset, Salbery, Suffort, & plusieurs autres grands Seigneurs Anglois. En ce temps le Comte de Ponthieure print le Duc de Bretagne, qui estoit allé au deduyt, & le mena à vn sien Chasteau en Lymosin: mais tāt fait ledit Duc de Bretagne par belles, & hūbles parolles, que ledit de Ponthieure le laissa aller, moyennāt certaines promesses qu'il luy feit, dōt il ne tit riēs: mais, qui pis est, si tost qu'il fut retourné en Bretagne feit demolir toutes les places que ledit Ponthieure y tenoit, & le bannit de son dit Duché. En France vindrent au secours de monseigneur le Daulphin, plusieurs grands Seigneurs d'Escoffe avec grand armée, dont estoient conducteurs & Chefs le Comte de Boucan & de Viston, & messire Jehā t Senart, Connestable d'Escoffe: lesquelz guerroyerēt fort contre les Anglois: & fut par ce que leur Roy estoit lors detenu prisonnier en Angleterre: & l'année ensuyuant le Roy d'Angleterre amena en France ledit Roy d'Escoffe, en intention que lesditz Escoffois, qui estoient avec le Daulphin, se tournassent avec luy: mais ilz n'en voulurent riens faire, & tousiours tindrent le party de monseigneur le Daulphin, qui pour lors auoit prins nom & tiltre de Regent.

Ceulx de cō  
piengne qui  
se deffendēt  
vaillamment  
cōtre les An  
glois.  
t al. Voy  
tinton.  
t al. Stu-  
art, & ai  
si le trou  
ue en ql-  
que hy-  
stoire d'  
Esc. cō-  
bien quē  
ce lieu y  
soit vn  
peu au-  
tremēt.

*De la bataille de Baugé, ou fut tué le Duc de Clarence, frere du Roy d'Angleterre: & comment le Comte de Boucan, Escoffois, fut fait Connestable de France.*



L'An mil cccc.xxi. en la fin du moys de Mars, le Duc de Clarence, frere du Roy d'Angleterre, & plusieurs autres grands Seigneurs Anglois, partirent de Normandie, & vindrent en Anjou, & se presenterent en bataille deuant Angiers, mais ilz n'y feirent riens: & de la s'en allerent loger à Beaufort en Vallée. Si s'assemblerēt les François, & Escoffois, en vn village, nommé Baugé, audict pays de Vallée. Les Anglois prindrent quatre Escoffois en allant au fourrage, & les amenerent deuant le Duc de Clarence: lequel leur demanda en son langage du gouuernemēt de leur armée, & quelz gens y estoient: lesquelz dirent que presentement leur armée estoit arriuée à Baugé en Vallée pres d'illec, & du costé des Escoffois y estoient les Comtes de Boucan & de Viston, le seigneur Derualle, & plusieurs autres Seigneurs d'Escoffe: & que des François y estoient le Vicomte de Narbonne, le Marechal de la Fayette, le Seigneur de Fōraines, & autres Seigneurs François: & tout incontinent ces nouuelles ouyes, se leua de table ledit Duc de Clarence, en disant: Allons leur courir sus, ilz sont nostres, & qu'il ne vienne avec nous que les hommes d'armes. Si cheuaucherent lesditz Anglois tant qu'il vindrent au petit Baugé, pres du grand, ou illec trouuerēt vn Cheualier, nommé messire Jehan de la Croix: lequel, quand il apperceut l'armée des Anglois, se retira en l'eglise, & monta luy & ses gens au clocher, & la vaillamment se deffendirent à force de pierres, tellement que les Anglois ne les peurent auoir. Quand ledit Duc de Clarence veit qu'ilz s'amusoient trop illec, ilz se partirent pour aller combattre l'armée des François, & Escoffois, lesquelz ilz trouuerent en bon ordre: & quand ledit Duc de Clarence les veit il print vn Chapeau de fer en sa teste, & dessus vn Chapeau d'or, couuert de pierrerie moult riche, & meit ses gens en bataille, & se meit à l'auantgarde. Finalement les deux batailles frapperent l'une contre l'autre, de grād courage, & furent les Anglois desconfitz: & y mourut le Duc de Clarence, le Comte de t Suffort vaillant hōme, le seigneur de Grey, le seigneur de t Roours, & plusieurs autres grands Seigneurs Anglois, & autres, iusques au nombre de quinze cens: & furent prins prisonniers les Comtes de Hautitō, & de Sombresset, t freres, messire Thomas de Beaufort, & plusieurs Cheualiers & Escuyers, Anglois: & fut ceste bataille la veille de Pasques, que l'on commença à compter mil cccc.xxj. & porta l'on les nouuelles à monseigneur le Daulphin, qui estoit à Poitiers, lequel en fut moult ioyeux. Tātost apres se partit hastiuement de Poitiers, & s'en vint à Tours, & illec se rēdit à luy le Comte de Boucan, Escoffois, qui auoit esté en ladiete iournée de Baugé: lequel il feit Connestable de France. L'Estandard du Duc de Clarence fut porté à nostre Dame du Puys, par vn Escuyer, nommé Estienne Fragente, qui l'auoit gaigné. Puis s'en alla mondiēt seigneur le Daulphin, Regent, au Mans: & prindrent les François le chastel de Mōt-

L'an mil  
cccc.xxii:

t al. Strā-  
fort.  
t alias  
Roors.  
t al. sōfre  
re messie-  
re, & c.

miral, & la ville de Galardon sur les Bourgonnons, qui estoient alliez aux Anglois: & apres s'en retourna mondict seigneur le Daulphin, à Amboise.

*De la venue du Roy d'Angleterre, apres la mort du Duc de Clarence, son frere.*



*Du siege qui fut mis par les Anglois, deuant Meaulx.*

Vdi& an partit le Roy d'Angleterre de son pays, apres ce qu'il sceut la mort & defconfiture de sondict frere, le Duc de Clarence, & autres: & descendit à Calais avec douze mil hommes, & tira par le pays de Ponthieu, en Normandie: & tant cheuaucha qu'il vint iusques à Dreux, ou il meit le siege, & luy fut baillée par composition: & de la vint à Chartres, ou il fut receu à grand honneur. puis tira à Baugécy, ou il cuydoit bien passer Loire: mais il trouua l'armée de monseigneur le Daulphin, qui gardoit tous les passages de Loire, laquelle il n'osa assaillir: si s'en alla à Bonneual, ou il seiourna aucuns iours: puis se meit aux ch&ps, & alla soy parquer entre Mehun sur Loire & la Bruyere, ou les François luy firent de grandes escarmouches: & luy faillirent les viures, & fut contrainct de partir, & vint loger deuant Orleans: & d'illec se retira par Gastinois à Meleun, à tresgrande perte de ses gens, charroy, & artillerie. Tantost apres ledict Roy d'Angleterre alla deuant Meaulx, & y tint le siege, si longuement que ceulx de la ville furent contrainctz, par famine, rendre ladicte ville: & estoient lors en sa compagnie messire Artus de Bretagne, Comte de Richemont, qui depuis fut Connestable de France. En ce temps le Seigneur de Rochebaron de Forestz qui auoit plusieurs places fortes, & tenoit le party du Duc de Bourgogne, feit venir le seigneur de Sallenonne, & plusieurs gens d'armes, tant Bourgonnons, Sauoysiens, que Lombars, & les meit en ses places: & firent plusieurs maulx aux subiectz du Roy, des pays d'Auuergne, Lymosin, Forestz & Vezelay. Les seigneurs d'iceulx pays s'assemblerent en grand nombre, & firent leur Capitaine messire Imbert de Grollée, Baillif de Lyon, les Seigneurs de Beauchastel, & de la Fayette, & messire Bernard d'Armignac, Comte de Perdrac, & se partir& de la cité du Puy, pour courir sus aux dessusdictz. Quand leurs ennemys le sceuer& ilz s'assembler& en vne petite ville fermée, nommée Seruerette. Les François aller& deuant, & ainsi qu'ilz deliberoient d'y mettre le siege, vn Archier entra en vn moulin, qui estoit ioignant la muraille, & y meit le feu. Quand le feu fut allumé il se print par dessus les murs aux maisons de la ville, laquelle en peu d'heure fut toute embrasée, tellement que lesdictz Bourgonnons ne peurent saillir à t&ps: si en furent plusieurs bruslez, & leurs cheualx: & les autres se jettoy& par dessus les murs, & se venoy& rendre prisonniers. Quand ledict seigneur de Rochebaron veit celle fortune, il trouua façon d'eschaper à cheual, & s'enfuyt par les montaignes, & se retira en Bourgogne, & furent toutes ses places, dont il auoit plusieurs, prin&es, pillées, & confiscées, & ainsi fut du tout destruy&.

*De la mort du Roy Henry d'Angleterre: & comment le Duc de Bethfort fut Regent en France, pour le ieune Roy d'Angleterre.*

*L'an mil cccc.xxii.*



*Du Roy d'Angl. qui mourut plai de poulx au boys de Vincennes.*

L'an mil cccc.xxii. monseigneur le Daulphin, Regent, feit assieger Cosne, sur Loire. Ceulx de la ville firent composition avec ses gens d'eulx rendre à vn iour nommé, au cas qu'ilz ne seroyent secouruz, & de ce baillerent ostages. Le Roy d'Angleterre le sceut, qui se partit de Paris, pour les aller secourir: & quand il fut à Corbeil vne maladie le print: parquoy il s'en retourna au boys de Vincennes, & enuoya le Duc de Bethfort à Cosne, en grand' puissance, & pareillement le Duc de Bourgogne & sa puissance: & quand les François veirent qu'ilz n'estoyent pas assez fors, ilz rendir& les ostages. Quand lesdictz Ducz de Bethfort & Bourgogne veir& que les François ne les vouloyent attendre, si cheuaucherent contremont ladicte riuere de Loire, & la passerent pour aller courir les pays de Berry, deliberez d'aller ou seroyent lesdictz François: & iceulx François, qui estoient aupres de Sancerre, sceurent la deliberation, & incontinent firent leur assemblée tant de François que d'Escoffois: & la se trouuerent le Comte de Boucan, Connestable de France, qui estoit filz du Duc d'Albanye, le Comte d'Anglatz, & le Comte de Victon, tous Escoffois, le Vicomte de Narbonne, messire Tanneguy du Chastel, Preuost de Paris, le Mareschal de la Fayette, le seigneur de la Tour d'Auuergne, le seigneur de Torcy, & plusieurs autres Seigneurs: tous lesq& se delibrer& d'att&dre & c&batre lesdictz Anglois: & estoient ia les deux puissances à vne lieue pres l'une de l'autre. Lors vindr& nouvelles ausdictz Anglois que le vingtneufieme iour d'Aoust, qui estoit le iour saint Fiacre, ledict Roy Henry d'Angleterre estoit mort au boys de Vincennes, de la maladie dudi& saint Fiacre: & aussi auoit esté tout esprins de menue vermine de poulx, qui luy sailloy& par les yeulx,



yeulx, par le nez, & par les oreilles, & luy croissoient sur toutes les parties de son corps, & en si grand'abondance que Medecins n'y peurent donner remede, qu'ilz ne luy mégeassent & entamassent tous ses membres, tellement qu'il luy conuint mourir: parquoy, quand les Anglois sceurent sa mort, fut leur entreprinse rompue: si se departirent lesditz Anglois & Bourgongnons, & s'en retournerent chacun en leur pays. pareillement l'ost des François s'en tira en Berry, & Auvergne. Le corps dudit Roy Henry fut porté en Angleterre, & madame Katherine, sa femme, demoura grosse d'un filz, qu'elle enfanta tantost apres, lequel fut nommé Henry, sixieme de ce nom: & fut la Regence de France baillée par les Anglois aux Ducz de Bethfort & Clocestre. En celle saison le Vicomte de Narbonne & le Comte d'Aumalle, & ceulx de leur compagnie, allerent à Bernay, ou ilz entrerent dedans, & y trouuerēt grands richesses. Les Anglois qui estoient la aupres le sceurent & y allerent. Les François saillirent sur eulx, & les batirent tres bien: & furent les Anglois desconfitz, & y en eut trois cens mors, & plusieurs prisonniers: parquoy les Anglois, qui estoient es marches de Normandie & du Perche, s'assemblerent, & eurent François & Anglois rencontre aupres de Mortaigne, & furent les Anglois desconfitz, & y en mourut huyt cēs, & plusieurs prins prisonniers. Nouvelles vindrent à monseigneur le Daulphin, Regēt, que le Duc de Bretagne, qui s'estoit allié des Anglois, estoit entré en Poitou, & auoit cuydé prendre la Rochelle: si y alla, & entra dedans pour obuyer à son entreprinse: & l'vnieme iour d'Octobre, luy estant en ladicte ville, il tint grand Conseil, assis en vne chaire, au dedans du gros mur, dont toute la charpēterie de la maison fondit, & y en eut aucuns mors & plusieurs blecez, de ceulx qui la estoient: mais par la grace de Dieu mondict seigneur le Daulphin n'eut aucū mal, à l'occasion que sondict siege estoit dedans ledit gros mur. puis s'en partit d'icelle ville, & suyuit & rencontra l'armée desditz Bretons, au bas de Poitou, pres Montagu, & les combatit & desconfit, & y en mourut grand nombre.

De la desconfiture des Anglois, pres Mortaigne.

D'un gros dāgier & inconueniēt que le Daulphin eschappa en la ville de la Rochelle.

*De la mort du seigneur de Partenay: & comment la seigneurie dudit lieu vint au Roy, comme heritier du Duc de Berry, qui l'auoit acquise.*

**A**Vdict an messire Jaques de Harecourt bailla la ville & chastel de Crottoy au Comte de Sallebery: & apres s'en alla à refuge deuers le seigneur de Partenay, duquel il auoit espousé la seule niepce: & vn iour s'efforça à luy tollir son chastel, & le mettre hors: mais luy & ses gens se meirent sus avec les Bourgeois & habitans de la ville, qu'ilz appelerent à leur ayde, & se deffendirent tellement que ledit Harecour fut la meutry: & tantost apres ledit seigneur de Partenay mourut de mort naturelle, lequel en sa vie auoit vëdue ladicte seigneurie de Partenay au feu Duc de Berry, à l'auoir apres sa mort: & par ledit trespas icelle seigneurie de Partenay vint au Roy, comme heritier dudit Duc de Berry.

*Du trespas du Roy Charles sixieme.*

**L**E vingt & vnieme iour d'Octobre, audiēt an mil quatre cens vingt & deux, ledit Roy Charles, vj. de ce nom, trespassa en son hostel de S. Paul, à Paris: & fut son corps porté & enterré à saint Denis en France, en petite solennité, au t quarante troisieme an de son regne: & delaisa madame Ysabeau de Bauieres, sa femme, veufue: apres le trespas duquel, mōdict seigneur Charles, Daulphin, son seul filz, qui parauant se disoit Regent, *suscepit Regni gubernacula*, & fut appelé Charles septieme: toutesfois il ne fut sacré, ne couronné iusques à sept ans, ou enuiron, apres, pour les dures guerres que luy faisoient ses aduersaires les Anglois, Bourgongnons, Bretons, & leurs alliez.


L'an mil cccc. xxii. t. parauant dit 42. mais la il prent les ans entiers.

*Du Roy Charles, septieme.*

M

Charles, vij. du nom, fut Roy l'an 1422.  
& regna 39. ans Roy. Il trouua son royaume fort troublé, à l'occasion des Anglois, qui occupoyēt la plus grand' part d'iceluy, pour Henry vj. Roy d'Angleter

re: mais par la grace de Dieu luy vint en son ayde vne Pucelle, nommée Ie hāne, laq̃lle le mena sacrer à Reims: & apres recouura tout son royaume.





Charles, vij. de ce nom, fut tresvictorieux & debonnaire, & com-  
mença à regner l'an mil cccc.xxij. & regna xxxix. ans, ou enui-  
rō: & trespassa a Mehun sur Yeure, pres Bourges, le iour de la Mag-  
daleine, xxij. iour de Iuillet, mil cccc.lxj. & gist à S. Denis en Fran-  
ce, en la chapelle où gisent Charles v. & vj. ses ayeul & pere. Cestuy  
eut à fême madame Marie, fille du Roy de Cecille Loys deuxiemé  
du nō, Duc d'Aniou, de laquelle il eut deux filz (c'est à sçauoir Loys;  
qui fut Roy apres luy; & Charles, qui au commencement fut Duc  
de Berry, apres duc de Normandie, & dernieremēt Duc de Guyen-  
ne) & quatre filles: cest à sçauoir Katherine (qui par le traité d'Ar-  
ras fut fiancée à Charles, Comte de Charolois, aîné filz de Philip-  
pe, Duc de Bourgongne, laquelle Katherine mourut auant la consummation du mariage)  
† Yoland, qui fut mariée au Comte de Piemont; qui apres fut Duc de Sauoye, Iehanne, qui fut  
mariée à Iehan, Duc de Bourbon & d'Auuergne, & Magdaleine, qui fut mariée au Prince de  
Nauarre, aîné filz du Comte de Foix, heritier prescriptif au royaume de Nauarre. Par ce  
que dict à esté cy deuant, des choses aduenues auant le trespas du feu Roy Charles sixieme, on  
peut assez congnoistre & entendre que cedit Roy Charles, septieme, au commencement de  
son regne trouua sōdict royaume fort brouillé de toutes pars, & occupé de ses aduersaires, tel-  
lement que par aucun temps il fut contrainct soy tenir en la cité de Bourges, qui tousiours luy  
fut de vraye obeysance: & par derision seldictz aduersaires & desobeyssans l'appeloient le  
Roy de Bourges, & luy fut fortune fort cōtraire: mais par son sens, bōne conduycte, & moy-  
ennant bon conseil, qu'il creut toute sa vie, & la bōne iustice qu'il feit faire & administrer à ses  
subiectz, il subiugua ses ennemys; & laissa à son filz Loys le royaume paisible; & le dilata &  
eslargit grandement.

L'an mil  
cccc.xxii.

† Il ne la  
met point en  
la fig. toutes-  
fois elle est  
au uiel exé.

Charles vii.  
Roy de Bour-  
ges.

*Comment Henry, le ieune Roy d'Angleterre, fut nommé Roy de France: & com-  
ment on scella de ses seaulx, à la Chancellerie, à Paris.*

**E**N France fut enuoyé par le Conseil d'Angleterre, Iehā, Duc de Bethfort, pour y e-  
stre Regent, de par les Anglois: & quand le Duc de Bourgongne sceut sa venue, il  
alla deuers luy, à Amyens, & en sa cōpaignie il mena deux de ses sœurs, dont l'aînée  
estoit veufue de feu monseigneur le Duc de Guyenne, Daulphin, aîné filz dudit  
feu Roy Charles sixieme, & la feit espouser à messire Artus de Bretagne, & l'autre donna en  
mariage audit Duc de Bethfort. Et le douzieme iour de Nouembre, audit an mil quatre  
cens vingt & deux, le ieune Roy Henry d'Angleterre fut dict, porté, & nommé en la ville  
de Paris, & autres villes & lieux, qui estoient vsurpez par les Anglois, Roy de France: &  
fut scelle de son grand scel, en la Chancellerie, à Paris: & intituloit on Henry par la grace de  
Dieu Roy de France, & d'Angleterre: & en sondict scel estoit engraué vn Roy assis en vne  
chaire, tenāt deux sceptres: & par bas, au costé dextre, estoit l'escu de France, & à senestre estoit  
l'escu d'Angleterre, escartelé des armes de France, & d'Angleterre: & forgea lon monnoye  
blanche, de dix deniers Tournois piece, au nom & aux armes dudit Henry. Pareillement  
ledict Roy Charles, septieme, parauant Daulphin, se porta & intitula Roy de France: & fai-  
re le pouoit, & deuoit, cōme seul hoir masse & heritier de la couronne de France: & lors com-  
mença & esleua forte guerre contre les Anglois, ses ennemys, comme sera veu cy apres: car il  
eut lors plus grande & apparēte couleur, qu'il n'auoit eu parauant, par ce que son pere viuoit,  
& estoit es mains desdictz Anglois, qui en faisoient leur escu & targe. Enuiron ce tēps messi-  
re Ambrois de Lore, Baron d'Iury, & de saint Andry en la Marche, qui estoit vn bon & vail-  
lant Cheualier, lequel se tenoit en la marche de Normandie, & estoit Capitaine de sainte Su-  
sanne, feit vne entreprinse pour cūder prēdre Fresnoy le Vicomte, que tenoyēt les Anglois,  
& avec luy estoit vn autre Cheualier, nommé messire Iehan du Bellay: & coururent deuant  
ladiete place, avec vne bonne puissance de gens de guerre: mais ceulx du Fresnoy en furent  
aduertiz, parquoy il sen retourna audit lieu de sainte Susanne: & ledict messire Iehan du  
Bellay, qui estoit avec luy, print le chemin du Mans, & emmena bien deux cēs combatans, &  
furent rencōtrez par vn Anglois, nommé Birry, qui auoit quatre vingtz bons Archiers, & les  
Françoys les assaillirent, & lesdictz Anglois se meirent à pied, & se rengetēt pres d'vne haye;  
& se deffendirent vaillāment, & par force de trait, dont ilz tuoyēt les cheualx desdictz Frā-  
çoys, les deparrirent & meirent en desarroy, tellemēt qu'ilz furent desconfitz, & y en eut plu-  
sieurs mors & prins. Semblablement Philippe, Duc de Bourgongne, avec plusieurs gens de  
guerre, rencontra, pres S. Riquier, vne cōpaignie de Françoys, & se combattirent longuemēt

L'an mil  
cccc.xxii.

Du Roy Hen-  
ry d'Angle-  
terre q fut  
appelé. à Pa-  
ris, Roy de  
France &  
d'Angleterre

& vaillamment: mais à la parfin lesditz François furent desconfitz, & y en eut plusieurs mors & prins. Tantost apres le seigneur de Gamaches, & messire Amaulry de saint Ligier, rencontrèrent grand nōbre de Bourgongnons en vn lieu, nommé la Blanquetacque: lesquelz ilz assaillirent & desconfirent, & y en eut plusieurs mors & prins. Le seigneur de Fontaines, qui estoit au pays du Maine, rencontra vne compaignie d'Anglois, en vn lieu appelé la Neufville, ou il les assaillit, & en tua & print prisonniers bien huyt cens.

† a. Granelle.

*Du siege de Crauant, & de la bataille de la † Granelle.*

**A**Vdict an mil cccc.xxij. les Côtes de Sallebery & de Suffort, Anglois, & le seigneur de Tholongon, Mareschal de Bourgongne, avec grand' armée d'Anglois & Bourgongnons, allerēt mettre le siege deuant Crauant. Quand les François le sceurēt, ilz feirent grand' armée pour aller secourir ceulx de la ville: de laquelle armée eurent la charge messire Jehan Senar, Cheualier Escossois, Cōestable d'Escosse, qui estoit nouvellemēt venu en l'ayde du Roy de France, avec de iij. à v. mil Escossois, bons combatans: & le Seigneur de Seuerac, Mareschal de France, le Seigneur de Fōtaines, & autres, y allerent hastiement, & indiscrettement assaillirent leurs ennemys, qui tenoyent le siege: lesquelz se defendirent & combatarent si vertueusement, que les François furent desconfitz, & furēt prins prisonniers ledict Separ d'Escosse, qui y eut vn oeil creué, le Seigneur de Belloy, le Seigneur de Gamaches, & xliij. autres Nobles, qui long tēps tindrent prison: & y en eut iusques au nōbre de trois mil, que mors que prins. Tantost apres le Seigneur de Tholongon, Mareschal de Bourgogne, à grand' cōpaignie de Bourgongnons, met le siege deuant la Boissiere, en Beauiois: sur lequel le Baillif de Lyon, & le Borgne de Carcasan, avec six xx. Gentilz hommes, allerent frapper, & les desconfirēt, & moult en tuerent, & prindrēt ledict Mareschal de Bourgongne, & bien vij. c. de ses gēs prisonniers. Iceluy Mareschal fut deliuré par la deliurance de messire Jehan Senar, Connestable d'Escosse: auquel apres son retour de prison le Roy dōna la Comté d'Eureux, & la Seigneurie de Concreffault, en Berry. En celle saison vn Cheualier Anglois, qu'on appelloit le seigneur de la Poulle, se partit de Normandie, ou il estoit, avec biē deux mil v. c. combatans, pour aller courir le pays du Maine & d'Aniou, & alla iusques deuant le chastel de Segré, audict pays d'Aniou: dōt messire Ambrois de Lore en fut aduert: si le mādā à messire Jehan de Harecourt, Côte d'Aumalle, qui estoit Lieutenant du Roy, esditz pays d'Aniou & du Maine, lequel estoit pour lors à Tours, en intētion de faire quelque entreprinse contre les Anglois, lequel incontīnēt s'en partit, & enuoya plusieurs messāgiers pour assembler gēs de toutes pars, & tira droict à Laual: & la se rendirent à luy le seigneur de Lore, messire Jehan de la Hayebaron de Coulonces, & messire Loys de Tromargon, qui amenerēt belle cōpaignie. Ilz sceurent & furent aduertis q' lesditz Anglois s'en retournoyēt de deuant le chastel de Segré, & emmenoyēt les ostages dudit chasteau grand nombre de prisonniers, & bien x. ou xij. mil, que bœufz q' vaches, & tiroient droict à vn chastel, qu'on appelle la Granelle: si tirerent celle part: & lors lesditz Anglois, qui les apperceurent venir, ficherēt grand nōbre de pieux ferrez qu'ilz portoyent avec eulx, pour garder que les François n'enfondrassent sur eulx de prime face: laquelle chose empescha fort lesditz François, & moult blessa de gēs & de cheualx. Si allerēt les François au costé & alentour, & tant feirent qu'ilz entrerent dedans lesditz Anglois, & rompirent leur bataille, & meirent en desarroy, & si vaillammēt besongnerent, q' finablement lesditz Anglois furent desconfitz, & y en mourut bien xliij. cens, & tous les autres furent prins prisonniers: & furent les ostages prisonniers, & les bœufz, & vaches, & autres biens que lesditz Anglois auoyēt pillez, rescoux: entre lesquelz prisonniers furent prins par les François le Seigneur de la Poulle, frere du Côte de Suffort, messire Thomas Abourg, messire Thomas Clisseton, & autres grands personages, qui payerent grands rāçons. En celle récontre furent faitz plusieurs Cheualiers, & entre autres, messire Andry de Laual, seigneur de Loheac: & apres ladicte bataille, ledict Côte d'Aumalle s'en tira vers Normandie, & alla deuers Auranches, & laissa le seigneur d'Aussebouc, pour la cuyder mettre en l'obeyssance du Roy, mais il ne peut. Puis tira à saint Lo, & se logea es faulxbourgs, ou il fut quatre iours: puis la pilla, & print plusieurs prisonniers, & s'en retourna au pays du Maine. En celle saison fut la ville de Compiègne recouuerte par les François, sur les Anglois. Le seigneur de Lisleadam avec grand' compaignie de Bourgongnōs vint pour y mettre le siege. François saillirent sur eulx, & d'arriuee en tuerent bien cinq cens, & les autres meirēt en desconfiture, tellement que ledict Seigneur de Lisleadam print la fuyte, & gaignerent les François moult de prisonniers, de biens & viures qu'ilz meirent en ladicte ville, & couroyent depuis chacun iour iusques aux portes de Creil, & de Paris.

Des

*Des sieges de Sedane, & du mont saint Michel.*

N l'an mil quatre cens xxij. le Comte de Salebery & grād nombre d'Anglois meirent le siege deuant la ville de Sedane, en Champaigne, & dedans estoit le Capitaine, nommé Guillaume Marin, & vn Cheualier de Normandie, nommé messire Roger de Criquefort, avec cent cinquante combatans: & furent les Anglois deuant, depuis Pasques iusques à la saint Iehan, qu'ilz prindrent ladicte ville par armes & par assault, & y furent tuez bien quarante François, & bien autant que ledict Comte feit pendre, & les autres prisonniers. Ledit Guillaume Marin, Capitaine, fut tué à l'assault, & ledict Roger de Criquefort fut prisonnier. Apres la prise de ladicte ville de Sedane, ledict Comte de Salebery print Mōtaguillon, Espernay, Vertuz, & la plus part des forteresses du pays de Champaigne, les vnes d'assault, les autres par famine, & par composition. En ce mesme tēps les Anglois meirent le siege deuant le mont saint Michel, & furēt ceulx de dedans en grand destresse de viures: & pour leur faire secours & ayde leur fut fait armée par mer à saint Malo, laquelle conduysoit le seigneur de Beaufort, Admiral de Bretagne: lequel vint courir sus aux nauires des Anglois, & les print & descōfit, & y eut plusieurs desdictz Anglois mors, & grand nombre de prisonniers, & aussi fut le siege leué: mais lesdictz Anglois feirent vne Bastille à Ardenon, & couroyent & faisoient moult de maux à ceulx dudit mont saint Michel. Vn iour messire Iehan de la Haye, Baron de Colonces, qui estoit Capitaine de Maine la Iuhez, sceut que lesdictz Anglois estoient partis de leur Bastille, & estoient allé courir es greues, deuant ledict mont saint Michel. Il y alla, & se mit entre eulx & ladicte Bastille, & les descōfit, & y eut bien deux cens quarante de mors, & plusieurs prisonniers: entre lesquels fut prins vn Cheualier Anglois, nommé Nicolas Bourdet.

L'an mil  
cccc.xxiiij.La prise de  
la ville de  
sedane par  
les Anglois.Descōfitu  
re des An-  
glois par les  
François, au  
siege du  
mont saint  
Michel.*De la Bastille de Vernueil.*

An mil quatre cens vingtz & quatre, le Comte du Glas, avec grand Cheualerie d'Ecosse, vindrent en l'ayde du Roy de France: & à leur arriuee le Roy donna la Duché de Touraine audit Comte & du Glas. En celle saison vn gentil Escuyer, nommé Girault de la Pailerie, print le chastel d'Iury, sur les gens du Comte de Richemont, qui le tenoit par don des Anglois: car la seigneurie appartenoit à messire Ambrois de Lore. Quand le Duc de Bethfort, qui se disoit Regent en France, pour le Roy d'Angleterre, le sceut, il alla mettre le siege deuant, & y fut bien quatre mois: & fut prins appoinctement entre ledict Duc de Bethfort, & ledict Girault de la Pailerie, par tel si qu'il redroit ledict Chastel & la ville, au cas qu'il ne fust secouru dedans certain iour, & de ce bailla ostages: & ledict appoinctement feit ledict de la Pailerie sçauoir au Roy, affin qu'il le feist secourir, autrement il seroit contrainct bailler ledict chastel & ville. Incontinent le Roy enuoya le Duc d'Alençon, le Comte du Glas, Duc de Touraine, le Côte de Boucan, Connestable de France, le Côte d'Aumale, le Vicomte de Narbonne, & plusieurs autres. Puis allerēt loger à Noncourt, pres Dreux: & la eurent nouuelles q̄ lesdictz chastel & ville d'Iury estoient renduz audit Duc de Bethfort, qui auoit redu les ostages audit de Pailerie: lequel s'en alla, & se retira à Orleans. Si s'en allerēt les François deuant la ville de Vernueil: laquelle fut incontinct mise es mains du Duc d'Alençon, qui en estoit seigneur, excepté de la tour, qui apres luy fut rendue par composition: & la tindrēt Conseil les Seigneurs François, pour sçauoir qu'il estoit de faire, & delibererēt de mettre bonne garnison es villes & chastel de Vernueil, & mettre peine à recouurer aucunes forteresses, que tenoyent les Anglois illec entour, combien que les aucuns disoyent qu'on leur deuoit donner bataille: & ainsi qu'ilz deuisoyent & debatoyent de la matiere, ilz sceurēt que ledict Duc de Bethfort estoit à trois ou quatre lieues pres d'eulx. si fut conclute la bataille: & vn ieudy matin, sezieme iour du mois d'Aoust audit an, mil quatre cens vingtz & quatre, les Seigneurs François meirent & rengerēt leur bataille sur les chāps: & lesdictz Ducs de Bethfort & Comtes de Salebery, & de Suffort, & autres chefs de guerre, tāt Anglois, Bourgongnons, q̄ faulx François, avec bien grād armée, se meirent à pied & en bataille deuant les François. Si s'entr'approcherent & se batirēt fierement & aigrement: & tellement que d'un costé & d'autre y eut de mors iusques au nombre de quatre mil hommes, & entre autres y moururent des gens de nom du party de France: c'est à sçauoir le Duc de Touraine, Comte du Glas, son filz, le Comte de Boucan, Connestable de France, le Côte d'Aumale, le Vicomte de Narbonne, le Comte de Vantadour, le Seigneur de Grauille, le Seigneur de Beaufault, messire Anthoine de Chourfes, Seigneur de Malicorne, messire Guillaume de Lapalu, & plusieurs autres haultz & vaillās hommes: & y furent prins

L'an mil  
cccc.xxiiij.  
† a. Dō-  
glas.† se trouue  
indifferem-  
ment Pal-  
lerie &  
pailerie.L'an m. cccc.  
xxiiij.La grosse de  
cōfiture des  
François,  
pres Vernueil  
au petche



Chasteau de  
Galardon en  
Beauſſe, fut  
pris des An  
glois.

prisonniers le Duc d'Alençon, le Bastard d'Alençon, le Seigneur de la Fayette, Mareſchal de France, & pluſieurs autres grands perſonnages du coſté du Roy. Le lendemain ladiſte ville & tour de Vernueil furent remiſes es mains des Anglois, & ſ'en allerent les François, qui ſeſtoient retirez, leurs corps & bagues ſauues. Deux ou trois iours apres meſſire Jehan Faſtol Anglois, Capitaine d'Alençon, alla mettre le ſiege deuât vn chaſtel, au pays du Maine, nommé Tenuye, qui leur fut rendu, vies & biens ſaufz, de ceulx qui eſtoient dedans. En celle meſme ſaiſon les Anglois aſſiegerent le chaſtel de Galardon, en Beauſſe, & le prirent. Au moys de Nouembre audiſt an, vn nommé Geofroy d'Aleyne, Capitaine de Marchefnay, en Beauſſe, par trahyſon meit les Anglois & Bourgongnons dedans la place, dont furēt fort greuez les pays de Beauſſe & Souldongne: car par ce moyen les Anglois, qui eſtoient dedans, pouoyent courir iuſques aux portes d'Orleans, & y coururent chacun iour.

*Des ſieges du Mans, & de la Ferté Bernard.*

La ville du  
mans, q fut  
priſe par les  
Anglois.

**A**V diſt an le Comte de Sallebery, Anglois, ſe meit en chemin pour aller mettre le ſiege deuant la cité du Mans. Meſſire Pierre le Porc, Cheualier, Capitaine du Maine la Iuhez, le ſeut: ſi ſe meit ſur les champs, avec huyēt vingtz combatans, & ſeit vne embuſche aupres de la ville de Seez, & frappa ſur la queue deſdiſt Anglois, & en furent pluſieurs tuez & prins. Puis ſ'en retourna lediſt le Porc, & emmena grand nombre de prisonniers, ſans quelque deſtoubrier: mais ce neātmoins lediſt de Sallebery paſſa oultre, & alla mettre ſon ſiege deuant le Mans, dont eſtoit Capitaine le ſeigneur de Criſſé. Ladiſte ville fut fort batue de groſſes Bombardes & engins, tellemēt qu'il conuint audiſt Capitaine faire cōpoſition, qui fut telle, que ladiſte ville ſeroit baillée audiſt Sallebery, & q ceulx qui eſtoyēt dedās auroyent leurs perſonnes & vies ſauues: & qui y voudroit demourer y demoureroit, & qui ſ'en voudroit aller ſ'en yroit: & eut le Comte pour ſes fraiz, deux cēs eſcus. Tantost apres iceluy Comte de Sallebery alla mettre le ſiege deuant la place de ſaincte Suſanne, qu'il print, & puis la ville de la Ferté Bernard, dont eſtoit Capitaine vn nommé Dauangour, & fut bien quatre moys deuant: & apres luy fut ladiſte ville réduite par par cōpoſition: mais lediſt Comte retint prisonnier lediſt Dauangour, Capitaine: lequel tantost apres trouua façon d'eſchaper, pour ſ'en venir ſeruir le Roy, ſon Seigneur. En celle ſaiſon le Roy Charles fut ſi preſſé de ſes ennemys, qu'il ne ſçauoit bonnemēt ou ſoy retraire: & eſtoit en ſi grand' neceſſité & faulte d'argent, qu'un iout q les Capitaines Poton & la Hyre le vindrēt veoir, pour luy faire reuerence, ilz le trouuerent à table, ou il ne fut ſeruy que d'une queue de mouton, & deux pouſſins: qui eſt biē le rebours des deſpēs ſuperflux que font à preſent les Princes & Seigneurs.

*Comment le Comte de Richemont fut fait Conneſtable de France.*

L'an m. cccc.  
xxv.

Du Comte de  
Richemont,  
que le Roy  
ſeit Conne-  
ſtable de  
France.

**E**N l'an mil quatre cens vingt & cinq meſſire Artus, Comte de Richemont, frere du Duc de Bretagne, lequel parauant tenoit le party des Anglois, & long temps auoit eſté prins prisonnier, en l'an mil quatre cens & quinze à la bataille d'Azincourt, & auoit eſté deliuré par certain traité fait entre lediſt Duc de Bretagne, & le Duc de Bourgongne, moyennant auſſi le mariage de luy & de la ſœur dudiſt Duc de Bourgongne, qui parauant auoit eu eſpoſé mōſeigneur le Duc de Guyenne, Daulphin, aîné frere du Roy Charles ſeptieme, ſoubz certaines promeſſes qu'il auoit faiſtes au feu Roy Henry d'Angleterre, par crainte & par force, & qu'il luy ſembla qu'attendu que lediſt feu Roy d'Angleterre eſtoit mort, ſeſdiſtes promeſſes ceſſoyent, ſ'en vint deuers le Roy, qui lors eſtoit à Chinon: lequel le receut à grand ioye & honneur: & voyant ſa loyauté & bonne volunté, luy donna l'office de Conneſtable de France, vacquant par le trespas du Comte de Boucan, qui eſtoit mort à la bataille de Vernueil, & luy bailla l'Eſpée, & luy ſeit faire le ſerment, en tel cas accouſtumé. Tantost apres lediſt Conneſtable ſeit venir ſa femme, qui ſœur eſtoit du Duc de Bourgongne, & l'enuoya à Bourges. Alors le Roy luy donna les Seigneuries de Partenay, Secondigny, Vomiant, Mermant, & Chaſtellaillon, & autres qui luy eſtoient aduenues par la ſucceſſion du feu Duc de Berry, qui les auoit parauant acqueſtées de feu meſſire Jehan l'Archeueſque, par grāds ſommes de deniers, & icelles vnies & ioinctes à ſon domaine, pour en iouyr par lediſt Conneſtable & ſes hoirs, deſcendans de luy en loyal mariage. En ce tēps les ſeigneurs de Manny & de Creſtain, deux vaillans Cheualiers François, aſſemblerēt gens, & allerent courir deuant le Parc l'Eueſque, pres Auranches, ou auoit pluſieurs Anglois, qui ſaillirent ſur eulx, & ſe combatarent vaillamment d'une part & d'autre: mais à la parfin les François eurent du pire, & fut prins prisonnier lediſt de Manny. Tantost apres lediſt Comte de Richemont

Richemont, Connestable, feit vn grand amas de gens, & disoit on qu'ilz estoient estimez à vingt mil combatans, & alla mettre le siege deuant saint Iame de Beuron, que les Anglois auoyent prins & emparé, & mis dedans biens sept ou huyt mil Anglois, & y fut mené grand nombre d'artillerie: & vn iour donnerēt l'assault, & ceulx de dedans se deffendirent vaillamment; & ainsi qu'ilz combatoyent main à main, faillirent les Anglois de dedans la ville, par vne porterne qui estoit sur vn estang, & vindrēt frapper par derriere sur les François, qui ne s'en donnoient garde, tellement qu'il leur conuint cesser ledict assault, & en furēt que tuez que noyez, audict estag, bien quatre cens. Si se retirerent en leurs logis: & la nuyt ensuyuant, par le moyen de l'Euesque de Nantes, qui estoit Chancelier de Bretagne, & parent de ceulx de Malestret, se sourdit & esleua en l'ost des François vn grand desfarroy, tellement qu'ilz se deslogerēt & s'en allerent chacun ou bon leur sembla, & habandonnerent ledict Connestable: & ainsi fut ledict siege leué, dont iceluy Connestable fut moult courroucé: mais autre chose n'en peut faire. Ledit Connestable s'en vint de la à la Fleche, & enuoya ses gens mettre le siege deuant vne place, nommée Gaillerande, ou il eut plusieurs escarmouches: & à la parfin les François prindrent la basse court, d'assault, & le Donion, par composition. Puis print ledict Connestable le chastel de Pontorson, pres le mont saint Michel, & le feit abatre par ce qu'il estoit preiudiciable aux François. En ce temps les Anglois prindrent par eschelle vne place nommée Romefort: & les seigneurs de Rays, de Beaumont, & de Lore, s'assemblerent & allerent loger à saint Laurens des Mortiers, pres dudit Romefort: & ce mesme iour ledict de Lore alla courir deuant la place dudit Romefort: & à l'arriuee les Anglois faillirent sur luy, & y eut forte escarmouche: mais iceulx Anglois furēt contrainctz eulx retirer: & gaigna ledict de Lore le Bouleuert, & se logea dedās, & y fut toute la nuyt, & le lendemain iusques à dix heures, que les Anglois, qui estoient dedans le chastel, feirent composition que s'ilz n'estoyent secouruz dedans le lendemain, ilz rendroyent la place, & de ce baillerent ostages: & pource qu'ilz n'eurent point de secours au iour assigné baillerent icelle place: mais tous ceulx qui estoient de ladicte garnison de la langue de France, furent perdus: car par ladicte composition ilz estoient reseruez à la volonté dudit de Lore. Vn Capitaine du pays du Maine, nommé Guyon du Coing, se partit de Sablé, avec cent ou six vingtz combatans, pour rencontrer les Anglois sur les champs. Il trouua messire Guillaume de Hodealle, Cheualier Anglois, entre le Mans & Alençon, & auoit seize ou vingt Anglois en sa compaignie seulement. Quand lesdictz Anglois apperceurent lesdictz François, ilz se meirent à pied en vn grand chemin pour eulx deffendre, lesquels François les assaillirent tous à cheual. Iceulx Anglois, se deffendirēt si vaillamment qu'ilz demouterent maistres, & y eut plusieurs desdictz François mors & prins, & s'en alla ledict de Hodealle & ses gens, & prisonniers en ladicte ville du Mans. Lesdictz seigneurs de Raiz, de Beaumont & de Lore, allerent deuant le chastel de Malicorne, que tenoyēt les Anglois, & l'assaillirent asprement. Les Anglois qui se veirent pressez parlementerent audict seigneur de Lore, & se rendirent tous prisonniers de guerre, & ceulx de la langue de France à volonté, lesquels incontinent furent tous pendus.

Seize ou  
vingt An-  
glois deffirēt  
cent ou six  
vingtz Fran-  
coys.

*Comment les gouuerneurs du Roy furent chacez de court.*

**E**N l'année mil quatre cens vingt & six le Roy enuoya deuers le Duc de Bretagne, pour auoir secours de gens contre les Anglois. ce que ledict Duc luy refusa, sinon qu'il meist hors de son hostel ceulx qui auoyent conseillé le Comte de Ponthieure à le prendre. Semblablement le Roy enuoya ses messagiers deuers le Duc de Sauoye, à ce qu'il fust moyé enuers le Duc de Bourgongne, de venir à quelque appoinctement: aquoy ledict Duc de Bourgongne ne voulut entendre, sinon que le Roy meist hors d'entour luy ceulx qui auoyent cōseillé, & fait mourir son pere, lesquels estoient principaulx gouuerneurs du Roy: & estoient en ce temps lesdictz principaulx & plus prochains du Roy messire Tanneguy du Chastel, le President de Prouence, nommé maistre Jehan Louuet, l'Euesque de Clermont, maistre Jehan Cadart, Medecin, messire Robert le Maçon, & Guillaume d'Auanguour. Et disoyent aucuns qu'ilz gouuernoyent & conduysoyent tresbien les faitz du Roy, & les autres disoyent q non: mais, quoy qu'il en soit, le Roy faisoit pour lors de grâdes armées & resistences contre les Anglois & Bourgognons: toutesfois affin qu'appoinctemēt se peust trouuer entre le Roy & lesdictz Ducz de Bretagne, & de Bourgogne, icelux Conseilliers en furent enuoyez & mis hors de l'hostel du Roy. Ledit Euesque de Clermont s'en alla en son diocese. Ledit du Chastel s'en alla à Beaucāire, ou il demoura iusques à la mort: & lesdictz Louuet, Presidēt, & Cadart, Medecin, en Auignon: & iusques là les conduysit monseigneur le Bastard d'Orleans, qui eut à femme la fille dudit President. Aussi

L'an mil  
cccc.xxvi.

Des gouuer-  
neurs d'en-  
tour le Roy,  
q furent des-  
apoinctez.

Le seigneur  
de Gyac,  
grand Gouverneur des  
affaires du  
Roy, qui fut  
noyé.

en fut enuoyée Iehanne Bónette, femme du Seigneur de Ioyeuse, laquelle auoit esté longuement fort en la grace du Roy, elle estant Damoyelle en l'hostel de la Roïne. Lors entra en la grace du Roy le seigneur de Gyac, qui auoit esté au Seigneur de la Trimouille, & tellemēt qu'il gouuer noit tous les grāds faictz du royaume : mais aucun temps apres courut si grand' enuie sur ledict de Gyac, qu'vn iour, luy estant couché avec sa femme, au chastel Dissouldun en Berry, le Roy estant illec, par le Conseil (comme on disoit) dudit Seigneur de la Trimouille, ledict Connestable le feit prendre, & sans aucune declaration le feit mener & noyer en vne petite riuiere, au pres de Bourges : dont le Roy fut si mal contēt dudit Connestable, que de long temps ne le vouloit veoir. Tantost apres ledict seigneur de la Trimouille espousa la femme dudit de Gyac : laquelle, & ledict de la Trimouille, furent à ceste cause tous deux soupçonnez plus que parauant, de la mort dudit feu Gyac. Apres la mort d'iceluy de Gyac, entra en son lieu en grace, & en gouuernement vn nommé le Camus de Beaulieu : lequel aussi tost apres fut tué à Poitiers en l'hostel du Roy, par les gens dudit Connestable : & feit faire l'exécution messire Pierre de Brosse, seigneur de Bouffac, qui apres fut Marechal de France : mais ce neantmoins ledict Connestable trouua façon de faire son appoinctement avec le Roy, cōme sera dict cy apres : & puis entra audict gouuernement, & en grand' autorité le Seigneur de la Trimouille. En ce temps vint au seruice du Roy, & à son mandement, le Comte de Foix, avec grand' armée, pour resister par puissance aux Anglois, qui estoient pres Bonneual : & passa outre Orleans pres dudit Bonneual, ou estoient les Anglois à moindre puissance que luy : neantmoins il ne se combatit point à eulx, ains se retira à Orleans sans gloire ne sans honneur : & puis s'en alla vers le Roy, à Saumur.

*Comment le Duc de Bretaigne feit hommage & alliance au Roy.*

L'an mil  
cccc.xxvi.



Vdict an, mil quatre cens vingtsix, apres ce que le Roy eut fait scauoir au Duc de Bretaigne, qu'il auoit mis hors de sa maison ceulx qui auoyēt esté cause de sa prise, le Roy s'en alla à Saumur : & la vint deuers luy ledict Duc de Bretaigne & ses freres, qui alliance iurerent : & feit ledict Duc hommage au Roy de sa Duché & autres ses terres tenues de la couronne de France, & feirent aussi ses freres alliance & appoinctement au Roy. Semblablement se rendit audict lieu de Saumur le Comte de Foix : & apres plusieurs Conseilz tenuz, lesdictz Duc & Côte s'en retournerent en leurs pays.

*Du siege de Montargis tenu par les Anglois, qui fut leué par les Francoys : & de la conspiration d'aucuns Princes.*



Environ ce temps les Comtes de Vvaruic & de Suffort, avec grād' compaignie d'Anglois, meirēt le siege deuant Montargis, ou ilz furent plus de trois moys, & auoyēt fortifié & fossoyé leur parc, & fait vne forte Bastille de grands pieux & fossez : & furent les Francoys, qui estoient dedans, en grand' necessité, par la baterie des Bombardes & Canons, que tiroient les Anglois, & n'auoyēt plus nulz viures dedans ladicte ville : dont le Cōnestable fut aduerty, & assembla les seigneurs Dorual, le Bastard d'Orleās, le Côte de Du noys, de Grauille, de Gaucourt, Estienne de Vignolles, dict la Hire, & plusieurs gēs de guerre, & les enuoya pour besongner sur lesdictz Anglois, cōme ilz verroyēt estre à faire, sans prēdre autre cōclusion. Ilz y allerēt, & de plaine arriruee sans marchander donnerent sur le siege desdictz Anglois, du costé deuers le chastel : & feirent tant qu'ilz entrerent dedans leur parc, & y eut merueilleuse baterie, & tous les estandards desdictz Anglois icētez par terre, & furent tous lesdictz Anglois desconfitz, mors ou prins. Ainsi fut ledict siege leué, & la Bastille demolie : & y gaagnerent les Francoys de gands prisonniers, & grand' quantité d'artillerie, & autres biens sans nombre. En celle saison le Comte de Clermont, & de la Marche, filz du Duc de Bourbon, le Seigneur de Bossac, & autres de leur alliance, feirent conspiration contre le Roy, & allerent en la ville de Bourges, & les meirent dedans ladicte ville aucuns d'icelle ville, qui estoient à la porte, & estoit alié avec eulx le Comte de Richemont, Connestable de France. Quand il furent dedans ladicte ville, ilz meirent le siege deuant la grosse Tour par dedans, & par dehors la ville, en laquelle Tour estoient les Seigneurs de Prie, & de la Borde : lequel de Prie fut tué d'un coup de trait. Le Roy sceut celle entreprinse & le seigneur de la Trimouille, qui lors estoit en gouuernement : si allerent avec grosse armée, & leuerent le siege, qui estoit deuant la Tour par dehors la ville : & quand les dessusdictz veirent que le Roy estoit en personne en ladicte armée, & qu'il estoit le plus fort, ilz feirent leur retraicte & s'en allerent.

Des Anglois qui furent tous desconfitz deuant Montargis, qu'ilz auoyent assiéger.

D'aucuns seigneurs de France, conspirateurs contre le Roy.

En celle

En celle saison messire Ambrois de Lore, fut aduertie que messire Jehan Fastol, Cheualier Anglois, estant au pays du Maine, estoit sur les champs avec biē deux ou trois mil combatāz, & alloit deuant le chastel de sainte Susanne, dont iceluy de Lore estoit Capitaine pour le Duc d'Alençon: si se partit de Sablé, ou il estoit lors, avec sept ou huyt vingtz hōmes de guerre seulement. Il sceut qu'en vn village nommé Ambrières, à demy lieue pres dudit sainte Susanne, auoit vne bāde de bien mil ou xij. cēs desdictz Anglois. Il tira droit la, & de prime face donna hardiment dessus, & en tua bien huyt vingtz, & n'y eut de prisonniers que Henry Blanche, qui les conduisoit, & vn homme d'armes. Les autres Anglois s'en fuyrent, & se meirent en desarray: si s'en retourna ledict de Lore, à Sablé, avec plusieurs cheuaux & harnois. Tost apres les seigneurs de Rays, & de Beaumont, & de Lore, firent vne course & allerent mettre le siege deuant le chasteau du Lude, & tant le batirent d'artillerie, qu'ilz le prindrent d'assault: & y eut plusieurs Anglois tuez, & entre autres vn nommé Blanquebourne, qu'on disoit estre vaillant en armes. Enuiron celle saison fut mis hors de prison monseigneur le Duc d'Alençon, qui auoit esté prins à la journée de Vernueil, & paya bien deux cens mil escus, dont il bailla cent mil content: & du reste il bailla ostages, qu'il racheta honnestement au iour nommé.

*D'une autre  
deffaite  
d'Anglois,  
que fit le  
Seigneur de  
Lore, pres s.  
Susanne, et  
au chasteau  
du Lude.*

*Comment la ville du Mans fut reprise par les Francoys, & puis recouffée par les Anglois, à l'ayde de Talbot.*



An mil cccc.xxvij. les Seigneurs Dorual, d'Albret, de Bueil, Estienne de Vignolles, dict la Hire, & autres Capitaines Francoys, firent vne entreprinse de prendre la ville du Mans, que tenoyent les Anglois, par le moyen d'aucuns d'icelle ville, ausquelz il auoyent intelligence. Si assemblerent gens, & y allerent hastiement & secrettement, & par le moyen de leursdictes intelligences entrerent dedans, & la prindrent. Les Anglois qui estoient en icelle ville se retirerent en vne grosse Tour, appelée la Tour d'Orbrindelle, là ou les Francoys les assaillirent: mais ilz se deffendirent vaillamment pour tout le iour. Si enuoyerent iceulx Anglois deuers le seigneur de Talbot, qui estoit en la ville d'Alençon, lequel partit incontinent, & si diligemment cheuaucha qu'il arriua au point du iour en ladicte ville du Mans, & entra en icelle par la porte saint Vincent, qui est ioignant ledite Tour, ou estoient retraictz lesdictz Anglois, & assaillirent les Francoys, & y en eut plusieurs mors ou prins. Les autres s'en saillirent hastiement de ladicte ville, laquelle demoura es mains desdictz Anglois, qui firent decapiter & pendre ceulx qui auoyent esté de l'entreprinse de la bailler aux Francoys. Peu apres ledict Talbot print d'emblée la ville de Laual, qui estoit moult riche: & y trouuerēt & prindrent lesdictz Anglois grand thresor & cheuance.

*L'an mil  
cccc. xxvij.*

*De la prinse de Pontorson, par les Anglois.*



En cetemps le Comte de Richemont, Connestable de France, feit reparer & auitailler le chastel & la ville de Pontorson, contre les Anglois, pres le mont saint Michel, & y meit Capitaine le sire de Rothelain: lequel vn iour vint courir deuant Auranches, ou il fut prins prisonnier par les Anglois. Apres sa prinse fut enuoyé Capitaine audict Pontorson, Bertrand de Dinan, frere du seigneur de Chateaubruyant, Marechal de Bretagne, avec bien grosse armée: mais tantost apres ledict Comte de Vvaruic & le Seigneur de Talbot, avec grand' compaignie d'Anglois, allerent mettre le siege deuant Pontorson, & y furent par long temps, & y fut fait par ceulx de dedans plusieurs saillies, escarmouches, & grands faitz d'armes. Durant iceluy siege, messire Jehan de la Haye, Baron de Coulonces, les Seigneurs de la Hunaudaye & de Chastelgiron, r'encontrerent es greues de la mer, entre Auranches & le mont saint Michel, le Seigneur d'Escalles, Anglois, qui menoit viures à ceulx du siege, & se combaterent fort & ferme: mais finalement les Francoys eurent du pire, & furent lesdictz Seigneurs de Coulonces, de la Hunaudaye & Chateaugiron mors, & plusieurs de leurs gens prisonniers. Si s'en alla ledict d'Escalles avec ses viures audict siege de Pontorson, & leur fut tost baillée la place par composition. En celle année le Comte de Sallebery, Anglois, s'en partit de France & s'en alla en Angleterre, ou il fut receu grandement: & tantost apres les Francoys recouurerent sur les Anglois les villes & places de la Ferté t Bertrād, Marchesnoir, Nogent le Retrou, & plusieurs autres forteresses. Aussi en ceste saison Girault de la Paillerie, Escuyer Gascon, qui se tenoit à Thoury en Beaufse, dont il auoit la garde, print & empara contre les Anglois, Nogent le Roy, Chasteauneuf en Thune-

*La ville de  
Pōtorso que  
les Anglois,  
prindēt par  
compositiō.  
† a. Ber  
nard.*

*Ceux de Tournay auoyent tous iours esté loyaux subiectz au Roy de France.* rois, Bertrancourt, & autres places es marches d'enuiron, & fort greua les Anglois es enuiron. En celle saison les Anglois & le Duc de Bourgongne meirent grand' peine & feirent de grands diligences de reduyre & mettre en leur obeissance la ville de Tournay: mais les habitants, comme vrayz & loyaux subiectz & obeissans, ne voulurent auoir autre Seigneur que le Roy leur droit naturel & souuerain Seigneur, auquel ilz ont tousiours tenu vraye obeissance, dont ilz auoyent tousiours esté recommandez.

*Comment le Comte de Salbery se meit à chemin pour aller assaillir Orleans: & en y allant print toutes les places de la Beauffe.*

*L'an mil cccc.xxviii.*

**E**N l'an mil cccc.xxviii. retourna en France, en grād' puissance & appareil de guerre, le Comte de Salbery, qui l'année precedente s'en estoit allé en Angleterre, & s'en vint à Paris deuers le Duc de Bethfort, qui se portoit Regent en France, pour le Roy d'Angleterre: & combien que par le Conseil d'Angleterre eust esté promis & oëtroyé au Duc d'Orleans, lors prisonnier des Anglois, qu'on ne touche roit point à ses villes & pays d'Orleāz & de Blois, ce neantmoins iceluy de Salbery, à la poursuyte de ceulx de Paris, comme on disoit, fut chargé par ledict Duc de Bethfort, Regent en France pour le Roy d'Angleterre, d'aller mettre le siege à Orleans. Car, par ce que ladiète ville d'Orleans estoit Françoisse, ceulx de Paris n'auoyent point de passage. Si se partit de Paris, iceluy Comte, & en sa compaignie le Comte de Suffort, le Seigneur de Talbot, & grand' compaignie de Cheualiers & gens de guerre d'Angleterre, & autres. Si print son chemin par le pays Chartrain, & alla mettre le siege deuant Nogent le Retrou, que luy baillerent les gēs de Girault de la Pailliere, par composition: & prindrent aussi ses gens Chasteauneuf d'assault, & luy amenerent ceulx qui estoient dedans: lesquelz il feit tous pēdre. puis s'en alla à Chartres, où il fut receu honnorablement par les habitants: & au departir de ladiète ville, qui estoit au moys de Iuillet, il alla mettre le siege au Puiset, qu'il print d'assault, & feit semblablement pendre ceulx qui estoient dedans.

*La prise du Puiset, Thoury & Ienuille en Beauffe, par les Anglois.*

Puis enuoya gens d'armes deuant Thoury en Beauffe. Quand Girault de la Paillerie le sceut, il s'en partit, & laissa vn peu de gens de guerre dedans, qui tost apres rendirent la place, qui estoit fort garnie de viures que les Anglois feirent mener en leur ost, & feirent raser la forteresse. Quand ceulx qui estoient dedans Rochefort & Bertrancourt, sceurent les nouvelles de Thoury, ilz desemparèrent lesdictes places: si alla ledict Salbery deuant Ienuille, & la feit assieger & assaillir de toutes pars. dedans estoit pour la defence Iehan Progent, messire Simon Dauid, & autres Nobles hommes, & tant pressa ceulx de la ville qu'il la print par puissance. Les gens de guerre se retrahirent au chastel: si les feit le Cōte Salbery assaillir, tellement que le lendemain ilz se meirent en sa mercy: si feit lors ledict Cōte emmener à grands charretées tous les prisonniers qu'il auoit, à Paris, qui estoient grand nōbre: & ce feit il affin de tousiours entretenir & animer de son party ceulx de ladiète ville de Paris. Quand ceulx de la ville de Mehun sur Loire, sceurent la prinse dudiēt Ienuille, & que les Anglois vouloyent aller deuant leur ville, sachant qu'ilz n'estoyent pas puissans pour eulx tenir ne deffendre contre si grand' puissance, ilz enuoyerent deuers ledict Comte de Salbery, & luy offrirent de mettre ladiète ville de Mehun en ses mains. Si enuoya iceluy Comte gens avec leurs messages, qui entrerent en ladiète ville, & fut le Samedi quatrieme iour de Septēbre audiēt an: & y alla en personne ledict Comte, & en chemin receut l'obeissance de Montpipeau, & plusieurs autres menues places de la Beauffe, sans resistance. Puis feit reparer le fort dudiēt Mehū, & y meit foison d'Anglois: lesquelz en vne nuyt allerēt piller l'eglise & bourg de nostre Dame de Clery.

*Nostre Dame de Clery fut pillée en une nuyt, par les Anglois.*

*De la prinse des villes de Baugency, Iargneau & Suilly, par les Anglois.*

*L'an m. cccc. xxviii.*



**Q**Uand ledict Comte de Salbery, eut ainsi deffriché & mis en sa puissance les places de la Beauffe, qui luy pouoyent nuyre à tenir le siege deuant Orleans, le huytieme iour de Septembre, audiēt an mil cccc.xxviii. il se vint monstrier en bataille deuant ladiète cité d'Orleans, du costé de la porte Renard. A la venue yssirent de ladiète ville, monseigneur le Bastard d'Orleāz, Comte de Dunoyz, Estienne de Vignolles, diēt la Hire, Poton de Xaintrailles, & autres Capitaines, & plusieurs gens de guerre, & la eut grande & longue escarmouche, pendant laquelle les chariotz, artillerie, viures & bagages des Anglois passerent, & se rendirent dedans ladiète ville de Mehun. Puis enuiron vespres ledict Comte retira sa puissance, & s'en alla à Mehun. Tantost apres enuoya ledict Comte de Salbery grand' puissance d'Anglois deuant la ville de Baugency, & l'assiegerēt, tant du costé



du costé de Beausse que de Soulongne: & furent ceulx de la ville si pressez que le cinquieme iour d'Octobre furent contrainctz eulx rendre par composition ausdictz Anglois. Puis Chastreau-<sup>La ville de</sup> neuf sur Loire, & autres places d'illec autour, se meirent semblablement toutes en leur obeis-<sup>Baugécy fut</sup> sance. Semblablement ledict Comte de Sallebery enuoya le Seigneur de la Poulle à grand-<sup>prise par les</sup> puissance de gens deuant Iargueau, & y meit le siege. Ceulx de dedans se deffendirent vaillam-<sup>Anglois par</sup> ment iusques au cinquieme iour d'Octobre: & eulx, voyas qu'ilz n'estoyent point puissans pour composition resister, rendirent ladiete ville. Lors auoit dedans Suilly vn vaillant Capitaine, nommé Jehan de Lefgot, Cheualier, qui auoit grand nombre de gens & garnison: mais il y vint le Sei-<sup>Le Seigneur</sup> gneur de Rochefort, qui estoit parent du Seigneur de la Trimouille, Seigneur dudit Suilly, d'<sup>Rochefort</sup> qui dedans ladiete ville meit plusieurs Bourgongnons, & en meit dehors ledict Lefgot Capi-<sup>liura aux An</sup> taine: & fut iceluy de Rochefort trahyste: car il se rendit, & sen alla audict Comte de Salbery, glois la pla-<sup>ce de suilly.</sup> pour seruir cōtre le Roy. Le septieme iour dudit mois d'Octobre, ledict Seigneur de la Poulle en soy en retournant de Iargueau, qu'il auoit prins, vint à grand' puissance frapper iusques aux faulxbourgs & aux barrieres du portereau du bout du pont d'Orleans, deuers Soulongne: & lors saillirent au deuant de luy le Comte de Dunois, Bastard d'Orleans, la Hire, Poton, les seigneurs de Villars, de Viētry, messire Nicole de Giresme, & plusieurs gēs de guerre, & Bourgeoys d'Orleans: & combaterent & rebouterent si rudement lesdictz Anglois qu'ilz furent cōtrainctz reculer & eulx retirer iusques à Oliuet (qui est à vne lieue de ladiete ville) ou ilz furent la nuyt: & le lendemain bien matin ilz sen fuyrent.

*Du siege d'Orleans du costé de la Soulongne.*



**L**E douzieme iour d'Octobre audict an mil quatre cens vingt & huyt, enuiron <sup>L'an mil</sup> midy, vint ledict Comte de Salbery à grand' puissance deuant le pont dudit <sup>cccc.xxviii</sup> Orleans, du costé de Soulongne. A celle heure les habitans d'Orleans, & les Seigneurs qui estoient dedans, faisoient paracheuer vn Bouleuert deuant la tournelle du bout dudit pont, & faisoient brusler & abatre les faulxbourgs d'icelle part. Quand on apperceut lesdictz Anglois approcher, les Seigneurs, Capitaines, & gens de guerre saillirent contre eulx, & fort deffendirent les barrieres desdictz faulxbourgs & des eglises, tellement qu'il conuint ausdictz Anglois reculer, & se retirerent loing desdictz faulxbourgs, & tendirent leurs trefz & paillons. Si se retirerent pour la nuyt ceulx d'Orleans, qui dehors de ladiete ville estoient sailliz, & meirent par tout le feu esdictz faulxbourgs. Quand le feu, qui auoit esté mis es maisons desdictz faulxbourgs, fut estaint, lesdictz Anglois approcherent, & y vindrent asseoir leur siege, & dedans l'eglise des Augustins firent & fortifierent vne forte Bastille, & y asseirent leurs Bombardes, Canons & Artillerie qu'ilz firent tirer iour & nuyt, tellement qu'en peu de temps ilz dommagerent fort le portereau du bout dudit pont, & commencerent à faire mynes en terre pour aller au Bouleuert des tournelles. Lors partirent de ladiete ville mondict seigneur le Bastard d'Orleans, & la Hire, pour aller deuers le Roy pour auoir secours: & le vingtvnieme iour dudit mois d'Octobre donnerent lesdictz Anglois vn merueilleux & fier assaut audict Bouleuert: ou ceulx de dedans se deffendirent vaillamment & vertueusement. les Capitaines & gens de la ville vindrent à la deffence, & administrerent à ceulx qui estoient dedans, ce que leur estoit besoing, & en grand' diligence leur apportoyent chaulx viue, cendres, gresses, & eaues chaudes, sercles liez en croylée, vin & viandes, pommes, & vinaigre pour les rafreschir, & tous les seruices & gracieusetez qui leur pouoyent faire: & si fort furent les Anglois chargez qu'il en mourut dedans les fossez bien grand nombre audict assaut, qui leur fut honteux & dommageable, & fort honorable aux François, dont plusieurs furent fort blesez. Si veirent bien que le portereau estoit trop foible pour longuement tenir contre telle puissance: & par ce firent faire vne Bastille sur le meillieu du pont. puis meirent le feu audict Bouleuert desdictes tournelles & portereau, dont lesdictz Anglois auoyent ia miné bien la moytié, & se retirerent en celuy qu'ilz auoyent fait sur le pont: toutesfois il demoura aucuns François, qui vouloyent garder lesdictes tournelles: mais ledict Comte Salbery les fait assaillir & leuer eschelles, & tant fait qu'il les print, dont ceulx de la ville en furent bien esbays. Incontinent apres, ledict Comte de Salbery fait reparer ledict Bouleuert des tournelles, & meit dedans vn Capitaine, nommé Guillaume Clafidas. Le Lundy, qui fut deux iours apres, arriuerent en ladiete ville, de par le Roy, ledict Bastard d'Orleans, la Hire, les seigneurs de Brosse, de Boufflac, de saint Seuer, Mareschal de France, Iques de Chabanes, & autres grands Seigneurs & Capitaines, avec plusieurs gens de guerre, dont ceulx de la ville furent fort resiouyz. Lesdictz Anglois firent quatre Bastilles,

*Dur assaut  
que les An-  
glois firent  
à ceulx d'Or-  
leans.*

tant au dessus comme au dessous desdictes tournelles & Bouleuert, le long de la riuere de Loire, tellement que par eue ne par terre on n'eust sceu entrer dedans ladicte ville du costé de la Soulongne, & tiroient nuyt & iour de leur artillerie sur la ville: & lors estoit ladicte riuere de Loire si basse, & y auoit si peu d'eue, qu'on la pouoit bié passer à gué en plusieurs lieux: parquoy souuentefois les François trauersoyent ladicte riuere, & faisoient de grandes escarmouches sur le siege desdictz Anglois, & moult en tuerent: & ainsi s'entretint la chose iusques au Noel ensuyuant: durant lequel temps ne fut point tué dedans ladicte ville d'Orleans; des coups de l'artillerie desdictz Anglois, six personnes. Vn iour, durant ledict siege, aduint que le Comte de Salbery, dit à Classidas, qui auoit la garde de ladicte tournelle ou Bouleuert du portereau du bout du pont, qu'il vouloit monter en ladicte tournelle, pour plus aysément veoir la ville. Si y alla, & vn Cheualier avec luy: & ainsi qu'il regardoit par vne fenestre du costé de ladicte ville, & ledict Cheualier aupres de luy, aduint q par la volonté de Dieu, fut getté vn coup d'vne piece de Canon de ladicte ville ( & ne peut on oncques sçauoir qui l'auoit gettée, ne de quel baston ladicte pierre estoit faillie ) laquelle alla frapper contre les barreaux de fer de la fenestre ou regardoit ledict de Salbery, & rompit & esclata contre lesdictz barreaux de fer de ladicte fenestre, dont l'un des esclas frappa iceluy Comte de Salbery, & luy creua vn oeil, & tout luy froissa le corps, & tua ledict Cheualier qui estoit avec luy. Ledict Comte cheut à terre subitement, & fut tost releué & emporté en sa tente. Puis, la nuyt, fut mené par eue à Mehun, ou il mourut tost apres, & fut son corps emporté en Angleterre. Lesdictz Anglois furent bien desplaisans de sa mort, & la celerent le plus longuement qu'ilz peurent: mais elle fut sceue par aucuns prisonniers François, qui furent deliurez des mains desdictz Anglois: mais nonobstant que ledict de Salbery fust Chief de ladicte armée, si ne cesserent point les Anglois de tenir ledict siege.

Le Côte de Salbery fut tué d'un coup d'artillerie deuant Orleans.

*Du siege d'Orleans du costé de la Beausse.*



Vand messire Jehan, Duc de Bethfort, Regent en France, pour le Roy d'Angleterre, sceut la mort du Comte de Salbery, il fut bien desplaisant: si s'en partit incōtinent, & alla à Chartres avec grand' compaignie de gens, & la tint grand Conseil pour pourueoir au fait dudit siege d'Orleans, dōt auoit la charge ledict feu Comte de Salbery. Si constitua Chief principal de ladicte armée & siege le Côte de Suffort, & avec luy les Seigneurs d'Escalles, de Talbot, & de Graiz, qu'il enuoya à Baugency, & à Iargueau, ou plusieurs iours se tindrent. Ceulx d'Orleans sachans & aduertiz qu'ilz vouloyēt assieger leur ville du costé de la Beausse, abatirent & bruslerēt tous les faulxbourgs: & fut trouué qu'en la demolition desdictz faulxbourgs, tant d'un costé que d'autre, auoyēt esté demolies. xxij. eglises, dōt y en auoit de bien notables, comme l'Eglise collegiale de saint Aignan, l'Abbaye saint Yuerre, les quatre ordres des Mendiens, & autres eglises tant parrochiales qu'autres, & bien trois mil cc. maisons. Le iour saint Thomas iij. iour apres Noel, audiēt an mil cccc. xxvij. iceulx Anglois vindrent mettre le siege deuant ladicte ville du costé de la Beausse, & pour eulx fortifier, & garder les allées & venues, & que nul ne peust entrer en ladicte ville, ne frapper sur eulx, ilz rompirent les chemins, & firent de grāds fossez, & fermerēt plusieurs Bastilles: l'une à saint Laurēs du costé de Mehū, en vne isle, appelée l'isle Charlemaigne, pour garder la riuere, vne autre grāde deuant la porte, qu'ilz nommerēt Londres, vne autre au pressouer qu'ilz nommerent Rouē, à saint t Ponas vne nommée Paris, à saint Leu, du costé de Iargueau, vne autre grand' & forte: & y assirent leurs Bombardes & Artilleries, & tirerent de toutes pars à grand force iour & nuyt, & abatirent plusieurs maisons & cheminées, mais peu de gens tuerent. Chacun iour les Princes & Seigneurs, Capitaines, & gens de guerre François, qui estoient en ladicte ville, sailloyent, & faisoient de grandes escarmouches sur les Anglois, qui fort les redoubtoient: car ilz les alloient assaillir iusques aux barrieres de leurs clostures, & moult en tuoyent.

Des Bastilles que firent les Anglois, pres la ville d'Orleans.

t al. Po-uais, & Priué.

*De la bataille des Harens.*



E la renommée dudit siege courut grād bruit par tout le royaume, si que les Princes, Seigneurs, cōmunaultez, & gens de tous Estatz auoyent grand' pitié de ladicte ville, & de ceulx qui estoient dedans fort pressez de viures & de necessitez, & bien voyoyēt qu'ilz ne pouoyēt longuement resister à si grand' puissance cōme estoient lesdictz Anglois, si Dieu n'y mettoit sa grace & ayde. Si se taillerent volontairemēt plusieurs citez & villes pour leur faire secours de viures, d'artillerie & de gēs, & en firent

feirent grand amas, & pour les conduyre eut la charge monseigneur le Comte de Clermont, filz du Duc de Bourbon, avecques grand' Cheualerie de Bourbonnois, d'Auvergne, de Berry & Poitou. Si vindrent droit à Bloys: & quand ilz furent la, ilz sceurent que messire Jehan Fastol, Cheualier Anglois, estoit party de Paris, & amenoit grand' quantité de viures; Artillerie, pouldres & habillemens de guerre, pour le siege renforcer: & entreprindrēt mondict seigneur de Clermont & sa compagnie, de les aller rencontrer & combattre: & feirent secrettemēt sçavoir leur entreprinse au Bastard d'Orleans, & autres Capitaines, qui estoient dedans Orleans; & leur manda qu'ilz allassent hastiuement deuers luy, & qu'il le trouueroit pres Ienuille. Si partirent d'Orleans ledict Bastard, le Marechal de Bouillac; messire Loys de Culant, Admiral, & autres Nobles, le Samedy des Brandons, au mois de Feurier. Quand ilz furent ensemble ilz se trouuerent bien six mil hommes en bataille, si se meirent & cheuaucherent tant que leurs ennemys rencontrerent pres d'un village qu'on appelle Rouuray. Quand les Anglois les veirent approcher ilz se meirent de pied, & se cloyrent de leurs chariotz & de grands pieux fichés en terre, & ferrez par les boutz, & meirēt leurs Archiers deuāt. Les François, qui aubyēt force de Couleuvrines, commencerent à tirer sur les Archiers Anglois, qui estoient fort ferrez, & peu tenoyent de place: & lors les François effondrerent sur le charroy des Anglois, & tuerēt plusieurs des marchans, tant de Paris que d'autres, qui conduysoyēt lesdictz viures: entre lesquels viures y auoyent grand' foison de Harens, pource que c'estoit la saison du Karesme: à l'occasion dequoy ladiete bataille est nommée la bataille des Harens. Messire Jehan Stuart, Connestable d'Ecosse, vaillant Cheualier, qui moult fut desirant des Anglois combattre, se mit à pied: si feit le Côte de Dunois, Bastard d'Orleans; & autres Cheualiers, iacoit ce qu'il eust esté aduise que point ne descédroit à terre, & tirerent droit aux Anglois dedans leur cloz, & bien s'attendoient q̄ des gens de cheual auoyēt secours, & tant combattirent q̄ plusieurs se meirēt à faillir hors de leur closture. Quand les Auvergnois & Poiteuins, qui estoient de cheual, demourerent dehors ladiete closture, veirent sortir les Anglois, ilz se meirēt à la fuyte vers Orleans: si se rassemblerent Anglois à bataille contre ledict Connestable d'Ecosse & son frere; sur lesquels tourna la desconfiture: & y furent tuez ledict Connestable & son frere, les Seigneurs d'Orval, de Chasteaubrun, messire Jehan l'Escor, & plusieurs autres. De ceste bataille qu'on appelloit lors la bataille des Harens, furent ceulx d'Orleans desplaisans, & en grand esmoy: mais ce neantmoins tousiours s'enforcerēt de continuer leurs saillies & escarmouches sur les Anglois.

Des nilles et citez qui se taillerent de leur bon vouloir, pour donner secours à ceulx d'Orleans.

La bataille des Harens.

### *De l'Ambassade que ceulx d'Orleans enuoyerent au Duc de Bourgongne.*

**A** Cause dudiect siege, qui longuemēt dutoit, ceulx de ladiete ville d'Orleans se trouuerēt tous perplex & en grand' necessité, & eussent voluntiers trouué moyen de faire cōposition aux Anglois, en leur payāt grāds sommes d'argēt, sans leur bailler ladiete ville en leurs mains, mais remede n'y pouoyēt trouuer. Si saduiserent q̄ cōbien q̄ ledict Duc de Bourgongne tint le party desdictz Anglois, ce neantmoins il auoit aucunemēt pitié de la longue detētion de prison du Duc d'Orleans, & luy eust voulu son biē: & à ceste cause enuoyerēt en Ambassade deuers luy Poton, seigneur de Xaintrailles, & plusieurs notables gēs de ladiete ville: lesquels soubz la cōduyte & adresse de messire Jehan de Luxembourg, remonstrent audict Duc la longue detētion de prison de leur Seigneur, & cōment par le Conseil d'Angleterre auoit esté promis qu'on ne toucheroit ne courroit sus à ses terres & seigneuries, ce neantmoins le Duc de Bethfort, à la psuasion de ceulx de Paris, auoit fait mettre le siege deuant ladiete ville d'Orleans, luy requerant q̄ son plaisir fust ne vouloir du tout permettre la destruction des terres de leurdict Seigneur, & qu'il voulüst prēdre la ville en ses mains, luy offrāt la luy bailler: lequel Duc de Bourgongne, meū de pitié, vint à Paris deuers ledict Duc de Bethfort, qui auoit espousé sa sœur: & par tous moyēs à luy possibles pourchacea q̄ ledict siege fust leué, dont riens ne voulut faire ledict de Bethfort, & l'en reffusa tout platement: & à ceste cause s'en retourna ledict Duc de Bourgogne mal contēt, & par un sien Herault mādā q̄rir tous les Nobles de ses pays, qui estoient audict siege avec les Anglois: lesquels incōtinēt s'en allerēt.

Les Bourgognons se départirēt d'eux avec les Anglois.

### *De la venue de la Pucelle vers le Roy de France.*

**E**n ce temps auoit vne ieune Pucelle, pres Vaucouleur, es marches de Barrois, nommée Jehanne, à laquelle (comme elle disoit) s'estoyent apparuz par diuerses fois plusieurs Anges, & aussi madame sainte Katherine, sainte Marguerite, & autres Sainctz & Sainctes, qui luy auoyent dit & reuelé de par Dieu plusieurs choses: &

N

mesmement durant ce temps que ledict siege d'Orleans estoit, s'apparurent à elle, en luy disant qu'il luy conuenoit aller deuers le Roy de France, & que Dieu l'auoit ordonnée pour luy faire ayde au recouurement de son royaume, pour leuer ledict siege d'Orleans, & le mener sacrer & couronner à Reims: & elle demanda ausdictz Sainctz, comment en cela elle se pourroit gouverner. Si luy fut dict qu'elle s'habillast en habit d'homme, & s'adressast au Capitaine dudit Vaucouleur, & luy requist qu'il luy baillast gens pour la conduyre iusques deuers le Roy: lequel luy en bailleroit, qui la meneroyent seurement & sauement: & luy dirent lesdictz Sainctz qu'elle dist au Roy, qu'elle estoit enuoyée à luy de par Dieu, & au nom de Dieu, pour le secourir luy & son royaume, & autres choses secretes qu'elle ne diroit, ne reueleroit fors qu'à luy, & que de la elle viendrait à Orleans, & que par son moyen ledict siege seroit leué: puis meneroit le Roy sacrer & couronner à Reims. Laquelle Iehanne s'adressa à messire Robert de Baudricourt, Capitaine dudit Vaucouleur, & luy compta & recita ses aduisions: lequel Capitaine, qui congnoissoit & voyoyt ladicte Iehanne estre pauvre simple Pucelle, qui iamais n'auoit fait que garder les brebis, née de pauvres gens, viuans de labour & de leurs bestes, n'en tint pas grand compte, & cuydoit que ce fust fantosme: toutesfois ladicte Iehanne le pressa par tant de fois qu'il luy bailla vn Gentil homme, nommé Villebert, & autres gens qui la meirent en chemin, & comme miraculeusement la trauerferent par plusieurs villes & lieux que tenoyent les Anglois & Bourgongnons, sans ce qu'on leur demandast riens, & tant feirent qu'ilz vindrent iusques à Chinon en Touraine, ou estoit lors le Roy. Quand ladicte Iehanne fut là arriuee, elle requist qu'on la menast au Roy: si fut amenée en sa chambre, ou il y auoit plusieurs Princes & Seigneurs, & s'estoit retiré le Roy derriere les autres, qui estoient plus richement habillez qu'il n'estoit pour lors: mais si tost qu'elle entra en la chambre elle ietta l'oeil sur luy, & l'alla saluer derriere les autres, tout ainsi que si elle l'eust veu toute sa vie, sans que nul luy feist adresse par parolles ne par signe: & le Roy luy dist que ce n'estoit il pas qui estoit le Roy, mais estoit vn autre qu'il luy monstra deuant luy, mais elle luy dist: En nom Dieu Gentil Roy c'est vous mesmes à qui ie vueil parler. Si luy dist illec plusieurs choses, dont le Roy fut moult esmerueillé, & ne sçauoit que ce pouoit estre. Si ordonna qu'elle fust examinée par les gens de son Conseil, & par Docteurs & Maistres en Theologie: lesquelz, apres ce qu'ilz l'eurent examinée, rapportèrent qu'en toutes ses parolles ne congnoissoient riens, qui ne fust bon, & digne de louenge: & en aucunes de ses responcez sembloit qu'elle eust veu les escriptures, sans aucune superstition, ne foule de la foy: & estoit icelle Iehanne de belle forme de corps, visage humain, & sachant son estre entre gens de tous estatz, & sagement parlant. Apres ce que les Commissaires l'eurent examinée, & qu'ilz eurent fait leur rapport au Roy, elle fut menée en la presence du Roy, qui humblement la receut, & l'escouta en tout ce qu'elle luy voulut dire, & luy dist à part qu'il n'y auoit qu'eulx deux aucunes choses secretes qui demourerent entre eulx, & lesquelles le Roy ne voulut iamais reueler: & de celle heure le Roy, qui parauant estoit fort triste & pensif en couraige, fut plus lyé & ioyeux de courage que iamais n'auoit esté.

Après ces choses ladicte Iehanne pria au Roy qu'il luy enuoyast querir par vn de ses Armuriers vne espée qui luy auoit esté denoncée estre en certain lieu en l'eglise sainte Katherine du Fierboys, en laquelle auoit pour empraincte de chacun costé trois fleurs de lys, & estoit entre plusieurs autres espées roillées. Si luy demanda le Roy si elle auoit autresfois esté en ladicte eglise de sainte Katherine, laquelle dist que non, & qu'elle le sçauoit par reuelation diuine, & que d'icelle espée elle deuoit expeller ses ennemys, & le mener sacrer à Reims. Si y enuoya le Roy vn de ses Sommeliers d'armures, qui la trouua au lieu, & ainsi que ladicte Iehanne le luy auoit dit, & la luy apporta.

*La Pucelle Iehanne fut amenée au Roy, q' lors estoit à Chinon, & comment elle le congnt, & bien que ia mais ne l'eust ueu.*

*L'espée que la Pucelle Iehanne demanda au Roy, pour expeller les ennemys de France.*

### Auitaillement d'Orleans par la Pucelle.

*L'an mil cccc. xxix.*

*La Pucelle armée tout à blanc alla auisailler ceulx d'Orleans.*



An mil quatre cēs xxix. apres ces choses ainsi faictes, le Vendredy deuant l'Ascension, ladicte Iehanne la Pucelle supplia au Roy luy bailler gens, & donner cōgé d'aller secourir ladicte ville d'Orleans. ce q' le Roy luy octroya: & pour l'accompagner manda plusieurs Capitaines, & entre autres les Seigneurs de Raiz & de Lore, & assemblerent grand nombre de gens de guerre, & grand quantité de viures. Si vindrent à Bloys, ou estoient la plus part des Chiefz de guerre, & la fut armée tout en blanc ladicte Iehanne Pucelle: & se meit icelle Iehanne à estendard desployé, & tous les Chiefz de guerre en chemin du costé de la Soulongne, pour venir à Orleans. Si passerent lesdictz Chiefz de guerre, à la veue des Anglois, qui n'en feirēt aucun semblant

aucun semblant, tous les viures par la riuere, & les feirent mener en ladicte ville d'Orleans: puis sen retournerent lesdictz Capitaines à Bloys, pour querir le demourant des viures, artilleries & pouldres: & ladicte Pucelle demoura en ladicte ville d'Orleans, ou elle fut honnorablement & ioyeusement receue, & entretenue par mondict seigneur le Comte de Dunois, Bastard d'Orleans, & par les Bourgeois & femmes de bien de ladicte ville, qui fort l'accompaignerent. Lors ledict Bastard d'Orleans manda tous les Capitaines & gens d'armes des villes & chasteau de Montargis, Chasteaudun, & autres forteresses d'environ, qui tous vindrent à Orleans: & le quatrieme iour de May, sceut ledict Bastard que l'Admiral, le Marechal Bouffac, les seigneurs de Raiz, de Lore, de Gaucourt, & autres Capitaines estoient partis de Bloys, pour amener le demourant des viures dedans Orleans, du costé de la Beaufse, & prenoient leur voye droict à vn village, nommé Patay: parquoy celle nuyt se partirent d'Orleans ledict Bastard, la Pucelle, & les gens d'armes de garnison qui la estoient venuz & assemblez, & trouuerent leurs gens & viures qu'ilz amenerent, & passerent deuant toutes les Bastilles desdictz Anglois, & entrerent dedans ladicte ville à sauueté, sans ce que les Anglois se monstrent ne faillissent hors desdictes Bastilles. Celuy mesme iour, sans conduyte de nulz des Capitaines, faillirent d'Orleans plusieurs Arbalestriers, Archiers, & gens de pied, & allerent assaillir l'une des plus fortes Bastilles desdictz Anglois, qui estoient deuers saint Lou. Les Anglois se deffendirent vertueusement, si que l'assault y fut dur & cruel. La Pucelle le sceut, qui tost & subitement monta à cheual pour y aller, & plusieurs la suyrent, & fut l'assault plus fort que deuant: & par puissance fut ladicte Bastille honorablement & vaillamment conquise par les François, & y eut bien soixante Anglois tuez & vingt & deux prisonniers. Les Anglois des autres Bastilles feirent assez de contenance d'eulx monstrent en bataille, faisant semblant de vouloir aller secourir leurs gens: mais pas si hardis ne furent d'approcher. Le fixieme iour de May, audict an mil quatre cens vingt & neuf, à la venue de Classidas, Capitaine du Bouleuert & portereau du bout du pont, & aussi des Anglois, qui estoient en diuerses Bastilles, qu'ilz auoyent faictes du costé de Soulongne, ladicte Jehanne la Pucelle, & plusieurs Capitaines & gens de guerre faillirent d'Orleans, & traufferent la riuere de Loire, & vindrent du costé de Soulongne: & ce voyans grand nombre d'Anglois, qui estoient en vne forte Bastille, grandement garnie d'Artillerie, viures & autres biens, abandonnetent ladicte Bastille, & se retirerent en la Bastille que les Anglois auoyent faicte aux Augustins. Ladicte Jehanne mettant ladicte Bastille en abandon passa oultre, & enuoya coureurs à cheual, pour descourir deuant le Bouleuert des tournelles, & deuant la Bastille des Augustins vint son estendart planter, & se meit à pied. L'assault feit commencer de toutes pars. Anglois se deffendirent vaillamment, & moult y eut de François blecez de chaussetrappes qu'ilz auoyent semées, & mesmement ladicte Pucelle qui eut vn coup de trait, qui semblant n'en feit. Lors les Anglois desdictes tournelles, & de la Bastille des Augustins, esleuerent vn si merueilleux & horrible cry, que François en furent espouentez, & cuydoient que les Anglois, qui estoient dedans les Bastilles du costé de la Beaufse, eussent passé la riuere pour les venir secourir. Si se prindrent François à eulx retirer contre bas la riuere doict à leurs vaissaux, pour la riuere repasser, delaisant la Pucelle à peu de gens: laquelle monta à cheual, & avec vingt hommes de cheual seulement print à poursuyuir ceulx qui sen fuyoyent: & voyant lesdictz Anglois qu'elle alloit apres, cuydant qu'elle sen fuyst, issirent hastiement de leurs Bastilles, & coururent apres à grands cris, disans grands diffames de sa personne: laquelle, ce voyant & oyant, print son estendart en sa main, & tourna son cheual faisant visaige ausdictz Anglois: lesquelz de sa contenance furent si espouentez que sans resistance sen fuyrent hastiement chacun en leurs Bastilles. Si leuerent François vn grand cry, & hastiement retournerent à la Pucelle: laquelle incontinent retourna à ladicte Bastille des Augustins, & feit donner l'assault si grand & si merueilleux, qu'en peu d'heure fut par puissance ladicte Bastille prinse, & moult y eut d'Anglois mors. Et pource que la Pucelle veit que les François entendoient trop au pillage des biens qui estoient en ladicte Bastille, dont il y auoit moult grand nombre, elle feit mettre le feu dedans, & fut toute ladicte Bastille bruslée, avec tous les biens qui y estoient: &, ce faict, elle alla planter son estendart sur les fossez du Bouleuert des tournelles, & y voulut mettre le siege: mais pource que la nuyt s'approchoit, elle fut conseillée de soy retirer. Si sen alla dedans Orleans, & feit demourer ses gens en vne isle en intention de retourner le lendemain: mais celle nuyt les Anglois ardirent & desemparerent l'eglise saint Iehan le Blanc, & leur Bouleuert du champ saint Priué.

*Ceulx d'Orleans, à la conduyte de la Pucelle, gaignerent l'une des plus fortes Bastilles des Anglois.*



*Du siege d'Orleans, leué par la Pucelle.*



*La uertue  
se bataille  
de descōfi-  
ture que fei-  
rent ceulx  
d'Orleans  
contre les  
Anglois,  
moyennant  
le bon con-  
seil de la pu-  
celle Je-  
hanne.*

*L'an mil  
cccc.xxix.*

**L**E Samedy septieme iour de May, fut tenu Conseil dedans Orleans: par ce que la Pucelle vouloit à toute force passer la riuere pour assaillir lesdictes tournelles du pont d'Orleans: mais aucuns furent qui la desconseillerent, mesmement le Seigneur de Gaucourt, qui estoit Gouverneur d'Orleans. Si vindrent les gēs l'Eglise & Bourgeois, qui estoient tant fatiguez & trauaillezz q plus ne pouoyēt, deuers la Pucelle & les Capitaines, leur supplier qu'ilz poursuyussent leur bōne fortune, & qu'ilz deliurassent le passage dudiēt pont, autrement ilz ne pouoyēt plus durer: & en ce offroyent employer leurs personnes, & tous & chacuns leurs biēs, sans riens y espar-gner: & pource q lediēt Seigneur de Gaucourt persistoit contre leur requeste, ilz luy cuyderēt courir sus. Finablement à leur requeste il fut conclud qu'on passeroit oultre. Si passerēt la Pucel le, le Bastard d'Orleans, les Seigneurs de Raiz, & de Lore, & autres Chiefz de guerre, & leurs gens deuers la Soulongne, & laisserēt aucuns gēs d'armes avec les Bourgeois de la ville, pour cōbatre ladiēte Bastille, du costé de la ville: laqille Bastille estoit si fortifiée & si hault de pieux, de terre, & de fagotz qu'a peine la pouoit on veoir. La Pucelle & les Capitaines donnerēt l'as-sault p dehors, & ceulx de la ville iettoyēt contre leur Bouleuert, du costé du pōt, fuzées de feu Gregeois, & autres engins pour mettre le feu esdictz fagotz. L'assault commēça à trois heures deuant midy, & dura iusques à la nuyt, si dur & si apre que les Anglois n'en peurent plus, & leur faillit leur traict & leur pouldre. Lors les François leuerent eschelles, & par puissance entrèrent dedans le Bouleuert, tuant les Anglois de toutes pars. Si se retira lediēt Classidas, & plusieurs autres Capitaines Anglois, dudiēt Bouleuert, & se retirerent dedans les tournel-les, & saillirent du costé du pont pour aller combattre ceulx de la ville, qui estoient dessus: mais ilz furent rudement reboutez, & aduint comme par punition diuine, qu'en eulx reti-rant, le pont qu'ilz auoyent réparé, de boys, rompit soubz eulx, & tous armez cheurent en la riuere, & se noyerent tous: & lors les François entrèrent dedans lesdictes tournelles, tant du costé de la place de la Pucelle, que du costé de la ville, & la eut grand' occision, & y furent prins moult de prisonniers & grands richesses: & entra la Pucelle & sa compagnie en ladiēte ville par dessus le pont (qui tost fut réparé) laquelle auoit esté blecée d'un traict, mais elle n'en faisoit compte. Si fut songneusement pensée & habillée de sa blessure, & moult louée de tout le pays & de tout le peuple: & disoyent que Dieu les auoit visitez, & en demonstrent sa puissance les auoit deliurez de si grand danger, par les mains d'une ieune Pucelle. Le len-demain Dimenche huyetieme iour de May, mil quatre cens vingt & neuf, le Comte de Suf-fort, les Comtes d'Escalles, & Talbot, Anglois, voyans la grande desconfiture qui estoit adue nue sur leurs gens, issirent de leurs Bastilles, & tous armez se meirent aux champs en bataille, & feirent mettre le feu en leursdictes Bastilles: & feirent passer leurs chariotz, artillerie, pri-sonniers & sommages: puis s'en retirerent à Mehun, Baugency, Iargueau, Ienuille, & autres forteresses qu'ilz tenoyent. Aucuns François, mesmement ceulx de la ville d'Orleans, vou-loyent qu'on allast apres eulx: mais la Pucelle ne le voulut souffrir, & disoit qu'on les trouue-roit assez à tēps. Quand ilz furent si eslongnez qu'on en eut perdu la veue, la Pucelle & ceulx de la ville saillirent aux champs, & emporterent les viures & biens qu'ilz trouuerent esdictes Bastilles, dont y auoit grand nombre, & feirent demolir du tout lesdictes Bastilles. Apres s'en retournerent dedans la ville: & fait la Pucelle venir les gens d'Eglise & le populaire, & fait chanter par toutes les eglises: *Te Deum laudamus*, & dire plusieurs Anthiennes & Oraisons, pour rendre graces à Dieu & à la vierge Marie, & sonnerēt toutes les cloches de ladiēte ville. Les François allerēt aux Bastilles des Anglois, ou ilz trouuerent encores plusieurs biēs & vi-ures, & furēt incontīnēt icelles Bastilles demolies & abbatues. A semblable iour, q fut leué lediēt siege des Anglois, font ceulx de ladiēte ville d'Orleans chacun an solēnelles processions, & beau seruice des trespassez, en memoire perpetuelle. Les Capitaines Anglois feirent incon-tinent sçauoir au Duc de Bethfort, leur aduenture, qui moult desplaisant en fut, lequel estoit lors à Paris: si se retira incontīnēt au boys de Vincēnes, & la tint Conseil par plusieurs iours.

*De l'allée de la Pucelle deuers le Roy: & de la prinse de Iargueau, & de Baugency.*



**A**Pres le siege d'Orleans, ainsi leué, Ichāne la Pucelle print congé de mōseigneur le Comte de Dunois, Bastard d'Orleās, & des Seigneurs & Capitaines, & aussi des Bourgeois d'Orleans, qui moult la mercierēt, & moult grand' honneur luy portē-rent: & s'en alla deuers le Roy, qui estoit à Chinon, leql la receut honnorablement, & grand' honneur luy porta: car il congnut lors euidēment qu'elle estoit venue diuinemēt, & que

que les faictz le demonstroyent. Sēblablemēt vint deuers le Roy monseigneur le Duc d'Alençon, apres ce qu'il eut payé & acquité ses ostages, de la rācon de prison, ou il auoit esté prins à la iournée de Vernueil. Si tint le Roy grād Conseil, pour nettoyer & mettre hors les Anglois des villes & places qu'ilz tenoyent à l'entour d'Orleans: & feit son mandemēt, auquel vindrēt grand nombre de haultx hommes, Princes, Barons, & Cheualiers à belles cōpaignies: & feit Chief de celle armée mōseigneur le Duc d'Alençon, avec ladiēte Iehāne la Pucelle. Si se meirent à chemin, & allerent droict à Iargueau, ou ilz meirent le siege, & fort batirent la muraille de Bōbardes & Artileries: & la vindrent le Bastard d'Orleans, les Seigneurs de Grauille & de Gaucourt, & autres Chiefz de guerre, qui auoyēt esté dedans Orleans, durant le siege: & aucuns iours apres donnerent l'assault audict lieu de Iargueau: & dedans ledict Iargueau estoit Capitaine & Chef, le Comte de Suffort, le Seigneur de la Poulle, son frere, & Alexandre de la Poulle, son autre frere, & grād nombre d'Anglois. Le xij. iour de Iuin audict an, mil cccc. vingt & neuf, les François donnerent l'assault si merueilleux, que les Anglois ne sēauoyēt ou eulx cacher, & feirēt signe de vouloir parlemēter: mais la Hire, qui la estoit, & fort trauailloit, dist qu'ilz n'auoyent autre parlement qu'à la poincte de l'espée: & fut ladiēte ville prinse d'assault, & y fut prins prisonnier ledict Comte de Suffort, par vn Escuyer, nōmé Guillaume Regnault. aussi fut prins le Seigneur de la Poulle, son frere: mais Alexandre, son autre frere, fut noyé, & bien cinq cens Anglois: & prindrēt les François plusieurs prisonniers, qu'ilz emmenoyent à Orleans: mais en chemin aucun debat se sourdit entre eulx; à l'occasion dequoy ilz tuerent presque tous lesdictz prisonniers: puis se retira l'armée des François à Orleans. Le xv. iour dudit mois, ledict Duc d'Alençon, & la Pucelle, avec leur armée, partirēt d'Orleans, & se vindrent mettre en bataille deuant Mehun, sur Loire, du costé de la Soulongne: & d'arriuee prindrent le fort du pont, & y meirent bonne garnison contre les Anglois, qui tenoyent la ville. Le lendemain ensuyuant ilz passerent oultre, & allerēt deuant Baugency, ou ilz voulurent mettre le siege: mais les Anglois qui veirent leur puissance, & qu'ilz n'estoyent point pour resister, abandonnerent la ville, & se retirerent au Chasteau, à l'entour du pont. Ceulx du pont, qui estoient biē six xx. hommes, demanderent composition; & semblablemēt ceulx du chasteau: qui leur fut octroyée, & qu'ilz s'en iroyent vn baston au poing, bagues sauues, & par tel si qu'ilz ne s'armeroyent d'vn mois apres. Audiēt Baugency arriuerēt monseigneur le Comte de Richemont, Connestable de France, & en sa compaignie le seigneur d'Albret, avec bien mil ou douze cens hommes, dont l'armée des François fut fort resiouye & renforcée. Durant que ces choses se faisoient, le seigneur de Talbot alla à Laual, & par eschelles prindrent la ville d'emblée, & y gaignerent les Anglois moult de biens. Dedans le chastel estoit messire André de Laual, seigneur de Loheac, qui composa pour luy & les autres du chastel à vingt cinq mil escus, & demourer prisonnier iusques à ce qu'il les eust payez.

*De la prinse  
de Iargueau  
sur les An-  
glois, en la-  
quelle fut  
pris le Com-  
te de Suffort*

### *De la bataille de Paray, & prinse de Talbot.*



**D**E toutes pars commēcerent lors à arriuer gēs en l'ost des François, dont les plusieurs venoyent sans mandement: car le courage leur estoit creu, pour le siege d'Orleans, qui auoit esté leué, & aussi pour la venue de la Pucelle, dont la renommée estoit ia moult grande par le royaume, & desiroit chacun à la veoir: & au contraire les Anglois affoiblissoient, & s'esbahissoient d'en ouyr parler. Si delibererent ledict Duc d'Alençon, la Pucelle, le Connestable, le Comte de Védosme, & autres Chiefz de guerre, d'aller à Mehun: & fut commis messire Ambrois, Seigneur de Lore, à mettre les Anglois hors de ladiēte ville de Baugency, & les conduyre à sauueté: & enuiron vne heure, ainsi que lesdictz Seigneurs vouloyent partir, & qu'ilz faisoient saillir leurs gens aux champs, & les mettoient en bataille, ilz furent aduertis par cheuaucheurs & auantcoureurs, qu'ilz auoyent enuoyez pour descouurir, que les Anglois, qui estoient dedans Mehun, auoyēt abandonné la ville, & qu'ilz s'en alloient vers Ienuille, & que la on auoit veu le seigneur de Talbot, messire Iehan Fastol, & plusieurs autres Capitaines Anglois, avec bien six mil combatans. Si conclurent lesdictz Seigneurs François, qu'ilz iroyent hastiuemēt celle part, pour les combatre: si feirent marcher leurs batailles, & cheuaucherent le plus diligemment qu'ilz peurent, & vindrent vers vne eglise forte, en vn village de la Beauffe, nommé Paray. La s'entrerencontrerent les batailles & s'entreapprocherent, & commencerent à escarmoucher: & lors les Seigneur de Lore, de Beaumont, Poton, & autres Capitaines, qui menoyent l'auantgarde, frapperent hardiement & roidement sur lesdictz Anglois, tellement q grand' partie de ceulx qui estoient à cheual commencerent à fuyr dedans vn petit boys, & dedans le village, qui estoit la aupres. Lors commença la bataille des François à donner dedans, & feirēt grand

*La desconfi-  
ture des An-  
glois, pres Pa-  
ray en Beauf-  
se.*

abatiz d'Anglois, qui en peu d'heure furent desconfitz: & y en eut bien quatre mil de mors, & bien trois cēs prisonniers: & entre autres furēt prins prisonniers les Seigneurs de Talbot (lequel Talbot fut depuis deliuré par la deliurance de Poton de Xaintrailles) d'Escalles; Gautier de Hongrefort, & plusieurs autres Seigneurs & Capitaines Anglois: & dura la chace apres ledictz Anglois iusques à Ienuille, qu'ilz tenoyent: laquelle ville fut lors prinse. Si furent aussi prinse Mehun, la Ferté, & la pluspart des forteresses de la Beauffe. Messire Iehan Fastol, & autres Anglois, qui peurent eschaper de la bataille, s'en fuyrent, & se rendirent à Corbeil, & les François coucherent celle nuyt au champ de la bataille.

*Comment le Roy se meit à chemin pour aller à Reims, soy faire sacrer.*

L'an mil  
cccc.xxx.



La Pucelle  
admonne-  
stait fort le  
Roy de s'en  
aller faire  
couronner et  
sacrer à  
Reims.

EN l'an mil quatre cens trēte, quand le Roy sceut les nouvelles de ladiēte bataille, il fut biē ioyeux, & en rēdit graces à Dieu & à nostre Dame. Messieurs d'Alençon, & de Vendosme, & la Pucelle allerēt deuers luy: & lors ladiēte Iehanne l'admonnesta fort de soy aller faire couronner & sacrer à Reims. La chose fut mise en deliberation, & y auoit plusieurs des Princes, Seigneurs & Chiefz de guerre, qui n'estoyēt pas d'opinion qu'il y deust encores aller, & qu'il ne se pouoit faire: car ladiēte ville de Reims, & les villes de Troyes, Chaalōs, Auxerre, Laon, Soissons, & generally toutes les autres villes & places de Champagne, Brie, & Gastinois, par ou il conuenoit passer, estoient en l'obeyssance & puissance des Anglois. Si estoient semblablement celles de Picardie, de l'Isle de France, & tous les pays d'entre la riuere de Loyre & la mer. Toutesfois tant le pressa & persuada ladiēte Iehanne la Pucelle, disant qu'elle estoit enuoyée de par Dieu, pour l'y mener, & que le tēps que Dieu auoit ordonné estoit venu, que ledict Roy delibera d'y aller: & de fait fit mander & assembler à Orleans, au moys de Iuin, toute la Cheualerie & puissance qu'il peut, & se meit à chemin, & alla droit à Gyen. Entre les autres estoient en sa compagnie les Ducz de Bourbon, d'Alençon, les Comte de Vendosme, de Dunoy, & de Richemont, Poton, la Hire, & plusieurs autres grands Princes, Seigneurs, Barons, Capitaines & Chiefz de guerre: & en vindrent plusieurs sans mander pour le seruir, & estre audict couronnement. En celle saison le Seigneur de la Trimouille gouernoit totalement le Roy, & les faitz du royaume, dont il estoit fort enuyé du Connētable & des autres Seigneurs & Capitaines, qui estoient avec luy: lequelz auoyent bien xij. cens hommes en leur compagnie, qu'il conuint demourer, par ce que ledict de la Trimouille ne vouloit pas que le Roy receust en sa compagnie si grand nombre de gens qui venoyent pour le seruir, pour la doubte qu'il auoit de sa personne, dont s'en ensuyuit grād dommage au royaume: car si l'eust souffert recevoir tous ceulx qui y venoyent, & vouloyent venir, on eust en peu de temps recouert tout ce que les Anglois occupoyēt en France: mais on n'osoit lors parler contre ledict seigneur de la Trimouille, combien qu'on congnoist bien que la faulte procedast de luy. Quand le Roy fut à Gyen, il fut fait vn payement aux gens d'armes, & leur fut baillé à chacun trois francs seulement. Dudit lieu se partit Iehanne la Pucelle, & autres Capitaines, qui allerēt deuant, coucher à quatre lieues, tirant vers Auxerre: & le lendemain le Roy y alla apres, & fut la tout son ost ensemble: & pource qu'en la compagnie auoit plusieurs femmes diffamées, qui empeschoyent aucuns gēd'armes d'aller auant, ladiēte Iehanne la Pucelle fit crier qu'elles s'en departissent. Apres le cry fait chacun se meit à aller auant: & pource que ladiēte Iehanne, qui estoit à cheual, en rencontra deux ou trois en la voye, elle tira son espée pour les batre, & frappa sur l'une d'elles du plat de son espée si grand coup qu'elle rompit ladiēte espée, dont le Roy fut fort desplaisant quand il le sceut, & luy dist qu'elle deuoit prédre vn baston pour les frapper, sans abandonner ladiēte espée, qui luy auoit esté reuelée de par Dieu. Tant cheuaucha le Roy ce iour qu'il vint iusques deuant Auxerre. Ceulx de la ville ne le voulurent pas mettre dedans de prime face, & disoyent qu'ilz auoyent donné argent audict Seigneur de la Trimouille, pour demourer en abstinēce de guerre, dont on murmura fort contre luy. Ladiēte Iehanne vouloit qu'à toute force on assaillist la ville: mais finalement elle demoura en abstinence, moyennant que ceulx de ladiēte ville baillèrent grand' foison de viures à ceulx de l'ost du Roy pour leur argent. De la s'en alla le Roy à saint Florentin, qui luy fit planiere obeyssance. Apres s'en alla deuant la cité de Troyes, en laquelle auoit bien six cens, qu'Anglois q̄ Bourgoignons, gens de guerre, qui à l'arriēce saillirēt sur l'ost du Roy: parquoy il se logea tout autour de ladiēte ville, & y fut environ sept iours en parlementant, & euydant que ladiēte ville luy feist obeyssance: & auoyent ses gens grand' necessiré de viures. Si eut le Roy Conseil avec les Ducz d'Alēcon & de Bourbon, le Côte de Vendosme, l'Archeuesque de Reims, Chancelier de France, & autres Capitaines: & consideroyent q̄ les gens du

Roy

Roy n'auoyent ne viures n'argent, nelieu dont leur en peust venir, & que ladicte ville de Troyes estoit fort garnie de gēs de guerre & de commune, de viures, d'artillerie, & choses nécessaires, & sembloit bien qu'ilz n'auoyent point de volonté d'eulx mettre es mains du Roy: & si n'auoit le Roy Bombardes, n'artillerie, pour battre les murs de la ville, ne n'auoit forterefse ou il y en eust plus pres que Gyē, ou auoit bien trente lieues, & autres choses que ledict Chācellier remonstra: mesmement que le Roy auoit esté ia refusé à Auxerre: & demanda sur ce les oppinions: & furent les aucuns d'aduis que le Roy retournaist sans demourer plus deuant ladicte ville, n'y aller plus auant. Quand vint à l'oppinion de messire Robert le Maçon, Cheualier, seigneur de Treues, il dist qu'on deuoit enuoyer querir Iehanne la Pucelle, & la faire venir audict Conseil: & que par aduenture elle diroit quelque chose qui seroit proffitable pour le Roy & sa compaignie: car ledict voyage auoit esté entrepris par l'admonnestement de ladicte Iehanne, & non pas pour puissance d'argent ne de gens, que le Roy eust. Si fut ladicte Iehanne mandée, & à son arriuē elle feit la reuerence au Roy: & apres le Chancelier luy remonstra les raisons & remonstrāces qu'il auoit dictes, & luy demāda qu'il luy en sembloit: & lors elle ietta sa veue sur le Roy, & luy demāda si elle seroit creue. A quoy le Roy luy respōdit que si elle disoit quelque raison apparente, qu'on la croyroit: & ladicte Iehanne reprint de rechef sa parolle, demandant au Roy si elle seroit creue, qui luy dist qu'elle dist hardiment ce qu'il luy en sembloit, & que ouy, selon ce qu'elle diroit. Lors dist ladicte Iehanne: En nom de Dieu, Gētil Roy, si vous voulez encores demourer deuant vostre ville de Troyes, auant qu'il soit deux iours entiers elle sera en vostre obeyssance, ou par force, ou par amour, & n'en faictes doubte. Et lors luy dist le Roy: Iehāne, m'amie, qui seroit certain de l'auoir on attendroit biē six iours, & plus se besoing estoit. A quoy elle respōdit: Gētil Roy n'en faictes nulle doubte, car ie vous en assure: & à celle oppinion fut conclud de demourer la. Incontinent ladicte Iehanne fallā armer, & monter sur vn gros coursier, vn baston en sa main, & alla par l'ost, & meit en besongne Cheualiers, Escuyers, & gens de tous estatz, & feit porter huys, fenestres, tables, fagotz, & autre boys qu'elle feit prendre es maisons des faulxbourgz, pour faire taudis approchans contre ladicte ville, pour atfortir aucun peu d'artillerie qui estoit en l'ost, & faisoit de merueilleuses diligēces, tellement que quand ceulx de la ville apperceurent leurs contenances, ilz furent si espouentez que l'Euesque, & plusieurs des Bourgeois & Capitaines, qui estoient dedans, vindrent parlementer, & firent composition que les gens de guerre, Anglois, s'en iroyēt leurs bagues sauues, & que ladicte ville seroit mise en l'obeyssance du Roy. Si s'en allerēt lesdictz gens de guerre: & le Roy, & les Princes en sa compaignie, y entrerent le lendemain au matin. Les Anglois & Bourgongnons vouloyent emmener à leur partement les prisonniers Frāçoys qu'ilz auoyent: mais ladicte Iehanne par force les leur osta realement & de faict à la porte de la ville: & conuint que le Roy les contentast de leurs fināces & rançons. Le Roy meit Bailly, Capitaines, & autres Officiers de p luy, en ladicte ville de Troyes: & pource que son ost estoit demouré hors ladicte ville, & auoit laissé la garde d'iceluy à messire Ambroys, seigneur de Lore, quand le Roy fut party d'icelle ville, ledict de Lore, & tout l'ost, passa & traier sa par icelle ville. Le lendemain que le Roy fut party de Troyes, il tira vers Chaalōs. Quand ceulx de la ville sceurent sa venue, l'Euesque, le Clergé & les Bourgeois & habitans d'icelle, cōgnoissans que c'estoit leur vray & naturel seigneur, allerent au deuant de luy, & à grād hōneur & reuerence le receurent, & luy baillerent les clefz de la ville. Si entra dedans, & y meit vn Capitaine: & au regard des autres Officiers, ilz y estoient mis de par l'Euesque, qui est Per de France, Comte & Seigneur temporel & spirituel d'icelle ville.

*La Pucelle Iehanne cōtre l'oppinio des Princes, fut d'aduis que le Roy deuoit tenir bō deuant la ville de Tro yes.*

*La uille de Troyes se rēdit à l'obeyssance du Roy ainsi que la Pucelle auoit predict au Roy.*

### *Du Sacre du Roy, à Reims.*

**D**E Chaalons se partit le Roy, & se meit à chemin pour aller en la cité de Reims, qui estoit occupée par les Anglois, comme aussi estoient toutes les autres villes, & places du pays: & quand il approcha de ladicte ville, le Clergé, & les habitans d'icelle, vindrent au deuant, & luy feirēt planiere obeissāce, & luy apporterent les clefz, en disant qu'il fust le tresbien venu. Si entra le Roy dedans, ou il fut receu à grand hōneur & reuerence. La vindrent deuers luy pour le seruir & honnorer les Ducs de Bar, de Lorraine, & le Seigneur de Commercy, avec grand' compaignie de gens de guerre. Le Dimenche ensuyuant, le Roy alla au matin en la grand' eglise de Reims, & la fut apportée la sainte Ampoule, qui est en l'Abbaye de saint Remy en ladicte ville: & demourerent en ladicte Abbaye quatre Barons en ostage, iusques à ce qu'elle fust reportée en ladicte Abbaye, ainsi qu'il est tousiours accoustumé de faire en tel cas. En la compaignie du Roy estoient le Duc d'Alençō, de Bourbon, de Bar, de Lorraine, le Comte de Vendosme, d'Albrer,

*De l'entrēe du Roy en la uille de Reims.*

*La Pucelle Jehanne fut presche, & assista au Sacre du Roy, armée tout à blanc, tenant son estédard en sa main.* le Bastard d'Orleans, les Marefchaulx, les Admiral & Maistre des Arbalestriers de France, & grand nombre d'autres Princes, Seigneurs, Barons, Cheualiers, & gens de tous estat: & fut le Roy oingt, sacré, & couronné Roy de France, par messire Regnault de Chartres, Archeuef-que de Reims, & Châcelier de France: & audict Sacre fut tousiours pres & presente ladiete Jehanne la Pucelle, toute armée à blanc, & tenant son estédard en la main: & bié y deuoit estre, comme celle qui estoit principalement cause, de l'ordonnance & volunté de Dieu, d'iceluy Sacre. La fait le Roy le Duc d'Alençon, & le Seigneur de Loheac, & grād nōbre d'autres, Cheualiers. Trois iours seiourna le Roy en ladiete ville de Reims, apres son Sacre: puis s'en partit, & s'en vint au prioré de saint Marcou, au diocese de Laon, dependant de l'Abbaye de saint Remy de Reims, à six lieues pres de ladiete ville, aīsi qu'ont accoustumé de faire les Roys de France, & leur fait on vn seruice ppre, & la leur est donnée de Dieu la puissance de guerir, en la vertu de luy, de la maladie des Escroelles. Puis s'en partit le Roy dudiēt saint Marcou, & vint droit à vne ville nommée Velly, que tenoyent les Anglois, laquelle ville appartient à l'Euef-que de Reims, & ladiete ville se meit incontinent en l'obeissance du Roy, & si logea le Roy. De la le Roy enuoya ses Heraulx & messages à Laon, pour sommer ceulx de la ville: lesquelz luy feirent semblablement obeissance. Au partement de Laon le Roy vint à Soissons, qui incontinent se rendit en ses mains, & y seiourna le Roy, & son ost, par trois iours: durant lesquelz luy enuoyerent & vindrent faire obeissance ceulx des villes de Chasteauthierry, Prouins, Commmiers, Crecy en Brie, & plusieurs autres places d'illec enuiron.

*Comment le Roy, apres son Sacre, tira vers Paris, & se meirent plusieurs villes & forteresses en son obeissance.*



LE Roy se deslogea de Soissons, & tira droit à Prouins: & lors le Duc de Bethfort, Regent en France pour le ieune Roy Henry d'Angleterre, sceut le recouremēt des villes & places que le Roy auoit fait en Champaigne, & comment il auoit esté sacré & couronné à Reims, dont se trouua moult esmerueillé. Si assembla gēs, & se partit de Paris avec bien douze mil combatans, en intention de trouuer le Roy sur les champs, pour le combatre. Incontinent que le Roy sceut ces nouuelles il se deslogea de Prouins, & se meit aux champs, & vint au deuant dudiēt Duc, pour le rencontrer, iusques pres d'un Chasteau qui est en la Brie, appelé la Motte de Nangis: & sachant le Roy que lediēt Duc de Bethfort estoit prochain, il renga ses gens en bataille, & se tint aux champs presque tout le iour, pource que continuellement luy venoyent nouuelles que lediēt Duc de Bethfort venoit pour le combatre: mais iceluy Duc, qui estoit tout aupres de luy, n'osa marcher, & s'en fuyt, & s'en retourna vers Paris avec son ost. Le Roy de France, tant par l'admonnestement d'aucuns, qu'aussi qu'il estoit trauaillé de la guerre, se delibera de s'en venir, & se retirer es pays qui luy estoient obeissans sur le long de la riuiera de Loire: & ordonna de passer le lendemain la riuiera de Seine en vne ville nommée Bray, ou ceulx de ladiete ville promei- rent luy donner passage, mais la nuyt vindrent les Anglois en icelle ville de Bray, pour def- fendre le passage, & y eut aucuns des gens du Roy, qui festoyent ia auancez de passer ladiete riuiera, les vns prins, les autres desconfitz: & ainsi fut lediēt passage rompu, dont les Ducz de Bar, d'Alençon, de Bourbon, les Comtes de Vendosme, de Laual, Jehanne la Pucelle, & au- tres Seigneurs, Capitaines, & gens de guerre furent tous ioyeux: car ilz estoient courroucez de ladiete conclusion, & de ce que le Roy s'eslōgnoit, & desiroient que le Roy suyrist la bon- ne fortune que Dieu luy auoit enuoyée. Et à ceste cause feirent tant que la veille de la Myaoust le Roy retourna à Chasteauthierry, pour passer la riuiera de Marne, & de la alla à Crecy en Vallois: puis vint vers Dampmartin, tenant les champs. Quand le Duc de Bethfort le sceur, il saillit de Paris avec grand ost, & tira droit à Mitry en France, au dessoubz dudiēt Dampmar- tin: & la, pres d'un boys, renga ses gens en bataille, en vn lieu de forte venue, & auantageux pour luy & pour ses gens, & couroyent les auancoueurs desdiēt Anglois iusques au villa- ge de Thieux. Le Roy enuoya la Hire, & autres Capitaines, pour veoir la contenance des diēt Anglois, & les escarmoucher, & durerent les escarmouches presque tout le iour: & fut rapporté au Roy que lesdiēt Anglois estoient en vn lieu trop fort & auantageux pour eulx, parquoy il ne fut pas conseillé de les aller assaillir au lieu ou ilz estoient. Le lendemain matin lediēt Duc de Bethfort se leua, & s'en retourna avec son ost sans riens faire: & le Roy retourna vers Crecy, & enuoya certains messages deuers les villes de Beauuais & Compie- gne, qui luy manderent & feirent scauoir qu'ilz estoient prestz de luy faire planiere obeissan- ce, combien qu'on disoit que ladiete ville de Beauuais n'auoit esté es mains des Anglois.

*De la nulle de Beauuais qui ne fut ia mais en l'obeissance des Anglois.*

En celle mesme année fut le ieune Henry couronné Roy d'Angleterre, à Londres. Tantost



Tantost apres se partit le Roy, de Crecy, pour aller à Cōpiegne, & vint loger à vn village, nō mé Barron, pres Senlis : & là le lendemain eut nouuelles que le Duc de Bethfort estoit party de Paris avec son ost, & que le Cardinal, oncle du Roy d'Angleterre, luy auoit amené bien trois mil Anglois, qu'on disoit estre souldoyez de l'argent du Pape, & que ledict Cardinal les auoit tirez d'Angleterre, soubz vmbre de les mener contre les Bohemiens, qui erroient lors en la foy des Chrestiens. Lors chargea le Roy messire Ambrois, Seigneur de Lore, & le Seigneur de Xainctrailles, aller au deuant pour en sçauoir la verité. Si monterēt à cheual & prendrent enuiron vingt hommes d'armes, & cheuaucherent sur le chemin de Paris, tant qu'ilz aperceurent grāds pouldres, que faisoit l'ost dudit Bethfort en marchant. Si le manderent hastiement au Roy, & tirerent plus auant, tant qu'ilz veirent à l'oeil l'ost desdictz Anglois, qui estoient en grand nombre, & marchoyent fierement & hastiement. Si le manderent de rechef hastiement par vn autre messagier au Roy, qui tantost fait mettre ses gens aux champs, & renger en bataille, & commencerent à marcher vers Monstier t Pilloe, le chemin de Senlis, pource que les Anglois y tiroyēt : & pres de Senlis arriua l'armée desdictz Anglois à l'heure de vespres, & se meirent à passer vne petite riuere, qui est entre Senlis & Barron, & estoit le passaige si estroit qu'ilz ne pouoyent passer que deux à la fois. Quand lesdictz Seigneurs de Lore & de Xainctrailles apperceurent qu'ilz passoyent, ilz s'en retournerent hastiement deuers le Roy, pour luy dire que lesdictz Anglois passoyent. Quand le Roy les eut ouyz parler il fait marcher ses batailles pour aller combattre audict passage : mais auant qu'ilz y fussent lesdictz Anglois estoient presque tous passez. Si estoient les deux ostz prochains l'un de l'autre, & ce iour s'entr'escarmoucherēt fort. A celle heure estoit soleil couchant : si se logerent les Anglois sur le bort de ladicte riuere, & les François pres d'eulx, audict lieu de Monstier Pilloe. Le lendemain le Roy meit & renga ses batailles sur les champs. Les Ducz d'Alençon, & Comte de Vendosme conduysoient la premiere. La seconde conduysoit le Duc de Bar : les Seigneurs de Raiz, & de Bouffac, Marechaulx de Frāce, vne autre, qui estoit en maniere d'une aelle : & vne autre cōduysoient Jehanne la Pucelle, le Bastard d'Orleans, le seigneur d'Albret, & plusieurs Capitaines : & à la cōduite & gouuernemēt des Archiers estoit le Seigneur de Grauille, grand Maistre des Arbalestries, & messire Jehan Foulcault. Pres lesdictes batailles se tenoit le Roy, & auoit avec luy le Duc de Bourbon, le Seigneur de la Trimouille, & autres. Les Anglois festoyent embastillez & fortifiez celle nuyt de fossez & pieux, & auoyent vn estang au dos de ladicte riuere, & ne saillirent point aux champs hors de leur fortificatiō. Plusieurs fois marcha & se monstra le Roy deuant iceulx Anglois : & combien que cōclusion eust esté prinse de les combattre, ce neantmoins, quand les Capitaines eurent veu & considéré la place ou ilz estoient, & les fortifications qu'ilz auoyent faictes, le Roy fut cōseillé de nō les combattre en ladicte place. Tantost les batailles du Roy s'approcherent des Anglois à bien deux traitz d'arc, & leur fait plusieurs escarmouches, & souuent s'approcherent à pied & à cheual, iusques à combattre main à main. Enuiron l'heure de soleil couchant s'approcherēt les François en plus grand' puissance qu'ilz n'auoyent fait de tout le iour : & vindrent sur le parc desdictz Anglois combattre main à main, & dura celle escarmouche iusques à la noire nuyt, & y eut plusieurs Anglois tuez. Quand la nuyt fut venue François se retrahirent au lieu ou ilz auoyent couché la nuyt precedente, & les Anglois demourerent en leur parc. Le lendemain matin les Anglois se deslogerent, & s'en retournerent à Senlis, & de là à Paris : parquoy le Roy deslogea semblablement, & s'en alla vers Crespy : & le lendemain ensuyuant, le Roy print son chemin, & alla à Compiengne, qui luy fait obeissance, & y fut huyt iours. En celle ville meit vn Capitaine, nommé Claude de Flauy. En ladicte ville vint deuers le Roy messire Jehā de Luxembourg, qui luy fait moult de promesses de faire la paix entre luy & le Duc de Bourgongne : dont il ne fait riens, sinon le deceuoir : & luy bailla le Roy saufconduit pour ledict Duc de Bourgongne, pour venir à Paris deuers le Duc de Bethfort, pour traicter de paix. La vindrēt deuers le Roy les Bourgeois de Beauuais, qui meirēt ladicte ville en son obeissance. Aussi feirēt semblablement ceulx de Sēlis : & luy apporterēt les clefz l'Euesque & aucuns Bourgeois de ladicte ville : & tantost apres le Roy vint en icelle ville de Senlis. Quand le Duc de Bethfort sceut ces nouuelles, il se partit de Paris avec son ost, & alla vers Normandie pour garder le pays, pource qu'il sceut que Beauuais & Aumalle festoyēt rédus François. Puis l'depar-tit ses gens, & les meit à la garde des places qui tenoyent le party des Anglois, & laissa à Paris messire Loys de Luxembourg, Euesque de Therouenne, soy disant Chancelier de Frāce pour le Roy d'Angleterre, vn Cheualier Anglois, nommé Jehā Rochelle, & vn autre François, nommé Simō Morhier, lors Preuost de Paris, & bien deux mil Anglois en leur compaignie, pour la garde de ladicte ville.

t al. Pil-  
louer.

De l'ost des  
François, &  
de l'ost des  
Anglois qui  
furent pres  
l'un de l'autre, &  
prest de cō-  
battre.

Du Duc  
de Bethfort  
qui n'osa  
donner la ba-  
taille au  
Roy, ains  
s'en retour-  
na à Paris.

Comment

# LES CRONIQVES ET ANNALES DE FRANCE

## Comment le Roy, Iehan la Pucelle, & plusieurs Seigneurs Francoys vindrent deuant Paris.

L'an m.cccc.  
trente.



De l'assault  
qui fut don-  
né p<sup>r</sup> les Frā  
coys deuant  
la porte s.  
Honoré, au  
marché aux  
pourceaulx.

La Pucelle  
fut naurée  
d'un vireton  
à la iambe.

EN la fin du moys d'Aoust, audiēt an mil quatre cēs trente, le Roy se partit de Sēlis ou il estoit, & s'en vint à saint Denis, ou il entra sans resistance, & y logea son ost, & illec se tint enuiron quatre iours, & y eut plusieurs escarmouches entre François & Anglois, qui estoient à Paris: car les François alloient chacun iour courir iusques pres de Paris. Si s'en vint Iehan la Pucelle, les Ducz d'Alençon, & de Bourbon, les Comte de Vendosme, de Laual, les Seigneurs d'Albret, de Lore, de Raiz, & autres Capitaines loger à la Chapelle, qui est entre Paris & saint Denis: & le lendemain y eut de grandes escarmouches. Si allerent les François escarmoucher iusques à la porte saint Honoré, au lieu ou lon fait le Marché aux pourceaulx, & feirent assortir Canōs & Couleurines, dōt ilz tiroient en la ville: & les Anglois tournoient tout autour des murailles par dedans la ville, & portoyent leurs enseignes. Les François donnerent l'assault au Bouleuart de la porte saint Honoré: & audiēt assaut se porta vaillamment le Seigneur de saint Vallier & ses gēs, & tant feirent qu'ilz le prindrent d'assault. Les Ducz d'Alençon, de Bourbon, & le Seigneur de Montmorency se tenoyēt en bataille, derriere la butte de la voirie, pour garder que les Anglois ne saillissent par la porte saint Denis, ou par vne autre des portes: & vouloit Iehan la Pucelle à toute force que la ville fust assaillie, car elle n'estoit pas informée de la grand' eaue qui estoit es fossiez de ladicte ville, & ne la peut on garder qu'elle & le Marechal de Rays, avec grand nombre de gens, ne se vinssent mettre dedans l'arriere fossé, ou elle se tint toute iour, & y fut naurée d'un vireton par la iambe: mais ce nonobstant bouger ne s'en vouloit, & faisoit à toutes puissances ietter fagotz, boys & pierres dedans le grand fossé, pour le cuyder combler, mais possible n'estoit pour la grand' eaue. Quand la nuyt fut venue le Duc d'Alençon l'enuoya querir, mais elle n'en vouloit partir. Si y alla lediēt Duc luy mesmes en personne & l'emmena, & s'en retournerent à la Chapelle, ou ilz auoyent couché: & fut ladicte Iehan habillée de sa playe: & le lendemain s'en allerēt ladicte Iehan, lesdiēt Ducz, & autres, deuers le Roy, à saint Denis. Audiēt moys d'Aoust, vn Escuyer, nommé Iehan Armengue, & vn nommé Henry de Villeblanche, hommes d'armes de la compagnie du Seigneur de Lore, prindrent & remparerent le Chasteau de saint Scelerin, pres d'Alençon. Au tiers iour qu'ilz y furent entrez, les Anglois de la garnison d'Alençon le sceurent: si les allerēt assaillir à grand' puissance: mais si vaillamment se deffendiret qu'ilz demeurerent maistres de leur place, & s'en retournerent lesdiēt Anglois honteusement.

## De la prinse de Laigny, & du partement du Roy pour aller en Touraine.



Des Anglois  
qui reprin-  
drēt la uille  
s. Denis, &  
osterent ce  
que la Pucel-  
le y auoit dō-  
né.

EN vingtneuſieme iour dudiēt moys d'Aoust, le Roy estant à saint Denis, le grand Prieur de l'Abbaye de Laigny, vn Escuyer, nommé Artus de saint Mary, & autres de ladicte ville de Laigny vindrent deuers le Roy, pour luy mettre la ville en son obeissance. Si y enuoya le Roy messire Ambrois de Lore, auquel elle fut baillée, & fait faire le sermēt à tous ceulx de ladicte ville, d'estre des lors en auant loyaulx au Roy. En ce temps le Roy auoit à merueilles grand desir de soy retirer en ses places le lōg de Loire, pour soy reposer & solacier: car par les parolles que luy auoit dictes messire Iehan de Luxembourg, il s'attendoit bien d'auoir appoinctemēt avec le Duc de Bourgogne: parquoy le douzieme iour de Septembre, audiēt an, il tint conseil: & fut aduisé & ordonné que le Duc de Bourbon, le Comte de Vendosme, messire Loys de Culant, & autres Capitaines, yroyent es villes, qui de ce voyage festoyent nouuellement reduictes en son obeissance, pour les y entretenir: & y demoura le Duc de Bourbon Lieutenant General pour le Roy. Puis se meit à chemin le Roy partant de saint Denis, & alla coucher à Laigny sur Marne, & la laissa lediēt Seigneur de Lore, & messire Iehan Foucault: & le lendemain partit le Roy, de Laigny, & s'en alla passer les riuieres de Seine & Yonne, à gué, aupres de Sēs: puis tira à Montargis, & passa oultre. Tantost apres le partement du Roy, les François, qui estoient à saint Denis, l'abandonerent, & s'en allerent à Senlis. Quand les Anglois & Bourgongnons, qui estoient à Paris, le sceurent, ilz vindrent & reprindrent la ville de saint Denis: & par l'ordonnance de l'Euesque de Therouenne, Châcelier des Anglois, osterent, de ladicte eglise de saint Denis, les armeures qu'y auoit données Iehan la Pucelle, & les emporterent, sans en faire aucune recompense à ladicte eglise. En celle saison le Duc Philippe de Bourgogne, soubz le faufconduyt du Roy, vint deuers le Duc de Bethfort, à Paris: & com-  
bien

bien qu'il eust mandé au Roy, par ledict messire Jehan de Luxembourg, qu'il traiteroit l'ap-  
pointement, ce neantmoins il n'en fit riens: & soit plus fortes alliances que deuant, avec le-  
dict Duc de Bethfort, qui auoit espousé sa sœur. En celle mesme année ledict Philippe, Duc  
de Bourgongne, espousa la fille du Roy de Portugal. Audict moys les Anglois & Bourgon-  
gnons, qui estoient à Paris, allerent à grand' puissance deuant Laigny, pour y mettre le siege.  
Messire Ambrois de Lore, & messire Jehan Foucault, qui estoient dedans, voyans la foible-  
se de la ville, qui n'estoit pas pour attendre siege, saillirent aux champs, au deuant desdictz An-  
glois: & par trois iours & trois nuytz entresuyuans firent les escarmouches, si roidemēt que  
les Anglois ne peurent oncques approcher les barrieres, à vn trait d'arc pres d'icelle ville: &  
voyans iceulx Anglois la grand' vaillance & resistance desdictz de Lore & Foucault, ilz s'en  
retournerent à Paris sans riens faire.

En ce mesme moys les seigneurs de Hommet, du Bouchet, & Bertrand de la Ferriere, sei-  
rent vne entreprinse & assemblée de gens secrettement: & estoient enuiron trois cens hom-  
mes, & allerent vn matin deuant la ville de Laual, laquelle par Talbot auoit esté prinse d'es-  
chelles, par emblee, & s'embucherēt en vn moulin, ainsi que le Meusnier les auoit aduertis: &  
ainsi qu'on vint ouurir les portes, ilz entrerent dedans ladicte ville, en laquelle estoient bien  
cinq cens Anglois, lesquelz furent tous mors ou prins, reseruez aucuns qui se sauuerent & iet-  
terent es fossez par dessus les murs.

*Comment le Duc de Bourbon s'en alla en ses pays pour la pillerie que faisoient  
les gens du Roy, sur le peuple.*

**D**urant ce temps, le Duc de Bourbon, qui estoit demouré Lieutenant du Roy es  
marches de France, Champaigne, & Brie, se tenoit communement à Bauuais,  
Senlis, Soissons, Laon, & autres villes prochaines, & sacquitoit pour le bien du  
Roy, le mieulx qu'il pouoit: toutesfois il veit q les Capitaines & gens de guerre  
du Roy, qui estoient esdictz pays, n'estoient poit payez, & à ceste cause ilz pilloyēt,  
robboyent & gastoyent tous iceulx pays, & faisoit chacun le maistre, si que plusieurs maisons  
& terres demouroient inhabitées & sans labour, dont il luy desplaisoit. A ceste cause il de-  
libera de s'en aller en ses pays, & si en alla: & demoura le Comte de Vendosme, qui principal-  
lement eut la charge de la cité de Senlis: & depuis par le Roy fut fait Lieutenant en iceulx  
pays, & luy enuoya le Roy le Seigneur de Bouffac, Mareschal de France, & enuiron mil com-  
batans, dont estoit grand' necessité: car les Anglois qui estoient es marches de Normadie, &  
les Bourgongnons qui estoient du costé de Picardie, leur faisoient maintes courses.

† Roy me  
faulx le uieil  
Exem.

*La prinse de saint Pierre le Monstier par la Pucelle.*

**E**N ce mesme temps le Roy feit vne armée, dont eut la charge Jehanne la Pucelle,  
& autres Chiefz de guerre, & les voulut enuoyer deuant Rouen: mais les Capi-  
taines ne furent pas de ceste oppinion. Si furent enuoyez deuant la ville de saint  
Pierre le Monstier, qu'ilz prindrent d'assault. Puis allerent deuant la ville de la  
Charité, sur Loire, dont estoit Capitaine vn nommé Perrinet Grasset, & y me-  
rent le siege, qu'ilz tindrent par l'espace d'un moys: mais quand ilz veirēt qu'ilz n'y pouoyent  
riens faire, ilz leuerent le siege & s'en allerent.

*Rencontre d'Anglois: & des sieges de saint Scelerin, & Laigny.*

**A**V moys d'Octobre, messire Ambrois, seigneur de Lore, messire Jehan Foucault,  
& vn Capitaine Escossois, nommé Guenedé, qui estoit en la garde de Laigny, se  
partirent de ladicte ville, avec quatre ou cinq cens combatans, & se vindrēt loger  
à Louures, entre Paris & Senlis: & le lendemain allerent sur le chemin d'entre Pa-  
ris & Pontoise, pour trouuer certain nombre d'Anglois, qu'on leur auoit dit qui  
deuoient passer, mais ilz ne les trouuerent point. Si s'en retournerent audict lieu de Louures,  
& en retournant, sur le chemin rencontrerent vn Capitaine Anglois, nommé Ferrieres, accō-  
pagné de deux cens qu'Anglois que Bourgongnons: si donnerent dessus, tellement qu'iceulx  
Anglois furent desconfitz, & y en eut plusieurs mors, & plusieurs prisonniers: mesmemēt le-  
dict Ferrieres fut prins prisonnier: & le lendemain vindrent ledict de Lore & Foucault, cou-  
rir deuant Paris, iusques aux barrieres des portes de S. Denis, & S. Anthoine: puis s'en retourne-  
rent à Laigny, avec leurs prisonniers. Au moys de Decembre audict an, mōseigneur le Duc

*Du siege qui fut mis deuant saint scelerin, par les Anglois.*

d'Alençon manda lediēt messire Ambrois de Lore, qui estoit à Laigny, pour aller deuers luy: lequel laissa à la garde dudiēt Laigny lediēt messire Iehan Foucault, Guenede, & Geoffroy de saint Aubin. Quand lediēt de Lore fut arriué vers mondiēt seigneur d'Alençon, il le fit son Marechal, & l'enuoya au Chasteau de saint Scelerin, pres Alençon, qui auoit esté de nouuel reparé. Si feit lediēt de Lore besongner en diligēce à le fortifier, & guarir de viures & d'artillerie: & tantost apres mes seigneurs d'Escalles, Raoul le Bouteiller, Robert de Roz, messire Guillaume de Hodealle, & autres Capitaines Anglois, à grand ost allerent mettre le siege deuant le Chastel de saint Scelerin, & apoyent grosses Bombardes, Canons, & artilleries, & si n'estoit pas encores le Chastel bien fortifié: & sembloit bien ausdiēt Anglois que puis que le Seigneur de Lore estoit enclos dedans, qu'il n'auroit nul secours: & apres que lediēt seigneur de Lore eut estably ses gens, & à chacun sa garde & son quartier, il fut requis tresinstamment par ses compaignons, qu'il se voulsist mettre à l'auenture de saillir dehors, pour aller querir secours, autrement ilz voyoyent bien qu'ilz estoient perduz. Lediēt Seigneur de Lore en feit grand' difficulté, & disoit que ce seroit contre son honneur de les habandonner: toutesfois ilz feirent tant qu'il s'y accorda, & soubz vmbre d'une grande saillie que ceulx de dedans feirent par nuyt sur lesdiēt Anglois, il s'en partit luy cinquieme, & cheuaucha iour & nuyt tāt qu'il vint à Chinon, ou il trouua le Roy, & le Duc d'Alençon, ausquelz il remonstra la necessité ou estoient les François, qui estoient en ladiēt place de saint Scelerin. Si manderent le Roy & lediēt Duc d'Alençon gens de toutes pars, qu'ilz feirent tirer au pays du Maine, pour combattre lesdiēt Anglois. Quand iceulx Anglois le sceurent, apres qu'ilz auoyent esté douze iours deuant la place, ilz feirent donner vn merueilleux assaut, & dura bien cinq heures, & y en eut plusieurs Anglois & autres François tuez (car ilz vindrent iusques à combattre main à main) toutesfois à la parfin furēt les Anglois reboutez, & le demain s'en retournerent honteusement.

*D'une desconfiture d'Anglois que feut Iehan la Pucelle, & ceux de sa compaignie.*

En ce mesme temps les Anglois qui estoient à Paris, retournerent pour mettre le siege à Laigny, & assirent leurs Bombardes & Canons, dont ilz tirerent plusieurs iours: mais messire Iehan Foucault, Guenede, & aucuns qui estoient dedans, se deffendirent si vaillamment que les Anglois furent contrainctz leuer le siege honteusement, & s'en retournerent sans riens faire. Iehanne la Pucelle, qui pour lors estoit es marches de Berry, sceut la grād' enuie que les Anglois auoyent d'auoir ladiēt ville de Laigny: si assembla ses gens, & autres Capitaines, qui vindrent à Laigny: & à leur arriée furent aduertiz qu'ilz trauersoyēt troys ou quatre cēs Anglois en lisle de France: si se meit à cheminer pour aller à iceulx, & y allerent aussi messire Iehan Foucault, Guenede, Geoffroy de saint Aubin, & autres de la garnison dudiēt Laigny, & vindrent trouuer lesdiēt Anglois, qui se meirent tous à pied, contre vne haye. Les François, qui n'estoyent point plus que les Anglois donnerent hardiment dessus, & meirent iceulx Anglois en desconfiture, & furent presque tous mors, & ceulx qui demourerent furent prisonniers. Si s'en retournerent ladiēt Iehanne la Pucelle, & les François, en ladiēt ville de Laigny avec leurs prisonniers.

*De la prinse de la Pucelle deuant Compiengne: laquelle les Anglois feirent mourir.*

*Du siege mis deuant la uille de Compiengne par les Anglois.*



N celle mesme saison le Duc de Bourgogne, messire Iehan de Luxembourg, Chief de l'armée des Bourgongnons, les Comtes de Hantonne, & autres Capitaines Anglois & Bourgongnons, avec grand' compaignie, allerent mettre le siege deuant le Chastel de Soisy, & le prindrent. Les seigneurs & Capitaines François, & la Pucelle les voulurent aller combattre: mais vn Capitaine Picard, qui estoit dedans Soissons, ne les voulut laisser passer par ladiēt ville, & la vendit au Duc de Bourgogne, & la meit es mains dudiēt de Luxembourg: & par ce moyen allerent mettre le siege deuant Compiengne: & la vindrent à leur ayde, les Comtes de Suffort & d'Arondel, avec mil & cinq cens combatans, & assirent lesdiēt Anglois & Bourgongnons leurs Bombardes & Canons, & y feirent plusieurs Bastilles: mais messire Guillaume de Flauy, Capitaine d'icelle ville, & ceulx qui estoient dedans feirent chacun iour de grandes escarmouches sur lesdiēt sieges. Iehanne la Pucelle & les Seigneurs & Capitaines François, qui estoient à Laigny, sceurent que ceulx de la ville de Compiengne estoient vn peu à destroit: si y alla à grand' diligence, & entra dedans ladiēt ville, dont ilz furēt tous resiouyz: mais aucuns iours apres sa venue, à vne escarmouche ou elle estoit saillie hors de la ville, lesdiēt Anglois & Bourgongnons se rebellerent, tellement que les François furent contrainctz d'eulx retirer en ladiēt ville: & en eulx retirant ladiēt Iehanne fut prinse prisonniere, par les gens de messire Iehan de Luxembourg: & disoyent aucuns qu'à ladiēt retraicte la presse estoit si grāde à la porte, qu'elle n'estoit peu entrer.

peu entrer. Les autres disoyent que les barrières luy auoyent esté fermées, à l'appetit d'aucuns des Capitaines François, qui estoient desplaisans de ce que de tout ce qui se faisoit es guerres, la gloire estoit attribuée à ladicte Jehanne. Ledit messire Jehan de Luxembourg ven dit ladicte Jehanne aux Anglois, qui la menerent à Rouen, ou durement la traicterent, & a-  
 près la feirent mourir, & la bruslerent publiquement. *Les Anglois feirent brusler Jehanne la pucelle.* Le siege fut deuant ladicte ville de Compiègne bien l'espace de six mois, & estoient les François de dedans en grande nécessité de viures. Vn Escuyer, nommé Iamet du Tilloy, s'alla mettre dedans ladicte ville, accompagné de quatre vingtz ou cent hommes, dont ceulx de la ville se resiouyrent, & moult vaillamment se porta ledit Iamet. Apres fut faicte vne armée de mil & cinq cens combatans, pour aller secourir ladicte ville, & en eurent la charge le Comte de Vendosme, & le Marechal de Bouffac. Si y allerent, & d'arriuee frapperent vertueusement sur les Bourgongnons & Anglois qui tenoyent le siege, & entrerent dedans leurs fortifications, qui estoient faictes à grands fosses, palliz & pieux, & plusieurs Bastilles, & la eut de grands faictz d'armes, & en tuerent moult les François, dont plusieurs d'iceulx Anglois se recullerent par dessus vn pont qu'ilz auoyent fait à trauers de la riuere d'Aise. A l'heure qu'ilz se combatirent, ceulx de dedans la ville assaillirent vne Bastille, que lesdictz Anglois & Bourgongnons auoyent faicte deuant leur porte, ou auoit bien cinq cens Picards, de la compagnie dudit de Luxembourg, qui tous furent mis à mort en la place: & pource que la nuyt estoit venue conuint ausdictz Comte & Marechal eulx mettre dedans la ville. Toute celle nuyt les Anglois, Picards & Bourgongnons se deslogerent, & s'en allerent qui s'en peut aller, sans ordonnance & en grand desarroy, les vns en Normandie, les autres en Picardie: & abandonnerent trois grosses Bombardes & plusieurs Canons & autres Artileries, & grand' quantité de vins, viures, & autres biens. Dedans ladicte ville estoit messire Philippe de Gamaches, Abbé de saint Pharon de Meaulx: lequel, comme on disoit, fut cause de tenir ladicte ville si longuement contre lesdictz Anglois. Aussi se porta vaillamment ledit Guillaume de Flauy, Capitaine d'icelle ville. Durant ledit siege auoit esté faict certain appointement pour traicter paix, & par iceluy estoit accordé q' ladicte ville de Compiègne seroit mise es mains dudit Duc de Bourgongne, par ce que c'estoit passaige de riuere, affin que ledit Duc de Bourgongne peust aller & venir de ses pays à Paris & ailleurs, pour besongner au faict du traicté: & pour ceste cause ledit Duc estoit venu à Noyon: mais pour quelque mandement que le Roy feit audit de Flauy, il ne voulut point bailler ladicte ville audit Duc de Bourgongne, sachant qu'il ne feroit ia bien au Roy ny au royaume: & estoit ladicte ville & passaige bien gardée, pour entretenir toutes les autres qui estoient en l'obeissance du Roy. Quand ledit Duc de Bourgongne, qui estoit à Noyon, sceut que ledit siege estoit leué, il fut bien courroucé, & s'en alla incontinent en Artois. Enuiron celle saison Estienne de Vignolles, dict la Hyre, & aucuns gens d'armes, qui estoient à Louuiers, passerent la riuere de Seine, & par eschelle prindrent Chastegaillard: par laquelle prinse le Seigneur de Barbazan, qui auoit esté illec detenu prisonnier par les Anglois, l'espace de neuf mois, enfermé en vne basse fosse, fut deliuré, dont le Roy & toutes gens furent bien ioyeux: car c'estoit vn bon, vaillant & preux Cheualier, & bien aymé de chacun. En celle mesme saison le Roy alla à Sens, & en chemin fut prinse la ville de Villeneuve par le Roy, ou estoit Perrinet Grasset, qui tenoit le party des Anglois: lequel s'en fuyt par dessus le mur, & s'en alla à la Charité qu'il tenoit. Aussi ledit Seigneur de Barbazan, & aucuns François qu'il auoit avec luy prindrent Pons sur Seine, par composition. En la cité d'Auxerre vint de par le Pape le Cardinal de sainte Croix, Legat, pour traicter paix entre les Roys de France & d'Angleterre: & allerent deuers luy audit lieu Ambassadeurs, tant de France, d'Angleterre, que de Bourgongne: mais il ne feit riés, car chacun se vouloit dire & porter Roy de France.

*De la reduction de Melun, Moret, Corbeil, le boys de Vincennes,  
& autres places.*

**E**N celle mesme saison les Anglois & Bourgongnons, estans dedans Melun, saillirent de ladicte ville pour aller à quelque course. Quand ceulx de la ville veirent qu'il n'y en auoit plus gueres, ilz s'esleuerent contre aucuns qui estoient *De la finisse de la finisse*  
 demourez: & lors vn vieil Trompette, qui auoit seruy le Roy, commença à *que ceulx de*  
 sonner de sa trompe, & crier, Viue le Roy de France. Lors ceulx de la vil- *Melun ioue-*  
 le s'esleuerent & fermerent leurs portes: & ce peu de gens Anglois, qui e- *rent aux An-*  
 stoyent demourez, se retrahirent au chasteau: parquoy ceulx de ladicte ville enuoyerent que- *glois.*




rir deux Cheualiers, qui tenoyent aucunes fortereſſes pour le Roy illec enuiron, l'un nommé le Commandeur de Gireſme, l'autre nommé meſſire Denis de Chailly, qui vindrent diligemment avecques ce qu'ilz peurent finer de genſd'armes, & aſſiegerent ceulx du chaſteau. Les Anglois, qui eſtoient à Paris, enuoyerent incontinent pluſieurs genſd'armes, pour les cuyder ſecourir: mais ilz furent reboutez par leſdictz deux Cheualiers, & par meſſire Jehan Foucault, & autres de la garniſon de Laigny, qui ia eſtoient venuz au ſecours de ladiſte ville: & tantost apres ceulx dudiſt chaſteau ſe rendirent par compoſition. Apres ladiſte priſe, leſdictz de Gireſme & de Chailly, avecques pluſieurs genſd'armes allerent à Prouins, & prirent le chaſteau d'aſſault, ou il y auoit de quatre à cinq cens Anglois, auſquelz ilz feirent tous coper les teſtes. puis allerent à Morer, à Crecy, à Coulommiers: toutes leſquelles places ilz meirent en l'obeiſſance du Roy, par compoſition, & prindrēt Blandit par ſiege & d'aſſault: puis furent cauſe de rendre la ville de Corbeil, & le chaſtel du boys de Vincennes, & feirent pluſieurs autres grands ſeruices au Roy & au royaume, dont ilz ſont à recommander, & dignes de memoire.

*D'une grande deſconfiture d'Anglois, pres Chaalons.*



Ne compaignie d'Anglois & Bourgongnons ſ'aſſemblerent, & eſtoient bien huyt mil combatans, & tirerent vers Chaalons, en Champaigne, pour querir leur aduantage: & quand ilz furent entre Chaalons & noſtre Dame de l'Eſpine, ceulx de la ville en furent aduertis, & doubterent qu'ilz n'euffent fait entrepriſe ſur la ville. Si allerent au conſeil vers le Seigneur de Barbazan, qui eſtoit en ladiſte ville, pour le Roy, logé en l'Abbaye ſainct Mauge: lequel, attendu qu'il congnoiſſoit que ladiſte ville n'eſtoit pas de grand' force, fut d'oppinion qu'on preuint leſdictz Anglois, & qu'on les allaſt combattre aux champs. Si furent mandez tous les genſd'armes des garniſons, qui eſtoient prochaines la autour: & auſſi eſtoit en la ville meſſire Eustace de Conſlans, Capitaine de ladiſte ville, & vn vaillant Eſcuyer, nommé Verſailles. Quand les garniſons furent aſſemblées, il ſe trouuerent bien quatre mil, qui eſtoit bien peu au regard de la compaignie deſdictz Anglois: mais ce neantmoins ilz ſe meirent aux champs, & allerent courir ſus à leur ennemys, qu'ilz trouuerent en vn village, appelé la Croiſette: & la les aſſaillirent, & y furent faiſtz de grands faiſtz d'armes: & tellement ſe porterent François, qu'Anglois furent deſconfitz, & peu en demoura que tous ne fuſſent ou mors, ou prins: & y eut de cinq à ſix cens priſonniers, qui furent menez en ladiſte ville de Chaalons, & des François n'y eut de mors qu'environ quatre vingtz hommes.

*De la iournée d'Anthon, au Daulphiné.*



En celle année au moys de May, le iour de la Trinité, le Prince d'Orenge, qui tenoit le party du Duc de Bourgongne, alla au Daulphiné, à grand' aſſemblée de gens. Or fut ainſi que le Duc Ame de Sauoye, & lediſt Prince auoyent conclud de vouloir auoir lediſt pays: c'eſt à ſçauoir ledit Prince Viennois, & lediſt Duc Grenoble, & les montaignes: & y enuoya le Seigneur de Varambon, & trois cens lances. Si entra lediſt Prince d'Orenge audiſt pays, & paſſa la riuie-  
re du Roſne à Anthon, qu'il tenoit: & lors le Seigneur de Gaucourt, qui eſtoit Gouverneur d'iceluy pays, pour le Roy, meſſire Himbert de la Grolée, Baillif de Lyon, & Mareſchal du Daulphiné, & vn Capitaine Eſpagnol, qui eſtoit vaillant en armes, nommé Rodigo de Villandras, aſſemblerent gens de toutes pars: & lediſt iour de la Trinité, les allerent rencontrer entre Colombiers, & lediſt lieu d'Anthon, pres la riuie-  
re du Roſne, & les combattirent & deſconfirent. Et y furent les gens dudiſt Prince d'Orenge preſque tous mors ou prins, & lediſt Prince, qui eſtoit ſur vn bon courſier, fut ſi preſſé qu'il ſeit ſaillir ſon cheual du hault bort dedans ladiſte riuie-  
re du Roſne: & la trauerſa ſondiſt cheual, luy armé à blanc, ſa lance en la main, tout au trauers de ladiſte riuie-  
re. qui fut vne merueilleuſe aduenture: car ladiſte riuie-  
re eſt merueilleuſement parſonde, royde, & impetueuſe. Et la furent prins priſonniers pluſieurs grands Seigneurs du pays de Bourgongne, parens dudiſt Prince, & y gaignerent les François moult de biens: & par celle deſtrouſſe fut tout le pays du Daulphiné remis en l'obeiſſance du Roy: & perdit lediſt Prince toutes les places qu'il auoit: mais depuis le Roy de ſa grace les luy reſtitua.

De la venue

Du cheual  
du Prince  
d'Orenge &  
paſſa ſon  
maître à  
travers le  
Roſne, &  
le ſauua.

*De la venue du ieune Roy d'Angleterre, & de son couronnement, à Paris.*

**E**N l'an mil cccc. lxxxj. Henry le ieune Roy d'Angleterre, aagé d'environ douze ans, lequel estoit filz de madame Katherine de France, descendit en France, & vint droit à Paris, accompagné du Cardinal de Vicesire, du Duc de Bethfort, son oncle, du Comte de Vvaruic, & autres Seigneurs d'Angleterre, & fut grandement receu de Parisiens: & feit l'on plusieurs mysteres & personages par les rues, qui estoient toutes redées de tapisseries: & s'en alla logger au Palais. Tantoist apres furent faitz en l'Eglise de Paris de grands eschauffaulx, richement parez & aornez: & le Dimanche ensuyuant, deuant lesdictz Princes & tout le peuple, fut couronné Roy de France, par ledict Cardinal de Vicesire, en ladicte eglise de Paris (qui n'est pas le lieu accoustumé pour sacrer les Roys de France) & la auoit deux courones, dont l'une luy fut mise sur la teste, & l'autre estoit tenue aupres de luy, & signifioyēt qu'il estoit Roy de France & d'Angleterre. Apres son Sacre, il s'en alla disner au Palais, ou il tint estat royal, & court planiere.

En ce temps vn nommé l'Arragonnois, qui tenoit le party des Anglois, print la ville & chastel de Montargis d'emblee, par le moyen d'une Damoysselle, chamberiere du Seigneur de Villars, qui en estoit Capitaine pour le Roy, & d'un sien Barbier, auquel ledict l'Arragonnois auoit fait promettre deux mil escus, dont il ne luy tint riens. En celle saison le Comte d'Arondel, & bien deux mil combatans Anglois, allerēt faire vne embusche aupres de Beauuais, & enuoyèrent aucuns coureurs: mais le Mareschal de Bouffac, & Poton de Xaintrailles, qui estoient dedans ladicte ville, saillirent sur les coureurs, & allerēt apres bien demye lieue. Lors lesdictz Anglois se merrent entre la ville & eulx, & frapperent dessus ledict Poton de Xaintrailles, qui fut prins & emmené prisonnier, & ledict Mareschal trouua façon de soy retirer en en la dicte ville de Beauuais. Iceluy Poton fut depuis deliuré, pour la deliurance du Seigneur de Talbot, qui auoit esté prins à Patay. Le Duc de Bar, & le Seigneur de Barbazan allerent mettre le siege deuant Chappes, que tenoyent les Anglois & Bourgongnons, pres Troyes en Champaigne. Le Comte de Vaudemont & le Mareschal de Bourgongne, avec plusieurs Anglois & Bourgongnons allerent pour ayder à leurs gens, mais ilz furent lourdement reboutez & desconfitz, & s'en fuyrent sans riens faire.

En celle mesme année, se sourdint debat entre René, Duc de Bar, & le Comte de Vaudemont, pour raison de leurs terres: & estoient avec ledict Duc de Bar, de sa partie l'Euesque de Metz, le Seigneur de Barbazan, & plusieurs François: & ledict Comte auoit grand nombre de Bourgongnons, Sauoyiens, & Anglois, qui luy furent enuoyez par le Duc de Bourgongne. Si eurent bataille en vn lieu, nommé Belleuille, pres Nancy, en laquelle ledict René, Duc de Bar, fut desconfit, & luy mesmes, l'Euesque de Metz, & plusieurs autres, prins prisonniers: & fut ledict Seigneur de Barbazan tué; & bien douze cens Lorrains & Barrois. En celle mesme année le Seigneur de Villeby, le Bastard de Sallebery, le Seigneur de Mathago, & plusieurs autres Capitaines Anglois, allerent mettre le siege deuant la place de saint Scelerin, en Aniou, à grand' puissance de gēs & d'artillerie, & fort longuement assaillirent la place. Dedans estoit vn vaillant Escuyer, nommé Jehan Armagne, Lieutenant de messire Ambrois, seigneur de Lore, Cheualier, qui se defendit vaillamment. Ledict Seigneur de Lore, sachant & aduertie dudit siege, alla deuers le Duc d'Alençon, & messire Charles d'Aniou, Comte du Maine, Lieutenant & gouverneur de par le Roy, es marches de par dela, pour auoir secours: lesquels luy baillerent aucuns Capitaines, qui s'allerent logger à Beaumont, à cinq lieues pres dudit saint Scelerin. Les Anglois le sceurēt: si print ledict Bastard de Sallebery vne partie des Anglois, qui estoient audit siege, & passa la riuere de Sartre sur vn pont, & alla rencontrer vne bande de François qu'il assaillit, & mit en desarray & desconfiture. Tantoist apres ladicte bande venoyēt le Seigneur de Lore, & le Seigneur de Bucil, qui menoyent vne autre bande, ou auoit seulement de soixante à quatre vingtz lances, & environ quatre cens Archiers. Quand ilz sceurent la desconfiture de leurs gens, qui estoient deuant, ilz se hasterent pour les aller secourir, & trouuerent lesdictz Anglois à vn village, nommé t Binaiug, qui estoient ia au logis, bien embesongnez à garder & lier leurs prisonniers. Si donnerent fermement & hardiment sur eulx, tellement qu'ilz les merrent en fuyte, & les contraignirent d'abandonner leursdictz prisonniers, leurs cheuaux, bagues & harnois, & les suyrirent longuement, iusques pres de deux lieues, & en tuerent bien six cens: & y mourut vn Capitaine Anglois, nommé messire Jehan Artus. Aussi prindrent plusieurs prisonniers: & entre autres fut prins ledict Seigneur de Mathago, & des François n'eut q'vingt & cinq mors, & trente prisonniers. Durant le conflict de la bataille, ledict de Lore fut desconfit, & prins prisonnier. Quand les François le sceurent, ilz furēt si desplaisans que plus ne pouoyent: & disoyent les vns qu'il estoit mort: & pour en scauoir la veri-

† Autres disent 32. & aagé d'environ dix ans: qui accorde uoit bien avec le f. 87

Couronne - mēt du Roy d'Angleterre en Roy de France, à nostre Dame de Paris

Guerre entre le Duc de Bar, depuis Roy de Sic. et le Comte de Vaudemont, ou mourut le Capitaine Barbazan

† Croni. de France Binaiug, & autres Aubigny.

*Le seigneur de Lore fut prins des Anglois, et puis tantost apres rescour par les Francoys.*

*La ville de Chartres prise par les Francoys, & l'Evêque tué.*

té se frapperent si auant en la bataille qu'ilz le trouuerēt. Lors se combatirent moult fort pour le rauoir & recouurer. Les Anglois le deffendirent vaillammēt, & y eut la des Francoys nau-rez & tuez: toutesfois à la parfin il fut rescoux & ramené. Lors s'en retourna lediēt Seigneur de Villeby audiēt siege, qui estoit à saint Scelerin: & le lendemain au matin lesdiēt Anglois leuerent lediēt siege, sans aucune ordonnance, pour eulx en aller vers Alençon. Quand lediēt Jehan Armagne, qui estoit dedans ladiēte place, les apperceut ainsi aller, il saillit de la place, & leur courut sus, & moult en tua & print prisonniers: & aussi gaigna plusieurs cheuaulx, viures, & autres biens & richesses. Lediēt Seigneur de Bucil & plusieurs autres Capitaines Francoys s'en allerent à Sablé, & emmenerēt leurs prisonniers, dont ilz auoyent grand nombre: & lediēt Seigneur de Lore, messire Jehan de Lore, son cousin, Guillaume de Plaffac, & bien vingt cinq autres, qui estoient blesez, demourerent audiēt lieu de Beaumont, pour eulx faire penser de leurs playes. Durant le temps dudiēt siege de saint Scelerin, le Bastard d'Orleans, Comte de Dunois, & le seigneur de Gaucourt, feirent vne entreprinse sur la ville de Chartres, par le moyen de messire Florent d'Illiers, Cheualier: lequel par certaines intelligences meit les Francoys dedans ladiēte ville. Quand ilz furent entrez, lediēt d'Illiers print la banniere du Roy, & tout à pied armé à blanc, la portoit: & se meit à marcher par la ville, criant viue le Roy: & ainsi alla iusques deuant la porte de la grand' eglise, & la s'arresta. Lors furēt enuoyez par les rues & carrefourz de ladiēte ville gés d'armes Frāçoys: & pource qu'ilz trouuerent aucuns qui se vouloyent rebeller, & esleuer contre eulx, ilz en meirent plusieurs à mort, & l'Euêque mesme de ladiēte ville, qui estoit Bourgōgnon: & y fut tué le Bailif, nommé l'Aubespın: & plusieurs autres du party des Anglois & Bourgongnons, saillirent par dessus les murs de ladiēte ville, & s'enfuyrent.

*Du grand siege de Laigny, par le Duc de Bethfort, qui fut leué par les Francoys.*

*L'an m. cccc. xxxi.*

**E**N celle mesme année, mil cccc. xxxj. le Duc de Bethfort, à grand' cōpaignie de gens, viures, & artilleries, partit de Paris, & alla mettre le siege deuant la ville de Laigny: & du costé de la Brye, tout aupres des murs de la ville, fait faire fossoyer & fortifier vn grand parc, qui contenoit plus que ladiēte ville. Puis fait faire vn pont, pour tra-uerfer la riuere de Marne, du costé de la France: & au bout dudiēt pont fait faire vn grand & fort Boulleuert. Dedans icelle ville estoient trois Cheualiers, Capitaines: l'un nommé Gue-nede, l'autre messire Jehan Foucault, & l'autre Regnault de saint Jehan, avecques plusieurs Francoys: lesquels, pour la longueur dudiēt siege, eurent beaucoup à souffrir: parquoy le Roy fait vne armée, qu'il y enuoya pour les secourir: & y estoit le Bastard d'Orleans, le Seigneur de Rieux, Marechal de France, Poton, la Hyre, messire Rodigo de Villandras, Espagnol, les Seigneurs de Culant, & de Gaucourt, Gouverneur du Dauphiné, & plusieurs autres, qui menerent avec eulx grand' quantité de viures: & cheuaucherent tant qu'ilz vindrent à de-my lieue pres de ladiēte ville de Laigny: & la se meirent d'arriuee en bataille, & enuoyerent escarmoucher les Anglois iusques en leur fortification, pour veoir leur contenance: mais lesdiēt Anglois ne voulurent sortir: & pour ce que la nuyt vint, ilz se logerent en ce mesme lieu. Le lendemain matin se vindrent mettre de rechef en bataille, au plus pres des Anglois, & feirent passer par derriere eulx & emmener grand' quantité de viures, pour mettre audiēt lieu de Laigny: & feirēt lesdiēt Francoys de grâdes escarmouches sur l'ost desdiēt Anglois: car leur parc estoit si fortifié qu'ilz n'estoyent pas conseillez de les assaillir dedans. Esdiētes es-carmouches y eut plusieurs tuez, naurez, & prins prisonniers: & entre autres y fut tué messire Jehan, Seigneur de Xainctrailles, frere de Poton. Les Francoys, qui estoient dedans la ville, sortirent, & assaillirent vne bande d'Anglois, qui tenoyent siege deuant vne des portes: & ce voyant ceulx de dehors allerent pareillement sur eulx par derriere, tellement qu'iceulx An-glois, qui la estoient, furēt presque tous mors ou prins: & entrerēt iceulx Francoys tout à leur bandon en ladiēte ville, avec leurs viures. A icelle heure le Duc de Bethfort, & grād nombre d'Anglois, se desmarcherēt de leur parc, pour cuyder aller empescher l'entrée desdiēt viures & gens: mais les Francoys, qui estoient derriere, s'arrestèrent tout coy pour les attendre, & se meirent en belle ordonnance, & retournerent courir sus ausdiēt Anglois: & la eut forte bataille, & s'entremeslerent Francoys & Anglois, tellement qu'ilz ne s'entreconnoissoyēt: & faisoit ce iour si grand chault, que plusieurs furent estainēt & mors, sans estre frappez. A la longue lesdiēt de Bethfort & ses gens furēt contrainēt eulx retirer bien en haste, dedās leur parc: & les Francoys se retirerent semblablement, & se logerent ceste nuyt au lieu ou ilz estoient. Le lendemain lediēt Seigneur de Gaucourt, avec certain nōbre de gens, par delibe-ration entra en ladiēte ville, pour l'ayder à garder & deffendre: & les autres Capitaines Fran-çoys

*Du bon se-cours q vint à ceulx de Laigny.*

çoys prindrent leur chemin, & allerent vers la Ferté soubz Yerre, & la feirent vn pont sur basteaux, pour passer la riuere de Marne, pour venir en la France, ou ilz prindrēt & reduysirent plusieurs forteresses qui faisoient moult de maux aux François: Quand ledict Duc de Bethfort, qui estoit audict siege deuant Laigny, sceut que les François estoient passez la riuere de Marne, il se doubta qu'ilz eussent quelque entreprinse sur la ville de Paris: si leua sondict siege hastiuement, & s'en vindrent luy & ses gens à Paris, sans ordonnance, les vns par la France, & les autres par la Brye: & laisserēt leurs Bombardes, viures, & autres biens. Lors voyans ceulx de ladicte ville de Laigny, ilz saillirēt apres eulx & les suyuirēt, & en tuerent foison, & grand nombre de prisonniers prindrēt, & gaignerēt plusieurs beaux cheuaulx, harnois, & autres biens.

*Des Anglois  
q'leuerēt le  
siege de de-  
uant Laigny*

*D'une belle entreprinse que feit le Seigneur de Lore, sur la ville de Caen.*

**L**Antoist apres que messire Ambrois, seigneur de Lore, qui auoit esté blessé, comme dessus a esté dict, fut guery de ses playes, il feit vne entreprinse sur vne foire, qui se tient le iour saint Michel, es faulxbourgz de Caen, en Normandie, deuant l'Abbaye saint Estienne (laquelle ville tenoyent lors les Anglois) & manda venir deuers luy vn nommé Iallet, & vn autre nommé Ferrebouc, Capitaine de Bommolins, & se trouuerent bien sept cens hommes, quand ilz furent assemblez: Si se meirent à chemin, & arriuerent au iour à l'heure que la foire estoit assemblée, sans estre apperceuz: & illec prindrent plusieurs Anglois, & presque tous les riches gēs & marchāz de ladicte ville, & gaignerēt plusieurs bagues qu'ilz trouuerēt en ladicte foire, & en prindrēt à leur abandon. Lors se meirent les Anglois à eulx retirer en ladicte ville, mais il y auoit si grand' presse qu'on ne pouoit n'enclore n'ouurir les portes: toutesfois, tantost apres, les gens de guerre Anglois, qui estoient bien trois cens à la garde d'icelle ville, & plusieurs des habitans saillirēt, pour cuyder rescourre ladicte foire, mais ilz furēt si roidement reboutez, qu'il conuint leur rentrer en ladicte ville: & y eut plusieurs des gens du Seigneur de Lore, qui entrerent apres eulx bien auant: mais ilz estoient trop peu pour y arrester, & y eut plusieurs Anglois mors ou prins: & en tenant celle escarmouche les gens dudit de Lore faisoient tousiours tirer auant les prisonniers & biens. Quand ilz furent assez loing, ledict Seigneur de Lore, avec ses gens, qui estoient demourez avec luy, tirerent apres: & à vn carrefour, ou y à vne Croix, ledict Seigneur de Lore s'arresta, & feit arrester toute la compagnie, & crier sur peine de la hart, que tout hōme qui auoit aucuns prisonniers gēs d'Eglise, hommes & femmes anciennes, pauvres gens laboureurs, & petiez enfans, ou gens qui eussent sauconduyt du Roy, ou d'aucun Capitaine, qu'on les renuoyast franchement: Au moyen duquel cry furent deliurez plusieurs des conditions dessusdictes: lesquelz ledict Seigneur de Lore feit conuoyer par les gens à seureté, affin qu'aucun empeschement ne leur fust fait: & estoient bien en nombre mille: & en demourerent encores de prisonniers bien trois mil & plus. Vn Escuyer François, nommé Guillaume de saint Aubin, estoit logé à la Fougere, au pays du Maine, avec quarante cōbatans. Enuiron deux cens Anglois, de la garnison du Maine la luhéz, vindrent donner sur son logis. Ledit de saint Aubin & ses gens se deffendirent si vaillamment qu'ilz desconfirent & meirent en fuyte lesdictz Anglois, & plusieurs en tuerent & prindrent prisonniers. Vn homme d'armes François s'en fuyt de la meslée, & se mussa en vn buysson. Semblablement deux hommes d'armes Anglois s'en estoient fuyz celle part, & s'estoyent allez mussier audict buysson. Ledit François, qui auoit grand' paour, en intention de soy rendre à eulx, demanda, Qui est ce la? & lesdictz Anglois respondirent: My maistre, nous nous rendons à vous, sauuez nous la vie. Adonc yssit ledict François hors, & les emmena deuers ledict Guillaume de saint Aubin, & ses compagnons, qui auoyent vaillamment combatu: lesquelz luy osterēt lesdictz prisonniers, dont ledict François leur feit proces & question par deuant ledict Seigneur de Lore, soubz qui ilz estoient: lequel de Lore iugea que ledict hōme d'armes n'auoit riens ausdictz prisonniers: & n'eust esté la faueur d'aucuns qui le prierent, l'eust fait griefuement punir: car il s'en estoit fuy, & ne les auoit pas prins par sa vaillance.

*De l'escarmouche que  
feit le seigneur de Lore,  
pres la ville de Caen  
la ou il gaigna  
gros butin.*

*De deux  
fuyars Anglois,  
qui se  
rendirent à  
un autre  
fuyars François.*

*Desconfiture d'Anglois faite de rechef par le Seigneur de Lore.*

**L**E premier iour de May, audict an, les Anglois de la garnison de Fresnay allerent porter & plāter le May, deuant le chastel de S. Sceletin, ou estoit messire Ambrois de Lore, & estoient quatre ou cinq cens Anglois. Ledit de Lore saillit hors pour les cōbatre, mais ilz ne l'atrēdirēt pas: parquoy incontinent enuoya coureurs, qui leur reporterēt le may qu'ilz auoyent apporté, & le plāterēt deuant ladicte place du

*Anglois  
usdrēt plāter  
un may de-  
uant le cha-  
stel s. Scele-  
tin, à leur  
confusion.*

di& Fresnay: & se meit ledi& de Lore en embusche le plus pres qu'il peut de la barriere. Ceulx de ded& saillir& incontin&, pour courir sus à ceulx qui auoy& planté ledi& May, & marcher& si auant que ledi& de Lore saillit de son embusche, & se meit entre eulx & la place, & la eut forte baterie, & furent lesdi& Anglois desconfitz, & tous mors ou prins: & entre autres furent prins le Rasse de Hoton, Cheualier, le filz de messire Thomas Habourg, & plusieurs autres. Vn petit apres les Anglois de la garnison de sainte Susanne allerent courir, & feirent vne embusche contre les François de la garnison de Silly, ou furent prins plusieurs François. Messire Ambrois de Lore, qui en fut aduert, alla à leur ayde, avec trois cens combattans, rescouyt lesdi& prisonniers, & desconfit lesdi& Anglois, & en print bi& deux c& de prisonniers, & les suyuit batant iusques contre les barrieres de sainte Susanne: puis se logea avec ses gens & prisonniers au village dudi& Silly.

*De la question & debat des Ducz de Bretagne & d'Alençon.*

L'an mil  
cccc. xxxii.

† Croni. de  
France dis.  
Poence.



N l'an mil quatre cens trente & deux le Duc d'Alençon feit prendre & arrest& l'Euesque de Nantes, qui estoit de ceulx de Mallestret, Châcelier du Duc de Bretagne, & le mena à la Fleche en Aniou, par ce qu'il disoit qu'il ne pouoit estre payé, de certaine grand' somme de deniers qui luy estoient deuz, à cause d'un mariage de sa mere, sœur dudi& Duc de Bretagne: & furent aucunes parolles d'appointement, pendant lesquelles ledi& Euesque fut mené à † Ponence. Quand il y fut, ledi& Duc de Bretagne sceut q' ledi& Duc d'Alençon, sa mere, & sa femme, le Bastard d'Orleans, & le seigneur de S. Pierre, qui la estoient allez, pour faire l'appointement, estoient dedans, & qu'il n'y auoit nulz, ou que trespeu de gens de guerre: si y enuoya subitement aucuns Bretons & Anglois, que conduysoient le Comte de Villy, & messire Jehan Fastol, Anglois, & y feirent mettre le siege: parquoy ledi& Duc d'Alençon trouua façon de saillir de la place, luy septieme seulement, & s'en alla à Chasteaugontier. La eurent mainte paour la mere dudi& Duc d'Alençon, sœur dudi& Duc de Bretagne, & sa femme, qui sœur estoit du Duc d'Orléans. Ledi& Duc de Bretagne manda à son ayde son frere, le Comte de Richemont, Cōestable de France: & pour luy obeyr y alla, combien qu'il fust desplaisant du discord desdi& Ducz, car ledi& Duc d'Alençon estoit son nepueu, filz de sa sœur. Si feirent venir avec luy vn Escuyer, nommé Guillaume de S. Aubin, qui estoit dedans ladicte place: & luy dist son int&ion, & que bon seroit de trouuer appointement: lequel de S. Aubin alla à Chasteaugontier, deuers ledi& Duc d'Alençon: lequel enuoya incontin& messire Ambrois de Lore, son Marschal, deuers le Duc de Bretagne, qui estoit à Chasteaubryant: & la fut fait appointement, par lequel fut ordonné que ledi& Euesque de Nantes seroit deliuré: & que le Duc d'Alençon seroit payé de la somme qu'il demandoit, à certains termes: & fut prins iour que lesdi& Ducz s'entreverroyent.

L'appointe-  
ment fait  
entre le Duc  
de Bretai-  
gne & le  
Duc d'Alen-  
çon.

*De plusieurs places prises par les Anglois.*



N celle saison, ou tost apres, le Comte d'Arondel, Licutenant du Roy d'Angleterre, alla mettre le siege deuant la place de Bommolins, qui luy fut rendue, & la feirent abbatre. Puis alla deuant le chastel d'Orléans, audicte pays du Maine, & l'assiegea, & par aucuns iours le feirent fort battre de Bombardes & Canons, tellement qu'il luy fut rendu par cōposition: & apres print son chemin par aller vers S. Scelerin, ou estoit le Seigneur de Lore: lequel, cuydant qu'il y voulsist mettre le siege, se meit sur les ch&ps, & alla au deuant desdi& Anglois, avec enuiron deux cens combattans, & les alla rencontrer en vn logis qu'il ne se doubtoient point, & d'arri&e frappa sur eulx, tellement qu'il en tua bien quatre xx. ou cent. Les autres se meirent en desfarroy & à la fuyte: & fut ledi& de Lore & ses gens maistre de leur Artillerie, viures & logis, bien vne heure: toutesfois lesdi& Anglois se r'allierent, & retournerent ausdi& logis, & la eut forte baterie, mais à la parfin ledi& de Lore & ses gens en emmenerent bien quatre vingtz cheualx, & plusieurs prisonniers, & s'en retournerent. Tantost apres Jehan Armagne, Licutenant dudi& de Lore, partit dudi& saint Scelerin, & alla faire vne escarmouche pres de Fresnay. Anglois saillirent sur luy, mais il les desconfit, & en tua bien six vingtz, & print plusieurs prisonniers, & entre autres fut prins vn nommé Monsloel, lors Marschal dudi& Fresnay: & ce fait, s'en retourna audicte saint Scelerin. En ce mesme temps les Anglois, qui estoient bien douze mil hommes, allerent mettre le siege deuant la ville de Louiers: dedans laquelle estoit le Capitaine la Hire, Amador de Vignolles, son frere, messire Florent d'Illiers, Giraud de la Palliere & autres, qui moult vaillamment & longuement se deffendirent: mais les Anglois estoient si puissans

Deffaite  
des Anglois  
par le sei-  
gneur de Lo-  
re, pres s.  
scelerin.



si puissans qu'ilz ne peurent point resister. Si feirent composition, & fut ladicte ville mise es mains desdictz Anglois, lesquelz la desemparèrent & demolirent. Ledit Comte d'Arondel feît vne grand' armée & assemblée de gens & d'artillerie, & alla mettre le siege deuant le Chastel de saint Scelerin, ou estoit Ichâ Armagne, & Guillaume de saint Aubin, & autres gens de guerre, qui vaillamment se deffendirent: & fut ledit siege deuant la place bien troys moys, & faisoit le seigneur de Lore grand' diligence deuers le Roy, de leur donner secours (car il y auoit dedans sa femme & ses enfans) & tant feît que le Roy assembla vne armée, pour aller leuer le siege: mais les Anglois vn iour donnerent vn si grand assaut par vne bresche qu'ilz auoyent faicte, qu'ilz cuyderent prendre ladicte place: & audiçt assaut furent tuez lesdictz Armagne, & saint Aubin, qui estoient les principaulx deffendeurs d'icelle place: parquoy auât que ceulx de dedans peussent auoir secours, ilz furent contrainctz faire composition, & bail-  
 Le chasteau de s. scelerin, fut prins par les Anglois.  
 la place, & eurent les assiegez sauſconduyct d'eulx en aller à pied, & sans leurs biens. Apres la prinſe dudit saint Scelerin, ledit Comte d'Arondel ſ'en alla mettre le siege deuant le Chastel de Silly le Guillaume: & tâtost apres fut faicte composition à luy, par Mery d'Anthenaise, Capitaine dudit lieu, qu'au cas q̄ dedâs quinzaine il n'estoit secouru, ou que ledit Comte ne fust combatu par les François, il rendroit la place, & de ce bailla ledit Capitaine ostages. Et ce venu à la congnoissance de mondict seigneur d'Alençon, de messire Charles d'Aniou, & du Comte de Richemont, Cōestable, & des Mareschaux de France, des Seigneurs de Loheac, & de Grauille, qui auoyent assemblé grād' armée, à la poursuyte du Seigneur de Lore, pour aller secourir ceulx de saint Scelerin, se meirent à chemin pour aller secourir ceulx dudit Silly. Quand les Anglois sceurent leur venue, ilz allerent au deuant, & les François approcherent d'eulx iusques à vn village, appelé Lonuel, & auoit seulement entre les deux ostz vne petite riuiere, & y eut de grandes escarmouches: mais iceulx François, voyans que les Anglois estoient en vn si fort lieu & auantageux, ne les voulurent point assaillir la ou ilz estoient: & quand vint au soir ilz manderent audiçt Comte d'Arondel, par vn Herault, que le lendemain il vint au champ pour combatre ou qu'il rendist les ostages. ce qu'il leur rendit: parquoy les François les receurent, & ſ'en retournerent: & quand les Anglois veirent que les François estoient partiz, ilz allerent audiçt Silly le Guillaume, & y donnerent vn si fort assaut qu'ilz prindrent ladicte place, & ſ'en retournerent au Mans. Vn peu apres ledit Comte d'Arondel print les Chasteaulx de Mellay & saint Laurens des Mortiers, & coururēt le pays du Maine, ou ilz feirent plusieurs maux: puis ſ'en retourna en Normandie.

### De la bataille de Gerberoy.



Antost apres, Poton & la Hire, deux vaillans Capitaines Gascons, avec enuiron dixhuyct cens François, partirent de Beauuais, & allerent en vne vieille forteresse, qui de long temps estoit desemparée, nommée Gerberoy, à quatre lieues pres Beauuais, & réparèrent le mieulx qu'ilz peurent ladicte place: mais incontinent ledit Comte d'Arondel assembla grand ost, & vint deuant ladicte place. Iceulx Poton & la Hire, voyans que ladicte place n'estoit point assez fort remparée n'aitaillée pour tenir contre toute la puissance dudit Comte d'Arondel, aduiserent que mieulx leur seroit de ne se laisser point enclorre ne enfermer dedâs ladicte place, & qu'il valloit mieulx saillir aux champs pour combatre lesdictz Anglois. Si se meirent sur les champs, & allerent trouuer ledit Comte, & le combatièrent: lequel résista vaillamment, mais à la parfin il fut desconfit, & y eut de six à sept cens Anglois mors, & plusieurs prisonniers: & entre autres fut prins ledit Comte d'Arondel, & mené à Beauuais: mais il estoit tellement blecé d'un coup de couleuvrine en la iambe, que tantost apres il mourut. Aussi furent prins prisonniers les Seigneurs, Dondeuille & Monteroillié. En celle saison les François prirent la ville de Montargis sur les Anglois: mais cela ne profita riens, pource que les Anglois, qui tenoyent le chasteau, furent tâtost secouruz par ceulx de leur party. En celle mesme année les François prindrent le chasteau de Rouen, qui fut rescoux par les Anglois, qui meirēt grand garde à la porte des chāps. Si ſ'en retirerent les François à la grosse tour, & furent contrainctz eulx rendre à volunté, & en feirent les Anglois decapiter six vingtz.

La mort du Comte d'Arondel, Anglois

### De la prinſe du Seigneur de la Trimouille.



N l'an mil cccc. xxxij. le Roy estât en son chasteau de Chinon, & en sa compaignie le seigneur de la Trimouille, qui du tout le gouernoit, fut par nuyct ouuerte vne porterne dudit Chasteau, en vn lieu appelé le Couldoin, par vn nommé Oliuier Festard,

L'an m. cccc. xxxiii.

O iij

Lieutenant dudit Chasteau pour le Seigneur de Gaucourt, qui en estoit Capitaine: & par icelle entrèrent les Seigneurs de Bucil, de Chaumôr, de la Varène, & de Coytiuy, & grand nombre de gens d'armes: lequelz allerent droit en la chambre dudit seigneur de la Trimaille, qui estoit couché, & le prindrent dedans son lit: & en le prenant fut blecé d'une espée, qui luy entra bien auant à l'endroit du ventre, tellement qu'on disoit que se n'eust esté la grande gresse, dont il estoit remply, il fust mort du coup: & incontinent apres fut mené au chasteau de Môtresfor, appartenant audit Seigneur de Bucil, qui estoit son nepueu. Le Roy, qui estoit couché audit chasteau de Chinon, entendit aucunement le bruit des gens d'armes, qui estoient à ladicte prise, & eut crainte que ce fussent ennemys: parquoy lesditz Seigneurs de Bucil, de la Varène, & de Coytiuy vindrent deuers luy, & en humilité luy dirent que ladicte prise d'iceluy de la Trimaille estoit pour le bien de luy & de son royaume: & disoit on que ladicte prise estoit faite à la poursuyte de monseigneur d'Aniou, frere de la Roïne: lequel prist apres tout le gouvernement de la personne du Roy. Le Roy aduoua icelle prise en l'assemblée des Estatz de son royaume, qui tost apres fut tenu à Tours: & ledit seigneur de Bucil aucun temps apres

† par cyde-  
nant, depuis  
l'an 1415  
quand il par-  
le du Duc  
de Bourbon  
en France, en  
tendez du  
filz.

deliura ledit de la Trimaille, son oncle, moyennant six vingtz mil moutons d'or, qu'il luy donna, comme l'on dit. En ladicte année mourut prisonnier en Angleterre, monseigneur Jehan Duc de Bourbon, lequel y auoit esté prisonnier depuis la journée d'Azincourt (qui fut l'an mil quatre cens quinze) & fut enterré aux Carmes de Lōdres, & luy succeda Charles son aîné filz. En celle mesme année mourut en la ville de Lyon, madame Marie sa femme, qui fille auoit esté de monseigneur Jehan Duc de Berry: & fut enterrée au prieuré de Sauvigny en Bourbonnois, avec les autres Ducs & Duchesses de Bourbon.

*Comment le peuple de la basse Normandie se leua contre les Anglois.*

**E**N celle année tout le peuple d'entour les villes de Caë, Bayeux, & autres lieux de la basse Normandie, se leuerent contre les Anglois, & s'assemblerent en si grand nombre qu'on disoit qu'ilz estoient bien soixante mil hommes: & avec eulx se meirent plusieurs Cheualiers, Escuyers, & gens Nobles. Quand le Duc d'Alençon le sceut il y enuoya le Seigneur de Lore, pour les conduire: lequel en trouua en l'Abbaye du May pres Bayeux, enuiron cinq mil (car les autres festoyent desia separez) si les mena deuant Auranches, ou ledit Duc d'Alençon, & le seigneur de Bucil allerent, & la firent d'ennuiron dix ou douze iours. puis les ramena ledit Duc au pays du Maine: mais tost apres ceulx de ladicte commune s'en allerent, & trouuerent façon d'eulx reconcilier aux Anglois.

*De l'esmeute du commun du pays de Caux.*

**V**N Gentil homme du pays de Caux, nommé le Carnier, esleua, & assembla audit pays bien vingt mil hommes gens de commune, & en y auoit la pluspart qui ne scauoient filz se leuoient pour les Anglois, ou pour les François: mais ilz se tindrent pour la partie des François. Ce venu à la congnoissance de messire Pierre de Rochefort, Marechal de France, Gaultier de Bruzac, Charles des Mares, & autres, allerent avec eulx: & par leur ayde meirēt en l'obeissance du Roy les villes de Dieppe, Fescamp, Harfieu, Monstrieuillier, Tancarville, & toutes les autres places dudit pays de Caux, reserue Arques, & Caudebec: dedans lesquelles villes & places furent mis plusieurs Capitaines, qui les tindrent: mais ilz ne faisoient riens les uns pour les autres, car ilz estoient chacun maistre, & firent plusieurs maux aux gens tant d'Eglise qu'hommes laiz d'iceluy pays, si qu'en brief temps les champs furent habandonnez, & n'y demouroit homme ne femme, si non aux forteresses: lesquelles aucun temps apres, furent de legier princes par les Anglois, qui tout destruyoyent en despit de ladicte rebellion. Vn Capitaine Anglois, nommé Venables, avec douze cens combatans, alla loger en l'Abbaye de saint Gille en Constatin, & la se tint troys mois. Les Seigneurs de Laual & de Loheac, & de Lore, firent vne entreprinse, & avec sept ou huyt cens hommes allerent vne nuyt, & par eschelles prindrent partie de ladicte Abbaye, & tuerent bien deux cens Anglois, mais ilz ne peurent entrer plus auant, pour la resistance que firent les Anglois, & y eut aigre bataille. Finablement le surplus desditz Anglois demoura dedans ladicte Abbaye, & se retirerent les François es faulxbourgz de Fougieres. Bien tost apres se deslogea ledit Venables de ladicte Abbaye de saint Gille, & se mit à tenir les champs: & fut dict vn iour ausditz Seigneurs de Loheac, & de Lore, qu'il estoit logé en vn village, nommé Lazay: si allerent droit la avec sept cens combatans ou enuiron, & les rencontrerent sur les champs. il cuyda mettre ses gens en ordonnance, mais les François ne luy

De ceulx  
du pays de  
Caux qui p  
l'hostilité fu  
rent contra-  
inctz de ha-  
bandonner  
les champs.

ne luy en donnerent point le loysir, & subitement frapperent sur luy, si roidement que luy & ses gens furent desconfitz, & en y eut bien trois cens que mors que prins: & cela faict les François se retirerent à Laual, avec les prisonniers & biens qu'ilz auoyent gaignez. Ledit Venables feschapa par fuyte, mais tost apres les Anglois, pour aucunes imaginations qu'ilz eurent contre luy, luy feirent copper la teste. En celle saison le Roy enuoya ses gens d'armes conduictz par le Connestable, le Comte de Dunois, & Poton, en Picardie, & prindrent Han en Vermadois, qui depuis fut vendu au Duc de Bourgongne quarante mil salus, & apres s'en departirent les Capitaines l'un ça & l'autre la.

En l'an mil quatre cens trente quatre, furent les guerres plus grandes entre les François & Anglois qu'elles n'auoyent esté parauant: & premierement le Duc de Bourbon, Lieutenant pour le Roy, par le moyen d'un nommé Ferrieres, qui tenoit les village & chastel de Corbeil, pour les Anglois, le mit en l'obeissance du Roy, moyennant certaine somme d'argét qu'il donna audit de Ferrieres: aussi feit un autre, qui estoit Capitaine de Brye Comterobert: & semblablement le chastel du boys de Vincennes, qui estoit tenu par les Anglois, par le moyen d'un Escossois, qui faisoit le guet au dongeon, qui mit les François dedans: auquel Escossois ledit Duc donna semblablement gros argent. En celle année Poton, & la Hire, avec ceulx de leur bade, allerent faire vne course es pays de Picardie, qui estoient en l'obeissance du Duc de Bourgongne, qui estoit contraire au Roy, & prindrent grand nombre de prisonniers & grand nombre de bestail, tant à corne qu'à laine, & autres biens sans nombre. Messire Jehan de Luxembourg vint pour les cuyder recouurer avec grand' compaignie, plus grande, comme on disoit, que n'estoit celle dudit Poton & la Hire, & vindrent iusques là ou ilz estoient: mais il n'osa les assaillir: parquoy ilz s'en allerent franchement avec ce qu'il auoyent gaigné.

En celle année le Duc de Bourgongne vint à Mascon, à grand' puissance, pour faire guerre au pays de Beauuioulois, ou estoit le Duc de Bourbon pour le Roy, & mit le siege à Belleuile: contre lequel se mit sus ledit Duc de Bourbon, qui auoit espousé sa sœur: mais à la parfin ilz s'assemblerent à Neuers, & parlerent ensemble, & s'accorderent: & oultre prindrent journée de faire paix entre le Roy & ledit Duc de Bourgongne: laquelle fut depuis conclut à Arras, comme sera dict cy apres. Audit an le Roy alla à Vienne en Dauphiné, & là assambla les Estatz du pays de Languedoc & de Dauphiné, & y estoient les Comtes de Clermont & de Foix, Gouverneurs de Languedoc, & le Comte de Richemont, Connestable de France. Semblablement y vint la Roynne de Cecille, que le Roy receut à grand honneur. Lesdictz gens des Estatz feirent & octroyerent au Roy vne ayde pour la conduite de sa guerre. Durant le temps que le Roy estoit à Vienne, ou il se tint assez longuement, vindrent deuers luy les Cardinaulx d'Arle & de Cypre, pour le faict du Scisme qui estoit en l'Eglise. Le Roy les receut grandement & honnorablement: & quand ilz eurent conseillé ensemble, ilz s'en allerent à Bascle, ou estoit ordonné le Concile general estre tenu: & tantost apres le Roy s'en vint à Lyon.

### *Du siege de saint Denis.*



An mil quatre cens trente cinq, le premier iour de Iuin, monseigneur le Bastard d'Orleans, & le seigneur de Rochefort, Mareschal de France, prindrent la ville de saint Denis en France d'eschelles, & feirent plusieurs escarmouches sur ceulx de Paris, & chacun iour les chaceoyent iusques aux portes. Ledit Bastard d'Orleans, apres ce qu'il y eut mis grosse garnison, s'en partit de ladicte ville, & alla deuant Houdan, & print la ville & le chastel. Semblablement alla à Pontz sainte Maixance, & la print aussi par composition. Pierre Jailler, Capitaine François, & ceulx de sa compaignie prindrent par eschelles le pont de Meulac & la ville, par le moyen de deux pecheurs qui l'eschellerent par vne latrine: & tantost apres les Anglois allerent mettre le siege à grand' puissance deuant saint Denis. Le Mareschal de Rochefort, qui y estoit demouré, la defendit vaillamment & longuement, & y eut plusieurs gens mors d'un costé, & d'autre, & estoient avecques lesdictz Anglois, le Bastard de saint Paul, le seigneur de Lisleadam, & autres de Paris, qui tenoyent le party du Duc de Bourgongne, & donnerent de merueilleux assaulx à ladicte ville de saint Denis. En retournant de Pont sainte Maixance, les François mirent le siege deuant la place d'Oruille, & la batirent fort. Les Anglois leur promirent redre, si dedans un iour n'estoyent secouruz. Si s'assemblerent les Anglois, en grand nombre, pour y aller: & lors habandonnerent les François la place, & s'en vindrent vers saint Denis: & pour ce qu'ilz vouloyent passer par vne isle, les Anglois le sceurent, & y allerent dresser vne grand' Bastille: si se trouuerent bien soixante François, qui estoient passez en vne nacelle, qui apperceurent ladicte Bastille, de laquelle saillirent bien six vingtz Anglois, qui frapperent sur eulx roi-

*Venable;*  
*Capitaine*  
*Anglois, eut*  
*eur la teste*  
*coppée.*

*Du boys de*  
*Vincennes*  
*re*  
*couré par*  
*les Anglois.*

*L'an mil*  
*cccc. xxxv.*

*La prise du*  
*pont sainte*  
*Maixance,*  
*par les François.*

dement. Les François, voyans qu'ilz ne pouoyent eschaper, n'auoir secours, tindrent si fiere maniere & si tresuertueusement se defendirent, qu'ilz tuerent quarante Anglois, & prindrent ladiete Bastille en ladiete isle: de laquelle des François eut la charge vn vaillant Escuyer, nommé Floquet: & tantost apres, le Comte de Dunois feit mener cuues & vaisielages pour secourir les François, qui auoyent prinse ladiete Bastille. Durant iceluy siege le Seigneur de Ramboillet, & vn nommé l'Empereur, par aucunes intelligentes trouuerent façon d'auoir la ville de Melcun: & y entrerent plusieurs François, qui meirent le siege deuant le Chasteau, que tenoit messire Richard de Marbury, qui s'en partit luy & ses gens, leurs vies sauues seulement, & dedans trouuerent les François de grâds biens & viures. Le Comte de Dunois, Bastard d'Orleans, faisoit ce pendant grand' diligence d'amasser gens, pour venir secourir ceulx de saint Denis: si se meirent en voye pour y venir ledict Bastard, les Seigneurs de Loheac, de Bucil, & autres: & sur le chemin eurent nouuelles que Mathago, & messire Thomas Quiriell, avec biesix cens combatans, estoient partis de Gisors, pour venir audict siege de saint Denis. Si allerent au deuant, & les rencontrerent sur les champs, & d'emblee les assaillirent & desconfirerent, & y en eut plusieurs mors & prins: & entre autres fut prins ledict Mathago. Et ce fait, lesdicts Seigneurs François retournerent à Meulanc, avec leurs prises, & la feirent copper les testes à tous les François qu'ilz auoyent prins en armes avec lesdicts Anglois: & voyant ledict Mareschal de Rochefort, que leur secours ne venoit point, & qu'on demouroit trop longuement, il feit cōposition: & s'en alla luy & ceulx de sa compagnie, leurs biens, qu'ilz pourroyent emporter, sauues. Si entrerent les Anglois en ladiete ville saint Denis, qu'ilz feirent desemparer & abatre la muraille, reseruee celle de l'Abbaye & la tour de Venin, en laquelle ilz meirerent vn Capitaine, nommé Brichanteau, nepueu de messire Simon Morhier, Preuost de Paris, & aucuns Anglois pour la garder.

De Mathago, Capitaine Anglois, qui fut pris en une desconfiture vers Pontoise.

*Du Seigneur de Vilby, qui fut Capitaine de Paris, & de la reduction de Pontoise es mains des Francs.*



Es habitans de Paris, qui se voyoyent fort oppressez par les gens du Roy, qui estoient sur les champs, tout autour de ladiete ville, & auoyent prins plusieurs villes & forteresses, tellement qu'ilz ne pouoyent bonnement departir n'aller par les champs, allerent deuers le seigneur de Vilby, Anglois, qui estoit Capitaine de Pontoise, pour le Roy d'Angleterre, & luy requirent qu'il vint à Paris pour estre leur Capitaine: lequel incontinent laissa messire Jehan du Rupellay, Cheualier Anglois, son Lieutenant audict lieu de Pontoise, & vint à Paris avec plusieurs gens de guerre. Tantost apres son partement de Pontoise, durant le pourparlé du traité d'Arras, les habitans de ladiete ville s'eleuerent contre les Anglois, & meirent icelle ville en l'obeissance du Roy: dont les Anglois, & ceulx de Paris, furent plus desplaisans que deuant: car ladiete ville de Pontoise est vne des clefs du pays de France, & la venue de Paris pour entrer en Normandie.

Des habitans de Pontoise qui se meirent en l'obeissance du Roy de France.

*Du memorable traité d'Arras fait entre le Roy de France, & le Duc de Bourgogne.*



Vraint le temps que les Anglois tenoyent siege deuant saint Denis, furent faites plusieurs allées & venues, pour trouuer moyen de faire quelque bon appointement de paix entre les Roys de France & d'Angleterre, & le Duc de Bourgogne: & tellement y fut besogné que iournée fut prinse pour faire appointement, & fut ordonné que les Ambassadeurs & gens de chacune des parties, enuoyeroyent leurs deputez à certain iour en la ville d'Arras. Le Pape Eugene & le Concile de Basle, qui lors se tenoit en l'Eglise pour la Papauté entre ledict Eugene, & Ame, parauant Duc de Sauoye, qui se disoit Pape Felix (lequel aucun temps parauant auoit, comme on disoit, vecu solitairement, comme Hermite, & auoit esté le premier Duc de Sauoye, car parauant les Seigneurs de Sauoye n'estoyent appelez que Comtes) sachans ladiete entreprinse, & desirans l'appointement desdicts Roys & Ducz, pour les grands maux qui festoyent ensuys à la Chrestienté, y enuoyerent grands Ambassades: & y vint de par le Pape Eugene, vn bon preud'homme Chartreux, qui estoit Cardinal du tiltre de sainte Croix: & par ledict Concile fut enuoyé le Cardinal de Cypre, & les Euesques t d'Areilz, d'Arbugeme, d'Exées, d'Auxerre, d'Albanie, de Venegenus, l'Abbé de Vezelay, les Archediaces de Polaine, & de Metz, Procureur du Cōseil du Pape, & plusieurs autres grands Seigneurs, Clercs & nobles personages: & entre

Pourparlé du traité d'Arras.

† Tous ces noms sont un peu autres, tant au liure de Möstrelct qu'es grandes Cro. tellement que nous sommes contraints les laisser icy tels qu'ilz ont.

& entre autres estoit, avec lediſt Cardinal de ſaincte Croix, vn ſolēnel maiſtre en Theologie Thomas de Suſanne, qui toſt apres fut faiſt Eueſque de Boulongne, apres fut Cardinal, & depuis, apres la mort dudiſt Pape Eugene, fut eſleu Pape, & nommé Nicolas. Pour la partie du Roy de France y furent enuoyez meſſeigneurs le Duc de Bourbō, les Comtes de Vendosme, grand Maiſtre d'hoſtel de France, & de Richemōt, Conneſtable de France, meſſire Regnault, de Chartres, Archeueſque de Reims, Chancelier de France, monſeigneur Chriſtoſle de Harcourt, le Mareſchal de la Fayette, les Seigneurs de Moy & de ſainct Simon, de ſainct Sauin, de Montenay, de Chaunoy, le Paillart d'Vrphe, les ſeigneurs de ſainct Pirret, de Sācourt, de Mōtigny, de Giac, de Maigny, meſſire Robinet d'Eſtampes, le Doyen de Paris, meſſire Adam de Cābray, p̄mier Preſident de Parle mēt à Paris, maiſtre Guillaume Chartier, Eueſque de Paris, & autres Conſeilliers de Parlement, maiſtre Robert de Maillieres, Maiſtre des Cōptes, & autres gens des Cōptes, & pluſieurs autres Seigneurs, Cheualiers, & Clercs. Les Ducz de Bretagne, d'Alençon, & de Bar, y enuoyerent ſemblablement de grands Seigneurs, Cheualiers, Barons, & notables Clercs de leur terres, & ſeigneuries. Pour la partie du Roy d'Angleterre y furent enuoyez le Cardinal de Viceſtre, l'Archeueſque d'Iorth, les Eueſques de Norbie, & de Sandoich, les Comtes de Hotuiton, de Vvaruic, de Suffort, le Seigneur de Hongrefort, & pluſieurs autres Seigneurs, Barons, Clercz, & grand perſonnages. Pour la partie du Duc de Bourgongne, il y fut luy meſme en perſonne aucun temps, & la Duchefſe ſa femme, qui fil le eſtoit du Roy de Portugal (laſſe ayda fort de ſon pouoir à faire la paix) & avec lediſt Duc, & pour luy, y furent les Eueſque du Liege, de Cambray, & d'Arras, maiſtre Nicolas Raulin, Chancelier de Bourgongne, le Duc de Gueldres, le Côte de ſainct Paul, l'Eſcuyer de Cleues, les Comtes de Lyury, de Vaudemont, de Neuers, de Nanſol, de Montrefort, de Faulcamburge, de Megue, Thibault de ſainct Paul, le Seigneur d'Argueil, filz du Prince d'Orenge, les Seigneurs de Chaſtillon, Dātoing, de Croy, de Charny, de Roye, de Creuecœur, d'Armētieres, de Saueſes, de Humieres, de Foſſeux, & de Himbertcourt, Iehan de Hornes, & grand nōbre d'autres Barōs, Cheualiers, & Clercz. Avec leſquelz, ceulx du pays de Flandres, Hollande, & Zelande, & autres Seigneuries dudiſt Duc de Bourgongne enuoyerent autres Seigneurs, Barons, haulx & grands perſonnages, qui en nōbre, par compte faiſt, & par le rapport des Mareſchaulx & fourriers des logis, ſe trouuerent en ladiſte ville bien dix mil cheualx & plus : & fut la plus belle, & grand' conuention qui fut iamais vëue en France. Tous leſquelz ſ'assemblerent par pluſieurs & diuerſes iournées : mais les gens du Roy d'Angleterre eſtoient ſi oultrageux & exceſſifz en leurs demandes, qu'il ne fut poſſible de moyenner les matieres, n'avecques eulx trouuer aucun appoinctement, combien que le Roy de ſa benignité, pour acquerir paix à ſes ſubiectz, leur feiſt offrir grand' partie de ſon heritage, à poſſeder perpetuellement par eulx : c'eſt à ſçauoir Normandie, & grand' partie de Guyenne, reſerué ſeulement l'hommage : mais ilz ne le voulurent accepter, & ſ'en allerent, & ſe departirent de ladiſte belle aſſemblée, ſans riens faire ne conclurre, fors qu'il fut prins ſeulement vn autre iour pour parler avec eulx.

Apres leur partemēt les Legatz du Pape, & dudiſt Cōcile, à qui il faiſoit grand mal d'eulx en retourner ſans riens faire, dirent entre les autres choſes qu'ilz auoyent charge de remonſtrer le faiſt de la foy, meſmement pour la reduction des Boeſmes, qui tenoyent pluſieurs erreurs : auſſi ſur la reformation du Sciſme qui eſtoit en l'Egliſe, & ſur l'interpellation de la paix des Princes : & fut ouuerte la matiere de faire paix finale entre le Roy, & le Duc de Bourgongne : & pour entrer en la matiere lediſt maiſtre Nicolas Raoulin feiſt vne grand' proposition contenant pluſieurs articles, & demandoit de grandes reparations, principalement touchant la mort du feu Duc Iehan de Bourgongne, qui auoit eſté occis à Monſtereau fault Yonne, dont y en auoit la pluſpart impertinentes, deſraiſonnables & exceſſiues : mais ce neantmoins les Ambaſſadeurs du Roy, ſachant le grand deſir qu'il auoit au bien de paix, accorderent la pluſpart deſdictes demandes. Et entre autres choſes fut accordé de faire certaine Chapelle & fondation de ſeruiſe au lieu de Monſtereau, ou fut tué lediſt Duc. Auſſi fut baillé audiſt Duc certaines terres & ſeigneuries, les aucunes en heritage, les autres à temps : & meſmemēt luy furent baillées les terres aſſiſes ſur le long de la riuere de Somme, tant deçà que dela : c'eſt à ſçauoir, Amyens, ſainct Quentin, Corbye, Abbeuille, & toute la Côte de Ponthieu, Dourlens, ſainct Riquier, Creuecœur, Cleues, & Mortaigne, ſauf que le Roy les pourroit r'auoir, & r'acheter, en baillant à vn ou à deux termes la ſomme de quatre cens mil eſcus d'or, dont les ſoixante quatre feroient le marc : & cependant lediſt Duc prendroit tout le reuenu, tant ordinaire, que des tailles, aydes & ſubuentions, & nommeroit aux Offices : leſquelles toutesfois feroient données & conſermées par le Roy : & pluſieurs autres poinctz & articles furent faiſtz & accordez, contenuz es lettres qui en furent faiſtes, & paſſées,

Ambaſſa.  
pour le Roy  
de France.

Ambaſſa.  
pour le Roy  
d'Anglet.

Pour le Duc  
de Bourgongne.

Cōcluſiō du  
traicté d'Ar  
ras.

Des terres  
& ſeigneu-  
ries qui par  
l'appoinct-  
mēt d'Arras  
furent bail-  
lées par le  
Roy, au Duc  
de Bourgongne.



*La publica-  
tion de la  
paix, & ap-  
pointement  
faict à Ar-  
ras, entre le  
Roy de Fra-  
nce et le Duc  
de Bourgon-  
gne.*

lesquelles lesdictz Ambassadeurs iurerent, & promeirēt garder d'une part & d'autre, es mains desdictz Cardinaulx. Et combien que ledict traité & appointement d'Arras semblaist de prime face estre à la charge & fouldre de l'honneur du Roy, & de la couronne de France, toutes-foi, considéré le temps qui lors couroit, & les grands guerres & affaires que le Roy auoit de tous les costez de son royaume, il fut grandement profitable au Roy & à la chose publique: & moyennāt iceluy appointement s'en ensuyuit le recouremēt du surplus du royaume, que les Anglois occupoyent. En ladicte assemblée auoit plusieurs Roys d'armes, Heraulx, & Pour-suyuans desdictz Seigneurs & Princes: lesquels incontīnēt apres la conclusion prinse, crierēt La paix, à haulte voix par ladicte ville d'Arras: & incontīnēt s'en partirēt iceulx Roys d'armes, Heraulx & Pour-suyuans, & en grand' diligence l'allerent denoncē & publier par toutes les villes, esquelles on leur feit de grāds dōs & presens, pour les bōnes nouvelles qu'ilz portoyēt. Apres ladicte cōclusion, ledict Cardinal de sainte Croix, l'Archeuesque de Reims, le Chācelier du Duc de Bourgongne, le Duc de Bourbon, le Comte de Vendosme, Christofle de Harecourt, le Marechal de la Fayette, & autres, vidrēt à Reims pour dresser les articles de Paix: & la feirent grand' solēnité, qui dura huyt iours: & fut remise, es mains du Roy, la ville d'Ec-parnay, que tenoit le seigneur de Chastillon: lequel, nonobstant ladicte paix, faisoit plusieurs courses, & se disoit Anglois.

*De la mort de la Royne de France, Ysabeau de Bauieres.*

*† Cron. de  
Fran. disent  
dernier.*



E vingtcinquieme t iour du moys de Septembre, audict an mil quatre cens trente cinq, mourut en l'hostel du Roy, pres saint Paul, à Paris, Dame de bonne memoire, & vraye catholique, madame Ysabeau de Bauieres, Royne de France, qui femme auoit esté du feu Roy Charles sixieme, & estoit mere du Roy Charles septieme: le corps de laquelle Dame fut mis en vne nacelle sur la riuere de Seine, en petite solennité, & n'y auoit avec elle que quatre personnes & quatre cierges. Quand ledict corps fut arriuē iusques pres saint Denis, les Religieux de l'Abbaye l'allerēt querir iusques à la riuere, le plus honnelllement qu'ilz peurent: & le lendemain fut enterrée en ladicte eglise, en la Chapelle, & aupres du corps de son feu mary. Ce fut vne grand' hôte aux Anglois qui l'auoyent en leurs mains, de laisser en c'est estat cōduire le corps de ladicte Dame: à laquelle, par le traité de mariage de sa fille avec leur feu Roy, ilz auoyent promis & au feu Roy son mary, leur entretenir leur estat, comme à Roy & Royne appartenoit: toutesfoi ilz n'en feirēt riens, car ilz leur laisserent auoir moult de necessitez: & qui plus est, disoyent à ladicte Royne, que ledict Roy Charles, son filz, estoit illegitime, & n'estoit pas filz dudit Roy Charles sixieme, parquoy il ne deuoit pas succeder à la couronne de France: dont ladicte Dame eut si grād' douleur au cœur, qu'elle en mourut auant ses iours: & elle viuant estoit peritement accompagnée, fors des Bourgeois & femmes de bien de la ville de Paris, qui l'alloyent souuent visiter. En ce mesme an, & moys, mourut en la ville de Rouen le Duc de Bethfort Anglois, qui estoit Regent en France, pour le Roy d'Angleterre.

*Des Anglois  
qui disoyent  
à la Royne,  
que le Roy  
Charles, se-  
ptieme, son  
filz, n'estoit  
point legiti-  
me.*

En ce temps madame Marie d'Aniou, Royne de France, & fille du Roy de Cecille, & sœur de René, Duc de Bar, estant à Chinon, eut vn filz, que le Roy feit leuer sur sons par monseigneur le Duc de Bourbon, pour le Duc Philippe de Bourgongne: & voulut le Roy que l'enfant eust nom Philippe, comme ledict Duc: mais il ne vescu que quatre moys. Tātost apres ladicte paix d'Arras conclute, le Connestable, le Comte de Vendosme, messire Christofle de Harecourt, le Seigneur de la Fayette, & plusieurs autres, vindrent pareillemēt à Reims, pour ce qu'illec enuiron au pays de Champagne, y auoit plusieurs forteresses, comme Seue, Nuechoult, & autres, esquelles plusieurs gens de guerre festoyent mis, & les tenoyent par force sans les vouloir rendre, & estoient bien troys ou quatre mil hommes. Si y alla ledict Cōnestable, & les en feit saillir & rendre lesdictes places à ceulx à qui elles estoient. Quand lesdictz gēs d'armes furent dehors ilz se meirent à faire plusieurs maulx sur les champs, cōme brigans. Ledit Cōnestable le sceut, qui en print plusieurs, & en amena aucuns à Reims, qu'il feit tous pendre, reserué vn qui eut sa grace pour pendre les autres.

*D'une desconfiture d' Anglois, pres saint Denis.*

*L'an mil  
cccc. xxxvi.*



N l'an mil quatre cens trentesix, le Mardy des feries de Pasques, mondict seigneur le Connestable, le Bastard d'Orleans, & les François de leurs compagnies, estans à Pontoise, avec lesquels estoient messire Simon de Lalain, Cheualier, & autres Capitaines que le Duc de Bourgongne auoit enuoyez au seruice du Roy, avec cinq cēs combatans,

combatans, delibererent d'eulx venir loger à saint Denis, qui estoit tout desemparé, reserué la tour de Venin, ou auoit vn Capitaine, nommé Brichanteau, & aucuns Anglois. Si se meirerent à chemin, & en cheuauchant ilz eurent nouuelles que les Anglois estoient sailliz de Paris, pour les venir combattre : parquoy marcherent tousiours auant : si feirent semblablement lesdictz Anglois, qui estoient de sept à huyt cens : & les conduysoyent Thomas de Beaumont, & Thomas Pruit, Cheualier Anglois : & s'entrerencontrerent à vn petit Ponceau de pierre, qui est vn peu dela la ville saint Denis, sur le chemin de Pontoise, & la se combattirent fort & ferme, & furent les Anglois mis en desconfiture, & y eut de mors de trois à quatre cens : & fut prins prisonnier ledict messire Thomas de Beaumont, par vn Escuyer Breton, nommé Iehan de Roseuene, & plusieurs autres : & dura la chace iusques aux portes de Paris : aupres desquelles portes plusieurs Anglois furent tuez par les François. Puis s'en retournerent les François, & se logerent en ladicte ville de saint Denis, & assiegerent ladicte tour de Venin, en laquelle estoit ledict Capitaine Brichanteau, nepueu de messire Simon Morhier, Preuost de Paris, & bien quarante Anglois, qui estoient eschapez de la bataille : lesquelz tindrent ladicte tour, & la deffendirent vaillamment, sans la vouloir bailler.

*Desconfiture  
des Anglois  
pres saint  
Denis.*

### *De la reduction de Paris.*

**E**Nviron quinze iours apres celle desconfiture, mondict seigneur le Connestable fut aduertie que les greigneurs & principaux Bourgeois, & autres gés plus autorisez de ladicte ville de Paris, auoyent bon amour au Roy de France, & voluntiers se mettroient en son obeyssance, comme de leur vray, naturel, & souuerain Seigneur : mais l'Archeuesque de Therouenne, qui se disoit Chancelier de France, pour le Roy d'Angleterre, le Seigneur de Vilby, Capitaine de Paris, & autres, qui estoient en ladicte ville, avec bien xv. cens combatans, les tenoyent en si grand' cruauté qu'ilz ne s'osoyent manifester. Toutesfois ilz le feirent sçauoir audict Connestable, & parlerent secrettement à plusieurs des congnoissans l'un de l'autre, & remonstrent comment les gens du Roy tenoyent les villes de Corbeil, Laigny, Pontoise, Meulanc, le boys de Vincennes, saint Denis, Poissy, & toutes les autres places, dont leur pouoyent venir viures par eue, & par terre, & le dangier ou ilz estoient d'estre assamez & prins d'assault, tellement qu'ilz attirerent à leur cordelle le courage de plusieurs, & le feirent sçauoir audict Connestable : lequel avec le Bastard d'Orleans, & autres Capitaines & gens de guerre, qui estoient à Pontoise, allerent passer la riuere de Seine au pont de Poissy : & le troisieme iour d'Auril, iour de Vendredy, apres Pasques, mil cccc. xxxvij. se rendirent deuant Paris auant le point du iour, & se meirerent en embusche pres les Chartreux, & de la porte S. Iaques. Messire Michel de Lailier, Iehan de la Fontaine, Thomas Pigache, Nicolas de Louuiers, Iaques de Vergens, & autres Bourgeois de Paris, qui auoyent fait celle entreprinse, se meirerent sus, & s'assemblerent par les carrefours, cryant saint Denis, & esmeurent le peuple contre les Anglois & leurs adherens, & leur coururent sus, & en tuerent & prindrent plusieurs, mesmemet desdictz adherens de ladicte ville. Les Anglois cuyderent gagner la porte S. Denis, mais les chaines furent incontinent tendues par toutes les rues : & lors homes, femmes & enfans se prindrent à ietter & ruer par les fenestres pierres, busches de molles, tables, treteaux, & autres choses, pour greuer les Anglois : & par les rues suyuoient lesdictz Anglois, & les tuoyent par tout ou ilz les pouoyent trouuer : & ce voyans lesdictz Euesque de Therouenne, le Seigneur de Vilby, & Morhier, Preuost de Paris, ilz se retirerent en la Bastille S. Anthoine : & ainsi que le Preuost s'en retiroit vn sien compere, boulengier, nommé le Vauasseur, voyant la comotion du peuple, le cuyda faire retourner & sauuer, pour pourchacer son appointement : mais iceluy Preuost se retourna deuers luy moult courroucé, & luy bailla de sa hache sur la teste, & le tua. Durant ce conflict plusieurs François de la compagnie dudit Connestable, monterent par dessus les murs de ladicte ville : les autres entrerent par basteaux en icelle ville, par ce que les portes saint Michel & saint Iaques estoient fermées, & en auoit ledict Euesque de Therouenne les clefs : & tantost & apertement fut rompué ladicte porte saint Iaques par ceulx de ladicte ville : & par icelle entrerent ledict Connestable, le Bastard d'Orleans, & autres de leurs compagnies, ayans leurs espées traittes, cryant saint Denis, Vive le noble Roy de France : & se logerent en icelle ville gracieusement, sans faire nulz exces. Tantost apres commencerent à sonner toutes les cloches de la ville, & chanter par toutes les eglises *Te Deum laudamus* : & le soir fait l'on feu de ioye & grande solennité, & par les carrefours tenoit on table ronde à tous venans : & fut ordonné bon guet deuant la Bastille, ou estoient lesdictz Euesque de Therouenne, & le Seigneur de Vilby. Ledit Morhier, Preuost de Paris, s'en alla au pont de Charenton, qui tenoit pour les Anglois, & en estoit Capitaine, ou il

*Un bon  
loir qu'en-  
rét ceulx de  
Paris de fai-  
re redre la  
ville esmaïs  
du Roy.*

*L'an m. cccc.  
xxxvij.*

*Chaines te-  
dues par les  
Parisien en  
leur ville.*

*Entrée des  
Francoys à  
Paris.*

*Reduction  
de la ville  
de Paris.*

Messire Ambrois, Seigneur de Lore, fut fait Preuost de Paris.

fut prins prisonnier par ses gens mesmes, & luy & la place baillez à messire Denis de Chailly, qui en eut grād' rançon. Au lieu dudit messire Simon Morhier, fut fait Preuost de Paris messire Ambrois, Seigneur de Lore, qui estoit bon, saige, & vaillant Cheualier. Les nouvelles de ladicte prinse & reduction de Paris furent incontinent sceues à saint Denis, qui en sonnerent les cloches, & chanterent *Te Deum laudamus*; & fut amenée la mulle dudit messire Simon Morhier, Preuost de Paris, deuant ladicte tour de Venin, en l'Abbaye dudit saint Denis, que tenoit Brichanteau, son nepueu, pour luy faire croire les nouvelles: lequel Brichanteau, cuydant soy sauuer, comme desesperé, & autres de sa compaignie saillirent de la tour dedans les fossez: mais il fut incontinent tué par les gens de labour dudit pays, qui moult le hayoyent, car il leur auoit pillé & brulé leurs maisons. Aussi furent tous tuez les autres Anglois, qui estoient en ladicte tour. Le lendemain mondict seigneur le Connestable feit renforcer le guet deuant ladicte Bastille, ou festoyent retraictz les dessusdictz Euesque de Therouenne, le Seigneur de Vilby, & Morhier, Preuost de Paris, & feirent aucunes approches, tant par dedans que par dehors la ville, & furent tirez plusieurs coups de Canons. Quand ilz virent qu'on les assailloit, ilz parlementerent, & demanderent qu'on les laissast aller leurs vies & biens saufz. Sur ce fut assemblé Conseil, & estoient plusieurs d'opinion qu'on ne les laissast point aller: mais finablement on les lascia aller vies & biens saufz. A leur partement leur fut baillé saufconduyt: mais ilz ne voulurent point passer par dedās la ville, doubtant la commotion du peuple, & furent mis hors du costé des champs, & furent conuoyez: & quand ilz passerent par deuant la ville saint Denis, plusieurs des gens qui les alloient veoir, cryoyent apres ledict Châcelier de Therouenne: Au regnard, au regnard, & leur disoyent autres opprobres, & ne les en pouoit on garder. Tantost apres mondict seigneur le Connestable alla mettre le siege deuant le chastel de Creil, du costé de Beauuoy sin, oultre la riuere d'Aise. Quand le siege fut assis il se partit pour aller à aucuns ses affaires, & lascia le Bastard d'Orleans, le Seigneur de lalongnes, & autres pour la conduyte dudit siege: lesquels furent deuant bien quinze iours: mais les Anglois de dedans estoient si fors & si garnis d'Artillerie, de trait & de viures, qu'ilz n'y peurent riens faire: si s'en reuindrent. En ce mesme temps le chastel de saint Germain en Laye fut mis en l'obeyssance du Roy de France, moyennant certain argēt, que ledict Connestable donna au Capitaine qui le tenoit pour les Anglois. En celle année le Roy alla visiter ses pays de Lyonnois, Daulphiné & Lâguedoc, & feit ses Pasques à Montpellier: & en son retour s'en vint par Berry, & tira en Gastinois pour aller à Sens: car ladicte ville festoit mise en son obeyssance.

Le chastel de s. Germain en Laye fut mis en l'obeyssance du Roy.

*Du mariage de monseigneur le Daulphin Loys, & de madame Marguerite, fille du Roy d'Escoffe.*

L'entrée de madame Marguerite fille d'Escoffe, en la ville de Tours.



EN celle année fut traité le mariage de monseigneur le Daulphin de Viennois, Loys, filz du Roy de France, & de madame Marguerite, fille du Roy d'Escoffe: laquelle fut amenée en Frâce, & le iour & feste S. Iehan Baptiste le vingtquatrieme iour de Iuin, arriua en la ville de Tours, grandement & honnestement accompagnée. Au deuant d'elle allerent plusieurs Princes, Seigneurs, Barons, Cheualiers & Escuyers: & à l'entrée de la ville les Seigneurs de Mailly & de lalongnes, descendirent à pied, & prindrent chacun d'un costé la bride de la haquenée, sur laquelle ladicte Dame estoit montée, & la menerent iusques au chastel. Quand elle fut descendue, le Comte de Védosme, & vn autre Comte d'Escoffe, la prindrent de chacun son costé, & la menerent & monterent iusques en la grand' salle dudit chastel, ou estoit la Roïne de Frâce, la Roïne de Cecille, & madame Yolād de France, fille du Roy. Lesdictes Roïne de Cecille & Yoland vindrēt au deuant d'elle iusques à l'huis de ladicte salle, & l'amenerent iusques à la Roïne, qui estoit au grand banc, laquelle se desmarcha quatre ou cinq pas, & la receut honnestement: & incontinent monseigneur le Daulphin, qui estoit en sa chambre, au bas dudit chastel, vint en ladicte salle grandement accompagné de Barons & Cheualiers. Et quand ladicte Marguerite apperceut qu'il venoit, elle alla au deuant de luy, & s'entrebaiserent, & puis s'en allerent ensemble vers la Roïne, & la se deuilerēt vne piece. Les besongnes furent toutes preparées pour les espousailles, au lendemain: si vint le Roy, qui estoit party de Chinon, & arriua au matin, & tout housé fut à la benediction & espousailles de mondict seigneur le Daulphin, & la fut la feste grande & solennelle.

Le Roy d'Escoffe fut tué par ses subiects

L'année ensuyuant le Roy d'Escoffe, pere de ladicte Daulphine, estant à son royaume, logé en vn conuent de Mendiens, en vn village, fut tué par aucuns de ses subiects, qui auoyent esté parés & seruiteurs du Duc d'Albanai, son frere, & d'autres Seigneurs ses parés, ausquels il auoit fait copper les testes, & estoit sa femme presente à ladicte mort.

De la prinse

*De la prinse de Pontoise, par les Anglois.*

Le iour de Karesme prenant audict an, fut par ledict Seigneur de Talbot, & Fau-  
camberge, & plusieurs Anglois, prinse d'emblée & par eschelle la ville de Pon-  
toise: & passerent lesdictz Anglois par dessus les glaces & neiges, qui estoient es  
fossez: car pour lors estoit moult aspre l'yuer. Il y eut deux freres Escuyers, l'un  
nommé le Gallois Gurry, & l'autre Indet Gurry, qui se meirēt es tours d'un por-  
tail, & la se deffendirent tout le iour, iusques apres vespres, pendant lequel temps ilz auoyent  
enuoyé à Paris & saint Denis pour auoir secours: car ilz eussent biē recouuert la ville par la-  
dicte porte: mais il ne leur vint nul secours: parquoy ilz furent contrainctz prendre composi-  
tion de faillir avec ceulx de la compaignie, leurs vies sauues.

*De la prinse de plusieurs places d'emblée par les Anglois, & autres par les Fran-  
coys: & de la venue du Roy à Paris.*

En l'an mil quatre cens trentesept, les Anglois prindrent d'eschelle & par emblée L'an m.cccc  
xxxvii.  
les villes de Montargis, Cheureuse & Oruille, & y meirent Capitaines: mais  
elles furent tantost racheptées & recouertes par argent, qu'on donna ausdictz  
Capitaines: c'est à sçauoir Oruille, d'un Capitaine Arragonnois, nommé Fran-  
coys de Surienne, dict l'Arragonnois, & le chasteau de Cheureuse, d'un Cheua-  
lier François, nommé messire Guillaume de Broulhac: lequel tātost apres bail-  
la & liura aussi les villes & chasteau de Dreux, que les Anglois auoyent longuement tenuz: &  
pour lesdictes redditions furent bien baillez quatre vingtz mil escus, & se tourna iceluy de  
Broulhac du costé des François. En celle mesme année le Roy, qui estoit à Sens, feit vne  
grand' armée, & enuoya le Connestable de France, & le Comte de la Marche deuant Cha-  
steaulandon en Gastinois, que les Anglois occupoyent, & le prindrent par force & d'assault,  
& tuerent & prindrent prisonniers tous ceulx qui estoient dedans: Puis allerēt mettre le sie-  
ge deuant Nemours, & le batirent longuement de Canons & de Bombardes, & la rendirent  
ceulx de dedans par composition: & de la sen allerēt mettre le siege deuant Montereau fault Montereau  
fault Yonne  
fut pris d'as-  
sault par les  
François, sur  
les Anglois  
Yonne, ou ilz se fortifierēt de fossez & feirēt vne belle Bastille contre la ville au bout du pont:  
& tantost apres alla le Roy audict siege en personne: & quand le siege eut la esté vn moys, la-  
dicte ville fut prinse d'assault, & y eut plusieurs Anglois, & autres leurs adherens, tuez, & plu-  
sieurs prisonniers. Messire Thomas Guerat, qui en estoit Capitaine, sen retira au chasteau, a-  
uec plusieurs de ses gens. Aussi sen retrahit vne partie sur le fort du pont, mais ilz veirent bien  
qu'ilz ne pouoyent resister: si leur fut donné congé d'eulx en aller ou bon leur sembleroit.

De la sen vint le Roy à S. Denis en Frâce: & puis feit son entrée à Paris, ou il n'auoit point L'entrée du  
Roy Char-  
les septieme  
à Paris.  
encores esté depuis son couronnement, & estoit tout armé sur vn grand courfier couuert de  
velours bleu, semé de fleurs de lys, & perles: & auoit huyt cens Archiers, sans ses gardes, &  
grand nombre d'hommes d'armes, & y fut grandement & honnorablement receu: & alla de-  
scendre à l'eglise nostre Dame, & de la logger au Palais: & estoient en sadicte cōpaignie mon-  
dict seigneur le Daulphin, monseigneur Charles d'Aniou, frere de la Roynes, monseigneur le  
Connestable, les Comte de Vendosme, de la Marche, de Tancarville, de Vertuz, de Dunois,  
& autres grands Princes, Barons, & Cheualiers de son royaume. Le lendemain le Preuost des  
Marchans, Escheuins, Bourgeois & habitans de la ville allerēt deuers luy. Aussi feirent ceulx  
de l'estat d'Eglise & l'Vniuersité: lesquelz il ouyt benigne mēt, & leur octroya toutes leurs re-  
questes: & aucuns iours apres il sen partit de ladicte ville, & sen alla à Orleans, & de la à Bour-  
ges. Audict an le Seigneur de Talbot, Anglois, meit le siege deuant Tancarville, dont le  
Capitaine Floquet faillit pour aller deuers le Roy, qui estoit lors au siege de Mōtereau, pour La prise de  
Tancarville,  
par Talbot  
auoir secours, mais il ne vint pas à temps: & fut ladicte ville rendue audict Talbot.

*Comment le Duc de Bourgongne meit le siege deuant Calais.*

En celle année le Duc Philippe de Bourgongne, qui en ses faitz se mōstroit plus  
François que son Conseil ne vouloit, avec grand' compaignie de Nobles gens  
d'armes & grand nombre des communes de Flandres, alla mettre le siege de-  
uant Calais, ou il mena grand' quantité de viures & d'Artillerie, & y fut biē deux  
moys: durant lequel temps les Anglois feirent plusieurs faillies, & grands faitz  
d'armes, les vns contre les autres, mais lesdictz gens des communes de Flandres, qu'on disoit  
bien estre trente mil, se laisserēt d'estre audict siege, & abandonnerēt ledict Duc, leur seigneur,

qui demoura à petite compaignie: & dit l'on qu'ilz luy auoyent voulu courir sus, sans sçauoir la cause, ne pourquoy: & tuerent vn de ses Cheualiers, nommé messire Iehan de Hermes. Ledit Duc de Bourgongne demoura tout le dernier, en combatant ceulx qui estoient sailliz de Calais, pour frapper sur la queue de ses gens, iusques à ce que leurs viures, chariotz & bagues fussent retirez. Tantost apres vint par mer grand' armée d'Angleterre, qui venoit pour leuer ledit siege de Calais: & quand ilz n'y trouuerent plus personne, ilz se meirēt en terre, & coururent la terre de Flandres, ou ilz feirēt moult de maulx: mais les gens dudit Duc les buffeterent & escarmoucherēt par tout ou ilz les trouuerent, tellement qu'ilz en tuerent grand nōbre, & les autres se retirerent à Calais: & de la les vns s'en allerent en Angleterre, & les autres en Normandie. En ce tēps auoit plusieurs Capitaines estrāges, qui durant les guerres s'estoyēt mis sus en France, & auoyent amassé plusieurs gens de guerre mauuais garçons, qui tousiours tenoyent les chāps, pilloyēt, roboyent, & faisoient tous les maulx du monde: & mesmement vn Capitaine Arragōnois, nōmé Rodigo de Villādras: leq̃l, cōbien qu'il tint le party du Roy, comme il disoit, si faisoit il plusieurs maulx: & desroboyent les gens tous ceulx qu'ilz rencontroyent: & aduint vn iour que le Roy cheuauchoit, iceluy Rodigo & ses gens, qui n'auoyent nulz gages ne souldes, rencontrerent les Fourriers & Officiers du Roy, & les destroufferent, tellement que le Roy fut si courroucé contre luy, que s'il l'eust peu faire prēdre il l'eust fait punir griefuement: & pource qu'il ne peut estre prins, il le fit bannir de son royaume.

*Du Roy René d'Anjou, & Roy de Cecille, qui fut deliuré de prison.*

*La mort du bon Empereur sigismōd, qui auoit uescu iii. xx. x. ans.*

*L'an m. cccc. xxxvij.*

*Le seigneur de Lisleadā fut tué à Bruges.*

Audit an René d'Anjou, lors Roy de Cecille, parauant Duc de Bar, frere de la Roïne de France Marie, qui estoit prisonnier du Duc de Bourgongne, par ledit traité d'Arras fut deliuré: & l'allerent querir, iusques à Dyion, le Duc de Bourbon, les Comtes de Vêdōsme, de Harcourt, le Seigneur de la Fayette, & autres grands Seigneurs: & par ce moyen fut fait le mariage de Iehan, son filz, Duc de Calabre, à la fille dudit Duc de Bourbon, niepce du Duc de Bourgongne, à cauē de la Duchesse de Bourbō, qui estoit sa soeur, & furent les nopces faictes à Molins, & y estoit le Roy de Cecille en personne. En celle année mourut la vieille Roïne d'Angleterre, fille du Roy de Nauarre, laquelle estoit mere de Iehan, Duc de Bretagne, & du Comte de Richemont, Connestable de France. Sēblablement mourut celle année la vieille Cōtesse d'Armignac, qui fille auoit esté du Duc de Berry, & estoit la mere du Duc de Sauoye, & du Côte d'Armignac, & du Côte de la Marche. En celle mesme année mourut le vaillant Empereur, nōmé Sigismōd, qui auoit vescu iiii. xx. x. ans. sa mere fut fille du Roy Iehā de France, & soeur des Ducz de Berry & de Bourgongne: & fut celuy qui premier erigea le pays de Sauoye en Duché (car parauant n'estoit que Comté) & en fut premier Duc vn nommé Amé, qui fut homme vertueux, & de bonne vie: lequel abandonna le monde, & vescu par aucun temps solitairement en hermitage, & pour sa saincteté fut par le Concile de Basle esleu Pape: mais il y eut Scisme en l'Eglise, tellement qu'il ne iouyssoit point de la Papauté: toutesfois il demoura Legat en ses pays: & obeirent tous les Princes Chrestiens à Eugene, qui auoit esté osté de la Papauté par ledit Concile. Apres Sigismond fut esleu Empereur Albert, Duc d'Autriche, Roy de Boesme, & de Hongrie, gēdre dudit Sigismond. Audit an mil cccc. xxxvij. le Duc de Bourgongne alla à Bruges, la ou ceulx de ladicte ville se leuerēt contre luy, pour aucunes noualitez qu'ilz leur vouloit faire: & mesmemēt pource qu'il vouloit mettre trop de gēs de guerre dedans ladicte ville: & conuint audit Duc faire rōpre vne porte de ladicte ville, qui estoit fermée, pour s'en venir à grand' haste, & fut en grād danger de sa psonne: & tuerēt le Seigneur de Lisleadā, qui estoit son grād Gouverneur & Cōseiller, & plusieurs autres: & luy mesmes fut en dāger de sa psonne, & receut plusieurs coups: mais il fut mis hors par vne poterne. pour leq̃l exces il en y eut plusieurs executez: & luy payerēt pour l'amende cc. mil riddes d'or, & plusieurs grands dons qu'ilz feirēt à la Duchesse, & autres qui estoient autour dudit Duc, qui feirent leur appoinctement. Iceluy Duc de Bourgongne enuoya ses genś d'armes deuant la ville du Crotoy: mais les Capitaines de Talbot & Faucamberge, Anglois, qui estoient à Rouen, y allerent leuer ledit siege: & n'osa aller ledit Duc de Bourgongne au deuant d'eulx, & si estoit à Abbeuille, avecques grand' puissance. En icelle mesme année Rodigo de Villandras, Capitaine Arragonnois, que le Roy auoit banny de son royaume, print plusieurs villes & places que tenoyent les Anglois au pays de Guyenne, & les mit en l'obeyssance du Roy: parquoy il fit sa paix, & fut r'appelé en la grace du Roy. En ce mesme tēps monseigneur Pierre de Rochefort, Marechal de France, se partit de Dieppe, qu'il auoit recouuerte pour le Roy, pour venir à Paris, & alla passer la riuere d'Aise à Compiègne. Guillaume de Flauay, qui estoit Capitaine dudit Compiègne de par le Roy, le sceut, & enuoya vn de ses gēs, nommé l'Hermite, & autres en sa cōpaignie au deuant dudit Marechal, & le fait prendre & mettre prisonnier audit Compiègne, durant lequel temps il mourut: & disoit iceluy de Flauay, que le Connestable l'auoit autresfois fait mettre hors dudit Compiègne, en la



en la presence dudi<sup>t</sup> Marechal, & vouloit contraindre ledi<sup>t</sup> Marechal, à luy rendre quatre mil escus qu'iceluy de Flauy auoit baillez audi<sup>t</sup> Conestable. Tantost apres, le Seigneur de Lore, Preuost de Paris, feit prendre & decapiter à Paris, ledi<sup>t</sup> Hermite, pour ledi<sup>t</sup> cas.

*De la grand' famine & mortalité de Paris.*

**L**An mil quatre cens trente huyt, les gens du plat pays se trouuerent si oppressez & apauuriz, qu'ilz ne scauoient ou aller, n'ou eulx bouter, & n'auoyent de quoy viure, & mouroyent de faim: à l'occasion de quoy vint grand' multitude de pauures gens dedans Paris, en sorte que c'estoit chose pitoyable à veoir: & pource qu'ilz ne pouoyent labourer aux champs, s'en ensuyuit si grand' famine, & apres si grand' mortalité, qu'il en mourut dedans Paris, comme on disoit, bien cinquante mil personnes & plus: & y valloit le septier de bled neuf liures Tournois forte monnoye. car tout le pauvre populaire des enuironz se retirerent dedans Paris, tant pour la famine que pour les courtes & oppressions que faisoient les Anglois, & aussi les gens de guerre François, qui estoient par les garnisons, qui viuoyent sur le pays, par ce qu'ilz n'estoyent point payez de leurs gages: dont ceulx de Paris estoient quasi en desespoir: toutesfois ne bougerent de ladi<sup>te</sup> ville de Paris messeigneurs Ambrois de Cambray, Cheualier, premier President de Parlement, messire Ambrois de Lore, Preuost de Paris, & messire Simon Charles, President des Comptes, qui y furent en grand dangier de leurs personnes. Pour lors auoit à l'entour de Paris tant de Loups & de Loupues que c'estoit merueilleuse pitié, tellement qu'ilz mangeoyent les gens, & deuoroyent iusques dedans ladi<sup>te</sup> ville de Paris: & disoit on qu'ilz y auoyent estranglé à diuerses fois de soixante à quatre vingtz personnes, & n'osoit on aller par les rues foraines de ladi<sup>te</sup> ville de Paris, pour la doubte desdictz Loups.

L'an m.cccc. xxxviii.

La grand' famine et mortalité, à Paris

Des Loups et Loupues qui estoient à l'entour de Paris

*De la Pragmatique Xanction, obtenue au Concile de Basle.*

**A**Vdi<sup>t</sup> an mil quatre cens trente huyt, le Roy assemblea en la cité de Bourges grand nombre de Princes, Barons, Cheualiers, Archeuesques, Euesques, Abbez, Prelatz & grands Clercs, pour auoir Conseil sur le fait de l'acceptation d'aucuns articles, qui auoyent esté deliberez au Concile de l'Eglise, qui lors se tenoit à Basle, pour le debat qui estoit entre les deux qui se disoyent, chacun Pape: & la vint, de par le pape Eugene, l'Euesque de Florence. Et audi<sup>t</sup> Concile de Bourges, le Roy se declaira pour ledi<sup>t</sup> pape Eugene: & fut faicte & acceptée la Pragmatique Xanction, qui est conforme aux anciens Decretz des sainctz Peres, & Ordōnances des sainctz & glorieux Roys de Frāce. A ma volunté qu'elle fust bien entretenue & gardée: qui seroit le grand profit & vtilité de l'Eglise Gallicane, du Roy, & de toute la chose publique du royaume de France. A quoy les Presidens, Conseillers, Aduocats, Procureurs du Roy, & autres Officiers, tant de la court de Parlement q' d'ailleurs, deuoyent bien auoir l'oeil: car ce seroit obuyer à l'euacuation des finances de ce royaume, qui par faulte de ce sont tirées en court de Rome, sans cause, & sans esperance de retourner: qui se montent à somme comme innombrable, qui bien le considereroit & entendroit.

De la pragmatique Xanction: & comment on en deuoir user pour le profit de Frāce.

En celle mesme année les routiers de guerre, qui lors estoient en Barrois, enuiron cc. lances, & ij. mil Archiers, allerent en Allemagne sur le Rin, vers Basle, ou ilz feirent moult de maulx.

En celle dicte année le Roy feit monter & habiller de neuf ses gens d'armes, qui en auoyent bien besoing: car la pluspart estoient nudz, & n'auoyent nulz habillemēs. En celle année mourut Albert, Duc d'Autriche, Empereur de Rome: lequel, tost apres son election, auoit esté faict Roy de Hongrie, & de Boesme, mais il ne tint l'Empire qu'environ vn an & demy, & mourut en Hongrie, par ce que (comme disoyent aucuns) il auoit mangé trop de Pompons: les autres disoyent qu'il auoit esté empoisonné. Apres luy fut esteu Empereur Federic, Duc d'Autriche, oncle dudi<sup>t</sup> Albert. Iceluy Federic au commencement de son Empire fut fort prié & honoré des Princes de Chrestienté: mais apres qu'on eut congneu sa cupidité & nonchalance, on ne tint plus compte de luy. Audi<sup>t</sup> an monseigneur le Conestable de France, par l'ordonnance du Roy, alla mettre le siege deuant la ville de Meaulx, & la print d'affault, & y eut plusieurs Anglois mors & prins. Le Marché se tint fort, & fut aitaillé par Talbot, Faucomberge & Escalles, Anglois: & apres, le Roy y enuoya plus grand nombre de gens, & furent fort assailliz, les Anglois dudi<sup>t</sup> Marché, auquel plusieurs s'estoyent retraictz, tellement qu'ilz furent contrainctz eulx rendre par composition. Apres la prise dudi<sup>t</sup> Meaulx le Roy vint à Paris, & ordonna q' tous les gens d'armes, qui auoyent esté à la prise de Meaulx, iroyent avecques le Conestable en Normâdie, pour faire la guerre aux Anglois: & s'en alla le Roy à

Trepass d'Albert Empereur.

Autres di<sup>ent</sup> sent frere de pere.

La ville de Meaulx prise sur les Anglois.

De la ville  
et chasteau  
de s. Susan  
ne, qui fut  
prise sur  
les Anglois  
par une  
chanceon.

Angiers, pour faire mener des viures à ses gens, & lediēt Connestable print son chemin tirāt droit à Auranches, & y meit le siege, ou se rendit monseigneur d'Alençon: pēdant lequel siege les Seigneurs de Lore, de Bueil, & autres de la bende dudiēt Duc d'Alençon, prindrent la ville & chasteau de sainte Susanne, au pays du Maine, qui est vne forte place: & fut baillée par vn Cheualier Anglois, qui la deliura soubz vmbre d'vne chançon qu'il auoit baillée pour enseigne, & qu'il commença à chanter en faisant le guet: & furent ses compaignons tuez, & prins prisonniers. Quand le Roy fut party de la ville de Paris, & qu'il fut à Orleans, plusieurs des Princes & Seigneurs de ce royaume, ausquelz les guerres ennuyoyent moult, enuoyerēt deuers luy grandes Ambassades, le prier qu'il feist appoinctement aux Anglois: lequel fait response qu'à luy ne tenoit point, & qu'il s'en estoit mis en son loyal deuoir, & n'estoit riēs que plus il desirast que la paix: & fut conclud q̄ pour ce faire seroit faite assemblée à saint Omer, si les Anglois y vouloyent entendre. Quand les François eurent esté deuant Auranches environ trois sepmaines, le Comte d'Orcey & les Seigneurs d'Escalles, & de Talbot, feirēt grād' assemblée d'Anglois, & vindrent contr'assiēger les François: & par aucunes iournées y eut entre les deux ostz de grandes escarmouches, mais les Anglois trouuerent façon d'entrer dedans Auranches: & en y entrant les François leur osterēt grand nombre d'Artillerie, viures, & chariotz. Si passerēt les François la riuere, au pont au Bault, & allerent loger pres le mont saint Michel, sur les greues, en tirant deuers Pontorson.

*Du mariage de madame Catherine, fille du Roy, au filz du Duc de Bourgongne.*

L'an. cccc.  
trente neuf



An mil quatre cens trente neuf, fut traité le mariage de madame Catherine de France, fille du Roy (laquelle n'auoit que six ou sept ans) & de Charles, seul filz de Philippe, Duc de Bourgongne, Comte de Charolois: & fut madiēt Dame honnestemēt accoustrée & menée à Reims, par monseigneur le Connestable, monseigneur le Chācelier, le Bastard d'Orleans, & autres grands personnages. Auquel lieu se rendirent les Ambassadeurs dudiēt Duc de Bourgongne, qui la vindrent receuoir, & l'en emmenerent en grands pompes & honneurs: & fut fait lediēt mariage affin de tousiours entretenir en amour lediēt Duc de Bourgongne avec le Roy.

*De la Praguerie.*

De Conseil  
secret que  
tindrēt plu  
sieurs Prin  
ces & sei  
gneurs de  
France, con  
tre le Roy.



En celle année le Roy estant à Angiers, pource que les Seigneurs de France se plaignoyent des guerres qui duroient trop longuement, & des maulx que faisoient les gens d'armes, qui viuoyēt sur les champs, sans riens payer, & que lesdiēt Seigneurs disoyent que ce procedoit par lascheté & pusillanimité du Roy, qui ne reprenoit, ne punissoit point les maulx que faisoient lesdiēt gens de guerre, & autres abuz qui se faisoient en ce royaume, le Roy assembla plusieurs desdiēt Seigneurs, & les gens de son Conseil en ladiēt ville d'Angiers, pour y donner prouision: & y furent faites aucunes Ordonnances, & donné aucun ordre: & furent enuoyez lesdiēt gens d'armes à viure sur leurs garnisons, à moindre nombre de gens & de cheualx qu'ilz n'auoyēt accoustumé au parauant: & cuydoit le Roy que tout fust bien ordonné & appaisé: mais les Ducz de Bourbon & d'Alençon, les Comtes de Vendosme & de Dunois, le Seigneur de la Trimouille, Anthoine de Chabanes, Comte de Dampmartin, & autres, feirent vn Conseil secret entre eulx, & conspirerent contre le Roy, tēdāns à fin qu'ilz peussent auoir le gouuernement du royaume. Apres lequel Conseil le Duc de Bourbon s'en alla en ses pays, & le Duc d'Alençon, s'en alla à Nyort, ou estoit pour lors monseigneur le Daulphin, qui estoit ieune, de l'aage de seize ans ou enuiron: auquel il parla, & dist aucunes parolles tresmal sonnātes de la personne du Roy, son pere, disant qu'il se gouernoit trop legierement à l'appetit d'aucuns, sans vouloir croire le Conseil des Princes & Seigneurs qui luy pouoyent seruir, dont se pouoyent ensuyuir de grands inconueniens au royaume: à quoy on ne pouoit donner remede sans l'ayde de luy: & luy dist plusieurs autres parolles persuasives, & choses plaisantes à sa volunté, tellement qu'il l'attira de leur party. Et depuis celle heure mondiēt seigneur le Daulphin commença à vser d'autorité, & ne se voulut plus gouuerner à l'appetit du Comte de la Marche, qui estoit vn bon Seigneur & Prince: & lequel Roy, son pere, luy auoit baillé, pour soy donner garde de luy, & le conduire en bonnes moeurs & conditions: & luy disoit lediēt Duc d'Alençon qu'il estoit doreseuuant grand assez pour soy conduire & gouuerner. Pour laquelle cause lediēt Comte de la Marche le laissa & abandonna, & s'en vint deuers le Roy, pour luy en faire remonstrance. Quand le Roy, qui estoit aduertty de la cōspiratiō desdiēt Seigneurs, sceut qu'ilz auoyēt attiré avec eulx mondiēt

mondi& Seigneur le Daulphin, apres qu'il eut ouy parler ledi& Comte de la Marche, il fut moult desplaisant: car soubz vmbre de ladi&te diuision, l'ordre qu'il auoit mise sur les g&sd'armes fut interrompue, & se patirent des frontieres lesdi&tz gensd'armes, & prindr&ent à piller les bonn&es gens du plat pays, plus que deuant. Pour obuyer à laquelle entreprin&se, le Roy promptement assembla grand' arm&ee, & tira vers Poitiers, & manda & escriuit lettres à toutes les citez & bonnes villes, en leur faisant s&cauoir qu'il estoit aduert&y de la conspiration desdi&tz Princes, & qu'ilz auoyent attir&e avec eulx mondi&te seigneur le Daulphin, son filz, en les exhortant qu'ilz ne donnassent ne feissent aucune obeissance n'entr&ee à son di&te filz, n'audi&te Duc de Bourbon, d'Alen&con, Comtes de Vendosme, de Dunois, n'autres leurs alliez: & defendit que nul ne les suyui&st: mais neantmoins plusieurs allerent deuers mondi&te seigneur le Daulphin: & par le moyen de Iacquet Picquet l'un des gens de madame de la Roche (laquelle Dame estoit log&ee, par l'ordonnance du Roy en l'Abbaye saint Maixant) qui auoit la garde du chasteau, & moyennant argent qu'ilz luy donnerent, ilz entrerent audi&te Chasteau, & pillerent les biens d'icelle Dame: mais les habitans & Religieux de ladi&te Abbaye, qui estoient plusieurs, tindrent les portaulx & tours de ladi&te ville iusques à ce qu'ilz eussent fait s&cauoir ces nouuelles au Roy, qui estoit à Poitiers: lequel, quand il sceut ses nouuelles, partit inc&otinent, & feist telle diligence qu'il arriua cedi&te iour à saint Maixant, à sept heures de soir: & estoient en sa compaignie monseigneur Charles d'Anjou, Comte du Maine, le Comte de la Marche, & le Connestable de France, les Seigneurs de Co&tiuy, Admiral de France, de Gaucourt, grand Maistre d'hostel, de la Borde, de Bressy, & plusieurs autres, lesquels entrer&ent premiers en ladi&te ville de saint Maixant, dont ledi&te Iacquet Picquet estoit la party, & all&e à Nyort. Aucuns de ses complices demourerent au Chasteau, auquel furent prins, & y en eut vingthuy& qui furent executez: les vns decapitez, les autres pendus, & les autres noyez. Pour rec&ognoissance du seice que lesdi&tz habitans & Religieux de l'Abbaye de saint Maixant feirent lors au noble Roy, à perpetuelle memoire leur donna de grands & beaulx priuileges, qu'ilz peussent porter fleurs de liz en leur armoirie: c'est à s&cauoir, vn escu de guelles, à vn chef d'asur, & trois fleurs de liz d'or. Et ce faic&t, le Roy disposa d'aller mettre le siege à Nyort, ou estoit mondi&te seigneur le Daulphin, & lesdi&tz Seigneurs de son alliance: lesquels, de ce aduertiz, s'en partirent diligemment, & s'en allerent à Mollins en Bourbonnois, ou ilz trouuer&ent le Duc de Bourbon, qui les receut & entretint. Le Roy s'en passa par Nyort, ou les habitans luy feirent vraye obeissance. Dedans ladi&te ville fut trouu&e ledi&te Iacquet Picquet, qui auoit baill&e le chasteau de saint Maixant, & plusieurs de ses complices, tant dudi&te saint Maixant, que dudi&te Nyort: Ledi&te Iacquet fut escartel&e, & les autres decapitez. Puis apres le Roy commit bonnes gardes aux places des frontieres des Anglois, & s'en alla tout droit en Bourbonnois: & print son chemin à la Soubzterraine, & à Gueret: & prindr&ent la ville de Chambon d'assault. Apres alla à Aigue, Perse, Montagu en Combraille, à Cussy, & plusieurs autres villes: dont le pays de Bourbonnois fut fort greu&e & dommag&e par les gens du Roy, à la charge & foule du Duc de Bourbon & de ses subie&tz. M&di&te Seigneur le Daulphin, & les autres Seigneurs, quand ilz sceurent la venue du Roy, avec grand n&bre de gens d'armes s'en allerent mettre dedans la ville de saint Pour&ain: & le Roy s'en alla à Lyon, & Clermont, & dura ceste diuision bien cinq, ou six mois. A la parfin, par le moyen du Comte d'Eu, qui estoit nouuellement retourn&e d'Angleterre, ou il auoit est&e longuement prisonnier, & autres bons Princes & Seigneurs, la chose fut moder&ee & appais&ee, tellement que mondi&te seigneur le Daulphin vint en France, deuers le Roy son pere, & semblablement les autres Seigneurs qui estoient avec luy: ausquelz c&uint à chacun prendre pardon & remission, & mesmement ausdi&tz Ducz de Bourbon, d'Alen&con, Comtes, Seigneurs, & Capitaines: & le Roy les receut en sa gr&ace, & fut la chose appais&ee. Mondi&te seigneur le Daulphin demoura avec le Roy son pere, & lesdi&tz Seigneurs s'en allerent chacun en leurs pays: & fut ladi&te assembl&ee appellee, comme di&te est, la Praguerie. Et par ce que di&te est, on peut congnoistre comment ledi&te Roy Charles resista sagem&ent & diligemment à ladi&te entreprin&se: car lesdi&tz Seigneurs auoyent de leur party plus largement de gens de guerre, que n'auoit le Roy du sien: mais on dit en commun prouerbe, qu'un Seigneur de paille, vaint bien un subie&te d'acier. Parquoy les Pinces & Seigneurs, qui auroient voulu de faire aucune entreprin&se contre le Roy, y doyu&ent bien penser deuant que l'entreprendre: veu aussi que par les choses pass&ees, se bi&e sont reduy&tes à memoire, on peut veoir, & congnoistre que tousiours est mescheu à ceulx qui ont fait aucunes entreprin&ses sur les Roys & le royaume de France.

*Des beault&es  
& excellens priuileges  
que le Roy Charles,  
septieme, donna à la  
ville & Abbaye de s.  
Maixant, en  
Poitou.*

*Vn seigneur de paille  
vaint bien un subie&te  
d'acier.*

# LES CRONIQVES ET ANNALES DE FRANCE

*Comment, apres le discord des Princes appaisé, le Roy meit le siege deuant la Charité: & du Scisme qui estoit en l'Eglise pour la Papaulté: & comment le Roy se declaira du party d'Eugene.*

L'an m.cccc.  
quarante.



An mil quatre cés quarante, apres ce que le Roy eut appaisé les discordz dessusdictz, il s'en vint mettre le siege deuant la Charité, que tenoit vn Capitaine routier, nommé Perrinet Grasset: lequel par compositiō meit ladicte ville en l'obeissance du Roy, & se rendit François. Puis apres le Roy s'en alla à Bourges, & la vindrent deuers les Ambassadeurs du Pape Eugene, & du pape Felix, Duc de Sauoye: & semblablement y vindrent messagiers de par le Concile, qui auoit esté à Basle, & dura bien six ou sept ans: en la presence desquelz Ambassadeurs le Roy se declaira du party, & vouloir obeyr audict Eugene, & non audict Felix, nonobstant l'election dudit Concile. Auf si se declairerent semblablement les Roys d'Espaigne, d'Escosse, & d'Angleterre, & autres de la pluspart de Chrestienté: & soubz couleur de ce furent moult de dissensions en l'Eglise: car les vns obeissoient à l'un, les autres à l'autre, & se nommoient chacun Pape. Ledit Eugene, s'en alla à Florence, & la se tint: & ledict Felix se tint en ses pays de Sauoye, & en fin y demoura Legat. Audict Concile de Basle, fut deffendu que les Princes seculiers, Cōseilliers, sur peine de malediction ne fussent si hardis de greuer ou soubzmettre gens d'Eglise aux tailles, subides & collectes communes.

Deffence de  
n'imposer  
tailles sur  
gens d'Eglise

En celle saison, messire Pierre de Breze, & Floquet, deux Capitaines François, prindrent la ville de Conches sur les Anglois, & la remparerent: & se logerent dedans huyt cens ou mil François, pour guerroyer & tenir frontiere aux Anglois des places d'enuirō, cōme Eureux, & autres. Semblablement pour tenir frontiere Poton de Xaintrailles, & autres Capitaines, avec huyt cens lances, remparerent & se logerent dedans Louuiers: & pour donner ayde & secours, se besoing estoit, le Roy s'en alla à Chartres: & aucun temps apres il s'en partit de Chartres, & alla à Troyes en Champaigne, pour corriger, r'adresser, & donner ordre à plusieurs Capitaines & routiers de guerre, qui auoyent grand nombre de gens, & tenoyent plusieurs forteresses, & faisoient tous les maulx du monde sur les champs: desquelz Capitaines le Roy desappoincta plusieurs, qui faisoient de grandes pilleries. Le Bastard de Bourbon bon dist aucunes parolles contre l'autorité & préeminēce du Roy, comme de ce il fut deuenement informé: si trouua façon le Roy de le faire prendre, & le feit noyer à Bar sur Aube: &, ce fait, le Roy ordonna que deslors en auant n'auroit que certain nombre de Capitaines & gēs de guerre: c'est à sçauoir seize cens lances: & fut aduisé de faire asseoir & mettre sus par le royaume certaines tailles pour leur soule & payemēt, affin qu'ilz peussent payer leurs despens, sans viure, ne piller sur le peuple, ne faire grief aux pauvres gens: & sur ce furent faictes de moult belles Ordonnances par escript, qui sont mal gardées. Et combien que le Roy eust fait lesdictes Ordonnances, de bon zele, & cuydant bien faire (aussi faisoit il, se la chose se fust entretenue, ainsi qu'ilz l'entretenoyent de son temps) toutesfois depuis elle est tirée en mauuaise consequence: car soubz vmbre de mettre sus ledict payement & ordōnance, par chacun an, on a tousiours augmenté & accumulé somme sur autre, à volonté: dont le peuple est fort oppressé, & greué, & si n'en payent leurs gens de guerre, au moins la plus part d'eulx, non plus qu'ilz faisoient auant que ladicte Ordonnance fust faicte.

Le Bastard  
de Bourbon  
fut noyé à  
Bar sur Aube, pour aucunes parolles qu'il auoit dictes au Roy.

## *De la deliurance de monseigneur Charles, Duc d'Orleans.*



N celle année monseigneur Charles, Duc d'Orleans, qui auoit esté prisonnier en Angleterre l'espace de vingt cinq ans, depuis la iournée d'Agincourt, qui fut l'an mil quatre cens & quinze, fut deliuré par rançon, qui luy auoit bien cousté quatre cens mil escus: & fut cause de sa deliurance le Duc de Bourgongne, moyennant le mariage de madame Marie, fille du Duc de Cleues, niepce dudit Duc de Bourgongne, que ledict Duc d'Orleans espousa en la ville de saint Omer: & par ce moyen furent lesdictz Ducz faictz amys, & porterent robbes & enseignes de liurées pareilles, en signe d'alliance. En celle mesme année messire Gilles de Bretagne, Cheualier, Seigneur de Raiz, Mareschal de France, fut prins prisonnier, & son proces faict à Nantes de par le Duc, present l'Inquisiteur de la Foy: & fut cōdamné à estre brulé publiquement en la presence dudit Duc, par ce qu'il fut attaint & coupable d'aucuns cas contre la Foy, & qu'il auoit fait mourir plusieurs femmes grosses, pour icelles faire deliurer de leurs enfans, & faire escrire aucuns liures de sortillege, & fait autres maulx execrables & infames, qui ne sont à descripre. Au moys de

Messire Gilles de Bretagne, seigneur de Raiz, fut cōdamné estre brulé.

Feurier

Feurier audiēt an, septieme ou huyetieme iour, les Anglois de la garnison de Mante vindrent courir iusques à Paris & faulxbourgz de la porte saint Iaques, & prindrent en chemin, & par les villages, plusieurs prisonniers, bestes, & biens, & se meirent à chemin pour eulx en retourner. Mōseigneur le Connestable, qui lors estoit à Paris, enuoya hastiuement apres eulx, de l'autre costé de la riuere de Seine, messire Gilles de saint Simō, messire Jehan de Malestret, Geoffroy de Couuran, & autres vaillans hōmes, iusques à quatre vingtz ou cent, & allerēt passer la riuere au pōt S. Clou pour aduācer lesdictz Anglois, & les trouuerēt, & sans marchāder frapperēt dessus, & les meirent en desarray, & les desconfirent, & y en eut grand nombre de mors, & plusieurs prisonniers : & rescouirent les prisonniers, bestes, & biens, qu'ilz auoyent prins, & s'en retournerent à Paris. En ce temps les Anglois meirent le siege deuant Harfleu, que les Frāçoys tenoyent, & la se fortifierent de fossez & pieux, & y furent bien sept moys. le Roy fit vne armée qu'il bailla à cōduyre au Bastard d'Orleans, & la Hire pour aller secourir ceulx de ladiēte ville: mais ilz n'y peurent entrer: si fut fait appoinctement qu'icelle ville, & aussi la ville de Mōstieruillier seroyēt rendues ausdictz Anglois: qui depuis fortifierent aussi vne place des enuirs, nommée Granduille ou Grauille.

De Harfleu  
& Mōstier-  
uillier, qui  
furent prins  
par les An-  
glois.

### Des sieges de Creil, & de Pontoise.



An mil quatre cēs quarātē & vn, apres ce que le Roy eut esté en Chāpaigne, & mis ordre au fait des gens d'armes, telle que possible luy estoit, il s'en retourna, & passa par Laon : & la vint deuers luy la Duchesse de Bourgogne, à laquelle fait bailler la ville de Marle, ou auoit des gens du Comte de saint Paul, qui faisoient moult de maux. Item vindrent deuers luy le Comte de saint Paul, & la Comtesse de Ligny: lesquelz luy feirent hommage de toutes leurs terres, & promeirent faire cesser les pilleries qui se faisoient en leurs terres : & fut abatu le chastel de Mōtagu, qui auoit esté cause de faire moult de maux. Puis s'en vint le Roy à Senlis, & à saint Denis, avec son ost : & enuoya le Seigneur de Coitiuy, Admiral de France, la Hire, & autres Capitaines, avec gens d'armes & Artillerie, pour mettre le siege deuant la ville & chastel de Creil, du costé de Beauuoyfin : & apres enuoya le Seigneur de Ialōgnes, & Ioachin Rouault, & Poron de Xaintraillēs, avec gens d'armes & artillerie, pour mettre le siege deuant les ville & chastel, de l'autre costé : & ainsi furent enclos de toutes pars. Puis alla le Roy audiēt siege en personne, & en sa compagnie monseigneur le Dauphin, son filz, Charles d'Aniou, Comte du Maine, monseigneur le Connestable, le Comte de la Marche, & autre grand' Cheualerie : & quand ilz eurent esté là par aucuns iours, messire Guillaume Porto, Cheualier Anglois, fit composition de rendre ladiēte ville & chastel : & s'en alla luy & ses gens, leurs bagues sauues. Puis s'en vint le Roy à saint Denis. Tantost apres le Roy s'en partit de saint Denis, accompagné des dessusdictz Seigneurs, & s'en alla loger en l'Abbaye de Maubuysson pres Pontoise : & partie de ses gens allerent loger en plusieurs masures, qui estoient pres du pont, & de la prairie dudiēt Pontoise, ou souloyent estre les faulxbourgz : & la trouuerent embuschez bien douze cens Anglois: lesquelz incontinent sortirent, & allerent courir deuant la dictē Abbaye faisant merueilleux cry, & la eut grand' escarmouche : mais iceulx Anglois furent reboutez, & leur conuint eulx retirer dedans ladiēte ville, & les chacerent les Frāçoys iusques au pont leuis, & y en eut plusieurs mors & prins. La nuict ensuyuant les Frāçoys se logerent deuant le Bouleuert, le long de prairie & de la riuere, & se fortifierent & feirent grands fossez, & assortirent Canons, & Bombardes. Pour la conduyte de l'Artillerie estoit messire Jehā Bureau, Thresorier de France, & Maistre de ladiēte Artillerie, qui faisoit de grandes diligences : & là furent menez de Paris grand nombre de bateaulx, sur lesquelz fut fait vn pont, pour passer au trauers de la riuere d'Ayse, à l'endroit de l'Abbaye saint Martin : & fut lediēt pont fortifié de chacun costé de la riuere, de grāds fossez & pieux : & passerent oultre lediēt pont l'Admiral, le Seigneur de Iallongnes ( qui durant lediēt siege fut fait Marechal ) Ioachin Rouault, & autres Capitaines, qui se logerent en ladiēte Abbaye saint Martin : laquelle ilz fortifierent de grands fossez, iusques au bout dudiēt pont, & assirent plusieurs Bombardes & Canons. Dedans ladiēte ville estoit Capitaine messire Guillaume le Chambellan, & messire Guillaume t Poitou, avec plusieurs Anglois. Tantost apres vint le Seigneur de Talbot, avec bien cinq ou six mille combatans, soy presenter deuant ladiēte Abbaye de saint Martin : mais il ne l'affaillit point, & fit passer & mener en ladiēte ville, par la porte d'enhault, grand' quantité de viures. Puis s'en retourna à Mante : & en passant pilla l'Abbaye de Poissy : & laissa en ladiēte ville de Pontoise le Seigneur de Scalles, avec bien douze cens combatans. Iceluy siege dura bien dix semaines :

L'an mil  
cccc.xli.

La ville &  
chastel de  
Creil fut re-  
conuerte sur  
les Anglois,  
par le Roy  
Charles viii.

† on Porto.

Talbot pilla  
l'Abbaye de  
Poissy.



La ville de Pontoise fut par cinq fois aitaillée p les Anglois.

& alloit aucunesfois le Roy à sainct Denis, autresfois à Cōflans, autresfois à Poissy: mais tousiours retournoit en l'Abbaye de Maubuysson: & chacun iour alloit veoir lediēt siege, & donnoit courage à ses gens. Ceulx de la Bastille & Abbaye sainct Martin auoyent grand' faulte de viures: parquoy messire Ambrois, Seigneur de Lore, Preuost de Paris, vint à Paris, & feit armer & aitailler aucuns bateaulx, & les mena par la riuere de Seine, & puis contremont la riuere d'Ayse, iusques audiēt Pontoise, à la veue desdiēt Anglois, & passa & monta iusques à ladiēt Abbaye, sans ce qu'ilz luy feissent greuance, combien qu'ilz luy feirent forte guerre. Icelle ville, durant lediēt siege, fut par les Anglois aitaillée & renforcée de garnison par cinq foys, par le Seigneur de Talbot, & autres Capitaines Anglois: & en l'une desdiētes foys vint en personne le Duc d'Yort, qui estoit nouuellement venu d'Angleterre, & se disoit Regēt en France, pour le Roy d'Angleterre, & osta les Anglois qui estoient de la garnison de ladiēt ville, & y en meit & laissa d'autres: & mesmement y laissa le Seigneur de Clipton, messire Nicolle Bourdet, & Henry Scandis, avec cinq cens hommes: & faisoient iceluy Duc d'Yort, & le Seigneur de Talbot de grandes diligences, pour secourir & aitailler ceulx de ladiēt ville de Pontoise. Quand le Roy & ceulx de sa compagnie veirent les grandes approches & batteries faictes pres des murailles de ladiēt ville, tant deça que dela la riuere, le seizieme iour dudiēt moys de Septembre, feit assaillir l'eglise nostre Dame de Pontoise, es faulxbourgz, que les Anglois auoyent fortifiée, & y auoit dedans quarante Anglois, qui leur auoyēt faict beaucoup de mal: & entrèrent les François dedans, & y eut xxiiij. desdiēt Anglois tuez, & les autres pris: & le dixneuuieme iour d'iceluy moys, feit le Roy assaillir ladiēt ville de toutes pars: & fut l'assault grād & merueilleux, tant du costé de la riuere, que du costé du Veuxin. Les Anglois se deffendirent à merueilles vaillamment en plusieurs lieux: mais neantmoins icelle ville fut prinse d'assault, & y eut bien cinq cens homes Anglois tuez, & les autres prisonniers: & entre autres fut prisonnier lediēt sire de Clipton. le Seigneur de Iallōgnes, comme diēt est, fut faict Marechal de Frāce, durant ce siege, & y furent la faictz plusieurs Cheualiers. Les Côtes de sainct Paul, de Vaudemont, & de Joigny, furent aucune espace de temps durāt lediēt siege avec le Roy, & sy porterēt vaillamment: mais du congé du Roy ilz s'en estoient allez auant lediēt assault. Apres la prinse de ladiēt ville, le Roy, monseigneur le Dauphin, son filz, & les autres Princes & Seigneurs, s'en vindrent à Paris, ou ilz furent receuz à grand' ioye. En ladiēt ville de Paris, mōseigneur Charles d'Aniou, frere de la Roïne, feit hommage au Roy, de la Comté du Maine, & autres terres que le Roy René de Cecille, Duc d'Aniou, son aîné frere luy auoit baillées pour son partage.

*De la prinse de Beaumont le Rogier, & Beaumesnil: & de la desconfiture d'Anglois.*



Vrant iceluy temps, les François de la garnison de Conches, dont auoit la charge messire Pierre de Breze, & Floquet, prindrēt d'assault sur les Anglois Beaumont le Rogier, & furent tous les Anglois, qui estoient dedans, mors ou prins. puis allerent deuant Beaumesnil, en Normandie, & y meirēt le siege: mais quād les Anglois veirent les Bombardes, & Canons, qui estoient affutez, ilz renderent la place par composition. En ce mesme tēps les Anglois des garnisons du Mans, de Fresnay, de Maine la lueze, & autres de leur party, s'assemblerent iusques à quatre cens, & allerēt courir deuant sainct Denis, en Aniou, & se logerent au bourg, & prindrent d'assault le monstier, auquel les habitans festoyent retraictz, & en tuerent plusieurs: & ce venu à la congnoissance des François des garnisons de Sablé, Laual & sainte Susanne, s'assemblerent soixante ou quatre vingtz homes, & allerent audiēt lieu de sainct Denis, ou ilz arriuerent tantost apres la prinse dudiēt monstier, & trouuerent lesdiēt Anglois prestz de monter à cheual, pour eulx en aller, & y en auoit plusieurs deuant lediēt mōstier: & d'arriuée lesdiēt François se meirēt à pied, & assaillirent iceulx Anglois, & la fut vaillamment combatu: mais en la fin lesdiēt Anglois furent desconfitz, & y en eut pres de trois cens de mors, & plusieurs prisonniers. les autres s'en fuyrent à pied ou ilz peurent, & des François n'y mourut que cinq ou six homes, & gaignerent iceulx François plusieurs biens, & rescouyrent tous les prisonniers qu'auoyent prins iceulx Anglois.

*De la prinse d'Eureux, par Floquet.*



V moys de Septembre audiēt an, durāt lediēt siege de Pontoise, messire Jehā Floquet, Cheualier, Capitaine François, natif de Normandie, eut entreprinse & intelligence avecques vn pescheur de la ville d'Eureux, qui luy feit vn pertuys en la muraille: par lequel, dedans des bateaulx, lediēt Floquet & ses gens y entrèrent de nuyt.

nuyt. Quand ilz furent dedans la ville, les Anglois en ouyrent le bruyt, & s'armerent hastiuement, & s'assemblerent partie en la grand' rue, les autres en la halle de ladicte ville. Les François allerent à eulx, & les assaillirent, & meirent en fuyte, & y en eut plusieurs mors, & prins. Aucuns renōcerent leurs cheualx subtillement, & s'en fuyrent par vne des portes, & s'en allerent à Vernon, & autres lieux qui tenoyent pour eulx. Enuiron ce temps furent plusieurs prisonniers Anglois, qui auoyent esté prins à l'assault de Pōtoise, menez en vne forteresse, nommée Coruille, pres Chartres: pour la deliurance desquelz en fut enuoyé vn auecques sauscōduyt, pour finer la rançon des autres: lequel s'en alla pour faire ses diligēces, & dist à vn Capitaine, nommé François l'Arragonnois, qui tenoit le party desdictz Anglois, que ladicte place estoit mal fortifiée, & mal gardée. Si feit ledict l'Arragonnois entreprinse pour y aller: & vn iour sal-  
subtilité mi-  
litare faicte  
par un nom-  
mé Fracoys,  
l'Arragon-  
nois.
la embuscher aupres: puis enuoya quatre de ses gens, vestuz de iacquettes blanches, dont l'un portoit des poys, l'autre des nauets, & autres choses dedans des sacz: lesquelz entrerent dedans ladicte place, & ne trouuerent nul qui leur demandast riens, n'ou ilz alloient (car ceulx de la garnison estoient allez les vns dehors la place, & les autres estoient encores couchez en leurs lits) si allerent lesdictz quatre hommes iusques en la chambre du Capitaine, & le prindrent au lit: & puis ledict Arragonnois, & ceulx de ladicte embusche, entrerent dedans ladicte place, & prindrent le Capitaine, & le Seigneur, & tous ceulx qui y estoient, lesquelz ilz emmenerent à Rouen: & par ce moyen furent deliurez tous lesdictz prisonniers Anglois, qui estoient en ladicte place. En celle année, le iour de la Purificatiō nostre Dame, mourut madame Marguerite de Bourgogne, fille du Duc de Bourgogne, qui auoit premierement esté femme de monseigneur Loys de France, Duc de Guyenne, & Daulphin de Viennois, aîné filz du Roy Charles, sixieme, & lors estoit femme de monseigneur le Comte de Richemont, Cōestable de France, & fut enterrée en l'église des Carmes, à Paris. En ce temps le Roy s'en partit de Paris, & en sa compaignie estoit monseigneur le Daulphin, & grand nombre de Princes & Seigneurs, & s'en alla à Saumur: & la vindrent deuers luy les Ambassadeurs du Duc de Bretagne, & fut donné ordre pour oster les pilleries q̄ faisoient les gens d'armes, es pays de Poitou, Anjou, & Xaintonge, dont ledict Duc se plaignoit. Apres s'en alla à Poitiers, & de là à Xaintes, & appoincta avec le seigneur de Pons, qui vint deuers luy, de certaines places qu'il tenoit, appartenantes au Roy: & puis enuoya ses gens deuant Taillebourg, qui entrerent dedans par force: & feit faire execution de ceulx qui y estoient, pour les grands maulx & pilleries qu'ilz auoyent faitz au parauant.

*Du voyage de Tartas, en Gasconne: & de plusieurs autres choses.*

**L**N l'an mil cccc. xliij. le Roy alla à Lymoges, & la tint haulte feste, & estoit en sa compaignie monseigneur le Daulphin, son filz, les Ducs de Lorraine, d'Orléans, & la Duchesse sa femme, le Comte du Maine, & plusieurs autres Princes: & la eut nouuelles que les Anglois auoyent mis le siege deuant la ville de Tartas, en Gasconne, qui est assise es lames sur la riuere, entre saint Seuer & Bayonne: laquelle ville appartenoit à monseigneur d'Albret, & sceut que les gens dudit seigneur d'Albret festoyent vaillamment deffenduz: mais par faulte de viures & de secours ilz auoyent fait appoinctement aux Anglois, que si dedans la feste saint Iehan ensuyuant ilz n'estoyent secouruz, & lesdictz Anglois combatus, ilz bailleroient ladicte place: & de ce baillerent ostages le Capitaine d'Albret, filz aîné dudit seigneur d'Albret, & autres: & fut ladicte ville mise en main neutre, & baillée à vn Cheualier, demourant pres d'icelle ville, qui estoit homme de bōne representation, nommé le Sire de Cosuac. Lesquelz de Tartas feirent sçauoir au Roy ledict appoinctement: lequel se delibera de les aller secourir: & pour ce faire manda assembler grād'armée, & pour s'approcher alla à Toulouze: & quand son armée fut prestee, il se mit à chemin, & en sa compaignie son filz le Daulphin, & plusieurs autres Seigneurs & Princes: & allerent deuant ladicte ville de Tartas, prestz & deliberez de combattre les Anglois: lesquelz n'y vindrent pas: & par ce fut ladicte ville & ostages deliurez, & mis en main du Roy, comme suffisamment acquitez de leur promesse. De la ville de Tartas le Roy s'en partit, & alla mettre le siege deuant la ville de saint Seuer, dōt estoit Capitaine messire Thomas Ramelçon: laquelle il print d'assault, & y eut quatre cens Anglois tuez, & plusieurs des habitans de ladicte ville: laquelle fut pillée, & ledict Capitaine prins prisonnier. Apres alla deuant la cité de Dacqz, & apres qu'elle eut esté assiegée par l'espace de dix sepmaines, mondict seigneur le Daulphin y feit donner l'assault, & luy fut rendue par cōposition: & se rendirent plusieurs places des enuirs, audict pays de Gasconne, en l'obeissance du Roy: deuers lequel vindrent eulx rendre les Sires de la Mothe, & de Roquetaillade. En retournāt le Roy feit assieger la ville de la Reolle, sur Girōde,

L'an m. cccc. xliij.

Du siege que les Anglois meirent deuant la ville de Tartas en Gasconne

qui est sept lieues au dessus de Bordeaux, & fut prinse d'assault: & s'en alla le Roy à Toulouze, & passa par Agen, ou l'on luy fait obeissance. Tantost apres le partement du Roy, les Anglois & habitans de la ville de Bayonne reprindrent ladicte ville de saint Seuer, sur les gens du Roy: mais elle fut tost recouuerte pour le Roy, par le Comte de Foix. En ce temps fut fait t si est ce t Admiral de France, le Seigneur de Coëtivy, qui estoit vn vaillant Cheualier: & lors retour- que cy de- na en Frâce René, Roy de Cecille, qui estoit au royaume de Naples, par ce q lediçt royaume uât il le nō- auoit esté conquis sur luy, par le Roy Alphonse, d'Arragon. En celle année aussi Flocquet, mē desia Ad- Bailly & Capitaine d'Eureux, rencōtra vne compaignie d'Anglois, entre Eureux & le Neuf- miral. bourg: & combien qu'il fust beaucoup moindres de compaignie que les Anglois: toutesfois il les assaillit, & en tua bien trois cēs. Le Comte de Dunois alla mettre le siege deuant Galardō, pres Chartres. le seigneur de Talbot vint à grand' compaignie, pour leuer lediçt siege: & voy- ant lediçt Comte la grand' puissance dudiçt Talbot, & qu'il n'estoit pas pour resister, se leua de sondiçt siege: parquoy lediçt Talbot s'en retourna: & quand lediçt Comte sceut qu'il fut par- ty, il y retourna, & print ladicte ville, & le chastel d'assault, & les fait demolir. En celle diçte année, le Seigneur d'Estouteuille, Capitaine du mont S. Michel, print Grauille, sur le Bastard d'Escalles, Anglois.

L'an mil  
cccc.xlii.

De François  
pere d'An-  
ne, deux fois  
Royne de  
France.

Audiçt an mil cccc.xlii. trespassa Iehan, Duc de Bretagne, filz du feu Duc Iehan, que les Bretons nommoient le vaillant: & auoit regné xlii. ans, & luy succeda audiçt Duché, François, son aîné filz, qui regna huyt ans ou enuiron: lequel auant qu'il fust Duc espousa Yolāt, fille de Loys, ij. Roy de Cecille, Duc d'Aniou: laquelle mourut sans enfans: & apres espousa sabeau, fille du Roy d'Escoffe, & d'elle eut deux filles, dont l'une fut nommée Marguerite, & fut mariée à François, Duc de Bretagne, qui estoit filz de Richard, Côte d'Estāpes, frere dudiçt Duc Iehan dernier: mais il y eut deux autres Ducz qui furēt deuant ce François second: c'est à sçauoir Pierre, frere de François premier, & Artus, Connestable de France, son oncle, qui n'auoyent nulz enfans. L'autre fille, nommée Marie, fut mariée à Iehan, Vicomte de Rohan: & ladicte Marguerite Duchesse eut dudiçt François vn filz, qui mourut ieune, & deux filles. La puisnée, nommée Marguerite, mourut ieune, & l'aînée, nommée Anne, fut mariée au Roy nostre sire, Charles huyetieme de ce nō: & depuis fut mariée au Roy Loys douzieme du nom.

*Prinse de la Bastille de Dieppe, par monseigneur le Daulphin.*

L'an mil  
cccc.xlii.

Du siege  
que le Capi-  
taine Tal-  
bot meit de  
uant la vil-  
le de Diep-  
pe.

L'an mil  
cccc.xlii.

**E**nuiron la feste de Toussainctz, audiçt an mil quatre cens quarante deux, le Sei- gneur de Talbot se partit de Caudebec, avec grand' compaignie d'Anglois, & d'Artillerie, pour aller mettre le siege deuant la ville de Dieppe, qui tenoit pour le Roy, & en estoit Capitaine vn vaillant Escuyer, nommé Charles des Maretz: & en y allant enuoya son auantgarde deuant le chastel de Charlesmenil, que te- noient les François, qui luy fut baillé par composition: car ceulx de dedans n'estoyent pas puissans pour tenir. De la lediçt Talbot s'en alla à Arques, qui tenoit son party. puis s'en al- la loger deuant ladicte ville de Dieppe: & sur vne montaigne, qui est deuant le haure de la mer d'icelle ville, appelée la montaigne du Pollet, fait faire & dresser vne moult forte & grande Ba- stille, & à l'entour fait faire vn parc, fortifié de fossez & palliz: & dedans ladicte Bastille meirēt bien deux cens Canons, & quatre Bombardes: & deslors commencerent à tirer, & batirent fort les murs & maisons de ladicte ville, & vne belle grosse Tour, qui estoit sur le haure. Au- cun temps apres, pource qu'il y auoit trop peu de gens dedans ladicte ville, mōseigneur de Du- nois y alla, avecques huyt cens ou mil cheualx, & entra en ladicte ville: & quand Talbot le sceut il partit de ladicte Bastille, & y laissa ses Lieutenans, messire Guillaume Pate, messire Ie- han de Rupelay, & le Bastard dudiçt Talbot, avec six cens Anglois, & faisoient chacun iour de grandes escarmouches. Trois iours apres le partemēt dudiçt Talbot, lediçt Comte de Du- nois s'en partit, & laissa en ladicte ville avec ceulx qui y estoient, Artus de Longueuille, Tho- mas Droin, & bien huyt vingtz combatans, avec force viures. Semblablement Guillaume de Coëtivy, frere de l'Admiral, descendit avec plusieurs nauires de Bretagne, & mena en la- dicte ville grand' foison de blez, vins, chairs salées, poix, feues, & autres viures necessaires, & aussi grand force de trait, de pouldre, & autres choses necessaires: dont ceulx de ladicte ville furent grandement reconfortez. Aussi apres, au moys de Mars, le Roy y enuoya vn Escuyer de Bretagne, nommé Tudoal Carmoisien, diçt le Bourgeois: leq fut fait Bailly de Troyes, & le fait son Lieutenant en ladicte ville, avec luy Guillaume de Ricaruille, son pannetier, a- vec cent cōbatans. Apres la saison de Pasques ensuyuant, mil quatre cens quarante & trois, le Roy estant à Poitiers, monseigneur le Daulphin son filz, ayant desir de soy faire valloir, & d'acquérir los & bruit, supplia au Roy son pere que son plaisir fust luy bailler gens, & donner congé

congé d'aller secourir ceulx de ladicte ville de Dieppe, & leuer ledict siege: dont le Roy fut cōtent, & le fait son Lieutenant general, & Gouverneur d'entre les riuieres de Seine, & de Somme: & luy bailla en sa compagnie le Comte de Dunois, & l'Euesque d'Auignon, pour le conduire, & plusieurs Capitaines & gens de guerre: lesquelz s'en vindrent droit à Paris, en faisant tousiours assemblée de gens. Puis passerent oultre: & en y allant, le long de ladicte riuere de Somme, se rendirent à luy le Comte de S. Paul, le Damoyseau de Commercy, les Seigneurs de Gaucourt, de Chastillon, & plusieurs autres, & tellement qu'il auoit bien trois mil combatans: & s'en alla mondict seigneur le Daulphin à Abbeuille, & la manda & fait venir deuers luy ledict Tudoal, dict le Bourgeois, qui estoit Lieutenant du Roy, en la ville de Dieppe, pour scauoir de la contenance des Anglois, & aduiser qu'il seroit à faire. Quand mondict seigneur le Daulphin, & les Seigneurs & Capitaines de sa compagnie l'eurent ouy parler, ilz conclurent qu'ilz passeroient oultre: si feirent aller ledict Tudoal, avec trois cens combatans, deuant ladicte Bastille des Anglois, pour garder qu'aucuns viures n'y entraissent: & le Dimenche deuant la my Aoust, mondict seigneur le Daulphin, & les Seigneurs & Capitaines de sa compagnie, allerent en ladicte ville de Dieppe: & quād ses gens furent rafreschiz, enuiron cinq heures du vespre, il enuoya cinq ou six cens homes des pietons, armez, & les fait aller coucher deuant ladicte Bastille des Anglois, & fait icelle nuyt tresfort tēps, & saillirent ladicte nuyt les Anglois deux fois sur eulx: mais ilz furent reboutez tresaprement. Le Lundy matin mondict seigneur le Daulphin, lesdictz Princes, Seigneurs & Capitaines, avec leurs gens, saillirent de ladicte ville, & allerent loger deuant ladicte Bastille, & se tindrent iusques au Mercredy, veille de nostre Dame: auql iour, enuiron huyt heures du matin, mondict seigneur le Daulphin fait sonner trōpettes & clerons, pour donner l'assault à ladicte Bastille: & furent amenez six pontz de boys, qui auoyent esté faitz en ladicte ville, & portoyēt sur rocs, avec deux ou trois grues, pour trauerfer les fossez: & adonc se commēça trescruel assault: & par le moyē desdictz pontz lesdictz François trauerferent les fossez, & vindrent ioindre à ladicte Bastille, ou les Anglois se deffendirent vaillamment, & tuerent bien quatre xx. ou cent François, & en blecerēt plusieurs: parquoy les François furent fort reculez. Lors monseigneur le Daulphin s'approcha, pour donner courage à ses gens, & les enhardit tellement qu'ilz y allerent de si grand courage qu'ilz prindrent ladicte Bastille d'assault: & y fut mondict seigneur le Daulphin, iusques à cōbatre lesdictz Anglois main à main, cōme vn simple homme d'armes: & y eut bien trois cēs Anglois mors, & plusieurs prisonniers: & entre autres furent prisonniers lesdictz messire Guillaume de t Poitou, Capitaine de ladicte Bastille, messire Jehan de Rupellay, le Bastard Talbot, & autres: & tous ceulx de la langue Francoyse, qui estoient dedans, furent pendus, avec certains Anglois, qui auoyent iniurié monseigneur le Daulphin, parauāt ledict assault. Apres ladicte prinse, mondict seigneur le Daulphin fait du tout demolir ladicte Bastille, & se retira en ladicte ville: de laquelle aucuns iours depuis, après y auoir donné ordre, il s'en partit, & laissa dedans ledict Capitaine Charles des Maretz, avec suffisante garnison, pour la garde & deffence d'icelle ville. Pour recongnoissance & remuneration de la bonne & grande loyauté des habitans d'icelle ville, mondict seigneur le Daulphin leur fait plusieurs graces & priuileges: lesquelz furent confermez par le Roy, son pere. Audiēt assault furent faitz plusieurs Cheualiers, le Comte de saint Paul, Hector, filz du Seigneur d'Estouteuille, Charles & Regnaut de Flauay, & plusieurs autres. Tantost apres descendit en France le Comte de Sombreffet, Anglois, avec bien huyt mil cōbatans: & alla mettre le siege deuant la ville de la Guierche, qui luy fut baillée par composition. Puis alla deuant Ponence, & y fut bien deux moys, sans mettre le siege, n'assaillir: & apres s'en retourna en Normandie.

*Prinse de la Bastille des Anglois, pres Dieppe, par le Daulphin de France.*

*En la page precedēte.*

*Comment le Roy enuoya saisir en ses mains les pays d'Armignac.*

**A**Vdiēt an mil quatre cens xliij. mourut la vieille Comtesse de Comminge, en l'age de quatre vingtz ans, laquelle auoit fait le Roy son heritier de ladicte Comte, s'il aduenoit que sa fille n'eust point d'enfant, cōme il aduint: mais ce neantmoins le Comte d'Armignac, qui long tēps l'auoit tenue prisonniere, s'empara d'icellē Cōtē, & print toutes les places pour les vouloir appliquer à luy: dont le Roy ne fut pas content. Aussi n'estoit pas le Roy content de ce que ledict Comte d'Armignac s'intituloit en ses tilttes & lettres, par la grace de Dieu Comte d'Armignac, cōme s'il n'eust point esté subiect du Roy, & du royaume, & luy auoit fait faire deffence de non le faire. Semblablement fut ledict Roy aduertý, que ledict Comte d'Armignac auoit voulu faire alliance avec le Roy d'Angleterre, & traicter le mariage de sa fille avecques ledict Roy, sans le sceu, vouloir, ne congé du Roy de France, son souuerain Seigneur, & desia auoit attiré à luy vn vaillant Capitaine Espagnol,

*L'an m.cccc. xliij.*

Messire Jehan de Sallezart estoit Espagnol.

La Comté d'Armignac fut mise en la puissance du Daulphin de France.

nommé messire Jehan de Sallezart, & plusieurs gens de guerre de sa compaignie, qui estoient au service du Roy, & les auoit mis en les places du pays de Rouergue, ou ilz estoient bien six cens lances, qui faisoient tous les maux que l'on pouoit dire aux subiectz du Roy. Pour lesquelles causes le Roy eut conseil: & apres deue sommation faite audict Comte, il aduisa d'enuoyer audict pays d'Armignac: si fait assembler grand' armée pour y enuoyer, & en bailla la charge à monseigneur le Daulphin, son filz: & pour le conduire luy bailla plusieurs vaillans Capitaines. Si se mit à chemin, & alla audict pays d'Armignac, de Roddéz, & de Cominge, & luy furent les places mises en ses mains, à petite resistance: & firent practiquer en façon que ledict de Sallezart & ses gens abandonnerent ledict Comte d'Armignac: lequel se retrahit à l'Isle Jourdain, un fort chasteau de la Comté, ou mondict seigneur le Daulphin alla, & dedans print ledict Côte, sa femme, son filz puisné, & ses deux filles: lesquelles il enuoya prisonniers en la cité de Carcasonne, en Languedoc: mais son filz aîné Jehan, Comte de Lomaigne, se retira au royaume de Nauarre, ou ledict Comte auoit aucunes terres, & par ce moyen mondict seigneur le Daulphin eut tout le pays en ses mains, reserues les places de Seuerac, & Capdenat. Parquoy il laissa iceluy pays à gouverner à messire Theaulde de Valpane, Bailly de Lyon, & s'en vint à Toulouze, & de là enuoya mettre le siege deuant lesdictes places de Seuerac, & Capdenat, que tenoit le Bastard d'Armignac, & furent prises par composition faite avec ledict Bastard: & ce fait, mondict seigneur le Daulphin s'en retourna vers le Roy, son pere, qui estoit à Tours.

*Des trefues prises entre les Roys de France & d'Angleterre: & comment monseigneur le Daulphin conduyst les gens d'armes en Allemagne.*

L'an mil cccc.xliiij.



An mil cccc.xliiij. apres la feste de Pasques, à la fin du mois d'Auril, le Comte de Suffort, & le seigneur de Roz, Anglois, viderent deuers le Roy en la ville de Tours, de par le Roy d'Angleterre, leur maistre, pour trouuer moyen de traicter paix: & furent les matieres debatues, mais elles ne prindrent point de conclusion: & si furent prises trefues, sous esperance d'appointement, entre lesdictz deux Roys & royaumes, iusques à xvij. mois ensuyuant: & la fut pourpalé & octroyé le mariage dudit Roy Héry d'Angleterre, avec madame Marguerite d'Anjou, niepce de la Roine de France, & fille du Roy René de Cecille, Duc d'Anjou, & furent faites leurs fiançailles par parolles de futur, avec lesdictz Ambassadeurs, ayans de ce pouoir: & ce fait, s'en retournerent en Angleterre.

Après lesdictes trefues accordées, ledict René, Roy de Cecille, frere de la Roine de France, requist au Roy qu'il luy voulust faire ayde, pour mettre en son obeyssance la cité de Metz, & autres villes, qui estoient de l'ancien domaine de la Duché de Lorraine, lesquelles ne luy vouloyent obeyr: & à la requeste le Roy, acompaigné dudit Roy de Cecille, de monseigneur le Daulphin, des Comtes du Maine, de Dunois, de Boulongne, & de plusieurs autres grands Princes, Seigneurs, Barons, Cheualiers, & grand nombre de gens d'armes, se mit à chemin pour aller audict pays de Lorraine, & arriua à Nancy, au mois de Septembre: & enuoya sommer ceulx de ladicte cité de Metz, d'eulx mettre en l'obeyssance du Roy de Cecille. Et pource qu'ilz se monstroyent rebelles, & qu'ilz disoyent qu'ilz n'estoyent en riens subiectz audit Roy de Cecille, Duc de Lorraine, & que des le temps de Godefroy de Billon, qui en estoit Duc, ilz festoyent accheptez, & mis hors de la seruitude dudit Duché, le Roy fait assieger ladicte cité, & y tint le siege plus de cinq mois: & furent ceulx de ladicte cité fort pressez. Si enuoyèrent deuers le Roy, & trouuerent façon, par le moy de messire Pierre de Breze, Cheualier, Seigneur de Mâny, qui lors fort gouvernoit le Roy, de faire composition au Roy, moyennant certain grand nombre de vaisselle d'argent doré, & de deux cens mil escus d'or qu'ilz payerent au Roy, pour le deffroy de son armée. Si se leua ledict siege, & demourerent lesdictz de Metz, sans riens innouer de leurs franchises: & ne fut pas le debat & discord dudit Roy de Cecille, & de ceulx de ladicte cité, du tout déterminé pour celle heure: mais par ledict appointement ceulx de ladicte cité de Metz luy quiterent cent mil florins, que ledict Roy de Cecille & ses predecesseurs auoyent empruntez par plusieurs fois. Durant ledict siege de Metz l'Empereur Federic enuoya deuers le Roy un Cheualier, nommé le Bourgu le Moyne, luy requerir qu'il luy voulust faire secours contre les Suisses, & contre partie d'Allemagne, qui ne luy vouloyent obeyr. Le Roy eut sur ce conseil: & pource que lors il auoit trefues au Roy d'Angleterre, considerant que par tout le royaume y auoit grand nombre de gens de guerre, tant François qu'Anglois, qui faisoient moult de maux par tous les pays, tant de son obeyssance que de l'obeyssance du Roy d'Angleterre, pour en despescher le pays, il delibera de les enuoyer viure en Allemagne: & y enuoya monseigneur le Daulphin, le Capitaine Ioachim de l'Escouet, Oliuier de Brout, avec autres Capitaines pour les conduire. Scblablement y allerent grand nombre d'Anglois:

† Autres le nomment Bourgu le moyne, par un seul mot.



glois: desquelz eut la charge & conduycte vn Capitaine, nommé Mathago, & les conduysoit tous ledict Bourgu le Moyne, Allemand, qui congnoissoit tous les pays: & allerent es pays de Mörbelliard, de Basse, Strasbourg, & autres pays desdictz Suisses, qui desaduoyēt riens tenir de l'Empereur: & trouuerent a vne maladerie, à vne lieue pres de Basse, enuiron huyt cens Suisses: leiquelz lesdictz François assaillirent asprement, tellement qu'ilz les feirent retraire dedans la closture & les iardins de ladicte maladerie: & veu le petit nombre qu'ilz estoient, ilz se defendirent moult vaillamment, & tuerent le Cheualier Allemand, nommé Bourgu le Moyne, & plusieurs autres: mais à la parfin ilz ne peurēt soustenir le faiz des François, & furēt tous descōfitz, mors ou prins: & de la s'en alla mondiēt seigneur le Daulphin deuant les Villes de S. Ypolite, & du Vaudelicure, qui luy furēt obeyssans. Adonc cōmēcerent les gēsd'armes François & Anglois: à faire plusieurs pilleries & maulx sur le pays: parquoy lesdictz Suisses s'assemblerēt par troupeaux en diuers lieux, & en tuerēt plusieurs. Adonc voyāt mondiēt seigneur le Daulphin, & ledict Mathago, q̄ ledict Bourgu, Cheualier Allemand, qui congnoissoit tous les passages & contrées du pays, & les conduysoit, estoit mort, & que le pays estoit merueilleux & estrange, & n'y auoyent nulles intelligences ne congnoissance, il se meit à chemin, & s'en retourna deuers le Roy, son pere, qu'il trouua à Nancy: ou estoient venues la Roïne sa mère, la Roïne de Cecille, sa tante, madame la Daulphine, sa femme, & la fille dudiēt Roy de Cecille: pour laquelle auoir en mariage pour le Roy d'Angleterre, ainsi qu'il auoit esté pourpalé & appointé, estoit la venu le Comte de Suffort, avec vne belle & grāde compaignie en Ambassade, & luy fut baillée. si l'emmena en Angleterre: mais auant son partement furent faictes de grandes festes, ioustes, & tournoys: ausquelz estoient presens les Roynes de France, de Cecille, & d'Angleterre, Madame la Daulphine, la Duchesse de Calabre, la Comtesse de Vaudemont, & la fiancée monseigneur Ferry de Lorraine, fille dudiēt Roy de Cecille: & la cōuoya le Roy de Cecille iusques à Bar le Duc. Incontinent apres que mondiēt seigneur le Daulphin fut party d'Allemagne, se meirent lesdictz Allemans en ladicte ville de S. Ypolite: & par despit de l'obeyssance qu'ilz auoyēt faicte à monseigneur le Daulphin, ilz la pillerent & bruslerent, & pareillemēt ladicte ville de Vaudelicure: & ledict Mathago, Capitaine Anglois, s'en retourna, & emmena ses gens d'armes es pays de Normandie, qui estoient en l'obeyssance du Roy d'Angleterre. Le Roy estant en ladicte ville de Nancy, assembla ses Princes, Chieffz de guerre, & gens de Conseil: & fut mis & donné ordre tant fut le faict du payemēt, que de la maniere de viure de ses gens de guerre, & en furēt faictes de belles Ordonnances, q̄ l'on appelle communemēt les Ordonnāces de Nancy: & furent cassées plusieurs cōpaignies, & Capitaines: & fut ordonné q̄ pour la garde, seureté, tuition, & deffence du royaume y auroit xvj. c. lances ordinaires, & que leur payemēt, & non autre chose d'auantage, seroit mis sur les habitans du royaume, pmaniere de taille: & le feit tousiours le Roy Charles aisi entretenir sa vie durāt.

La desconfiture des  
Suisses par  
le Daulphin  
de France.

Des Ordonnances de  
Nancy, faictes  
par le Roy Charles  
viij. sur  
le faict de  
la guerre.

### *Du trespassement de madame Marguerite, femme de monseigneur le Daulphin.*



An mil quatre cens quarante & cinq, le Roy, à son partement de Nancy s'en vint avec sa compaignie à Chaalons en Champagne: & illec trespassa haulte & puissante Dame, madame Marguerite, femme de monseigneur le Daulphin, qui fille estoit du Roy d'Escoffe, & la fut son corps enterré en la grād' eglise: mais depuis, long tēps apres q̄ mōdiēt seigneur le Daulphin eut esté Roy, il la fait apporter, & enterrer en l'Eglise & Abbaye de saint Laon de Thouars, en Poitou. En ladicte ville de Chaalons la Duchesse de Bourgongne vint veoir & visiter le Roy, qui la reçeut grandemēt, & festoya honnorablement: & la fut appointé que le Duc de Bourgongne rendroit au Roy de Cecille les chasteaux de Neuf chasteil en Lorraine, Clermont en Argone, & Gondrecourt, que ledict Roy de Cecille luy auoit baillez en gaigne, pour partie de sa rançon: & que ledict Duc de Bourgongne auroit à heritage le Val de Cassel: & par ainsi demoura ledict Roy de Cecille acquit de sa rançon. De la s'en vint le Roy en la ville de Chinon, & vint deuers luy François, Due de Bretagne, & Comte de Montfort. puis s'en retourna en ses pays.

L'an mil  
cccc.xlv.

Mad. Marguerite de  
Escoffe,  
Daulphine  
trespassée.

En celle année, à la requeste des Roys d'Espagne, de Portugal, d'Arragon, & de Nauarte, qui tous enuoyerent vers le Roy Ambassadeurs pour la matiere du Comte d'Armignac, fut faict l'appointemēt dudiēt Comte d'Armignac: lequel fut mis hors de prison, & par tant luy furēt sa femme, ses enfans, & ses terres restituées. Le Roy enuoya autres grāds Ambassadeurs en Angleterre, deuers le Roy d'Angleterre, son nepueu: & furent les trefues prolongées iusques au mois de Nouembre, audict an, mil cccc.xlv. & fut ordonné que lesdictz deux Roys se verroyent entre Paris & Rouen: & depuis le Roy d'Angleterre enuoya Ambassade en France: & furent de rechief lesdictes trefues r'alongées, iusques au mois d'Auril ensuyuant.

Q ij

*Pourquoy la  
belle Agnes  
fut nommée  
Damoiselle  
de Beauté.*

En celle saison auoit en la compagnie de la Roynne vne moult belle Damoiselle, nommée Agnes Sorelle: laquelle estoit fort en la grace du Roy, & l'appeloit on communement la belle Agnes: & affin qu'elle eust aucun tiltre, le Roy luy donna, sa vie durant, la place & chastel de Beauté, pres le boys de Vincennes: & lors on l'appela ma damoiselle de Beauté: & pource que lors on voyoyt que le Roy estoit fort pensif, & imaginatif, & peu ioyeux, & qu'il estoit expedient de l'eslouyr, par la deliberation de son Conseil, sans son sceu, fut dict à la Roynne qu'il estoit expedient qu'elle endurast que ledict Seigneur feist bonne chiere à ladicte Damoiselle, & qu'elle ne monstrest nul semblant d'en estre mal contente. ce que la bonne Dame feist, & dissimula, combien qu'il luy greuaist beaucoup.

*Naissance du  
2. filz de  
France.*

Le iour & feste des Innocens, audict an, nasquit monseigneur Charles de France: lequel apres le trespas de son pere fut premierement Duc de Berry, apres Duc de Normandie, & apres Duc de Guyenne. En ce temps vindrent en France deux filles du Roy d'Escoffe, cuydant trouuer madame la Daulphine, leur soeur, qui les auoit mädées pour les marier: & quäd elles furent en Flandres, elles eurent nouuelles que la Roynne d'Escoffe, leur mere, estoit morte en Escoffe, & madame la Daulphine estoit morte à Chaalons: toutesfois elles furent amenees deuers le Roy, qui les receut honnorablement, & leur feit entretenir leur estat à ses despens, iusques à ce qu'elles fussent pourueues.

*Comment messire Gilles de Bretagne fut prins prisonnier, par le commandement du Duc de Bretagne, son frere: & comment ceulx de Gennes se donnerent au Roy.*

*L'an m.cccc.  
xlii.*



An mil quatre cés quaräte & six, messire Gilles de Bretagne, par le cōmandement du Duc François, son frere, fut prins au chastel de Guilledo, & furent à sa prinse quatre cens lances des gens du Roy, que conduysoyent messire Pre- gent de Coëtivy, Admiral de France, messire Pierre de Bresse, Seneschal de Poi- tou, & grand Maistre d'hostel de monseigneur le Daulphin: lesquelz le baille- rent audict Duc, son frere, qui le feit prendre, pource qu'on disoit qu'il vouloit

*De messire  
Gilles, frere  
du Duc de  
Bretaigne, q  
print la iar-  
tiere & l'or-  
dre du Roy  
d'Angleter.*

mettre les Anglois en France, & en Bretagne, & auoit prins l'ordre de la iartiere du Roy d'Angleterre, qui l'auoit fait son Connestable: & le feit ledict Duc par diuerfes fois persua- der par belles parolles, qu'il voulist laisser la querelle du Roy d'Angleterre, dont il ne vou- lut riens faire: parquoy sondict frere conceut si grand' hayne contre luy qu'il le feit mourir, & estrangler en la prison. Aucuns estoyent qui parloyent autrement de la mort dudiect mes- sire Gilles; & en chargeoyent vn nommé de Montauban, & ses complices, qui le gardoyent, & y en eut aucuns desdictz complices, qui en furent griefuemēt executez: & ledict de Mont- auban seuada & se mussa, & se feit religieux Celestin, & apres fut Archeuesque de Bordeaux.

En celle année ceulx de Gennes enuoyerēt deuers le Roy, pour eulx donner à luy, & met- tre la seigneurie en ses mains. Le Roy enuoya ses Ambassadeurs pour practiquer la matie-

*† Autres ie-  
han de Cap-  
fregose, ou  
Fregose, sim-  
plement.*

re, & allerent iusques à Nyce, en Prouence, ou estoit vn nōmé messire † Ianes de Chäfrigant, Cheualier de ladicte ville de Gennes, qui dist ausdictz Ambassadeurs qu'il auoit en icelle ville tous les plus gräds, qui estoyēt ses parés & amys: & s'en partit desdictz Ambassadeurs, & s'en alla en vne seule gallée, avec trois cés hōmes seulemēt, dedans le port dudiect Gennes, & print la bāniere du Roy, en criant viue le Roy: & la trouua ses parés & alliez qui l'attēdoient tous

*Tromperie  
d'un Gene-  
nois faicte  
au Roy.*

en armes, & allerent iusques au Palais, & s'en fuyt vn nommé messire Barnabé, qui parauant festoit fait Duc: & quand iceluy de Chamfrigant se veit faisly de ladicte ville, il se feit Duc, & ne la voulut mettre es mains du Roy. Ces nouuelles sceurēt les Ambassadeurs du Roy, qui allerent deuers luy, luy remonstrant les promesses qu'il auoit faictes, & les grands fraiz que le Roy auoit fait pour la recouurer: mais pour toute responce il leur dist qu'il auoit cōquesté la- dicte seigneurie à l'espée, & à l'espée la deffendrait: si s'en retournerēt deuers le Roy, qui lors estoit à Bourges. Au moys de Feurier, audict an, mourut pape Eugene, & en son lieu fut es- leu pape Nicolas. En celle année fut traicté & pourparlé du mariage de madame Iehanne de France, fille du Roy, & de monseigneur Iehan, Comte de Clermont, aîné filz du Duc de Bourbon. Audiect an mourut le Comte de Vendosme, qui estoit grand Maistre d'hostel de France: & au lieu de luy fut esleu grand Maistre d'hostel le Seigneur de Culant: lequel tantost

*† icy hault  
dit 1445.  
mais ie n'en  
trouue rien  
ailleurs.*

apres, pour son mauuais gouuernement, en fut deschargé, & luy conuint obtenir remission de plusieurs pilleries & malefices qu'il auoit commis & perpetrez.

Le vingt & huytieme iour de Decēbre, mil quatre cens † quarante & sept, nasquit mon- seigneur Charles, second filz du Roy.

Comment

*Comment les Ambassadeurs des Electeurs de l'Empire, & ceulx du Roy d'Angleterre vindrent deuers le Roy, à Bourges, ou il estoit.*

**E**N l'an mil cccc.xlvij. le Roy estant à Bourges, vindrēt deuers luy les Ambassadeurs des Electeurs de l'Empire, & les Ambassadeurs du roy d'Angleterre, pour le faict de l'vniō de l'Eglise: avec lesquelz le Roy enuoya ses Ambassadeurs deuers l'Antipape Felix, Duc de Sauoye, qui ne vouloit soy de porter de la Papaulté. Puis s'en partit le Roy de ladiete ville de Bourges, & s'en alla à Tours: & enuoya le Seigneur de Pressigny, & Guillaume Cousinot, en Angleterre, qui prolongerent les trefues iusques au premier iour d'Auril. Par le traicté du mariage du Roy d'Angleterre, & de la fille du Roy de Cecille, estoit promis q' ledict Roy d'Angleterre deliureroit & bailleroit à monseigneur Charles d'Aniou, Comte du Maine, la cité du Mans, & pays du Maine: toutesfois il n'en auoit encores riēs voulu faire, & auoit mis en garnison, en ladiete ville du Mās, bien ij. mil cinq c. Anglois: & auoyēt les Anglois differé & mené la matiere p parolles & dissimulations, par l'espace de trois ans ou plus, combiē que ledict Roy d'Angleterre eust esté plusieurs fois sommé de ce faire: & à ceste cause le Roy feit mettre le siege deuant ladiete ville du Mans, & tant feit faire d'approchemens, & de bateries d'un costé & d'autre, que ceulx de dedans ne sceurent plus que faire, & estoient prestz à estre prins d'assault: mais à la requeste de l'Euesque de Glocestre, qui estoit fort priué du Roy d'Angleterre, feit tant enuers le Roy, affin que les trefues ne fussent rōpues, que ceulx de dedans laisseroyent ladiete ville, & s'en iroyēt leurs bagues sauues. En telle année le Duc de Milan bailla & deliura au Duc d'Orleās, son nepueu, la cité & Comté d'Ast, en Lombardie, qui luy deuoit appartenir, par la succession de sa mere, sœur dudit Duc de Milan: lequel mourut sans enfans: parquoy icelle Duché deut appartenir audit Duc d'Orleās: mais ce neantmoins vn nommé Sforce, qui estoit de petit estat, non Noble, & auoit espousé la bastarde du feu Duc, la print, & s'en feit Duc par force.

En celle saison auoit vn Marchant, natif de la ville de Bourges, nommé Iaques Cœur, homme de grand' entreprinse, lequel par sa bonne conduycte, prudence & diligēce, combien qu'il fust de basse lignée & pauures gens, s'esleua fort, & aduança tellement qu'il auoit intelligēce & societé à la pluspart des grands Marchans de toutes les bonnes villes de France, & par son bon bruyt, le Roy le retint son Conseiller, & le feit son Argētier: lequel Iaques Cœur luy feit apres de grands seruices, mesmement à la conqueste de Normandie, pour laquelle il feit finance de grand nombre d'argent, & si s'efforçoit ledict Iaques Cœur à faire plaisir à toutes gens: & pour capter la beniuolence des Princes & Seigneurs, qui estoient autour du Roy, leur presta grand' somme de deniers, de dentées, de viures & de marchandises, tellement qu'il fut en grand' autorité enuers le Roy, & feit son filz Archeuesque de Bourges, son frere Euesque de Luxon, & tous ses parens pourueut & esleua en Estatz, Offices, & Benefices, hautēmēt. Mais fortune, qui iamais ne laisse homme en seureté de son estat, luy courut sus à la parfin, & s'esleuerent de grands enuies sur luy: cōme sera dict cy apres: car il faisoit de trop grands choses, & acqueroit villes & chasteaux. Il acquit les seigneuries de saint Maurice & saint Forgeau, au pays de Puyfoye, & autres: & feit bastir la belle maison qui est à Bourges, qui luy fut de grād' despence. Il feit faire aussi plusieurs grandes galées, & faisoit moult grand faict de marchandise par mer & par terre. En ladiete année, le Roy auoit en sa court vn Conseiller, nommé maistre Guillaume Mariette: lequel, quand il se veit esleué, fut si oultreueydé qu'il se mesla de faire & signer lettres, qui furent trouuées faulses: & par ce, affin de donner exemple à ses autres Conseilliers, luy feit copper la teste.

*De l'Ambassade que le Roy enuoya deuers le pape Nicolas: & comment il traouailla grandement pour le faict de l'vniō de l'Eglise.*

**E**N l'an mil cccc.xlvij. le Roy feit ses Pasques en la cité de Tours: & despescha vne Ambassade, qu'il enuoya deuers le pape Nicolas, pour luy faire & rendre l'obeyssance, ainsi que les Roys de France ont accoustumé de faire d'ancienneté, apres l'election desdictz Papes. En ladiete Ambassade estoit monseigneur maistre Iaques des Vrsins, Archeuesque de Reims, l'Euesque d'Alet, Tāneguy du Chastel, sire Iaques Cœur, maistre Guy Bernard, Archediacre de Tours (qui depuis fut Euesque & Duc de Langres) maistre Thomas de Courcelles, noble & vertueux Docteur en Theologie de l'Vniuersité de Paris, & autres: & avec les dessusdictz allerent les Ambassadeurs de monseigneur le Dauphin, & du Roy de Cecille: & estoient bien ccc. cheualx: & allerēt tous les dessusdictz par terre, reseruez lesdictz messire Tāneguy du Chastel, & Iaques Cœur, qui allerēt

Q iij

L'an m. cccc. xlvij.

Des Ambassadeurs qui furent enuoyez vers l'Antipape, nommé Felix, Duc de Sauoye.

De Iaques Cœur, Marchant, demourant à Bourges.

Fortune iamaïs ne laisse l'homme en seureté.

Mariette, Conseiller du Roy, decapité.

L'an m. cccc. xlvij.

† d'Arle possible.

*Le portafino possible.*

*L'antipape Felix, Duc de Sauoye, renoncea à la papauté.*

*La premiere inuention des Frâces Archiers, au royaume de France, & de leurs franchises.*

par mer, tant en galeaces que gallées, & allerent auitailler le chastel de † Final, en la terre de Gennes, que tenoit pour le Roy messire Galeot du Quarret, seigneur dudit lieu : lequel faisoit guerre aux Geneuois, qui auoyent le siege deuant ladicte place. Apres ce q̄ les dessusdictz eurent auitallé ladicte place, ilz s'en partirēt avec trois gallées, qui estoient auditz Jaques Cœur, pour aller à Romme, & renuoyerēt les autres gallées. Quand le Duc d'Orleans, qui estoit en Ast, sceut le siege que tenoyent lesdictz Geneuois, il y alla à grand' armée pour les combattre : mais quand ilz sceurent sa venue, ilz se leuerent, & s'en allerent. Quand lesdictz messire Taneguy du Chastel, & Jaques Cœur furent avec l'Archeuesque de Reims, & les autres Ambassadeurs, ilz entrerent à Romme en la plus grand' pompe que iamais furent Ambassadeurs, & allerent plusieurs au deuant d'eulx. Ledit Archeuesque proposa les causes de sa legation en beaux & grands termes deuant le Pape, qui en fut fort content : & tant qu'ilz furent à Rôme, il les entretint & fait entretenir moult grandement : & puis leur donna charge d'aller deuers le pape Felix, & de besongner au fait de l'vniō de l'Eglise : & s'en partirēt lesdictz Ambassadeurs de Romme, & allerent deuers ledit pape Felix, en Sauoye : auquel ilz feirent de grandes remonstrances : mais il ne vouloit point faire cession : & conuint renuoyer à Rôme, & deuers le Roy plusieurs allées & venues, ou le Roy fait de grands despées, pour le biē de l'Eglise. Finablement fut tellement procuré q̄ ledit Felix ceda totalement le droit qu'il pretendoit en ladicte Papauté, moyennant qu'il demoureroit Cardinal, soubz le tiltre de sainte Sabine, & seroit Legat en ses pays : & les Cardinaulx, qui estoient avec luy, demoureroient en leurs estatx & dignitez, & s'en iroyēt à Rôme avec le pape Nicolas : auxquelles choses poursuivre le Roy, & ceulx de son royaume, traouillerēt & despédirent moult grād argēt. Aussi leur fut vne grād gloire quant au monde, qui leur sera retribué, se Dieu plaist, plus amplemēt en l'autre mode.

En ladicte année le Roy ordōna & meit sus les Frâces Archiers, qu'il voulut estre armez & habillez par les habitâs des paroisses de son royaume, en maniere qu'ilz fussent tousiours prestz pour le seruir quād il auroit besoing, & il les maderoit au fait de ses guerres : & affin q̄ les Frâces Archiers fussent à ce subiectz, il les affranchit de toutes tailles & impostz quelzcoques, qui seroyēt mis sus pour le fait des guerres, & aussi du guet & garde des portes, quelque part qu'ilz feissent leur demourance : & enuoya le Roy cōmissions adressans aux Baillifz & Seneschaux, pour eslire telz gens qu'ilz verroyēt estre idoines & suffisans, pour seruir au fait de la guerre.

Celle année les Anglois emparerent la place de sainte lame de Beuron, en la basse Normandie, combien que par les trefues eust esté dict qu'aucunes noualitez ne se feroient : mais si feirent, en aucunes places, durant icelles trefues, qui fut vn commencement de rompre les trefues par les Anglois.

### *De la prinse de Fougères.*

*La prise de Fougères par les Anglois.*



V moys de Mars, audit an, les Anglois, qui estoient enuiron six cens combatans, que conduysoit vn Capitaine, nommé François de Surcenne, autrement dict l'Aragonnois, prindrēt par eschelles de nuyt & d'emblée les villes & chastel de Fougères, en Bretagne, qui estoit directement enfrainct & venir contre les trefues faites entre les Roy de France & d'Angleterre : car en icelles estoit compris le Duc de Bretagne & ses pays : & pillerent iceulx Anglois toute ladicte ville, qui fut vn metueilleux dommage : car elle estoit bonne, riche, & bien peuplée. A l'heure que le Roy en ouyt des nouuelles, il monta à cheual pour s'en aller de Tours à Bourges. Incōtinēt il despescha ses messagers, pour aller deuers le Duc de Sombresset, qui se disoit Lieutenant du Roy d'Angleterre en Normandie, estant lors à Rouen, luy sommer qu'il vouldist faire rēdre lesdictes villes & chastel de Fougères, & faire reparer les dommages : lequel Duc dist qu'il ne scauoit que c'estoit, & qu'il desauoyt ceulx qui l'auoyent fait, & ne se messeroit point de la matiere. Le Duc de Bretagne enuoya semblablement deuers ledit de Sombresset : lequel fait semblable responce à ses gens qu'il auoit fait aux gens du Roy. Quand ledit Duc de Bretagne eut ouy ladicte responce, il enuoya deuers le Roy luy remonstrer la prinse, perte, & desolation desdictes villes & chastel, prinse sur les trefues, esuelles il estoit compris : veu aussi qu'il estoit homme subiect, ne pueu dudit Roy de France, le sommoit & requeroit de luy ayder, ainsi que le Seigneur doit faire à son vassal. A quoy le Roy fait responce q̄ depuis la responce qu'il auoit eue dudit Duc de Sombresset, il auoit enuoyé ses Ambassadeurs en Angleterre deuers le Roy, ou ilz estoient encores, pour luy signifier que s'il ne faisoit rendre ladicte ville & chastel, & reparer les dommages, qu'il estoit deliberé d'ayder audit Duc : & ce pendant qu'il gardast bien ses places, & qu'il failloit attendre quelle responce il feroit, & au cas qu'il ne feist rendre lesdictes villes & chastel, & reparer les dommages, il promettoit à ayder audit Duc de Bretagne, & le secourir.

*Dela*

*De la responce du Roy d'Angleterre: & de la prinse du Pont de l'Arche, & plusieurs autres par les Francoys.*



Pres la feste de Pasques de l'année mil quatre cēs quarante neuf, retournerent les Ambassadeurs que le Roy auoit enuoyez en Angleterre, pour le fait de Fougieres, & trouuerent le Roy a Chinon: & quand il eut ouy la responce qu'auoit faite le Roy d'Angleterre (qui estoit vn vray refus & dissimulation) il enuoya le Comte de Dunois: le Seigneur de Pressigny, & autres en Bretagne, faire scauoir au Duc ladiete responce, & pour prendre de luy & de ses Barons le serment qu'ilz le seruiroyent contre ledict Roy d'Angleterre, tant q la guerre dureroit, fil se mettoit sus en armes pour luy ayder à recouurer ladiete ville de Fougieres. ce qu'ilz promirent faire, & en baillerent leurs scelez: & incontinent ledict Duc manda de toutes pars les subiectz, alliez, & bien vucillans, pour venir à son ayde: & tantost apres, à la requeste dudit Duc de Bretagne, messire Pierre de Breze, Capitaine de Louuiers, Robert Floquet, Capitaine d'Eureux, Jaques de Clermōt, & Guillaume de Bigats, eurent entreprinse & intelligēce sur la ville & chastel du Pōr de l'Arche, sur la riuiere de Seine, par le moyē d'un voyturier, marchant de ladiete ville de Louuiers, qui souuent alloit & venoit, menant charroy par ledict Pont de l'Arche, pour aller à Rouen: lequel voyoyt bien qu'audit Pont de l'Arche n'auoit gueres grand' garde, ainsi qu'il en aduertit lesdictz Seigneurs. Si vindrent vn iour lesdictz Seigneurs & Capitaines pour eulx embuscher pres dudit Pōr de l'Arche, du costē du port saint Ouyne: & ledict Robert Floquet du costē deuers Louuiers, avec quatre ou cinq cēs cheualx, se meit dedans vn Boulleuert, du costē deuers Louuiers. Et le iour precedent ledict marchand vint luy troisieme de la ville de Louuiers, avec vne charrette, faignant d'aller à Rouen: & en passant parla au portier du chastel, & luy pria que le lendemain il luy voullist ouurir bien matin la portē du Pont, quand il viendroir pour s'en retourner audit Louuiers, & luy promist le vin: & ainsi passa ledict marchand: lequel retourna à l'heure de minuyt, avec aucuns gēs de pied de leur embusche: lesquelz se vindrent loger en vne hostellerie pres dudit chastel, du costē dudit port saint Ouyne: & bien matin vint avec sa charrette, auant le iour, appeler ledict portier par son nom (car il le congnoissoit bien) lequel portier vint incontinent tout seul ouurir ladiete portē, & entrerent eulx deux dedans: & lors commencerent à saillir de l'hostellerie aucuns de ladiete embusche: & ledict portier se doubta, & demanda que c'estoit: & ledict marchand dist que c'estoyent des gens de Louuiers: & meit la main à la bourse, pour bailler audit portier le vin qu'il luy auoit promis, & tira troys pieces, c'est à scauoir, deux bretons & vne plaque, & les getta par telle facon qu'ilz tomberent à terre, & le portier se baissa pour les amasser: & en soy baissant, ledict marchand ou voyturier tira sa dague, ou son espēe, & luy en bailla entre deux espaulles, au trauers du corps, & laissa sa charrette sur le pont leuiz dudit Boulleuert. Et lors ceulx du chastel ouyrent le bruit, & descendit vn homme tout en chemise, qui voulut leuer ledict pont leuiz, pource que ledict Boulleuert estoit prins: & lors ledict voyturier ou marchand vint à luy, & le tua: & lors vindrent ceulx de ladiete embusche, & se saisirent des portes dudit Pont, & chastel: & apres entrerent dedans la ville, sans resistance, car tous les habitans estoient encores tous couchez: & en y eut en icelle ville que tuez que prins, cinq ou six vingtz Anglois, qui estoient dedans pour la garder, & crierent saint Iues, saint Iues. Quand ceulx du pont furent dedans la ville, ilz ouurerent la portē audit Floquet, & à ses gens, qui estoient à cheual, lesquelz entrerent dedans: & entre les autres prisonniers, fut prins le Seigneur de Faucamberge, Cheualier, qui fut mis à vingt mil escus de rançon.

En ce temps les Anglois, qui estoient dedans Fougieres, feirent vne saillie sur les gens du Duc de Bretagne: mais les Bretons les repousserent lourdement, & en tuerent bien six vingtz. Tantost apres vn Gentilhomme, nommé Verdun, print les places de Congnac, & saint Margrin de Bourdellois. Semblablement le seigneur de Moy, Gouverneur pour le Roy en Beauuoisin, prit deschelle la place de Gerberoy sur les Anglois: & tantost apres ledict Floquet Bailly d'Eureux, prit la ville de Cōches. L'Archeuesque & les habitans de la ville de Bordeaux enuoyerent deuers le Roy, requerans qu'on restituast lesdictes places de Congnac, & saint Margrin: & semblablement les Ducz de Sombreffet, & le seigneur de Talbot enuoyerent deuers le Roy, à Chinon, luy requerir qu'il feist rendre lesdictes places du Pont de l'Arche, de Cōches, & Gerberoy: auquelz le Roy feit responce, que quand ilz auroient restitué les ville & chastel de Fougieres, & les biens qu'ilz auoyent prins dedans, on leur restitueroit lesdictes places qu'ilz demandoient. Aussi le Roy fut deument informé que le Roy d'Angleterre faisoit forte guerre par mer & par terre au Roy d'Escoce, & d'Espaigne, ses amys & alliez: lesquelz

*L'année m.cccc. xlix.*

*D'un uoyturier de Louuiers, qui fut cause de recouurer le Pōr de l'Arche, sur les Anglois.*

*Comment le Pōr de l'Arche fut recouuer sur les Anglois*

*De la ville de Gerberoy recouuer sur les Anglois.*



*Les Anglois  
usoyent de  
faulx visages  
pour de  
cevoir les  
Francoys.*

estoyent nommément & expressement compris es trefues: & semblablement prenoyēt les subiectz de la Rochelle, de Dieppe, & autres places desdictes obeissances, & que ceulx qui estoient es villes de Mante, Vernueil, Laigny, & autres places, pour les Anglois, venoyēt courir, & trauerfer les chemins entre Paris, Orleans & Chartres, habillez en habitz dissimulez, espouentables, & auoyent des faulx visages, si qu'on ne les pouoit congnoistre, & desrobboyēt & coppoyent les gorges des marchās, & autres, & alloient es maisons des Gentilzhommes, les tuoyent, & pilloyent leurs maisons, & faisoient tous les maulx dont on se pourroit aduiser, tellement qu'il n'estoit homme qui fosaist trouuer sur les champs. A ceste cause le Roy en son Cōseil conclud que lesdictz Anglois auoyent rompu leurs trefues: & delibera de leur faire guerre ouuerte par mer & par terre. En ce temps les monnoyes de dix tournois piecé furent criez à Rouen à vnze deniers tournoys, de par le Duc de Sombresset, Regent pour le Roy d'Angleterre, à la poursuyte d'un changeur, nommé Iehan Marcel, qui en auoit biē pour dix mil liures: & pour ce faire en presta audit Duc, sur gaigne, quatre mil liures, pour faire un payement de gens de guerre, Anglois.

*D'un musnier qui feit  
prendre Ver  
mueil au Per  
che sur les  
Anglois.*

En celle saison un musnier, qui auoit son moulin ioignāt les murs de Vernueil, un iour qu'il faisoit le guet en ladicte ville, par ce qu'il dormoit fut batu d'un Anglois, dōt il fut courroucé, & delibera de soy venger: & à ceste cause il parla à Floquet, Bailly d'Eureux: lequel assemble plusieurs François, qui se trouuerent à luy: & un iour de Dimanche au mois d'Aoust, en l'an que dessus, apres que ceulx du guet furent descenduz bien matin pour aller à la messe, lesdictz François au droit du moulin dudit musnier dresserent eschelles, & entrerent dedans ladicte ville, ou auoit bien six vingt hommes de guerre: lesquelz se retirerent les vns au chasteil, les autres à la tour Grise: & le lendemain ledict musnier osta partie de l'eau desdictz fosses dudit Chasteau: lequel les François assaillirēt, & prindrent d'assault, & y eut plusieurs desdictz Anglois tuez. les autres se retirerent en ladicte tour, qui est moult forte, & comme imprenable: laquelle tour ilz assiegerent par dedans & par dehors la ville: & la arriua le Côte de Dunois (que le Roy auoit nouuellement fait son Lieutenant general en ses guerres) & le, Seigneur de Cullant, & messire Florēt d'Illiers: & de la se departirent lesdictz Côte de Dunois, & le Seigneur de Cullant: & laisserēt ledict d'Illiers, pour gouverner ledict siege, avec huyt cens combatāns. En cheuauchant lesdictz de Dunois & de Cullant secrettement, pendant que le Seigneur de Talbot estoit sur les champs, ilz meirent peine de le renconrer, & cheuaucherent toute iour iusques vers Harecourt, ou ilz le suyurent, & approcherent tant qu'ilz se voyoyent l'un l'autre. Ledit Talbot s'arresta, & se fortifia de ses chariotz & charrettes, de pieux fort fichez en terre: & quād vint vers la nuyt lesdictz Seigneurs François se retirerent vers Eureux, & illec furent faitz Cheualiers Iehan de Bar, seigneur de Baugy pres Bourges, & Iehan Dolon, Escuyer d'Escuyerie du Roy. Audit mois d'Aoust, le Roy vint à Amboise, pour faire passer ses gens d'armes oultre la riuere de Loire, pour les mener en Normandie: & lors les Côtes de Dunois, les Sires de Cullāt, de Blainville, de Breze, de Marigny, le Bailly d'Eureux, & autres Seigneurs & Capitaines partirent d'Eureux, & se meirent sur les champs avec deux mil cinq cens combatans: & semblablement passerent la riuere de Seine, au Pont de l'Arche, les Comtes d'Eu, de saint Paul, les Sires de Saueuzes, de Roye, de Moy, & de Rābures, avec trois cens lances & quinze cens Archiers, & tous se rendirent & trouuerent deuant le Ponteaudemur, ou auoit quatre cens & vingt Anglois. Si assiegerent & assaillirent vigoureusement ladicte ville, & les Anglois se deffendirent vaillamment: mais à la fin les François prindrent ladicte ville d'assault, & les Anglois se retirerent en vne maison forte, ou les François entrerent par le moyen du feu qu'ilz meirent en ladicte ville: & se rendirent lesdictz Anglois tous prisonniers au Comte de Dunois: & la eut de moult belles armes faictes: & y furent faitz Cheualiers le Sire de Roye, de Moy, les filz du Vidame d'Amiens, de Rambures, & autres de Picardie, iusques au nōbre de vingtdeux. Le Roy sen alla à Vendosme, attendant des nouuelles de ce que faisoient ses gens d'armes. Le vingthuyetieme iour d'Aoust, les Sires de Loheac, le Marechal de Belange, Geofroy de Coran, & Ioachin Rouault allerent donner l'assault à sainte Iame de Beuron, & la prindrent par composition. Le Roy sen alla à nostre Dame de Chartres, & la eut nouuelles que la tour de Vernueil festoit rendue.

*La ville du  
Ponteaudemur, prise  
d'assault sur  
les Anglois.*

*Prise de la  
ville de Lisieux.*

En ce temps le Comte de Dunois, Lieutenant general du Roy, le Comte de saint Paul, & autres Capitaines de leur bande, avec grand nombre de gens d'armes, s'allerent mettre & presenter en bataille deuant la cité de Lisieux. Quand ceulx de ladicte ville veirent si grand puissance, ilz eurent conseil entre eulx, & feirent l'obeissance au Roy, & meirēt la cité en ses mains. Aussi meirent lesdictz Seigneurs la ville de Mante en la subiection du Roy: de laquelle huyt vingt Anglois, qui estoient dedans, sen partirent cheualx & harnois sauues: & demoura en icelle ville Capitaine & Gouverneur le Seigneur de Cullant, Marechal de France.

Le Roy

Le Roy s'en partit de Chartres, & s'en alla à Vernuei: luy estant en ladiete ville, le Seneschal de Poitou print le chastel de Laigny, par le moyen d'un Escuyer Normand, qui en estoit Gouverneur de par François l'Arragonnois, qui s'en disoit Seigneur: lequel bouta les François secrettement dedans par vne poterne du Donion. Les Anglois de dedas, qui estoient deux cens combatans, se voulurent mettre en deffence: mais finalement par composition ilz furent tous prisonniers a la volenté du Roy: & la femme dudit l'Arragonnois s'en alla ou bon luy sembla, avec ses biens sauues. Lesdictz Seigneurs, qui auoyent mis Mâte en l'obeissance du Roy, allerent mettre le siege à Vernon, ou auoit douze vingt combatans Anglois, qui feirent composition en baillant lesdictz ville & chastel, moyennant qu'ilz eurent leurs corps & biens sauues. Pendant le siege dudit Vernon, lesdictz Seigneurs François enuoyerent par un Heralut sommer la ville & chastel de Gisors: & dedans estoit Capitaine pour le Roy d'Angleterre, un nommé Richard de Marbury: lequel parlamenta longuement avec le Seneschal de Poitou: & à la fin rendirent lesdictz ville & chastel, moyennant qu'on luy rendroit deux de ses filz qui auoyent esté prins au Pontaudemer, & que sa femme, qui estoit de France, iouyroit de ses terres, qui estoient en l'obeissance du Roy. ce qui luy fut accordé.

*Prinse de  
Gisors, sur  
les Anglois.*

### *De la reduction de la ville de Rouen.*

**E**N ce temps, le Roy estant à Louuiers, arriua deuers luy le Roy de Cecille, bien accôpagné, & lors auoit en sa cōpaignie grād' Seigneurie & Cheualerie: c'est à sçauoir les Comte du Maine, de Castres, de Tācaruille, de Dāpmartin, de Lōmaigne, le Capdet d'Albret, le Sire de Cullan, le grād Maistre d'hostel de Frāce, mōseigneur Ferry & Jehan de Lorraine, freres, les Sires de Mōrgascon, de Blainuille, de Preffigny, de Briō, de la Bussiere, d'Aigreuille, messire Theaulde de Valpargne, Loys de la Rochelle, Robinet d'Estampes, le sire de Malicorne, & plusieurs autres Barons, Cheualiers, & Escuyers: & en autres quartiers auoit semblablement les armées des Ducz de Bretagne, & d'Alençon, celle des Comtes de Dunois, d'Eu, & de saint Paul: & lors se partit le Roy de Louuiers, & alla au Pōt de l'Arche, & mādā gēs de toutes pars: car il vouloit mettre la cité de Rouen en son obeissance. Ce tēps pendant le Duc François de Bretagne, qui auoit laissé messire Pierre de Bretagne, son frere, à la garde de ses pays, se meit sus à grand' armée, & print les places de Gauray, Thorigný, le Pont d'Oue, la Haye du Puys, de Vallongnes, & plusieurs autres places en la basse Normandie, & pays de Constantin. Quand le Roy eut assemblé ses gēs d'armes, il enuoya, le huyetieme iour d'Octobre, sommer pas ses Heralux ceulx de ladiete ville & cité de Rouen, qu'ilz meissent & rendissent la ville en son obeissance: mais les Anglois, qui dedans estoient, ne voulurent souffrir que les Heralux parlassent au peuple, ne baillassent ladiete sommation, & les menasserent de tuer: si s'en retournerent à grād' haste. Quand le Roy sceut ces nouuelles, il enuoya ses gens d'armes deuant ladiete ville, & les conduysoient les Comtes de Dunois, d'Eu, & de saint Paul, & furent troys iours deuant ladiete ville, ou ilz eurent moult à souffrir (car il estoit sur l'yuer, & pleuuoit, & faisoit fort temps) mais toutesfois ilz feirent de grandes escarmouches. Au troisieme iour lesdictz François se meirēt tous en bataille, cuydant que ceulx de ladiete cité les meissent dedans, & les enuoyerent somme de rechef: mais les Anglois ne voulurent souffrir q' les Heralux approchassent, & ce voyās lesdictz Seigneurs François, & que ce n'estoit pas chose preste qu'ilz entraissent en ladiete cité, ilz s'en retournerent au giste au Pont de l'Arche: & la vindrent secrettement aucuns des habitants de Rouen, qui se feirent fortz de garder un pan de mur & aucunes tours, & de mettre les gens du Roy dedans. Si y enuoya le Roy: & furent menées & dressées des eschelles secrettement, par nuyt, à l'endroit qui auoit esté dict: & par icelles monterent sur les murailles, & se meirent dedans lesdictes tours plusieurs François: mais il aduint que le Seigneur de Talbot vint celle part, à grand nombre d'Anglois, & rebouta lesdictz François, qui vaillāment & longuement bataillerent. A cest assault furent faitz Cheualiers Charles de la Fayette, le Seigneur d'Espreuille, maistre Guillaume Cousinot, & autres. La estoient venus les Roys de Frāce & de Cecille: lesquelz, quād ilz veirēt ladiete entreprinse faillie, s'en retournerēt au giste audict Pōt de l'Arche, & les gens d'armes se logerent es villages, le long de la riuere de Seine. Le iendy dixseptieme iour dudit mois d'Octobre, ceulx de ladiete ville de Rouen, qui auoyent veu la grand' puissance du Roy: & le dur assault qu'ilz auoyent fait, eurent crainte q' ladiete ville fust prinse d'assault, & pillée: si enuoyerēt l'Official de ladiete ville, & autres deuers le Roy, pour querir saufconduyt pour aucuns des plus notables gens de la ville: lequel saufconduyt leur fut octroyé: & le lendemain allerent, pour la partie de ceulx de Rouen, l'Archeuesque dudit lieu, & autres gens d'Eglise & Bourgeois: & de par le Duc de Sombreffet certains Cheualiers,

*Sommation  
à ceulx de  
Rouē de la  
part du Roy  
Charles.*

*L'assault  
que les François  
donnerent à ceulx  
de Rouen, q'  
biē se deffē-  
dirent.*

Ceux de  
Rouen deli-  
bererēt ren-  
dre la ville  
es mains du  
Roy.

& Escuyers: & allerent iusques au port saint Ouyn: & la trouuerent le Comte de Dunois, Lieutenant General pour le Roy, le Chancelier de France, le Seneschal de Poitou, & messire Guillaume Cousinot: & promirent ledict Archeuesque, & les deputez de par la ville, de faire leur loyal deuoir de la mettre en l'obeissance du Roy: dont les Anglois ne furent pas bien contents. Puis s'en retournerent tous ensemble à Rouen, & fait ledict Archeuesque son rapport à ceulx de la ville, qui delibererent de mettre les François dedans. Quand les Anglois apperceurent leur volonté, ilz se meirent en armes, & se retirerent dedans le chastel & Palais, & se faisièrent des portaulx & tours d'icelle ville. Quand ceulx de la ville les veirent faire leur contenance, ilz se meirent semblablement en armes, & tout ce iour, & toute la nuyt, firent grand guet sur lesdictz Anglois: & ladiete nuyt, enuoyerent deuers le Roy qu'il enuoyast les secourir hastiuement, & qu'ilz le mettroyent luy & toute sa puissance en ladiete ville. ce que le Roy fait, & y enuoya hastiuement son armée: & le Dimanche matin ceulx de ladiete ville s'esmeurent tresasprement, & coururent sus ausdictz Anglois, & les chacerent, & firent desemparer les portaulx, tours & murailles: lesquelz se retrahirent au Palais ou chasteau, & sur le fort du pont: & manderent lesdictz habitans venir ledict Comte de Dunois, qui estoit la logé aupres: lequel y vint hastiuement, & en sa compaignie le Bailly d'Eureux, le Seigneur de Manny, ledict Seneschal de Poitou, qui n'auoit eu pas loysir de prendre son harnois de iambe: parquoy il eut la iambe rompue d'un coup de pied de cheual, en entrât en ladiete ville: si fut ramené au Pont de l'Arche, pour guerir, & laissa la conduyte de ses gens d'armes audict Seigneur de Manny: & ledict Comte de Dunois se mit en bataille deuant la porte de Martinuile. Quand le Roy sceut ces nouuelles, il partit du Port de l'Arche hastiuement, & fait charger son Artillerie pour assieger les Anglois, qui festoyent retirez dedans S. Catherine du mont de Rouen, & estoient bien six vingtz: mais auant que le Roy arriuaist, ledict Comte de Dunois les fait sommer: & ceulx voyans le Roy approcher à si grand' puissance, & que ceulx de ladiete ville estoient contre eulx, ilz se rendirent, & leur fut baillé un Herault pour les conduire, & eulx en allant trouuerent le Roy, qui leur dist: Enfants, ne faictes nulz maulx, & ne prenez riens sans payer. A quoy ilz respondirent qu'ilz n'auoyent de quoy: & lors le Roy leur donna, & fait bailler contant cent francz: & s'en alla le Roy loger audict lieu de sainte Catherine, dont ilz estoient partis. Les gens d'Eglise, Bourgeois, & habitans de ladiete ville, allerent deuers ledict Comte de Dunois, & luy porterent & presenterent les clefs de ladiete ville: & entrerent enuiron trois cens lances dedans la ville, & les autres se logerent aux champs pres d'illec. Ce mesme iour les Anglois rendirent la tour du Pont de ladiete ville: & fut crié que tout homme, grand & petit, portast la croix blanche. Le Duc de Sombresset, qui estoit au Palais, requit à parler au Roy: dont le Roy fut content. Si alla deuers luy, bien accompagné de Cheualiers & Escuyers Anglois, & fut cōduyt par les Heralux du Roy, iusques au mont sainte Catherine: & la vint deuant le Roy, qui estoit assis en son grand Conseil, accompagné du Roy de Cecille, des Comtes de Clermont, du Maine, d'Eu, de saint Paul, du Chancelier, & plusieurs Princes de son sang, Barons, Clefs de guerres, & gens notables: & apres qu'il eut fait la reuerence, requit au Roy, que luy, sa femme & enfans, le Seigneur de Talbot, & tous les autres Anglois, s'en peussent aller seurement, & qu'ilz iouyssent de l'abolition qu'il auoit octroyée à ladiete ville. A quoy le Roy respondit que la requeste n'estoit pas raisonnable, & qu'il n'en feroit riens: car ilz n'auoyent pas tenu l'appoinctement par eulx faict, par lequel ilz deuoyent rendre les chastel & pont, mais les tenoyent encores par force contre son gré, & auoyent voulu empescher que ceulx de ladiete ville ne la luy meissent en son obeissance: & pour ces causes, auant que luy & les autres Anglois partissent, ilz luy redroyent Harfieu, Honefleu, & toutes les autres places qu'ilz tenoyent en Caux. Si s'excusa ledict Duc, disant que Harfieu ne rendroit il point: car c'estoit la premiere place que le Roy d'Angleterre, son Seigneur, auoit prinse en Normandie: & sur ces parolles ledict Duc print congé, & s'en retourna audict Palais au trauers de Rouen, ou il veit que tout homme portoit la croix blanche: & le conuoyerent les Comtes d'Eu, & de Clermont. Tost apres, fait le Roy assieger ledict Palais par dedans & par dehors la ville: & quand ledict Duc de Sombresset apperceut les approchemens, & voyant qu'il ne pouoit estre secouru, apres plusieurs parlemens & trefues continuées de iour en iour, iusques à douze iours, il fait composition: par laquelle fut dict que ledict Duc, sa femme, & les autres Anglois, s'en yroyent leurs corps & biens saulz, reseruez les prisonniers & grosse artillerie, & payeroyent au Roy cinquante mil escuz, & tout ce qu'il deuoyent en ladiete ville seroit payé: & de ce baillerent ostages le Seigneur de Talbot (auquel le Roy fait moult d'honneur, & l'enuoya à Eureux) le filz du Comte d'Ormont d'Irlande, & autres. Puis s'en allerent ledict Duc & autres à Harfieu, & de la à Caen, & le Roy demoura & fait sa feste de Toussaintz audict lieu de sainte Catherine: & l'vnieme iour ensuyuant, le Roy, accompagné desdictz Princes, tous habillez en grand' triumphe, fait son en-

Des Anglois  
qui se parti-  
rēt de Rouē  
leurs uies et  
biens saulz.

trée en ladiète cité de Rouen, ou il fut receu en grand honneur & solennité. Ceulx de ladi-  
ète ville tindrent tables rondes par les carrefours, & feirent de grands dons au Roy, & à ses  
Officiers, Heralux, & Pourfuyuans.

*L'entrée du  
Roy dedans  
Rouen.*

*De la prinse de Harfieu, par les Francoys, & autres places en Normandie.*

**L**Antoist apres que le Roy eut fait son entrée à Rouen, il alla mettre le siege deuant  
Harfieu, ou auoit mil & cinq cés Anglois, & se logea à demye lieue pres: & quād  
le siege fut assis, le Roy s'en alla à Monstiuillier: Audiēt siege les gens du Roy eu-  
rent moult à souffrir pour les froidures & gelées: mais ce nonobstant ilz feirent  
de si grandes approches, bateries & diligences, que ladiète ville leur fut rēdue par  
composition: & s'en allerent les Anglois les vns en Angleterre, les autres par les places qu'ilz  
tenoyent encores audiēt pays de Normandie: Apres lediēt siege de Harfieu, le quatrieme iour  
de Ianuier, le Roy se partit de ladiète ville de Monstiuillier, & s'en alla logger en l'Abbaye, de  
Iumieges, sur la riuere de Seine. En icelle saison le Duc de Bretagne faisoit grand deuoir  
de faire guerre aux Anglois: & avec luy se trouuerent le Comte de Richemont, Connestable  
de France, son oncle, & Iaques de Luxembourg, Comte de saint Paul, & allerent mettre le  
siege deuant les villes de Constances & de saint Lo, qui feirent obeissance au Roy: & prin-  
drent Tombelaine pres le mont saint Michel, & plusieurs autres places en la Duché de Nor-  
mandie: & meirent le siege deuant Fougères: & apres qu'il y eut esté vn moys, luy fut ladiète  
ville baillée par François l'Arragonnois, qui en estoit Capitaine pour le Roy d'Angleterre:  
lequel s'en partit luy & ses gens (qui estoient bien cinq cens) leurs cheualx, & harnois saufz,  
& chacun vn petit fardeler deuant eulx. Lors la mortalité se meit en l'ost dudiēt Duc de Bre-  
tagne, tellement qu'il salut qu'il se retirast en ses pays. Semblablement les Comtes de Foix, &  
d'Éstrac, qui estoient en Berty, meirent sus grand' armée, & allerent mettre le siege deuant la  
place de Mauleon: qui est vne moult forte place, reputée quasi imprenable, & assise es extremi-  
tez & confins du royaume de France, & de Nauarre. Le Roy de Nauarre cuyda venir pour le-  
uer lediēt siege, mais auant sa venue il prindrent ladiète place: puis allerent mettre le siege de-  
uant vn chasteau, nommé Guysant, pres Bayonne. Le Connestable de Nauarre, & le Maire  
de Bayonne assemblerent bien troys mil hommes: tant dudiēt Bayonne que des autres places  
que tenoyent les Anglois, pour aller leuer lediēt siege. Les Francoys le sceurent, & marche-  
rent au deuant, & les combattirent, & desconfirent, & y en eut bien douze cens de tuez. Vn  
Capitaine Anglois, nommé Soliton, avec quarante lances, trauersā le siege, & se meit dedans  
la place: mais tantost apres il veit qu'il ne pouoit estre secouru: si s'en partit luy & ses gens par  
nuyt. Le Bastard de Foix les apperceut, & les pourfuyuit, & moult en tua, & print prison-  
nier lediēt Soliton. Lors ceulx de la place, qui en furent moult esbahys, le Lundy ensuyuant  
rendirent la place: & prindrent semblablement lesdictz Francoys plusieurs autres places estā  
entre la mer d'Acqz & Bayonne. Ce pendant que le Roy estoit à Iumieges, il enuoya met-  
tre le siege deuant Honnefleu, par le Comte de Dunois: & y auoit bien quatre cens Anglois,  
bons combatans, dedans ladiète ville: lesquelz furent de si pres assaillis qu'ilz promērent que  
le dixhuyetieme iour dudiēt moys de Ianuier, ilz rendroyent ladiète place au cas que ce iour  
les Francoys n'estoyent combatus, & de ce baillerēt ostages: auquel iour les Anglois ne vin-  
drent point. si fut ladiète ville baillée es mains du Roy, les ostages des Anglois deliurez.

*La ville de  
Harfieu fut  
rendue au  
Roy par cō-  
position.*

*La prinse de  
Mauleon, et  
autres pla-  
ces en Gas-  
cogne.*

Audiēt lieu de Iumieges mourut Madamoyselle de Beaulté, qu'on appelloit la bellé A-  
gnes, & la feit le Roy honnestement enterrer en l'Abbaye dudiēt lieu: car elle viuāt auoit esté  
fort en sa grace.

*La mort de  
la belle A-  
gnes, appelée  
ma Damoyse-  
lle de Be-  
aulté.*

En ce temps le peuple d'Angleterre s'esmeut cōtre les Seigneurs: & les conduysit le Mai-  
re de Londres (qui auoit grand' autorité en ladiète ville & au pays, & portoit l'on tousiours  
l'espée deuant luy, quand il alloit par la ville) & prindrent le Comte de Suffort, & le meirent  
prisonnier à Londres, & disoyent qu'il auoit fait mourir les Ducz de Glocestre & d'Accestre,  
& estoit cause de la perdition de Normandie: & pour ladiète cause auoyent lesdictz Anglois  
parauant fait mourir l'Euesque de Glocestre, garde du priuē scel d'Angleterre. Le Roy d'An-  
gleterre feit secrettement deliurer lediēt Comte de Suffort: lequel se meit sur la mer, pour s'en  
venir en Frāce à sauueté: mais il fut rencontré par aucuns des gens du Duc de Sombreffet, qui  
luy coppèrent la teste sur le bout de la nauire, & enuoyerent sa teste, & le corps, à ceulx de Lō-  
dres, qui le feirent escarteler & pendre à leurs portés.

Comment

# LES CRONIQVES ET ANNALES DE FRANCE

*Comment le Duc d'Alençon met le siege deuant Belesme: laquelle luy fut rendue,  
& le Pontaudemer, & autres places en Normandie.*



*Excecrable  
cas d'aueus  
belistres ou  
coquins.*

Euant Belesme, ou auoit bien deux cens combatans Anglois, alla mettre le siege le Duc d'Alençon, & assaillit ladicte place vertueusement, tellement que les Anglois prindrent iour à la rēdre au cas que ledict Duc n'estoit combatu, & en baillerent ostages: auquel iour les Anglois ne se trouuerent point. Si fut ladicte place rendue aux François, qui deliurerent les ostages. Tantost apres le Roy alla à Honnefleu, à Bernay, à Essay, à Alençon, & enuoya mettre le siege deuant le Fresnay, qui luy fut rendu par composition le xxvij. iour de Mars: & p ladicte cōposition s'en allerēt leurs biēs saufz, moyennant qu'ilz bailleroient dix mil saluz, & on leur rendroit leur Capitaine, nommé Montfort, qui auoit esté prins au Pontaudemer. En ce temps messire Thomas Quirieli, accompagné de quatre mil Anglois, partit d'Angleterre, & vint descendre en Normadie, & d'arriuee il alla mettre le siege à Valongnes, par ce qu'il sceut qu'il n'y auoit nulles gardes, & luy fut ladicte ville baillée. puis apres Mathago, & autres Anglois, qui estoient es garnisons, fasssemblerent, & estoient bien sept mil combatans, & se meirent à tenir les champs, & passerent les guez S. C le mēt en Cōstantin. Messire Geofroy de Courā, Ioachin Rouault, & autres Capitaines, les pourfuyirent les vns ça, & les autres la, & les rencōtrèrent sur les champs en diuers lieux, & en tuerent & prindrent plusieurs prisonniers. En ce temps furent penduz par arrest de Parlement aucuns coquins & coquines, qui auoyent prins & emblé des petis enfans, & leur creuoyent les yeulx, pour auoir occasion & couleur de les mener coquiner.

*La bataille de Formigny, ou furent tueZ quatre mil sept cens Anglois.*

*l. a m. cccc.  
cinquante.*



*La bataille  
de Formi-  
gny.*

N l'an mil quatre cens cinquante, le quatorzieme iour d'Auril, apres Pasques, les Comtes de Clermont & de Castres, le Seigneur de Rieux, lors Admiral de France, le Seneschal de Poitou, le Seigneur de Mouy, de Manny, Ioachin Rouault, Robert Comerghā, & autres, iusques à six cens hommes d'armes, sans les Archiers, trouuerent le lendemain lesdictz Anglois près Formigny, entre Carenten & Bayeux. Quand les Anglois les apperceurēt ilz se meirēt en bataille, & enuoyerēt deuers Mathago: lequel estoit party le matin de leur compagnie, pour aller à Bayeux, qui retourna incontinent. Le Cōnestable, les Seigneurs de Lual, de Loheac, & d'Orual, & autres, avec troys cens lances, partirent de saint Lo, & cheuaucherent iusques à vn moulin à vent, qui estoit pres dudiēt Formigny, & se meirent en bataille pres du parc qu'auoyēt fait la nuyt precedente les Anglois: & quand ilz apperceurent que les Anglois passoyent vne petite riuie re, lors ledict Cōnestable & ses batailles passerent semblablement ladicte riuie sur vn petit pont au grand chemin, & allerent assaillir lesdictz Anglois: & la se combattirent longuement & vaillamment François, & Anglois, d'une part & d'autre: mais à la parfin les François eurent la victoire, & furent Anglois desconfitz, & y en eut de tuez par le rapport des Heraulx, des Prestres, & de ceulx qui les enterrent, quatre mil sept cēs septante & quatre, & prins biē pres de quatorze cens prisonniers. La furent faitz plusieurs François Cheualiers, & entre autres les Comtes de Clermont, & de Castres, filz du Côte de la Marche, Geofroy, filz du Côte de Boulongne, & autres. Apres celle victoire les François allerent mettre le siege deuant la ville de Vire: de laquelle estoit Capirainie messire Henry Malbury, lequel estoit pour lors prisonnier des François: si la feit rendre, & s'en allerent quatre ou cinq cens Anglois, qui estoient dedās, leur biens saufz, à Caē. Tātost apres allerēt lesdictz Seigneurs François mettre le siege deuant la cité de Bayeux, ou estoit Mathago, & bien quatorze cens Anglois, qui se deffendirent vaillamment, l'espace de quatorze iours: apres lesquels iours passez, les gens de guerre François, qui auoyent fait de grandes batteries es murs de la ville, & auoyent desir de gagner, voyans que ladicte ville estoit preste & ayfée à assaillir, sans l'ordonnācé, sans le sceu des Seigneurs & Chiefz de guerre, assaillirent ladicte ville: mais ilz furent reboutēz: & voyāt Mathago, & les autres Anglois, le dur assaut qu'ilz auoyēt soustenu, auquel estoient mors grād nombre des plus gens de deffence de leur party, & qu'ilz n'auoyent pas esperance de secours, & auoyent peu de viutes, feirent composition, & s'en allerent tous, vn baton au poing, reservez aucuns, ausquelz pour l'honneur de Gentillesse on laissa des cheualx pour porter les Dames & moyelles. Et avec ce les Seigneurs feirent bailler des charrettes pour porter les femmes & enfans des Anglois, qui s'en allerent avec leurs maris, dont il y auoit bien de trois à quatre cens, & estoit pitié de les veoir partir: car telle femme y auoit qui portoit vn enfant au berseau, sur sa teste, l'au-

*La prise de  
la uille &  
cité de Bay-  
eux.*



reste, l'autre en ses bras, & les autres plus grandelets les amenoyent par la main, les tenans par les robbes. Puis enuoya ledict Côte de Dunois deuant le chastel de Briquebec, qui luy fut rendu: & s'en alla deuant la ville de Valongnes, qui gueres ne tint, & s'en faillirent six vingtz Anglois, qui allerent à Cherebourg, bagues sauues: & ce pendant les Marechaulx de France allerent mettre le siege deuant sainct Sauueur le Vicomte, & le prindrent par composition.

*Du siege & de la prinse de Caen, par les Francoys.*



Pres ces choses faictes monseigneur le Cōestable, le Comte de Dunois, Lieutenant general du Roy, les Marechaulx de France, les Princes & Chiefz de guerre, Francoys, qui estoient la enuiron, s'assemblerent, & s'en allerent mettre le siege deuant la ville de Caen: auquel siege vindrent tost apres en psonne le Roy de Cecille, les Ducz de Calabre, d'Alençon, les Côtes du Maine, de S. Paul, de Neuers, d'Eu, & de Tancarville, & plusieurs autres grâds Princes, Barons, & Cheualiers, tellement q long tēps on n'auoit veu si grand' & si belle assemblée de gens de bien, ne si bien rengée n'accoustree, comme estoit ledict siege. Et dedans ladicte ville estoit le Due de Sombreffet, sa femme, ses enfans, & quatre mil Anglois, vaillans & renommez, tous gens de guerre esleuz, qui feirent plusieurs saillies: & la furēt faictz par diuerses iournées de beaulx & grands faictz d'armes: mais à la fin lesdictz Anglois, voyans qu'ilz n'estoyēt point puissans pour resister à si noble & puissante armée, cōme estoit celle du Roy, ilz feirent composition, & s'en allerent leurs bagues sauues, & entra le Roy & sa compaignie dedans ladicte ville, à grand' honneur & triumphe.

*La ville de Caen fut prise par le roy sur les Anglois.*

*Du siege de Falaise, & de la prinse d'icelle, par les Francoys.*



Encontinēt apres la prinse de Caen, le Roy enuoya Poton de Xaintrailles, Bailly de Berry, pour mettre le siege deuant la ville de Falaise: & apres y enuoya messire Jehan Bureau, Cheualier & Thresorier de France, qui conduysoit l'Artillerie, avec grand nombre de frans Archiers. Dedans ladicte ville estoient bien mil & cinq cens Anglois, tous gens d'élite: lesquelz quand ilz apperceurent approcher l'Artillerie, que conduysoit ledict Bureau, saillirent dehors, & vindrent frapper dessus tresasprement, & tellement que les Francoys commencerent à reculer: mais incontinēt vint ledict Poton au secours frapper sur iceulx Anglois: lesquelz furent reboutez iusques aux portes de ladicte ville, par le moyen desdictz Poton & Bureau, qui se porterent tresvaillamment. Tantost apres, le Roy se partit de Caen, pour aller audict Falaise, & alla loger du costé deuers Argenten, en vne Abbaye de sainct Andry, à demye lieue seulement dudit Falaise, & estoit avec luy le Roy de Cecille, & les Ducz, Comtes & Seigneurs dessus nommez. Le Duc d'Alençon & sa bande furent logez en vne autre Abbaye, fondée de S. Marguerite, & le Comte de Dunois, Lieutenant du Roy, fut logé à la Guibray, & les autres Capitaines auoyent chacun leur quartier, tellement que ladicte ville de Falaise fut assiegée, & enuironnée de tous costez: & furent les murs fort batus d'Artillerie, tellement que les Anglois se meirent à parlementer, & promeirent rendre ladicte ville & chastel au Roy le vingtieme iour du mois de Iuillet, au cas qu'ilz ne seroyent secouruz dedans cedit iour, pourueu que leur Maistre, Seigneur & Capitaine, qui estoit le Sire de Talbot, Seigneur de ladicte place, par don à luy faict par le Roy d'Angleterre (lequel Talbot estoit prisonnier du Roy au chasteau d'Eureux) seroit deliuré, moyennant certaines promesses que celui de Talbot deuoit faire au Roy: & pour seureté de ce baillerent douze ostages dudit lieu de Falaise: dont depuis fut Capitaine Poton de Xaintrailles, grand Escuyer d'Escuyerie, & Bailly de Berry: & par ainsi fut deliuré ledict Seigneur de Talbot: lequel s'en vint deuers le Roy, & luy dist qu'il vouloit aller à Rome, au grand pardon de Iubilé: & à son partemēt le Roy luy fait de grâds dons, & le fait conuoyer & deffrayer par tout ou il passa iusques hors de son royaume, & mada p toutes les villes qu'on le festoyast. Le douzieme iour dudit mois de Iuillet se partit le Sire de Culant, grand Maistre d'hostel, le Sire de Blainuille, & autres Chiefz de guerre, & allerent mettre le siege deuant le chastel de Damfront, & avec eulx estoient quinze cens frans Archiers, & messire Jehan Bureau, qui auoit charge de la conduyte de l'Artillerie. Dedans ladicte place auoit de sept à huyt cens Anglois, qui se deffendirent vaillamment, iusques au deuxieme iour d'Aoust, qu'ilz feirēt composition q moyennant certaine somme, qu'ilz promeirent bailler, ilz s'en allerent, & de payer la somme au iour nommé baillerent ostages.

*La prinse de Falaise, sur les Anglois.*

*La mort de François Duc de Bretagne.*

En ce tēps mourut de certaine maladie monseigneur François, Duc de Bretagne, nepueu & homme subiect du Roy de France, au manoir de Plaisance lez Vannes, & gist en l'Abbaye

R

de Redon. De la mort de ce Prince fut dommage : car il estoit vaillant & saige, & qui aymoît le Roy & le royaume de France : & le monstra bien à ladicte conqueste de Normandie, ou il exposa sa personne & biens, sans y riens espargner. Il auoit en premieres nopces espousé Yoland, fille de Loys, deuxième Roy de Cecille, & Duc d'Aniou, qui mourut sans hoirs, & gist aux Cordeliers de Vânes. Apres espousa en secondes nopces madame Ysabeau, aînée fille du Roy d'Escoffe, de laquelle il eut deux filles, l'une nommée Marguerite, qui fut mariée à François, filz de Richard, Comte d'Estampes. La seconde fille, nommée Marie, fut mariée à Ichâ, Vicomte de Rohan. Apres le trespas dudit Duc François, luy succeda audict Duché, Pierre, son frere, qui eut à femme † Katherine, fille de monseigneur Loys d'Amboise, Vicomte de Thouars, de laquelle il n'eut aucuns enfans : & mourut ledict Pierre l'an mil cccc. lvij. & gist en l'eglise collegiale nostre Dame de Nantes. Apres la mort duquel luy succeda audict Duché, monseigneur Artus, Comte de Richemont, Connestable de France, qui ne vescu que quinze-mois Duc : & mourut en Decembre mil quatre cens cinquante & huyt, au chasteau de Nantes, & gist en l'Eglise des Chartreux, qu'il fonda es faulxbourgs de ladicte ville, ou parauant auoit Chanoines. Iceluy Artus eut trois femmes, desquelles il n'eut aucuns enfans : la premiere fut fille du Duc Ichâ de Bourgongne, la quelle parauant auoit esté fême de monseigneur Loys, Duc de Guyenne, Daulphin, aîné filz du Roy Charles vj. la seconde fut fille au Vicomte d'Albret : la tierce fut madame Katherine de Luxembourg, fille du Comte de saint Paul.

† Cro. Bret.  
la nomment  
François.

l'an m. cccc.  
cinquante.

La dernière  
place que les  
Anglois per-  
dirent en Nor-  
mandie.

petite de-  
scription du  
pays de Nor-  
mandie.

En celle saison audict an mil cccc. l. le Roy feit mettre, par le Connestable, le siege deuant Cherebourg, anciennement appelé Cesarbourg, ou le Bourg de Cesar, par ce que Iules Cesar le feit edifier, quand il conquist les Gaulles : en laquelle place auoit mil Anglois combatâs. Illec eurent François moult de peine à faire les approchemés : ausquelz faite fut tué d'une couleurine messire Pregêt, Seigneur de Coitiuy, & Seigneur de Raiz, Admiral de France. qui fut dommage. Aussi fut tué Tudoal le Bourgeois, Bailly de Troyes, & y eut vn gros Canon & quatre Bombardes rompues, de force de tirer. A la parfin vn nommé Thomas Gonnell, qui en estoit Capitaine pour le Roy d'Angleterre, le trezième iour d'Aoust, audict an mil cccc. l. rendit ladicte place, qu'on dit la plus forte de Normandie, parmy ce qu'on luy rendit vn sien filz, qui estoit en ostage, pour l'argent qui auoit esté promis par ledict de Sombreffet, à la composition de Rouen : & l'en allerent les Anglois en Angleterre : car ilz ne sçauoyent plus ou aller. Le Sire de Buil fut fait Capitaine de ladicte place de Cherebourg, & luy donna le Roy l'Office d'Admiral, vacât par la mort dudit feu Seigneur de Coitiuy, qui auoit esté tué audict siege de Cherebourg. Et par ce que dict est peut l'on veoir & congnoître que toute la Duché de Normandie fut par ledict Roy Charles, septieme, cōquise, & toutes les villes, places & chasteaux d'icelle, mises en l'obeyssance du Roy, en vn an & six iours. qui est à reputer grâd merueille, & comme chose miraculeuse : car en iceluy pays y à plusieurs belles & grâdes citez, villes, places fortes : & y à vn Archeuesque, & six Euesques, & contient six grandes iournées de long, & quatre de large : & fault noter que du costé du Roy de Frâce n'y eut gueres d'occision, ne de dommages sur le peuple. Le Roy feit Messire Pierre de Breze grand Seneschal dudit pays de Normandie, & laissa pour la garde & deffence des places du pays de Normandie, six cens hommes d'armes, & douze cens Archiers, qui furent mis en garnison es villes & places estans sur les ports de mer, en la frontiere des Anglois.

*De la prinse de plusieurs villes en Guyenne : de l'institution du Parlement de Bordeaux : & de la totale reduction de Guyenne, pour les Francoys.*

L'an mil  
cccc. li.



An mil quatre cens cinquante & vn, le Comte d'Angoulesme, frere legitime du Duc d'Orleans, les Comtes de Dunois, & de Longueville, les Sires de Rochechoart, & de Rochefoucault, maistre Ichâ Bureau, Thresorier de Frâce, & Pierre de Louvain, accompagnez de quatre cens lances, & quatre mil francs Archiers, assiegerent en Guyenne le chasteau de Montguyon, dont estoit Capitaine Arnault de saint Iulian : lequel chasteau fut rendu par composition le dixieme ou douzième iour de May. Incontinent apres, le seizieme de May, les Seigneurs dessusdictz meirent le siege deuant la ville de Blaye, & avecques eulx se ioignirent le Comte de Ponthieure, messire Pierre de Beauuau, Seigneur de la Bassiere, & Lieutenant du Comte du Maine, Geofroy de saint Belin, messire Jaques de Chabannes, grand Maistre d'hostel du Roy, Ioachin Rouault, & plusieurs autres. Ladicte ville fut prinse le vingt & vnième iour de May, apres ce qu'elle eut esté fort batue d'Artillerie, & le chasteau par composition. Finablement en ladicte prinse furent occis plus de deux cens Anglois. Item les Seigneurs de France dessusdictz assiegerent & prindrent par composition la ville de Bourg en Guyenne le vingt & neuvième de May :

de May : de laquelle fut Capitaine messire Jaques de Chabannes, grand Maistre d'hostel du Roy. En ce mesme an, le Comte d'Albret, les Seigneurs de Tartas, & Dorual, ses filz, le Comte de Foix, le Vicomte de Lantrac, son frere legitime, les Barons de Nouailles, & autres, meirēt le siege deuant la ville d'Arques, laquelle fut rendue par composition.

*La uille  
d'Arques,  
prinse sur  
les Anglois.*

En ce mesme tēps le Comte d'Armignac, & le Côte de Xaintrailles, les Seigneurs de Toulouse, & plusieurs autres, meirēt le siege deuant la ville de Rioux. Aussi le Comte de Ponthieu, le Sire de Jalongnes, Marechal de France, & maistre Jehan Bureau, Thresorier, accompaignez de trois cens lances, & de deux mil francs Archiers, assiegerent la ville de Chastillon, en Perigort, qui fut rendue par composition : & en fut Capitaine maistre Jehan Bureau. Pareillement celle de saint Melion fut prinse, & fut laissée en la garde du Comte de Ponthieu.

Au vingt & quatrieme iour du moys de Iuin, aux Comtes d'Angoulesme, de Dunois, de Clermont, de Vendosme & de Castres, fut reduite par composition vne place, nommée Fronfac, qui est la plus forte des marches de Guyēne, & de Bordelois : parquoy estoit tousiours gardée par les natifz d'Angleterre, & auoit esté ladiete place assiegée par mer & p terre, le deuxieme iour precedent. D'icelle place fut Ioachin Rouault fait Capitaine. Aussi leur fut rendue la ville de Liborne, qui fut laissée en la garde du Comte d'Angoulesme. Deuant ledict chasteau de Fronfac furent faitz Cheualiers le Comte de Vendosme, le Vicomte de Touraine, le Seigneur de la Rochefoucault, & plusieurs autres iusques à cinquante.

*La prise de  
de Liborne.*

En ce mesme moys fut assiegée la ville & cité de Bordeaux, & reduyte finalement à l'obeyssance du Roy de France, par appoinctement fait entre les Seigneurs dessusdictz, & les habitans de ladiete ville : & entre les autres choses le Roy de France donna grandes libertez & franchises audict pays, & fut ordonné qu'il y auroit Parlement & Court souueraine à Bordeaux. Le Comte de Clermont en fut fait Capitaine, Ioachin Rouault, Connestable, maistre Jehan Bureau en fut fait Maire (qui n'est pas petit Office) & messire Oliuier de Coitiuy fait Seneschal de Guyenne. Apres ceste reduction tous les Seigneurs & Capitaines, qui estoient bien vingt mil combatans, s'en retournerent reposer en leurs maisons : & si fut forte iustice faite & entretenue : dequoy les habitans furent moult ioyeux : car durant le temps des Anglois tousiours les plus fors l'emportoient. Entre les autres fut fait iustice de cinq garnemens, qui audict lieu naurerent messire Pierre de Louvain, à la faueur de Raoul de Flauay, pour certain debat meū ia pieça entre eulx.

*Institution  
du Parle-  
ment de  
Bordeaux.*

Le sixieme iour du moys d'Aoust ensuyuant fut assiegée la ville de Bayonne, en laquelle furent faitz de grands & merueilleux assaulx : & les eglises & maisons des faulxbourgs y furent brulées. Apres lesquelles choses ilz se rendirent par composition le Ieudy dixneufieme dudit moys : & le lendemain, qui estoit iour de Vendredy, vn peu apres soleil leuant, le iour estant bel & cler, fut veue au ciel, par ceulx qui estoient en l'ost du Roy, & mesmement par les Anglois, audict Bayonne, vne Croix blanche : laquelle on veit publiquement par l'espace d'vne demye heure : & lors les habitans de ladiete ville osterent leur Croix rouge, disant qu'il plaisoit à Dieu qu'ilz fussent François, en portant la Croix blanche.

*Bayonne  
rendue Fran-  
coise.*

*Vne croix  
blanche ap-  
parut au  
ciel, sur la  
uille de  
Bayonne.*

Audit siege estoient pour le Roy de France les Comtes de Dunois & de Foix, Lieutenans du Roy, & plusieurs autres. Durant ledict siege fait le Comte de Foix quinze Cheualiers : entre lesquelz estoient le filz du grand Maistre d'Hostel, le Seigneur de Tescac, & plusieurs autres. A l'entrée de Bayonne fait pareillement le Comte de Dunois aucuns Cheualiers : entre lesquelz estoient Iamet de Scaueuse, le Sire de Montguyon, & autres. Apres ladiete reduction de ladiete ville de Bayonne, messire Martin Gracie en fut commis Maire & Capitaine : de laquelle parauant estoit Gouverneur messire Jehan de Beaumont, frere du Connestable de Nauarre, de l'ordre de saint Jehan de Hierusalem : lequel par l'appoinctement fait demoura avecques d'autres prisonniers, à la volonté du Roy de France. Ainsi par la grace diuine fut reduyte toute la Duché de Guyenne, sans guerestarder apres la conquēte de Normandie : & generalement fut reduyt tout le royaume de France, exceptée la ville de Calais seulement, qui est encores demourée es mains des Anglois, comme anciens ennemys de France.

*La reduitio  
de Guyēne  
de toute  
France, exce-  
pté Calais.*

Et potirce qu'en la reduction de plusieurs villes dessusdictes, a esté souuent dict qu'elles ont esté rendues par composition, il me semble fort conuenable de cy escrire vne maniere de faire qu'auoyent les gens d'armes & le peuple aduersaire, es deuantdictes reductions, tant en Normandie qu'audit pays de Guyēne. Et premier ilz faisoient iustice d'eulx mesmes, entretenoyent les habitans des villes en leurs priuileges, franchises & libertez, sans les piller ne souffrir manger aucunement. Et s'aucuns des manans & habitans, gens d'Eglise, Nobles, Bourgeois, Marchans, ou gens de guerre desdictes villes vouloyent se retourner du party de France, & faire le sermēt, en estant loyaux & vrayz subiectz au Roy de France, ilz auoyent abolition de tous

*Bonne iusti-  
ce mainte-  
nue aux sub-  
iectz de uil-  
les, par les  
Gouuer-  
neurs d'icel-  
les.*

leurs malfaietz & delictz, retournoyent à leurs benefices, rentes, reuenus, & heritages, ou estoient souldoyez filz se vouloyent messer de la guerre. Et quand ilz n'estoyent pas totallemēt de ce faire deliberez, prōptement leur estoit baillē saufconduyct à seureté, pour quatre ou cinq moys, à se deliberer & pourueoir à leurs affaires, selon l'exigence du cas: durant lequel temps ilz ne pouoyent ne deuoyent faire machineries contre la maiesté Royale de France: & apres ce, filz ne vouloyent demourer, on les faisoit conduyre culx & leurs biens seurement, iusques aux lieux de lairez & limitez en la composition, cōbien que iamais ne reportoyent grosse Artillerie, mais seulement arcz, arbalestres, & couleurines à main: & si promettoyēt communement de non plus s'armer contre la couronne de France. Item & avec ce, quand lesdictz aduersaires, se voyans esdictes villes fort assailliz, & congnoissans qu'ilz estoient les plus foibles (filz n'estoyent secouruz) prenoyent certain iour d'accord pour cōbatre les François, ou rendre la place en attendant secours, de ce bailloyent bons ostages aux François: parquoy s'en alloient communement leurs corps & leurs biens saufz, ou aucunesfois sans cheual ny asne, vn seul baston en leur poing, selon ce qu'ilz auoyēt meritē. Lesquelles coustumes & manieres de faire vouloit le bon Roy Charles estre entretenues, pour euitier l'effusion du sang humain, destruction de peuple, & depopulation du pays. Entre les autres compositions, nous parlerōs & dirons aucunes choses de celles qui ont esté faictes à deux hōmes particuliers apres la prise de la cité de Bordeaux. L'appoinctemēt de ladicte cité venu à la congnoissance de monseigneur Gaston de Foix, Comte de Venages, & Captau de Buefh (lequel estoit de l'ordre de la lartiere, qui est du Roy d'Angleterre, ou il vouloit retourner) feit tel accord entre les autres choses, avec monseigneur de Dunois, Lieutenant du Roy de France, esdictz pays. Premièrement que ledict Captau & le Sire de Candale, son filz, retourneroyent à toutes les terres, chasteaux, forteresses, seigneuries & possessions qui leur competent & appartiennent, tant par la successiō de leur pere & mere, cōme par dons à culx faictz par les Roys d'Angleterre & Ducz de Guyenne, ou par achapt, ou autrement: & posē qu'ilz en eussent perdu la possession p fortune de guerre, ou autrement, neantmoins le Roy de France les leur fera restituer reallemēt & de faict, par ceulx qui les occupent: & quant aux terres qu'ilz tiennent par don, le Roy sera tenu de recompēser ceulx à qui elles sont, iusques à la somme de deux mil liures Tournois de rente, monnoye de Roy. Item & pource q' ledict Captau & le Sire de Candale sont deliberez de seruir le Roy d'Angleterre, le filz dudit Candale, aagé de trois ans seulement, iouyra plainement des maintenant de toutes lesdictes terres de ses pdecesseurs, soubz la cōduyte de monseigneur le Côte de Foix, son cousin, iusques à ce qu'il vienne en aage: & seront mis Officiers esdictes terres, qui feront le sermēt de fidelité au Roy de France, & luy venu en aage de discretion, fera hommage & tous deuoirs accoustumez audit Roy, cōme son vassal & subiect: mais se lors ne vouloit demourer audit party de France, ne faire ledict sermēt, ou qu'il allast de vie à trespas, sans hoirs de son corps, tout retourneroit au plus prochain heritier d'iceluy enfant, fust male ou femelle, demourant audit party du Roy. En l'an mil cccc.lj. l'Empereur Federic, Duc d'Austriche, print à femme Leonore, fille du Roy de Portugal, & fut espousē & couronné à Romme avec ladicte femme, par la main du pape Nicolas, & en sa compagnie estoit Lancelot, Roy de Hongrie & de Boesme, filz d'Albert, Empereur dessusdict. Aussi avec luy estoit son frere Albert, Duc d'Austriche. En ce mesme tēps fut grand' diuision entre le Duc de Bourgongne & les Gantois, pour la gabelle de sel qu'il vouloit mettre sus. Pareillement y eut en Angleterre grand discord entre le Duc d'Yort & celuy de Sombreffet, pour le gouuernement du royaume. Aussi eut grand' guerre entre le Roy d'Espaigne & celuy de Nauarre.

L'an mil  
cccc.li.

Le Cardinal de  
Touteuille.

L'an mil cccc.  
li.

Iaques  
Cœur prisonnier.

Item le Cardinal de Touteuille vint en France, enuoyē de par le pape Nicolas, pour cesser la guerre entre les Roys de France & d'Angleterre: & pour ce faire enuoya pareillement en Angleterre l'Archeuesque de Rauenne, qui estoit de ceulx des Vrsins de Romme.

En l'an mil cccc.lij. Iaques Cœur, Argentier de France, fut faict prisonnier par le commandement du Roy de France, pour certain cas touchant la foy catholique, & crime de leze maie stē. Il estoit accusē d'auoir administrē aux Sarrazins armeures, & enuoyē armeuriers pour en faire en la forme des Chrestiens. Item d'auoir rendu ausdictz Sarrazins vn Chrestien prisonnier, qui estoit eschapē de leurs prisons: & oultre on dist qu'il auoit mal vsē des deniers du Roy: toutesfois aucuns disoyent qu'on luy imposoit ledict cas par enuie, & pour auoir ses biēs & sa finance. Pareillement fut arrestē & emprisonnée la Damoysselle de Mortaigne, pource qu'elle auoit encoulpē ledict Iaques Cœur d'aucunes choses, dont il estoit innocent.

En ce mesme an le Roy de France enuoya deffier le Duc de Sauoye, pour aucunes extorsions qu'il auoit procurēes contre la couronne de France, manda gens d'armes, & cheualx, iusques au pays de Forestz, pour entrer en Sauoye: puis fut la paix faictē à Fenos, en Forestz, par le moyen du Cardinal de Touteuille, qui s'en retournoit à Romme.

Comment

*Comment le Sire de l'Espaire, & autres, allerent querir les Anglois, affin qu'ilz fussent encores leurs Seigneurs en Guyenne.*

**E**N ce mesme an, le xxiiij. iour du moys d'Octobre, Talbot, Anglois, retourna en France à tout quatre ou cinq mil hommes, & arriua en l'Isle de Madoc, ou il print deux forteresses. Apres reprint la cité de Bordeaulx, & tous les François y estans de par le Roy de France: entre lesquelz estoit messire Oliuier de Coitiny, Seneschal de Guyenne; & messire Iehan du Puy, soubzmaire de ladiète ville. Auec ce ledict Talbot reprint la pluspart des places de Bordeloys, auant que les gens d'armes de France fussent assemblez. Entre les autres places fut prinse Chastillon, en Perigord, & le fort chasteau de Fronzac: pour laquelle chose se porta tresvaillamment monseigneur le Comte de Clermont, Lieutenant general du Roy de France audiēt pays. En cediēt an descendit d'Angleterre enuiron quatre mil combatans Anglois, ayans quatre xx. vaisseaux, que grands que petis, chargez de farines & de lards, pour aitailler la ville de Bordeaulx. Audiēt an commença grad' bataille en Brutzia entre les freres de l'ordre de l'hospital de nostre Dame, & ceulx de la cité, pour l'excessif orgueil desditz freres. L'an mil cccc. liij. les Turcz tenans le siege deuant Cōstantinoble bailloyent chacun iour trois fois l'assault, tant par mer que par terre, ayans en leur cōpaignie trois cens mil hommes, en telle sorte que finablement la gaignerent en soixante & six iours, dont fut grand' pitié: car ilz meurdrirent & meirent à mort l'Empereur des Grecz, le Patriarche, & tous les Chrestiens qu'ilz y trouuerent, sans auoir d'eulx nulle mercy. En ce mesme an les François meirent le siege deuant Calais en Guyēne, auquel siege estoit messire Iaques de Chabannes, grand Maistre d'hostel du Roy, & plusieurs autres grands Seigneurs: lequel Calais fut prins d'assault, & y mourut quatre vingtz Anglois, & autant de prisonniers prins: lesquelz furent decapitez, pource qu'ilz auoyent faulcé leurs sermens. En apres fut mis le siege deuant la ville de Chastillon, ou Talbot vint pour cuyder leuer le siege, à tout cinq ou six mil hommes: lesquelz furent finablement tous desconfitz, & Talbot occis, & son filz, & plusieurs autres des plus vaillāns Cheualiers d'Angleterre. Le troisieme iour apres ladiète bataille, mourut messire Pierre de Beauuau, & messire Iaques de Chabannes, grand Maistre d'hostel du Roy de France, qui fut bien plainct & regretté: car il auoit moult bien seruy le Roy en toutes ses guerres. Ne demoura gueres qu'en ce temps l'Isle de Madoc fut recouuerte & prinse par le Comte de Clermont, & plusieurs autres grands Seigneurs: & en apres le dessusdict Comte de Clermont, & le Comte de Foix, & plusieurs autres Cheualiers & Barons assiegerent Candillac, & fut prins & mis en la main du Roy, & aussi fut saint Machaire, & plusieurs autres places: mais le Capitaine de Candillac, eut la teste coppée. Le Roy en personne y estoit à la prinse des dessusdictes places, accompagné du Comte du Maine, & de plusieurs autres Barons en grand nombre: lesquelz reprindrent le chasteau de Fonsac, duquel se departirent les Anglois, vn baston blanc en leur main, & s'en allerent en Angleterre.

En ladiète année fut mis le siege deuant Bordeaulx, & reduyte pour la deuxieme fois aux François, apres merueilleuses escarmouches: pour laquelle chose le Roy retint à soy vingt ou trente hommes du pays de Bordeloys: lesquelz furent bannis: dont le Sire de Duras & de l'Espaire, & plusieurs autres, estoient desditz bannis. Lediēt Comte de Clermont, Lieutenant du Roy, eut la garde de tout le pays de Guyenne: & en cestediète année le royaume de France fut du tout reduyt François, excepté Calais. Audiēt an, la surueille de Noel, maistre Guillaumē Edelinē, Prieur de saint Germain en Laye, qui parauant estoit Augustin, fut escharfauldé & presché publiquement, en la cité d'Eureux, & condamné es prisons de l'Euesque perpetuellement, pource qu'il cheuauchoit le balay, & estoit Vaudoy.

L'an ensuyuant, mil quatre cens cinquante & quatre le Roy de France feit faire à Bordeaulx deux chasteaux, pour tenir les habitans de la ville en subiection: l'un fut assis sur la riuie re, & l'autre sur le costé deuers Bierne. En ce mesme temps le Duc d'Yort print le gouuernement d'Angleterre, & feit mettre prisonnier le Duc de Sombreffet, & de Clocestre.

Item, le Comte de Charolois, filz du Duc de Bourgongne, espousa la fille de Charles, Duc de Bourbon: & mourut le Roy d'Espaigne, aagé de cinquante ans. Item en cediēt temps, le Sire de l'Espaire fut prins & decapité à Poitiers, pource qu'il estoit retourné en Angleterre, pour la deuxieme fois, querir les Anglois pour venir en France, & pource qu'il auoit faulcé son serment enuers le Roy de France, qui parauant luy auoit pardonné.

En l'an mil quatre cens cinquante & cinq, le iour de l'Annunciation nostre Dame, trespas sa le pape Nicolas, & fut empoisonné, comme l'on trouua par experience quand il fut ouuert. Cestuy Pape Nicolas fut esleu à Rome, mil quatre cens quarante & sept, Pape au lieu d'E-





gene, estant encore Scisme : mais petit à petit il obtint obedience par tout, & fut tout le monde esbahy comme vn homme de si basse & petite nation peut preualoir contre vn tant noble & puissant Prince q̄ le Duc de Sauoye, qui estoit affin & amy quasi à tous les Princes de Chrestienté : mais ledict Felix, pour l'vñion de l'Eglise, ceda à la dignité Papale : & ainsi ce fut par le bon plaisir de Dieu, de glorifier son nom par les abiectes personnes du monde. Cestuy Nicolas fut maistre en Theologie, & fort actif à conceuoir. il réedifia plusieurs choses destruites : & autour du Palais de Romme fait construire grand muraille, & refait faire la muraille d'entour de Romme, pour la craincte des Turcz. Item fut publié vn vers à Romme: *Lux fulsit mundo, cessit Felix Nicolao.* Apres pape Nicolas fut esleu pape Calixte, troisieme de ce nom, natif de Castille, qui estoit homme vieil & ancien, aagé de quatre vingtz cinq ans. Ce Pape, apres le Dimenche de *Lecare*, enuoya la Rose consacrée au tresexcellent Prince & Lantgraue de Hessen, qui estoit remply de vertus: lequel estoit le sixieme de la lignée de sainte Elisabeth.

Il fut premierement Cardinal de Valence: & pource q̄ tantost apres son election il fut malade, il ne peut parfaire n'acheuer beaucoup de grandes & bonnes besongnes qu'il auoit entreprinſes cōtre le Turc : si mourut apres qu'il eut regné trois ans cinq moys, le iour saint Calixte, ou il auoit institué la feste de la transfiguration de nostre Seigneur, apres la grāde victoire qui fut donnée de Dieu aux Chrestiens, & la vengeance faicte miraculeusement contre les

Turcz, au pays de Hongrie le iour saint Sixte: ou le grand Turc perdit moult de gens, & s'en fuyt, combien que nul ne le suyuit: car la seule main de Dieu l'espouenta tellement luy & ses gens, & donna tel courage aux Chrestiens, par le moyen d'un nommé frere Iehan Capistran, que les Turcz disoyent qu'un si grand nombre de gens d'armes les suyuoient, qu'à peine osoyēt regarder derriere eulx: toutesfois nul ne les suyuoit que les Anges. En ce mesme an le Duc

d'Yort desconfit le Roy d'Angleterre, pres de Londres, & y mourut le Duc de Sombreſſet, le Comte de Nortombelland, & autres enuiron cinq cens hommes, & le Roy mesmes y fut nauré d'une fleſche, & p ceste maniere demoura le gouuernemēt du royaume audict Duc d'Yort.

Audiēt an le Roy de France enuoya le Comte de Clermont, Mareſchal de France, en la Comté d'Armignac, & le Mareſchal de Loheac, & le Comte de Dampmartin, & le Baillif d'Eureux au pays de Rouergue, pour mettre les terres dudiēt Comte d'Armignac en sa main, à cause que ledict Comte s'estoit rebellé, en reſſusant la possession & iouyſſance à l'Archeueſque d'Auch, qui par le chapitre auoit esté esleu, mais à force en voulut mettre vn autre, nommé Deleuſtery: & pource fut prinſe la cité de l'Eſtoire, & plusieurs autres dudiēt pays, contre la volonté & puissance dudiēt Comte. Audiēt an, le premier iour de Ianuier, Othe Chastelan Florentin, Argentier, & Guillaume Gouffier, premier Chambellan du Roy de France, furent emprisonnez pour aucun cas, dont ilz estoient accusez.

*Comment le Roy Charles, septieme, meit en sa main toutes les fortereffes, villes, & chasteaulx du Daulphiné, que tenoit son filz Loys, Daulphin de France.*

L'an m.cccc.  
lv.



† Autres di  
sent six ans

Cruelle oc-  
cison des  
Turcz.

Vdiēt an mil quatre cens cinquante & cinq, le Roy, voyant que son filz Loys le Daulphin estoit avec le Duc de Bourgongne, oultre son gré & volonté, se transporta au pays du Daulphiné, & meit & saisit en sa main toutes les citez, & fortereffes, villes, & chasteaulx dudiēt pays de Daulphiné, en escriuāt par toutes bonnes villes de son royaume qu'on ne baillast point de passage audict Daulphin, pource qu'il luy sembloit estre trop volage, & plain de sa volonté: car en se departant de son pere ne demanda point de congé, sinon que pour quatre moys, & il demoura presque dix ans, à la grand' desplaisance du Roy. En ce mesme an fut faict prisonnier à Paris, Iehan Duc d'Alençon, prochain parent du Roy. En celuy an le pape Calixte donna grands pardons & indulgences, à tous ceulx qui iroyent batailler contre les mescreans.

Item les Hongres occirent audiēt an, à diuerses fois, plus de deux cens mille Turcz: car pour vne iournée seulement, entre soleil leuant & couchant, en furēt occis cent mille: & prendrent lesdictz Hongres, en tirant vers Grece & Constantinoble, huyt vingtz, que citez que villes murées, & cccc. chasteaux. Le principal de ceste conquēte estoit vn Cheualier, nommé Guillaume le Blanc: lequel fut nauré d'une lance en la derniere bataille, & frere Iehan de Capistran dessusdict, qui donnoit conseil aux Chrestiens, duquel on vſoit, & portoit en la bataille l'image du Crucifix, & crioit à haute voix: O mon Dieu & mō Saulueur, ou sont tes misericordes anciēnes: vien ayder à ton peuple. Lediēt frere Iehan de Capistran auoit esté iadis disciple de saint Bernardin. Item le pays d'Arragon, de Pouille, & de Molosse, furent si tourmētez de si grands mouuemēs & trēblemēs de terre, p l'espace de sept iours, q̄ ce fut grand' horreur, en telle sorte que plusieurs villes & chasteaulx perirent, & moururēt biē xxviij. mil personnes.

En l'an

En l'an mil quatre cens cinquante & sept mourut Pierre, Duc de Bretagne, auquel succéda Artus de Richemont, seigneur de Partenay, & Connestable de France: pour laquelle il feit hommage au Roy de France, comme ses predecesseurs auoyent accoustumé. En ce mesme an vindrent les Hongres en France, pour demâder en mariage madame Magdaleine, fille du Roy de France, pour leur Roy, nommé Lancelot: mais le lendemain de Noel, leur vindrent nouvelles, que leur Roy estoit mort: dont toute la seigneurie de France fut moult dolente.

Pareillement en cediēt an Charles, Roy de Suecie, vint en Prutzia, avec grand thresor: par quoy fut esleu le Roy de Dannemarch, à estre Roy de Suecie. L'an mil quatre cens cinquante & huyt, le Duc de Bourgongne, nommé Philippe, feit son entrée en sa ville de Gād, laquelle fut aussi magnificque & triumpante que iamais fut veue. Entre les autres choses y auoit vne image, & figure de Prophetes, tenans en leurs mains rouletz, & dictz moult plaisans, fort à propos, & bien prins. En ce mesme an, le Roy de France estant à Vendosme, ou tous les Pers de France estoient assemblez, fut fait le proces de monseigneur Jehan d'Alençon. Audict an mil quatre cens cinquante & huyt le Pape Calixte trespassa au mois de Iuillet: auquel succéda *Aeneas, Poëta Laureatus*, & Chancelier imperial, natif de Siennes. Il fut nommé Pius, deuxieme de ce nom, & fait Pape deux cens cinq, & vesquit six ans Pape. Cestuy Pape fut homme eloquent, grād Orateur, & Poëte Laureat, parauāt qu'il fust Ambassadeur de l'Empereur au Concile de Basle. Il a escript vn beau traicté de l'autorité d'iceluy. Il canoniza sainte Catherine de Siennes. Cestuy desirant à ordonner le passage d'oultre mer, quand plusieurs Allemands furent venuz, il les renuoya, avec sa benediction, pourtant qu'ilz n'estoyent suffisans à tāt grand' entreprinse. En ce temps s'en alloient à grandes compagnies petis enfans à saint Michel, & eut on grand' paour que le mauuais esprit ne les aguetaist: mais tantost cessa cecy par l'ennuy du grand chemin, & de la faim qu'ilz enduroient.

En ce temps l'Impression des liures, qui est vne science tresvtile, & vn art qui oncques n'auoit esté veu, fut trouuée en la cité de Magonce. Ceste science est art des arts, sciences des sciences: laquelle, pour la celerité de son exercice, est vn thresor desiderable de sapiēce, & de science, lequel les hommes desirent à obtenir par instinct de nature: lequel art est sorty de la profundité des tenebres, & de l'obscurité, & est venu en ce malin monde: lequel enrichit & enlumine la vertu infinie des liures, laquelle iadis estoit à Athenes, & à Paris, & aux autres estudes, & maintenant a esté manifestée aux pauures indigens, estudiens, Escoliers. Ceste multitude est diuulgüée entre tous peuples, langues, & nations, tellement que vrayement nous pouons regarder & dire ce qui est escript au premier chapitre des Prouerbes: *Sapientia foris predicat*, c'est à dire, que par la vertu de ceste science, & art d'Impression, sapience preſche par dehors, quand en toutes places donne sa voix, & qu'aux portes des citez profere ces parolles, & dit: Iusques à quand petit peuple aymeras tu enfance, &c. & mespriseras les marguerites? toutesfois en cecy n'est pas blecée l'oppiniō du Sage, qui a achapté les marguerites à luy presentées.

En ce temps laques Piceninus, Capitaine de la Cheualerie du Roy Alphonse, gasta & destruisit les t̄ maletostes des Prestres. En cediēt an Pierre Fregouse, ayāt la seigneurie de Gēnes, quand il veit que plus ne la pouoit tenir, il bailla la cité au Roy Charles, septieme, de France. En ce temps le Roy Alphonse, en son temps Roy des Arragonnois, fut saisy d'une merueilleuse fiebure: pour laquelle chose il mourut apres plusieurs iours, en vne mōtaine de Naples, sur le riuage de la mer. Le Roy Alphonse mort, son filz Ferrand conquist le royaume de Pouille: lequel Jehan de Calabre, filz de René d'Aniou, vouloit recouurer pour son pere. En ce temps fut le grand yuer sans neige & sans ventz. En ce temps trespassa Artus de Bretagne, Connestable de France: auquel succéda en ladiēte Duché le filz de madame d'Estampes, sœur de monseigneur d'Orléans: laquelle en propre personne le mena audict pays de Bretagne prendre possession. Item en ce temps commencerent courir parolles & langages d'une fille de dixhuyt ans, nommée la Pucelle du Mans, qui faisoit choses merueilleuses, en abusant Dieu & le monde: & entre les autres abusa grandement l'Euesque de la cité, qui estoit homme de bonne vie, & cuidoit qu'elle fust sainte: mais en la fin fut congny que toutes les folles procedoyent d'aucuns Officiers dudiēt Euesque, qui la maintenoient. L'an mil quatre cens soixante y eut vne cruelle guerre ciuile & intestine en Angleterre: car Richard, Duc d'Yorth, meut le commun peuple contre le Roy Henry: lequel fut prins prisonnier par lediēt Richard, & mis en la grosse tour de Londres, & furent occis plusieurs Seigneurs parens dudiēt Roy Henry. Certain tēps apres le Duc de Sombresset, cousin dudiēt Roy Henry, à la requeste de la Roynne, fille du Roy de Cecille, & Duc d'Aniou, assēbla grosse armée, & prit t̄ lediēt Richard d'Yort, avec son second filz, & le Comte de Salbery: lesquels il feit apres decapiter, & la teste dudiēt Richard couronner d'un chapeau de paille: & meit hors de prison lediēt Roy Henry. Depuis, & à la fin de ladiēte année, Edouard le quart de ce nom, qui estoit filz aîné dudiēt Richard,

## LES CRONIQVES ET ANNALES DE FRANCE

Duc d'Yort, feit grand' assemblée de gens, & presenta la bataille au Duc de Sombreffet, qui auoit grosse armée: laquelle bataille dura troys iours, & y furent occis plus de trente mil Anglois de costé & d'autre: & à la fin ledict Duc de Sombreffet eut du pire, & le Roy, la Roynne, ledict Duc, & autres qui se peurent sauuer, s'en allerent en Escosse.

*Comment le Roy Charles, septieme, dict le Victorieux, mourut à Meung, sur Yeure.*

L'an mil  
cccc.lxi.



Charles, se-  
ptieme, ap-  
pelé le Tres-  
uictorieux.

L'an mil quatre cens soixante & vn le Roy Charles, septieme, en l'an trête neuf de son regne, trespassa le iour de la Magdaleine, au moys de Iuillet, à Meung, sur Yeure, & ordonna par testament estre ensepulture à saint Denis en France, avec ses predecesseurs, cōme il fut: c'est à sçauoir en vne Chapelle au meillieu de ses pere & ayeul, Roys de France. Ledit Roy auoit esté sept iours sans vouloir boire ne manger: pource qu'on luy auoit rapporté qu'aucuns le vouloyent empoisonner: durant lequel temps ses entrailles & conduy& se retrahirent, tellement que quand il voulut manger il ne peut. Messire Tanneguy du Chastel, & messire Iehan des Vrsins, Cheualier, & Chancelier de France, eurent la charge de l'enterremēt, & de la conduy&te du corps iusques à saint Denis. La conduy&te fut moult triumpante, & louable, & tressumptueuse. Ledit Roy fut intitulé Charles, vij. le Tresuictorieux: & non point sans cause: car il recōquēsta en moins de deux ans tout ce que les Anglois auoyent conquesté sur luy, & sur ses predecesseurs en trente ans, es Duchez de Normandie, d'Alençon, & es pays du Maine, & es enuiron. Aussi conquesta tous les pays de Guyenne (& par deux fois la cité de Bordeaux) qui par l'espace de deux cens ans n'auoit esté totalement reduite à la couronne de France: esuelles choses le souuerain Createur a bien monstre qu'il aymoit ledict Roy. Aussi durant son regne il releua iustice, & la remeit en nature, qui de long temps auoit esté abaissée & obmise. Il osta toutes pilleries du royaume, pourueut à expeller la diuision & Scisme de l'Eglise vniuerselle, tellement que par son pourchas bonne paix, vnion, & concordé y ont esté mis: parquoy est à esperer que l'ame de luy repose en paix en Paradis.

*Du Roy Loys, vnzieme de ce nom.*



Après le trespas dudit Roy Charles, de bonne memoire, septieme de ce nom, luy succeda Loys, son aîné filz, qui est dict vnzieme de ce nom, estant lors en l'age de trentehuy& ans, ou enuiron. Cestuy Roy Loys eut deux femmes. La premiere fut madame Marguerite, fille du Roy d'Eseosse. La secōde fut madame Charlotte, fille du Duc de Sauoye: de laquelle il eut plusieurs enfans: c'est à sçauoir monseigneur Ioachin, qui mourut ieune, madame Anne, qui fut mariée à monseigneur Pierre de Bourbon, Duc de Bourbonnois & d'Auuergne, Comte de Clermont en Beauuoisis, de la Marche, de Foretz, & Beauuoloz, madame Iehanne, femme de mōseigneur

Loys, Duc d'Orleans, de Milan, & de Vallois, Comte de Bloys, de Pauye, de Beaumont, Seigneur d'Ast, & de Concy, qui apres a esté Roy de France, Charles huy&tieme de ce nom, Roy de France, & monseigneur François, qui mourut ieune, & fut enterré aux Cordeliers d'Amboise. Au temps du trespas dudit Roy Charles, septieme, ledict Loys estoit es pays de Flādres, ou il festoit tenu par aucun temps. Si tost qu'il sceut la mort de son pete, il se meit à chemin pour s'en venir prendre possession du royaume, & avec luy vindrent les Ducz de Bourgongne, & de Cleues, le Comte de Charrolois, filz dudit Duc de Bourgongne, & plusieurs autres gens, & grands Princes desdictz pays de Flandres, qui l'accompagnerent iusques à Reims: & la se rendirent le Duc d'Orleans & de Bourbon, & la pluspart des grāds Princes & Seigneurs du royaume. En la presence desquelz il fut sacré en l'Eglise de Reims, par mōseigneur Iehan Iuuenel des Vrsins, lors Archeuesque de Reims, le iour de la feste de l'Assumptiō nostre Dame, quinziesme iour d'Aoust: & le dixseptieme iour dudit moys, ledict Duc Philippe de Bourgogne luy feit hommage en l'Abbaye de saint Thierry, pres dudit lieu de Reims, du Duché de Bourgongne, Perrie & Doyenné des Pers de France, de la Comté de Flandres, & Perrie d'icelle, & generallyment des autres terres qu'il tenoit de la courōne de France. puis s'en partit le Roy, & s'en vint à Paris, ou il feit son entrée le dernier iour dudit moys d'Aoust, en grand' triumphe & honneur: car presque tous les Seigneurs & Barons de France y estoient. Au moys d'Octobre ensuyuant, le Roy s'en alla au pays de Touraine, & feit mettre dehors de prison

La Duché  
de Bourgongne  
est Doyenné  
des Pers  
de France.

de prison, du Chasteau de Loches, le Duc d'Alençon, qui y auoit esté mis pour la cause cy dessus declairée. En celle mesme année, audiēt moys d'Octobre audiēt an, il feit venir deuers luy mōseigneur Charles de Frāce, son frere, en la ville de Mōtrichard, & luy bailla le pays & Duché de Berry, pour partie de son appanage, & feit assignation de douaire de la Roynne, sa mere, à l'estimation de sondiēt douaire, les Comtez de Xaintonge, ville & gouuernement de la Rochelle, les villes, Chasteaulx & seigneuries de Chinon en Touraine, & Pezenas, en Languedoc, & autres. puis s'en partit de Touraine, & s'en alla en voyage à saint Sauueur de Redon en Bretagne: ou le Duc le receut grandement, & luy feit hommage dudiēt Duché, de la Cōté de Montfort, & autres terres qu'ilz tenoit de luy.

*Comment le Roy d'Arragon enuoya au Roy de France, luy requerir ayde contre ceulx de Barcelonne.*

**E**N l'année mil quatre cens soixante & deux, le Roy d'Arragon manda au Roy de France que la cité de Barcelonne, & autres de sa subiection & seigneurie, estoient rebelles contre luy, & s'efforçoient de le priuer & debouter de sa seigneurie: & le feit semōdre & requerir qu'il luy voulüst faire ayde, ainsi que chacun Roy & Prince doit faire à autre en tel cas: & pource que lediēt Roy d'Arragon n'auoit dequoy fournir aux fraiz de la guerre, il vendit au Roy, qui les acquist de luy, les Comtez de Roussillon & Sardaigne, le pris de trois cens mil escus d'or, dont il luy feit bail-  
L'an mil cccc.lxii.  
De la Cōté de Roussillon que le Roy d'Arragon, vendit au Roy de France.  
 lier promptement cinquante mil escus. parquoy pour faire ayde audiēt Roy d'Arragon, & aussi pour prendre possession desdiētes Comtez, le Roy feit grand' armée, de laquelle il feit Chef monseigneur Jaques d'Armignac, Duc de Nemours, & prindrent la cité d'Eaulne, la ville de Parpignan, Coulemire, & autres: dont ne fut pas content le Roy d'Espagne, & enuoya Ambassadeurs en France, disant que c'estoit fait ayde à son aduersaire, & que c'estoit venir contre les anciennes alliances de France & d'Espagne, & feit sçauoir au Roy qu'il auroit volontiers à luy parlemēt. Si delibererent eulx assembler, & alla le Roy vers Bordeaux: & la traicta le mariage de madame Magdaleine de France, sa sœur, avec monseigneur Gaston, aîné filz du Cōte de Foix, Prince, & heritier presumptif du royaume de Nauarre. puis alla le Roy iusques à Bayonne: & la vint le Roy d'Espagne, & feirent les deux Roys appoinctement de leur differēt, & confermerent les dernieres alliances. puis s'en retourna le Roy vers Paris.  
Du parlemēt d'entre le Roy de France, & le Roy d'Espagne, à Bayonne.

*Comment le Roy desengaiea les terres de Picardie du Duc de Bourgongne.*

**E**N l'année mil quatre cens soixante & trois, lediēt Roy Loys, desengaiea les terres de Picardie, estans sur le long de la riuere de Somme: c'est à sçauoir Amyens, saint Quentin, Corbie, Arles, Morraigne, Abbeuille, Ponthieu, & autres, qui par le traicté fait en la ville d'Arras, par le feu Roy Charles, en l'an mil quatre cens trente & cinq auoyent esté baillées audiēt Duc de Bourgongne, en gaigne de quatre cens mil Escuz d'or, de soixante quatre au marc: laquelle somme fut payée content: & par ce furent lesdiētes villes & seigneuries reioinctes & reunies es mains du Roy, & à la couronne de France.

*De la conspiration que les Seigneurs de France feirent contre le Roy, pour le gouuernement du royaume.*

**E**N mil quatre cens soixante quatre le Roy partit de Paris, & s'en alla visiter en personne les terres & villes de Picardie, qu'il auoit l'année precedente rachetées, & y fut par aucun temps: puis s'en retira par Ponthieu en la Normâdie: & apres s'en alla en Touraine, & de la à Poitiers (& menoit avec luy mōseigneur Charles de France, Duc de Berry son frere) auquel lieu de Poitiers se rendirent plusieurs des Princes & Seigneurs de France: lesquels n'estoyent pas bien contents de ce que le Roy ne les appelloit point, & ne se conseilloit à eulx de la conduicte des grâds affaires du royaume: mais se conseilloit & gouuernoit par petites & menues gēs de basse condition. Si s'assemblerent, & feirent conspiration contre le Roy d'eulx esleuer ensemble, soubz couleur de vouloir donner ordre au faict de la chose publique, & de descharger le peuple de grâds charges qu'ilz portoyent: & attrahirent avec eulx mondiēt seigneur de Berry, qui estoit vn ieune enfant, & luy disoyent que le Roy ne tenoit compte de luy, & qu'il ne luy auoit pas baillé appanage competant ne suffisant, & autrement, luy donnant à entendre plu-  
L'an mil cccc.lxiiii.  
Cause de la conspiration des seigneurs, contre le Roy Loys xi.

† Les Cron. Bret. disent Daidie S. de l'escun. sieurs choses plaisantes à sa voluté. Et vn iour, que le Roy partit de Poitiers, pour aller à sa deuotion, lesdictz conspirateurs, sur vmbre de mener aux champs au gibier mondict seigneur de Berry, ilz le feirent amener par vn Gascon, nommé Odet † Dardu, Seigneur de Lessun, qui tousiours auoit eu bien & honneur du Roy & du royaume: lequel estoit venu en Ambassade deuers le Roy de par le Duc de Bretagne, & l'en emmena en Bretagne.

*De la mort du Duc d'Orleans: & comment le Roy cuydoit retirer ledict Duc de Berry par douceur.*

† Lisez dorénavant Cō mines.



La guerre nommée le biē public.

Le Côte de Charrolois vint à tout grosse armée iusques deuant Paris.

La bataille faicte pres de Montlhery entre le Roy Loys et le Côte de Charrolois.

E ladiète assemblée de Poitiers s'en retournoit monseigneur le Duc d'Orleans, auquel print vne maladie en la ville de Chastellerault, de laquelle il trespassa, & fut son corps apporté & enterré en l'Eglise collegiale de saint Sauueur, en son chastel de Bloys. Quand le Roy fut retourné de son voyage, il fut moult courroucé & desplaisant du parlement de son frere, le Duc de Berry. Aussi fut il aduertý de la conspiration qu'auoyent faictes les Princes, qui s'en estoient retournez en leur pays, & tachoyent à attraire à leur bende tous les Seigneurs, Barons, Capitaines, & gens de guerre qu'ilz pouoyent: & à ceste cause le Roy manda & escriuit par toutes les bonnes villes de son royaume, qu'ilz feissent bon guet, & se donnassent garde, les aduertissans de ce que dict est, & les prians qu'ilz luy fussent bons & loyaulx. Puis s'en tira le Roy vers Angiers, pour essayer se par douceur & bons moyens il pourroit retirer à luy mondict seigneur de Berry, son frere, qui estoit en Bretagne, mais il ne peut: & par ce laissa audict pays d'Aniou, pour faire frontiere audict pays de Bretagne, le Roy René de Cecille Duc d'Aniou, & le Comte du Maine, freres, ses oncles de par sa mere, avec grands nombre de gens de guerre. puis s'en retira en Berry, & ne peut entrer en Bourges. Si passa oultre, & alla en Bourbonnois, ou estoient assemblez les Ducz de Bourbon, de Nemours, le Comte d'Armignac, & le Seigneur d'Albret, qui luy feirent de grands promesses de tenir son party: soubz vmbre desquelles, pource qu'il fut aduertý que Charles, Comte de Charrolois, filz dudit Duc de Bourgogne, qui estoit de la conspiration, s'estoit mis sur les champs, & ia auoit passé les riuieres de Somme, & Oyse, avec grand' compaignie de gens de guerre, & estoit venu iusques deuant Paris, du costé de saint Denis, & aussi que les Ducz de Berry, de Bretagne, avec grand' armée s'estoyent mis à chemin pour venir vers Paris, pour s'assembler avec ledict Comte de Charrolois, il s'en partit dudit pays de Bourbonnois, & cheuaucha iour & nuyt avec son armée, qui estoit grande, tirant vers Paris, pour rencontrer ledict Comte de Charrolois, & le combattre, auant qu'il s'assemblast avec les autres: & tant cheuaucha qu'il approcha de Paris, & sceut que ledict de Charrolois auoit passé la riuere de Seine: si le vint rencontrer le vingt & septieme iour de Iuillet, l'an mil quatre cens soixante & cinq, aupres de Montlehery. Et combien qu'il fust conseillé par aucuns de laisser seiourner & reposer ses gens pour le iour: toutesfois, comme homme d'ardant & grand courage, ne voulut attendre: ains assaillit l'armée dudit Charrolois, & y eut grand' baterie à l'assemblée: mais il mourut par comparaison pour vn François quatre Bourgongnons. Apres la bataille le Roy se retira à Corbeil, pour le soir, & le lendemain s'en vint à Paris: & se redirēt audict Charrolois les Ducz de Berry & de Bretagne, & le Comte de Dunois, principal conducteur de leur armée, & de la conspiration. Quand ilz eurent esté là par aucuns iours, ilz sceurent que lesdictz de Bourbon, Nemours, Côte d'Armignac, & d'Albret, estoýent passez la riuere de Loire, pour venir vers eulx, & s'assemblerent tous ensemble, & passerent la riuere de Seine, & vindrent parquer au lieu de Conflans, entre Paris & le pont de Charenton, pendant que le Roy estoit allé en Normádie, pour assembler gens, pour resister à leurs entreprinſes: & enuoyerent lesdictz Princes & Seigneurs, gens & messages à la ville de Paris, demandans entrée, & donnant à entendre que ce qu'ilz faisoient estoit pour le bien de la chose publique du royaume. Le Roy qui en fut aduertý se hastá de retourner à Paris: & quand il y fut, luy desplaisant de son peuple qu'il voyoyt estre pressé & opprimé par guerre & pillerie, se delibera d'appaiser lesdictz Princes, & Seigneurs, & d'en dissimuler pour l'heure, & en feit par diuers moyens parlementer avec eulx en general & en particulier: & combien qu'ilz eussent tousiours dit & donné à entendre que ce qu'ilz faisoient estoit pour le bien public, toutesfois, quand ce vint à l'effect, ilz monstrent qu'ilz tendoyent bien à autre fin, & qu'il ne leur challoit du bien public: & feirent chacun au Roy de grâdes & excessiues demâdes à leur profit particulier: à la pluspart desquelles le Roy fut conseillé obtemperer, & en dissimuler. Si les leur accorda, non pas de son bon vouloir, mais par contraincte: & entre autres choses bailla à mondict seigneur Charles, pour lors Duc de Berry, les pays & Duché de Normandie, avec tout le reuenue des deniers des finances tant ordi-



tant ordinaires qu'extraordinaires ( qui estoit vn excessif partage & appanage ) & reprint en ses mains les pays & Duché de Berry, qu'il luy auoit parauant bailléz. Par ledict appoinctement messire Loys de Luxembourg, Comte de saint Paul, qui estoit le principal conducteur de l'armée du Comte de Charrolois, fut fait Cōestable de France: & soubz vmbre desdictz appoinctemens & promesses les armées desdictz Signeurs & Princes se departirent: & s'en alla mondict seigneur Charles pour prendre possession dudit Duché de Normandie, & en sa compaignie allerent lesdictz Ducz de Bretagne & Bourbon, pour auoir le gouuernemēt dudit Duc de Normandie, par ce qu'il estoit ieune: dont le Roy fut aduertý, & fut conseillé de tirer es marches de Normandie, & de remettre ledict pays en ses mains, par ce que (comme dict est) c'estoit trop grand appanage à sondict frere, & aussi qu'il auoit esté comme cōtrainct de le bailler. Si y alla, & trouua façon d'entrer à Rouen, & recouurer la plus part des villes & places dudit pays: & ce voyās lesdictz Ducz de Berry, & Bretagne, s'en retournerent en Bretagne, & le Roy r'appela à luy le Duc de Bourbon son beau frere:

*De Cōte de  
saint Paul  
qui fut fait  
Cōestable  
de France, cō  
biē qu'il fust  
cōspirateur  
cōtre le Roy*

### *Trefues entre le Roy de France & d'Angleterre.*

**E**N l'année mil cccc.lxvi. le Roy fut aduertý que le Anglois, anciens ennemys de la couronne de France, auoyent deliberé d'enuahir le royaume, & y faire descente: si fait faire par ledict Comte de saint Paul, Cōestable de France, grād'armée & amas de gēs de guerre: mais tantost apres furent faictes & accordées trefues entre lesdictz Roys de France & d'Angleterre. Et en celle mesme année furent ordonnez plusieurs grands & sages gens, commissaires, pour aduiser & donner ordre au faict de la chose publique du royaume, ainsi qu'il auoit esté dict & ordonné par l'apoinctement fait & ordonné par le Roy avecques lesdictz Princes: de laquelle assemblée & Conseil fut Chef & principal le Comte de Dunois: lequel Comte (comme on disoit) auoit esté premier & principal autheur des dessusdictes conspirations.

*L'an mil  
cccc.lxvi.*

### *Comment le Roy d'Angleterre enuoya Ambassade au Roy de France, pour traicter appoinctement.*

**E**N mil quatre cens lxxvij. le Roy alla en Normandie, & y mena la Roïne & ses filles: & la vint deuers luy en Ambassade d'Angleterre, pour traicter appoinctement, le Comte de Vuaruich, que le Roy festoya moult grandement en la ville de Rouen, & le fait festoyer, & entretint le plus honnorablement que faire se peult, l'espace de douze iours à ses despens: puis luy fait le Roy de grands dons: & apres qu'il eut sa descharge & sa responce, il s'en retourna: & avecques luy le Roy enuoya en Angleterre ses Ambassadeurs, le Comte de Roussillon, Admiral de France, l'Euesque de Laon, maistre Jehan de Popier, President en Parlemēt, & maistre Oliuier le Roux, Maistre de ses comptes: lesquels n'y feirent riens ou bien peu: & le Roy s'en retourna à Paris, & amena la Roïne (qui n'y auoit encores point esté) laquelle y fut receue à grand honneur & triumphe, & luy furent faictz de beaulx presens.

*L'an mil  
cccc.lxxvij.*

Au moys de May le Roy fait en sa ville de Tours vne assemblée de gens des Estatz de son royaume: & entre autres choses fut parlé du faict de l'appanage, qui auoit esté baillé à mondict seigneur Charles, du Duché de Normandie: & fut dict que ledict appanaige estoit excessif, & que le Roy deuoit reprendre Normandie en sa main, & mondict seigneur Charles se deuoit cōtenter d'auoir douze mil liures tournois de rente en assiete, mais que le Roy luy pouoit bien fournir & parfaire en pansion pour l'entretienement de son estat iusques à soixante mil liures tournois par an: & furent les gens desdictz Estatz d'opinion que le Roy deuoit recouurer Normandie à main forte & par armes, & mesmes les villes de Caen, Auranches, Lisieux, & autres du bas pays de Normandie, que tenoit le Duc de Bretagne, soubz vmbre de mondict seigneur Charles, qui estoit lors en ses pays: & disoit on que ledict Duc de Bretagne auoit intelligence de faire descendre les Anglois en France, & les mettre esdictes villes. Tantost apres ladiete conclusion, le Roy se retira es marches de Paris:

*Des Estatz  
qui furent as  
semblez à  
Tours.*

Au moys de Iuin, audict an, mourut Philippe, Duc de Bourgongne, en la ville de Bruges, & fut son corps porté en l'Eglise des Chartreux, lez Dyion, avec ses predecesseurs: & luy succeda Charles, Comte de Charrolois, son seul filz:

*Comment*

# LES CRONIQVES ET ANNALES DE FRANCE

## *Comment le Roy enuoya son armée en Normandie.*

L'an mil  
cccc.lxxviii.

**E**N l'année mil quatre cés soixante & huyt le Roy, en ensuyuant ladiète delibération, enuoya son armée es marches de Normandie, & print & remeit en sa main grand' partie dudit pays, reseruee la ville de Caen, & aucunes autres places que tenoit ledit Duc de Bretagne. Pour laquelle cause Charles, Duc de Bourgogne, se meit sur les champs en armes, pour venir ayder ausdictz Ducz de Normandie & de Bretagne, parquoy le Roy alla à Compiengne, & enuoya deuers luy en Ambassade le Comte de saint Paul, Cōestable de France, & aucuns autres ses Cōseilliers: & s'en tira le dict Duc de Bourgogne à Peronne: ou le Roy alla semblablement tantost apres, & parlerent ensemble, tellement qu'ilz vindrent, qu'ilz sembloient bien cōtens l'un de l'autre: & fut fait vn grand traitté entre eulx, qui seroit long à racompter. Apres les conclusions duquel le Duc de Bourgogne alla faire guerre aux Liegeois, qui auoyent debouté leur Euesque, qui estoit son frere de par sa femme, fille de la noble maison de Bourbō, & le Roy s'en alla en voyage à nostre Dame de Haulx en Allemagne, & à son retour passa au Liege, ou estoit ledit Duc de Bourgogne: puis s'en retourna vers Paris.

Da parles  
mēt du Roy  
& du Duc  
de Bourgō-  
gne, fait à  
Peronne.

## *De l'appointement fait entre le Roy de France, & monseigneur Charles, son frere.*

L'an mil  
cccc.lxix.

**E**N mil quatre cens soixante neuf, le Roy feit appointement avec monseigneur Charles de France, son frere, qui estoit en Bretagne: par lequel mōdict seigneur Charles se desista du bail qui luy auoit esté fait dudit pays & Duché de Normandie: & en recompense, & au lieu d'iceluy, luy bailla le Roy le pays & Duché de Guyenne: & s'en alla le Roy à Tours: & la vindrent deuers luy le Roy René de Cecille, son oncle, & sa femme, ou le Roy les receut honnorablement, & y auoit grad' Seigneurie: & pour l'amour d'eulx feit le Roy faire iustes & tournois. Apres leur retour, & que le Roy sceut que mōseigneur Charles, son frere, auoit prins possession dudit Duché de Guyenne, il s'en retira en Poitou vers Nyort, & en sa compagnie estoit mōseigneur le Duc de Bourbon, & autres grands Princes & Seigneurs: & semblablement mōdict Seigneur de Guyenne s'approcha de luy, & vint en vn Chastel, appelé Charrou, & la passerent & parlerent ensemble sur vn pont, qui auoit esté fait sur la riuiere de la Seure, sur lequel auoyent esté faites barrieres: mais quand ilz s'entreurent ilz se firent moult bonne chere l'un à l'autre, & furent lesdictes barrieres rōpues, & passa le Roy oultre, & longuement parlerent ensemble. puis se departirent, & le Roy retourna en Touraine, & ledit Duc de Guyenne en ses pays. En uirō ce temps messire Loys d'Amboise, Vicōte de Thouars, tenāt plusieurs belles principaultez & seigneuries, & lequel auoit fait & institué le Roy son heritier, alla de vie à trespassemēt.

Le Roy  
heritier de  
mes. Loys  
d'Amboise

## *Du secours que les Seigneurs d'Angleterre vindrent demander au Roy de France, contre le Roy Edouard d'Angleterre.*

L'an mil  
cccc.lxx.

**E**N l'an mil cccc.lxx. le Roy fut aduertty que le Roy Edouard d'Angleterre auoit fait grand' armée pour descendre en France, & auoit dechacé madame Marguerite, femme de Henry, Roy d'Angleterre, lors detenu prisonnier par ledit Edouard, laquelle estoit fille du Roy René de Cecille, & cousine du Roy: laquelle, & aussi le Prince de Galles, son filz, le Duc de Clarence, & les Comtes de Vvaruich, de Vvarusfort, & leurs freres, tous estoient chacez d'Angleterre, & s'en vindrent en France, avec bien quatre vingtz nauires, pour requerir secours au Roy, contre ledit Edouard. ce que le Roy leur promeit faire: dont le Duc de Bourgogne ne fut pas cōtēt, & en escriuit au Roy & à la court de Parlemēt, disant que c'estoit venir contre l'appointement que le Roy luy auoit fait à Peronne, & que la bende desdictz Anglois estoient ses ennemys capitaulx.

## *De la natiuité du Roy Charles, huyetieme de ce nom.*



**E**Samedy dernier iour de Iuin, audict an mil cccc. lxx. enuiron heure de minuyt, ou tost apres, au chasteau d'Amboise, la Roine acoucha d'un beau filz, qui eut nom Charles, qui depuis fut Roy de France, & fut baptizé en l'Eglise saint Florentin, audict chastel d'Amboise, & furent ses parrains monseigneur Charles de Bourbon, Cardinal & Archeuesque de Lyon, le Prince de Galles, filz dudit Roy Héry d'Angleterre, lors prisonnier, & fut sa marraine madame Anne de

Anne de France, femme de monseigneur le Duc de Bourbon : de laquelle natiuité fut grand' ioye par toute France, & en furent par toutes les villes & citez du royaume, faictz les feux, & rendues grâces à Dieu, ainsi qu'il estoit bien raison : car le Roy n'auoit pour l'heure nul hoit masse, pour luy succéder à la couronne : parquoy il n'est pas de merueille si les François s'en esiouyrent : car ce leur fut vne grand' benediction de Dieu. Et semble que ladicte natiuité eust esté predictée en esprit de Prophetie, par le prophete Dauid en vn vers du Psaultier, la ou il dit :

*In stillicidus eius letabitur germinans : benedices coronæ, &c.* car à prédre toutes les lettres qui sont en iceluy vers, seruans à nombre, on y trouuera l'an mil cccc.lxx. qui est l'année de sa natiuité. Et sequitur :

*Et campi tui replebuntur ubertate.* Tâtoist apres ladicte natiuité, le Roy s'en alla à Angiers, ou estoit le Roy de Cecille, la Roynie d'Angleterre, sa fille, le Prince de Galles, le Comte de Vvaruich, & leur cōpaignie : & la fut traicté le mariage dudiect Prince de Galles, avec la fille dudiect Côte de Vvaruich. Apres bailla le Roy audiect Côte de Vvaruich gēs & viures pour retourner en Angleterre, faire guerre audiect Roy Edouard : si s'en partit pour y aller. Sēblablement vint à Angiers monseigneur le Duc de Guyēne, par le moyen duquel fut faict appoinctemēt du different qui estoit entre le Roy & le Duc de Breraigne : dont lediect Duc de Bourgongne fut plus mal content que deuant. Apres cē lediect Duc de Guyenne s'en retourna à Bordeaulx, & le Roy s'en alla en pelerinage au mont S. Michel, & enuoya la Roynie d'Angleterre, la Comtesse de Vvaruich, & la ieune Princesse de Galles, sa fille, à Paris, ou elle fut grandement receue : & estoient en sa compaignie les Comtes d'Eu, de Védosme, de Dunois, le Seigneur de Chastillon, & autres Seigneurs, & furēt les rues de Paris tēdues à l'auenue, & fut logée ladicte Roynie au Palais :

*D'un uers du Psaultier, par lequel est descripte la uenue & natiuité du Roy Charles viii.*

*Comment le Roy reprint en ses mains les terres engagées de Picardie, qu'il auoit vne fois rachaptées du Duc de Bourgongne : & de la guerre qu'il eurent.*

**E**N celle mesme année le Roy, pour iustes causes, delibera de reprendre en ses mains les terres engagées de Picardie, qu'il auoit vne fois rachaptées, & depuis baillées au Duc de Bourgongne, par le traicté de Peronne. Si feit mettre sus son armée, & vint à Paris. Puis alla à Senlis, à Compiēgne, à Beauuais : & manda le Roy à monseigneur le Duc de Guyenne qu'il veint avecques luy en ladicte armée : lequel y vint moult bien en point, & amena bien quatre cens lances, pour seruir le Roy en ladicte guerre. Tantost apres se remeirent es mains du Roy les villes d'Amyens, Roye, Montdidier, Abbeuille, & tout le pays de Ponthieu : & le Connestable alla & se meit dedans saint Quentin, avec deux cens lances, dont il auoit charge : toutes fois pource qu'il auoit tousiours esté du party du Duc de Bourgongne, le peuple de France n'estoit point bien assésuré de luy ; & en murmuroit lon. Le Roy enuoya ausli es marches de Bourgongne vne moult belle & grand' armée, dont estoit Chief & conducteur le Comte Dauphin d'Auuergne, filz du Seigneur de Montpēfier, qui moult greua le pays du Duc de Bourgongne :

*Du Connestable q se meit dedans s. Quentin avec deux cens lances qu'il auoit.*

*De l'armée que le Duc de Bourgongne feit pour venir à Amyens.*

**S**ēblablement lediect Duc de Bourgongne feit faire grand' armée de gens, & se meit sur les champs, & s'en vint parquer entre Amyens & Bapaume, ou les gens de l'armée du Roy les tenoyent fort pressees, tellement qu'ilz ne se pouoyent eslongner, & y furēt iusques enuiron Pasques, que le Roy par le moyen d'aucuns, oïtroya trefues audiect Duc de Bourgongne : lequel, durāt icelles trefues, enuoya ses gēsd'armes en l'ayde d'Edouard, Roy d'Angleterre, lequel eut bataille contre le Roy Henry, & gaigna la iournée : & en icelle moururent les Princes de Galles, le Côte de Vvaruich, & plusieurs des Seigneurs de leur party, dōt les nouuelles furēt apportées en France. Si s'en retourna le Roy, de Han en Vermadois, ou il estoit allé, & son frere le Duc de Guyēne, & de la vindrent à Paris : & tantost apres lediect Duc de Guyenne s'en retourna en ses pays, & peu apres il recueillit en sa compaignie le Comte d'Armignac, que le Roy auoit chacé hors du royaume, & luy restitua ses terres, qui estoient en Guyenne, dont le Roy ne fut pas content : & y enuoya cinq cens lances de ses gens de guerre, & plusieurs francs Archiers, pour les remettre en sa main. Aucun temps apres vindrent nouuelles au Roy, q le douzieme iour de May, l'an mil quatre cens lxxij. iour de la Trinité, mondiect seigneur de Guyenne estoit trespasé en sa ville de Bordeaulx, & que fut son corps enterré en l'eglise cathedrale de saint Andry, de Bordeaulx. Quand le Roy sceut la verité de la mort de mondiect seigneur de Guyenne, son frere, il alla iusques à la Rochelle, à saint Iehan d'Angely, & en Xaintonge, pour reprendre en

*De la mort du Duc de Guyēne, frere du Roy Loys xi.*

ses mains lesdictz pays de Guyenne: & deuers luy se rendirent grand' partie des Officiers de sondict feu frere, qu'il recueillit & retint en son seruice. En celle année le Duc de Bourgogne fit suborner monseigneur Nicolas, Marquis du Pont, filz de monseigneur Iehan, Duc de Calabre, filz du Roy René de Cecille, Duc d'Aniou, & tellement le fit persuader, soubz vmbre de grâds promesses, qu'il luy faisoit, dont il n'auoit point vouloir de les tenir, que mondict seigneur le Marquis, auquel le Roy auoit fiancé madame Anne de France, son aînée fille, s'en alla deuers iceluy Duc de Bourgogne, dont plusieurs s'esmerueillèrent: & aduint qu'aucun temps apres ledict Marquis du Pont alla de vic à trespas.

*Comment le Duc de Bourgogne vint à grand' armée deuant la ville de Néelle.*



En celle mesme année le Duc de Bourgogne, nonobstât les trefues à luy octroyées par le Roy, avecques grand' armée se meit sur les champs, & tira deuant la ville de Néelle, en laquelle auoit enuiron cinq ou six cens Archiers, & la fait assieger: contre lequel vn nommé le petit Picard, qui estoit Capitaine desdictz Francs Archiers, se deffendit moult vaillâment: mais pource qu'il n'estoit pas puissant pour resister à l'armée dudit Duc de Bourgogne, il fit composition de bailler la ville, leurs personnes & biens sauues: & ainsi qu'ilz cuydoient estre asseurez, lesdictz Bourgongnons entrèrent dedans, & tuerent tout ce qu'ilz trouuerent. Plusieurs se retirerent en l'eglise, qui estoit toute plaine de gens de ladicte ville & Archiers, mais les Bourgongnons les tuerent iusques sur les autelz, & les autres qui tenoyent embrassez les images pour eulx cuyder sauuer: & ledict meurtre ainsi fait, ledict Duc de Bourgogne entra en personne en ladicte ville, & alla tout à cheual iusques dedans ladicte eglise plaine de corps mors, tellement que le pavement estoit tout couuert de sang humain: & quand il en veit tant de mors, comme homme Tyran & de felon courage, dist qu'il auoit de bons bouchers: & apres fait mettre le feu & ardoir toute ladicte ville, & puis s'en tira vers Mondidier, & de la deuant la ville de Beauuais, en laquelle n'auoit aucuns gens de guerre ou bien peu pour le Roy, & y assiet son siege. Les habitans d'icelle ville se deffendirent de grand courage, & manderent deuers le Roy à Paris qu'on leur enuoyast secours. Le Connestable estoit la pres qui gueres ne s'en esmouuoit, & disoit on qu'il auoit aucune intelligence auidict Duc de Bourgogne. Tantost apres y allerent plusieurs Capitaines & gens d'armes en ladicte ville de Beauuais, & y arriuerent en vn iour à l'heure que le Duc de Bourgogne y faisoit donner vn assault. Les femmes & enfans de ladicte ville, & autres qui n'estoyent gens de deffence, prindrent leurs theuaux, & les penserent & establetrent moult songneusement: & lesdictz gens d'armes sans repaistre allerent sur les murailles, & tellement se deffendirent que lesdictz Bourgongnons furent reboutez honteusement, & y en eut moult grand nombre de mors. Ceulx de la ville de Paris firent grand' diligence d'enuoyer viures, canons, couleures, pouldres à canons, arcz, arbalestres, traitz, fil & cordes, & autres choses necessaires à ceulx de Beauuais. Aussi ceulx d'Orleans enuoyerent iusques à ladicte ville de Beauuais cent pippes de vin, qu'ilz donnerent ausdictz Capitaines & gens de guerre, & si enuoyerent aussi de l'Artillerie, pouldres, arcz, trouffes, arbalestres, qu'ilz leur donnerent, & semblablement ausdictz gens de guerre, qui vaillâment se deffendirent, tellement que ledict Duc de Bourgogne fut contrainct leuer son siege, & s'en aller honteusement: lequel s'en tira & fit vne course vers le pays de Caulx, tirant vers Rouen, & par tout ou il passoit il bautoit le feu: dont ledict pays fut fort dommagé: puis s'en retourna en ses pays. Durant que ces choses se faisoient le Roy estoit es marches de Bretagne, voyât que le Duc ne luy vouloit rendre aucunes de ses villes de Normandie: mais il luy octroya vne trefue pour luy & ses alliez: & alors le Duc de Bourgogne se declaira estre son allié, & par tant iceluy Duc de Bourgogne accepta ladicte trefue pour luy & ses alliez: & declarerent aussi estre des alliez de l'Empereur & des Roys d'Angleterre, d'Escoffe, de Portugal, Espaigne, Arragon, Cecille, & autres plusieurs Ducz & Princes: mais ilz faisoient ladicte declaration pour donner suspicion au Roy.

En celle mesme année le Comte d'Armignac print d'emblée la cité de l'Estore, & en icelle print plusieurs grands prisonniers dedans: dont le Roy fut fort desplaisant. Si fait assieger ladicte ville & ledict Comte, & fut prinse, & ledict Comte d'Armignac tué. De ladicte surprinse & trahyson, faite par le Comte d'Armignac fut cause (comme on disoit) le Cadet d'Albret, & vn nommé Iehan Denier: lesquelz à ceste cause furent decapitez: c'est à sçauoir ledict Cadet decapité en la ville de Poitiers, & ledict Denier fut pendu.

*La grosse tyrannie que les Bourgognons firent en la ville de Néelle.*

*Le siege de Beauuais par le Duc de Bourgogne*

*De la mort du Comte d'Armignac*

Comment

*Comment la ville de Parpignan fut baillée par aucuns au Roy d'Arragon.*

**L**N l'an mil quatre cēs lxxiiij. enuiron la fin du mois d'Auril, le Roy d'Arragon feit vne entreprinse sur la ville de Parpignā: & par le moyen d'aucuns trahystres; ladiēte ville luy fut baillée, & y entra luy & son filz: mais le seigneur de Lau, qui la estoit pour le Roy, garda & deffendit vaillamment le chastel. Quand le Roy en fut aduertý il feit tirer l'armée, qui auoit esté à l'Estore, à Parpignan, & fut ladiēte ville assiegée: & estoient lediēt d'Arragon & son filz dedans: & y fut le siege iusques au mois de Iuin, & y eut de grādes escarmouches: mais la chaleur & faulte de viures fut si grand' d'un costé & d'autre, qu'ilz furent contrainctz de prendre trefues: durant lesquelles le Roy feit renforcer & aitailler ladiēte armée, & apres la trefue faillie ilz remeirent le siege deuant ladiēte ville. Quand le Roy eut fait prouision d'aitailler ladiēte armée, il s'en alla en pelerinage au mont saint Michel. En celle année mourut le Duc de Calabre & de Lorraine, en sa ville de Nancy: apres la mort duquel vn Comte d'Allemagne, en la faueur du Duc de Bourgongne print prisonnier le Comte de Vaudemont, qui cōme on disoit estoit heritier de ladiēte Duché de Lorraine: & pour trouuer moyē de l'auoir, fut prins pour marque vn ieune Escolier à Paris, lequel estoit nepueu de l'Empereur. Lediēt Duc de Bourgongne, qui desiroit sur toutes choses conquerir ladiēte Duché de Lorraine, tira son armée esdiētes marches: parquoy le Roy enuoya grand' armée es pays de Champaigne: & lors lediēt Duc de Bourgongne alla en Luxebourg, & s'assembla avec l'Empereur, & feit tant que lediēt Empereur vint iusques dedans la ville de Metz, pour enhorter les habitans qu'ilz voulussent mettre dedans lediēt Duc de Bourgongne: mais, comme sages, ilz n'en voulurent riens faire: parquoy l'Empereur s'en retourna en Allemagne. En celle diēte année se feirent plusieurs assemblées en la ville de Senlis & ailleurs, entre aucuns deputez de par le Roy, & de par lediēt Duc de Bourgongne, pour trouuer moyen de venir à appointemēt: mais lediēt Duc, qui pas n'en auoit desir, demādoit tousiours choses desraisonnables: parquoy riens ne se feit. Enuiron ce temps le Comte de saint Paul, Connestable de France, qui moult estoit suspect au Roy, & au royaume, & nō sans cause, comme il apparut apres, print en sa main d'emblée la ville de S. Quentin en Vermadois, & meit hors le seigneur de Curton, & cent hōmes d'armes, dont il auoit charge, lesquels le Roy y faisoit tenir pour la garde: mais aucun temps apres lediēt Cōnestable trouua facon de se reconcilier & appointer au Roy, & furent faictes & prinſes trefues avec le Duc de Bourgongne, iusques en May ensuyuant, en esperance d'appointer. En l'année mil cccc.lxxiiij. le Roy s'en alla à Senlis, ou il se tint es enuironz par aucun temps: puis tira vers Compiègne, & à Noyon: & la, en vn village sur vne riuere, vint parler à luy lediēt Connestable: lequel, comme homme orgueilleux de courage, ne voulut parler au Roy, sinon sur vn pont, & qu'il y eust vne barriere entredeux: & quand ilz eurent parlé ensemble, le Roy luy pardonna ses fautes passées, & luy iura lediēt Connestable deslors en auant luy estre bon & loyal: dont il ne feit riens. Aucun temps apres, le Roy s'en alla en Aniou, & feit saisir & mettre en ses mains le pays & Duché d'Aniou, appartenant au Roy de Cecille, pour certaines causes qui à ce le mouoyent: & ce faict, il retourna par le pays de Beaussé & Gastinois, & de la à Montereau fault Yonne, tousiours chaceant & soy deduyfant, par ce qu'il auoit trefues en icelle saison.

L'an mil cccc.lxxiiij.

La prise de Parpignan par le Roy d'Arragon.

Le Duc de Bourgogne desiroit fort de conquerir la Duché de Lorraine.

La prise de S. Quentin par le Connestable de France. L'an m. cccc. lxxiiij.

Du parlement du Roy &amp; du Connestable en semble.

La Comté de Roussillon fut remise es mains du Roy par appointemēt.

En celle mesme année le Duc de Bourgongne alla mettre le siege deuant la ville de Nuz, qui est au commencement des Allemaignes, sur la riuere du Rin, pres de Coulōgne, & y fut longuement: mais les Allemans enuoyerent secours, & la deffendirent si bien que lediēt Duc de Bourgongne fut contrainct s'en partir à sa grand' vergongne, confusion, & desesperance. Durāt icelle année Edouard, Roy d'Angleterre, enuoya sommer le Roy p ses Heraulx, qu'il luy voulussit rendre les Duchez de Normandie & Guyenne, qu'il disoit luy appartenir, autrement il estoit deliberé de les venir conquerir à l'espée: ausquelz le Roy feit respōce qu'il n'estoit pas conſeillé de ce faire, & leur feit de grands dons: si s'en retournerēt: & le Roy s'en vint à Paris, & y feit sa feste de Noel: & le lendemain de ladiēte feste luy vindrēt nouuelles que l'armée du Roy d'Angleterre estoit sur mer, vers le mont saint Michel, costoyāt le riuage de Normandie. si y enuoya hastiuement de ses gens de guerre. Semblablement luy vindrēt nouuelles que ses gens, de l'armée qui estoit en Arragon, auoyent prins la cité d'Aulne: & dedans icelle furēt prins aucuns Gentilzhōmes de Parpignan, qu'on voulut faire mourir cōme trahystres: mais on differa, pource qu'ilz promeirēt mettre ladiēte ville de Parpignan en l'obeyſſance du Roy, dont ilz ne feirent riens: mais toutesfois bien tost apres fut faict appointemēt, par lequel toute la Comté de Roussillon fut remise es mains du Roy.



# LES CRONIQVES ET ANNALES DE FRANCE

*Comment le Roy alla à Vernon: & comment le Connestable, contre les sermens qu'il auoit faitz, manda le Roy d'Angleterre, pour descendre en France.*

L'z m. cccc.  
lxxv.



N l'an mil cccc. lxxv. au moys de May, le Roy partit de Paris, & alla à Vernon, & y vint monseigneur le Bastard de Bourbon, Admiral de France, & autres Chiefz de guerre: & la tint Conseil pour donner ordre à la deffence & discord des Anglois, es places de Normandie, sur le riuage de la mer: & en bailla la charge audit Admiral. puis sen retourna le Roy à Paris, & alla vers pont sainte Maixâce, pour illec preparer son armée, & fait assembler ses gens d'armes, Artillerie, & choses necessaires pour la guerre, pource que la trefue du Duc de Bourgongne estoit faillie: & le Roy alla assieger vn fort chasteil, appelé le Tronquoy, pres Mondidier: auquel auoit plusieurs pillards, gés amassez, tenans pour le Duc de Bourgongne, & fut ladicte place prinse d'assault, & print aussi les villes de Roie, & Mondidier. En celle saison ledict Comte de S. Paul, Connestable de France (nonobstât les sermens & promesses faittes par luy au Roy) en la faueur du Duc de Bourgongne manda venir le Roy d'Angleterre, pour descēdre en France (comme dict est) & auoit promis ledict Duc de Bourgongne bailler audit Roy d'Angleterre villes & places, pour luy & ses gés loger: & manda ledict Connestable au Roy, faulxement, qu'il estoit aduertty que les Anglois deuoyent descēdre en Normandie, & qu'il y allast, & ne se souciaist pas des marches de Picardie, & qu'il les garderoit bien, combien qu'il sceust que lesdictz Anglois deuoyent descēdre de ce costé de la Picardie: & ce faisoit il pour entreromppe l'armée du Roy, & pour le faire eslongner.

La place du  
Tronquoy,  
Roie et Mô-  
didier prins  
par les Fran-  
coys.

Le Roy donc, croyant qu'il fust verité alla en Normandie, & y mena v. c. lances, & les Nobles & Francs Archiers dudit pays de Normâdie qu'il fait mettre sus: & quand il y fut, il trouua qu'il n'estoit nulles nouuelles desdictz Anglois en ces marches. ainsi sen retourna le Roy à nostre Dame d'Escouis, & là eut lettres du Connestable, qu'il luy enuoyoit, que l'armée d'Angleterre estoit en grand' puissance descendue à Calais, & que le Roy Edouard y deuoit arriuer de brief en personne, avec grand' puissance, & que le Duc de Bourgongne festoit leué du siege de Nuz, & auoit fait appoinctement avec l'Empereur. Enuiron ce tēps monseigneur de Bourbon enuoya par l'Euesque de Mante, son Conseiller, au Roy de Cecille vnes lettres, que le Connestable luy auoit enuoyées, avec les lettres qu'il luy auoit escriptes, en l'admonnestât & subornant qu'il voulsist estre contre le Roy, & luy faisoit grandes promesses, tant de par le Roy Edouard, que par ledict Duc de Bourgongne. Sēblablement mondict seigneur de Bourbon, tantost apres, fait sçauoir que l'armée du Roy, qui estoit es marches de Bourbonnois, le long de la riuere de Loire, faisoit frontiere au pays de Bourgongne, de laquelle armée mondict seigneur de Bourbon auoit la charge & conduyte, & que le vingtieme iour de Iuin, audit an, auoit recontré l'armée des Bourgongnōs, au lieu de Grey, & frappé sur eulx, & iceulx desconfitz, & y mourut le Seigneur de Côches, & plusieurs autres Seigneurs Bourgongnōs, & bien deux lances de Lombards, qui estoient venus à leur ayde: & furent prins prisonniers le Comte de Rouffy, Marechal de Bourgongne, le Seigneur de Longny, le Baillif d'Am-poys, le filz du Comte de saint Martin, le Comte de Ioigny, & plusieurs autres mors & prins.

La desconfi-  
ture desbour-  
guongnons.

Le Roy fait sçauoir à mondict seigneur l'Admiral que lesdictz Anglois estoient descenduz à Calais: si se tira luy & ses gens d'armes, dont il auoit charge, vers Picardie, & fait vne cour- se tout au trauers du pays, iusques à Arras, & pres de la ville fait vne grosse embusche: puis en- uoya enuiron quarante lances eulx monstrier deuant la ville, & sortirent sur eulx plusieurs grāds personages & Chiefz de guerre, qui estoient dedans icelle ville d'Arras, avec plusieurs gens de guerre. Et lors lesdictes quarante lances se retirerent tout bellement, iusques à l'endroit ou estoit ladicte embusche, qui soubdainement sortit, & surprint ceulx d'Arras, & y en eut de qua- torze à quinze cens hōmes mors: & la fut prins messire Iaques de saint Paul, Seigneur de Ri- chebourg, frere dudit Connestable, qui tenoit le party du Duc de Bourgongne, & plusieurs aussi grāds personages, qui furent mors & prins. Apres icelle baterie ledict Admiral enuoya sommer ceulx de ladicte ville d'Arras, & en mena les prisonniers qu'il auoit, en leur disant que filz ne se rendoyent es mains du Roy, il les feroit decapiter.

La prinse du  
seigneur de  
Richebourg,  
frere du Con-  
nestable.

*Appoinctement fait entre les Roys de France & d'Angleterre.*



V moys d'Aoust audit an le Roy d'Angleterre, voyant que le Duc de Bourgōgne & ledict Connestable ne luy tenoyent pas ce qu'ilz luy auoyent promis (car ilz luy deuoyent bailler certaines villes, pour loger & retraire luy & ses gens, comme dict est) enuoya Ambassadeurs deuers le Roy, pour faire ouuerture d'appoinctement: & combien

combien q le Roy eust vne merueilleuse & grād'armée, qu'on estimoit bien à cēt mil hōmes; bons combatāns, assez pour deffaire la puissance dudit Roy d'Angleterre, toutesfois luy, qui estoit debonnaire, voulant eiter l'effusion du sang humain, fut content d'y entendre: & enuoya semblablement Ambassadeurs vers ledit Roy d'Angleterre: & fut accordé que lesdictz deux Roys parleroyēt ensemble, & fut iour assigné pour ce faire, au lieu de Piquigny, à t cinq lieues pres d'Amyens, au xxix. iour dudit moys. Auquel lieu & iour iceulx Roys se trouuerēt mbult grandement accompaignez de Princes & Seigneurs, d'une part & d'autre: & pour parler ensemble fut fait sur le pont de la riuere de Somme, audict Piquigny, deux appantz, entre lesquelz auoit vne separation de boys. Si parlerent longuement ensemble, presens les assistens: & puis firent tout le monde retirer, & parlerent eulx deux à secret, & tellement qu'ilz firent appointemēt ensemble: par lequel ledit Roy Edouard s'en retourna en Angleterre, moyennant certaine somme de deniers que le Roy luy promit, & en fait payer contēt aucune somme, pour le deffrayer des fraiz qu'il auoit faitz pour sa venue: & ainsi s'en retourna ledit Roy d'Angleterre, sans aucune gloire & conqueste. qui fut vne grand' oeuvre faite au Roy, d'ainsi discrettement le renuoyer. Apres le departement desdictz Roys, la paix fut crieé sur le champ: qui estoient tresues marchandes, & estoient accordées entre les deux royaumes, iusques à sept années: & fait le Roy de grands dons audict Roy d'Angleterre, & aux Seigneurs qui estoient en sa compaignie, & aux Heraulx & Trompettes, qui tous crierent Largeffe, Largeffe, au tresnoble & puissant Roy de France. Puis s'en alla le Roy d'Angleterre à Calais: & quand il eut retiré tous ses Anglois & bagage, il s'en passa la mer, & le Roy s'en vint à Amyés. & de là à Senlis. Ledit Connestable, qui veit bien que ses besongnes ne venoyent pas à son intention, & que sa trahyson estoit descouuerte, se retira es pays du Duc de Bourgongne, & escriuit au Roy d'Angleterre, qui estoit encores à Calais, qu'il estoit vn lasche & pauvre, & deshonoreroy Roy, d'auoir fait le traicté & appointement qu'il auoit fait avecques le Roy de France, & que le Roy ne luy tiendrait tiens des promesses qu'il luy auoit faites: lesquelles lettres ledit Roy d'Angleterre enuoya au Roy, qui par icelles congnt l'infidelité & mauuais vouloir dudit Connestable. Lors le Roy se partit de Senlis, pour aller en pelerinage à nostre Dame de Lyesse, & passa par S. Quentin, & print la ville en ses mains, & en meit hors les gés de guerre que ledit Connestable y auoit laissez. Puis s'en retourna le Roy à Senlis, & la vindrent deuers luy les Ambassadeurs du Duc de Bretagne, & firent appointemēt: par lequel il renonça à toutes promesses & sceelles qu'il auoit bailliez contre le Roy. Sēblablement le Duc de Bourgongne enuoya deuers le Roy: & luy oētroya le Roy tresues marchandes, ainsi qu'estoyēt celles des Anglois: & fut dict q chacun retourneroit au sien, d'un costé & d'autre, & furent lesdictes tresues & appointemēs publiés. Par iceluy appointemēt fait p le Roy avecques ledit Duc de Bourgongne, ou ses Ambassadeurs, il auoit promis de bailler, & mettre es mains du Roy, la personne dudit Connestable, moyenant que le Roy donnast audict Duc la confiscation de ses biens. Le Roy pour l'auoir & recouurer, enuoya l'Admiral, les Seigneurs de Bouchage & de S. Pierre, avec vne bonne cōpaignie de gens de guerre, iusques aux portes de Peronne: & la leur fut baillé & deliuré, & l'amenerent à Paris, & le meirent prisonnier de dans la Bastille S. Anthoine: ou il trouua le Chancelier, les Presidēs, & plusieurs Conseillers de la Court de Parlement, qui la estoient venuz auant son arriuée: ausquelz mondict seigneur l'Admiral dist telles ou semblables parolles: Messeigneurs, veez cy monseigneur de S. Paul, lequel le Roy m'auoit donné charge d'aller querir, par deuers le Duc de Bourgongne, qui le m'a fait deliurer. ie l'ay amené à seureté iusques icy, ie m'en descharge, & le vous baillie & metz en voz mains, pour luy faire son proces, sur les cas dont il est chargé, le plus diligēment que faire le pourrez, & ainsi le m'a chargé le Roy vous dire: & ce fait, il print congé dudit Connestable, & s'en alla: & lors lesdictz Chancelier, President & Conseillers dirent audict Connestable: Monseigneur, vous soyez le bien venu: faites bonné chere: on parlera à vous cy apres plus à loysir, & vous fera le Roy bonne iustice. Puis le laisserēt dedans ladicte Bastille, & s'en allerent sans autre chose faire pour ce iour: & depuis par plusieurs iournées vquerent à l'interroguer & faire son proces: tellement qu'Arrest fut donné à l'encontre de luy, le Mardy dixneuuieme iour de Decēbre, audict an: & fut enuoyé querir par le Seigneur de saint Pierre dedans ladicte Bastille, & fut par luy mené au Palais, & se trouua moult grand' multitude de populaire par les rues, q ledit Connestable craignoit fort. Quand il fut au Palais, on le mena en la chābre de la tournelle criminelle, & la y trouua monseigneur le Chācelier, qui en le saluant luy dist: Monseigneur de saint Paul, vous auez par cy deuant esté tenu & reputé vn faige Cheualier & constant: il est à present miculx requis que iamais, qu'ayez ferme constance. Et apres ce luy dist: Monseigneur, il fault qu'ostez de vostre col l'Ordre du Roy que vous y auez mis: & il respondit, volontiers: & lors il l'osta & la baissa: puis la bailla audict

Autres  
trois.

Le parle-  
mēt du Roy  
de France  
et du Roy  
d'Angleter-  
re, à Piqui-  
gny.

Lettres escri-  
tes par le  
Connestable  
au Roy  
d'Angleter-  
re

Du Conne-  
stable q fut  
liuré aux  
gés du Roy  
à Peronne,  
et fut ame-  
né à Paris  
prisonnier.

Chancelier, qui apres luy demanda ou estoit l'Espée qui luy auoit esté baillée quand il fut fait Connestable de France: Il fault que vous la rendez: & il respondit qu'il ne l'auoit point sur luy, & que tout luy auoit esté osté quand il fut mis en arrest, dont il fut tenu pour excusé. Et ce dict, monseigneur le Chancelier se partit de ladicte tournelle, & l'un des Presidens de ladicte Court vint à luy, & luy recita comme par l'ordonnance du Roy il auoit esté constitué prisonnier pour aucunes grandes charges & crimes, sur lesquels il auoit esté interrogué, & y auoit respondu par sa bouche volontairement, sans ce qu'on peust proceder contre luy par torture & voye extraordinaire, & en auoit dit & declairé ses excusations, & ce qui l'auoit meue: & auoit esté son proces veu à grand' & meure deliberation en ladicte Court de Parlement: laquelle par son Arrest le declairoit crimineux de leze maiesté, & comme tel le condamnoit à souffrir mort dedans ce iour, & estre decapité en la place de Greue, deuant l'Hostel de la ville, & toutes & chacunes ses terres, seigneuries, & biës, declairez acquis au Roy. desquelles parolles il fut fort effrayé, & non sans cause. Lors deist: O Dieu soit loué, veez cy vnes dures nouvelles: & lors tous ceulx, qui la estoient, s'en sortirent, & luy furent baillez quatre Docteurs en Theologie, pour le confesser & admōnester du salut de son ame. Ausquelz il requist qu'on luy baillast le corps de nostre Seigneur Iesus Christ à receuoir: mais on ne le voulut permettre, & fut chantée vne Messe deuant luy, & luy fut baillé du pain benieist dont il mangea, & apres ne voulut manger d'autre viande. Mondict seigneur le Chancelier prononça ledict Arrest, & declaira les cas bien au long publiquement en la chambre dudit Parlement, ou il y auoit moult grand' multitude de peuple: & quand ledict Connestable se fut confessé tout à son loysir, il fut mené du Palais en l'Hostel de la ville de Paris: & la deuant iceluy Hostel, en la place de Greue fut decapité, & son corps porté enterrer en l'eglise des Cordeliers, ainsi qu'il auoit requis à la Iustice.

*L'Arrest  
donné con-  
tre le Con-  
stable de  
France.*

Au moys de Feurier audict an, le Roy s'en partit d'Amboise, & s'en alla en pelerinage à nostre Dame du Puy, en Auvergne: & audict voyage luy vindrent nouvelles q le Duc de Bourgogne, qui auoit mené son armée es pays de Suisse, auoit esté combatu & desconfit par lesdictz Suisses, & auoyent esté tuez bien dixsept ou dixhuyt mil de ses gens: & en y allant auoit passé par le pays de Lorraine, entré dedans Nancy, & prins toute l'Artillerie & biens appartenans au Duc de Lorraine, & en icelle mis gens de par luy, & presque par toutes les autres places dudit pays: & aussi par lesdictz Suisses auoit perdu son Artillerie, chariotz, bahuz, vaisselles, bagues, & autres biens de luy & de ses gens perdus, & luy à grand' peine eschapé par fuyte. Apres ladicte desconfiture, iceluy Duc alla en ses pays, & rallia ses gens qui s'en estoient eschapez, & en amassa d'autres, & retourna audict pays, & print la ville de Grandson, & deux chasteaulx. Quand lesdictz Suisses le sceurent, ilz vindrent contre luy, & le Samedy deuxieme iour d'Auril, audict an, le combattirent: & y moururent presque tous les Capitaines & Chiefz de guerre: & au regard de luy, il eschapa de rechief par fuyr, à bien grand' peine, & luy cinquieme cheuaucha bien sans descendre quinze ou seize lieues Francoyses, & perdit de rechief toute son Artillerie, vaisselles & bagues. Apres ladicte desconfiture lesdictz Suisses reprindrent ladicte ville de Grandson, & chasteaulx, & feirent pendre tous les Bourgongnons qui estoient dedans: & desdictes destrouffes fut le Duc de Bourgogne moult affoibly: mais il estoit si obstiné en sa volonté desordonnée, qu'il delibera d'y retourner encores, & enuoya en ses pays de Flandres, & ailleurs, requerrir ayde de gens & d'argent, & leur demandoit le sixieme de leur vaillant, & de six hommes l'un: mais ceulx de Gand, Bruges, & Brucelles, feirent responce que si ledict Duc estoit en lieu qu'il ne s'en peust aysement retourner en seureté de sa personne, qu'ilz employeroient leurs personnes & biens à l'aller querir, mais q pour faire guerre aux Allemans, ilz n'estoyent point deliberez de luy bailler gens ny argent. Durant ce temps le Roy, qui apres son voyage de nostre Dame du Puy, s'en alla à Lyon, se tint en ladicte ville, & es enuironz par aucun long temps: & vindrent deuers luy le Roy de Cecille, & le Cardinal de saint Pierre *Aduincla*, Legat en France, pour certain different qui estoit entre le Roy & le Pape: pour lequel different le Roy enuoya son armée iusques en Auignon, & entrerent dedans: mais la chose fut appaisée, & s'en retourna ledict Legat content. Semblablement le Roy fit certain appoinctement avec ledict Roy de Cecille, son oncle: par lequel fut appoincté que la Comté de Prouëce reuiendroit au Roy, apres la mort dudit Roy de Cecille: & par iceluy le Roy promet faire deliurer la Royne Marguerite, femme du Roy d'Angleterre, cousine du Roy, & fille dudit Roy de Cecille, de la prison ou elle estoit en Angleterre es mains du Roy Edouard. De ladicte ville de Lyon se partit d'avec le Roy le Duc de Lorraine, qui auoit seü ce que ledict Duc de Bourgogne auoit fait en son pays: & pour soy venger de luy, avec ce peu qu'il peut amasser de gens, alla ioindre avec lesdictz Suisses, & les feit mettre sur les chäps, & allerēt ou estoit ledict Duc de Bourgogne,

*soubz quel  
les condicions  
la Comté de  
Prouëce fut  
baillée au  
Roy Loys.*

gongne, qui estoit deuant vne petite ville, nōmée Moratz, ou il estoit parqué: si l'assaillirēt, & desconfirent du tout, & (comme on rapporta) y mourut vingt deux mil sept cens hommes en la place: & à la fuyte, qui longuement dura, en fut tué autre grand nombre. Apres la desconfiture leſdictz Suiffes donnerent au Duc de Lorraine tout le parc dudiēt Duc de Bourgongne, & toute l'Artillerie, pour la recompense & ayde qu'il leur auoit faicte: & aussi que le Duc de Bourgongne auoit prins la ſienne dedans Nancy: & ce faict, pource que le Duc de Romont estoit avec lediēt Duc de Bourgongne, leſdictz Suiffes coururent, brulèrent & gasterent toute ladiēte Comté.

*Comment le Roy de Portugal vint requerir secours & ayde au Roy de France.*



An mil quatre cens septante & six le Roy de Portugal vint en France, & arriva à Tours, ou estoit le Roy, & requist au Roy ayde de gens & d'argent, pour luy ayder à conquerir les royaumes de Castille, & de Leon, qu'il disoit luy appartenir à cause de sa femme. Le Roy le receut moult honnorablement, & fut entretenu tout aux despens du Roy, tant qu'il fut en ce royaume. Puis le Roy l'enuoya deuant pour l'attendre à Paris, & manda qu'on luy feist honneur comme à luy mesmes. ce qu'on feit: & furent les rues de Paris toutes tendues à son entrée, & allerent au deuant de luy les Processions, les gens de Parlement, des Comtēs, du Chastelet, Preuostz, Escheuins, & autres Bourgeois, & habitās de Paris en grand nombre: & fut lediēt Roy de Portugal fort festoyé, & longuement, en ladiēte ville, & luy furent faictes plusieurs gratuites & honnestes presens.

Au moys de Decembre, audict an, vindrent nouuelles que le Duc de Milan, qui auoit espousé la sœur de la Roynne de France, fille de Sauoye, auoit esté tué en la grād' Eglise de Milā, ainsi qu'il ſ'en vouloit sortir de ladiēte eglise, par vn Gentilhōme de son pays, qui feit le cas par ce qu'il auoit imagination qu'il entretenoit sa femme, & aussi qu'il empeschoit que iustice ne luy fust faicte touchant vne Abbaye qu'il auoit fait donner à son parent, & lediēt Duc vouloit qu'un autre l'eust. Audict moys trespassa madame Agnes, Duchesse de Bourbon, qui sœur auoit esté du feu Duc Philippe de Bourgogne: laquelle auoit vescu lōguemēt, & de bonne vie.

*Galeace Marie, Duc de Milan, tué en une eglise.*

En ce temps le Duc de Bourgongne assemblea grand' armée pour aller mettre le siege deuant la ville de Nancy, qui depuis sa desconfiture s'estoit remise es mains du Duc de Lorraine, leur seigneur naturel. Lediēt Duc de Lorraine de ce aduertie alla deuers les Suiffes querir & demander ayde. Ce pendant lediēt Duc de Bourgongne assit son siege deuant ladiēte ville: & pour le leuer, tantost apres, lediēt Duc de Lorraine vint, & amena douze ou quatorze mil Allemans, & Suiffes: & combien que lediēt Duc de Bourgongne fust aduertie de leur venue, & que luy & ses gens eussent grand' faulte de viures, parquoy il fust conseillé par plusieurs de ses Capitaines de soy leuer dudiēt siege, neantmoins, comme hōme furieux & obstiné, il n'en voulut riens faire: pour laquelle cause le Comte de Campobache, & Federic, Prince de Tarente, & filz du Roy Ferrād de Naples, qui estoient avec luy, l'abandonnerent: & ſ'en alla lediēt de Cāpobache deuers lediēt Duc de Lorraine, & l'aduertit de la cōduicte dudiēt Duc de Bourgongne, & de ce qu'il deuoit faire: & lediēt Prince de Tarente ſ'en vint deuers le Roy, qui luy feit bonne chiere: puis ſ'en alla à Naples deuers son pere: & lediēt Duc de Lorraine vint pour combattre iceluy Duc de Bourgongne, & le faire leuer dudiēt siege. Aussi n'est pas à obmettre que le Roy, considerant que lors il auoit trefues avec le Roy d'Anglererre, son aduersaire, & le Duc de Bourgongne son rebelle subiect, voyant lors qu'il auoit trop grand nombre de gens d'armes à souldes, dōt son peuple estoit fort chargé, desirāt le descharger, cassa aucun nombre de lanées: & ſesdictz gens de guerre, se voyans sans gaiges ne souldes, sachans la guerre qui estoit entre les Ducs de Bourgongne, & de Lorraine, ſ'en allerent pour seruir & ayder lediēt Duc de Lorraine, qui les recueillit: & le cinqiesme iour de Ianuier, audict an mil quatre cens septante & six, veille de la feste aux Roys, arriva lediēt Duc de Lorraine, la ou estoit le siege dudiēt Duc de Bourgongne: & donna dessus l'armée dudiēt Duc de Bourgongne, si asprement & vertueusement, qu'il la mit en desarroy, & lediēt Duc de Bourgongne & tous ses gens se meirēt en fuyte: & en cuydāt iceluy Duc de Bourgongne passer vn fossé, pour ſ'en fuyr seul, avec vn page, il fut abbatu de grands coups de piques par aucuns Suiffes, qui point ne le connoissoyent, & tomba audict fossé: & la fut tué: & y fut iusques à lēdemain qu'on ne ſçauoit ou il estoit, & s'il estoit mort ou viſ: & le lēdemain fut cōgnu & trouué entre les autres mors, audict fossé, le viſaigē à demy en l'eau, qui estoit tellement gelée qu'en le tirant on luy arracha la peau du viſaigē d'un costē: & fut porté dedans la ville de Nancy, ou lediēt Duc de Lorraine le feit enterrer bien honnorablemēt: & à ses obseques porta le ducil, luy & tous ses gēs.

*L'an mil cccc.lxxvi.*

*La desconfiture et dernière calamité du Duc de Bourgogne deuā la ville de Nancy, ou il fut occis.*

A ladiēte desconfiture gaigna le Duc de Lorraine grand honneur & grād cheuance: car il eut

plusieurs grands personnaages prisonniers : & entre autres Anthoine & Baudoyne, freres Bastardz dudit Duc de Bourgogne : lesquels le Roy racheptra, & feit payer leur rançon à leurs maistres, & les feit amener deuers luy. Quand le Roy eut les nouuelles certaines de ladicte mort & desconfiture, il s'en partit de Tours ou il estoit : & apres qu'il eut esté en aucuns pelerinages, à sa deuotion, il s'en vint vers Paris, & assembla son armée pour reprendre & remettre en ses mains les terres qui luy deuoyent appartenir par le trespas dudit Duc de Bourgogne, qui n'auoit laissé qu'une fille, qui n'estoit pas capable de succeder aux terres qui estoient venues de l'appanage de la couronne de France : & tira droit à Senlis, à Noyon, & à Compiègne : & tantost se remeirēt en ses mains les villes de Mondidier, Roÿe, Perōne, Abbeuille, Mōstreul, & tout le pays le long de la riuere de Somme. Aussi feirent grand' partie des villes de Bourgogne, ou le Roy auoit enuoyé grand' armée, dont estoit Chef le Seigneur de Craon, les aucunes volontairement, les autres par sieges, & les autres par composition : mais nonobstant les sermens & promesses qu'ilz auoyent faitz d'estre loyaux au Roy, ilz se rebellerent de rechef, à la persuation d'un Cheualier nommé Claude de Vauldray, & d'un autre nommé Charnages, qui apres fut prins, & eut la teste coppée. Le Roy s'en partit de Compiègne, & s'en alla à Amyens : & par monseigneur le Bastard de Bourbon, Admiral de France, qui conduisoit deuant son armée, enuoya sommer les habitans d'Arras, qui ne se voulurent point mettre en son obeissance, parquoy ledit Admiral feit plusieurs courses deuant : & feit tant qu'il trouua façon que ceulx de ladicte cité se meirentes mains du Roy : mais ceulx de la ville, qui est distincte, separée, & fortifiée cōtre ladicte cité, ne sy voulurent point mettre. parquoy le Roy vint en personne dedans ladicte cité, & feit amener son Artillerie, & mettre le siege contre ladicte ville, qui se rebellerent : car ilz estoient fort obstinez, & estoient parauant ledit siege les habitans d'icelle ville en si grand orgueil, qu'ilz ne leur sembloit point que nul homme viuāt leur eust peu nuire : & durant iceluy siege disoyent les habitans d'Arras, nuyt & iour, plusieurs blasphemés & folles parolles diffamatoires des François : nonobstant lesquelles choses le Roy, qui estoit Debonnaire, & ne vouloit iamais effusion de sang, combien que s'il eust voulu lascher la main, à ses gens de guerre, ilz eussent prins en vne matinée icelle ville, toutesfois il les voulut auoir par douceur, & en enuoya querir aucuns dedans ladicte ville, avec lesquels il parlamēta, & fut fait appoinctemēt qu'icelle ville seroit mise es mains du Roy : & que tous habitans feroient le serment, pourueu que le Roy ne mettroit dedans icelle ville nulles gens de guerre. Apres ledit appoinctement conclud entrerent de par le Roy en icelle ville, monseigneur le Cardinal de Bourbon, Archeuesque de Lyon, qui tenoit l'Abbaye de saint Vast de ladicte ville d'Arras, en commande, monseigneur le Chancelier, messire Guyot Pot, Cheualier, messire Philippe de Creuecœur, seigneur d'Esquerdes, moult bon Cheualier, qui du uant du Duc de Bourgogne estoit Gouverneur de ladicte ville d'Arras (lequel, comme loyal & bien aduisé, s'estoit retiré au party & obeissance du Roy, comme faire le deuoir) pour par eulx prédre, & receuoir les sermens des habitans d'icelle ville : & eulx estans dedans ladicte ville, ainsi qu'ilz estoient à table en ladicte Abbaye de saint Vast d'Arras, aucuns mutins d'icelle ville, s'assemblerent en grand nombre & tumulte, & vindrent armez & embaronnez dedans ladicte Abbaye, crians Tuez, Tuez : dont les dessusdictz furent fort espouuentez, & non sans cause. Toutesfois aucunes gens d'entendement de ladicte ville, qui estoient avec eulx, les appaiserent par douces parolles, tellement qu'ilz se departirent, & s'en allerent chacun en leurs maisons, & feirent lesdictz habitans le serment au Roy. puis lesdictz deputez s'en sortirent d'icelle ville : & tantost apres le Roy s'en partit de ladicte cité, & s'en alla en la cité de Thierouenne, laquelle s'estoit (tantost apres le trespas du Duc de Bourgogne) volontairemēt mise es mains du Roy : & en icelle cité feit le Roy sa feste de Pasques, & laissa en ladicte cité d'Arras, pour la garder, monseigneur l'Admiral & autres Capitaines.

Obstination  
de ceulx de  
la ville d'Ar  
ras.

La ville  
d'Arras se  
meirent l'o-  
beissance du  
Roy.

Comin, dit  
des Cordes.

*De la prinse de Hesdin.*

L'an m. cccc.  
lxxvii.



V commencement du mois de May, l'an mil quatre cens septante & sept, par le moyen de messire Philippe de Creuecœur, seigneur d'Esquerdes, le Roy trouua façon d'auoir la ville de Hesdin : & apres que ses gens y furent entrez, il alla en personne en ladicte ville, & feit sommer ceulx qui estoient dedans le chasteau pour la Comtesse de Flandres, de luy rendre & mettre la place en ses mains. ce que de prime face ilz reffuserēt faire : & ceste cause le Roy feit mettre le siege deuant, & par diuers costez feit battre la muraille, & principalement à l'endroit du portail du costé de la ville, & y eut grand baterie toute vne matinée. Et voyans ceulx qui estoient dedans, comme ilz estoient chacez de pres, & que ia leurs deffences, auant murs, & canonnières estoient acrauantées & rompues, tellement qu'ilz ne s'osoyent plus bonnement tenir sur la muraille, ne dedans les tours,



plusieurs grands personages prisonniers: & entre autres Anthoine & Baudoyne, freres Ba-  
les iours, vn ieune Escuyer, nommé Raoul de l'Aunoy, qui estoit dedas, demâda seureté pour  
parlamente. qui luy fut oëtroyée, & vint & se monstra à vne des fortresses pres le portail, &  
a sa contenance se monstra bien vallant homme de guerre, combien qu'il fust lettré & gradué,  
& auoit vn corsët vestu, & les bras armez de coste de maille, & estoit tout noir, & barboillé de  
sueur & de pouldre, pour le trauail qu'il auoit prins la nuyt & le iour. A sa cōtenāce, & au rap-  
port que de luy fut faict, le Roy print plaisir au personnage: & quand il eut parlé assez longue-  
ment au Roy, & fait son rapport à ceulx qui estoient dedans, fut faicte composition que ladi-  
cte place seroit baillée es mains du Roy, les corps & biens de ceulx, qui estoient dedans, sauf.  
Après ladicte composition le Roy retint à son seruice ledict Raoul de l'Aunoy, & luy donna  
gages & pension honnestes pour son entretenement. puis tost après luy donna vne chaine, en  
laquelle auoit vingt chiasnōs, poysant chacun chaisnon cent escus d'or fin: & depuis luy feit  
d'autres grands biens. aussi il fest tousiours porté hōnestement en son seruice, sans aucunemēt  
varier. Après la prinse de Hesdin le Roy alla à Mōstereul sur la mer, qui long temps auoit esté  
en son obeissance, puis s'en alla à Boulongne sur la mer: & feit sommer ceulx de la haulte ville  
& chastel de luy faire ouuerture & obeissance. ce qu'ilz ne voulurent faire: & à ceste cause le  
Roy y feit mettre le siege, & fort tirer de son Artillerie, tellement que ceulx de dedans furent  
contrainctz de bailler ladicte place, & eurent leurs corps & biens sauues.

*Messire Raoul de l'Aunoy fut cause de faire redre la uille de Hesdin au Roy.*

*Comment le Roy feit hommage de la ville de Boulongne à la glorieuse vierge Marie, d'un cœur d'or fin, poysant deux mil escus.*



Pres la composition faicte, le Roy entra en icelle ville de Boulongne, qui appar-  
tenoit à messire Bertrand de la Tour, Comte d'Auuergne: & declaira que pour  
le bien & seureté de la chose publicque de son royaume, il vouloit mettre ladicte  
place en ses mains, moyennant recompensation suffisante qu'il en bailleroit au-  
dict Comte, ainsi qu'il à depuis fait. Et combiē que ladicte Comté & Seigneurie  
de Boulongne fust parauant tenue en feage de la Comté d'Artois, le Roy qui a celle heure en  
deuint nouveau Seigneur, en feit hōmage, desceint, & à genoulx, à la glorieuse vierge Marie,  
reuerée en l'eglise & Abbaye dudit lieu, present l'Abbé d'icelle Abbaye: & pour droit & de-  
voir donna & feit mettre deuant ladicte image vn cœur d'or fin, poysant deux mil escus d'or:  
& ordōna que deslors en auant luy, & ses successeurs Roys de France, tiendroyent ladicte Cō-  
té de Boulongne de la glorieuse vierge Marie: & en faisant hommage deuant son image en i-  
celle eglise, & à chacune mutation de vassal, payeroyent vn cœur d'or fin, dudit poix de deux  
mil escus d'or. Puis fonda vne messe perpetuelle en ladicte eglise, & vne autre en l'eglise saint  
Martin, hors les murs d'icelle ville, pour recognoissance de la victoire que Dieu luy auoit dō-  
née: & ce faict, s'en retourna audit lieu de Hesdin.

*Boulongne sur la mer tenue en hōmage de la glorieuse vierge Marie.*

*Comment ceulx d'Arras estoient mal contents d'estre en l'obeissance du Roy, & comme ilz cuyderent aller en Ambassade deuers la Comtesse de Flandres, pour auoir secours.*



Endant ce que le Roy feit ledict voyage, ceulx de la ville d'Arras, qui estoient ob-  
stinez en leur folleie, & leur desplaioit d'estre es mains du Roy, qui les y auoit con-  
trainctz, delibererent d'enuoyer les aucuns d'eulx deuers la Comtesse de Flandres,  
à ce qu'elle leur enuoyast gens pour eulx remettre en ses mains: & faignirent les  
deleguez de vouloir aller deuers le Roy en Ambassade, pour aucunes requestes qu'ilz vou-  
loyēt faire. Si se meirent à chemin: mais les gens du Roy, qui furent aduertis de leur trahyson,  
& qu'ilz ne prenoient point le chemin pour aller deuers le Roy, les prindrent en chemin, &  
les amenerent tous prisonniers à Hesdin, & estoient en nombre vingtdeux ou vingt & trois,  
de ladicte charge: & quād ilz furent là ilz furent mis es mains du Preuost des Mareschaulx de  
France, qui feit leur proces, & en feit decapiter iusques à dixhuyt: & tous l'eussent esté: mais  
à l'heure qu'on les decapitoit ledict Roy arriua en ladicte ville, & feit cesser l'execution, & de-  
manda combien il en restoit: & entre autres il demanda si vn nommé maistre Oudart de Buf-  
sy, estoit decapité, & on luy dist qu'ouy, & que tous les corps des mors estoient ia enterrez &  
iectez en vne fosse. Il commanda qu'on trouuast & deterrast la teste dudit de Buffy. ce qui fut  
faict: & feit dresser vn hault cheuron au milieu du marché, & sur iceluy feit attacher ladicte te-  
ste reuestue d'un Chaperō rouge, fourée de menu vert, faict à la maniere d'un des Cōseilliers,  
de Parlement. Iceluy de Buffy, estoit natif de la ville de Paris, mais il estoit marié, & habitué

*Des mutins & obstinez de la uille d'Arras, qui furent decapitez à Hesdin.*

en ladicte ville d'Arras: & pource qu'il estoit homme subtil, le Roy l'auoit voulu attirer à luy, & luy faire de grands biens, & luy offrir donner l'Office de Conseillier en son Parlement, qui lors vaqua: mais il festoit mis en vne folle & obstination telle qu'il ne la voulut accepter: & depuis, quand ceulx de ladicte ville d'Arras, eurent fait le serment au Roy, il luy auoit donné l'Office de Maistre de ses comptes, & fait d'autres grands biens: de tous lesquelz ledict de Bussy ne tint compte, & perseuera en son obstination, dont luy print mal, comme il deuoit. Apres ces choses le Roy fut aduertie que ceulx de ladicte ville d'Arras auoyent enuoyé deuers ladicte Comtesse de Flâdres, pour auoir gens: laquelle leur en enuoya vne grand' cōpaignie: mais les Chefz de guerre, qui estoient en ladicte cité, allerent au deuant, & les rencontrèrent, & frapperent sur eulx, & les desconfirent, & y en eut bien quatre cens de mors, & enuiron.ccc. prins prisonniers. les autres se sauuerent par fuyte dedans Douay. Lesdictz prisonniers furent amenez en ladicte cité d'Arras, & fut dict qu'ilz seroyent tous decapitez: & fut ladicte executiō encommencée, & y en eut bien quatre vingtz decapitez. Le Roy s'en partit de Hesdin pour venir audict Arras: & ainsi qu'il arriuoit on faisoit ladicte execution: mais il la fit cesser, & fut ce qui en restoit mis à legiere rançon. Quand les habitans de ladicte ville veirent le Roy venir, ilz bouterent le feu en aucuns de leurs faulxbourgz, du costé dont il venoit: car ilz auoyent parauant tous bruslez les autres faulxbourgz, qui estoient fort beaulx, & y auoit plusieurs belles eglises: c'est à sçauoir les quatre Ordres des Mendiens, & vne de Nonnains, & autres eglises. Le Roy entra dedans la cité, & fit mettre deux sieges: l'un au deuant de la cité cōtre la ville ou il estoit en personne: l'autre dehors ladicte cité, duquel auoit la charge monseigneur l'Admiral: & fit dresser son Artillerie, & fort longuement tirer contre ladicte ville, tellement que les habitans, qui moult estoient obstinez, veirent bien qu'ilz ne pouoyent plus resister: si se rendirent par cōposition, & baillerent la ville es mains du Roy, leurs corps, & leurs biens saufz. La muraille de ladicte ville auoit du costé de la cité esté tellement batue que le Roy entra tout à cheual par dessus la muraille demolie, en signe de victoire: & fut aucuns iours dedans ladicte ville, pour donner ordre au faict de sa guerre, & fit fortifier & refaire les murailles abatues: mais il changea l'ancienne fortification: car parauant la ville estoit fortifiée cōtre ladicte cité, & il fit muer & mettre la fortification & pont leuis du costé de ladicte cité cōtre ladicte ville: & ordonna faire deux chasteaulx pour la garder: l'un au dedans de ladicte ville, ayant yssue sur les champs du costé deuers Douay, & l'autre au dedans de la cité: lesquelz chasteaulx ont depuis esté faictz, & y eut bonnes & grandes gardes. Ce faict le Roy s'en vint en pelerinage à nostre Dame de la Victoire, pres Senlis, pour rendre grace à la bonne Dame, de la victoire qu'il auoit eue: & la luy vindrent nouuelles que les Flamens festoyent assemblez, & auoyent grand' armée, & se vouloyent mettre sur les champs pour courir sus à ses subiectz. Si fit hastiement assembler ses gens de guerre, & crier son arriereban. Puis s'en tira à Peronne, & de là à Cambray, ou les habitans de ladicte ville, sachans qu'ilz n'estoyent pas puissans pour resister contre luy, le meirent dedans la ville par composition: & pour soustenir les fraiz de sa guerre luy presterent quarante mil escus: lesquelz toutesfois il leur a depuis fait rendre contant: & fit marcher son armée dedans le pays de Henault, & s'en alla à Quesnoy le Comte. puis alla mettre le siege deuant vne petite ville, nommée Condé, que tenoyent les Flamens, entre Tournay & Valenciennes, & gardoyent que les François ne pouoyent aduancer ladicte ville de Tournay, & fut prinse la ville de Condé: & pource qu'il y eust conuenu auoir trop grand' garde de gēs, par ce qu'elle estoit au meillieu des terres de la Cōtesse, le Roy fut conseillé la faire brusler & desmolir, pour euitier au plus grand inconuenient. Les gens du Roy feirent plusieurs courses vers Mons, & autres villes de Henault, & moult greuerent les pays rebelles. En celle saison messire Jehā de Chaalon, Prince d'Orenge, auquel le Roy auoit au commencement baillé la charge & garde des pays de Bourgongne, fut courroucé de ce que le Roy l'en deschargea, & en bailla la charge au seigneur de Craon: & à ceste cause se tourna du party de la Comtesse de Flâdres: & luy, & vn Cheualier, nommé Claude de Vauldray feirent diuertir plusieurs des villes dudit pays, & feirent forte guerre contre les gens du Roy: qui vn iour furent aduertis que ledict Prince estoit en vne petite ville nommée Gy. Ledict seigneur de Craon y vint avec son armée, & y mit le siege. Le seigneur de Chauerguyon, oncle dudit Prince, assemblea plusieurs gens de guerre, pour le venir secourir. Le Seigneur de Craon le sceut, qui s'alla mettre au deuant, & s'assemblerent à combattre, & y eut grand' baterie, & y mourut bien quinze ou seize hommes, des plus gens de bien de la cōpaignie desdictz Bourgongnons: & fut ledict de Chauerguyon prins prisonnier & plusieurs autres, & y payerent de grand' rançon.

*De la ville d'Arras, qui se rendit en l'obeissance du Roy, apres qu'il l'eut bien batue d'artillerie.*

*Claude de Vauldray estoit du party des Bourgongnons cōtre le Roy.*

Comment

*Comment messire Iaques d' Armignac, Duc de Nemours, & Comte de la Marche, fut decapité aux Halles de Paris.*



Le vingtquatrieme iour d'Aoust, audiēt an mil quatre cens septante sept messire Iaques d' Armignac, Duc de Nemours, & Comte de la Marche, qui des l'année precedente auoit esté constitué prisonnier, pour aucuns cas, fut condāné à estre decapité aux Halles de Paris: & apres l'execution faicte fut son corps porté enterrer en l'eglise des Cordeliers de Paris, & fut lediēt de Nemours fort plainēt par le peuple. Audiēt moys d'Aoust le Roy, qui estoit es marches de Picardie, alla à Therouenne, & fut aduertty que les Flamens estoient en armes sur les champs en grand nombre, & festoyent venuz parquer en vn lieu appelé le Blancfossé: si les enuoya assaillir, mais ilz en furent aduertis, & se leuerent: toutesfois à l'arriuée en fut tué biē deux mil. Puis les gēs du Roy se meirent à la fuyte apres eulx, & les chacerent de pres, & par les chemins en tuèrent bien autre deux mil, bien huyēt lieues dedans le pays de Flandres: & en eulx retournant ilz passerent au mont du Cassel, & autres places qu'ilz raserent & destruisirent. Apres ces choses le Roy donna ordre à la garde des pays de Picardie, & meit ses garnisons es frontieres de Flandres, & y laissa son Lieutenant general monseigneur le Bastard de Bourbon, Admiral de France, qui estoit vn vaillant, loyal & sage Cheualier: Puis s'en vint rendre graces à nostre Dame de la victoire près Senlis, & s'en vint à saint Denis, ou il fut le iour de la feste du diēt saint Denis, & feit grace, & deliura tous les prisonniers qui estoient en ses prisons à Paris. Puis s'en alla au pays de Touraine, pour faire son yuer, soy reposer. En ce tēps les Seigneurs de Flādr̄s, voyans qu'ilz n'auoyent point de Chef pour la cōduicte de leur guerre & de leurs affaires, traictèrent le mariage de leur Comtesse, fille de feu Charles Duc de Bourgogne, avec Maximilian, Duc d'Austriche, filz de Federic, Empereur d'Allemaigne.

*L'an mil  
cccc.lxxvij.  
De l'occision  
des Flamens,  
à Blācfossē.*

En celle année aduint que le Roy Edouard d'Angleterre, fut aduertty d'aucunes entrepr̄ses que le Duc de Clarence, son frere, auoit faictes contre luy: si le feit prendre, & fut condamné à estre trainé sur la fosse de Londres, iusques au gibet de ladiēte ville & la ouuert, & ses entrailles iectées en vn feu & brullées, & puis auoir la teste, & les quatre membres coppez: mais à la requeste de la mere desdiēt Roy & Duc, ladiēte sentence fut muée, & fut lediēt Edouard cōtent que lediēt Duc de Clarence esleust telle mort de laquelle il voudroit mourir. si dist qu'il vouloit mourir en maluoisie: & apres qu'il fut confessé il fut iecté la teste la premiere dedans vne pipe de maluoisie deffoncée par vn bout, & ainsi mourut.

*De l'ocision  
du Duc de  
Clarence q  
esleut à mourir  
dedans  
une pipe de  
maluoisie.*

Au moys de Mars, audiēt an, apres que l'yuer fut passé, le Roy, pour paracheuer sa guerre, de Flandres, partit de Touraine, & vint à Paris. Puis s'en tira à Senlis, à Amyens, de là à Hedin, & autres villes de Picardie, & vindrent deuers luy aucuns Ambassadeurs d'Angleterre, pour certains differens qui estoient entre les deux Roys:

*Des Ambassadeurs de par le Duc Maximilian, & sa femme, & les gens du pays de Flandres, qui vindrent au Roy de France, pour traicter appoinctement.*



Pres la feste de Pasques, en l'année mil quatre cens septante huyēt, vindrent deuers le Roy, qui estoit à Arras, es marches de Picardie, aucunes Ambassades de par le Duc Maximilian, sa femme, & les gens du pays de Flandres, pour traicter d'appoinctement: & aussi y alla vn Legat du Pape, qui feit remonstrance au Roy & audiēt Duc d'Austriche, & Flamens, des grands maux que faisoient les Turcs & infideles à la Chrestienté, les admonnestant de faire paix ensemble, & aller ayder à faire guerre contre lesdiēt Turcz: mais il ne peut trouuer appoinctement, combien qu'il ne tint pas à la partie du Roy: lequel, pour y paruenir, feit retirer ses gens des villes de Cambray, Quesnoy le Côte, & autres qu'il auoit parauāt à grāds fraiz mises en ses maīs. Pour raison desquelles choses ne fut gueres fait au voyage de Picardie, celle année, fors seulement qu'il fut prinse vne trefue iusques à l'année ensuyuant, soubz esperance d'appoinctement, & s'en retourna. Au moys de Iuin, audiēt an, les gēs de l'armée que le Roy auoit enuoyée es marches de Bourgogne, & de la cōduicte d'icelle baillé la charge & fait Gouverneur messire Charles d'Amboysē, Seigneur de Chaumont, reduysirēt es mains du Roy plusieurs villes & places en iceulx pays, lesquelles parauāt festoyēt remises es mains du Duc & Duchesse d'Austriche, & entre autres Verdun, Montsancon, Sennier de Lanxois, Chastillō sur Seine, Bar sur Seine, & autres. Puis allerent deuant la ville de Beaulne, & y meirēt le siege, & y furent aucuns iours, & y

*L'an m. cccē.  
lxxvij.*

feirent fort battre ladicte ville, tellement que ceulx de la ville vindrent à appoinctemēt, & leur fut faicte composition qu'ilz auroient leurs corps & biens saulz, pourueu qu'ilz payeroyent quarante mil escus: & les gens de guerre, qui estoient dedans, s'en allerent franchement ou ilz voulurēt. Enuiron le moys d'Aoust, le Roy, qui estoit esdictes marches de Picardie, octroya trefues audiēt Duc d'Autriche, iusques à l'année ensuyuāt, soubz esperance d'appoinctemēt, & s'en vint à Senlis, à nostre Dame de la Victoire, & dōna à ladicte eglise deux mil liures tournois, pour faire des lampes d'argent, pour pendre deuant l'ymage de nostre Dame en icelle eglise: & ordonna la chasse de monseigneur saint Fiacre, qui est aupres de Meaulx, estre toute couuerte d'argēt. Puis s'en alla en Touraine, & alla saluer le corps monseigneur saint Martin, auquel il auoit tousiours eu singuliere deuotion, & ordonna que les treilliz de fer, qui estoient autour & pour la deffence & seurte de la chasse, ou ledict corps saint estoit, fussent ostez & refraictz tout d'argent macif, qui fut faict en brief temps tout de pareille façon qu'estoit cestuy de fer qui y estoit, & pesoit ledict treilliz six mil sept cens septante & sept marcs, deux onces vn gros, qui cousta à raison d'vnze liures tournois, pour marc, argent & façon.

De la chasse  
saint Fiacre,  
du treil  
liz saint Mar  
tin de Tours.

Le treilliz  
de S. Mar  
tin de Tours,  
fait d'argēt

En celle année le Roy, aduertý de la grande euacuation des finances de son royaume, qui se portoyēt en court de Romme, pour le vacāt des Prelatures, & autres Benefices, & pour les fraiz & propines qu'il conuient faire pour ladicte cause, pour y donner la prouision selon & en ensuyuant les saintz Decretz, & Pragmatique Xañtion, feit assembler grand' partie des Prelatz de son royaume en la ville d'Orleans: lesqueuz sy trouuerent, & furent assemblez plusieurs iournées, mais peu ou riens n'y fut conclud qui fortist effect. Aussi en celle année furent confermées les anciennes alliances des royaumes de France, & d'Espaigne, & par l'ordonnance du Roy furent publiées.

*Comment ceulx de Cambray se meirent en l'obeissance du Duc d'Autriche: & comment le Roy enuoya son armée es pays de Bourgogne.*

L'an mil  
cc. lxxix.

**E**N l'année mil. cccc. lxxix. apres les Pasques, les habitans de la ville de Cambray, qui par la trefue prinse l'année precedente deuoyent estre neutres, se meirent en l'obeissance du Duc d'Autriche, & chacerent dehors les gens du Roy, qui estoient dedans ledict chastel. puis allerent assieger la place de Bohain, & la prirent auant que la trefue fust faillie, dont le Roy fut fort mal content desdictz de Cambray. Si feit le Roy, qui auoit grand desir de reduire à luy le pays de Bourgogne, mettre sus son armée & mener son Artillerie es marches de Bourgogne deuers Nācy. Charles d'Amboise, qui la estoit son Lieutenant, alla mettre le siege deuant vne forte place, nommée Rochefort, qui fut prinse d'assault. Puis alla deuant la ville de Dole, & y mit le siege, qui y fut aucuns iours: durant lequel siege les murailles furent fort batues d'Artillerie, & tellement que l'assault y fut donné, & fut prinse ladicte ville & ceulx de dedans tuez: puis fut icelle ville bruslée & destruite. De ce vindrent nouuelles au Roy, qui estoit à Montagu, lequel se mit à chemin, & s'en alla à nostre Dame de la Victoire, pres Sēlis, faire sa deuotion. Puis s'en tita deuers Champaigne, pour aller es marches dudiēt pays de Bourgogne, & alla iusques à Dyion: à cause de quoy plusieurs des villes & lieux dudiēt pays, qui s'estoyent parauant rebellez, se reduirent en ses mains & obeissance. Apres ce voyage s'en retourna le Roy en Gastinois, ou il fut vne espace de temps à soy esbatre, & chacer, & puis s'en vint en Touraine.

La ville de  
Dole fut pri  
se d'assault  
par les Fran  
coys.

De la ba  
taille de Gui  
negathe,  
pres Therou  
enne.

Au moys d'Aoust, audiēt an, le Duc d'Autriche, & le Comte de Romont en sa compaignie, & grand nombre de Flamens, qu'on estimoit bien soixante mil combatans, se vindrent parquer en vn village, nommé Guinegathe, entre Therouenne & Aire, à vne lieue pres dudiēt Therouenne, ou estoient les gens du Roy, & feirent plusieurs courses & assaulx deuant icelle ville, qui fut vaillamment deffendue par les gens d'armes, qui estoient de la compaignie de monseigneur le Duc de Bourbō, & autres qui estoient dedans icelle ville: & ce sachans les Capitaines & gens d'armes du Roy qui estoient à Arras, Bethune, & autres villes audiēt pays de Picardie, s'assemblerēt vn iour audiēt lieu de Therouenne, de l'ordonnance du Seigneur d'Esquerdes, Lieutenant general du Roy audiēt pays de Picardie, & faillirent aux champs pour combattre lesdictz Flamens, & donnerent vaillamment & hardiment sur eulx, tellement qu'ilz meirent en desarroy l'auantgarde dudiēt Duc d'Autriche. Au moyen de quoy tous ceulx de son armée se meirent en fuyte, & mesmement ledict Duc d'Autriche, & se retirerent dedans ladicte ville d'Aire: & furēt tuez, tāt sur le champ qu'à la fuyte, plusieurs desdictz Flamens, qu'on estimoit bien d'vnze à douze mil hommes, & furent suyuis iusques dedans les portes d'Aire, & furēt prins prisonniers plusieurs grands personnages: & entre autres le filz du Roy de Poullaine, qui estoit en la compaignie dudiēt Duc d'Autriche, & vn autre grand Comte, Allemāt, qu'on

qu'on disoit estre son grand mignon. Toutesfois pource que les gens du Roy, mesmement les francs Archiers s'amuserēt au pillage, & à despouiller les mors, ledict Comte de Romont, qui ce apperceut, r'allia vn grand nombre de Piquiers desdictz Flamēz, & retourna tout court sur lesdictz francs Archiers, & y en eut plusieurs de tuez : & y furēt tuez Iehan le Beauuoyſien, vn vaillant & bon Capitaine des gens du Roy, & Ouaste de Montespēdoz, Bailly de Rouen, & autres. Enuiron celle saison furent prins sur la mer par les mariniers du Roy, dont auoit la conduyte vn nommé Coulon, Viç'admiral, bien quatre vingtz nauires des pays de Flandres, qui estoient chargez de Harens & autres marchandises, & y gaignerent ledict Coulon & ses gens de grands richesses & biens. Tantoſt apres la rencontre de Guinegathe, le Duc d'Autriche assembla ses gēs, & alla mettre le ſiege deuant vne place, appelée Mallaunay, dont auoit la garde pour le Roy vn appelé le Capdet Roymonner : & fut fort batue ladiete place d'Artillerie, & vaillamment deffendue par ceulx de dedans, & tuerent plusieurs des gens dudit Duc d'Autriche : toutesfois ilz ne peurent reſiſter à ſi grand' puiſſance. Si commença à parlameter ledict Capdet, & à ſeureté ſortit de la place : & ainſi qu'il ſortoit, lesdictz gens du Duc d'Autriche entrerent en icelle place, & tuerent ceulx qui y estoient : & ledict Capdet fut mené en la preſence dudit Duc d'Autriche : lequel, combien que ſeureté luy euſt eſté donnée, toutesfois le ſeint pēdre : dont le Roy fut moult courroucé quand il le ſeut : & en vengeance de ce, ſeint pēdre plusieurs priſonniers des plus gens de bien de ceulx qui auoyent eſté prins, tenans le party dudit Duc : & enuoya bien huyt cens lances faire vne courſe en la Comté de Flādes, & autres pays d'iceluy Duc, pour faire le gaſt, & y feirent de grands dommages.

*Du pillage  
que feurent les  
francs Archiers  
à Guinegathe, dont  
mal leur en  
print.*

*Comment le Roy d'Angleterre enuoya Ambassade deuers le Roy de France, & auſſi comment le Pape y enuoya le Cardinal de ſainct Pierre ad Vincula, Legat en France.*



An mil quatre cens quatre vingtz, le Roy eſtant au pays de Touraine, vindrēt deuers luy aucunes Ambaſſades d'Angleterre, pour pacifier aucuns differens qui estoient entre les Roys de France & d'Angleterre : auſquelz le Roy ſeint brieue reſponce, par ce qu'on diſoit qu'ilz ſe vouloyent entremettre de la queſtion du Roy & dudit Duc d'Autriche, & les renuoya, & leur ſeint faire de grāds dons.

*L'an m.cccc.  
iiii.vingtz.  
De la uenue  
du Cardinal  
petri ad Vincula,  
en France.*

Tantoſt apres vint ſemblablement en France, de par le Pape, le Cardinal de ſainct Pierre ad Vincula, Legat en France, auſquel le Roy ſeint faire bon recueil : & quād il vint à Paris, les Proceſſions, gēs d'Egliſe, Nobles, les Courts de Parlement, Chābre des Cōptes, Chaſtelet, & l'Hoſtel de la ville, allerent tous au deuant : & furent toutes les rues par ou il paſſoit tēdues de tapifferie : & fut la cauſe de ſa venue pour admonneſter le Roy, & le Duc d'Autriche, de faire paix enſemble, & d'aller faire ayde à la Creſtienté, que les Turcz perſecutoient. A quoy le Roy ſeint reſponce qu'il eſtoit preſt d'entendre à tout bon appoinctement. puis ledict Legat tira à Peronne, & es marches de Picardie, & ſeint ſçauoir ſa venue audit Duc d'Autriche & aux Flamens : mais ilz ne luy voulurent donner entrée en leurs pays : & par ce qu'il n'y peut auoir acces, il ſ'en retourna à Paris, ſans riens faire. Puis alla iuſques à Orleans, & la ſeint iourner aucun tēps : pendant lequel le Roy ſeint à ſa pourſuyte & requēſte, deliurer maistre Iehan Balue, Cardinal, qui long temps auoit eſté detenu priſonnier pour aucunes machinations qu'on diſoit par luy auoir eſté conſpirées contre la perſonne du Roy, à la requēſte du feu Duc Charles de Bourgongne. Pendant leſquelles choſes, le Roy ſeint au pays de Touraine la pluſpart du temps iuſques apres Noel, qu'il ſ'en alla à Poitiers, & de la retourna à Chinon : & ſeint abatre tous les francs Archiers de ſon royaume, par ce qu'on diſoit qu'ilz faiſoyent pluſieurs griefz au peuple : & delibera d'en lieu d'eulx ſoy ſeruir au ſaict de ſes guerres de gens eſtrangers : c'eſt à ſçauoir des Suyſſes : & en enuoya querir trois mil hōmes, des plus beaux & eſleuz qui fuſſent au pays : leſquelz il entretint touſiours continuellement à gāges, & ſi faiſoit dōner chacun an pluſieurs ſommes de deniers aux Seigneurs & communautēz des citez, Cantons & villes dudit pays de Suyſſe : affin qu'ilz ne ſouffriſſent point que le Duc d'Autriche, n'attres, en tiraſſent aucunes gens, pour faire guerre contre luy.

*Du Cardinal  
Balue, q. fut  
deliuré de  
priſon.*

*Commence-  
ment des Suif  
ſes en France,  
& abolition  
des frācs Archiers.*

*Comment le Roy fut malade.*



En celle année print au Roy, luy eſtant en Touraine, vne maladie, de laquelle il fut grieuſement malade, & telle fois fut qu'on cuidoit qu'il mouruſt : mais par la grace de Dieu, & par l'interceſſion de la glorieuſe vierge Marie, à laquelle il auoit ſa ſinguliere conſiance & recours en tous ſes affaires, & auſſi de monſeigneur S. Claude, auſquel il ſe voua, & promētoit aller viſiter ſon egiſe, ou giſt & reſoſe ſon ſainct corps, il reuint à

T



## LES CRONIQVES ET ANNALES DE FRANCE

conualefcence. Toutesfois il en fut depuis ce temps toufiours plus lasche, & foible iufques à fa mort: & deuers luy vindrent aucuns Ambaffadeurs de Flandres, aufquelz il prorogeta trefues d'un an, foubz efpérance d'appoinctement final qu'ilz requeroient.

### *Comment le Roy feit faire vn beau & grand Camp de guerre.*

L'an mil  
quatre cens  
quatre xx.  
& un.



Du beau  
ParcouCâp  
de guerre q  
fut tédue  
preparé  
pres le Pont  
de l'Arche.

Du peleri-  
nage durt  
Loys, à s.  
Claude.

EN l'année mil quatre cens quatre vingtz & vn le Roy feit faire & preparer vn beau & grâd Camp de guerre, pour tenir les châps, tout enuironné de deffences de boys, & feit faire plusieurs tentes & pauillons, pour loger les gens de guerre, & s'en ayder en temps & lieu, quand befoing en seroit, & le voulut veoir tendu & préparé, pour ſçauoir quel nombre de gens & d'Artillerie y feroit befoing, & auffi quelle quantité de viures conuiendroit par moys, pour l'entretienement desdictz gens qui seroyent en iceluy Parc. Et à ce qu'il en fust bruyt & renommée, tant en Angleterre qu'en Flandres, & ailleurs, il ordonna faire dresser ledict Camp aupres de la ville du Pont de l'Arche. Si se partit du pays de Touraine ou il estoit, & s'en alla en pelerinage à nostre Dame de Chartres, & de la audiēt lieu du Pōt de l'Arche, ou pres d'illec auoit esté dressé ledict Camp, & tout foſſoyé à l'entour, & tendues lesdictes têtes & pauillons, qui faisoit beau veoir: & y auoit fait venir le Roy plusieurs des gēs de guerre de son ordonnance, & cōme on diſoit y en auoit bien de xij. à xiiij. c. lances: & auffi y auoit huyēt mil hommes de guerre, gēs de pied, ayans chacun vne pique ou hallebarde, lesquelz ledict Seigneur auoit nouuellement fait mettre sus en armes, pour la garde & deffence dudiēt Cāp: & d'iceulx bailla la charge à meſſire Philippe de Creuecoeur, Seigneur d'Esquerdes. En celle année, pource que les gens de guerre du Duc d'Auſtriche feirent aucunes entreprinſes ſur les gens du Roy, es marches de Picardie, & rompirent les trefues, lesdictz gens de guerre d'un party & d'autre recommencerent à faire la guerre guerroyable: qui fut bien eſtrange & cruelle: car nulz n'eſtoyēt prins à rançon, & faiſoyent pēdre tous ceulx qui eſtoyēt prins priſonniers, ſans nulle remiſſion. Apres ce que le Roy fut retourné de veoir ſon Camp de guerre, il ſen alla à Touars, ou il fut aucun temps: mais pource ne luy amenda de riens ſon mal, & enuoyerent faire ſes offrandes au chief monſeigneur ſainēt Iehan d'Angely, en Xaintonge mes Dames de Bourbon & de Beauieu, ſes ſoeur & fille. Puis ſen partit le Roy, & ſen vint à nostre Dame de Clery, & de la ſe meit en chemin ſur la riuere de Loyre, pour aller faire ſon voyage à monſeigneur ſainēt Claude, ou il feſtoit voué, & y alla à bien grand traual de ſa perſonne: car il eſtoit ſouuent malade: & deuant ledict corps ſainēt feit de grands dons & offrandes, & y donna & assigna de grandes rentes & reuenus, en augmentation du Diuin ſeruiſe. Puis ſen retourna par ladiēt riuere de Loyre à nostre Dame de Clery, ou il auoit ſa ſinguliere affection & deuotion, & tant audiēt Clery, qu'à Meun ſur Loyre, qui eſt pres d'illec, ſe tint longuement.

### *De la mort de madame Marie de Bourgongne, Comteſſe de Flandres, & femme dudiēt Duc d'Auſtriche.*

L'an mil  
cccc. quatre  
vingtz &  
deux.



Meſſire Ie-  
han de la  
Vaquerie  
premier Pre-  
ſidēt au Par-  
lement de  
Paris.

EN l'année mil cccc. iij. vingtz & deux alla de vie à trespasſement madame Marie de Bourgongne, Comteſſe de Flandres, femme dudiēt Duc d'Auſtriche: laquelle laiſſa deux enfans, vn filz & vne fille. le filz fut nommé Philippe, qui luy ſucceda à la Comté de Flandres, & autres grâds terres & Seigneuries, & fut pere de l'Empeur, à preſent regnant: & la fille, nōmée Marguerite, fut Roïne de France, qui eſt decedée. Auſſi au moys de May, audiēt an, trespasſa madame Iehanne de France, femme de mōſeigneur Iehan, Duc de Bourbonnoys & d'Auuergne, & fut enterrée en l'eſgliſe nostre Dame de Molins en Bourbonnois. En celle meſme année le Seigneur d'Esquerdes, Lieutenant du Roy, es marches de Picardie, print ſur le Duc d'Auſtriche, & les Flamens, la ville d'Aire: laquelle prinſe eſpouenta fort lesdictz Flamens. Au moyen dequoy ilz furent plus enclins à venir requerer appoinctement avec le Roy: & feirent dresser vne belle & grand' Ambaſſade qu'ilz enuoyerent deuers le Roy, pour requerer & ſupplier d'auoir appoinctement, & de demourer en ſa ſubiection & obeyſſance, ainſi qu'ilz deuoyēt & ſont tenuz. A quoy le Roy de ſa benignité entēdit voluntiers, & delegua ledict Seigneur d'Esquerdes, ſon Lieutenant, & meſſire Iehan de la Vaquerie (lequel il auoit de nouuel fait premier Preſident de Parlement) & pluſieurs autres grands perſonnages, pour traicter & deuifer de ladiēt paix: & furent pour ceſte cauſe par long temps, en la ville d'Arras, les Abbez de ſainēt Bertin, & de ſainēt Pierre de Gand, & autres Ambaſſades dudiēt Duc d'Auſtriche, & du petit Côte de Flandres, ſon filz: & les gens de ſes pays ſy rendirent & aſſemblerent par pluſieurs iournées: & finalement paruindrent

paruindrent à appointement final: p lequel entre autres choses fut traité le mariage de mon- *Le traité en bref du mariage du Roy Charles VIII. & de madame Marguerite de Flandres.*  
 seigneur le Daulphin de France, & de madame Marguerite, fille dudit Duc d'Austriche, & soeur dudit Comte de Flandres: lequel traité & appointement fut confirmé par le Roy & par les Princes, Euesques, & communitez des citez & bonnes villes du royaume: & semblablement fut fait du costé du Duc d'Austriche & des Flamens. Et en faueur dudit mariage fut par les dessusdictz Ambassadeurs d'Austriche & de Flandres, ayans sur ce suffisant pouoir, baillé & transporté pour le partage & lot de madicte dame Marguerite, les Comtez d'Artois, & de Bourgongne, les terres & seigneuries de Masconnois, Auxerrois, Salins, Bar, Sens, & Noyon, pour en iouyr perpetuellement: & sil aduenoit que le petit Comte de Flandres mourust, madicte Dame Marguerite luy succederait à toutes les terres & seigneuries qui apparten-  
 drent à leur mere: & recongnurent lors lesdictz Ambassadeurs le Roy estre souverain en la Comté de Flandres: & fut donnée abolition generale aux subiectz de l'un & de l'autre, & plusieurs autres choses declairées aux lettres sur ce faictes & passées. Audiēt an vn Che-  
 ualier Liegeois, nommé messire Guillaume de la Marche, frere du Sanglier d'Ardenne, ten-  
 dant à faire son filz Euesque du Liege, assembla grand nombre de gens à pied & à cheual, &  
 commença à faire guerre à monseigneur de Bourbon, Euesque de ladicte cité du Liege, &  
 alla mettre le siege iusques aux portes de ladicte cité: & par aucuns trahystres fut ledict Eues-  
 que conseillé sortir aux champs, pour combatre ledict de la Marche, & fut tué iceluy Euesque,  
 dont fut dommage. Auant sa mort il auoit mandé & requis ayde au Duc d'Austriche, & au  
 Prince d'Orenge (lequel Prince auoit espousé sa soeur) lesquels s'estoyent mis à chemin pour  
 l'aller secourir, mais ilz n'y furent pas assez à temps: si entra ledict de la Marche en icelle ville  
 & cité: & depuis furent faictes aucunes entreprinſes par les gēs dudit Duc d'Austriche, pour  
 prendre ledict de la Marche, & tant firent qu'un nommé le Seigneur de Montigny le print,  
 & fut tantost apres decapité.

En celle mesme année le Roy, qui se sentoit affoiblir, à cause de sa maladie, alla au chasteau *De la bone doctrine et eschecquer que le Roy Loys bailla à son filz Charles, auant son trespas.*  
 d'Amboise, auquel estoit nourry monseigneur le Daulphin, son filz, & estoit en l'age de dou-  
 ze à treize ans, & ne l'auoit point veu le Roy depuis sa natiuité: auquel le Roy feit plusieurs  
 belles remonstrances: & entre autres choses luy commanda & ordonna qu'apres son trespas  
 il se gouuernast en tous ses affaires & se conduysist par le conseil de monseigneur Pierre de  
 Bourbon, seigneur de Beauieu, Comte de Clermont & de la Marche, qui auoit espousé mada-  
 me Anne de France, sa fille, soeur dudit Charles: & luy disoit que c'estoit vn bon homme, qui  
 ne le tromperoit point: & luy dist aussi qu'il feist conduyre ses affaires es marches de Picardie,  
 par le seigneur d'Esquetdes, & que c'estoit vn bon & loyal Cheualier, qui l'auoit bien seruy,  
 & luy recommanda plusieurs de ses seruiteurs, & qu'apres sa mort il entretint tous les Offi-  
 ciers qu'il trouueroit en leurs Offices: & apres ces choses dictes, il s'en alla en sa maison du  
 Plessis du Parc, pres Tours, ou il se tint la pluspart du tēps, par ce qu'il estoit souuēt malade, &  
 enuoya querir par tout, tant en son royaume qu'en Italie, & aillieurs, medecins & gens pour  
 le guerir & pour le desennuyer & luy faire passer tēps. Il feit aussi venir de diuers lieux de son  
 royaume, plusieurs ioueurs de diuers instrumens, qui souuent iouoyent en sa court, ou autre  
 lieu, dont il les pouoit ouyr. Au moys d'Auril ensuyuant le Roy Edouard d'Angleterre mou-  
 rut d'une Apoplexie, qui soudainement le surprint.

*Du trespas du Roy Loys, vnxieme du nom.*

**E**N l'année mil quatre cens quatre vingtz & trois, au moys d'Auril, apres Pasques, *L'an mil quatre cens quatre xx. & trois.*  
 le Roy qui se sentoit affoiblir, à cause de sa maladie, desirant la perfection du ma-  
 riage qu'il auoit fait traiter à monseigneur le Daulphin, son filz, avecques ma-  
 dame Marguerite de Flandres, & le traité de paix estre accomply, il feit prepa-  
 rer moult grandement & honnestement monseigneur de Beauieu, & madame  
 Anne de France, sa femme, fille du Roy, & avec eulx les Seigneurs d'Albret, & saint Vallier,  
 & autres plusieurs grands Seigneurs, Barons & Cheualiers, & aussi madame l'Admiralle, &  
 plusieurs autres Dames & Damoyelles, & leur commanda aller en la ville de Hesdin, en la-  
 quelle les Flamens deuoyent amener madicte Dame Marguerite de Flandres: & pour icel-  
 le recevoir se mirent à chemin, & le xix. iour dudit moys arriuerent à Paris, ou ilz furent  
 honorablement receuz: & y feit madicte Dame Anne de France, sa nouuelle & premiere  
 entrée, & crea vn Maistre de chacun mestier, ainsi que les enfans de France ont droit & ac-  
 coustumé de faire d'ancienneté. Puis passerent oultre, & allerent iusques audiēt lieu de Hes-  
 din, auquel lieu vindrent plusieurs grands Seigneurs & Barons, & aussi plusieurs Dames &

La uenue  
de malame  
Marguerite  
de Flandres,  
en la uille de  
Paris.

La s. Ampo  
le fut portée  
au Roy Loys  
au Plessis, lez  
Tours.

Damoysselles, qui amenerent madiete Dame Marguerite, grandement aornée & accompagnée, & la liurerent es mains de mondiēt seigneur de Beauieu, & de madiete Dame sa femme, qui l'amerent, & arriuerent à Paris le second iour de Iuin, ou ilz furent grandement & honnorablement receuz : & pour l'honneur de madiete Dame Marguerite, qu'on appela des lors Daulphine, furent les rues tendues, & faitz plusieurs saintes & personages ioyeux, & fait & crea à son entrée semblablement vn Maistre de chacun mestier en icelle ville, & par toutes les autres villes ou elle passa. Puis s'en partirent de ladiete ville de Paris, & fut madiete Dame la Daulphine menée à Amboise : & au moys de Iuillet, audiēt lieu d'Amboise, le Roy feit faire & solennizer, en face de sainte Eglise, le mariage de mondiēt seigneur le Daulphin, son filz, & de celle Dame Marguerite : & affin que la chose fust solennisée & plubliée, le Roy manda venir & y estre presens aucun nombre des plus notables gens des citez & bonnes villes de son royaume. En celle mesme année, le Roy qui se sentoit affoibly, comme diēt est, pour aucunes imaginations qui luy vindrent à l'entendement, & croy que ce fut plus par deuotion qu'autrement, enuoya querir la sainte Ampole, qui est en l'Eglise & Abbaye de saint Remy de Reims, de laquelle tous les Rous de France ont tousiours esté oingt & sacrez, & laquelle des le temps de Clouis, premier Roy Chrestien, fut enuoyée du ciel, & depuis lequel temps n'est pas memoire qu'elle eust esté transportée d'icelle Abbaye : & aussi enuoya querir les verges de Moyse & Aaron, & le fust de la vraye Croix, appelée la Croix de Victoire, qui pieça fut donnée par l'Empereur & Roy de France Charlemagne (lesquelles estoient en la sainte Chapelle du Palais à Paris) & le tout fait apporter deuers luy en son chastel du Plessis du Parc, lez Tours, & les fait mettre & garder reueremment.

Le trespas  
du Roy Loys  
xi. fut le pen  
ultime iour  
d'Aoust, mil  
ccc. quatre  
vingt &  
trois.

Le Lundy vingtquatrième iour du moys d'Aoust, le Roy, estant en sondict hostel du Plessis, fut fort pressé de sa maladie, & tellement qu'on cuyda par aucune espace de temps la plupart du iour qu'il fust mort, & tel en estoit le cōmun bruyt en ladiete ville de Tours. Plusieurs allerent en diuerses parties du royaume, qui tous disoyent & affermoient de vray qu'il estoit mort, & ainsi le croyoyent : toutesfois nature s'esuertua aucunement en luy, & luy reuint la parole : mais il se trouua si las & trauaillé qu'il congnt bien qu'il ne pouoit point viure longuement. Si enuoya mondiēt seigneur de Beauieu, & madame sa femme, le Comte de Dunois, messire Guyot Por, Cheualier, & autres qu'il sentoit & congnoissoit seables & bons, & leur dist qu'ilz s'en allassent à Amboise, deuers leur nouveau Roy, & que de luy n'estoit plus riens, en leur priant qu'ilz eussent pour recommandée la personne de mondiēt seigneur le Daulphin, & la conduyte de sa personne & de ses affaires, & qu'en eulx il auoit parfaicte fiance : & y allerent : & de ceste heure le Roy fut tousiours malade iusques au Samedi ensuyuant, penultime iour dudiēt moys d'Aoust, mil quatre cens quatre vingtz & trois, qu'il rendit son esprit à Dieu, & mourut Catholique enuiron l'heure de huyt heures du soir, qui estoit le iour saint Fiacre. Si fut son corps ouuert & embaumé ainsi qu'il appartenoit & est accoustumé de faire aux Roys : puis habillé le corps mort d'habit royaulx, & mis sur vn grand liēt de parement, couuert de fleurs de liz, ou il fut le iour de lendemain à la veue d'vn chacun qui le voulut aller veoir. puis apres fut mis en vn fercueil de plomb, & amené en l'Eglise nostre Dame de Clery, qu'il auoit fait faire de nouuel edifice, & en icelle auoit esleu sa sepulture : & furent les obseques & funerailles faites moult honnorablement & en grand solennité ainsi qu'il appartenoit.

*Du trespassement de la Royne Charlotte, femme dudiēt Roy Loys, vnzieme.*



Vdiēt an trespassa au chastel d'Amboise la Royne, Charlotte, veufue dudiēt feu Roy Loys, & mere du Roy Charles huytieme : laquelle auoit esté fille du Duc de Sauoye, & estoit vne moult bonne & sage Dame : le corps de laquelle fut semblablement porté enterrer en ladiete eglise nostre Dame de Clery, apres dudiēt feu Roy Loys, son mary. Dieu par sa sainte grace & misericorde leur vueille, & à tous autres trespassez, pardonner leurs deffaultes. Amen.

Du Roy

*Du Roy Charles, huyctieme du nom.*

**A** Pres le decès dudit Roy Loys, Charles huyctieme de ce nom, son filz vniue, luy succeda en l'aage de treize ans deux moys ou enuiron: toutes fois son couronnement fut differé iusques au moys de Iuin de l'an ensuyuant, qu'il auroit quatorze ans, au moyen de quelque differend qui fut entre le Seigneur de Bourbon, qui estoit Prince de grand' aage, prudent & vertueux, & Loys, Duc d'Orleans, qui ieune estoit, & le plus prochain à succeder à la couronne: lesquelz aspiroyent à la Regence du royaume secrettement: & mesmement ledit Duc d'Orleans, à la persuation du Comte de Dunois, nommé

*Charles  
viii. de ce  
nō fut Roy  
l'ā mil qua-  
tre cēs qua-  
tre vingtz  
& quatre.*

François, filz de Jehan, Bastard d'Orleans, homme de subtil engin & de grand' entreprinse, à la raison de ce que ledit Roy Charles estoit fort ieune & de petite qualite, & par le commandement de son feu pere auoit esté nourry grossièrement, sans vouloir qu'il occupast son facil engin aux lettres ne choses subtiles, doubtant qu'il eust corrompu sa nature qu'il cōgnoissoit debile & delicate, combien que depuis ayma la lecture des liures moraux & historiques en lāgue vulgaire. En attendant son couronnement les Princes du sang, qui auoyent esté tant de fois iniuriez & mesprizez par Oliuier le Dan, Daniel son seruiteur, & Jehan d'Oyac, qui auoyent entierement gouuerné ledit feu Roy Loys, feirent faire informations secretes contre eulx, des homicides, pilleries, concussions, & autres crimes qu'ilz auoyent, soubz l'autorité royale, commis: & les informations veues par la Court de Parlement, furent constituez prisonniers, & leur proces fait peu à peu. De l'autre part messire Guillaume Chauuin, Chācelier de Bretagne, mourut miserablement & en grand' pauvreté au chasteau de l'Hermite, ou le Duc l'auoit fait mettre à la req̃ste de son Thresorier Pierre Lādois, filz d'un Chauffetier de Tours, qui gouuernoit ledit Duc, aussi bien & mieulx q̃ n'auoit iamais fait Oliuier le Dan ledit feu Roy Loys: dont les Barons & Seigneurs de Bretagne ne furent contents, & mesmement le Prince d'Orange, & le Marechal de Rieux, qui lors estoient à Nantes. si delibererent prēdre au corps ledit Landois, quelque part ou ilz le pourroyent trouuer, fust aupres du Duc: & pour ce faire entrerent dedans le chasteau de Nantes, ou ilz se renfermerent, mais n'y trouuerent ledit Landois, qui le soir precedent s'en estoit allé pour son plaisir à sa maison de la Pabotiere, distāt de Nantes d'une lieue, contremont la riuere de Loyre: & voyant le Duc, qui estoit audit chasteau, que lesditz Prince d'Orange, Marechal de Rieux, & autres Seigneurs de leur entreprinse, parloyent à luy autrement qu'ilz n'auoyent accoustumé, & en arrogance, fūt tresesmeu, & ceulx qui gardoyent le chasteau fort esbahys: l'un desquelz saillit sur les murs du chasteau, cryant à haulte voix, A la force, & que les Barons vouloyent tuer le Duc. Le peuple s'esmeut si tresfort q̃ silz eussent peu entrer au chasteau eussent occis lesditz Princes d'Orange, Marechal de Rieux, & autres: lesquelz, pour faire leur paix, furent contrainctz prendre du Duc lettres d'abolition dudit cas, & s'en allerent au pays d'Anjou. Ledit Landois se retira au Duc, qui le mit en sa grace plus que iamais: & rescriuit audit Loys, Duc d'Orleans, que son plaisir fust aller veoir ledit Duc de Bretagne, son cousin germain. Ce qu'il feit, par le cōseil du Comte de Dunois, qui tendoit à le marier avec madame Anne, fille aînée dudit Duc de Bretagne: & arriua à Nantes avec le Duc d'Alençon, au moys d'Auril ensuyuant, mil quatre cens quatre vingtz & quatre, ou ilz furent honorablement receuz par iceluy Duc de Bretagne, & ledit Landois, qui luy faisoit faire tout ce qu'il vouloit: & apres auoir fait bonne chiere ledit Duc se plaignoit ausditz Duc d'Orleans, & d'Alençon, de l'oultrage que lesditz Prince d'Orange, & Marechal de Rieux, luy auoyent fait, les priant qu'ilz luy aydassent à soy venger. ce qu'ilz luy promeirent, en termes generaulx. Puis partirēt pour aller à Reims, au Sacre dudit Roy Charles: & luy sacré & couronné s'en alla faire son entrée à Paris, accompagné desditz Ducz d'Orleans, d'Alençon, & Bourbon, du Seigneur de Beauieu, & de madame son espouse, soeur dudit Roy Charles, & de plusieurs autres Princes. puis furent les trois Estatx assignez à Tours, au moys de Iuillet ensuyuant.

*Emprison-  
nemēt d'O-  
liuier le Da-  
& autres.*

*La mort du  
Chancelier  
de Bretai-  
gne.*

*Le Duc  
d'Orleans  
en Bretai-  
gne.*

*Comment les trois Estatx furent tenuz à Tours: & de ce qui fut ordonné.*

**A** V diēt an mil quatre cens quatre vingtz & quatre, furent les Estatx tenus à Tours, ou se trouuerēt gens deleguez de toutes les villes royales du royaume: les aucūs pour l'Eglise, & les autres pour la Noblesse & Iustice, & les autres pour le Peuple commun: & esditz Estatx furent ordonnées plusieurs viles & necessaires choses: & fut

*L'ā m.cccc.  
quatre xx.  
& quatre.*

Le Duc  
d'Orleans  
alloit au  
Conseil en  
Parlement.

Oliuier  
son serui-  
teur furent  
pendus.  
d'Oyac eut  
les oreilles  
coppées.

Henry vii.  
de ce nō fut  
Roy d'An-  
gleterre par  
le secours  
des François

aduifé, pour oster tout différent, qu'il n'y auroit aucun Regent en France, mais que ladiète Dame de Beauieu, soeur du Roy, qui estoit sage, prudente, & vertueuse, en ensuyuant la volunté du feu Roy Loys, auroit seulement le gouuernement de la personne dudiēt Roy Charles, tant qu'il seroit ainsi ieune. Le Duc d'Orleans, non content de ce q̄ les Estatx auoyēt ordonné que madame de Beauieu auroit le gouuernemēt de la personne du ieune Roy, nonobstant ladiète Ordonnāce se tint long tēps à Paris, alloit au Conseil en Parlemēt, en l'Hostel de la ville, & aillieurs, comme celuy qui vouloit congnoistre & entendre tout ce qu'on y faisoit, dont madame de Beauieu n'estoit contente: & de ce aduertis lesditz Prince d'Oreng, Marechal de Rieux, & autres Barons fugitifz de Bretaigne, se retirerent par deuers ladiète Dame, & s'offrirent au Roy & à elle: dont lediēt Duc d'Orleans fut bien despit. Audiēt temps par Arrest de ladiète court de Parlement Oliuier le Dan, Barbier, tresfamilier dudiēt feu Roy Loys, & son seruiteur Daniel, pour certains crimes, dont furent attainctz & conuaincus, furent par Arrest de la court de Parlement pendus & estranglez au gibet de Paris: & touchant d'Oyac, il eut les oreilles coppées, & la langue percée. L'vn des cas, pour lequel lediēt Oliuier fut ainsi executé, estoit comme vn Gentilhomme par le commandement du Roy fust detenu prisonnier, & sa femme, qui belle & ieune estoit, se fust abandonnée audiēt Oliuier, moyēnant ce qu'il luy promet faire deliurer son mary, le lendemain le feit iecter en vn sac en la riuere, par Daniel, son seruiteur. En ce tēps Henry d'Angleterre, Comte de Richemont, qui parauant auoit esté chacé par Edouard le quart, & festoit retiré au Duc de Bretaigne, qui l'auoit songneusement gardé, par ce q̄ lediēt royaume d'Angleterre luy appartenoit, par le moyen de Pierre Landoys se meit en poinct de retourner en Angleterre: car voyāt lediēt Pierre Ladoys que si par son moyen lediēt Henry recouuroit lediēt royaume contre Richard, qui l'vsurpoit, iceluy Henry mettroit peine à le véger de ses ennemys, fait tant enuers lediēt Duc de Bretaigne (qu'il gouuernoit entieremēt) qu'il bailla audiēt Henry trois gros nauires, chargez de gēs d'armes, qui se meirēt en mer: & comme il fut pres du Haure de Pluuic, fut aduertiy que lediēt Richard, avec grosse armée, l'attendoit illec pres: parquoy fait destourner ses nauires, & cuydant recouurer la coste de Bretaigne, la tempeste le iecta à la coste de Normandie, ou il fut contrainct descendre: & de ce aduertie madame de Beauieu l'enuoya querir pour aller parler au Roy. ce qu'il feit, ou il fut tresbien recueilly. puis s'en retourna à Vannes en Bretaigne faire sa residence comme deuant, en attédant meilleure fortune: & voyant lediēt Landoys qu'il estoit frustré de son intention, entreprint liurer lediēt Henry audiēt Richard, & le mettre entre ses mains. ce qu'on rapporta à iceluy Henry: lequel à ceste cause, faignant vn iour aller à la chace, avec dix ou douze cheuaulx se retira en France, audiēt Roy Charles: lequel, bien tost apres, bailla à iceluy Henry, nauires, & si bon nombre de gens de guerre, que lediēt Henry, par l'ayde des François, & d'aucuns Anglois, ses parens, qui tenoyent son party, recouura le royaume d'Angleterre, & en expella lediēt Richard.

*Comment Loys, Duc d'Orleans (lequel depuis à esté Roy de France) s'enfuyt de la ville de Paris, craignant d'estre prins.*

Le Duc  
d'Orleans  
fugitif.

Les vices  
contre le  
Roy.

**E**Nuiron lediēt temps, & ce pendant qu'on faisoit les choses susdictes, voyant madame de Beauieu que lediēt Duc d'Orleans, qui residoit à Paris, gaignoit les gens constituez en autorité, & taschoit par ce moyen auoir la Regence du royaume, par la deliberation du Conseil enuoya gens à Paris, pour prédre au corps lediēt Duc d'Orleans: lequel, de ce aduertiy, comme il iouoit à la paulme entre deux Halles, se retira. Et faignant aller à son logis, & en la compagnie de Guyot Por, & de Iehan de Louen, l'vn de ses Gentilzhommes de sa maison, que fort il aymoist, s'en alla loger dedans Pontoise, & le lendemain à Vernueil, & de Vernueil à Alençon, ou il fut quelque temps: pendant lequel fait practiquer le Comte d'Angoulesme, le Duc de Bourbon, & le Seigneur d'Albret, qui se declairerent ses amys, pour le secourir en son entreprinse: lesquelz Seigneurs à la raison de ce furent incontinct cassez, & desappoinctez de leurs charges, biēsfaictz & gens d'armes: mais neantmoins ne laisserent à mettre sus grosse armée de gēs de leurs pays, & trouuerēt moyen de gaigner le Duc de Lorraine, le Prince d'Oreng, & le Comte de Foix: & soubz l'assurance de tous ces Princes & Seigneurs le Duc d'Orleans assembla son armée à Bloys, pour aller à Orleans: mais ceulx de la ville s'excuserent, & ne le voulurēt receuoir: parquoy avec grosse armée de quatre cens lances, & de grand nombre de gens de pied, s'en alla à Baugency, & en sa compagnie le Comte de Dunois, le Comte de Foix, Carqueleuant, & autres Capitaines de France, ou ilz furēt quelque temps, & les enuoya assieger le Roy Charles: & voyant q̄ ladiète place n'estoit pour resister, feirēt vne paix fourrée: par laquelle fut accordé que lediēt



que ledit Duc d'Orleans se retireroit vers le Roy (ce qu'il feist) & que le Comte de Dunois, cō-  
 ducteur de toute son entreprinse, vuyderoit hors du royaume. ce qu'il feist semblablement, &  
 s'en alla demourer en Ast: mais tout ce nōobstant les Ducz de Bourbon, & Comte d'Angou-  
 lesme, qui auoyent preparé leurs armées, pour secourir ledit Duc d'Orleās, marcherent vers  
 Bourges, ou alla le Roy Charles bien accōpaigné, & ledit Duc avec luy, qui fut cōtrainct far-  
 mer contre ses alliez & confederez. Toutesfois, par la sage conduicte du Maréchal de Gié, &  
 du Seigneur de Grauille, qui auoyent grosse autorité en la court du Roy, soubz madame de  
 Beauieu, fut trouué quelque expedient, p lequel tous ces Princes furent d'accord, auquel le sei-  
 gneur d'Albret fut cōprins: & par ce moyen se departirent toutes leurs armées sans mal faire: *Accord en-  
tre le Roy &  
les Princes.*  
 & s'en alla le Roy à Amboyse. & ledit Duc d'Orleans, à Orleans, le Côte de Foix, & le Car-  
 dinal son frere, se retirerent à Nâtes, par deuers le Duc, & la Duchesse, qui estoit leur sœur, qui  
 fut en l'an mil quatre cens quatre vingtz & cinq. Audiēt an, par la menée de Pierre Landois,  
 le Duc de Bretagne, feist assembler grosse armée, pour aller abatre Encenix, ou estoient le  
 Prince d'Orenge, & le Seigneur de Comminge: lesquelz de ce aduertis, par l'ayde de leurs pa-  
 rens, & alliez, dresserēt vne autre grosse armée qu'ilz menerent à l'encontre de celle du Duc:  
 mais ilz ne frapperent point: car les Barons d'une part & d'autre se ioignirent, & s'en allerent  
 lesdictz Prince d'Orenge, & le Seigneur de Comminge vers le Duc: duquel ilz recouurerent  
 la grace, & le gouuernement: dont Pierre Landois ne fut pas content, voulant faire expedier  
 par le Chancelier, maistre François Chrestien, lettres par lesquelles le Duc declairoit tous les  
 Barons, qui estoient vnīs avecques lesdictz Prince d'Orenge, & Seigneur de Cōminge, coul-  
 pables de crime de leze maiesté, & confisquoit leurs terres & Seigneuries estans en sa Duché.

Après toutes ces choses le Comte de Dunois retourna d'Ast, & s'en alla en sa ville de Par-  
 tenay en Poitou, qui lors estoit vne forte ville, bien renfermée de doubles fossez & triple mu-  
 raille: & de ce aduertiy le Roy, & qu'il se fortifioit en ladicte ville, sachant que ledit Comte de  
 Dunois estoit inuētif, & de grand' entreprinse, manda audiēt Duc d'Orleans, qui se tenoit en  
 sa ville d'Orleās, ou il faisoit ioustes & tournois, qu'il allast vers luy à Amboyse: & après trois  
 ou quatre messages, le dernier desquelz fut le Maréchal de Gié, le Duc d'Orleans s'en alla à  
 Bloys, & le lendemain, qui estoit la vigille de la feste des Roys dudit an, mil quatre cens qua-  
 tre vingtz & cinq, partit de Bloys bien matin à tout ses oyseaulx, faignāt voller par les chāps,  
 & d'une traicte tira au giste à Fronteuaulx, dont sa sœur estoit Abbessē, & depuis fut Abbessē  
 de l'Abbaye & monastere sainte Croix de Poitiers. De Fronteuaulx s'en alla à Clisson, & de  
 Clisson à Nantes, ou il fut recueilly par le Duc, & mieulx que iamais: & de ce aduertiy le Roy  
 delibera d'aller assieger le Comte de Dunois en ladicte ville de Partenay: toutesfois, auant  
 qu'en faire aucun bruyt, trouua moyen de gagner & allier avec luy le Maréchal de Rioux, &  
 autres Barons de Bretagne, qui festoyent retirez à Chasteaubriand, ou estoit la Dame de La-  
 ual, qui en estoit Dame, par ce que le Duc de Bretagne, par le moyen desdictz Duc d'Orleās,  
 & Comte de Dunois, taschoit de leur faire de l'ennuy, & se venger de la mort de feu Lādois,  
 par l'exhortation d'un Capitaine, nommé Jaques Guibe, qui estoit nepueu dudit feu Lādois.

*Le Comte  
de Dunois à  
Partenay.*

*Le Duc  
d'Orleās en  
Bretaigne.*

*Comment l'armée du Roy entra en Bretagne, en poursuivant le Duc d'Orleans,  
 qui s'estoit illec retiré.*



Année apres, le Seigneur de saint André, avec quatre cens lances, & cinq ou  
 six mil hommes de pied, entra pour le Roy en Bretagne, d'un costé, & le Com-  
 te de Montpensier, à tout grand nombre de gens, par vn autre, & messire Loys  
 de la Trimouille, Vicomte de Touars, qui auoit espousé madame Gabrielle  
 de Bourbon, sœur dudit Comte de Montpensier, avec grand nombre de gens  
 d'armes, par vn autre endroict, tellemēt que le pays de Bretagne fut tout plain  
 de gens de guerre de France, avec lesquelz y auoit plusieurs Barons de Bretagne. Quoy voy-  
 ant le Duc de Bretagne fut fort esbahy: mais le Duc d'Orleans, le Comte de Dunois, & le  
 Seigneur de Comminge, qui estoient avec luy, le consolerent: & soubz vmbre de marier ma-  
 dame Anne, fille aisnée dudit Duc de Bretagne, avec le Seigneur d'Albret, qui auoit cent lā-  
 ces, & grand nombre d'autres gens de guerre, par la conduicte dudit Comte de Dunois gai-  
 gnerent iceluy Seigneur d'Albret, qui laissa la confederation & seruice du Roy: & neant-  
 moins le Duc de Bretagne laissa la ville de Nâtes entre les mains du Prince d'Orenge, & s'en  
 alla au chasteau de Malestroit qui est vne forte place, ou il assembla vne armée de six cens lan-  
 ces & seize mil hommes de pied: & de ce aduertis les François allerent assieger Ploermel, qui  
 est à trois ou quatre lieues de Malestroit: laquelle ville de Ploermel fut prinse & pillée le troi-  
 sieme iour, & ceulx qui estoient dedans mis à rançon. Les Ducz de Bretagne, & d'Orleās, &

T iij

autres Seigneurs, qui estoient à Malestroit, aduertis de ladicte prinse, s'en allerent à Vennes, la vigille de Penthecoust mil quatre cens quatre vingtz & sept, ou ilz furent suyuis de si pres qu'à peine eurent loysir de se sauuer par mer, & s'en aller au Croisic, & du Croisic par la riuere de Loire, à Nantes, & furent contrainctz de laisser partie de leur bagage en ladicte ville de Vennes, qui fut assiegée & prinse par les François: lequelz à vne rencontrée, quinze iours apres, deffirent vne grosse bende de Bretons, que melliire Amaury de la Moissaye menoit à Nantes, au lieu de Ioue, entre Chasteaubriand, & Nantes, auquel temps le Roy estoit à Ancenix. Apres la prinse de Vennes l'armée du Roy s'approcha de Nantes, & fut la ville assiegée la vigille de la feste Dieu, qui fut le dixneuuieme iour de Iuin, dudiect an mil quatre cens quatre vingtz & sept: en laquelle estoient le Duc de Bretagne, & ses deux filles Anne & Ysabeau, le Duc d'Orleans, le Prince d'Orenge, la Dame de Laual, & de Chasteaubriand, l'Euesque de Nantes, du Chauffault, homme de sainte vie, le Comte de Comminge, & plusieurs autres Seigneurs qui tous deslogerent du chasteau, & le Duc le premier, & seldictes filles, & logerent en la ville: & par ce qu'on ne se fioit totalement audiect Euesque de Nantes, n'en ladicte Dame de Laual, furent mis en garde d'aucunes gens de la ville. En ce siege y auoit dix mil hommes François & un bon nombre d'Artillerie, dont la ville fut fort batue, tant le chasteau que les tours & auantmurs: mais ceulx de dehors furent bien seruis de ceulx de dedans, tant de trait que coups d'Artillerie, & de saillies de gens hardis, ou furent faictes maintes belles armes d'une part & d'autre: & pour secourir la ville, le Comte de Dunois, qui estoit en basse Bretagne, ou il estoit allé pour d'illec prendre voyle en Angleterre, à ce qu'il eust secours des Anglois (ce qu'il ne peut faire) amena en ladicte ville de Nantes plus de cinquante mil Bretons de commune, que les François laisserent passer, pensans que ce n'estoyent gens de deffence: & voyant le Roy la vehemence du chauld, & qu'il ne pouoyent rien faire, leua lediect siege le sixieme iour d'Aoust audiect an mil quatre cens quatre vingtz & sept. Et marcha l'armée des François vers la ville de Dol, qu'ilz prindrent sans resistance, & la pillerent: & les Bretons & autres gens de guerre, qui estoient dedans, furent prins prisonniers. Apres toutes ces choses le Marechal de Rieux, qui tenoit Ancenix pour le Roy, le liura au Duc de Bretagne: & en allant à Nantes, vers lediect Duc, print semblablement Chasteaubriand, qui tenoit pour le Roy, & en chacea les François subtillement & par trahyson: & le vingtcinquieme iour de Feurier ensuyuant alla mettre le siege deuant la ville de Vennes, que tenoyent les François soubz Gilbert de Grassay, & Philippe du Moulin, vaillans Capitaines, qui rendirent ladicte ville par composition le tiers iour de Mars ensuyuant dudiect an mil quatre cens quatre vingtz & sept. De l'autre costé l'armée du Roy print le Chasteau & place d'Ancenix, qui appartenoit audiect Marechal de Rieux: laquelle place fut abbatue & mise par terre, tant maisons, tours, qu'autres edifices, par le commandement du Roy, tellement qu'il n'y demoura que la matiere dont elle auoit esté bastie. D'illec l'armée du Roy marcha vers Chasteaubriand, & fut la ville prinse par les François, & le chasteau abatu au commencement de l'an mil quatre cens quatre vingtz & huyt. Apres la prinse de Chasteaubriand, l'armée du Roy tira vers Fougieres, qui est place de frontiere, forte & de bonne resistance, & tant feirent que la ville fut assiegée: & en ce temps le Seigneur d'Albret, qui auoit longuement residé en la court du Roy d'Espagne, passa la mer, & descendit en la basse Bretagne avecques quatre mil hommes de guerre. Ces gens allerent à Rennes, & il se retira en la ville de Nantes, par deuers le Duc, ou il voulut des l'entrée conclurre le mariage de luy & madame Anne, fille aînée du Duc, ou elle ne voulut entendre: dont son pere fut mal content, qui ne scauoit pas qu'elle vouloit bien le Duc d'Orleans: à quoy le Comte de Dunois s'attendoit: & à ceste cause lediect Comte de Dunois, de paour de reproche, eust voluntiers recouuert son seclé, qui estoit entre les mains de madame de Laual, sœur dudiect Seigneur d'Albret, avecques tous les autres scelez des Seigneurs touchant ladicte entreprinse & mariage. Ce qu'il feit subtillement, moyennant ce qu'il donna à entendre à ladicte Dame, que iamais lediect mariage ne se pourroit conduire si on n'auoit le seel dudiect Duc de Bretagne, dont il luy auoit parlé, & luy auoit respondu qu'il le vouloit bien bailler, mais qu'il fust escript & dicté de mot à mot comme celui dudiect Comte de Dunois: & que si elle luy vouloit bailler il feroit faire à son Clerc Iohannes Herouet celui dudiect Duc, tout ainsi que lediect Herouet auoit escript le sien. ce que feit ladicte Dame de Laual, croyant que lediect Comte de Dunois luy tint promesse, mais depuis ne rendit son seclé: car incontinent apres, lediect Comte de Dunois, & aucunes gens de Iustice, allerent en ambassade vers le Roy qui estoit à Angiers, pour scauoir qu'il demandoit en la Duché de Bretagne, & pourquoy il faisoit abatre les chasteaux & places dudiect pays. D'autre part sortirent de Nantes lediect Duc d'Orleas & autres Seigneurs, & allerent à Rennes, ou ilz asssemblerent leurs armées pour aller leuer le siege du Roy, qui estoit deuant Fougieres.

Puis

Puis se meirent aux champs en bon ordre lesdictz Ducz d'Orleans, le Seigneur d'Albret, le Marechal de Rieux, le Seigneur de Chasteaubriand, le Comte d'Escalles Anglois, le Seigneur de Leõ, filz aîné de Rohan, le Seigneur de Crenettes, le Seigneur du Pont l'Abbé, le Seigneur du Plessis, le Seigneur de Balyues, le Seigneur de Montigny, le Seigneur de Montuel, & generalment toutes les compagnies desdictz Seigneurs, & se trouuerent en vn village, appelé Andoille, le Mercredy vingtroisieme iour de Iuillet l'an dessusdict mil quatre cës quatre vingtz & huyt: & fut trouué qu'en ceste armée y auoit huyt mil hommes de pied, sans y comprendre huyt cens Allemans, & trois cens Anglois, avec quatre cës hommes d'armes, & vne bõne quantité d'Artillerie. Tous logerent audict village, & la nuyt y eut quelque alarme par les folles testes des Gascons, dont il cuyda auoir mutinerie entre ledict Duc d'Orleans & ledict Seigneur d'Albret: mais cela fut bien tost pacifié. Ce pendant les François prindrent par composition ladicte ville de Fougieres, dont vindrēt nouuelles certaines ausdictz Ducz d'Orleans, Seigneur d'Albret, & autres Seigneurs dessus nommez, qui encores estoient audict village d'Andoille, le Samedi vingtsixieme iour dudiect mois de Iuillet assez matin, & que les Bretõs, qui auoyent tenu ladicte ville de Fougieres, s'en venoyent leurs bagues sauues: mais tout ce nonobstant lesdictz Seigneurs, avec l'armée de Bretagne, marcherent contre les François, pour aller assieger la place de saint Aulbin, qui estoit en leur main: & arriuerent au village d'Orenge, qui est à deux lieues dudiect saint Aulbin, le Samedi au soir, ou furent aduertis que sans point de faulte seroyēt rencontrez par ceulx de l'armée de France, lesquelz estoient bien deliberez de les combattre.

L'an m. cccc.  
iiii.xx.viii.

La ville de  
Fougieres  
prise par les  
Francoys.

*Comment le Roy de France gaigna la bataille contre les Bretons, pres saint Aulbin du Cormier, ou fut prins le Duc d'Orleans.*



LE Dimanche matin fut aduisé de l'ordre de leur bataille: & par ce que les gens de pied se doubterent des gens de Cheual François, qui estoient en l'armée des Bretons, & mesmement dudiect Duc d'Orleans, fut aduisé que luy & le Prince d'Orenge se mettroient à pied en la bataille, avec les Allemans. L'Auantgarde fut baillée au Marechal de Rieux, la bataille au Seigneur d'Albret, & l'Arrieregarde au Seigneur de Chasteaubriand. Sur vne de leurs aelles fut ordonné le charroy de leur Artillerie & de leurs bagages: & pour monstrier qu'il y auoit grand nombre d'Anglois, iacoit ce qu'il n'en y eust que trois cens, que cõduyssoit le Comte de Talbot, luy furent baillez dixsept cens Bretons, gens de pied, vestuz de hocquetons à croix rouges: & le Lundy matin se meirent en bataille, selon ceste ordonnance, hors le village d'Orenge, ioignant vne touche de boys, attendant l'armée des François. L'armée des François, dont messire Loys de la Trimouille, Vicomte de Touars estoit Lieutenant general pour le Roy, en l'age de xxv. ou xxvj. ans, sortit de Fougieres en bon propos & vouloir de combattre les Bretons, & menoit l'Auantgarde Adria de l'Hospital. Gabriel de Mõtfaulcoys, & dix ou douze hardis Cheualiers François s'auancerent pour regarder la contenance des Bretons, dont il veirent le bon ordre. Puis se retirerent à leur compagnie, & tous ensemble en bataille bien rengée approcherent de l'armée des Bretons, & d'une part & d'autre tirerent Artillerie: qui grandement endommagea les deux armées. Puis marcherent François à puissance, & donnerent à trauers l'Auantgarde, ou le Marechal de Rieux soustint le faix, & luy & sa compagnie s'acquitterent si biẽ que les François laisserent l'Auantgarde, & tirerent droit à la bataille, ou les gës de cheual reculerent. Ceulx de l'Arrieregarde eurent paour, & se meirent en fuyte. Les François chargerent dessus, & tuerent tous les gens de pied qu'ilz peurent atteinre. Quand les Bretõs de l'Auantgarde veirent cest desordre, tendirent à se sauuer, l'un ça, l'autre la. Finablement les François eurent la victoire, & tuerent tous ceulx qui portoyent la croix rouge, cuidans qu'ilz fussent tous Anglois: avec douze ou treze cens autres Bretons, tant gens de pied que de cheual. Le Duc d'Orleans fut prins par les gens de pied, & semblablement le Prince d'Orenge, qui festoit mis contre terre, & auoit deschiré sa croix noire, entre les gens mors, ou il fut congny par vn Archier François: & furent ces deux Seigneurs menez en bonne & seute garde, à saint Aulbin. Le Marechal de Rieux se sauua ainsi qu'il peut, & tira à Dynan. Le Seigneur de Leõ, le Seigneur du Pont l'Abbé, le Seigneur de Mõrtfort, & plusieurs notables Bretons y furent occis, & de tous leurs gës, iusques au nombre de six mil personnes. Et de la part des François fut tué Jaques Galiot, vaillant & bien renommée Capitaine, & plusieurs autres iusques au nombre de mille ou douze cens: & fut ceste rencontre le Lundy vingthuytieme iour de Iuillet, audict an mil cccc.iiii.xx. & huyt. Tantost apres, ledict Duc d'Orleans fut mené au chasteau de Luzignen, & apres il passa par Poitiers, ou il fut detenu par certain temps:

La rencontre  
de S. Aulbi,  
ou les Fran-  
coys eurent  
victorie, mil  
cccc.iiii.xx,  
& viii.

Victoire des  
Francoys cõ-  
tre les Bre-  
tons.

Le Duc  
d'Orleans  
prins à la  
iournée s.  
Aulbin.

L'an m. cccc.  
iiii.xx.viii.

puis on le transporta en la grosse Tour de Bourges. Des le lendemain de ladiſte rencontre le Seigneur de la Trimouille enuoya quelques Heraulx à Rennes, pour sommer ceulx de dedans de mettre la ville en la main & obeissance du Roy: & apres leur conseil tenu, firent remonſtrer auſdictz Heraulx que le Roy n'auoit aucun droit en ladiſte ville, & qu'à tort & sans cause il faiſoit la guerre au pays de Bretagne, & si ores il auoit grosse armée, ne seroit pourtant le maistre: car Dieu, qui garde le bō droit des Bretons, luy pourroit faire comme il feit au Roy Iehan, deuant Poitiers, & au Roy Philippe de Valloys à Crecy, & declairerent qu'ilz ne bailleroyent leur ville, & que si le Seigneur de la Trimouille y alloit, trouueroit quarāte mil hommes en ladiſte ville, dont il en y auoit vingt mil de bōne refiſtēce. Ceste respōce fut rapportée auſdict Seigneur de la Trimouille, qui fut lōg temps sans dire mot: puis en aduertit le Roy, qui estoit à Angiers, par lesdictz Heraulx mesmes. Sur quoy feit assembler le Conseil pour ſçauoir qu'on deuoit faire. Aucuns, & presque tous, furent d'opinion qu'on deuoit aller assieger ladiſte ville de Rēnes: mais meſſire Guillaume de Rochefort, Chancelier de Frāce, fut d'autre opinion: & se fonda premieremēt sur le droit qu'on disoit appartenir au Roy en la Duché de Bretagne, au moyē de quelque transport que meſſire Iehan de Brosſe, Seigneur de Boufflac, mary de madame Nicole de Bretagne, fille & heritiere de Charles de Bloys, Comte de Pōthieu, auoit fait aux predeceſſeurs du Roy, & autres tiltres qui n'estoyent encores verifiez, & que si le Roy n'y auoit aucun droit, ce seroit chose trop damnable, & ouūrage de Tiran, d'vsurper le pays qui ne luy appartiendrait, & qu'à ceste raison il estoit d'aduis qu'on deuoit premierement, en ensuyuant la charge des Ambassadeurs de Bretagne, qui estoient à Angiers, commettre gens pour visiter les droitz de l'un & l'autre party. Ceste opinion fut trouuée la plus saine & meilleure: & en ensuyuant icelle le Roy accorda auſdictz Ambassadeurs de Bretagne, que luy & le Duc commettoyent de chacune part gens ſçauans, lettrez & entenduz de leurs Conseilz, qui se transporteroyent en vne ville neutre, avec leurs chartres, & tiltres, pour aduiser en saine conscience à qui appartenoit la Duché de Bretagne, avec plusieurs autres articles. Le Duc de Bretagne voulut cest accord: & par ce qu'ilz se mouroyent de peste en la ville de Nantes, s'en alla de ladiſte ville avec mes Dames ses filles, la Dame de Lual, le Seigneur d'Albret, le Comte de Dunois, le Mareſchal de Rieux, le Comte de Cōminge, & autres Seigneurs, & se retirerēt au lieu de Coirō, sur la riuiera de Loire, au deſſoubz, & à trois lieues de Nantes: ou tantost apres, le Mercredy septieme de Septembre dudiſt an mil quatre cens quatre vingtz & huyt, lediſt Duc alla de vie à trespas d'une maladie qu'il eut à cause d'une cheute: & ordonna Gouverneur de la Duché de Bretagne, & garde de ses filles, lediſt Mareſchal de Rieux, & luy bailla pour ayde le Comte de Comminge. Son corps fut porté enterrer en l'eglise des Carmes de Nantes.

*Bōne opinion de meſſire Guillaume de Rochefort, Chancelier de France.*

*Le trespas de Frāçois, Duc de Bretagne.*

*Comment le mariage fut fait entre le Roy Charles huyſieme, & madame Anne de Bretagne, seule heritiere dudiſt Duché.*



Après le deces & trespas dudiſt Duc de Bretagne, les Seigneurs dudiſt pays & les Princes de France tendirent ( comme Dieu voulut ) à paix finale, & la demandoient tresfort les Bretons, par ce qu'ilz auoyent esté frustrez du secours que Maximilian, Duc d'Austriche, & Roy des Rommains, filz de l'Empereur Federic, leur auoit promis donner & faire. Et ce pendant l'Archiduc faiſoit guerre en Picardie contre lediſt Roy Charles: ou le Seigneur d'Esquerdes, Philippe de Creueœur, Gouverneur dudiſt pais, se gouerna tresbien à son honneur, & au profit du royaume de France: & ce voyant le Roy Charles, & que lediſt Maximilian tendoit espouser madame Anne, fille aînée de Bretagne, & ne vouloit que madame Marguerite de Flādrès, sa fille, espousast lediſt Roy Charles, auquel elle estoit promise, iceluy Roy Charles feit paix finale avec les Bretōs, & Seigneurs de France qui tenoyēt leur party: par laquelle paix il espousa ladiſte dame Anne de Bretagne, qui lors estoit seule heritiere, par ce que sa sœur Ysabeau estoit decedée. Par le traité duquel mariage la Duché de Bretagne fut vnīe à la couronne de France, en l'an mil quatre cens quatre vingtz & neuf: & peu de temps apres le Comte de Dunois, qui auoit esté le principal conducteur de ladiſte paix, & par ce moyen recōcilié avec le Roy, mourut soudain en cheuauchant, par faulte de manger, ainsi qu'on disoit. Quand le Roy eut mis ordre au pays de Bretagne, il vint en France, & ordonna que madame Marguerite de Flandres se tiendroit au chasteau de Melun, sur la riuiera de Seine, & avec elle la Princesse de Tarente.

*L'an m. cccc. lxx. et ix. La mort du Comte de Dunois.*

Le Roy Henry d'Angleterre, septieme de ce nom, aduertty dudiſt mariage fait du Roy Charles avec la Duchesse de Bretagne, avec grosse armée assiegea par mer la ville de Boulogne sur la mer: & pour empescher qu'il ne prinst terre, le Seigneur d'Esquerdes, & le Bastard de Car-

de Cardone, Capitaine d'Arras, y allerent avec petite armée. Cependant aucuns de la ville d'Arras trouuerent moyē d'auoir faulces clefz des portes de ladiēte ville d'Arras, au desceu de Carqueleuant, qui estoit demouré Lieutenant dudiēt de Cardone, pour liurer icelle ville entre les mains des gens d'armes de l'Archiduc, qui n'en estoient pas loing: & pour leur faire sçauoir l'heure qu'ilz deuoyent reculer ou approcher, lesditz trahystres, qui estoient quatre ieunes galans, chantoient sur les murailles chançons: Quelle heure est il: il n'est pas heure, quelle heure est il: il n'est pas iour. Et à l'heure de la prinse: Marchez la duron duraine, marchez la duron dureau. Auquel chant lesditz gens d'armes s'approcherent, & trouuerent les portes ouuertes. Ainsi fut la ville d'Arras prinse, & les François trahiz. Le Capitaine Carqueleuant laissa le chasteau trop tost, car il eust eu secours incontinēt: dont il ne fut pas loué. La ville fut toute pillée, sans espargner les eglises, ne les maisons des trahystres. Peu de temps apres, les gens d'armes dudiēt Archiduc voulurent prendre de nuyt, & à l'emblée, la ville d'Amyens, qui est la Capitale de Picardie, & y arriuerent enuiron minuyt: desquelz vne femme ouyt le bruyt, & incontinent l'alla dire au guet, qui fait sonner la petite cloche du guet, & soubdain la grosse cloche du Beffroy, dont le peuple fut tout esmeu, & se mit chacun en armes, & se retirerēt tous à leurs dixeniers & cinquanteniers, es quartiers qui leur auoyent esté au parauant assignez, ou les femmes ne l'espargnerent pas: car elles portoyent les bastons & armeures avec leurs marys: & firent lesditz habitans si bonne diligence, que par la conduicte du Seigneur de Rubembre, & d'Anthoine Clabault, lors Maire de ladiēte ville, que les ennemys ne peurēt entrer dedans, & s'en retournerent confuz. Enuiron le quel temps l'Empereur Federic trespassa, & occupa le lieu de l'Empire son filz, Duc d'Autriche: mais iamais ne peut estre couronné Empereur. Le Seigneur d'Esquerdes estoit lors de la prinse bien empesché contre les Anglois, audiēt lieu de Boulongne: toutesfois, apres qu'il eut parlé au Roy Héry (qui estoit tant tenu audiēt Roy Charles, par ce qu'il l'auoit fait couronner Roy d'Angleterre) sceut que lediēt Roy Henry demandoit seulement quelque grosse somme de deniers, qu'il disoit auoir prestée au feu Duc François de Bretagne: laquelle luy fut payée: & par ce moyen s'en alla avec son armée. Incontinent apres, lediēt Seigneur d'Esquerdes traita paix entre lediēt Archiduc, & lediēt Roy Charles: par lequel traité madame Marguerite de Flandres fut rendue audiēt Archiduc, son pere, avec la Comté d'Artois: par le moyen dequoy tout le royaume de France fut paisible: & s'en alla lediēt Roy Charles visiter son pays de Picardie, ou il fut hōnorablement receu, & fait faire monnoye d'argent nouuelle, de dix deniers la piece, qu'on appelle Carolus,

Enuiron lediēt temps aduint vn grād scandale en l'eglise nostre Dame de Paris, d'un Prestre, nommé maistre Iehan l'Anglois, lequel vn lendemain de la feste Dieu, comme vn autre Prestre celebrait messe en la Chapelle saint Crespin, le saisit aux cheueulx, le ietta par terre, print la sainte Hostie & le calice, qu'il ietta semblablement par terre, le tout en si grand fureur & hastiueté, que ceulx qui oyoyent la messe n'eurent loysir de l'empeschier: toutesfois fut prins & constitué prisonnier, & dist qu'il auoit fait lediēt cas par le conseil d'une Iuisue, de laquelle il auoit esté abusé, par ce qu'elle luy auoit donné à entendre que s'il pouoit faire ce cruel & vilain exploit, qu'il paruiendroit à grosse fortune, comme aussi fait il, mais elle fut mauuaise pour son ame, & aussi pour le corps: car il fut dégradé & bruslé au Marché aux pourceaux. Vn notable Docteur & Penitencier de l'eglise de Paris, nommé maistre Jehā Stādon, Flamēt, qui luy auoit esté baillé pour le conuertir, prescha depuis qu'auant qu'on le meist au feu, baïsa la croix, & recōgnut son peché. ce qui aduint l'an mil quatre cens quatre vingtz & vnze: auquel an le Roy d'Espaigne conquist sur les Maures, Sarrazins, la fameuse ville de Grenade.

### Comment la Comté de Roussillon fut rendue au Roy d'Espaigne.




An mil cccc.iiii.xx. & xij. le Roy Charles, par sa grād liberalité, & à la persuasiō de son maistre Loys d'Amboise, Euesque d'Alby, & de frere Oliuier Maillard, grād Predicateur, de l'ordre des Obseruantins, freres Mineurs, remeit entre les mains du Roy d'Espaigne les Comtez de Roussillon & Perpignan, que le feu Roy Loys, vnieme, auoit achaptés, comme il a esté dict dessus, & luy dona l'argent qui en auoit esté baillé: sçauoir est cinquante mil escus: moyennant que lediēt Roy d'Espaigne promet pour luy & ses successeurs estre tousiours loyaux à la couronne de France: laquelle promesse n'a esté tenue, cōme nous verrōs cy apres. L'an mil quatre cēs quatre vingtz & treize, apres ce que lediēt Roy Charles eut mis en paix & trāquilité son royaume de France, & deliuré de la prison le Duc d'Orléans, & luy estat en l'amytié de tous les Princes de son sang, par leur cōseil, & de tous les principaulx Seigneurs & Barōs de son royaume, entreprint aller



## LES CRONIQVES ET ANNALES DE FRANCE

conquerir le royaume & iste de Cecille, & pays de Naples, à luy appartenās à cause de ses predecesseurs: & auant que le faire voulut bien sçauoir fil y auoit iuste tiltre. A ceste cause assembla les Presidēs de ses courts de Parlement, avec son Chācelier & les Princes du royaume, ou fut deduite la genealogie des Roys de Cecille: par lesquelz fut trouuē le Roy auoir iuste tiltre audict royaume de Naples, & de Cecille: & deslors, pour iceluy recouurer, prepara grosse armée, & partit d'Amboise, audict an mil quatre cēs quatre vingtz & treize, pour aller à Lyō, ou il arriua tantost apres, & premieremēt y fonda Mineurs obseruantis, es faulxbourgz de ladicte ville, sur le Roine, au nom de Dieu & de nostre Dame des Anges, par le conseil de frere Iehan Bourgeois, religieux dudiēt ordre, de sainte vie: lequel Bourgeois auoit vn compaignon, nōmé frere Iehan Tifferrant, qui à sa predication conuertit la plusgrand' partie des filles perdues de Paris, qui viuoyēt en lubricité, & iusques au nombre de deux cens ou enuiron, des plus ieunes & belles, dont a esté dressée vne religion en ladicte ville de Paris, appelée la religion des filles repenties: & depuis y en ay veu plus de trois cens.

### *Comment le Roy Charles se partit de Lyon, pour aller conquerir son royaume de Naples.*

 Pres toutes ces choses, & que le Roy eut ordonné de tous ses Capiraines, tant de son armée de mer que par terre, s'en alla en la ville de Vienne, au Daulphiné, ou il arriua le vingtieme iour du moys d'Aoust, audict an mil quatre cens quatre vingtz & treize: & luy estant en ladicte ville, par l'oppinion & du vouloir de tous les Princes, mōseigneur Pierre, Duc de Bourbon, mary de madame Anne de Frāce, sœur du Roy, fut ordōné general Regent du royaume de France, tant que le Roy seroit absent: le Comte d'Angoulesme Gouverneur de Guyenne: le Seigneur de Baudricourt Gouverneur de Bourgōgne: l'Admiral de France, Seigneur de Grauille, Gouverneur de Picardie, & de Normandie: le Seigneur d'Orual Gouverneur de Champagne: & les Seigneurs de Rohā, & d'Auugour Gouverneurs de Bretagne: & le vingtdeuxieme iour dudiēt moys le Roy & la Roynes s'en allerent à Grenoble, ou ilz feirent triumpante entrée. Le vingtneufieme iour dudiēt moys la Roynes print congé du Roy, & s'en retourna en France: & le Roy alla au giste à Bry, qui est audict pays de Daulphiné. Les Princes & Seigneurs, qui feirēt lediēt voyage avec le Roy, estoient le Duc d'Orleans, le Comte de Montpensier, le Seigneur de Ligny, Loys de Luxebourg, le Seigneur de la Trimouille, le Seigneur de Silly, le Seigneur de Piēnes, le Marechal Bauldricourt, le Seigneur de Guyse, le Seigneur de Chandeny, le Seigneur de Maulcon, messire Emarde de Prie, le Seigneur Camyncan, le Capitaine Odet, le Côte de Neuers, le Côte de Boulōgne, le Duc de Védosme, le grād Bastard de Bourgongne, le grād Bastard de Bourbon, le Marechal de Bourgongne, le Comte de Fouez, le Seigneur Gracien, le Bailly de Lyon, le Seigneur de Montaison, le Seigneur d'Alegre, le Seigneur de Chaulmont, le Seigneur de Chastillō, le Seigneur de la Palice, le Seigneur de Vergy, André de l'Hospital, le Seigneur de Beaumont, le Seneschal d'Armignac, le Vidame de Chartres, le Seigneur de Myolans, le Seigneur de Cressol, le Capitaine Claude, & plusieurs autres grands Seigneurs, qui y allerēt sans auoir gages du Roy: & estoit l'armée de terre de trois mil six cens hommes d'armes, six mil Archiers de pied, six mil Arbalestriers, huyt mil hommes de pied, portā piques, & viij. mil d'autres, ayans hacquebutes & espées à deux mains. L'Artillerie deux mil quarante pieces grosses, cent quarante Bombardes, mil deux cens Vascadeurs: & pour la conduite deux cēs Maistres expres, six cens Maistres charpentiers, Maistres pour abbatre murailles trois cens, & autres gens pour faire pierre de fonte, charbon, & cordes: quatre mil charretiers pour conduire huyt mil cheualx qui portoyent ladicte Artillerie. le Seigneur d'Esquerdes, Creuecœur, ne fut audict voyage: car il mourut à la Bresle, à trois lieues de Lyon, & fut son corps porté à Boulōgne sur la mer. Ce fut vn des bons loyaux & prudens Capitaines qui fut onc en Frāce, & qui iamais n'eut reproche. Pour retourner au voyage le Roy Charles s'en alla de Bry à Bonnet, de Bonnet en la ville de Gap, de Gap à Sorpes, de Sorpes à nostre Dame d'Ambrun, d'Ambrun à Briançon, de Briançon à Suse, en Sauoye, ou fut hōnorablement receu par les Duc & Duchesse de Sauoye, de Suse, alla à Iouffet, & Vilaigne, & au pays de Piemōt, ou il fut bien receu par la Noblesse dudiēt pays. Puis alla faire son entrée à Thurin, qui fut triumpante. de Thurin alla à Quiers, ou il feit aussi entrée gorgiasse. de Quiers alla à Ast, ou il luy fut faulsement rapporé que le Duc d'Orleans, qui auoit la charge de l'armée de mer, auoit esté prins & desconfit par vn nommé Federic: mais c'estoit le contraire: car lediēt Duc d'Orleans auoit desconfit lediēt Federic & toute son armée, pres la riuere de Gennes: pour laquelle victoire tous les ennemys de France, estans sur la mer, furent mis en crainte iusques à Naples,

*Entreprise pour aller conquerir le royaume de Naples.*

*Reductio des filles penitentes, à Paris.*

*L'armée par terre pour le voyage de Naples.*

*L'Artillerie et son equipage.*

*Victoire des François sur mer, par le Duc d'Orleans.*

Naples, & par dela: & tantost apres ledict Duc d'Orleans fut malade d'une fièvre, & retourna iusques en Ast. Le Roy fut en Ast depuis le ix. iour de Septembre iusques au vj. iour d'Octobre; ou le Seigneur Ludouic & sa femme, fille du Duc de Ferrare, le firent veoir. D'Ast le Roy <sup>villes où pas</sup> sen alla à Moncal, de Moncal en la ville de Cassal, appartenant à la Marquise de Monferrat, qui estoit veufue, & se mit elle & son filz en la protection du Roy. de Cassal, ou le Roy fut trois iours, sen alla à Couffe, & au giste à Mortaire, qui est une ville appartenant au Duc de Milan, & à son entrée fut crié, Viue le Roy. De Mortaire alla à Vigue, qui est une petite ville, ou y a beau chastel. de Vigue le seigneur Ludouic & sa femme le menerent dîner au lieu appelé les Grâges, à eulx appartenant: qui est un Parc sumptueux de toutes bestes servans à la vie de l'homme, & ou sont faictz les bons & grands frommages de Milan. des Granges le Roy sen alla en la ville de Pauie, ou il fit entrée come Roy, souz le poile, les rues tendues, le peuple cryant, Viue le Roy. De Pauie alla faire une autre entrée en la ville de Plaisance, ou il fut aussi bien reçu, comme à Pauie. De Plaisance alla au giste à Florensolles, qui est une bonne petite ville. Le lendemain alla faire entrée en une autre petite ville, appelée S. Denis, ou il fut honnorablement reçu. Dudit lieu sen alla dîner à Fournoué, qui est un village, auquel y a une Abbaye; & est le commencement des Alpes & montz. De Fournoué le Roy passa Terente, dict Terentois, <sup>Le commen-</sup> en la montaigne, & alla au giste à Cassé, ou il fut estroitement logé. Le lendemain le Roy alla à Bellé, & le lendemain à Petremola, oultre les Alpes & montaignes, ou se transporta Pierre de Medicis, Seigneur principal de Florence, qui offrit au Roy ses villes & Seigneuries, iacoit ce qu'il y eust aucuns Florentins contraires au Roy: contre lesquels le Seigneur de Montpensier, le Seigneur de Guyse, le Marschal de Rieux, & autres bons Capitaines, qui estoient à l'Avantgarde, auoyent ia prins plusieurs places. Au departir de Petremola y eut quelque discord entre une bende d'Allemands, & ceulx de la ville, qui en tuerent aucuns, dont les Allemands se vengerent au retour. De Petremola le Roy alla en la ville de S. Saizigne, appartenant aux Florentins, ou il laissa garnison. De ladicte ville alla à Petresaint, qui est ausdicts Florentins, & y <sup>ou seigneurie</sup> laissa semblablement garnison. De Petresaint alla faire entrée en la cité de Lucques; ou il fut <sup>Comm.</sup> reçu honnorablement, & crierent les habitans, Viue le Roy de France, Auguste. Le Roy sen alla de Lucques dîner à Primart, & coucher à Pise, ou il fit semblable entrée qu'il avoit fait à Lucques: & la se trouuerent les Ambassadeurs de Venise, de Sienes & de Florence, qui se declairerent tous amys du Roy: & le xvij. iour de Novembre, le Roy, qui avoit dîné au pont du Cyue, alla faire triumpante entrée en la riche & belle ville de Florence, qui fut la plus <sup>Le chemin</sup> glorieuse & triumpante qu'on veit onc pour entrée en armés, & pour réception, & y fut iusques <sup>que tint le</sup> au vingthuyetieme dudit mois. De Florence le Roy alla coucher à saint Cassan, & d'illec <sup>Roy, de Flo-</sup> à Pondibond, qui est une petite ville, ou les habitans trierent à son entrée, Viue le Roy. <sup>rence à Ro-</sup>

*Comment Picus Mirandula mourut à Florence, lors que le Roy Charles y passa.*

**P**Nuiron ledict temps Jehan Picus, Comte de Mirandule, issu de noble sang, tresre nommé Orateur, grand Philosophe & souverain Theologien, alla de vie à trespas à Florence, le trentieme an de son aage: & un peu deuant estoit mort aussi à Florence Ange Polician, homme treseloquent en toutes langues, & illustrateur de langue Latine. De Pondibond le Roy alla au giste à Sienes la Vieille, ou fut reçu <sup>Angé Poli-</sup> comme Roy, & firent les habitans de ladicte ville oster les portes des gons. Trois iours apres le Roy alla à saint Clerico, & le lendemain dîner à Recource, & au giste à la Paille; ou y a seulement quatre Hostelleries, & lieux dangereux de Brigans. De la Paille alla au giste à Aiguespendente, qui est une ville de la terre du Pape, ou il fut reçu honnorablement, & logea en l'hostel du Pape. D'illec alla dîner à Bressaigne, & au giste à Montflacon, ou sont les bons vins Muscadetz, & y fut honnorablement reçu par les Citoyens, cryans Viue le Roy. De Montflacon alla en la ville de Viterbe, aussi en la terre du Pape, & y fut honnorablement reçu par les Citoyens, qui mirent entre ses mains le chasteau, auquel il laissa garnison, & y fut depuis le neuvieme de Decembre iusques au quinziesme dudit mois: pendant lequel il enuoya le Seigneur de la Trimouille, Vicomte de Touars, par deuers le pape Alexandre, sixieme: lequel enuoya semblablement vers le Roy certains Cardinaulx. De Viterbe le Roy alla dîner à Rouffilon, & au giste à Neple, qui est une petite ville, ou il demoura iusques au dixneuvieme dudit mois. Puis alla au giste à Bresangne, qui est une bonne petite ville, & y a chasteau: ou il fut iusques au trentieme iour dudit mois: pendant lequel temps le Pape enuoya ses Ambassadeurs: avec lesquels fut conclud & deliberé le passage du Roy à Romme, & de toute l'affaire du Pape. Aussi durant ce temps le Seigneur de Ligny, & autres, menerent les Allemands iusques à Hostie, qui est une bonne petite ville oultre le Tibre, sur le port de la mer. Quoy voyant le

*Angé Polician mourut en ce temps.*

Duc de Calabre, & qu'une partie des murailles du chasteau sainct Ange estoient trespachées à Romme (ou les Rommains prindrent pour eulx mauuais presage) se retira avec son armée, & s'en alla hors de Romme. Le Mercredy dernier iour dudit mois de Decembre dudit an mil cccc.iiij.xx. & xiiij. le Roy entra en la cité de Romme par la porte Flamine, & alla loger au Palais de S. Marc: en la court duquel il feit mettre & dresser son Artillerie (qui donna grand' crainte aux Rommains) & sejourna à Rōme iusques au xxviij. iour de Ianuier ensuyuant: pendant lequel tēps visita les Sainctz lieux, & feit plusieurs autres choses: car au moyen d'une question qui fut en la rue des Iuifz, dont il y en eut plusieurs occis, & leur Synagogue pillée, & deux Capriens de ceulx de Romme tuez, avec un Archier de la garde, & autres gens du Roy, le Roy commanda q' iustice en fust faicte. ce que feit le Mareschal de Gié, qui en feit pendre six aux fenestres d'une maison, dōt il y auoit deux Mores, & un de Tours. les autres trois estoient d'autre pays: & pour donner crainte à ses gens, & à ceulx de Rōme, feit dresser trois Iustices en la cité de Romme, dont l'une fut mise au meillieu de Cāpe de fleur, qui est le plus beau lieu de Rōme. Le xv. dudit mois le Roy alla ouyr la messe à S. Pierre de Romme, & ce iour parla au pape Alexandre, & se declairerent amys: & fut fait & créé Cardinal l'Euesque de sainct Malo. Trois iours apres le Pape feit monstrer au Roy, & à ses gēs, la sainte Face de nostre seigneur Iesus Christ, dicte la Veronique, qui est en l'eglise sainct Pierre, ou fut crié à haulte voix par les voyans, Misericorde. Le lendemain fut tenu le consistoire du Roy & des Cardinaulx. Le lendemain apres, le Roy se confessa en la chapelle des Roys de France, & guerist & sana plusieurs malades des Escrouelles: dont les Rommains furent fort esbahis. Ce mesme iour le Pape dist la messe en solennité, ou le Roy assista, & seruit le Pape, comme premier enfant de l'Eglise: & apres la messe dicte, le Pape fut porté deuant l'eglise, au lieu general, pour donner sa benediction: & illec donna planiere remission au Roy, à ses gens, & tous autres assistans, tout ainsi qu'au Iubilé: & en ce propre iour il esleut le Roy pour Empereur de Constantinoble. Le Dimēche vingtcinquieme dudit mois le Pape & le Roy, comme bons amys, chevaucherent ensemble moult triumpamment par la ville de Romme, & allerent à l'eglise sainct Paul, hors les murs.

L'entree du Roy à Rōme, & de ce qu'il y feit.

Iustice faicte à Rōme, par le commandement du Roy.

Le Roy guerist des Escrouelles dedans Romme.

Comment le Roy se partit de Romme, pour tirer vers Naples.



† Autres disent Zizin, frere de Bayseth. 2.

† Autres à Mignagno. † Belistre & Belestol.

† Capua.

Le xxviij. iour dudit mois de Ianuier, apres auoir ouy messe, le Roy accōpaigné de ses pensionnaires, ses cent Gentilzhommes, ses Archiers de la garde, deux cēs Arbalestriers, six mil Allemans en vne bande, & dixhuyt cēs lances, qui se marchoyent par les rues de Rōme, alla prendre congé du Pape, en son Palais: lequel luy bailla, pour l'accompagner iusques à Naples, son filz Cesar, Cardinal de Valence la grande, & luy donna † Zaliab, frere du Turc Zezun, lequel auoit esté en France, & en la tour de Bourganeuf, en la marche de Lymosin, appartenant à un Commandeur de Rhodes, des l'an mil quatre cēs quatre vingtz & deux, lequel Zaliab le Roy auoit au parauant fait bailler au Pape, dont depuis se repentit: car lors que le Pape luy redonna ledit Zaliab, il estoit empoisonné, & mourut tantost apres. Il eust peu estre cause dont le Roy Charles eust recouuert Constantinoble. Ledit iour le Roy alla au giste à † Marignen. Le lendemain à † Belestor, ou le filz du Pape se desroba de nuyt, & s'en retourna à Rōme. Le Vendredy sixieme de Feurier le Roy entra dedans Verlic: & ce pendant qu'il y alloit les François prindrent d'assault la ville & chasteau de Montfortin. Les habitans de Verlic receurent en grand honneur le Roy, & apporterēt au deuant de luy le chef de sainte Marie Iacobé. De Verlic le Roy alla disner à Bahut: puis alla veoir le siege qu'il auoit fait mettre deuant le mont S. Iehan, forte place, laquelle fut prinse, & sept cens six hommes ennemys tuez, sans perdre que trente de noz gens: & d'illec, suyuant son chemin, passa par plusieurs bourgs & villes, suyant tousiours deuant luy Ferdinand, Duc de Calabre, & filz d'Alphons, vsurpateur de Naples, & arriua en la ville d'Acquin, dont estoit natif saint Thomas, de l'ordre des freres Prescheurs. D'illec passa à S. Germain, moult forte ville & fort chasteau, auquel iadis le Roy Charlemagne s'estoit tenu: qui est en frontiere, & est le passage de toutes parties de la fin de la terre de par dela. Le troisieme iour apres le Roy alla à † Cappe, ou il fut receu, & la ville à luy liurée par les Capitaines que le Duc de Calabre y auoit laissez, pour tenir contre le Roy. Le lendemain alla disner, & au giste à Versé: auquel lieu la plus grand' partie des Nobles de la cité, & du pays de Naples vindrent le lendemain par deuers le Roy, & luy declairerent commēt le Roy Alphons, & le Duc de Calabre estoient en fuyte, & hors de Naples. La verité estoit telle: car ledit Roy Alphons, des ce qu'il sceut que le Roy Charles venoit à si grosse puissance, se retira en l'Isle de Cecille, en la ville de Montroyal, en laquelle il vīa de vie monastique, & y fut deux ans moyne,

moyne, apres leſquelz il mourut. Le Roy Charles, en l'affeurance des Nobles de Naples, print les clefz de la ville, qui luy furent par eux prefentées: & deſlors y allerent le Mareſchal de Gié, & autres grands Seigneurs, pour faire & ordonner du logis du Roy & de ſa Court: & ce iour fut prins & mis à raçon le ſeigneur Virgile, Comte de Petillane. Le Samedi vingt & vnieme dudiſt mois de Feurier, le Roy alla diſner à Pogeroial: qui eſt vn beau lieu de plaiſance, pres de Naples, ou ſont pluſieurs belles choſes à veoir, comme maiſons, eſcuyeries, belles fontaines enleuées en riches pierres, de toutes manieres d'oyleaulx, tant de la mer que de la terre: & dedans y auoit vn Parc auſſi grand que celui du boys de Vincènes, tout plain d'arbres fructiers, d'herbes, & arbres aromatiſans, & tout autour grands vinobles des plus excellens vins qu'on ſçauroit boyre, & grand quantité de toutes beſtes cheualines arables, priuées & ſauuages, & grand nombre de gens tous conſtituez en Offices pour la conduyte, nourriture, & entretenement dudiſt lieu.

*Comment le Roy Charles entra en la ville de Naples ſans aucunes ſolennitez.*



LE Dimêche xxij. iour dudiſt mois de Feurier, apres la meſſe ouye à Pogeroial, le Roy entra en la ville de Naples, ſans ſolénité, par ce qu'aucuns chasteaux d'icelle ville eſtoient encores tenuz & occupez par aucuns du party d'Alphons: toutesfois fut honnorablement receu par les Seigneurs d'icelle ville, & fut logé au chasteau de t Caponne. Et conuient noter qu'audiſt Naples ya quatre chasteaux: ſçauoir eſt lediſt chasteau de Caponne, t chasteau Noue, qui eſt aſſis en terre & en mer, avec la Citadelle ioignant lediſt chasteau, le t chasteau de Loue, qui eſt ſur vn roc en la mer, & vne groſſe tour nommée Prince Faulay: entre leſquelz chasteaux ya vn fort ſur vn grand roc en la mer, avec vne forte tour de bonne deſſence: & au deſſus de Naples ya vne Abbaye aſſez forte, en maniere de chasteau, qui regarde en la ville, & eſt aſſez pres des Chartreux. Chasteau Noue fut aſſié le vingtdeuxieme iour de Feurier. Le lendemain fut donné l'aſſault à la Citadelle, qui fut prinſe le iour apres, & chasteau Noue fut rendu le ſixieme iour de Mars enſuyuant, par ceulx qui eſtoyent dedans. Le quart iour dudiſt mois de Mars lediſt chasteau de Loue fut aſſié: & pendant le ſiege, le Prince de Tarente parlementa avec le Roy deux ou trois fois: puis retourna en ſa gallée ſur mer: & vint iours apres lediſt chasteau fut rédu. On l'appelle en François le chasteau de l'Oeuf, dont l'une des groſſes tours fut abattue par l'artillerie du Roy, auant qu'il fuſt rendu. Apres que tous les chasteaux eurent eſté prins & renduz en l'obeyſſance du Roy, il receut les fidelitez & hōmages des Princes & Gentilzhommes du royaume de Cecille, pays de Naples, & autres terres dudiſt royaume, comme l'Abruzzo, Calabre, & la Pouille, depuis le vingtcinquieme dudiſt mois de Mars iuſques au xxix. Auſſi eſtablit & ordonna Chancellerie, Chambre des Comptes, & monnoyes, ou d'un coſté eſtoient les armes de France, & de l'autre part les armes de Cecille, qui ſont croix portées: & ſi donna pluſieurs Offices à pluſieurs Seigneurs. Audiſt temps le pays & ville de Gayete furent prins pour le Roy, & y enuoya le Seigneur de Beaucaire, pout en prendre poſſeſſion. Le dixneuſieme d'Auril le Roy Charles toucha les malades des Eſcouelles. Le xxij. dudiſt mois cōmencerēt les iouſtes, qui furent tenues par les ſeigneurs de Chaſtillon, & Bourdillon, grands mignons du Roy. Le cinquieme de May enſuyuant fut par ſentence decapité vn Italien, qui auoit occis vn page François, tiré le coeur de ſon corps, & iceluy mangé.

Le huyſieme dudiſt mois le Roy Charles alla au mont de la Crote, qui eſt vne montagne aſſez haulte, pres la mer, & n'ya point d'autre chemin ſelon le train d'icelle mer, fors par le pertuys ou cauerne de ce lieu, qui a plus d'une lance de haulteur, & autāt de large à y entrer, & contient enuiron vn quart de lieue de long. Oultre ceſte Crote ou cauerne, que le Roy paſſa, y à beau pays & plain, vn peu eſlongné de la mer, & aſſez pres des montagnes, qui eſt tout plain d'orengiers, & ſi eſt fertile à bledz: & illec pres y à vne petite ville ſur le bort de la mer, qui eſt pres d'une autre petite ville, en partie perie par la mer. Vn peu plus loing eſt le lieu ou on fait le ſouffre, en vne haulte & longue montagne: laquelle brulle touſiours: & eſt à coniecturer que c'eſt le mont d'Etna, dont ſont mention les Hyſtoires. En la plaine de celle montagne y à deux fontaines ou ſources d'eau: l'une eſt chaulde, & noire comme ancre, & boult comme ſi elle eſtoit ſur le feu: & l'autre eſt blanche, & froide, combien qu'elle ſemble boullir. En la vallée y à vn trou hydeux à merueilles, duquel vient ſi merueilleux & impetueux vent qu'il ſouſtient les pierres, le boys, & tout ce qu'on iecte dedans lediſt creux, ſans y aſſonder ne brulſer, combien que le vent ſoit chault & ardent, dont le Roy veit l'experience, & auſſi faire le ſouffre. Apres alla le Roy en vn autre lieu d'excellence, ou l'on fait l'Alun de roche, lequel il veit faire en vne chaudiere, & conuertir en forme de ſel: & de ce lieu alla en vn autre lieu, ou

t Caponne  
t Caſtel  
nouo.

t Caſtel  
Deſſus.

Le Roy receut les hōmages de Naples, & y meit Officiers.

Gayete prise par les François.

Grād' cruauté d'un Italien.

De la montagne à ſouffre, diſte Etna. Des fontaines ſulphurees, & creux merueilleux.

y à vn lac profond & large, aupres duquel sont estuues chaudes & seiches, & sans aucun feu, fors de la chaleur de la montaigne. Et finablement on monstra au Roy vn autre creux, ou trou, tout rond dedans vne de ces montaignes, pres dudiect lac, qui semble estre vn gouffre infernal: car incontinent que l'on y met quelque beste ou oyseau, il expire & meurt tout subit.

*Comment le Roy Charles feit son entrée triumpante en la ville de Naples.*

L'an mil quatre cens quatre xx. quatorze.

Les lieux ou passa le Roy à son retour.

† Autres Toscanelle.

**I**Ncontinent apres toutes ces choses veues, le Roy alla faire son entrée solennelle en la ville de Naples, en habit Imperial, & y fut receu comme Roy de France & de Cecille, & Empereur de Constantinoble, avec tous les Seigneurs de France, & d'ailleurs, en ordre comme les Roys ont accoustumé faire a Paris quant à l'ordre, mais trop plus triumpante: & ce fut le Mardy douzieme iour dudiect mois de May, mil quatre cens quatre vingtz & quatorze. Et au dedans de huytaine expedia les Ambassadeurs de Calabre & autres pays dudiect royaume de Cecille. puis receut les sermens des villes & seigneuries. Le vingtieme iour dudiect mois de May, apres qu'il eut laissé pour Regent & Viceroy audiect royaume de Naples le tresnoble Prince & seigneur Gilbert, Comte de Montpensier (qui fut accepté de tous) & qu'il eut mis ordre à tous les affaires, & prins congé de chacun (qui ne fut sans regret) partit de la ville de Naples, & s'en alla au giste à Versé, bien accompagné: non toutesfois comme il estoit en allant audiect Naples: car il laissa vne partie de ses Seigneurs & de ses gens d'armes audiect royaume de Naples, pour le garder soubz le Viceroy de Montpensier. Le Roy arriua à Romme le premier iour de Iuin audiect an mil quatre cens quatre vingtz & quatorze, & y fut deux iours, le pape Alexandre absent de Romme. puis alla en la ville de Viterbe, ou il seiourna trois iours: & ce pendant les gens d'armes de son Auantgarde, qui estoient passez deuant, pillerent vne petite ville, appelée t<sup>t</sup> Tousfanelle, appartenât au Pape, par ce q<sup>q</sup> les habitans ne leur voulurent donner passage, & y entrerent par force, ou plusieurs desdictz habitans & grand nōbre furent occis, dont le Roy fut mal content: lequel au departir de Viterbe deliura le chasteau au gens du Pape. De Viterbe le Roy passa à Sienes la Vieille, ou luy vindrent nouuelles que le Duc d'Orleans auoit gaigné la ville de Nouarre, & estoit dedans, oultre le gré de Ludouic & ses alliez. De Sienes la Vieille le Roy alla à Pise, de Pise à Lucques, de Lucques à Sarfague, ou il arriua le vingt-septieme iour du mois de Iuin: & la fut aduertie que le Pape, les Venitiés, les Italiens & Lombards, le Seigneur Ludouic, les Vrsins, le Comte de Petillane, & autres dudiect pays, qui festoient au parauant de claires amys du Roy, auoyent dressé vne grosse armée de soixante ou quatre vingtz mil hommes, les mieulx armez & accoustrez qu'on veit iamais, combien que l'armée du Roy ne fust que de dix à douze mil hommes: mais c'estoyent tous gens de coeur, hardis, & de bonne experience. A la raison dequoy le Roy ne s'en esbahyt aucunement, & s'en alla es Alpes le vingneufieme iour dudiect mois de Iuin, & print giste au pied d'icelles, ou il feit parquer son Camp, iusques à ce que toute l'Artillerie fust passée: en quoy furent faictes plusieurs grâdes diligences, tant par Iehan de la Grange, Maistre de l'Artillerie, que par Claude de Salins, & par plusieurs gros Seigneurs, mesmement par monseigneur Loys de la Trimouille, Vicomte de Touars: lequel pour donner courage aux gens de pied, & autres, pour pousser à l'Artillerie & porter les boulletz & pierres se meit à en porter, tout en pourpoint, ou chacun meit apres les mains. Le Roy demoura en ce champ iusques au tiers iour de Iuillet, & l'Auantgarde passée, que conduysoit le Marechal de Gié, le Roy le suyuit, & passa les Alpes: & le Dimenche, cinquieme dudiect mois alla disner au lieu de Fournoue, & à vne lieue pres de ses ennemis. Le Camp du Roy fut assis en vne belle place plaine de saulfoyes, prairies & fontaines, iignant vne mōtaine, sur laquelle y auoit vn petit chasteau, garny de tous biens, qui appartenoit au Comte Galeace.

*Comment le Roy Charles maulgré ses ennemys passa triumpamment Fournoue.*



**A**V sixieme iour dudiect mois, qui estoit vn Lundy matin, apres la messe ouye, marcha l'armée du Roy en bon ordre. L'Auantgarde estoit conduycte par le Marechal de Gié, & le Seigneur Iehan Jaques: & assez pres d'eulx marchoyent les Suisses en bel ordre, conduyctz par le Côte de Neuers, le Bailly de Dyion, & le grād Escuyer de la Roynne. Les Aefles de l'armée estoient aux deux costez bien equipées. Apres alloit l'Artillerie bien accoustree: de laquelle estoient Capitaines Guyot de Louuiers, & Iehan de la Grange. Consequemment marchoit la Bataille, ou le Roy estoit en personne,



personne, armé en Prince de renom : car il auoit sur son riche harnois bien complet vne riche  
 iaquette à courtes manches, de couleur blanche & violet, semée de croisettes de Hierusalem,  
 faictes de fine broderie & orfauerie. Son cheual estoit de poil noir, que le Seigneur de Sauoye  
 luy auoit dōné, & bardé de mesmes ses habitz. Les Seigneurs de Ligny & de Piēnes, & le Ba-  
 stard Matthieu de Bourbon, estoient à l'entour de luy, vestuz de sa forte. Apres l'armée alloit  
 l'Arrieregarde bien ordonnée: de laquelle estoient Chiefz & Capitaines ledict messire Loys  
 de la Trimouille, Vicomte de Touars, & le Seigneur de Guyse, chacun d'eulx bien habitez,  
 avec le guet ça & la. La bataille ainsi ordonnée, chacun marcha en son ordre, pour combattre  
 leurs ennemys, qui estoient Lombards, Milannois, Venitiens, Estradiotz, & autres ia fiere-  
 mens partis de leur Camp, pour donner sur les François : & commencerent à tirer vne pie-  
 ce d'Artillerie contre l'Auantgarde, qui ne s'en esmeut, & passa oultre : mais l'Artillerie des  
 François tira si bien contre les ennemys, que le principal Canonnier fut occis, & le surplus  
 contrainct se retirer aillicurs : & eulx voyans le bon ordre des François, enuoyerent certain  
 gros nombre d'Albanois & Estradiotz, de la partie de la montaigne, en passant par deuant  
 Fornoue, qui frapperent sur ceulx du bagage, qu'ilz trouuerent en desordre, ou ilz feirēt gros  
 dommage & perte, plus par aucuns paillards de l'armée du Roy, q̄ des parties aduerses. Non  
 pourtant ne fut la bataille interrōpue: mais demourerēt tousiours les François en vne merueil-  
 leuse hardiesse, par l'admōnestement q̄ le bon & hardy Roy leur faisoit, en si bon termes qu'il  
 n'y auoit homme qui ne fust deliberé de le seruir iusques à la mort. Les ennemys furent ad-  
 uertis du lieu ou estoit le Roy, & de son vestement: parquoy les plus grands Capitaines &  
 Seigneurs d'entre eulx vindrent en grand' fierté donner sur la bataille, & au lieu ou le Roy  
 estoit, qui se deffendit si vaillamment que par son preux & hardy courage, moyennant l'ay-  
 de de Dieu, apres grand' tuerie des ennemys, & des principaux d'iceulx, demoura victoi-  
 rieux, & se sauuerent des ennemys ceulx qui peurent fuyr seulement : & comme Dieu vou-  
 lut, tant que dura la Bataille, ou ne fut tué que sept cens de l'armée du Roy, ne cessa de gres-  
 ler, plouuoir & tonner, & tellement qu'au ruyseau, ou les ennemys auoyent passé à gué,  
 plusieurs d'iceulx se noyerent au retour en fuyant. Le Roy souppa & coucha au lieu ou a-  
 uoit esté la Bataille, mais il fut mal pensé, au moyen du desroy qui auoit esté fait sur le baga-  
 ge. On trouua par les lettres, que les ennemys enuoyoyent au seigneur Ludouic, que leurs  
 gens de pied estoient presque tous mors, & les noms de plusieurs Comtes, Marquis, & Sei-  
 gneurs occis, tant de ceulx de Venise que d'Italie & Lombardie. Le lendemain le Roy tint  
 Camp à demye lieue dudit lieu ou auoit esté ladicte Bataille. Tant feit le Roy par ses iour-  
 nées qu'il arriua en la ville d'Ast, le xv. iour de Iuillet ensuyuant, ou il fut iusques au xxvij. du-  
 dict mois : & la receut nouuelles de toutes pars, tant de ceulx de Naples, qui festoyent reuol-  
 tez contre luy, pour recevoir le Roy Ferrand, que du Pape, q̄ des Venitiens, de Ludouic, & de  
 la grand' assemblée de gens qu'ilz auoyent faicte contre le Duc d'Orleans, à Nouarre: à toutes  
 lesq̄lles choses pourueut sagement. D'Ast le Roy alla à Quiers, ou la fille de son hoste, mai-  
 stre Jehan Solier, qui estoit vne ieune Pucelle, luy feit vne harengue à son honneur & louage  
 touchant son voyage, aussi bien qu'homme pourroit faire : en quoy le Roy print tresgrand  
 plaisir. De Quiers le Roy alla à Thurin, ou il fut quelque piece puis : retourna de Thurin à  
 Quiers, ou le vingtdeuxieme iour d'Aoust le Seigneur de Cernon, du pays de Prouence, ar-  
 riuu, & compta au Roy comment il auoit pillé & mis à sac vne petite ville de la Seigneu-  
 rie de Gennes, en hayne de ce que le iour precedent ilz auoyent fait vn Roy de France en  
 vne chaire de papier collé, & puis luy auoyent mis le feu au cul. Le trente & vnieme iour  
 du mois d'Aoust, fut fait Chancelier de France monseigneur Briçonnet, Archeuesque de  
 Reims. Le Roy sen alla à Verseil ou estoit son Camp, contre Ludouic & les Venitiens, qui  
 tenoyent le Duc d'Orleans assiégué en la ville de Nouarre : & apres plusieurs allées & venues  
 d'un Camp en l'autre, le Roy feit & traicta paix avecques ses ennemys, à leur requeste : par  
 lequel traicté laisserent ladicte ville de Nouarre audict Duc d'Orleans, leuerent leur Camp  
 & siege, & sen allerent, comme aussi feit le Roy & toute son armée, le neuvieme iour d'Octo-  
 bre audict an mil quatre cens quatre vingtz & quatorze : & tant feit le Roy qu'il arriua & en-  
 tra en la ville de Lyon, le Samedy septieme iour de Nouembre ensuyuant, & logea en l'ho-  
 tel de l'Archeuesque dudit lieu, ou il trouua la Royne, accompagnée de madame Anne,  
 Duchesse de Bourbon, fœur du Roy, & autres nobles Dames.

*Magnanimi-  
 té du Roy  
 Charles.*

*Le Duc d'or-  
 leas en Ast.*

*De ladelivra-  
 ce du Duc  
 d'Orleas, fai-  
 te par le roy  
 Charles, à  
 Nouarre.*

*De la pucel-  
 le Cassandre  
 Venitienne.*

En ce temps viuoit à Venise vne Pucelle, nommée Cassandre, fille du Sire Ange Fide-  
 li, laquelle estoit tresexperte es sept ars liberaux, & lisoit publiquement. elle estoit aussi grand'  
 theologienne.

*Comment la maladie de Naples fut apportée en France.*



Le Roy  
Charles à  
s. Denis en  
France.

Les moeurs  
du Roy  
Charles.

† Bouchet  
use de ces  
mesmes  
mors en ses  
Ann. d'Aq.

L'an m.cccc.  
quatre xx.  
dixsept.  
Trespas du  
Roy Char-  
les viii.

V retour dudit voyage de Naples, plusieurs Gentilzhommes, & autres, vindrēt infectz & maculez d'une maladie, de laquelle on n'auoit iamais ouy parler en France, qu'on appela lors la maladie de Naples, par ce qu'ilz l'apporterent dudit pays. depuis fut appelée la grand' Gorre, p ce qu'elle se prenoit aux plus gorgias: & autrement est appelée la grosse Verolle. C'est (comme il est à coniecturer) vne punition de Dieu, pour le commun peché de luxure: car elle ne se prent que par paillardise communement, fors es petis enfans, qui aucunesfois l'apportent du ventre de leurs meres, qui en sont infectées, ou la prennent de leurs nourrices. Aucuns dient que Iules Cesar en fut persecuté, & à veoir Suetone on le iugeroit ainsi: par ce qu'il a escrit que Iules Cesar auoit sur soy grand' quantité de cicatrices, faictes en façon d'estoilles rouges. Apres que le Roy, & toute sa Court, fut retourné en France, & qu'il fut vn peu refreschy de tant de grands & incroyables trauaulx & labeurs, mesmement luy, qui estoit petit de corps, mais magnanyme d'esperit, & grand de coeur, pour n'estre ingrat de tant de biens que Dieu luy auoit faictz, à la priere, comme il est à croire, de nostre Dame & des benoistz martyrs saintz Denis, patron des Roys de France, & ses compagnons saint Eleuthere & saint Rustic, alla visiter l'Abbaye de S. Denis en France, ou estoient & sont les corps desdictz Saintz, & rendre graces à Dieu, à nostre Dame, & ausdictz Saintz, de ses victoires & ioyeux retour: & ne voulut entrer en la ville de Paris, ne visiter les Citoyens, desquelz il estoit tresmal content, par ce qu'ilz luy auoyent reffulé de prester cent mil liures tournois, pour la guerre de Naples: & passa, par saint Anthoine des Champs, le pont de Charenton, puis s'en alla à Amboise, ou il feit faire le chasteau qui y est de present. Tantost apres son retour en France, il sceut comment les Neapolitains s'estoyent reuoltez contre luy, pour Ferdinand, filz dudit Alphons: & apres le trespas de monseigneur Gilbert, Comte de Montpensier, qui estoit Viceroy audict pays, tous les Capitaines se retirerent en France: & à ceste raison le Roy Charles delibera y retourner: & en attendant l'opportunité vescu en grand' paix en son royaume, & changea la forme de viure de sa ieunesse, durant laquelle il auoit fort aymé le passetemps des Dames, & la compaignie des belles filles, & deuint treschaste & loyal à son espouse, qui luy produysit trois enfans, lesquelz moururent ieunes, dont il fut tresdeplaisant. Il se delecta à faire Iustice, & fut content de se mettre en siege deux fois la sepmaine, pour ouyr toutes plainctes & requestes, à ce que raison fust à chacun faicte: & combien qu'il fust mal content de ceulx de Paris, & qu'aucuns Princes pres de sa personne pensassent bien que pour se véger il erigeroit vn Parlemēt à Poitiers, & osteroit à ceulx de Paris les ressors de Poitou, Aniou, Touraine, le Maine, la Marche, Angoulmois, & le pays d'Aulnys, dont aucuns des Citoyens de Poitiers furent vers luy à Lyon, au moys d'Auril l'an mil cccc. iij. xx. & xvj. † ou i'estoys, toutesfois à la requeste du Chancelier Briçonnet (combien qu'une fois eust oïroyé ledict Parlement desdictz ressors audict Poitiers) en remeit l'execution à vne autre fois. Au moys de Septembre audict an, le Roy partit de Tours pour aller à Lyon, esperant d'illec marcher à Naples: mais le voyage fut rompu, dont ie n'ay peu sçauoir la cause, & retourna à Amboise: & le septieme iour d'Auril, l'an mil quatre cens quatre vingtz dixsept, qui estoit vn peu deuant Pasques, ainsi qu'il regardoit de sa gallerie dudit chasteau d'Amboise, en la cōpaignie de la Roynie, iouer à la paulme, vne foiblesse & esuanouysson le surprint, dōt il pdit le parler, & ledict iour trespasā sans hoirs procréez de sa chair. Ce fut vn Roy humble, & le plus estimé qui fut cent ans au parauant, large & liberal, & le plus riche, bon Catholique, sans hipocrisie, iuste sans fiction ne mauuaise cautelle, & bien aymé & regretté de tout son peuple. Le dernier iour dudit moys d'Auril ce bon Roy, qui n'auoit que vingtsept ans, fut porté de Paris en l'Abbaye S. Denis, l'an quatorzieme de son regne, pres de ses predecesseurs Roys de France. Les obsèques duquel furent treshonorables & triumpantes (comme ie vey) & qui les vouldra veoir par escrit regarde la fin de la Cronique du tresslouable Croniqueur messire Robert Gaguin, Docteur es droitz, & grand Ministre de son ordre des Mathurins, eloquent sur tous les autres Croniqueurs François. Or estoit en ce temps la le royaume de Naples possédé par ledict Ferdinand, qui mourut incontinent apres, en l'aage de vingt & vn ou vingt deux ans, & laissa le royaume à Frederic, son oncle paternel, qui en iouyt depuis par six ans ou enuiron.

*Fin des faictz du Roy Charles, huyctieme du nom.*

Du Roy

*Du Roy Loys, douzieme de ce nom: & comment il conquist la Duché de Milan,  
qui luy appartenoit.*



**L**A ligne directe des Roys de France, descenduz de Philippe de Valloys; faillit audi& Roy Charles; huy&ieme: par ce que les trois filz qu'il auoit euz decederent auant luy: & à ceste raison tomba la cour&ne en ligne collaterale, & fut Roy de Fr&ce Loys, Duc d'Orle&as, & de Valloys, comme le plus proche. Et pour l'entendre, *Genealogie du Roy Loys xii. de ce n&:* iaçoit ce qu'il en ait esté parlé cy dessus, le Roy Charles, cinquieme, eut deux enfans: c'est à s&auoir Charles, sixieme, duquel vint Charles, septieme, qui engendra Loys, vnzieme, & ledi& Loys, vnzieme; Charles, huy&ieme. L'autre filz dudi& Charles, c&ieme, fut Loys, Duc d'Orleans, qui esp&usa Valentine, fille de Iehan Galeace, C&te de Vertuz, & premier Duc de Milan: de laquelle il eut trois filz;

Charles, qui fut Duc d'Orleans apres luy, Iehan, qui fut Comte d'Angoulesme, & Philippe, Comte de Vertuz. Ledi& Charles v&cut longuement: & apres qu'il fut deliur& d'Angleterre, ou il estoit prisonnier, il eut de son esp&use, madame Marie de Cleues, ledi& Loys, douzieme de ce nom, auquel par ce moyen, par faulte d'hoir m&le en droi&te ligne, à appart&nu le royaume de France. Ledi& Loys, Duc d'Orleans, & de Valloys, fut sacr& à Reims, le vingt&septieme iour de May, l'an mil cccc.iiii.xx.dixhuy&, & print la cour&ne en l'Abbaye sain& Denys en Fr&ce, le premier iour de Iuillet ensuyuant: & le lendemain fait son entr&e à Paris fort triu&phante, comme ie v&y. Peu de temps apres, le Seigneur de Vergy, de la C&ot& de Bourgongne, cuyda faire quelque esmotion de guerre en la Duché de Bourgongne, mais ce ne fut rien. *Le cour&nement du Roy Loys xii. mil cccc.iiii.xx. & xviii.*

Au moys d'Octobre ensuyuant le Duc de Valentinoys vint en France, de par le Pape Alexandre, sixieme de ce nom: ou il fut bi& receu par le Roy, qui le maria avec la fille du Seigneur d'Albret, qui estoit l'une des belles & bonnes Dames de France: duquel mariage est yssue vne autre noble Dame, nommée Loyse, qui a esté mariée avec monseigneur Loys de la Trimouille, Vicomte de Touars, apres le trespas de madame Gabrielle de Bourbon, sa premiere esp&use. L'on doit entendre que ledi& Roy Loys, lors qu'il estoit simple Duc d'Orleans, fut contrain& par le Roy Loys, vnzieme, d'esp&user madame Iehanne de France, sa fille, & que le iour des esp&usailles declaira en pres&ence de Notaires, & autres gens de bi&, qu'il n'entendoit contract&er aucun mariage, & que ce qu'il faisoit de ladi&te sol&ennit&e estoit pour complaire audi& Roy Loys, qui estoit merueilleux & cruel à ceulx de son sang, & quelques esp&usailles qui eussent esté, iamais n'auoit voulu congnoistre madame Iehanne charnellement: & aussi qu&ad il couchoit avec elle par le commandement du Roy Loys vnzieme, ou du Roy Charles huy&ieme, son frere, auoit des tesmoingz secretz toute la nuy&, pour depos&er de son abstinen&ce: & pour ces causes, & qu'à la verit&e ladi&te madame Ieh&ane n'estoit sa vraye femme, par ce que mariage est c&ontract&é par mutuel consentement seulement, & qu'il s&auoit bien par l'oppinion de gr&ds Medecins & Philosophes, qu'il ne pourroit auoir lign&e d'elle, à la raison de ce qu'elle estoit c&otrefaite, & aussi que les Princes c&ognoissoyent q&u'il la veufue dudi& feu Roy Charles, huy&ieme, qui estoit Duchesse de Bretagne, se marioit avec autre, seroit desv&rir ladi&te Duché de Bretagne de la cour&ne de France, fut trouu&é p& le c&onseil des Princes, & autres g&es de lettres q& le Roy deuoit faire declairer le premier mariage nul, & qu'il se deuoit marier avec ladi&te Duchesse de Bretagne. Surquoy le Roy obtint vn brief du Pape Alexandre, adress&ant à certains Iuges, pour c&ognoistre de ladi&te matiere: lesquelz en l'an mil cccc.iiii.xx.xix. d&onnerent la sentence qui s'ensuyt, apres auoir ouy ladi&te madame Iehanne. Au nom de Dieu, de la sainte Trinit&e, pere, filz, & saint es&prit, Am&e. Veul le proces pendant par deuers nous Philippe en tiltre de saint Pierre, & Marcellin, Cardinal de Luxembourg, & Eues&que du Mans, Loys, Eues&que d'Alby, & Ferrand, Eues&que de Cepte, Iuges deleguez en ceste partie de nostre saint pere le Pape, entre Loys, douzieme, Treschrestien Roy de Fr&ce, dem&endeur d'une part, & illustre Dame, Dame Iehanne de France, deffenderesse d'autre part: Veul le referit Apostolique, la demande dudi& demandeur, la litiscontest&ion de ladi&te deffenderesse, & ses resp&ses, exceptions, repliques, positions, & responses sur icelles d'un cost&e & d'autre, les tesmoingz produictz par ledi& demandeur, & leurs depositions obie&ct&ées au contraire, & autres documents, conclusion faicte en cause, & assign&ation pour ouyr droit, eu communication de c&onseil avec Cardinaulx, Archeues&ques, Eues&ques, Doct&eurs en Theologie, & en Droit, en gr&ad n&bre. Auons & disons par nostre sentence diffinitive, ayant Dieu deuant les yeux, Declairons, & pronon&ons le mariage faic& entre lesd&ictes parties estre & auoir esté nul, & donn&ons c&og&e

*Pour quelle cause le Roy se maria avec madame Anne Duchesse de Bretagne.*

*L'an m.cccc.iiii.xx. & dixneuf.*

*S&e&ce pour le Roy Loys c&ot&re Dame Iehanne de France.*

& licence audict demandeur, entant que besoing seroit par autorité Apostolique, de pouoir prendre femme telle que bon luy semblera par mariage, & sans despens de ladicte cause. Au moyen de laquelle sentence, dont ne fut appelé ne reclamé, ledict Roy Loys, douzieme, par dispense du Pape espousa madame Anne, Duchesse de Brétaigne, veufue du feu Roy Charles, huytieme: & bailla à madame Iehanne de France, pour appanaige, la Duché de Berry avecques vn beau & honnest train que tousiours luy entretint à ses despès: & elle se tint en la ville de Bourges en toute sainteté, tellemēt (qu'ainsi qu'on dit) Dieu à sa requeste & par ses prieres à fait plusieurs miracles depuis son trespas, au lieu ou son corps repose.

*Comment le Roy Loys, douzieme, au commencement de son regne vendoit les Offices pour auoir argent.*

*Inuentio de leuer denier, par uendicion d'Offices.*



LE Roy Loys, au commencement de son regne eut de grâds affaires, tāt pour acquiescer les debtes du feu Roy Charles, huytieme, q̄ pour recouurer sa Duché de Milan contre le seigneur Loys Sforce, vsurpateur d'icelle: & pour auoir deniers, sans les prendre par creues de tailles ou empruntz, print argent des Offices royaux (fors de iudicature) dont il rerira grands pecunes. Et pour la reformation de la iustice & des priuileges des Vniuersitez, dont plusieurs abusoyent à la foudre du pauvre peuple, feit certaines belles Ordōnances, qui furent publiées en la Court de Parlement, dont les suppotz de l'Vniuersité de Paris ne furēt contens, & plusieurs d'iceulx se meirent en armes, pour empescher la publication, tendans mutiner le commun populaire. ce qu'ilz ne peurent faire: car la Court de Parlement y obuia prudemment.

*Lōbards pour quoy ilz sōt aissi appelez*

*Des Vicomtes de Milā.*

*† La Cro. de Milan, par Donat. Bos. dict Marc. & t. Az. comptat le reste un peu autrement.*

*† Cron. de Mil. Massi.*

*† v. v. c. aslo plus tost.*

Estans telles esmeutes appaisées, le Roy delibera de mettre sus vne armée, pour oster des mains de Ludouic Sforce, la Duché de Milan. Et pour entēdre le droit que ledict Roy Loys auoit en la Duché de Milan, que Loys Sforce tenoit par force, est à presupposer ce qui est contenu par les Hystoires de Paule Diacre, qui feit l'hymne, *vt queant laxis*. de Sigisbert, d'Anthoine Sabelic, Volaterr, maistre Vincēt de Beauuais, & autres: c'est à sçauoir que l'an de nostre salut cinq cens soixante & dix, les Vvinnules depuis appelez Lombardz, au moyen de leurs longues barbes (qui par plus de quarante deux ans se tindrent en Panōnie) vsurperent Italie, & la tindrent iusques en l'an sept cens septante quatre, comme nous auons veu cy dessus en parlāt du Roy Charlemaigne: auquel an le royaume desdictz Lōbards print fin: & depuis en Lōbardie, dont Milan estoit vne des principales villes, n'y eut Roy, mais a esté le pays gouuerné par Vicomtes comptables, soubz la main de l'Empereur, tant que les Roys & ceulx de la maison de France tindrent l'Empire, voyre iusques à ce que Milan fust erigé en Duché. Et au temps du regne de Philippe le Bel, qui commença regner l'an mil deux cens quatre vingtz & six, vn nommé Matthieu, tenoit la Vicomté de Lombardie: & eut cinq filz: c'est à sçauoir Iehan Galeas, † Marphe, Luchin, Iehan le second, & Estienne. Apres le trespas de Matthieu, Iehan Galeas, son filz aîné, fut Vicomte, qui tantost mourut, & laissa vn filz nommé † Artus, qui fut bien tost apres empoisonné par son oncle Luchin, pour auoir la Seigneurie: de laquelle il sem para, par ce que ses deux freres, Marphe, & Estienne estoient decedez, & chacea Galeas Marie, & Bernabo ses deux nepueux, enfans dudiēt Estienne, qu'ilz enuoya en exil: mais il ne dura gueres: car pour son mauuais gouuernement fut occis secrettement par aucun de ses subiectz. Au regard de Iehan le second, qui estoit son frere, lors Archeuesque de Milan, il sem para de ladicte Seigneurie, & appela ses deux nepueux Galeas Marie & Bernabo, pour la cōduite de la Cheualerie & des guerres, ou il se gouerna tresbiē. Lediēt Iehā Archeuesque & Vicomte de Milā, alla de vie à trespas, & auant luy estoit decedé lediēt Galeas Marie, qui laissa vn filz, nommé Iehan Galeas le Vicomte: lequel, apres le trespas de son diēt oncle l'Archeuesque, voulut auoir la Seigneurie de Milan: & pour à ce paruenir, faignāt aller veoir son oncle Bernabo à Pauye, ou il se tenoit, le print prisonnier, sa femme, & ses enfans, & par prisons les feit mourir, fors l'vn des enfans dudiēt Bernabo, nommé † Mascrin, qui euada de ses dangers, sans qu'il ait esté depuis veu n'aucuns enfans de luy: neantmoins lediēt Iehan, craignāt son retour, espousa vne fille dudiēt Bernabo, nommée Catherine: parquoy demoura paisible possesseur de ladicte Seigneurie, & sen feit Vicomte, soubz l'autorité Imperiale, à laquelle il estoit comptable. Lediēt Galeas quist l'amytiē & bien vueillance du Roy Iehan, lors regnāt en France: au moyen dequoy demoura paisible par son support, & trouua moyē enuers l'Empereur † Othon, de prendre de luy à foy & hommage ladicte Seigneurie de Lombardie, à tiltre de Duché, & fut le premier Duc, & de sa Duché la ville & la cité de Milan fut le Chef, & ne fut plus lediēt pays gouuerné par Vicomtes, nonobstant que tous ceulx qui sont venuz dudiēt Matthieu ayent prins le surnom de Vicomtes: & encores en ya de present plusieurs en Lombardie,

bardie, qui se surnomment ainsi, & dient à ce moyen y auoir droit. qui ne peut auoir lieu: car le dict Matthieu, & ceulx qui sont de luy descenduz iusques à ce Iehan Galeas, qui print la Seigneurie à foy & hommage de l'Empereur, n'estoyent que commis à gouverner le pays soubz la main de l'Empereur.

Ce Iehan Galeas, premier Duc de Milan, apres auoit vescu en grand honneur & reputation avec Catherine son espouse, par long tēps, alla de vie à trespas, laissant deux filz, Iehā Marie le Vicomte, & Philippe Marie son frere. Ledit Iehan fut le second Duc, & en feit l'hommage à l'Empereur: mais il fut mal conditionné: car soubz luy commença en Lombardie ce detestable peché de Sodomie, & la facheuse bande des Guelphes & Gibelins, qui ia estoit commencée à Romme: & fut tant hay du peuple qu'un iour, luy estant à l'eglise, fut par les siens mis à mort, & ne laissa aucuns enfans: ¶ parquoy luy succeda Philippe Marie, son frere, & fut le tiers Duc de Milan, qui mourut aussi sans enfans legitimes: parquoy Loys d'Orleans, Roy douzieme du nom, luy deuoit succeder, comme estant arrierefilz de Valentine, sœur dudit Philippe, iadis mariée avec Loys Duc d'Orleans, filz du Roy Charles, cinquieme, qui estoit filz du Roy Iehan: duquel mariage estoit venu Charles, pere dudit Roy Loys, douzieme. Bien est vray que ledit Philippe entre autres enfans illegitimes laissa vne Bastarde, nommée Blāche, qui fut mariée avec un sien Capitaine, nommé Francisque Sforce, filz d'un Aduanturier, nommé Sforce Attendulle: mais par ce moyen la Duché de Milan, ne laissoit pas d'appartenir par droit successif audit Loys, Duc d'Orleans, à cause de ladicte Valentine son ayeulle, fille aînée dudit Galeas, premier Duc. Dudit Loys, Duc d'Orleans, qui fut occis à Paris par l'adueu du Duc de Bourgongne, comme nous auons veu cy dessus, vindrent quatre enfans: Charles, qui fut Duc d'Orleans apres luy, Iehan, Comte d'Angoulesme, Philippe Comte de Vertuz, & Marguerite qui fut mariée à Richard, filz du Duc de Bretagne, & fut Comte d'Estāpes: mais ledit Loys, Duc d'Orleans, ne ses enfans, ne peurent recouuer ladicte Duché de Milan contre ledit Francisque Sforce, qui l'vsurpa: & ce au moyen des grands guerres qui commencerent en France pour l'homicide dudit Loys, Duc d'Orleans, & de ce que ledit Duc de Bourgongne fut par apres occis à Montereau fault Yonne: lesquelles guerres durerent tant que regnerent Charles, sixieme, & Charles, septieme. Et touchant le Seigneur de Montauban, qui auoit espousé vne autre fille de ce premier Duc de Milan, il eut d'elle deux filz, & vne fille. Le premier fut messire Iehan de Montauban, Admiral de France, l'autre Artus, Archeuesque de Bordeaux, & la fille, nommée Marie, espousa le Seigneur de Grauille: desquelz est yssu Loys de Grauille, Admiral de France. Or donc ledit Francisque Sforce, qui auoit esté Capitaine dudit Philippe Marie, apres son trespas trouua moyen enuers les Seigneurs de Milan d'auoir le gouvernement de tout le pays en absence des enfans d'Orleans, & s'empara des thresors deldict Iehan Galeas, & de Philippe, qu'il distribua aux Seigneurs dudit pays, par le moyen dequoy fintitula & nomma Duc, & fut vsurpateur de ladicte Duché: & voyant que Loys, Daulphin de France, & filz aîné du Roy Charles, septieme, estoit fugitif, & auoit encouru la malle grace de son pere, pour laquelle cause auoit plusieurs grands affaires en Bourgongne, ou il se estoit retiré, trouua moyen d'auoir sa grace, moyennant quelque argent qu'il luy donnoit par chacun an, & tellement qu'il fut tousiours supporté de luy: & quand il fut paruenue à la couronne de France, feit bailler en mariage à Galeas Marie, filz aîné dudit Francisque Sforce, Madamoyelle Bonne de Sauoye, sœur germaine de madame Charlotte, seconde femme audit Roy Loys, vnzieme: & par le moyen de ces alliances les enfans d'Orleans demourerent sans secours, & furent contrainctz escouter & attendre un autre temps. Desdictz Francisque Sforce & Dame Blanche, Bastarde dudit Philippe Marie, Duc de Milan, vindrēt cinq filz, & deux filles. Le premier fut ledit Galeas Marie, qui espousa ladicte fille de Sauoye, desquelz vindrent deux filz, & vne fille, dont l'aîné eut nom Iehan. le second filz dudit Francisque fut Iehā Marie, le tiers Marie, le quart Ascaigne, qui fut Cardinal, & le v. Loys, qui en ce tēps tenoit & vsurpoit ladicte Duché de Milā. Ledit Francisque Sforce alla de vie à trespas selon aucuns, l'an mil quatre cens soixante & six, auquel temps son filz aîné Galeas estoit en France avec le Roy Loys, vnzieme, qui luy bailla gens pour prendre possession de ladicte Duché de Milan. ce qu'il feit: & enuiron dix ans apres fut occis en vne eglise de ladicte ville de Milan, comme il a esté dict dessus, & laissa un filz, nommé Iehan, duquel ledit Loys Sforce, son oncle eut la tutelle, & depuis le feit mourir, & s'empara par ces moyens de ladicte Duché de Milan. Et au regard des deux filles dudit Francisque, l'une fut mariée à Alphonce, filz aîné de Ferrand le Bastard, qui vsurpa le royaume de Cecille, Pouille, & Calabre, sur la maison d'Aniou, de laquelle les Roys de France sont vrayz heritiers. l'autre fille fut mariée à Guili aume, Marquis de Montferrat. Et sur ce est à entendre que presque en un mesme temps que ledit Philippe Marie trespassa, Alphonce, filz du Comte de Medine de Campo, qui sur-

† Ce passage estoit fort corū, n'en deplaise au bon homme Boucher, qui l'a print d'icy, ou de g on l'auoit prins, et mis en ce lieu.

† La Croni de Milā en met six, et les nomme ainsi, Galeas, Philippe, Sforce, Loys, Ascanio, et Othman.



print le royaume d'Arragon, & de Cecille, sur la maison d'Aniou, alla de vie à trespas à Naples, & laissa ledi&t Ferrand le Bastard son Heritier de Cecille, & le royaume d'Arragon à son frere Iehan, qui estoit pere de Ferrand alors Roy d'Espaigne. Or lesdi&tz Ferrand le Bastard, & le Duc Frâcisque s'allierent ensemble, & eurent la faueur dudi&t Loys, vnzieme, lors qu'il estoit Dauphin, & celle du Pape Pie, qui inuestit ledi&t Ferrand le Bastard du royaume de Cecille, & ledi&t Francisque de la Duché de Milan, au preiudice des maisons d'Orleans, & d'Aniou. ce que ne pouoit faire le Pape, car il appartenoit à l'Empereur à faire l'inuestiture de ladi&te Duché de Milan: mais ledi&t Loys Sforce, se couure & dit qu'il l'est fait inuestir par Maximilian Empereur. qui est vray, par le moyen de ce qu'il contraignit ledi&t Iehan, filz de Galeas, de marier sa sœur avec ledi&t Maximilian: mais ledi&t Maximilian ne le pouoit faire, par ce qu'il ne fut iamais couronné Empereur: & aussi ne pouoit priuer les enfans d'Orleans de leur droit, sans forfaiture. Or donc appert que lesdi&tz Sforces n'ont droit vallable en ladi&te Duché de Milâ, & qu'elle appartient au Roy Loys, douzieme, filz vni&q de Charles Duc d'Orleans, qui estoit filz aîné dudi&t Loys, Duc d'Orleans, & de madame Valentine son espouse, sœur aînée dudi&t Philippe Marie, vray Duc de Milan.

*Comment le Roy Loys, douzieme, alla conquerir sa Duché de Milan, long temps occupée par les Sforces.*



Mil cccc.iii  
xx. xix.

La ville de  
Milan fut  
prise par les  
Francoys.

La descrip-  
tion du cha-  
teau de Mi-  
lan.

La force du  
chateau de  
Milan.

Obeissance  
des Gene-  
vois & Ve-  
nitien.

Natiuité de  
la Royne  
Claude.  
Royne du  
pont nostre  
Dame.

Or se voyât ledi&t Roy Loys en puissance de chacer ce Loys Sforce de ladi&te Duché de Milan, & qu'il y auoit tresbon droit, & nō ledi&t Loys Sforce, que les Hy- stoires appellent le Seigneur Ludouic, alla faire son entrée à Lyon, le dixieme iour de Iuillet, audi&t an mil quatre cens quatre vingtz dixneuf. Puis feit passer son armée iusques en Ast, soubz la conduicte du Seigneur Iehan Iaques, & du Seigneur d'Aubigny. D'entrée prindrēt & meirent à sac deux petites villes, Nō & Roque, qui furent rasées: puis allerent en Alexandrie, & l'assiégerent. Ceulx qui esloyent dedans pour Loys Sforce se deffendirent longuement, mais à la fin la ville fut prinse par les Frâcoys, & en partie abatus, non sans grand dommage des nostres: & de ce aduertis ceulx de Pauye rendirent leur ville à l'obeyssance du Roy de Frâce: au moyen dequoy Loys Sforce, troublé en son courage, & douteux de la foy des Milanois, laissa Milan, & se retira, & vn de ses enfans, accompaignez de peu de ses gens, par le lac du Layre, au Roy des Rommains Maximilian, qui les receut amyablement. Incontinent apres, ceulx de Milan se rendirent aux François, qui prindrent la ville, dont ilz feirent sçauoir les nouuelles audi&t Roy Loys: lequel à diligence al la faire son entrée en ladi&te ville de Milan, ou il fut honnorablement recen. Peu de temps apres trouua moyen de recouurer le Chasteau de Milan, du Capitaine qui le tenoit pour ledi&t Loys Sforce, moyennant ce qu'il donna audi&t Capitaine (lequel estoit auaricieux) la moytié des meubles qui esloyent dedans ledi&t Chasteau, qui consiste en six grosses tours encloses de larges fossez, comblez d'eau permanente: & au circuyt dudi&t Chasteau y a vne autre tour dite la Roquete, qui est presque imprenable, icelle bien munie & gardée: & en icelle tour y a trois cōuiuers, qui sont vultez dessoubz terre, iusques à la tierce pierre, par lesquelz on peult franchement & en liberté yssir aux champs. Il y auoit dedans le chasteau, que feit faire François Sforce, prouision des viures pour deux ans, & armeures pour armer deux mil hommes, avecques deux mil pieces d'Artillerie, oultre quatre grosses Bombardes.

Après la reception des ville & chasteau de Milan tous les autres chasteaulx & villes du pays se rēdirent liberalement à l'obeissance du Roy: & vindrent vers luy les Geneuoys, ausquelz le Roy bailla pour Capitaine Philippe de Rauastai son proche parēt du costé maternel.

Aussi vindrent les Venitiens, ausquelz le Roy feit bailler les villes de Cremonne, & autres qu'ilz tenoyent engagées, & lesquelles auoit tenues par force ledi&t Loys Sforce. En ce mesme temps les gallées & nefz des Turcz, que Loys Sforce auoit appelez en son ayde, furent destrui&tes, ou la pluspart d'icelles, par les François & Venitiens. Le Capitaine des gallées Venitiennes estoit Anthoine Griman: lequel cōme il eut presque gaigné la victoire contre les Turcz, entrèrent à Lēpale & la raserent à fleur de terre: mais les François tousiours nageant occuperent les Salamines, mettant tout à feu & à sang, & à la parfin les Turcz eschaperent par les montaignes inacessibles à gens de cheual. Le quatorzieme iour d'Octobre audi&t an mil quatre cens quatre vingtz & dixneuf, la Royne Anne enfanta vne belle fillé nommée Claude. Et le pont de nostre Dame de Paris, quatre vingtz & deux ans apres qu'il eut esté cōstruit, tomba dedans l'eau de Seine, & soixante maisons qui esloyent dessus, le vingtcinque iour dudi&t moys d'Octobre audi&t an mil quatre cens quatre vingtz dixneuf, vne heure auant midy: dont le Preuost des Marchans & les Escheuins de ladi&te ville furent chargez & condam-

condamnez à certaines amendes, par ce que ladiète ruyne aduint par leur negligence. Vn peu deuant le filz auoit tué sa mere sur lediè pont: & disoyent aucuns que ce nephâdissime peché auoit esté cause d'icelle ruyne. Depuis lediè pont a esté restauré, & refait sur belles arches de pierres, & garny de maisons sans comparaiſon beaucoup plus belles que les premières, qui estoient ſeulement de boys & plaſtre, & le pont aſſis ſur poteaux & pillotiz de boys.

*Comment apres que le Roy eut donné ordre en ſa Duché de Milan, il ſ'en retourna en France.*



LE Roy ſeiournant à Milan donna ordre en la cité, & diminua les tailles & tributz de la ville: car ilz estoient à huyt cens mil liures ou enuiron, & le Roy les remeit à ſix cens vingtdeux mil. Puis ſeit Gouverneur de ladiète Duché de Milan le Seigneur Iehan Iaques, qui estoit natif dudiè pays, & luy commanda d'habiter en l'hoſtel du Palais de Milā. A Quentin l'Eſcoſſoyſ bailla le Gouvernemēt & Capitainerie de la Roquette, & la garde du Chasteau au Seigneur de Stepy. Il meit Capitaine à Gennes le Seigneur de Rauaſtain, & Yves d'Alegre, Capitaine de Sauonne. Puis ſ'en retourna le Roy à Lyon, & de Lyon alla à Orleans, & à Loches, & puis à Paris: & en paſſant par Orleans appoinctā le diſcord d'entre Charles, Duc de Gueldres & le Duc de Iulliers, qu'ilz auoyent eu pour leurs armoiries: & fut par le Roy ordōné que Charles de Gueldres ſabſtiendroit de plus porter les armes du Duc de Iulliers, & que lediè Duc de Iulliers rendroit audiè Charles la ville d'Arclzles qu'il auoit ſurprinſe ſur luy: & pour les fraiz pretenduz par lediè Duc de Iulliers, le Roy luy donna quatre mil eſcus d'or, & luy ordonna penſion par chacun an, pour eſtre de ſon alliance.

*Grād libe-  
ralité du  
Roy Loys  
douzieme.*

*L'an mil  
cinq cens.*

*Milan prins  
p Loys Sfor-  
ce.*

*L'armée de  
Loys Sforce  
ſe rend aux  
Francoys.*

*La prinſe de  
Loys Sforce*

*L'an mil  
cinq cens.*

L'an mil cinq cens fut le grand Pardon & Iubilé de Romme, celebré par le Pape Alexandre, ſixieme: & le tiers iour de Ianuier, audiè an, lediè Loys Sforce, accompagné de grand nombre d'Allemands, par la faction des habitans de Milan reprint ladiète ville, & en chace les François, & d'aucunes autres villes, leſquelles ſe reuolterent contre le Roy: mais les chasteaulx demurerent touſiours en la poſſeſſion des François: & par le moyen de ladiète prinſe pluſieurs pelerins de France, qui alloient audiè Iubilé, furent deſtrouſſez, pilliez, & occis par les Hoſteliers, & autres gens dudiè Loys Sforce, qui donnoit auſdièz Hoſteliers vn Ducat pour chacune teſte de François, dont le Roy ſeit depuis faire bonne iuſtice, & bruſler pluſieurs deſdiètes Hoſteleries, & les Hoſtes dedans avec leurs femmes & enfans. Audiè reuoltement le Comte Galiace & ſa femme ſe retirerent en France par deuers le Roy, lequel enuoya groſſe armée à Milan, pour le recouurer, ſoubz la conduicte de deux Lieutenā: leſquelz ne ſe pouoyent accorder: car ce q' l'vn ordonnoit l'autre ne vouloit qu'il fuſt executé: & pour ceſte cauſe le Roy y enuoya meſſire Loys, Seigneur de la Trimouille, Vicomte de Touars, ſachant qu'il estoit prudent, hardy, & heureux en ſes entreprinſes: en quoy il perſeuera, car incōtinent qu'il fut arriué en l'oſt des François deuant Milan, accorda leſdièz deux Lieutenans, & tous trois enſemble meirent ſi bonne ordre en l'oſt & en toute l'armée, que de ce aduertly le diè Loys Sforce, ſ'en fuyt de Milan, avec cent cheuaulx ſeulement, en la ville de Nouarre, & abandonna toute ſon armée & Artillerie. Les Lieutenans & armée des François ſuyirent lediè Loys Sforce, & ſon armée, iuſques deuant Nouarre: & des ce qu'ilz en approcherent, vn Capitaine des Bourgongnons, ſortit de ladiète ville luy & ſes gēs, & ſe rēdirent aux François. Puis furent pratiquez les Suyſſes, qui estoient du party dudiè Loys Sforce, iuſques au nōbre de quatre mil, par le Bailly de Dyion: leſquelz estoient mal contents par ce qu'ilz n'auoyēt eſté payez: toutesſois ne voulurent laiſſer lediè Loys Sforce, ſi promptement: & au regard des Lanſquenetz, les Suyſſes du Roy ne les vouloyent prendre à mercy. A ceſte cauſe l'armée dudiè Loys Sforce ſortit de la ville, & lediè Loys avec eulx, qui ſe meirent au Camp contre les François: mais ilz ſe rēdirēt auſdièz François ſans coup frapper, fors lediè Loys Sforce, lequel pour euader print l'habit d'vn Cordelier, en ſorte qu'on ne le pouoit cōgnoiſtre: toutesſois lediè Seigneur de la Trimouille, aduertly qu'il ſeſtoit deſguifé, trouua moyen de faire paſſer toute l'armée dudiè Loys Sforce, ſoubz la picque, l'vn apres l'autre, ou lediè Loys fut congny & prins, & amené priſonnier à Lyon. Tous ceulx de ſon armée ſ'en allerent leurs bagues ſauues, & ne demoura aux François que la perſonne dudiè Loys & ſon Artillerie. ce qui fut le Ieudy ou Vendredy deuāt Paſques fleuries dudiè an mil cinq cens: dōt le Roy eut nouuelles à Lyon, la vigille de ladiète feſte, & en ſeit faire les feux de ioye, & proceſſions generales en toutes les Eglises Cathedrales de ſon royaume, pour rendre grāces à Dieu. Le Cardinal Aſcaigne, frere dudiè Loys Sforce, ſceut à Milan la prinſe de ſondiè frere, & incontinent ſeit ſauuer ſes enfans en Allemaigne: & quant à luy, print fuyte avec ſix cens cheuaulx

vers Boulongne: mais Soncin, Capitaine Venitien, qui estoit frere du Marquis de Mantue, le rencontra, & luy bailla la fuyte iusques au chasteau de Ryuolle, ou il fut prins prisonnier, auoc cent mil ducas, sans les bagues, & depuis mis entre les mains des François. Le Cardinal messire Georges d'Amboyse, qui estoit Lieutenant du Roy audict pays, s'en alla de Versé à Milā, & au deuant de luy allerent les principaulx de la ville de Milan se soubzmettre eulx, leurs femmes, enfans, & biens, à sa mercy & misericorde. à quoy ilz furent finablement receuz, moyenant certaine grand' somme de deniers.

*Comment Loys Sforce fut mené à Lyon, puis mis en la tour de Bourges.*



Le quatorzieme iour de May, dudiect an mil cinq cens, lediect Loys Sforce fut mené de Lyō en la grosse tour de Bourges, ou depuis mourut prisonnier: & en son lieu fut mis à Lyon au chasteau de Pierre sise, sondiect frere le Cardinal Ascaigne: & tantost apres en fut mis hors, & feit enuers le Roy qu'il eut le royaume de France pour prison. Le vingtieme iour de Iuin ensuyuant le diect Cardinal d'Amboyse, & Seigneur de la Trimouille, arriuerent à Lyon, & avec eulx le Seigneur Iehan Iaques & sa femme, ou ilz furent ioyeusement receuz. L'an prochain apres le Pape Alexandre donna vn Iubilé & permission de leuer vn decime pour aller contre les Turcz. Monseigneur Philippes, Archeduc d'Autriche & Prince d'Espaigne, à cause de Madame la Princesse sa femme, fille aînée de domp Ferrand, Roy d'Arragon & de Donne Ysabel Roine de Castille, feit son entrée à Paris par la porte sainct Denys, le vingtcinquieme iour de Novembre, feste sainte Catherine, audiect an mil cinq cēs & vn, & fut recueilly du Preuost des Marchans, & Escheuins, accompagné de notables Bourgeois de Paris, qui allerent au deuant. Hors ladiete porte furent iouez mysteres, & les rues tendues par le commandement du Roy. il seiourna à Paris quelque temps, pēdant lequel lediect Archeduc, assista en la court de Parlement, comme Comte de Flandres, Per de France. Au partement de Paris, il alla à Bloys, ou le Roy & la Roine estoient, qui le receurent tresamyablement, & le logerent au chasteau, & eurent ensemble plusieurs familiers & bons propos, & entre autres du mariage de leurs enfans: & lediect Archeduc feit requeste au Roy de faire tenir en la ville de Bruges la residence des marchans François, qui estoient es pays d'iceluy Archeduc, & faire tenir à l'Escluse & au Dam l'estape des denrées & marchandises de France, qu'on enuoye par mer ou riuieres esdictz pays, comme au parauant les guerres: & se fendoit sur ce que la commodité esdictz marchans François estoit plus de resider en vn lieu, & que lesdictes villes de Bruges & de l'Escluse sont au Comté de Flandres, soubz la souueraineté & subiection de la couronne de France: toutesfois le Roy ne voulut octroyer ladiete requeste, sans scauoir l'aduis de ceulx ausquelz le fait pouoit toucher. Et à ces causes, par lettres escriptes à Bloys le treizieme iour de Decembre, manda en Flandres, mesmement ausdictes villes de Bruges & de l'Escluse, & semblablement aux bonnes villes de France, enuoyer à Paris leurs deputez en notable nombre dedans le huyetieme iout de Feurier ensuyuant, pour communiquer ensemble, & aduiser sur le fait de ladiete requeste. Auquel iour deuers le matin les deputez de Flandres remonstrent au Roy tous les moyens qu'ilz entendoient pour obtenir ladiete requeste, tendans principalement à fin d'auoir ladiete estape esdictes marchadises à l'Escluse & Dam. Ausquelz fut ordonné s'assembler lediect iour apres dîner avecques les deputez esdictes villes de France, pour en conférer & conclurre en l'Hostel de la ville de Paris: à quoy ilz vacquerent plusieurs iours: & finablement arrestetēt qu'un Cheualier, nommé messire Seguin Gentil, Seigneur de l'Enferneau, député pour le pays de Xaintonge, villes de la Rochelle & de saint Iehan d'Angely, feroit les articles de la conclusion à bailler au Roy pour lesdictes villes de France: car il auoyent maintenu & euidemment donné à congnoistre qu'il vouldroit mieulx au Roy dōner grād' partie de son royaume qu'octroyer ladiete requeste. parquoy les articles de ladiete conclusion veuz, le Roy ordonna à monseigneur le Chancelier de Rochefort, faire la responce pertinente ausdictz deputez de Flandres: & neātmoins enuoya lediect Gentil, Seigneur de l'Enferneau, en Flādres cōtenter le pays, & pour quelques differēs particuliers, qui estoient entre les Flamēs & lesdictes villes de la Rochelle & S. Iehā d'Angely. L'an mil cinq cēs & deux, apres Pasques, le Roy enuoya grosse armée soubz la conduite du Seigneur d'Aubigny, son Lieutenant General, à Naples, pour recouurer le pays. ce qu'il feit facilement: car Domp Federic, qui auoit v'surpé lediect pays apres le trespas de Ferdinand, Duc de Calabre, son nepueu, se rendit lors qu'il veit n'y pouoir faire resistance, & fut amené en France: ou luy, sa femme, & son filz furent bien traittez par lediect Roy Loys: & au moys d'Octobre ensuyuant, lediect Cardinal d'Amboyse, comme Legat du Pape, feit son entrée à Lyon. Incontinent apres le recouurement du royaume de Cecille, le Roy en-

L'Archeduc  
Philippe, pe-  
re de l'Em-  
pereur feit  
son entrée à  
Paris.  
L'an mil cinq  
cēs & un.


L'an mil cinq  
cēs & deux.

Les Fran-  
coys recou-  
urerēt le ro-  
yaume de Ce-  
cille.

Roy enuoya partie de son armée contre les Turcs, soubz la conduyte de monseigneur Philippe de Rualstain, qui assiegerent la ville de Magdalain, à la fiance des Venitiens, qui auoyent promis auitailler l'armée des François. ce qu'ilz ne feirent: mais au contraire donnerent passage à l'armée des Turcs, lesquels endommagerent par ce moyen lesdictz François, dont ilz prindrent trentedeux prisonniers: & pour les recouurer, & payer leur rançon, le Pape donna de grands pardons & indulgences: & par la faulte desdictz Venitiens, fut l'armée desdictz François rompue, & s'en retournerent à leur grosse perte. Le xxiiij. iour de Mars, en l'an mil cccc. & trois, à commencer l'année à l'Annunciation nostre Dame, ledict Archeduc, venant d'Espaigne, alla à Lyon, ou il fut bien receu, par ce qu'il auoit charge de faire & traicter paix entre les Roys de France & d'Espaigne. ce qu'il fit: & fut ladicte paix eriee, ledict Roy de France, & la Roynne estans à Lyon, le quart iour d'Auril ensuyuant, entre ledict Roy de France, ledict Roy d'Espaigne, le Roy des Rômainz, & ledict Archeduc, & leurs alliez: & d'illec s'en alla ledict Archeduc à Bourg en Bresse, veoir madame Marguerite, sa soeur, femme de monseigneur Philebert, Duc de Sauoye: laquelle auoit esté en ses ieunes ans fiancée avec le Roy Charles, huytieme, comme il a esté dict cy dessus: & ledict Archeduc, estant audict lieu de Bourg, le Roy d'Espaigne, en venant contre ledict traité de paix qu'il auoit promise & iurée, enuoya grosse armée à Naples, cōtre les François, soubz la conduyte de Gonssalle Ferrade, qui print la ville de Naples, & conquist le pays, par l'intelligence qu'il auoit au pape Alexandre. qui ne fut pas sans grand' resistance du Seigneur d'Aubigny, & du Duc de Nemours, de la maison d'Armignac: lequely fut occis en la Bataille: ou se porta tresbien le Seigneur de la Palice, & autant vaillamment que iamais fait homme en guerre: mais par la faulte des Thresoriers, qui desfroboyent les deniers du Roy, les François furent affamez, & demourerent sans secours: dont maistre Jehan Herouet, Thresorier, qui estoit soubdain monté à gros honneur, & grands richesses, fut desappoincté, & assez mal traicté. Le Seigneur de la Trimouille, par le commandement du Roy se meit au chemin, pour aller au recouurement dudit pays de Naples, mais il fut si griefuement malade qu'il fut contrainct retourner demy mort.

L'an mil v.  
cēs & troisPaix entre  
les Roys de  
France &  
d'EspaigneLes François  
perdent Na  
ples.

*Comment vn Escolier arracha la sainte Hostie d'entre les mains du Prestre,  
en la sainte Chapelle du Palais, à Paris.*



V moys d'Aoust audiēt an mil cccc. & trois, le iour saint Loys, qui est le xxv. dudit moys, vn ieune Escolier de Paris, nommé Hemon de la Fosse, natif du pays de Vimeu, pres Abbeuille, luy aydant à dire messe en la sainte Chapelle du Palais de Paris, auquel ledict iour les quatre Mendians ont accoustumé aller en procession, ainsi qu'on auoit consacré la sainte Hostie, & que le Prestre la monstroir, ce pauvre fol print furieusement la sainte Hostie entre les mains du Prestre, & en fuyāt l'emporta iusques au bout des degrez de ladicte sainte Chapelle, ou pressé de grand nombre de gens, qui le suyuoient, la meit en pieces, & la laissa tomber à ses piedz. Iamais ne cuyda euaider qu'il ne fust occis sur le lieu, par aucuns Gentilzhommes, qui luy auoyent veu commettre le cas: mais vn Conseillier de la Court de Parlement le sauua pour l'heure, affin qu'il fust plus griefuement puny, & fut mené prisonnier en la Conciergerie dudit Palais. Les pieces de ladicte sainte Hostie furent recueillies, & vn drap d'or esté du sur le paue, avec grand luminaire, qui tousiours y brulla iusques à ce qu'on eust osté ledict paue, qui fut mis en reliquaire, non sans grand' solennité & denotion, ou les Parisiens se monstrerent fort bons Chrestiens: car on y alloit à grand' presse, nudz piedz, plorans & crians, Misericorde. Ce pauvre Heretique fut ouy par aucuns des Conseillers de ladicte Court, qui ne trouuerent pas grand propos en luy, & penserent qu'il estoit hors du sens: parquoy le feirent visiter par les Medecins, & trouuerent qu'il estoit manyaque, & frappé en vne partie de son entendement: neantmoins par ce qu'il auoit mis furieusement les mains en ladicte sainte Hostie, fut par Arrest condamné à auoir le poin coppé, & à estre brulé tout vif, au Marché aux pourceaux: & ainsi qu'il sortit de la Chapelle de la Conciergerie, ouyt qu'un nommé Charronnel, de l'ordre des freres Prescheurs l'exhortoit de se retourner à Dieu, & laisser sa folle oppinion: auquel il feit response en telles parolles, Je suis bien marry que ie ne le puis faire: toutesfois quand vint à le bruler iamais ne se voulut conuertir. Enuiron la fin dudit moys d'Aoust, mil cinq cens & trois, le pape Alexādre, vj. alla de vie à trespas à Romme: & le trentieme iour apres, François, Cardinal de Siene, fut esleu Pape, par trentesix Cardinaulx, & nommé pape Pie, troisieme, & estoit nepueu du pape Pie, deuxieme. S'il eust longuement vescu, eust fait plusieurs grands ennuyz aux François: car ia auoit cōmencé: mais il deceda d'une fistule qu'il auoit en la cuyssse, le trentieme iour apres son election: & enuiron ledict temps les François feirēt de gros dommages

L'an mil v.  
cēs & troisLa mort du  
pape Alexā  
dre, sixieme  
Pape Pie,  
troisieme.

aux Espaignolz, en la terre de Naples, & filz eussent esté secourus, les en eussent chacez. Apres le trespas dudit pape Pie, Iulian, qui estoit nepueu du pape Sixte, le quart, & Cardinal *sancti perri ad vincula*, & lequel durât le viuant du Roy Loys, vnziesme, auoit esté Legat en France, & feit deliurer des prisons le Cardinal Balue, fut esleu Pape, & nommé Iulius Secundus. Il estoit natif de Sauonne, du pays de Ligurie. Au commencement se monstra bon François: au moyen dequoy le Roy Loys, douzieme, luy remeit entre ses mains, la cité de Boulongne la Grasse, qu'occupoit le Seigneur Bentiuelle, dont il fut tresgrandement ingrat, comme nous verrons.

*Le pape Iulius, douzieme.*  
L'an mil clix  
cés et quatre  
saulces assie  
gée par les  
François,  
L'année apres le Roy enuoya grosse armée pour recouurer les Comtez de Roussillon & Perpignan: & fut la ville de Saulces assiegée par les François, ou le Seigneur de Rochepot, fort aymé du Roy, fut occis: & s'en retournerent les François sans riens faire, par quelque intelligence qu'aucuns des Capitaines eurent avec les Espaignolz: & certain peu de temps apres furent trefues accordées entre les Roys de France & d'Espaigne: pendant lesquelles les Espaignolz, qui estoient à Saulces, s'en allerent secrettement à Naples, dont ilz chacerent les François: & furent prins prisonniers le Seigneur d'Aubigny, & le Seigneur d'Alegre, qui furent depuis renduz, moyenant autres prisonniers, que les François auoyent prins: & en ladicte année y eut tresgrād' cherté de bledz, & famine particuliere, es pays de Lyon, & du Daulphiné.

*L'an mil clix cés & cinq.*  
Le trespas  
de la Duchesse  
de Berry.  
L'an mil cccc. & cinq, madame Iehanne de France, Duchesse de Berry, fille du Roy Loys, xj. de laquelle a esté escript cy dessus, alla de vie à trespas, au chasteau de Bourges, & fut enterree en vne eglise qu'elle auoit fait edifier, & icelle dotée: & pour sa bonne & vertueuse vie, est reputée & estimée sainte, en Paradis, & comme on dir, depuis son trespas Dieu a fait certains miracles en aucunes personnes, qui festoyent à elle recommandez. Audiēt an, & sur la fin d'yuer, & printēps, ledict Roy Loys, douzieme, fut surprins d'une soubdaine maladie, si grieve, qu'il fut long temps sans pouoir parler, & tellement qu'on en attendoit plus la mort que la vie: toutesfois, pour la deuotion qu'il auoit au S. Sacrement de l'Autel, ou il mettoit tousiours son principal espoir, retourna en santé: & pour en rendre graces à Dieu, impetra dudit pape Iulius, pardon de planiere remission, comme an Iubilé: & Processions qu'il feit expressement faire, par tout son royaume, vers la fin du moys de Iuin, tout ainsi qu'on à accoustumé faire le iour de la feste Dieu. Audiēt an mourut Domp Federic de Naples, auquel le Roy auoit fait plusieurs grands biens, & en luy finit la lignée d'Alphons d'Arragon, vsurpateur de Naples.

*L'an mil clix cés & six.*  
L'an mil cinq cens & six, madame Ysabeau, Roync d'Espaigne, qui festoit tant vertueusement portée en la conqueste de Grenade, contre les Turcs, alla de vie à trespas, plaine de vertus, & bon renom: apres lequel trespas ledict Roy d'Espaigne espousa la soeur du Comte de Fouez: par le moyen duquel mariage y eut quelque traité de paix entre lesdictz Roys de France & d'Espaigne, touchant la Comté de Roussillon, & le royaume de Naples.

*Comment François de Vallois, Duc d'Angoulesme, depuis Roy de France, fiança madame Claude, fille du Roy Loys, douzieme.*

*La mort de l'Archeduc Philippe, pere de l'Empereur.*  
*L'an mil clix cés & sept.*  
*Gēnes reuolte, & reprise par les François.*  
Vdiēt an mil cinq cens & six, le iour de l'Ascension nostre Seigneur, monseigneur François de Vallois, Duc d'Angoulesme, seconde personne de la couronne de France, fiança en la ville de Tours, madame Claude, fille aînée dudit Roy Loys, & de madame Anne, Duchesse de Bretaigne: pour lequel mariage faire furent assemblez les Estatz en ladicte ville de Tours. En ce mesme an, au moys de Septembre, l'Archeduc Philippe mourut en Espaigne: & ledict pape Iulius, par le secours dudit Roy Loys, douzieme, gaigna Boulongne la Grasse, qui est terre Papalle, contre Iehan de Bentyuolle: & illec dist messe en la principale eglise, ou il feit plusieurs beaux dons spirituelz aux Seigneurs de France. L'an mil cinq cens & sept les Geneuois se reuolterent contre les François, soubz la conduyte d'un Taincturier, nommé Paule de Nouis, qu'ilz feirent leur Duc & Capitaine, & iectèrent les François hors de la ville, dont le Roy Loys fut fort desplaisant, & enuoya grosse armée contre icelle ville de Gennes: laquelle assiegée ne peut résister, & fut incontinent prinse. Ledit Paule de Nouis pour se sauuer se meit sur mer, ou il fut prins d'une naue Gallicane, & amené à Gennes, ou le Roy le feit decapiter. Certain peu de temps apres, en ensuyuant l'appoinctement fait à Cambray entre le Pape, les Roys de France, des Rommains, & d'Espaigne, ledict Roy Loys entreprint faire guerre contre les Venitiēs, vsurpateurs de plusieurs villes de la Duché de Milan, & d'autres villes appartenans au Pape, & ausdictz Roys d'Espaigne, & des Rommains: & pour ce faire dressa grosse armée de François, Allemās, & Suisses, laquelle luy mesme mena en Italie, avec toute la Noblesse de France, au printemps de l'an mil cinq cens & neuf: & furent les Venitiens si fiers & outrecuydez qu'il oserent bien attendre le Roy & son armée, au lieu d'Aignadel:



gnadel:ou, le Vendredy dixhuyetieme iour de May dudiect an mil cinq cens & neuf, la Bataille fut grande & merueilleuse. car les Venitiens auoyent autant ou plus de gens q̃ le Roy: toutesfoiz ilz furent desconfitz, & leur Duc & principal Capitaine, nommé messire Bartholemy d'Aluiane, prins prisonnier, & amené en France, & ne se sauuerent de l'armée des Venitiens, fors ceulx qui peurent fuir. Apres ceste glorieuse victoire, obtenue par le Roy, contre les Venitiens, il retira ses villes de Bresse, Bergame, Cremonne, & autres estans des appartenances de la Duché de Milan: & fait rendre au pape Iulius, les villes de Seruic, Rauenne, Imole, Fauéce, Forlyue, & autres terres de l'Eglise: & au Roy des Romains les villes de Veronne, Patauic, ou Padoue, & autres lieux: & audict Roy d'Espaigne, Bronduse & Tarente (toutes lesquelles villes auoyent esté vsurpées par lesdictz Venitiens) & de toutes lesdictes choses furent fort ingratz lesdictz Pape & Roys d'Espaigne, & des Rômainz, & en venant contre leur foy & sermēt par eulx, ou leur Procureurs, faictz à Câbray, se declairerent demy an apres contre ledict Roy Loys: mesmemēt ledict pape Iulius, auquel il auoit tāt fait de seruices: car il fallia des Venitiens, contre iceluy Roy Loys, & luy fait perdre certaines villes de sa Duché, que depuis il retira, mesmement Mutine & Myrandule. Enuiron ledict temps trespasla George, Cardinal d'Amboise, Legat en France: qui fut vn gros & grand dommage: car tant qu'il vescu ledict royaume de France fut bien gouuerné sans grands tailles, empruntz ne subides, iacoit ce que ledict Roy Loys eust eu de grands guerres, & obtenu plusieurs grosses & glorieuses victoires es Itales: & au moyen de son trespas, lesdictz Princes & Roys rompirent ladiete alliance de Cambray.

La guerre  
cont'e les  
Venitiens.  
L'an mil v.  
cent & ix.

Des bons  
iours que le  
Roy Loys  
fit aux  
Roys des  
Rômainz,  
d'Espaigne,  
& au Pape.

Le trespas  
du Legat  
George  
d'Amboise.

*Du Concile de l'Eglise de France, tenu à Tours, sur certains articles, à cause du discord du pape Iulius, & du Roy Loys.*



Voyant ledict Roy Loys que ledict pape Iulius luy faisoit la guerre en Italie, & taschoit à luy faire perdre Gennes, & la Duché de Milan, voulut bien trouuer les moyēs honnestes, sans offencer l'Eglise, de l'empescher, & le faire vaquer & veiller à la garde de son Parc Ecclesiastique, & non de s'occuper à guerre, & effusion de sang. Et pour y aduiser fait assembler tous les Euesques & Prelatz de son royaume, & les plus grands Docteurs de toutes ses Vniuersitez, tant de la faculté de Theologie, que droict Ciuil & Canon, en la ville de Tours, en l'an mil cinq cens & dix, au moys de Septembre, ou ie me trouuay, à l'issue d'une merueilleuse maladie, qui vn moys au parauant suruint en tout le royaume de France, tant es villes qu'es champs, & dont peu de gens euaderent qu'ilz ne fussent malades, ou mors de ladiete maladie, en moins d'un moys: laquelle maladie fut appelée par aucuns bons compaignons, la Coqueluche, par ce qu'elle faisoit les gens par la teste, principalement avec vne douleur d'estomach, de reins, & de iambes, & de fieure folle, qui prenoit & laissoit d'heure en heure, avec vn merueilleux degoust de pain, vin, & viande: ou les purgations nuysoient plus qu'elles ne profitoyent, & selon les complexions des personnes, les aucuns estoient moins malades que les autres: & plusieurs gens de bien, & de nom, en allerent de vie à trespas. Or fut faicte ladiete assemblée, ou Concile, en ladiete ville de Tours, ou furent mis en deliberation les articles qui s'ensuyuent. Le premier, S'il estoit licite au Pape faire guerre contre les Princes temporelz es terres non estās du domaine de l'Eglise: mesmement d'un Prince qui en rien n'a offencé l'Eglise, & ou il n'est question de la cause de la Foy, ne des droictz Ecclesiastiques, & sans auoir fait ladiete guerre. L'opinion dudiect Concile fut, que le Pape ne le pouoit, ne deuoit faire. Le second article, S'il estoit licite & permis à vn Prince, ainsi empesché, en deffendant luy & ses terres, pour la tuition de ses subiectz, & de ses domaines, non seulement repeller par armes ceste iniure, mais aussi inuader les terres de l'Eglise, possedées par ce Pape, notoire ennemy de ce Prince, non en intention de retenir lesdictes terres, mais à ce qu'au moyen d'icelles ce Pontife ne fust plus si fort ne puissant pour l'offencer, mesmement q̃ par l'ayde de ce Prince ledict Pontife auroit recouuert icelles terres, qui auoyent esté vsurpées par aucuns Tyrans sur l'Eglise, par plus de cent ans, attendu que par icelles terres ledict Pontife auoit grand faculté d'offencer ce Prince? L'opinion dudiect Concile fut, q̃ ledict Prince le pouoit faire, aux conditions & qualitez contenues par ledict article. Le tiers, Si par telle inimitié notoire, & aggresiō manifeste, iniuste, estoit licite à ce Prince se soubstraire de l'obediēce de tel Pōtife, attendu q̃ ce Pōtife auoit incité tous les autres Princes & Communitiez, voire essayé à les cōtraindre d'inuader les terres & domaines de ce Prince, qui auoit meritē guerdon & beniuolencē du siege Apostolique? L'opinion dudiect Concile fut, que ledict Prince se pouoit soubstraire de ladiete obediēce, non vni-

Concile de  
Tours.  
L'an mil v.  
cens & dix.

De la mala-  
die, nomēe  
la Coquelu-  
che.

Les articles  
mis en deli-  
beration au  
Concile de  
Tours.

second ar-  
ticle.

troisieme  
article.

*Quatrieme article.* uersellement, mais pour la tuition & deffence de ses choses temporelles. Le quart, Ladicte subtraction ainsi faicte, comme dict est, qu'il seroit de faire par ce Prince & ses subiectz, mesmement par les Prelatz & gens d'Eglise, es choses pour lesquelles on doit & à l'on accoustumé d'auoir recours au siege Apostolique: L'opinion du Concile fut, qu'on garderoit le droit commun & ancien, & la Pragmatique Xanctiō prinse du Concile de Basle. *Cinquieme article.* Le cinquieme, S'il estoit licite à ce Prince Chrestien deffendre avec armes vn autre Prince à luy confederé, & duquel il a legitimemēt prins la deffence, pour les domaines, terres, & choses lesquelles il possedoit iustement de treslong temps, au cas qu'il soit inuadé & assailly de faict par ce Pontife & dictes terres, domaines & choses, attendu que ceste confederation a esté faicte du consentement de ce Pontife, & qu'il y estoit aussi compris, cōme Chief, & mesmemēt quand ce Prince, par luy inuadé, a donné secours à ce Pontife, & à ses alliez, pour recouurer les terres de l'Eglise, iouxte & selon la forme de ladicte alliance: L'opinion dudit Concile fut qu'en ces termes ce Prince le pouoit faire. *Sixieme article.* Le sixieme, Si ce Pontife pretend quelque droit à luy appartenir, pour aucuns droitz qu'il dit estre de l'Eglise Romaine, & le Prince au contraire pretend estre mouuans de l'Empire, & de ce different le Prince vueille s'en soubzmettre à la diffinition d'arbitres, ainsi qu'il doit estre faict de droit, si audit cas il est licite au Pontife, pour tel cas, & sans autre congnoissance de cause, faire guerre à ce Prince: & au cas qu'il le fera, si le Prince y peut par armes resister, & si les autres Princes le peuuent licitemēt deffendre de telle oppression, mesmement quand ilz sont de son alliance, & que ce pretendu droit n'a esté possédé puis cent ans par l'Eglise Romaine: L'opinion dudit Concile fut, qu'il estoit licite ausdictz Princes ainsi le faire. *Septieme article.* Le septieme, Si le Pontife ne veult accepter tel offre iuridique & honneste, & de faict au contraire, sans garder l'ordre de droit, donne quelque sentence contre le Prince, qui pretend ne tenir ce droit de l'Eglise, si par ce Prince, & autres, est à obeyr à ladicte sentence: & mesmemēt quand ce Prince n'a seur acces pour aller ou enuoyer vers ce Pontife deffendre ses droitz: L'opinion dudit Concile fut, que ce Prince n'estoit tenu obeyr à ladicte sentence. *Huytieme article.* Le huytieme & dernier article, Si semblablement le Pontife iniustement, l'ordre de droit non gardé, reaument & de faict, avec main armée procedant, prononce & publie quelques censures contre les Princes à luy resistans, & leurs subiectz & alliez, si on y doit obeyr: & par quelz moyens on doit remedier à telz cas: L'opinion du Concile fut, que telle sentence est nulle, & de droit, n'autrement, en quelque maniere, que soit, ne peut l'yer. Et la conclusion fut qu'auant que proceder aux choses susdictes, le Roy enuoyeroit Ambassadeurs de la part de l'Eglise Gallicane, vers le Pape Iulius, à ce qu'il se desistast des choses par luy commencées, & qu'il voulüst entendre à paix, concorde, amytie & charité, & à se reconcilier avec lesdictz Princes, & à ce faire seroit admonesté par fraternelle correction Euangelique: & s'il ne vouloit à ce ouyr les Ambassadeurs, qu'ilz le sommassent de cōuoquer & celebrer vn Concile, en ensuyuant les Decretz du saint & sacré Concile de Basle: & toutes ces choses ainsi faictes, & sa responce ouye, y seroit pourueu comme le droit le vouloit. En ensuyuant laquelle conclusion le Roy Loys enuoya Ambassadeurs vers le Pape Iulius, qui ne les voulut ouyr, n'entendre à faire vn Concile, iagoit ce qu'il en fust sommé, tant de p ledict Roy Loys, que par ledict Roy des Rommains: & à ceste cause ledict Concile fut conuoqué à Pise, à la requeste d'aucuns Cardinaulx & desdictz Roys, ou furent faictes aucunes sessions. puis fut transporté à Milan, de Milan à Lyon, par l'Eglise Gallicane, ou furent faictes plusieurs sessions, & en icelles aucuns beaux Decretz: toutesfois n'y eut aucune cōclusion prinse, au moyen de ce que ledict pape Iulius mourut vn an & demy apres, ou enuiron.

Après l'assignation dudit Concile, baillée à Pise, le Roy enuoya nouvelle armée à Milan, soubz la conduyte de Gaston, Comte de Fouez, son nepueu, qu'il feist son Lieutenant general audit pays, & estoit Duc de Nemours. Ce ieune Prince estoit hardy, prудēt, & auoit bon vouloir de bien & loyaumēt seruir le Roy, son oncle, cōme il monstra tresbien. car des le commencement, en voulant mōstrer au pape Iulius son ingratitude, meit hors ses Capitaines de la cité de Boulōgne: laq̃lle il meit entre les mains du Roy. Le Pape d'autre part gaigna les Suisses, qui feirent donner quelque assaut aux François, qui estoient en la ville de Milan: qui faillirēt, & furent leurs ennemys chacez, mais non sans perte d'aucunes gens de bien de France: & entre autres de messire Guillaume de Bissipat, Cheualier, Seigneur de Hanaches, & Vicomte de Falaise, l'vn des cent Gentilzhommes de l'Hostel du Roy, qui fut vaillamment occis: dont fut gros dommage: car c'estoit vn Cheualier aussi bien accompli qu'il fut onc, fust en art militaire, ou eloquence Grecque, Latine & vulgaire, & qui composoit en aussi bon stil qu'il en fut iamais, oultre l'art de Musique, de bien chanter & dire de tous instrumens: duquel maistre Guillaume Cretin, Orateur de grand renommée, à fait les regretz & Epitaphes. *Boulōgne prinse contre le Pape* *L'armée du Pape deuât Milan.* Audiēt temps

temps les habitans & citadins des villes de Bresse & Bergame se reuolterent contre les François, & retournerēt à l'obeyssance des Venitiens: dont mal leur en print: car les chasteaux tousiours estoient en l'obeyssance des François. Ledit Duc de Nemours assiegea Bresse: & durāt le siege feit sommer ceulx de dedās de se rendre au Roy. ce qu'ilz ne voulurent faire: mais, cōme obstinez, se meirent en deffence à leur grand' confusion: car leur ville fut prinse & pillée par les François, qui s'enrichirent grandement de ce pillage: par ce que Bresse estoit l'vne des riches villes d'Italie, d'or, d'argent, de veloux, soyes, & autres meubles precieux: & incontinent apres ladiete ville de Bergame fut aussi reduyte & remise à l'obeyssance du Roy, avec autres villes qui s'estoyent semblablement reuoltées contre luy.

*Bresse prinse  
et pillée par  
les François*

*Comment les Espaignolz, & leurs allies, furent desconfitz par les François, à  
Rauenne, ou fut occis le Duc de Nemours, Lieutenant pour le Roy.*



V temps de Karesme ensuyuant, qu'on disoit l'an mil cinq cens & douze, l'armée du Pape, assemblée à celle des Espaignolz & Venitiens, queroient les moyens de rencontrer les François au despourueu, & les chacer d'Italie: & de l'autre part les François, soubz le hardy & vaillant Duc de Nemours, se tenoyent sur leurs gardes, & ne demandoient que donner sur leurs ennemys. Et apres s'estre approchez se rencontrerent le iour de Pasques, pres de Rauenne, avecques leurs armées bien rengées & ordonnées, & fut la bataille cruelle, aspre & longue, autant qu'il en fut oncques: car de toutes pars y auois d'aussi hardis & vaillans gens d'armes & Capitaines, qu'il estoit possible en trouuer, & fut grand' pitié de veoir la cruelle & piteuse occision, tant de noz gens, que des aduersaires: dont toutesfois la victoire demoura aux hardis François, par la sage & prudente conduyte dudit Duc de Nemours, & des Seigneurs de la Palice, d'Alegre, & son filz, du Seigneur de Chastillon, du Seigneur Iehan Iaques, & autres bien renommez Capitaines, & mesmement de Loys d'Ast, Berruyer, Capitaine prudent, hardy & de grand' estime. Plusieurs Seigneurs & bons Capitaines des aduersaires furent occis, & les autres prins prisonniers: & mesmement furent prins Pietre de Nauarre, tenant le party du Pape, Francisque Coulombe, Petre de Nauarradon, Iehan de Cardonne, le Marquis de Pesquiere, Pomare, Espinose, Castanago, Iehan Anthoine Vosmo, le Comte de Montelon, le Marquis de Beronde, le Marquis de l'Estelle, & le filz du Comte de Goufège. Le Due du Trait estoit avecques eulx, mais on ne sceut qu'il deuint. Le Viceroy fut sauué au fuyr, & s'en alla par mer à Naples. Le Marquis de la Padulle & le Comte de Populle trouuerent subtile maniere d'eschaper & eulx sauuer, avecques vnze ou douze cens, tant d'hommes d'armes, que cheuaux legiers, & avec mil cinq cens hommes de pied, qui fut le reste de leur armée, ou ilz estoient plus de trente mil hommes. Le Duc de Nemours, plein de coeur, qui desiroit du tout mettre à sac l'armée des aduersaires, se mit apres ceulx qui fuyoyent avec petite compaignie d'aucuns hardis hommes de France, qui ne le voulurent laisser seul, dont mal leur en print: car voyans les aduersaires q ces François estoient en petit nombre, leur feirent passage: puis les encloyrēt, & fut la meslée grande: & tellement que le hardy Duc de Nemours y fut occis, & semblablement le Seigneur d'Alegre & son filz, le Seigneur de Mont Caurel, le Lieutenant du Seigneur d'Hymbercourt, le Capitaine Molart, le Capitaine Iacob, vn Capitaine Allemand, nommé Philippe. Le surplus de l'armée de France les fut secourir: mais ce fut bien tard pour eulx: toutesfois se porterent si vaillamment sur la fin, qu'ilz vengerent la glorieuse mort de ce nobles Seigneurs & Capitaines: car ilz ne retournerent du Camp que tous les ennemys ne fussent mors & occis. Ledit Duc de Nemours & autres susditz feirent ceste course oultre & contre le conseil des anciens Capitaines, qui se contentoient d'auoir eu le champ & victoire de ceste iournée, qui estoit grande. Apres ceste furieuse Bataille les François allerent assieger la ville & cité de Rauenne (qui est la terre du Pape) laquelle ilz prindrēt d'assault, & la pillerent: quoy que soit en partie. Puis fut le corps dudit Duc de Nemours, Comte de Fouez, & des autres Seigneurs François occis, apportez en la ville de Milan, & enterrez le xxvj. iour d'Auril, l'an mil cinq cens treize. Il y eut gros triumphe à l'enterrement dudit Duc: & furent menez deuant son corps tous les prisonniers, & toutes les bānieres des aduersaires portées desployées, en signe de triumphe. Le pape Iulius, homme de grand' vindication, & plus martial q diuin, voyāt ceste desconfiture, enuoya gaigner par secretz Ambassadeurs, les Suisses, le Roy des Rōmains, & le Roy d'Angleterre: & p eulx feit assaillir le Roy Loys, & son royaume en plusieurs pties: & touchāt les Itales, les François laisserēt Milan, & les autres villes, p ce qu'ilz n'auoyēt plus de Chief, & auoyēt perdu la plus grād' part de leurs bons Capitaines, & aussi des gēsd'armes,

*L'an mil cinq  
cens douze.*

*Bataille de  
Rauenne.*

*Prisonniers de  
la part des  
aduersaires.*

*Le Duc de  
Nemours oc  
cis.*

*La prinse de  
Rauenne.  
L'an mil cinq  
cens treize.*

*Les François  
laiserēt Mi-  
lan, & les  
Itales.*

## LES CRONIQVES ET ANNALES DE FRANCE

tant de pied que de cheual : toutesfois les chasteaux de Milan, de Bresse, & autres, demourerent tousiours entre les mains des Capitaines François, qui les garderent iusques à ce que le Roy eut dressé plus grosse armée, & furent les Suisses & Espaignolz maistres pour vn peu de partie des Itales, sauf desdictz chasteaux. De l'autre part le Roy d'Espaigne, pretendent sans droict, le royaume de Nauarre luy appartenir, print Pampelune, & partie dudiect royaume de Nauarre : ou le Roy Loys enuoya grosse armée, soubz la conduyte de François, seigneur de Dunois, Duc de Longueuille, son Lieutenant general, & Gouverneur de Guyenne : & fut l'armée iusques à saint Iehan Piedeporc, dont il retourna sans grand' gloire. Environ lequel temps lediect pape Iulius alla de vie à trespas : duquel on fait l'Epigramme qui s'ensuyt.

*Genua cui patrem, genitricem Gracia, partum  
Pontus & unda dedit, num bonus esse potest?  
Fallaces Ligures, & mendax Gracia, ponte  
Nulla fides in te singula solus habes.*

### *Comment les Anglois descendirent en France, & de la desconfiture sur la mer desdictz Anglois.*

Leō, dixie-  
me, pape.



Le Roy Hē-  
ry d'Angle-  
terre à Ca-  
lais.

Le Roy  
d'Escoffe oc-  
cis par les  
Anglois.

Armée de  
mer.

La desfaicte  
de la Regē-  
te & Cor-  
deliere, sur  
mer, à Brest

L'an mil v.  
cens xliii.

Les suisses  
assiégerent  
Dyon.

Pres le trespas dudiect Iulius, qui tint le siege dix ans, ou enuiron, Leon, dixieme de ce nom, fut Pape. Il estoit natif de Florence, de la lignée de ceulx de Medicis, filz de Laurens, qui estoit filz de Cosme de Medicis. Il se monstra du commencement assez bon François, mais non à la fin. Or estoit le Roy occupé à la guerre de Nauarre, & son armée arrestée en Guyenne. Henry Roy d'Angleterre, huytieme de ce nom, assésuré du secours du Roy des Rômaines, & des Flamés, Haynuers & Brabançons, descendit auecques grosse armée à Calais : dont il retourna par contraincte en son pays, au moyen de l'armée du Roy d'Escoffe, qui y estoit descendue : & fut la guerre grande entre les Anglois & Escoffois, & iusques à entreprendre iournée, ou la bataille fut grande, & gagnée par les Escoffois : toutesfois leur Roy y fut occis, qui donna rompture à poursuyuir leur entreprinse, & s'en retournerent en leurs pays. Ce pendant fut traitée & faite paix finale entre lediect Roy Loys, douzieme, & les Venitiens : dont furent faitz les feux de ioye à Paris & ailleurs, & non sans cause : car lediect Roy Loys auoit tous les Princes ses voyzins contre luy. Lediect Roy Henry d'Angleterre dressa armée p mer & par terre, pour venir en France, & enuoya vne armée iusques en Guyenne, dont elle retourna sans riens faire. aussi dressa vne armée par mer, qui alla iusques en Bretagne : & entre autres nauires d'Angleterre y estoit la Regēte, que menoit l'Admiral dudiect pays : laquelle fut assaillie & accrochée à Brest, par la nef de la Roïne de France, Duchesse de Bretagne, qu'on nommoit la Cordeliere, de laquelle estoit Capitaine Primoguet, homme prudent & hardy. A cest accrochement & approche furent plusieurs pieces d'Artillerie deschargées : puis vindrent à ancrer & joindre l'un à l'autre, ou la baterie fut grande : mais quelque vn de la Cordeliere, qui estoit en la Hune, iecta & meit le feu dedans la Regente, qui se print aux pouldres & salpestres, non seulement de ladiect Regente, mais aussi de la Cordeliere, ou furent ceulx du dedans presque to<sup>u</sup> bruslez ou noyez, & entre autres lediect Admiral d'Angleterre : & au regard dudiect Primoguet, se iecta en l'eau pour se sauuer : mais son harnois le fait noyer. qui fut gtos dommage. Ces deux belles nefz furent bruslées & perdues : les autres s'en fuyrent hault la voile. ce qui aduint le iour & feste de saint Laurens, l'an mil cinq cens & treize. La grand nef de France suyuit les Anglois, & alla sur la coste d'Angleterre, ou les François pillerent certains villages. Lediect Roy Henry d'Angleterre retourna à Calais, & enuoya son armée en Picardie, au deuant de laquelle alla le Roy auec grosse armée : mais d'une autre part les Suisses, qui s'estoyēt declairez ennemys du Roy & du royaume de France, sans aucune qrelle, s'en allerēt en Bourgongne, au commencement de Decembre dudiect an mil cinq cens & treize, & assiegetēt Dyion, ou estoit messire Loys, Seigneur de la Trimouille, Vicomte de Touars, & Gouverneur dudiect pays de Bourgongne, lequel fut bien esbahy : car il se voyoyt mal accôpaigné, & le royaume affoibly & assaillie de toutes pars : parquoy consideroit que si lesdictz Suisses prenoient Dyion (ce qu'ilz pouoyent facilement faire) ilz entreroient facilement par toutes les villes du royaume de France : lesquelles estoyēt toutes esbahies & effrayées de tant d'ennemys. si trouua moyen de pacifier lesdictz Suisses, qui demandoiyēt certain grand nōbre d'or & d'argēt, qu'ilz disoyēt leur auoir esté promis par lediect Roy Loys, à la prinse de Milan, & de Loys Sforce, cōme dict est : & pour les contēter leur bailla pour ostage de ce qu'il leur promettoit, son propre nepueu le Seigneur de Mezieres, lequel estoit Cheualier moult prudēt & hardy : & moyennant ce s'en

ce s'en retournerent lesdictz Suisses en leurs pays: dont le Roy Loys & la Roynie, son espouse, furent de prime face mal contents dudit Seigneur de la Trimouille, mais ilz congurent bien tost apres que ledict Seigneur auoit fait au Roy & à la Roynie le plus grand seruice & profit qu'on eust lors peu faire: car si lesdictz Suisses eussent print Dyion (ce qui leur estoit lors facile à faire) ilz eussent en deux moys pillé tout le royaume, veue la perplexité ou il estoit, & la crainte qu'auoyent les habitans des villes, voire si grande, qu'en disoit bien que c'estoit punition diuine: & depuis ledict Roy Loys contenta lesdictz Suisses, & deliura ledict Seigneur de Mezieres. Lesdictz Anglois assiegerent Therouenne, & iouerent vn merueilleux tour aux François: car vn iour vne petite compaignie d'Anglois se meit aux champs, apres lesquelz se meirent aucuns François, & en trop petit nombre: toutesfois il y en auoit des plus hardys de l'armée du Roy de France: & voyans que par fuyte auoyent perdu de veue les Anglois, se meirent au repos sur les champs, ou incontinent furent surprins & trouuez en desordre par les Anglois, lesquelz prindrent plusieurs François prisonniers: sçauoir est ceulx qui ne se tournerent en fuyte, & le surplus se sauua à la fuyte, dont ilz furent desprizez: & pour ceste fuyte on appela ceste rencontre la Journée des Espérons. Le Duc de Longueuille, frere du Seigneur de Dunoys, fut prins entre autres à ladicte rencontre, & fut mené en Angleterre: qui fut cause dont il y eut paix traitée, ainsi que verrons cy apres. Ceulx qui estoient dedans Therouenne, attendant secours, tindrent tant qu'ilz peurent contre les Anglois, & l'Empereur Maximilian, & à la fin leur rendirent la ville par composition, telle que ceulx qui voudroyent s'en iroyent leurs bagues sauues, & que les Anglois ne pilleroient les citoyens: mais ilz feirent le contraire: car ilz abbatirent les murailles de ladicte ville, & pillerent la pluspart des habitans. puis s'en allerent les Anglois deuant la ville de Tournay, laquelle ilz prindrent semblablement par cōposition, & sans grand' resistance. Apres tous ces grands affaires audict Roy Loys suruenuz, pour le comble de son infortune, madame Anne son espouse alla de vie à trespas, au chasteau de Bloys, & fut son corps porté & enterré à saint Denys en France treshonorablement. Ce fut vne moult bonne Roynie, accomplie de la pluspart des vertus que pourroit auoir louable Dame: & à ceste raison fut tresfort plorée & regrettée, non seulement par les Bretons, mais de tous les Princes & gens de France. La maladie print à ladicte Roynie le deuxieme iour de Ianuier dudit an, mil cinq cens & treize, & le neuueme iour dudit moys trespassa. Dieu vueille auoir son ame. elle laissa deux filles: Claude, maryée au Roy François, & Renée au Duc de Ferrare.

*Therouenne  
ne assiegée.*

*La journée  
des espérons.*

*Therouenne  
ne prins par  
les Anglois.*

*Tournay,  
prins par le  
Anglois.*

*Comment le Roy Loys, douzieme, fut marié en secondes nopces à Madame Marie d'Angleterre.*



Vdict temps estoit en la court dudit Loys le Duc de Suffort, qui disoit le royaume d'Angleterre luy appartenir, à cause de Richard, que Héry, septieme, pere dudit Henry, huytieme, priua dudit royaume, comme il a esté dict dessus au commencement du regne du Roy Charles, huytieme: & pour recouurer iceluy royaume ledict Roy Loys bailla & souldoya audict Duc de Suffort douze mil Lanfquenetz, qui furent en Normandie avec ledict Duc le iour de Pâques, de l'an mil cinq cens quatorze: toutesfois ladicte entreprinse ne sortit effect, par ce que par le moyen du Duc de Longueuille, qui estoit prisonnier en Angleterre, fut faite paix entre ledict Roy Loys & ledict Roy Henry d'Angleterre: par laquelle paix madame Marie, sœur dudit Roy Henry, fut promise & accordée audict Roy Loys: & fut ladicte paix criée en la ville de Paris, le sezieme iour d'Aoust, audict an mil cinq cens quatorze.

*L'an mil cinq  
cens xiiii.*

Le dixhuytieme iour du moys de May precedent monseigneur François, Duc d'Angoulême & de Valloys, espousa madame Claude, fille aînée dudit Roy Loys, en la Chapelle du Chasteau de S. Germain en Laye, pres Paris. Madame Marie fut amenée en France bié tost apres ladicte paix proclamée, & entra en Abbeuille le Dimanche huytieme iour d'Octobre dudit an mil cinq cens quatorze: & au deuant d'elle, à demye lieue de ladicte ville, ledict Roy Loys se trouua, accompagné de mil cinq cens hommes à cheual, des plus grands & triumpans de sa court, faignans aller voller aux champs: & la Dame rencontrée la baïsa, & luy dist cinq ou six gracieuses parolles, de bon recueil: puis elle s'en alla faire son entrée en ladicte ville, qui fut vne chose triumpante, & le Roy s'en alla d'un autre costé. Le lendemain le Roy espousa ladicte Dame, qui estoit belle, & gracieuse en parolles: & apres auoir seiourné aucuns iours avec elle en ladicte ville, s'en allerent ensemble à Saint Denys en France, ou le Roy la laissa, & s'en alla à Paris: & le Lundy ensuyuant sixieme iour de Nouembre audict an mil cinq cens quatorze madame Marie d'Angleterre, Roynie de France, feit son entrée, comme Roynie,

*Entrée de  
madame  
Marie d'An  
gleterre, à  
Paris.*



## LES CRONIQVES ET ANNALES DE FRANCE

*Le trespas  
du Roy  
Loys xii.*

*La genealo-  
gie de Fran-  
cois, Roy de  
France, pre-  
mier de ce  
nom.*

à Paris, en gros triumphe. Ioustes & tournoys y furent faictz, qui durerent plus d'un moys, ou les Seigneurs & Princes de France, & aucuns Seigneurs d'Angleterre monstrent assez bien ce qu'ilz scauoient faire, pour acquerir honneur & la grace des Dames. Peu dura ceste tant grand' ioye & igye: car à la fin du moys de Decembre ensuyuant dudit an mil cinq cens quatre-vingt-torze, ledit Roy Loys fut malade d'une maladie de laquelle il alla de vie à trespas, le premier iour de Ianuier ensuyuant, apres qu'il eut regné dixsept ans, en l'age de cinquante & cinq ans, & laissa deux filles: madame Claude, femme espouse de monseigneur François, Duc de Vallois & d'Angoulesme, & madame Renée. Ledit monseigneur François fut Roy apres son beau pere, par ce qu'il estoit le plus prochain de la lignée de ceulx de Vallois en ligne collaterale, car la directe estoit faillie au Roy Charles, huytieme. Et pour l'entendre, en repétant ce qui a esté dict dessus, au commencement du regne dudit Roy Loys, douzieme, le Roy Charles, sixieme, eut deux enfans: sçavoir est Charles, sixieme, duquel vint Charles, septieme, pere de Loys, vnieme, qui engendra ledit Charles, huytieme, auquel faillit la ligne directe de ceulx de Vallois: l'autre filz dudit Charles, cinquieme, fut Loys, Duc d'Orléans, qui eut trois filz, Charles, qui fut Duc d'Orléans apres luy, pere dudit Roy Loys, douzieme, Iehan, qui fut Comte d'Angoulesme, & Philippe, Comte de Vertuz. Ledit Iehan, Comte d'Angoulesme, fut Prince de sainte vie, à la requeste duquel Dieu fait à present plusieurs miracles, en l'eglise d'Angoulesme, ou son corps repose, & de luy vint Charles son filz, & dudit Charles ledit François, & madame Marguerite sa sœur, à present Roine de Navarre, & leur mere fut madame Loise de Sauoye. Ledit Roy Loys, apres son trespas, fut honnorablement enterré à saint Denys en France, en moult grand' triumphe, & honneur.

*Fin des faictz du Roy Loys, douzieme du nom.*



*Du Roy Francoys, premier du nom.*

**P**Ar ce que le feu Roy Loys, douzieme de ce nom, mourut sans hoir male de son mariage, monseigneur François, Duc de Vallois & d'Angoulesme, qui estoit le plus proche en ligne colateralle & masculine, capable de succeder à la couronne (comme nous auons veu cy dessus à la fin du chapitre precedent) fut sacré Roy de France en l'eglise de Reims, presens les deputez, representans les douze Pers de France, à la maniere des autres Roys, le vingtcinquieme iour de Ianuier l'an mil cinq cens quatorze. Puis en passant par aucunes villes, ou feit son entrée, s'en alla prendre la couronne & rendre graces à Dieu & monseigneur saint Denis, Patron des Roys François. De saint Denys alla faire son entrée en la ville & cité de Paris, qui est capitale ville & cité de son royaume, ou il fut receu triumpamment, & y eut ioustes & tournois en la rue saint Anthoine, ou il se porta hardy & vaillant. C'estoit le Roy & Prince aussi bié nay & qualifié de bônes & louables complexions & influences qu'il en fut onc, tant en formosité corporelle, eloquence, force, hardyesse, qu'autres vertus, desquelles les Princes & Roys doyuent estre decorez. Le Roy se tint à Paris iusques apres la feste de Pasques, pendant lequel temps y furent faictes plusieurs choses: & mesmement fut traité l'appoinctement d'entre le Roy & l'Archeduc, moyennant ce que madame Renée, sœur de la Roïne, fut accordée, & promise en mariage audict Archeduc, par Ambassades d'iceluy Archeduc: entre lesquelz estoit le Comte de Nansau: lequel fut aussi accordé, & depuis espousé, avec la fille du Prince d'Orenge. Audiect an le Seigneur de

*Le Sacre du  
Roy Fran-  
coys, pre-  
mier du nō.  
L'an mil cinq  
cens xiiii.*

## LES CRONIQVES ET ANNALES DE FRANCE

*La Roynne Marie espouse avecq' le Duc de suffort.* Bourbon fut fait Connestable de France : & la Roynne blanche, Marie, veufue du feu Roy Loys, douzieme, fut mariée en secōdes nopces avec vn Seigneur d'Angleterre, grand amy du Roy d'Angleterre, & auquel, combiē qu'il ne fust extraiēt de noble race, il auoit donné la Duché de Suffort, de laquelle Duché vn autre Prince dudiēt pays se disoit & nōmoit Duc, & pretendoit le royaume d'Angleterre luy appartenir, comme nous auons veu cy dessus : & emmena lediēt Seigneur ladiēt madame Marie en Angleterre : & apres toutes ces choses le Roy en uoya querir Pietre de Nauarre, qui estoit prisonnier à Loches, auquel apres plusieurs grands dons, il bailla charge de gens d'armes.

*L'an mil cinq cens & xv.* Le premier iour de May ensuyuant, l'an mil cinq cens & quinze, le Roy, la Roynne, Madame mere du Roy, & toute la Seigneurie, partirēt de Paris, & s'en allerēt à Amboyse par Egreuille, Montargis, Bloys, & autres petites villes. Tantost apres le Roy, & la Seigneurie estans à Amboyse, le Duc de Lorraine espousa audiēt lieu la sœur dudiēt Seigneur de Bourbō, Cōnestable de France, ou il y eut grosse & triumpante feste.

### *Comment le Roy se partit de France, pour aller conquerir sa Duché de Milan.*

*La mere du Roy, Regēte en France.* **E**N ce mēme temps le Roy delibera recourir sa Duché de Milan, à luy appartenant à cause de la Roynne son espouse, & de faire la guerre aux Suysses, qui estoient venus courir iusques pres de Briançon au Daulphiné, & auoyent brulé vn village pres du chasteau Daulphin : & pour ce faire dressa grosse armée, qu'il feit rendre à Lyon, ou il se trouua : & en y allant feit ses entrées es villes de Bourges & Molins, ou il fut hōnorablement receu : & le suyuoient tousiours madame sa mere, & la Roynne, & autres Dames. Apres que le Roy eut fait son entrée à Lyon, ordonna de ses affaires pour la guerre qu'il auoit deliberé faire de la les mōrz, & y aller en personne : & apres auoir fait passer son armée, & mis ordre à son royaume (ou il laissa Regēte Madame sa mere, Duchesse d'Anjou, & du Maine) s'en alla faire son entrée en la ville de Grenoble, ou il fut quelque tēps pour laisser passer son armée : pendant lequel temps mourut le filz de Frederic, qui se disoit Roy de Naples, qui ia commençoit à suyuir les armes, & donnoit vn bon espoir a ceulx qui le congnoissoient qu'il feroit quelque gros fruit s'il eust vescu. Au departir de Grenoble, pour passer les montz, le Roy print son chemin par nostre Dame d'Ambrun, nonobstant que la plupart de l'armée allast par le bourg Duyssault. d'Ambrun le Roy alla à Guellestre, & à saint Paul : puis passa avec son armée par vn chemin qu'on disoit estre impossible de passer, ou les gens de pied, & autres, eurent moult de peine & misere, & fut partie de l'Artillerie desmontée pour passer par lediēt chemin. Les ennemys ne se doubtoient, & iamais n'eussent pensé que le Roy eust prins ce chemin, ne qu'il fust si pres d'eulx : car Prosper Coulonne, du pays de Rommanie, qui auoit esté enuoyé par le Pape Leon, avecques quinze cens hommes à cheual, bien armez & equipez, pour secourir Maximilian, filz de feu Loys Sforce, qui tenoit Milan, s'en alla raffreschir avec sa compagnie à ville Franche, qui est vne petite ville du pays de Piemont, ou ilz furent surprins, ainsi qu'ilz vouloyent dīner, par le Seigneur d'Hymberecourt, qui entra en ladiēt ville avecques sa compagnie : apres qu'ilz eurent tué les portiers qui gardoyent la porte : & commencerent à crier par les rues de ladiēt ville, France, France, & allerent au logis dudiēt Prosper Coulonne, ou ilz trouuerent grand' resistance : & ainsi qu'ilz se batoyent, le Marechal de la Palice, le Seigneur d'Aubigny, & autres François, arriuerent au secours : & apres auoir tué plusieurs des ennemys, prindrent lediēt Prosper Coulonne, & pillerent tout leur bagage. Mēsmement emmenerent plusieurs beaulx cheuaulx qu'ilz trouuerent par les estables : & fut lediēt Prosper présenté au Roy, qui l'enuoya en France, soubz bonne & seure garde. Les Suysses, qui estoient à Suze, à Villanne, & à Imole, pour garder les passages, sceurent les nouuelles de la prinse de Prosper Coulonne, dont furent tresfort esbahys : & incontinent commencerent à marcher à grand' diligence vers Milan. Les François, qui les suyuoient de pres, vindrent iusques à Thurin, ou le Duc de Sauoye receut le Roy à grand' triumphe, & le mena avec luy, par ce qu'ilz estoient prochains parens. Les Suysses alloient iour & nuyt, & passerent la riuere du Pau (qui est grande) sans basteau, avec pontz faitz de cordes, sur lesquels ilz passerent l'Artillerie, & allerent à Chinaulx : qui est vne petite ville, appartenante audiēt Duc de Sauoye : laquelle ilz pillerent en partie, & occirent plusieurs des habitans, en hayne de ce qu'ilz leur auoyent refusé le passage & bailler viures : mais ce ne fut sans la perte d'aucuns Suysses, lesquels y furent semblablement occis. Le Seigneur de Prie, accompagné des Geneuois, se mit à chemin pour se rendre à l'armée du Roy, & en y allant passa par la ville d'Alexandrie qu'il pilla, comme bien l'auoir meritē, pour les grands trahysōs & ennuyz que ceulx de ladiēt ville auoyent

auoyent au parauant faictz aux François. Les Suyffes, qui marchoyent (comme il sembloit) deuers Yurée, s'en allerent à Nouarre, & le Roy, qui les suyuoit, s'en alla à Verfé: qui est vne petite ville, en laquelle furent parolles de traicter paix entre le Roy & les Suiffes: & à ce faire fut commis monseigneur le Bastard de Sauoye, le Seigneur de Lautrec, & autres.

Ce neantmoins le Roy faisoit tousiours marcher son armée apres lesdictz Suyffes, qui ia estoient partiz de Nouarre, & s'en alloient vers Milan. Cependant vint renfort au Roy d'une grand'compaignie d'Allemands, qu'on appelloit la bande noire, fort bien accoustrée. Le Roy feit marcher son armée vers Nouarre, qui fut assiegée par Pietre de Nauarre, & incontinent rendue par ceulx de dedans. En ce temps la Roynne accoucha d'une fille à Amboise, laquelle fut nommée Loyse.

*Comment les Suyffes, qui auoyent fausé leur foy au Roy, furent tous mis à sac, pres sainte Brigide.*



Es François partirent de Nouarre, qui ne fut pillée par le commandement du Roy, & s'en allerent à Bufferolle. Ce pendant le Roy eut nouuelles qu'entre luy & les Suyffes l'appoinctement auoit esté faict, conclud & accordé, moyennant certaine grosse somme de deniers qu'il feit deliurer pour leur enuoyer par le Seigneur de Lautrec, qui en eut la charge: & comme on leur pourtoit ledict argent, les Suyffes furent preschez par le Cardinal de Syon, qui tenoit le party dudit Maximilian, & persuadé par ledict Maximilian, & les Citoyens de Milan, en sorte que contre leur foy & promesse qu'ilz auoyent donnée & faicte au gens du Roy, aucunglez de l'ambition qu'ilz auoyent de dominer sur les Roys & Princes (comme ilz s'attendoient bien par le moyen de ceste guerre) delibererent de surprendre le Roy & son armée, ce pendat qu'on leur portoit ce qui leur auoit esté promis. Le Roy fut aduertie de ceste trahyson, à l'heure qu'il pensoit que les Suyffes comprassent leur argent, & sceut à la verité qu'ilz estoient ia pres de luy, pour luy liurer la bataille, dōt il ne s'estonna: & iaçoit ce qu'il fust ieune, & en l'age de dixneuf ou vingt ans seulement, se delibera de les attendre, & d'estre le premier à ce labeur & au dangier, dont il ne s'esparigna: & ledict iour (qui fut le quatorzieme iour de Septembre audit an mil cinq cens & quinze) enuiron trois ou quatre heures apres midy, les Suiffes, accompagnés des Milannois, vindrent frapper sur l'armée des François: lesquelz ne s'esbahyrent, fors aucuns qui tournerent le doz, en petit nombre. Les Auanturiers de France, se porterent tresbien, & supplierent le deffault des Allemands de la bande noire, qui auoyent tourné le doz, pensans que le Roy eust intelligence avec les Suyffes, & qu'on les voulsist deffaire: lesquelz incontinent apres, aduertiz de la verité, se meirent à frapper sur les Suyffes, desquelz les Auanturiers François, qui n'estoyent que deux mil ou enuiron, auoyent defait vne bade de quatre mille Suyffes. Les autres bandes se meirent à frapper sur la Bataille, ou estoit le Roy, & s'attendoient bien de mettre en desarroy les François, comme ilz auoyent fait à Nouarre, l'an mil cinq cens treize: mais l'Artillerie besongna si bien, avec les hommes, que les Suyffes ne furent pas les plus fors: & dura la baterie & le combat iusques apres iour couché (par ce qu'il y auoit plaine & clere lune) ou il y eut grand' tuerie: car ilz estoient tant acharnez les vns sur les autres, que iamais ne se departirent tant qu'ilz se peurent congnoistre. Voire & si entrerent es champs l'un de l'autre: & pour abuser les François, les Suyffes en ceste obscurité de la nuyt cryoyent, Frâce, France: & neantmoins tuoyent les François. Le Roy ne perdit iamais son Artillerie: & si alloit de lieu en autre donnant tousiours courage à ses gens, en sorte que sans luy & sa présence, les François estoient en grand dangier d'auoir du pire. Ceste nuyt luy fut dure à passer: car il ne coucha ne dormit ailleurs que sur le tymō d'une charrette, tout armé, & ne cuyda oncques trouuer d'eau pour boire, par ce que les ruyssaulx, qui estoient autour dudit lieu, auoyent perdu leur couleur naturelle, & estoient tous rouges du sang des occis: & au moyen de la grand' chaleur du soleil, la poussiere auoit esté si grāde que souuent on ne voyoit l'un l'autre. Le lendemain bien matin les Suyffes encharnez sur les François, retournerent hardement au Camp sainte Brigide, donner sur noz gens, mais ilz furent reculez, & fort endommagés par l'Artillerie, qui feit merueilles de bien tirer soubz la conduyte du Seneschal d'Armignac, Maistre de l'Artillerie, ou il acquist gros honneur. Et de l'autre part les François, se voyans les plus fors, augmenterent leurs courages, & occirent grand nombre desdictz Suyffes: lesquelz, voyans leur perte & desarroy, tournerent le doz, & s'en fuyrent vers Milan, & n'eust esté la poussiere iamais il n'en fust retourné cēt: toutesfois il en demoura de quinze à seize mille, tant au camp que par les chemins, en fuyant vers Cosme & Milan, lesquelz ne moururent sans en tuer d'autres des nostres. Les Venitiens vindrent au secours soubz la conduicte de mes-

*Les François  
dedans No-  
uarre.*

*Premier as-  
saut des  
Suyffes con-  
tre les Fran-  
çois.*

*Magnanimi-  
té du Roy  
de France,  
François.*

*La deuxi-  
me tournée  
de la batail-  
le des Suyffes.*

sire Bartholemy d'Aluiane, & aussi le filz du Comte de Petillanne, qui donnerent sur la queue desdictz Suyffes, & autres gens qui estoient venuz avecques eulx: car ilz estoient sortiz de la ville de Milan trente & six mil combatans tant à pied qu'à cheual. Plusieurs Princes de France & d'ailleurs, tenans le party du Roy, furent vaillamment occis en ceste bataille & secōde iournee: & entre autres ledict filz du Comte de Petillanne, le Seigneur d'Hymbercourt, qui estoit vn hardy & prudent Capitaine, François monsieur, frere puîné dudit Duc de Bourbon, mōseigneur Charles de la Trimouille, Prince de Thalemōt, filz du bon Seigneur de la Trimouille, lequel estoit aussi avec le Roy. Aussi furent occis le Comte de Sancerre, le Seigneur de Buffi, le Capitaine Mouy, & autres Capitaines & gens de bien. Vne bande desdictz Suyffes, qui s'estoient retirez à l'Avantgarde, comme gens aveuglez, se mirent en vne cassine, ou ledict Seigneur de Bourbon les fait tous brusler. Le Cardinal de Syon, qui fut cause de la mort de tāt de gens, se retira, donnāt à entēdre audit Maximilian qu'il alloit querir du secours: mais ce fut sans retour. Depuis Iules Cesar ne furent autant de Suyffes deffaits pour vne fois.

Incontinent apres ceste furieuse iournée, les Citoyens de Milan enuoyerent au Roy les clefz de la ville, & se soubzmeirent à sa misericorde: à quoy les receut, moyennant quelque grosse somme de deniers: & au regard du chasteau que tenoit le Seigneur Maximilian, fut sans demeure assiegé, & myné par Pietre de Nauarre, dont il en fondit grand' partie: qui fut cause dont ledict Maximilian demanda appoinctement au Roy: qui à ce le receut: & fut l'appoinctement tel que Maximilian se rendit à la mercy du Roy, & luy liura le chasteau: duquel les Suyffes, qui estoient dedans, s'en allerent leurs bagues sauues. Ledit Seigneur Maximilian, fut enuoyé en France, avecques belle compaignie, & estat de Prince que le Roy luy donna: & quād le Roy eut fait son entrée dedans la ville de Milan, & y eut demouré quelque temps, les citadins de Pauye trouuerent moyen par amys & argent de faire leur paix avecques luy, comme aussi feirent aucuns Cātōs des Suyffes, qui se declairerent amys du Roy & de son alliāce, moyennant quelque grosse somme de deniers, que Roy leur donna. Durant lesquelles choses messire Bartholemy d'Aluiane, Lieutenant general des Venitiens, mourut en son liēt, en ladicte ville de Milan.

Le trespas  
de messire  
Bartholemy  
d'Aluiane,  
Capitaine  
Venitien.

*Comment le Roy se trouua avec le Pape à Boulongne la Grasse: & du Concordat qui y fut pourparlé, & fait entre eulx.*



Pres tous ces accordz le Pape Leon, dixieme, & le Roy François, entreprirent de se veoir & parler ensemble en la ville de Boulongne la Grasse: ou ilz se trouuerent fort bien accompaignez, & feirent alliance & paix ensemble, dont chacun se resiouyt. Puis donna le Pape vn Chapeau de Cardinal à monseigneur Adrian de Boisy, Euesque de Courāces, frere de messire Artus de Boisy, autrement dict Gouffier, Cheualier de l'Ordre, grand Maistre de France, soubz l'autorité duquel toutes choses passoyent en la court du Roy. Audit lieu de Boulongne le Pape requist au Roy que la Pragmatique Xantiō fust abolye en tout, ou en partie, par ce que le Pape disoit icelle estre cōtre la liberte de l'Elgise, & au preiudice des droictz de la court Apostolique. Surquoy le Roy enuoya depuis Ambassadeurs à Romme: & entre autres maistre Rogier Barme, son Aduocat en Parlement, & depuis tiers President. Aussi eurent parolles d'enuoyer vne armée contre les Turcs: & pour ce faire le Pape Leon, octroya depuis au Roy de France vn Pardon general, tel comme Iubilé, à ceulx qui se croyseroient pour aller en ladicte armée, ou bailleroient certaine somme de deniers pour y frayer. qui fut cause de plusieurs grands abuz commis par aucuns ambicieux, & auaricieux Prescheurs, qui soubz vmbre dudit Pardon donnerent occasion à plusieurs laiz d'amaſser de grands deniers, dont plusieurs Docteurs & autres notables personages furent tresfort scandalisez. Et par ce que maistre Martin Luther, du pays d'Allemaigne (homme de grand esprit de l'ordre des Augustins) prescha & escripuit quelque opusculé au contraire dudit Pardon, en calumniant l'autorité de nostre saint pere le Pape, fut declairé hereſe, & excommunié par ledict Pape Leon: en hayne de laquelle censure, dont il appela *ad futurum Concilium*, le pauvre & imprudent Luther feit vn opusculé, intitulé *De captiuitate Babylonica*, ou il ya inseré plusieurs grands erreurs & heresies, que depuis il sest efforcé soust enir par autres oeures, en voulāt cōfondre l'autorité & hierarchie de l'Eglise militante, & la pluspart des sept Sacrements. Esquelles folles oppinions plusieurs personnes latines, qui ont seulement veu & estudié le texte des Euangiles & Epistres, ont adheré, voire dilaté lesdictes erreurs par blasphemies que ie n'oseroye escrire, cōtre l'honneur que nous deuons porter à la vierge Marie, mere de Iesus Christ, nostre Sauueur & Redempteur, & les Saintz & Saintes, & dōt les bons Chrestiens doyuent auoir aux yeulx les larmes. Au departir de

Du pardon  
appelé la  
croysade en  
France.

De maistre  
Martin Lu-  
ther & ses  
adherens.



tit de Boulongne le pape Leon deliura au Roy de France aucunes villes à luy appartenâges; à cause de sa Duché de Milan. puis se departirēt bōs amys: & s'en retourna le Roy à Lyon, après qu'il eut laissé à Milan Gouverneur, & son Lieutenant general, le Duc de Bourbon. Il s'en alla p les mōtaignes à la Baulme, ou estoyēt allées en pelerinage madame la Regente, sa mere; & la Roynne, son espouse, ou la ioye fut grāde: & d'illec le Roy alla visiter les pays de Prouēce & Auignon, ou il feit plusieurs triūphantes & riches entrées: Puis s'en retourna à Lyon: enuiron lequel tēps mourut Ferdinand, Roy d'Arragon. Aussi trespassa Laurēs de Medicis, frere dudit pape Leō, leq̃l puis nagueres auoit espousé la sœur de la mere du Roy, Duchesse de Nemours.

Le Duc de Bourbon, gouverneur de Milan.

*Comment l'Empereur Maximilian, lequel voulut inuader la Duché de Milan, fut vaillamment repoulsé par le Seigneur de Bourbon, Lieutenant pour le Roy:*



LE Roy estant à Lyon, enuiron la fin de Karesme, dudit an mil ccccc.xv. l'Empereur Maximilian, venant contre ses foy & promesse, pratiqua & gagna à luy vn des Cantons des Suisses, & la ligue grise. Aussi gagna secrettement aucuns citoyens de Milan, & autres gēs: & avec grosse armée, en laquelle il mena le frere du Seigneur Maximilian, qui estoit en France; alla descendre secrettement en la plaine de Veronne, & à Laudes; dont le Duc de Bourbon, qui estoit à Milan, fut aduertý: & avec les gēd'armes qu'il peut assembler, s'en alla au deuant des ennemys, iusques à la riuere de Bade, ou ilz estoient ia descēduz: & neantmoins enuoya vers les ligues des Suisses, qui estoient de l'alliance de France, pour en auoir dix mille. à quoy s'accorderent: mais par ce qu'ilz ne peurent venir à luy si promptement, voyant que son armée n'estoit de la moytié si puissante que celle de l'Empereur, se retira avec elle assez tost en ladiēte ville de Milan, ou aduertý que de trente & sept Citadins, qui au parauant auoyent party de Milan, pour aller vers le Roy de France à Lyon, en estoýēt retournez trente trois, pour l'intelligēce qu'ilz auoyent avec ledict Empereur, les feit pendre & decapiter, ou partie d'iceulx. Voyant ledict Empereur que l'armée des Frāçoys s'en estoit si soubdain allée, pensa les auoir ia vaincus, & les suyuit iusques à Marignan, ou il se logea. qui est assez pres de Milan. Les Suisses, alliez des Frāçoys s'auancerent, & par le chasteau entrerent en la ville de Milan, laquelle fut assiegée par ledict Empereur, ou rien ne gagna: car par faulte de viures, & autrement, leua son siege, & sans riens faire s'en alla vers Bergame, & à la ville de Laudes qu'il feit piller & destruyre. Le Duc de Bourbon le suyuit de pres, & l'escarmoucha de telle sorte que l'Empereur ne sçāuoit ou il deuoit aller: & se voyāt ainsi pressé, luy coustumier d'vser de simulation, donna à entendre à ceulx de son armée que le Roy de Hongrie estoit mort, & que pour ceste cause estoit contrainct aller en autre part. Soubz lequel faulx donné à entendre se retira d'avec eulx, sans faire restitution de cinquante mille angelotz que le Roy Henry d'Angleterre luy auoit enuoyez pour le secourir, cuydāt qu'il fust ia possesseur de la ville de Milan: & par ce moyen noz ennemys se separerent, & s'en allerent loing d'honneur, avec confusion & perte. Le Roy, pour rendre graces à Dieu des bonnes fortunes qu'il luy auoit données au commencement de son regne, s'en alla de Lyon à Chambery à pied, pour visiter & reuerer le saint Suaire de nostre Seigneur Iesus Christ, ou se trouua le Duc de Bourbon, Cōestable de France, qui s'en retournoit d'Italie, enuiron la feste de Penthecouste.

L'armée de l'Empereur à Milan.

Trahison d'aucuns Citadins de Milan.

Victoire contre l'Empereur, et son armée.

En l'an mil cinq cens & seize, enuiron ledict temps mourut le Roy de Nauarre, filz du Seigneur d'Albret, qui auoit esté mis hors de son royaume par Ferdinand, Roy d'Espaigne, & d'Arragon. Enuiron le moys de Iuillet, audit an mil cinq cens & seize, fut traité paix entre le Roy de France, & Charles, Archeduc, Roy d'Arragon, moyēnant le mariage de madame Loyse, fille vnique du Roy, & ledict Archeduc qui ieune estoit: lequel fut cōclud & arresté en la ville de Noyon, ou les Ambassadeurs desdictz Seigneurs se trouuerent: & entre autres, pour le Roy de France, messire Artus Gouffier, Seigneur de Boysi, grand Maistre de France, l'Euesque de Paris, le President Oliuier, & autres gens de nom. De laquelle paix, qui fut proclamée à Paris le xxiiij. iour d'Aoust ensuyuant, les articles sont cy apres declarez & specifiez: & premieremēt que lesdictz Roys de France & d'Arragon, qui se dit Catholique seront vrayz & loyaux freres & amys d'amys, & ennemys d'ennemys, pour la garde & tuitiō de leurs royaumes, terres, & Seigneuries, tant dela que deça les mons: & si l'vn demande ayde à l'autre, sera tenu de secourir aux despens du demandeur: & pourront guerroyer à tous ceulx que bon leur semblera, exceptez ceulx cy qui sont alliez desdictz Roys: sçāuoir est, de la part du Roy de France, nostre saint pere le Pape, & le S. siege Apostoliq̃, le saint Empire & Electeurs & Princes d'iceluy, les Roys d'Escoffe & Hongrie, les Ducz de Sauoye, de Lorraine & Gueldres, les huy Cantons de Berne, nagueres entrez en l'alliāce du Roy, la ligue Grise, les Venitiēs, France.

La mort du Roy de Nauarre, filz du Seigneur d'Albret.

Les articles de la paix, conclue en la ville de Noyon.

Les allies du Roy de France.

Y

*Le allex du  
Roy Catho-  
lique.*

Florèce & Luques, les Marquis de Môtferat & de Saluces, l'Euesque du Liege, & le Seigneur de Sedâ: & de la part du Roy Catholique, nostre saint pere le Pape, le saint Empire, les Roys de Hongrie, de Boesme, de Dannemarche, d'Angleterre, & de Portugal, madame Marguerite Archeduchesse, douairiere de Sauoye, tante dudit Roy Catholique, les Ducz de Lorraine, de Sauoye, de Saxe, de Cleues, de Iuliers, & leurs seruiteurs & subiectz, le Marquis de Bade, l'Euesque & Duc de Cambray, & Comte de Cambresis, avec la ville & cité de Câbray. Quant au traité de mariage fait entre ledit Roy Catholique & madame Loyse, il y aura sept ans; & l'an viij. de son ieune aage, elle sera fiancée par parolles de futur audit Roy Catholique: & elle paruenue en l'aage d'unze ans & demy, prendra par parolles de present iceluy Roy Catholique, pour son espoux & mary legitime: & le mariage fait & accompli, seront tenuz le Roy & la Royne de France, pour l'accomplissement d'iceluy mariage, faire mener ladicte madame Loyse honnorablement, selon son estat, à leurs propres coustz & despens, en la ville de l'Isle, au cas que le Roy Catholique soit lors en la Comté de Flandres, ou en ces prochains pays: & au cas qu'il fust en Castille, ou autre lieu en Espagne, icelle Dame sera liurée en la ville de Parpignan. En faueur duquel mariage, le Roy de France transporta audit Roy Catholique tout le droit, nom & action, qu'il pretend auoir au royaume de Naples, & sera tenu meubler madame, sa fille, de quelque somme de deniers, ensemble de ioyaux & bagues, selon son estat: & si aduenoit q le Roy Catholique alast de vie à trespas, auant la cōfirmation dudit mariage, ladicte Dame prendra pour espoux, le Seigneur Infant, Domp Ferrand de Castille, son frere, si n'estoit lors marié à la fille de Hongrie: & aussi, si aduenoit ladicte Dame aller de vie à trespas, ledit Roy Catholique prendra madame Renée, dont premieremēt luy auoit esté promise faite: & si ledit Roy Catholique decedoit auant l'accomplissement du mariage à l'une desdictes Dames, ledit Seigneur Infant de Castille entrera en son lieu, & sera tenu prédre l'une desdictes deux Dames, si mariée n'estoit. Et par ledit traité ledit Roy Catholique donne à ladicte Dame Loyse, ou à l'une d'icelles deux Dames prenommées, la somme de cinquante mil escus au soleil de rēte annuelle, leur vie durant: qui leur est assignée, trēte mil escus d'or, soleil, en Espagne, & vingt mil escus sur Hefdin, en ce non comprins les maisons de l'assignal de Dozere: & est expressement accordé que si ne vient enfans de ce mariage, qu'en ce cas le royaume de Naples retournera au Roy de France, & chacune des parties demourera en son endroit. Et pource que le Roy Catholique fait les fruietz siens de la chose totale, iusques à ce que le mariage soit accompli (car le droit se baille pour soustenir les charges & frayz du mariage) & qu'il demeure possesseur du royaume de Naples, la raison veult q iusques à l'accomplissement dudit mariage, & que d'iceluy ait enfant, pour les fruietz q ce pendant le Roy Catholique en receura, il baille recompense au Roy de France. Ce qui a esté ainsi accordé: & qu'il baillera pour ladicte recompense audit Roy de France, par chacun an, la somme de cent mil escus d'or au soleil, payables iusques à la deliurance qui se fera de ladicte Loyse, comme dessus est dict: lesquelz cēt mil escus sont assignez sur les royaumes de Naples, Cecille, Espagne, Aragon, Comté de Roussillon, & autres lieux: & en baillera ledit Roy Catholique, bons & suffi-

*L'an mil cīq  
cens xvi.* sans respondans. Le sixieme iour d'Octobre, audit an mil cinq cens xvj. le Roy de France alla à Paris, & d'illec à saint Denis en France, pour par luy remettre en leurs lieux les corps Saintz, qui auoyent esté à sa requeste descenduz, pour le bien & vtilité de son royaume, ainsi que les Roys de France ont accoustumé faire en gros affaires. En ce tēps fut publié le pardon de Iubilé, pour aller contre les Turcs, duquel a esté parlé cy dessus. Aussi fut fait vn

*Le pardon  
Iubilé.*

*Concordat  
sur la Prag-  
matique.*

Concordat entre le pape Leon, dixieme, & le Roy de France, touchant certains articles de la Pragmatique Xantion: & fut publié en la Court de Parlement à Paris, le vingtdeuxieme iour de Mars, l'an susdict mil cinq cens & seize. qui ne fut sans grand murmure & scandale des Vniuersitez & eglises cathedrales, & mesmement des suppostz de l'Vniuersité de Paris, lesquelz par force & violence s'efforcèrent empescher que publication n'en fust faite par les lieux publics de ladicte ville: mais ilz ne furent les plus fors: & pour s'en venger planterent par les portes des Colleges, & autres lieux, libelles fameux, en mettre latins, contre aucuns grands personages du Conseil du Roy. qui fut chose scandaleuse & non tollerable, mesmement en cité si fameuse. Le dernier iour de Feurier de l'an mil cccc. xvij. environ six

*L'an mil cīq  
cens dix sept.*

*La natiuité  
& baptême  
de monsei-  
gneur Fran-  
çois, Daul-  
phin de Fra-  
nce.*

heures vers le soir, la Royne accoucha d'un beau filz, premier Daulphin de ce regne: & fut baptizé à Amboise, le xxv. iour du mois d'Auril, ensuyuant de l'an mil cinq cēs. xvij. & nommé François. Les compexes furent les Ducz de Lorraine & d'Vrbin, pour & au nom dudit pape Leon: & la cōmerce fut madame la Duchesse d'Alençon, sœur du Roy. Le baptême fut triumphant, & sy trouuerent oultre les Seigneurs & Princes susdictz, le Duc d'Alençon, le Duc de Bourbon, Cōnestable de France, le Duc d'Albanie, le Comte de S. Paul, le Comte de Geneue, le Comte de Védosme, le Prince de la Rochefuryon, le Vicōte de Touars, le grand Maistre de France,

France, les Seigneurs de Montmorency, Chasteaubriand, Laual, & plusieurs autres: & le Ieu-  
dy, dernier iour de Mars, en l'an mil cinq cens dixhuyt, auant Pasques, accoucha d'un filz, qui  
fut nommé Henry, & luy fut donné ce nom de la part du Roy Henry d'Angleterre, viij. du nō.  
L'an mil cinq cens dixneuf, par ce que l'Empereur Maximilian estoit allé de vie à trespas, &  
qu'aucuns des Electeurs de l'Empire auoyent enuoyé vers le Roy de France, à ce qu'il voulust  
rendre à l'autorité Imperiale, commist pour en faire les pratiques, messire Artus Gouffier,  
Cheualier de l'Ordre, Seigneur de Boisy, & grand Maistre de France, auquel il auoit amour &  
familiarité especialle: & ledit grand Maistre, estant par les chemins pour faire ledit voyage,  
fut surprins de maladie, en la ville de Mōrpellier, de laquelle maladie il deceda le premier iour  
de May, audict an, & fut son corps porté à Chinon.

Natiuité du  
Roy Henry  
2. du nom.  
L'an mil v.  
cens xix.

Le trespas  
de Maximilian.

*Autres additions nouvelles, qui defaillent es autres Impressions.*

**E**N l'an mil cinq cens vingt, aucuns notables personages traicterēt la veue & assem-  
blée des Roys de France & d'Angleterre, qui fut assignée au moys de May, en vn lieu,  
appelé Ardres, appartenant au Roy, pres Guynes, & Hames, terre Anglesche, ou  
ilz se trouuerēt en grand pompe, & au plus grand triumphe qu'on scauroit descrire  
ou imaginer: & la feirent alliance, & certain traité de paix, qui ne fut publié, dont les François  
& Anglois monstrent grands signes de ioye, esperās que par ce traité seroit aussi faite paix  
entre le Roy de France, & Charles d'Autriche, Roy des Espaignes, touchant la Duché de  
Bourgongne, & autres choses par luy querellées, comme heritier par representation de feu  
Charles de Bourgongne, qui fut occis à Nancy. En ce temps les Aduenturiers feirent plu-  
sieurs maulx en France, & tant qu'apres qu'ilz eurent bien mangé le pauvre peuple des chāps,  
vindrent pres de Meaulx: pour laquelle chose messeigneurs de Meaulx, accompagnez du po-  
pulaire, sortirent sur lesdictz Aduenturiers, ayant leur Artillerie seulement chargée de papier,  
par le conseil d'un trahyste, filz d'un boucher de la ville, qui de ce aduertit les Aduenturiers:  
& quand ilz apperceurent ces Aduenturiers deschargerent leur Artillerie: mais iceulx Aduen-  
turiers auoyent des haquebutes chargées de plommées, & deffirent les habitans dudit  
Meaulx: pour laquelle chose fut ledit boucher pendu, puis mis en quatre quartiers.

L'an mil v.  
cens uingt.  
Les Roys de  
France &  
d'Angleter  
re se nent  
à Calais.

Aduentu-  
riers de  
Meaulx.

L'an mil cinq cens vingt & vn, deceda à Paris monseigneur de Neuers: & cedit an fut par  
toute France si grand cherté que le pain valloit vingt deniers tournois, par l'espace de qua-  
rante moys, & continua puis apres à seize deniers tournois iusques à la saint Iehan, qui fut  
l'an mil cinq cens vingt & cinq. En ce temps la tresnoble isle de Rhodes, par la lascheté &  
tyrannie d'aucuns Princes Chrestiens, fut perdue, rauie & tollue de la main des Chrestiens,  
par les Turcs diaboliques, ennemys de Dieu & de sainte Foy catholique. Grand honte &  
infameté a esté aux Chrestiens de laisser perdre vn si noble lieu, qui estoit la deffence de tou-  
te Chrestienté: & notez que j'ay trouué aux anciens Croniqueurs, en Anthoine Florentin,  
& Vincent l'Hystorial, que iamais le royaume de France n'a esté assailly des Princes Chre-  
stiens, que les Turcs ne soyent venus sur la Chrestienté, & d'icelle ont tousiours gagné, ra-  
uy & tollu aucuns royaumes & pays d'icelle. En ce temps la, du grand Luther, filz de Plu-  
ton infernal, les disciples & ministres par nombre infiny descendirent des haultes fins des  
Allemaignes, lesquelz se respendirent par le pays de Lorraine. Ilz abbatirent les chasteaux  
& fortresses, pilloyent & emportoient tout. Ilz contraignoient les Prebstres, les moynes,  
religieux & religieuses à se marier, en les menassant à faire mourir: & de fait feirent mou-  
rir plusieurs qui à ce ne voulurent entendre. Ce voyant le tresnoble & vaillant Duc de Lor-  
raine, avec monseigneur le Duc de Gueldres, & monseigneur de Guyse, meit genſ d'armes  
aux champs, tant que par plusieurs rencontres & assaulx, ilz deffirent (comme tropeaux de  
brebis) celle damnée assemblée. L'an mil cinq cens vingt & vn, le premier iour du moys  
de May, à la requeste & supplication du Treschrestien Roy de France, nostre souuerain Sei-  
gneur, saint François de Paule, instituteur de l'ordre des freres Mineurs fut canonizé par no-  
stre saint pere le pape Leon, & escrit au Cathologue des saintz Confesseurs, & ordōna sa fe-  
ste estre celebrée le second iour d'Auril. En cedit an eut grand esmeute de guerre entre les  
Roys de France & d'Espaigne, en Picardie & en Champaigne, ou se trouua le Treschrestien  
Roy de France, bien accompagné, & y eut plusieurs courses & ribleries les vns sur les autres:  
mais il n'y eut bataille vniuerselle. Vray est que les Espaignolz, Haynuyers, & leurs alliez, af-  
saillirent & assiegerent la ville de Mezieres: mais le vaillant & hardy Capitaine Bayard, qui  
leans estoit, accōpaigné des Seigneurs de Montmorency, de Montmoreau, de Lucé, messei-  
gneurs Iehan de la Tour, seigneur de Bremont, Iehan de Dureil, seigneur de la Barbée, Nico-  
las de Touars, seigneur de Huille, Mathurin & Charles de Clers, & plusieurs autres vaillans

Cherté de  
bledz en  
France.  
La prise de  
Rhodes par  
les Turcs.

L'an mil v.  
cens xxi.  
t me sem-  
ble qu'o les  
nomme Mi-  
nimes.

Guerre de  
uant Me-  
zieres.

Cheualiers & Escuyers deffendirent si bien & vaillamment ladiete ville, que les Espaignolz furent contrainctz honteusement leuer leur siege, & eulx en aller sans riens faire. En celle mesme saison le Roy de France enuoya grosse armée à Fôtarabie, contre le Roy d'Espaigne, de laquelle estoit Conducateur & Chef noble homme messire t Jacques de Dailon, Seneschal d'Aniou, Seigneur & Baron du Lude: lequel, cōbien qu'icelle ville de Fontarabie fust reputée imprenable, ce neantmoins y entra, & y meit bonne garnison Frāçoys: en quoy faisant il acquist tresgrand bruyt & honneur: & durant ce temps vindrēt nouuelles que Dieu nous auoit donné victoire en trois diuers lieux: c'est à sçauoir es Itales, ou les Venitiēs se monstrerēt vaillans, & bons Frāçoys, en Guyēne, contrē les Espaignolz, & à Mezieres, cōtre les Haynuyers, & autres qui y estoient en grand nombre. L'an mil v. c. xxij. enuiron la feste de la natiuité de monseigneur S. Iehan Baptiste, fut en aucuns lieux veue gelée & glace, qui estoit vne chose nō accoustumée à veoir: parquoy on ne sçauoit que presupposer, sinon q ce fust vltion diuine, pour les vices & iniquitez, lors regnans par la Chrestienté: car durant ce tēps festoyent amassez plusieurs larrons & meurtriers, contrefaisans gens de guerre, lesquelz faisoient maux incestimables: & auoyent pour leur Capitaine vn nommé Maclou, lequel finablement fut prins avec son Fourrier, & incontinent amenez à Paris, ou pour lors estoit le Roy, lequel ordonna au Preuost de son hostel en faire briefue iustice. ce qu'il feit: car le Mercredy xxvij. iour de Juillet, audict an, furent par ledict Preuost condamnez: c'est à sçauoir ledict Maclou, autrement le Roy Guillot, auoir vne main coppée en la court du Palais, sans bouger du tomberau (ou il estoit mené, avec son Fourrier) puis mené deuant la grand' eglise nostre Dame de Paris (auquel lieu il eut l'autre main coppée) & de la menez deuant l'Hostel de la ville (auquel lieu ilz eurent les testes coppées) & ledict Maclou eut le corps mis en quatre quartiers, & mis es quatre principales portes de Paris. Et le Samedy huyctieme iour d'Aoust, audict an mil cinq cens vingt & trois, vn Hermite, qui auoit proposé quelques blasphemés, contre l'honneur de nostre Seigneur Iesus Christ, & sa glorieuse Mere, & contre les Sainctz, fut bruslé tout vis, en son habit, au marché aux pourceaux, par Arrest de la court de Parlemēt, ou assista vne merueilleuse compaignie, pour veoir bruler & executer ledict blasphemateur. Peu apres, le Roy estant à Lyon, oïyt parler le Herault du Roy d'Angleterre, lequel luy signifia guerre mortelle de p son maistre le Roy d'Angleterre: auquel le Roy, comme tressage & prudent, luy feit & donna response sage & discrette. Enuiron le moys de Septembre mil cinq cens xxij. vint certaines nouuelles q Charles de Bourbon, Connestable de France, toute sa vie tenu & estimé tresconstant & vertueux Prince, auoit l'alliāce du Roy, son souuerain & naturel Seigneur, delaissee, & estoit confederé avec l'esleu Empereur, & auoit contre la personne du Roy fait plusieurs cōspirations, & festoit retiré à la Franche Comté, appartenāt à iceluy esleu Empereur. A ceste cause le Roy, doubtrā trahyson, māda par toutes les villes de son royaume, qu'ilz luy fussent loyaux, & qu'ilz se gardassent d'estre surprins, les aduertissant de la rebellion du Cōnestable Charles de Bourbon, & autres ses alliez, & furent mis prisonniers le Chācellier de Bourbonnois, le Seneschal, Seigneur des Cars, & saint Vallier, avec deux Gētilzhommes de la maison dudit Connestable, lesquelz le suyuoiet, & portoyent, ainsi q l'on dit, son thresor, & furent amenez en la Conciergerie du Palais, à Paris. Le Mardy xxj. iour d'Octobre, audict an, fut publié à Paris à son de trompe & cry public, q la ou on trouueroit des Aduenturiers, & autres larrons, riblans & mangeans les pauures gens de village, que sur l'heure, & sans appel quelconque fussent pēdus & estranglez, tuez & deffaitz, en quelque maniere que ce fust. Item que tous iureurs & blasphemateurs du nom de Dieu, & de sa glorieuse Mere, fussent griefuement punis. Le Vēdredy ensuyuant vindrēt nouuelles q les Anglois auoyent passé la riuere de Sōme, pres de Roye, en Picardie, & vindrēt à Mondidier. Les Gouverneurs de Cōpiegne, & de Senlis, vindrēt à Paris, à messieurs de la Court & de ladiete ville, demāder secours. ce qu'on leur octroya liberalement: & leur fut deliuré quelq quātité de pieces d'Artillerie, pouldres & boullertz, avec quelque nōbre de gēs de guerre, haquebutiers, & autres, tant à pied qu'à cheual. Alors furent deffaitz la plus grand' part des Anglois, p le Capitaine de Pont Remy, & autres de sa cōpaignie: & le Samedy dernier iour d'Octobre, audict an, & veille de Toussainctz, arriua à Paris mōsieur de Bryon, lors estāt Admiral de Frāce, q le Roy auoit enuoyé pour secourir la ville & aduiser qu'on feroit cōtre ceste canaille ramassée, qui estoit descēdue en Picardie, & pour aduiser sur les affaires du royaume, especialement de Lisle de France. Le Roy enuoya mōsieur de Vēdosme, auq il auoit donē le gouuernement de ladiete Isle: & pour ceste cause, & de paour que la venue dudit Seigneur de Vēdosme fust trop tardiue, furent cediēt iour d'apres disner en l'Hostel de la ville, assemblez les Prelatz, Presidens, Conseilliers, Bourgeois & Marchans de ladiete ville de Paris: & en la presence d'iceulx ledict Seigneur de Bryon feit lire les lettres que le Roy auoit enuoyées aux dessusdictz: & apres la lecture ledict Seigneur feit vne

† Autres di  
fēt Guillau  
meGouffier  
depuis Ad-  
miral.  
La prise de  
Fôtarabie.  
Gelée à la  
s. Iehan.

Le Capitai-  
ne Maclou  
executé à  
Paris.

Mil cinq  
cens xxij.  
La fuyte de  
Charles de  
Bourbon.

Edict cōtre  
les voleurs.

Edict cōtre  
les blasphé-  
mateurs.

Descente des  
Anglois en  
Picardie.

vnē harangue honnorablement & prudemment, disant que le Roy luy auoit donné charge de les mercier de leur bonne foy tenue enuers luy, leur priāt l'auoir tousiours ferme, & aussi qu'il enuoyoyt monseigneur de Vendosme, pour plus seurement les garder : & oultre proposa deuant toute l'assemblée, comme le Cōestable auoit faulxé sa foy. Et apres qu'il eust paracheué sa harangue, il dist; Messeigneurs, ie vous congnois loyaux au Roy, & pour ceste cause conuient leuer quelque nombre de gēs; pour repousser ceste canaille d'Anglois ramassez; & avec l'ayde de Dieu, & de la ville; auant vn moys, il n'y en aura nul. Adonc luy fut accordé deux mil hommes, payez pour vn moys, neantmoins qu'il n'en demandoit que douze cens. Ceste nuyt de Toussainctz ne furent sonnées les cloches : & furent les chaînes tēdues es coins des rues; & fut assis guet sur le paue de saint Denis, & gardes es portes saint Denis, saint Martin, & saint Anthoine. En cetemps les frans Archiers furent leuez pour aller dela les mons. Les Anglois ainsi ramassez (aussi à la verité, il n'y auoit nulz gens de bien, ains larrons & pillars) n'en voulurent manger, & ne scait on qu'ilz deuindrent, sinon qu'es villes ou ilz auoyent esté on congnt que c'estoit plus pour piller, qu'autre chose. celui qui les auoit fait passer la riuiere eut la teste coppée à Compiègne. Durant ces entrefaictes, noz gens estoient deuant Milan, & estoit conducteur de l'armée monseigneur l'Admiral. Le Roy estoit demouré, attendant la deffaite des Anglois. Les deux mil Aduēturiens de Paris ne furent pas loing, & ne passerēt le Bourget, auquel lieu ne furent payez que de chacun vingt solz. On feit faire des trenchées sur les fosses de la ville, depuis la porte saint Honoré, iusques à la porte saint Martin.

Le dixseptieme dudit moys de Feurier, messire Jehan de Poitiers, Cheualier, Seigneur de saint Vallier, fut depesché de la compaignie & ordre des Cheualiers de l'ordre; que le Roy donne à ses amys & alliez, & condamné par les Cōmissaires de la tour carrée; deputez par le Roy nostre Sire, à auoir la teste trenchée, en la place de Greue, deuant l'Hostel de la ville; & pour le reconseiller luy fut ordonné sage & discrete personne, maistre Iaques Merlin; Docteur en Theologie, Penitencier, & curé de la Magdaleine, en la cité de Paris; & cedit iour à trois heures de releuée, furent assemblez messeigneurs les Lieutenant Criminel, & le Procureur du Roy de Chastelet, accompagnez des Sergens, bien embastonnez de longs bastons : Apres vindrent les Archiers, Arbalestriers, Haquebutiers de la ville, le Guet, tant de cheual que de pied; ayans armeures & hocquetons argētez, & embastonnez comme dessus, Leditz Lieutenant & Procureur, furent querir ledit saint Vallier en la Gallerie de la Chancellerie, ou il estoit; & de la fut mené, accompagné des dessusditz, deuant l'Hostel de ladiete ville de Paris, sur vne mulle, & ledit Penitencier sur la sienne à costé de luy, le confortant & le reconseillant le mieulx qu'il luy estoit possible. Quand il fut arriué, & monté sur l'eschauffault, il cria mercy à Dieu, au Roy, & à tout le monde. Apres ce faict, cōme il se vouloit agenouiller pour estre decollé, & ia l'executeur auoit pparé son cas, & luy auoit crié mercy, luy disant qu'il luy faisoit mal de luy faire perdre la vie, vint le porteur de sa grace, lequel feit tout cesser : & alors luy fut demandé s'il se vouloit ayder de la grace q le Roy luy auoit donnée : lequel feit responce qu'ouy. La grace fut portée aux commissaires & à la Court; laquelle interinée fut apportée & leue deuant tout le peuple, par maistre Mathieu Dolet, Clerc du greffe criminel de la Court de Parlement. Ce faict, ledit Seigneur fut remené en la Cōciergerie, & peu de temps apres à Loches.

*La paour du  
seigneur de  
saint Vallier*

En cedit an les bledz gelerent la veille saint Martin d'yuer, & feit apres si grande seiche-  
resse qu'ilz ne peurent leuer: parquoy le Mardy vingtquatrieme de May fut descēdue la chasse  
madame sainte Geneuiefue, le refuge des Parisiens, & portée en Procession en la solennité  
accoustumée. Audiēt temps partie de la ville de Troyes, en Champaigne, fut arse & brus-  
lée, & disoit on communement que ce auoit esté par boutefeux que les Haynuys & Espa-  
gnolz y auoyent enuoyez, & plusieurs autres, en habitz dissimulez, par les meilleures villes  
de France : & audiēt an, la veille & iour de Toussainctz, pour doubte de ce que dessus, ne fu-  
rent sonnées les cloches à Paris : & desditz boutefeux furent aucuns prins prisonniers, qui  
confesserent le cas. En ce mesme temps fut aitaillée Therouenne, & puis le Roy se reti-  
ra à Bloys, avec la bonne Roynne, sa femme. En cest an que l'Admiral Boyssi estoit Lieute-  
nant general pour le Roy dela les montz, fut tué d'un coup de hacquebute le bon Capitaine  
Bayard, par vn cocquin qui tenoit le party de l'esleu Empereur. On tenoit alors (comme  
dict est dessus) que les Haynuys & Espaignolz, ennemys mortelz des François auoyent  
enuoyé gens de petite estime, les vns en habit de Religieux & autres Mendiens, & les au-  
tres en façon de pelerins & voyageurs, & autres en habitz dissimulez par les bonnes villes  
de France, ausquelz auoyent baillé charge & commandé de mettre le feu secrettement es meil-  
leures maisons, & baillé matiere pour composer ledit feu : qui estoit de telle aspreté qu'il  
prenoit contre pierres & murailles, & en tous lieux ou on le iectoit : & furent d'aucuns  
de telz proditeurs & fauteurs prins & questionnez : lesquelz (le cas confessé) furent cruel-

*Les bledz ge-  
lez en terre à  
la s. Martin.*

*La ville de  
Troyes brus-  
lée.*

*La mort du  
Capitaine  
Bayard, &  
autres.*



lement punis: duquel dangier aduertis les Parisiens, & plusieurs autres François, delibererēt y remedier: & pource par toutes les bonnes villes, bourgs & bourgades fut institué guet nocturnal, & ordonnance que par tous les huys des maisons y auroit des vaisseaux pleins d'eau, affin d'estre pourueu de remède, se l'inconuenient arriuoit. Le xxvj. iour du moys de Juillet, l'an mil cinq cens vingt & quatre, enuiron heure de midy, de ce siecle deceda la perle des Dames, & cler mirouer de bonté, sans aucune tache, madame Claude, Roynne de France, fille du feu Roy Loys, xij. de ce nom: laquelle fut moult regrettée: & fut son corps mis en vn sercueil en la chapelle du chasteau de Bloys, ou il fut long temps, sans estre inhumé: & pour la grand' estime de sainteté que l'on auoit d'elle, plusieurs luy portoyent offrandes & chandelles, & attestoyēt aucuns auoir esté gueris & sanez de quelque maladie par ses merites & intercessions: & mesmement vne notable Dame, qui affermoit auoir receu par ses merites guerison d'une fièvre, qui ia par long temps l'auoit tourmentée. En Septembre, audict an, à Angiers fut grand tremblement de terre, grands esclairs & corruscations.

**Bourbon**  
**deuât Mar-**  
**seille.** En ce temps vindrent au Roy nouuelles que le Duc de Bourbon, & ses alliez, auoyent es Itales, Lombardie & Prouence, les Seigneuries inuadées, & assaillly la ville de Milan, & Marseille, & ia pensoit les auoir conquises: dont le Roy aduertiy leua grosse armée, & tira vers son pays de Prouence, pour le deffendre des incursions de ses ennemys: & en cest affaire monstra bien madame Loyse, mere du Roy, Duchesse d'Aniou, &c. la magnanimité de son tresnoble coeur: car de son auoir & cheuance la gend'armerie souldoya, & auança de marcher. Parquoy le Duc de Bourbon, & les gens de l'esleu Empereur, leuerent hastiueuēt, & à leur confusion, le siege qu'ilz auoyent mis deuant la ville de Marseille, & s'en retournerēt vers Milan. Le tresnoble & courageux Roy, voyant ses ennemys fuyr deuant sa face, chauldement les poursuyuit, & entra es Itales, dont tous ceulx, qui le party à l'esleu Empereur tenoyēt, furent esbahis.

**Le Roy en**  
**Prouence.** Le Roy Treschrestien, se voyant en Lombardie avec puissante armée, delibera recouurer les villes de son Duché de Milan, detenues par les gens de l'esleu Empereur & de Bourbon: & auoir reprins & mis en ses mains sa Duché de Milan, meit le siege deuant Paue, ville trespuissante, bien fortifiée & garnye de toutes munitions de guerre pour assault recevoir: dedans laquelle estoit en garnison, pour l'esleu Empereur, vn vaillant Capitaine, nommé Anthoine de Laigue, qui songneusemēt la ville deffendit, combien qu'au long aller eust esté contrainct de se rendre, n'eust esté la fortune qui ce pendant aux Francoys arriua. Le bon Thibault Baillet, second President en la Court de Parlemēt à Paris (lequel auoit iouy de ladicte Office trois regnes) deceda le Samedy dixneuuieme iour de Nouembre, mil cinq cens vingt & quatre, &

**An Jubilé**  
**par tout le**  
**royaume de**  
**France.** fut enterré à saint Merry. Au moys de Decembre en uyuant, fut enuoyé par nostre saint pere le Pape, au royaume de France, vn pardon semblable & de telle puissance que l'an Jubilé: & fut commandé generalemēt, par tout ledict royaume, le gaigner en la maniere qui s'enfuyt: c'est à scauoir que ledict saint Pere auoit ordonné, qu'apres la publication dudit an Jubilé, tous & vn chacun bons Chrestiens ieuneroyent le Mercredy, Vendredy & Samedy, & se mettroient en bon estat, & le Dimenche receuroient le precieux corps de nostre Seigneur Iesus Christ: & en ce faisant on gaignoit les pardons semblables à l'an Jubilé. qui fut vne chose de deuotion, & bien ordonnée.

**Paix entre**  
**les François,**  
**Venitiens**  
**& Florentins.** En ce mesme temps la paix d'entre ledict saint pere le Pape, le Roy Treschrestien, les Venitiens & Florentins fut publiée à Paris: & furent les Haynuyers deffaitz par le seigneur de Pont de Remy: & à Paris fut faite congregation contre les Heretiques.

Le Roy, tenant son siege deuant Paue, fut par aucuns (ne scay par fraulde, ou erreur) conseillé enuoyer partie de son armée au royaume de Naples, soubz la conduyte de mōseigneur le Duc d'Albanie, qui luy porta grosse nuyssance: car le Roy, desirant à son entreprinse paruenir, non espargnāt la personne, ne craignāt neige, gelée, ne froidure, tout l'hyuer à son Camp assis, ou luy & tous ses gens d'armes endurent plusieurs malaises, & tant q plusieurs d'eulx le Camp & siege abandonnerent, & s'en allerent malades es villes circonuoyssines pour eulx faire guerir, dont nostre armée estoit fort affoiblie. De ce noz ennemys, par leurs espies aduertis, apres leur estre venu grand secours des Allemaignes, delibererent donner la bataille aux François: parquoy le iour & feste de mōseigneur saint Mathias, le vintgt & quatrieme iour de Feurier, mil cinq cens vingt & quatre, le Viceroy de Naples, le Duc Bourbon, le Marquis de Pesquiere, avec plusieurs autres grands personnages, & plusieurs autres bons Capitaines, assemblerent leurs armées: laquelle estoit de Lansquenetz, Italiens, Lombards, Espaignolz, Bourgongnons, & autres nations, bien montez & bien armez, gens & cheualx reposez & fraiz, & de nuyt vindrent assaillir l'ost des François, & y eut grand' occision d'un costé & d'autre: car le tresnoble Roy de France, d'aucuns de ses bons Capitaines & seaulx amys accompagnés, sy trouua des premiers aux coups ruer: qui estoit vne chose qui moult encourageoit les gēf-

ses gens d'armes: & ne fault doubter qu'il n'y mourust d'un costé, & d'autre, des plus grands de leurs armées: mais finablement Fortune, qui par plusieurs fois aux François auoit fauorisé, leur tourna pour lors son triste & descoulouré visaige: car leur armée deffaite, en cheualereusement combatant fut le cheual du magnanime Roy Treschrestien occis, & luy detenu prisonnier, par faulte d'estre secouru. qui fut pour le royaume de France perte de trop grand' consequence. De telle inopinée fortune, aux François ce iour suruenue, madame, mere du Roy, Regente en France, & Duchesse d'Aniou, pour lors estant à Lyon, fut soudainement aduertie: dont elle fut moult triste, & non sans cause: toutesfois la vertueuse Princesse, prenant courage viril, & laissant toutes larmes feminines, proposa des l'heure par armes, ou autrement, remède à tous inconueniens ia aduenus, & obuyer aux futurs: & pource manda aux bonnes villes de France le cas tel qu'il estoit aduenue, en exhortât & priant les habitans d'icelles d'estre tousiours loyaux au Roy & à elle: & par ses lettres on congnt la grand' scandaleuse perte qui estoit aux François aduenue à ceste malheureuse iournée: car les Roys de France & de Nauarre, le Prince de Talmont, le Seigneur de Craõ, le Comte de saint Paul, le Marechal de Môtmorency, les Seigneurs de Rieux, de Congy, de Florenge, de la Tour Landry, de saint Marsauld, de Monpessac, Loys monseigneur de Neurs, François monseigneur de Saluces, monseigneur le Bastard de Sauoye, grand Maistre de France & Comte de Beaufort en Aniou, les Seigneurs de Monteican, de Villandry, de Bryon, de la Ferté d'Aulbigny, de Clermont, de Vailly, de Pommerant, du Cog, de Bonneual & son frere, de la Roche lauelin, le Seigneur de Beauuais, le Vidame de Chartres, le Thresorier Babou, le General de Languedoc, le Baillif de Paris, le Baillif d'Orme, le Gouverneur de Lymosin, & plusieurs autres Cheualiers; & Escuyers, desquelz pour briefuete ie laisse les noms, estoient demourez prisonniers: & estoient demourez occis sur le Camp hault & puissant Seigneur monseigneur Loys de la Trimouille, Viconte de Touars, messire Pierre de Rohan, Seigneur de Fontenay, le Seigneur de Boyssy, d'Amboise, le Marechal de Chabannes Seigneur de la Palice, le Seigneur de Lescut, l'un des Marechaulx de France, messire Guillaume Gouffier Seigneur de Bonniuet, & Admiral de France, le Seigneur d'Aulmont Federic, & plusieurs autres Seigneurs & Gêtilzhommes: lesquelz vigoureusement secourant leur Prince par glorieuse mort ont acquis gloire & renommée immortelle. Dieu par sa grace leur face pardon à leurs ames. Mais il est à noter que si fortune felloit contre nous tournée en nous tollissant nostre bon Prince, que Dieu ne permet le royaume estre aucunement vexé n'affligé de guerres: & durant l'ennuyeux temps de la captiuité du tresvertueux Roy Treschrestien, guerre a esté endormie par la grace de Dieu, & l'intercession de la vierge Marie sa benoïste mere, avec le bon moyen de madame la Regente. Le Mercredi vintneuuieme dudit mois fut crié à son de trompe de par le Roy nostre sire & la Court de Parlemēt de non iurer & blasphemer le nom de Dieu, de sa glorieuse Mere, ne des Saintz & Saintes, & qu'on ne portast plus de bastons en la ville de Paris, sur peine de punition corporelle, & confiscation des bastons, & enioinēt à tous Hosteliers, Principaulx des Colleges, & autres ayans charges de gens en leurs maisons en aduertir leurs hostes & seruiteurs: & defenses de loger gens vacabondz & oisifz, sur peine d'estre pendus & estranglez, & de non tenir ieux de quille, ne bouille, & de rompre ceulx qui estoient pour lors, dedans troys mois.

La prise du  
Roy, deuât  
Paris.

Defenses de  
ne iurer, ne  
porter bas-  
tons, et ne te-  
nir ieux en  
la ville de  
Paris.

En cedit temps la tresprudente Dame, madame mere du Roy, & Regente de France, ne chommoit, ains de son industrie, par la deliberation de son Conseil, bastissoit choses de grand' affaire & consequence: & premier de tous les ennemys de la couronne de France pour cinq mois obtint trefues. Puis madame Marguerite, Duchesse d'Alençon, sa fille, tresnotablement accompagnée, en Espagne vers l'esleu Empereur enuoya, pour par tous licites moyens de son trescher filz & Roy Treschrestien traicter la deliurance: auquel voyage icelle noble & vertueuse Duchesse d'Alençon si prudentement se porta qu'à toutes les Dames Françoises, acquist glorieux renom & louenges eternelles: & si bien ouura que son beau parler fut causé de feschir, l'esleu Empereur: & par bōne fortune incita à soy condescendre à appoinctement, & & mettre iceluy noble Roy François à deliurance, soubz certain pact & condition. laquelle chose depuis, Dieu aydant, à sorty plein effect.

*Du traicté fait par madame la Duchesse d'Aniou, avec l'esleu Empereur, pour la deliurance du Roy, estant en Espagne.*



Vmoy de Feurier, audict an mil cinq cens vingt cinq, au pourchas & instance de L'admil cinq  
tresnoble, tresprudente & trespagnanime Princesse Madame la Duchesse d'An- cens xxv.  
iou, Regente en France, fut vers l'esleu Empereur conclud la deliurance du Tres-  
chrestien Roy de France, à grand' peine, trauail, coustz & mises d'icelle Dame: car

l'esleu Empereur, quand vint à traicter ladiete deliurance, fut trouué si rude & mal traictable, demandant choses si defraisonnables qu'il donnoit aisez à congnoistre n'auoir vouloir d'entendre à aucun appoinctement: & furent contrainctz tous ceulx qui auoyent la charge de cōclurre ledict traicté, d'accorder à iceluy esleu Empereur, & à son conseil, tout ce qu'ilz voulurent demander, combien qu'il n'y eust aucune apparence. Oultre preslerent le Roy, & le contrainquirent leur bailler ses deux filz en ostage: sçauoir est monseigneur François, Daulphin de Viennoys, & seconde personne de France, & monseigneur Henry, Duc d'Orleans, son second filz: lesquelz en la garde & gouuernement d'un trelprudent Gentilhomme d'Aniou, nommé messire René de Coce, p̄mier panetier du Roy nostre sire, Gouverneur d'Aniou, & Seigneur de Brochesac, furent enuoyez en Espagne, & mis es mains de certains Princes & grands Seigneurs Espaignolz, deputez & commis par l'esleu Empereur, pour iceulx receuoir & vers luy conduire. Par ce faict fut le Treschrestien Roy deliuré & receu en son royaume de France, en grand ioye: mais les bons & loyaulx François, qui rioyēt de la ioyeuse deliurāce du Roy, iceterent maintz sospirs quand ilz entendirent la piteuse separation & loingtain voyage qu'il conuenoit souffrir aux cœurs des trefnables enfans royaulx, yssus de la meilleure & plus noble extraction de la Chrestienté: lesquelz si ieunes, tendres, & delicatz, estoient enuoyez en pays trop loingtain de leur natiuité & aer naturel.

*La deliurance du Roy, hors des Espaignes, mil v. cēs xxv.*

En ce temps la ville de Montargis fut quasi toute bruslée. Le vingtquatrieme iour de Mars audict an retourna en son royaume le trefnoble & magnanime Roy de France, auquel estoit tresdesiré: & fut premier en tressumptueux & triumpant arroy receu en sa ville de Bayonne. Au deuant de luy en grand ioye & lyesse se trouua madame la Duchesse d'Aniou, sa mere, accompagnée des Princes, Prelatz, grands Seigneurs, Dames & Damoyelles du royaume: desquelz tous ensemble, à grand desir & consolation, fut humainement receu. Puis, pour luy donner recreation, par plusieurs de ses villes & citez le conduysirent, luy donnant tous les passetemps que possible leur estoit, pour luy oster melencolie, fascherie & tristesse, en luy conceue durant sa longue detention: & s'addonna deslors le trefnoble Prince à penser à ses affaires, & mettre bon ordre par tout: & par especial à la deliurance de noz Seigneurs, ses enfans, tenans pour luy ostage en Espagne, & n'a eu repos iusques à ce qu'il les ait euz.

*Hongrie prise par les Turcz, mil v. cēs xxvi. Vne bande d'heretiques Lutheriens deffaict par le Duc de Lorraine.*

Audict an mil cinq cens vingt & six, les Turcz, qui auoyent prins l'Isle & ville de Rhodes, descendirēt par mer en Hongrie: & apres dure bataille conquerirent le royaume de Hongrie, ou le Roy fut occis & la Roynie prinse prisonniere: & vn peu au parauant vne grand' multitude d'Allemans, qui se disoyent tenir la secte & faulse doctrine de Luther, iusques au nombre de huyct ou dix mil hommes, voulurent entrer par force es pays du trefillustre Duc de Lorraine: mais ilz en furent virilement chacez, & miraculeusement deffaictz, & presque tous occis par les freres dudiect Duc de Lorraine: dont il y a vn liure composé en langue vulgaire: & à ceste cause me deporté de plus auant en parler & escrire.

Enuiron ce temps fut deffendu par Arrest translater n'imprimer liures qui concernent la sainte Foy catholique, que preallablement la Court ne les eust veuz & permis: & en ce mesme temps fut executé & bruslé tout vif en la place Maubert vn ieune Aduocat de la Rochelle, lequel auoit proferé quelques parolles blasphematoires contre Dieu, & sa glorieuse Mere, les benoistz Sainctz & Sainctes de Paradis.

*Comment le Seigneur de Bourbon fut tué, voulant entrer dedans la ville de Romme, & comment le Pape se retira au Chasteau de saint Ange: & d'autres diuerses matieres.*

*L'an mil v. cēs xxvii.*



V moys de May mil cinq cens vingtsept, les Ducz de Bourbon & Prince d'Orrenge, estans es Itales avec grand' compaignie de Lansquenetz & Adueturiers François & Espaignolz, firent plusieurs courses, faignant donner l'assault à aucunes villes & comunaultez, affin de trouuer moyen de recouurer argent, dont ilz estoient mal garnis: & apres que de Florence & autres citez ilz eurent grosses sommes d'argent pour les laisser en paix, ilz s'aduiferent d'une chose assez estrange, & parauant non ouye estre aduenue à la Chrestienté: car avec toute leur puissance ilz allerent assaillir la ville de Romme, le saint pere Clement estant dedans: & pour faire le compte bref, la prindrent d'assault: mais le iuste iugement diuin ne voulut permettre ledict Seigneur de Bourbon y entrer vif, ains fut tué d'un coup de haquebute, sur les murs de la ville, ainsi qu'il sefforçoit d'y entrer: mais nonobstant sa mort fut la ville prinse. De racompter les execrables inhumanitez que firent ces paillars Lansquenetz, & Espaignolz, dedans la sainte cité de Romme: il n'est homme qui sceust escrire la dixieme partie: car les eglises & lieux saintz

*La mort du Duc de Bourbon à Romme.*

sainctz furent prophanez & poluz, les Dames veufues, maryées, vierges, & mesmes les Nonnains sanctimonialles, prostituées & violées. Les reliques, chappes, & autres aornemens, dediez au seruice de Dieu, & son eglise, pillez & emportez: & generalement toute la ville, anciē Sepulchre des Apostres, & Martyrs, siege & residence du grand Prestre de la tressaincte Loy Chrestienne, mise en proye, & habandonnée en pillage & rapine de ses Aduenturiers cruelz & barbares, gens non craignans Dieu, ne congnoissans ses comandemens. Et ne fault reuoyer en doubte que la main de nostre Seigneur ne visitast lors les Rommains *In iuga ferrea*, pour plusieurs vices, desquelz ilz estoient notez: & pourtant ne se doyuent orgueillir ceulx qui furent cause de telle prinse, car ilz sont seulement *Flagellum Dei*, & executeurs de la Iustice diuine: & debuoyent bien auoir en memoire que quand vn pere veult corriger son enfant qui a failly, il prend des verges & le bat: mais quand il voit son enfant se repentir de son forfait, & luy requerir pardon, il l'appaise avec luy, & iette les verges dedans le feu: mais, ce propos laisse, retournons à la matiere. Quand le saint Pere vit la ville de Romme prinse, il se retira en son Chasteau saint Ange, & aucuns Cardinaulx & Ambassadeurs, qui pour lors estoient avec luy: auquel lieu il fut par iceulx Espaignolz & Lansquenetz assiegé: & combien que son chasteau fust assez puissant pour tenir long temps contre les ennemys, ce nonobstant le saint Pere, craignant par prodicion, ou autrement, tomber es mains de si effrenez & rebelles souldars, se rendit au Prince d'Orenge, & au Viceroy de Naples: lesquelz le meirent en seure garde, & le tenoyent prisonnier en son Chasteau mesmes. Mais peu de temps apres, par punitiō de Dieu, ou par chaleur de l'aer, & infection des corps mors mal inhumez, se meit en la ville de Romme si grand' mortalité, que c'estoit horreur à veoir, & tant que chacun habandonnoit la ville: parquoy le saint Pere fut par iceulx, qui l'auoyent en garde, mis hors de Romme, & mené vers le royaume de Naples, qui estoit vne piteuse & lamentable chose, pour tout le bien public de la Chrestienté, de veoir le saint Pere, tenant le siege saint Pierre, & ayant en terre le tiltre de grand Vicair de Dieu, estre captif, es mains des Chrestiens mesmes, qui luy portoyēt aussi peu de reuerēce qu'eussent fait Iuifz ou Sarrazins. Quand est du corps du Seigneur de Bourbon, au grand regret de tous ceulx de son armée, fut apporté en l'Eglise: & furent plusieurs qui sefforcerent de composer Epitaphes à sa louenge. Peu de temps apres ceste malheureuse prinse & pillerie de la ville de Romme, & captiuité du saint Pere, les nouvelles en vindrent au Roy de France, qui comme Prince Treschrestien eut grand dueil & compassion de la perte & desolation des saintes reliques des eglises Rommaines: & pareillement du mal traitement du saint Pere, & proposa de pourueoir & remedier à tout, & de sa puissance, en conseruant tousiours son tiltre de Treschrestien Roy, donner secours à l'Eglise, pour lors violée & opprimée.

Le huytieme iour de Iuin audiēt an mil cinq censvingtsept, l'Ambassadeur d'Angleterre, accompagné des Ambassadeurs de Venise, Portugal, & autres en bel & triumpht ordre vindrent au Palais royal à Paris, ou le Roy estoit logé: & le iour de Penthecouste furent à l'eglise nostre Dame de Paris le Roy nostre sire & ledict Ambassadeur accompagnez, comme dessus, & de plusieurs Cardinaulx, Archeuesques, Euesques, Princes & Gentilzhommes: auquel lieu bien & deuotement ouyrent la Messe: puis confermerent les accordz, fraternitez, & alliances au parauant faictes: & le Mardy ensuyuant le Roy leur feit le festin en la salle S. Loys, audiēt Palais, lesquelz furent humainement seruis de metz & entremetz, & apres plusieurs morisques & esbatemens.

Enuiron le vingtsieme iour de Iuillet, audiēt an, le Roy partit de Paris pour aller à Amiens: auquel lieu triumphtamment receut encores vne magnifique & fort triumphte Ambassade enuoyée par le Roy Henry d'Angleterre, de laquelle estoit Chef le reuerēd Cardinal d'Yort: & enuoya le Roy au deuant de luy, pour le festoyer & recevoir, reuerend pere en Dieu François de Rohan, Archeuesque de Lyon, Primat des Gaulles, & Euesque d'Angiers, & monseigneur Charles de Rohan, Cheualier de l'Ordre du Treschrestien Roy, Comte vsufructier de Guyse, & Seigneur du Vergier, en Aniou, avec plusieurs autres Prelatz & Seigneurs: desquelz il fut honnorablement receu, puis au Roy présenté: lequel en tresbeaulx termes exposa les cas pour lesquelz il estoit venu: & tant exploicta, en ensuyuant la charge de sa legation, que ferme & stable confederation fut renouelée & accordée entre les tresnobles Roys de France & d'Angleterre, & s'entrepromirent ayder & secourir vers & contre tous. puis s'en retourna ledict Cardinal trespōtent du Treschrestien Roy, de sa noblesse, & du sumptueux recueil qu'on luy auoit fait en sa court.

Le neuueme iour d'Aoust, veille saint Laurēs, audiēt an, comme ia pieça Iaques Fournier, de Beaulne, Seigneur de Semblançay, en Touraine, eust esté constitué prisonnier en la Bastille, soubz la garde de noble homme-messire Gilles de la Pomeraye, & eussent aucuns Presidēs

*mortalité  
en la ville  
de Romme.*

*L'an mil v.  
cens xxvii.  
Ambassade  
d'Angleterre  
à Paris.*

*Le Cardinal  
d'Yort, Ang-  
lois, à A-  
miens.*

*La mort du Seigneur de Semblançay.* & Conſeillers vacqué par pluſieurs iours à faire ſon proces, apres qu'iceluy eut veu la mort de ſes filz puiſnez (decédez en leur fleur de ieuneſſe, leſquelz à grands fraiz & miſes auoit procuré eſtre pourueuz, l'un à l'Archiepiſcopalle dignité de Tours, & l'autre à l'Episcopalle de Vannes) finalement fut iceluy de Beaulne, par les commis à faire ſon proces, condamné à eſtre pendu & eſtranglé au gibet de Montfaucon. Mais comme on luy eut prononcé ſon dicto, cedit iour ſuruiſdrent quelques nouuelles : parquoy l'execution fut retardée iuſques au Lundy enſuyuant : auquel iour fut accomplie & executée la ſentence contre luy donnée : & par tit de la Baſtille ledit Seigneur, eſtant aagé de lxxv. ans ou enuiron, lequel tant d'honneurs auoit euz en ſa vie, que du Roy eſtoit appellé compere. Il fut mis entre les mains du bourreau, & mené au gibet : mais il portoit ſon aduerſité en ſi merueilleuſe coſtance, que tous ceulx qui le voyoyent en eſtoient eſmerueillez : & luy eſtant à l'eſchelle publiquement confeſſa auoir bien la mort deſſeruie, par ce qu'il auoit plus obey aux hommes & au monde qu'il n'auoit à Dieu. Et telle fut la fin du Seigneur Semblançay, qui auoit veſcu en ſi grande authorité : & oultre furent tous ſes biens iugez conſiſquez & acquis au Roy. depuis, par permiſſion du Roy, le corps d'iceluy de Beaulne fut oſté de la juſtice patibulaire, & rendu à ſes parens, leſquelz le firent mettre en terre ſaincte.

*† Autres le moment Gil-les Berth.* Peu de temps apres la mort de Semblançay, le General de Beaulne, ſon filz ainſné, pour lors ſe tenant à Paris, ou pource qu'il auoit paour que l'on meſt les mains ſur luy, ou eſmeu de juſte douleur pour l'ignominieufe mort de ſon pere, aſſembla ce qu'il pouoit auoir d'or & d'argent, & ſans aduertir aucun, tant fuſt ſon priué, ou amy, ſe partit de Paris, & habandonna le royaume de France, ſe retirant es parties de l'eſleu Empereur. auſſi ſe fit vn nommé Berthelot, Preſident en la chambre des Comptes, à Paris, qui pareillement ſ'eſtoit entremis du ſaict des Finances : & pour certain fut celle année moult ſuppecte pour les Threſoriers, & gens de Finances.

*Le Roy en- uoya le Seigneur de Lautrec à Rome, pour donner ſe- cours au Pa- pe.* En ce temps le Treſchreſtien Roy de France, voyant noſtre mere ſaincte Eglise tant mal traitée & deſolée, & le ſucceſſeur de ſainct Pierre, grand Paſteur d'icelle, es mains de ſes ennys detenu en captiuité, voulut toutes choſes laiſſées, tout ainſi qu'il appartient à ſa cellitude reſtaurer & remettre tout en bõ ordre : & pour ce faire aſſembla groſſe armée, laſſe il enuoya vers Rome ſoubz la charge & conduite de treſilluſtre Seigneur, monſeigneur de Lautrec : lequel ioyeuſement ceſte charge entreprint : & avec ſon armée paſſa les montz, & print la ville d'Alexandrie : puis deuant Pauye, ou auoit eſté la malheureuſe bataille, arriua, & y donna l'afſault : lequel tant continua qu'il y entra par force : & en vengeance des nobles François, qui y auoyent eſté occis & prins, meſt ceſte ville à deſtruction, telle que de cent ans ne ſe ra qu'elle ne ſ'en ſente : puis marcha vers Rome.

*Pauye prin- ſe par les François, & de- ſtruite.* En ce temps fut le Pape remis en ſon ſiege, moyennant les bons & loyaux François, & deliuré des mains de ſes ennemys, dont fut moult grand ioye en France. Apres, ledit Seigneur de Lautrec print ſon chemin pour aller à Naples. Audiſt an, enuiron le dixneuſieme iour de Ianuier, reuerend pere en Dieu Anthoine du Prat, Archeueſque de Sens, & Chancelier de France, receut le Chapeau & dignité Cardinale, à luy enuoyé par le treſſainct pere, en l'egliſe des Auguſtins, à Paris : auquel lieu aſſiſterēt pluſieurs Prelatz, Archeueſques, Eueſques, Abbez, Prieurs, & Gentilzhommes. Le Roy noſtre ſire, Madame, & le noble ſang Royal eſtoyēt à ſainct Germain en Laye. Enuiron ce temps le Roy demanda à la ville de Paris vn don de deux cens mil francz pour ſa rançon, & deliurance de noz Seigneurs ſes enfans : laquelle fut amoderée à cent cinquante mille francz : & fut ordonné à la chambre du Conſeil que ladiſte ſomme ſe leueroit ſur les maiſons de ladiſte ville & faulxbourgs. qui a eſté vn bien gros mal aux pauvres habitans, & plus qu'aux riches : car tel auoit mil liures de rēte qui n'en payoit au- tant qu'un pauvre homme de meſtier. La raiſon ? car Meſſieurs de Pratique, & autres viuans de leurs rentes, ne ſont logez qu'en rues deſtournées, ou les maiſons ſont peu eſtimées : & les pauvres Marchans & gens de meſtier, qui ne peuuent gagner leur vie ſilz ne ſont es rues paſ- ſans, louent les maiſons, appartenantes auſdictz Seigneurs, deux fois plus qui ne valent : & pour ceſte cauſe les pauvres, qui tenoyēt maiſons à louage, ont eſté contrainctz, oultre le loua- ge, payer pour ledit don vn tiers de leur louage : comme celuy qui tenoit maiſon de ſoixante liures, à payé vingt liures : dont pluſieurs, qui eſtoyent bien empeschez à payer leur quotite, ont eſté executez pour ladiſte ſomme. C'eſt raiſon d'ayder au Roy : mais on doit aſſeoir vn impoſt egale- ment, & ſupporter les pauvres. En ceſt an fut abbatue la groſſe tour du Lou- ure, à Paris, par l'ordonnance du Roy : laquelle auoit eſté iadis edifiée & conſtruite du temps

*Le don que les Parisiens firent au Roy.* du Roy Philippe Auguſte.

*seignes & prodiges ad- uenus en di- uers lieux.* En ce temps apparut quelque ſigne ſur la ville de Lyon, en guyſe de feu : & en Italie tom- ba des pierres ſemblables au machet des marſchaulx. Le vingtieme iour de May, mil cinq cens



cens vingt & huyt, le ieune Duc de Ferrare arriva à Paris, pour espouser treshaute & tref-sage & prudente Princesse, madame Renée, sœur de la bone Royne Claude, & fille du feu Roy Loys, douzieme, & d'Anne, Royne de France, & Duchesse de Bretagne.

La nuyt du Dimëche dernier iour de May audiēt an, par quelque vn pire que chien, maudit de Dieu, fut rompue & coppée la teste à vne image de la vierge Marie, tenant l'image de Iesus entre ses bras, estant contre vne muraille, derriere le petit saint Anthoine. qui fut vne grosse horreur à la Chrestienté: & pour prier Dieu qu'il luy pleust appaiser son ire cōtre nous, & permettre les malfaiçteurs heretiques mauditx estre accusez, pour en faire punition, le Roy nostre sire, estāt à Fontainebleau, apres auoir ouy les piteuses nouuelles, meū de pitié, de bon cœur deuot, feit crier que quiconques accuseroit celuy qui auoit fait ce crime & grād outrage, que Ichā de la Barre, Preuost de Paris, luy bailloirait mille escus d'or au soleil: & fil auoit fait quelque cas, ledict Seigneur luy donneroit grace & remission, de quelque chose que ce fust: & en memoire de ce il feit faire vne image de la vierge Marie, d'argent doré, tenant son filz entre les bras, & faire processions generales, ou il assista. Et le Lundy quinzieme iour de Iuin ensuyuant, nasquit en ladiète ville vn enfant mort nay: lequel fut porté le Mardy ensuyuant deuant l'image que le Roy auoit la posée, & changea couleur, & tost apres fut encores porté deuant celle qui auoit esté ainsi rompue, estant en l'eglise saint Geruais, nommée nostre Dame de Souffrance, & alors apperceut on euidentement le miracle de Dieu, par l'intercession de sa glorieuse mere, & fut baptizé en ladiète eglise: & apres qu'il eut rendu l'ame à Dieu, fut enterré au bout de l'ouure, deuant le Crucifix de ladiète eglise. Le Samedi ensuyuant, vingtieme dudiēt mois de Iuin, maistre Pierre Leder, Conseiller en la Court de Parlement, à Paris, pour ses demerites fut deuestu & desmis de son Office. son arrest luy fut prononcé en la grand' Chambre, en la presence de tous les Presidens & Conseillers, tous vestus de leurs robes d'escarlata, par monseigneur le President Poliot, & fut declairé inhabile de tenir iamais Office royal. Il fut mené en la court du Palais sur la pierre de marbre, & la luy fut ostée sa robe d'escarlata, & vestu d'une robe de bureau: puis fut condamné à vne grosse somme de deniers, & rendu à l'Euesque de Paris, pour les cas priuilegiez.

*Maistre Pierre Leder, Conseiller en la Court, fut prinç de son Office.*

En ce temps furent publiées par Montioye, Roy d'armes, les trefues pour huyt mois, entre le Roy nostre sire, son frere & bon amy le Roy d'Angleterre, l'esleu Empereur, & madame Marguerite, tant sur mer que sur terre, en leurs royaumes, pays, terres & seigneuries: & le lendemain, qui estoit le Samedi, le Roy voulut veoir la monstre des Bazochiens, pource qu'il auoit ouy dire qu'elle estoit triumpante: & pour ceste cause le Roy estant au Palais, les veit passer par dedans: & à la verité il n'en fut oncques veues de pareilles. Le Dimenche ensuyuant, vingthuytieme dudiēt mois de Iuin, treshault, & trespuiſſant, sage & ieune enfant Prince, le Duc de Ferrare, espousa treshaute, trespudente & magnifique Dame, madame Renée, fille du feu Roy Loys, douzieme, & d'Anne de Bretagne, & sœur de la bonne Royne Claude, en son viuant trefaymée espouse du Treschrestien Roy de France, François, premier de ce nom, en la sainte Chapelle du Palais, à gros & inestimable triumphe. le Roy la cōduysit iusques à l'eglise, la tenāt par dessoubz les bras: & les Princes & Gentilzhōmes de France estoient moult triumpamment decorez, & semblablement ceulx du Duc de Ferrare. Le Roy auoit vne belle robe de broderie, & le Duc de Ferrare pareillement vne, ayant vn bōrt large de deux doigtz, chargée de fines pierreries, & le collet tout chargé de pierres de toutes sortes qu'on ne pourroit estimer. Madame la Duchesse en auoit vne de veloux cramoisy, & sur la blanche poiſtrine vne hermine trefriche. sur son Chef auoit vn chapeau de pierreries, ses blōs cheueulx trainans iusques à terre. monsieur le grand Maistre luy portoit la queue, & semblablement vne fort belle Dame, que l'on disoit estre la sœur du Roy de Nauarre. Madame menoit vne des filles de France, accompagnée de la Royne de Nauarre, & autres Dames & Damoyelles, richement aornées. La salle & galerie du Palais estoient tendues de tous costez, & dessus: aussi les autres salles de riches tapis. Peu apres vindrent nouuelles que monsieur de Beaulieu, filz de messire Robert de la Marche, faisoit quelques insolences & portz d'armes es champs: parquoy le Roy y enuoya, & fut deſſaiç.

*Mariage du Duc de Ferrare, & de madame Renée, fille du Roy Loys douzieme.*

Enuiron la fin du mois d'Aoust, audiēt an, vindrent nouuelles que monsieur de Lautrec, Lieutenant general pour le Roy es pays d'Italie, & Naples, estoit decedé, dont fut vne grand' perte pour France.

*Le seigneur de Lautrec decedé.*

Le leudy dixieme iour de Septembre, audiēt an, vint l'Ambassade de Hongrie au logis du Roy, dedans le Palais, ou elle fut hōnorablement receue: & cediēt iour, à quatre heures de releuée, le Herault de l'esleu Empereur vint au Palais royal, sur la table de marbre en la grand' salle, ou le Roy assista pour l'ouyr parler: & fut fait vn eschauffault, affin q̄ le peuple peüst tout veoir & ouyr. Le Roy estoit accompagné des Princes de son sang, & autres, de monseigneur le

*Le Heralde de l'Empereur vint à Paris vers le Roy.* Chancelier, & son grand Conseil, Messieurs de la Court de Parlement, de la ville & des Bourgeois, & notables Marchas d'icelle. les Archiers & Arbalestriers du Roy, ceulx de la ville avec les Hacquebutiers, estoient en bon ordre, gardant le peuple de monter en la grâd' salle, iusques à ce que ledit Heralde y fust entré. Et quand il fut deuant le Roy pour faire la haré- gue, les portes furent ouuertes, affin que le peuple entrast dedans.

*Berquin bruslé à Paris, com me heretique.* L'an mil cinq cens & neuf, enuiron le sixieme iour d'Auril, apres Pasques, vn Gentilhomme heretique, nommé Loys Berquin, fut bruslé deuant l'Hostel de la ville, à Paris. En ceste année la paix tresdesirée d'entre nostre saint pere le Pape Clement, septieme, & le saint siege Apostolique, & treshaultz & tresexcellens & trespuissans Princes, François, par la grace de Dieu Roy de France Treschrestien, Charles par la grace de Dieu esleu Empereur, Roy de Germanie, & de Castille, Ferrand Roy de Hongrie, & de Boesme, Archeduc, Henry par la grace de Dieu Roy d'Angleterre, seigneur d'Hybernie, & deffenseur de la Foy, pour la tution & deffense de leurs personnes, biens, estatz, pays, terres & seigneuries, subiectz & vassaulx: & par le moyen & interuentio de treshaultes, & tresexcellentes Dames, Madame, Madame Loyse de Sauoye, Duchesse d'Angoulmois & d'Aniou, mere dudit Seigneur Roy Treschrestien, & de madame Marguerite, Archeduchesse d'Austriche, Duchesse douairiere de Sauoye, tate dudit Empereur, fut faicte conclure & accordée à Cambray, le cinquieme iour d'Aoust, l'an mil cinq cens vingt & neuf, & publiée à Paris en grand' triumphe & solennité, le Mercredy huy- tieme iour d'Aoust audict an: & furent faictz les feux de ioye: & moyennât ladicte paix fut dict que les biens tant meubles qu'heritages seroyent rendus au Duc de Bourbon, ou à ses heritiers: & pareillement à tous autres qui auoyent souffert perte & domage pour ladicte guerre, tât des

*Paix entre le Roy de France, l'esleu Empereur, & le Roy d'Angleterre.* pays de France, Espagne, que d'ailleurs. En cest an, le Roy nostre sire fait commencer vn iumprueux edifice, sur la façon de Madrich, pres Longchamp, assis entre le port de Nully & le dit Longchamp, au bout du boys, pres la riuere. pareillement fait besongner à Fontainebleau, & au boys de Vincennes. En ce temps estoit vn larron & voleur entour Paris, nommé Charles de la Rocque bastard, lequel faisoit larrecins & meurtres innumerables: & disoit on qu'il auoit vn cheual borgne, lequel auoit les quatre piedz blancs, & alloit le plus viste du monde: toutesfois fut il prins, & amené au Chasteler de Paris, & apres son proces fait, fut condamné à auoir le poing coppé, & estre bruslé tout vif en la place de Greuc, deuant l'Hostel de la ville.

*Nouveaux edifices commencés par le Roy.* En ce temps Jehan de Salua, premier President, deceda de ce siecle enuiron la feste de la Conception nostre Dame, qui fut vne grosse perte en France, & pour la ville de Paris: car il estoit bon Iusticier. Le vingtieme iour de Ianuier, audict an, enuiron neuf heures du soir, apparut vne comette sur la ville de Paris, & en plusieurs autres villes: mais on ne sçait qu'elle signifioit.

*Le deces du President de Salua.* Le vingtquatrieme iour du mois de Feurier audict an, fut couronné Empereur par nostre saint pere le Pape, en la ville de Boulonge la Grasse, Charles d'Austriche, Roy d'Espagne. En cedit an les mois de Feurier & Mars furent doux & serains, plus qu'ilz n'ont de cou- stume, en sorte que les bourgeons des vignes estoient ia grands: & en Auril fait si grosse froi- dure, especiallement iusques à Pasques, qui fut le dixhuytieme dudit mois, que tout cuyda estre gasté & perdu de gelée, sans la grand' bonté & misericorde de Dieu, qui nous monstra de beaux miracles: car on veit la glace pendre aux sepz des vignes, & neantmoins les bourgeons ne furent gelez: & furent par toute France faictes les plus belles processions, & en aussi grâd' deuotion qu'on veit iamais: & vne nuyt de la sepmaine de la Passion, toutes les paroisses de la ville de Paris furent à nostre Dame des Vertus, place tresdeuoteuse: laquelle est distant de Paris de deux lieues: & esdictes processions y auoit tant de torches allumées, que ceulx, qui estoient à Montlehery, cuydoient que le feu fust dedans Paris: & par les bonnes prieres, que Dieu à exaulcées, les vignes & bledz furent sauuez.

*Couronnement de l'Empereur, à Boulongne.* Le vingtieme iour d'Aoust, audict an mil cinq cés vingtneuf, vn Religieux de saint Pierre de Ferrieres, en Gastinois, au diocese de Sens, nommé domp Loys du Vergier, en reuenant de complies tua son Prieur, nommé Bertrand de Lassus, pource qu'il le reprenoit de ses fautes: lequel domp Bertrand estoit party de saint Martin des Champs, à Paris, pour remonstrer à aucuns des Religieux leurs deffaultes, & estoit de plusieurs réputé estre iuste & saint homme. En ce temps au mois de Septembre, vn nommé Christofle Vous, natif d'Angiers, pour aucuns crimes & excès faictz & commis par luy, avec aucuns autres malfauteurs, fut condâ- né à estre pendu & estranglé en la place Maubert, à Paris: lequel, apres auoir esté pendu lon- gue espace de temps, fut veu remuer, & fut secouru du peuple, & porté en l'eglise des Carmes: & dict on qu'il auoit tousiours eu grand' fiance à la vierge Marie, & qu'à l'intercession d'icelle fut preserué de mort.

*Les vignes gelées.* Audict an, fut par le Roy de Hongrie obtenue victoire contre les Turcs: pour laquelle furent faictes processions generales à Paris, en l'eglise saint Martin des Champs,

*Vn homme pendu, escha- pa des mains du bourreau.* Audict an, fut par le Roy de Hongrie obtenue victoire contre les Turcs: pour laquelle furent faictes processions generales à Paris, en l'eglise saint Martin des Champs,

Champs, & furent les rues tendues, & portez moult de reliques & chasses, avec grand' triumphe. L'an mil cinq cēs xxx. le dixneſieme iour d'Auril, vn Vicaire, qui eſtoit venu veoir ſon maĩſtre, leq̃l ſe tenoit à Paris, au college d'Autun, ſeant deuant ſainct Andry des Ars, de nuyt & occiſt le ſerviteur de ſon diſt maĩſtre & Curé, & puis coppa la gorge audiſt Curé: pour lequel meurtre fut lediſt Vicaire degradé au parvis noſtre Dame, le Mercredy quatrieme iour de May dudiſt an, & habillé en habit de fol, puis deliuré à noble perſonne maĩſtre Iehan Morin, Lieutenant criminel: & par ſentence fut condamné auoir le poin coppé, & eſtre attaché à vne potence, avec le braquemart dont il auoit fait lediſt mettre, fiché deuant lediſt College, puis eſtre brulé tout viſ deuant l'Hoſtel de la ville. ladiſte ſentence, confirmée par Arreſt de la court de Parleſment, fut miſe à execution le lundy enſuyuant v. iour dudiſt mois de May.

En ce temps eut quelques maiſons brûllées en la ville de Troyes. En celle année deceda à Paris le Seigneur Maximilian Sforce, diſt le More: & fut enterré en l'eglise des Carmes le x. iour de Iuin à grand' ſolennité. Les quatre Preſidens porroyent le poille: deux Eueſques menoyent les deux premiers dueilz: la Court ſuyuoit après, & la ville coſte à coſte d'eulx.

En ce tēps Iogny en Bourgongne fut quaſi brûllée, & les bateaulx qui eſtoyēt ſur la riuiere brûllēt. En ce tēps, à Chaulme en Brie, fut trouué le corps S. Doſme, que l'on diſt auoit eſté Eueſque du Mans, & ou ſon chef y reſoſe, lequel faiſoit audiſt Chaulme de beaux miracles. A l'eglise S. Anthoine de t Condry, au diocēſe d'Amyēs, vn Preſtre qui chantoit meſſe en la chapelle ſainct Anthoine veit par deuant luy paſſer vne ſouris: & quand il fut à ſon Memento, ayant les yeux clos, ladiſte ſouris vint prendre la ſainte Hoſtie, où reſoſoit le corps de Ieſus Chriſt, & ne peut eſtre recouuerte, pour quelque choſe qu'elle fuſt cherchée.

Le Mardy cinquieme iour de Iuillet audiſt an mil cinq cēs trēte, la poſte arriua à Paris, environ deux heures apres minuyt, apportans lettres que nos Seigneurs les Enſans eſtoyent en France du Vendredy p̃mier iour dudiſt mois: pour leſquelles nouuelles meſſieurs de la Court furent à l'eglise noſtre Dame de Paris, & pareillement meſſieurs de la ville: auquel lieu, en la preſence des deſſuſdiſtz, fut chanté ſolennellement *Te Deum laudamus*, & puis vne belle meſſe de noſtre Dame. Cediſt iour fut ſolēnizé de toutes oeures, pour l'amour des bonnes nouuelles:

& à toutes les eglises de Paris fut chanté *Te Deum*. les feux & pluſieurs eſbatemēs furent faiſtz de ioye: & meſſieurs de la ville en feirent bien leur deuoir: car ilz tindrent court ouuerte: & pour le menu populaire furent deſſoncez muys de vin deuant lediſt Hoſtel: & n'eſt point memoire d'homme auoir veu démonſtrer vne plus grand' ioye au pēuple & gens de Paris. Il ne fut cediſt iour queſtion à Paris que de rire & faire grand' chere. Les pētis enſans cryoyent, Viue le Roy & ſes enſans. Le Mardy enſuyuant, iour des oſtaues, du bon du coeur du peuple, ſans publication ne commandement feirent de rechef les feux & eſbatemens, demenant grand' ioye. Le Vendredy enſuyuant meſſieurs de la Court, & de la Ville, feirēt Proceſſions à l'Eglise noſtre Dame de Paris.

Le Dimenche Proceſſions generales: le Lundy meſſieurs des Comptes: le Dimenche d'apres l'Vniuerſité. Le vingtroiſieme iour de Iuillet, audiſt an mil cinq cēs trente, le village de Seaux, pres Paris, fut brûllé par cas fortuit. qui fut gros domage. La Royne Alienor, & noz Seigneurs les enſans, feirēt leur entrée à Bordeaux l'vniſieme iour de Iuillet, & à Angouleme le vingtdeuxieme iour: & le dernier iour dudiſt mois arriua à Paris la Comteſſe de Nanſau, bien accompagnée de Princes, Seigneurs, Gentilzhōmes, Dames & Damoyſelles d'Eſpagne. Au mois de Septēbre audiſt an, par le commandement du Roy noſtre Sire, & à la requēſte de noble homme maĩſtre Guillaume Budé, Maĩſtre des requēſtes, & de la Librairie du Roy, & de pluſieurs autres, fut abatue la faulſe porte S. Martin. En ceſt an, au mois d'Octobre, vint à Romme vn grand deluge d'eue, tellement que noſtre ſainct Pere, les Cardinaux, & la plus grand' part du populaire furent contrainctz abandonner la ville. Au mois enſuyuant, le neuſieme iour de Nouembre, fut pareillemēt vn deluge d'eues en Flandres & en Hollande: & environ ce temps mourut madame Marguerite de Flandres. En ce temps mourut en Angleterre le Cardinal d'Yort, lequel on diſt ſoy eſtre luy meſmes empoisonné: & en ce meſme temps mourut aux Tournelles à Paris, le Comte de Carpe, & fut porté enterrer en habit de Cordelier, aux Cordeliers.

En ceſt an mil cinq cēs trente, la vigille S. Thomas treſreuerend pere en Dieu Antoine du Prat, Archeueſque de Sens, & Chancelier de France, ſeit ſon entrée de Legation en la ville de Paris, ou fut receu à moult grād hōneur & triūphe. Audiſt an, au mois de Mars, noble Princeſſe madame Alienor, Royne de France, fut couronnée à S. Denis en France, le cinquieme iour de Mars, ou ſe trouuerent pluſieurs Princes, Barons & grands Seigneurs. Puis ſe partirēt de S. Denis, pour venir faire ſon entrée en la ville & cité de Paris: laquelle ſe deuoit faire le ſeptieme iour dudiſt mois: mais pour cauſe du mauuais tēps qu'il ſeit fut, différée iuſques au ſeizieme iour dudiſt mois de Mars: & fut ladiſte entrée faiſte à grand' ioye & ſolennité: & fut

ladiete Roynne accompagnée de plusieurs Prelatz, Archeuesques, Euesques, Abbez, Princes, Seigneurs, Cheualiers & Barons en grosse quantité & bel ordre, & pareillement de messieurs de Parlement, messieurs de la ville, avec les Officiers de ladiete ville, Marchans, Bourgeois & gens de mestier: & furent les rues tendues, & vne torche allumée en chacune maison, & ainsi fut conduyte & menée iusques à l'eglise nostre Dame de Paris, ou le Recteur de l'Vniuersité la receut honnorablement en la maniere accoustumée. puis fut menée en son logis au Palais royal, aussi richement tendu & tapissé qu'on scauroit dire & deuiner, ou elle souppa: & y fut faite & demenée grand' feste & ioye de tous les Princes, Seigneurs & Barons, Dames & Damoysselles. Le xix. iour dudiect moys, messieurs de la ville de Paris feirent à ladiete Dame, à leur maison de ville, vn tres beau & solénel banquet: & apres disner luy feirent present de deux grands chandeliers d'argēt, chacun hault de six piedz en pyramide, estimez à la somme de dix mille liures: & sur le hault desdictz chandeliers y auoit vn Phenix (qui est la deuise de la Roynne) soubz lequel estoit escrit: *Vnica reuifisco*, & plus bas: *Eramus olim tenebrae, nunc autem lux in domino*, & encores plus bas: *Ex omnibus floribus orbis, elegisti tibi Liliū unum*. Les Espaignolz & autres gens de nations estranges furent esbahys de tant de richesses & gorgiascs choses, & leur sembloit bien (comme ilz disent) qu'en tout le demourant des Seigneuries Chrestiennes on n'en pourroit faire autant. Apres l'entrée de la Roynne de France furent les ioustes faictes à Paris, selonc l'edict, ou le Roy iousta aussi bien qu'on veit onc, aussi fait monsieur le Daulphin, son filz aîné, plusieurs Princes & Seigneurs, vaillans hommes iousterent semblablement. chacun donnoit le bruyt du mieulx à qui il vouloit: & à ceste cause, de peur de mentir & desplaire aux mieulx faiseurs, ie n'en ay riens voulu escrire, iacoit ce que i'en ay eu l'oppinion par escrit d'aucuns clers voyans, lesquelz y assisterēt. L'an mil cinq cens xxxj. le xx. iour de May, trespassa de ce siecle trefmagnifique Seigneur, monseigneur le Comte de Laual, grand Gouverneur & Admiral de Bretagne: lequel à esté moult plainct & regretté de ses subiectz. Dieu par sa grace face pardon & mercy à son ame. Enuiron le moys de Iuillet dudiect an mil cinq cens trēte & vn, les Cheualiers de l'ordre de saint Iehan de Hierusalem, avec leur grand' nau, & certain nombre de gallées, p' l'intelligēce qu'ilz trouuerent moyen d'auoir avec le gardien du port de Modon, practiquerent de gagner subtillement, & à l'emblée, la ville de Modon: qui est vne bonne & forte ville en Grece, que les Turcs auoyent surprinsē sur les Venitiens, il y à plus de trente ans. Les Turcs estans en ladiete ville, eulx voyans surprins, se retirerent en la Bastille de ladiete ville: qui est vne forte place, que le Turc auoit fait faire depuis qu'il auoit prinsē ladiete ville sur les Venitiēs: lesquelz Cheualiers s'esuertuerēt de gagner ladiete Bastille: mais voyās qu'ilz n'estoyent assez de gens, & n'auoyent assez d'Artillerie, n'y peurent rien faire: parquoy apres auoir sacagé ladiete ville, s'en retournerent. On disoit que filz eussent eu ayde, qu'ilz auoyent commencement & fortune pour gagner Constantinoble.

Pour lors l'Empereur estant en Germanie, practiquoit tous les moyēs à luy possibles pour vnir les Germaines en la foy catholique, & nettoier ledict pays des heresies anciēnes, renouue lées par les Lutheriēs, congnoissant la future ruine desdictz pays, pour la diuersité des sectes: & le Roy de France, estant en son royaume, cōsiderant q' les Roys regnent par Iustice, & que Iustice durant le tēps des guerres auoit esté mal reuerée par les rebelles, & q' puis six ou viij. ans aucuns Gētilzhōmes se vouloyent faire croire de leurs opinions p' assemblées & cōbatz faictz sans autorité du Roy, & aussi par forces & violēces, sans faire reuerēce au Roy n'a Iustice, & que plusieurs, sans tiltre, s'emparoyēt de benefices, les tenans par force & violēce, contre ceulx qui en auoyēt iouy par plus de xv. & xx. ans à bon tiltre, mesmemēt es pays du Maine, Aniou, Poitou, Aulny, Angoulmois, & la Marche, de sorte que les bons Iuges royaux n'auoyēt plus d'autorité, & n'y auoit Sergent qui osast aller mettre à execution leurs mandemens, pour les grāds & enormes excs q' lon faisoit à leurs recors & tesmoings, ordōna des le moys de Iuillet dudiect an mil cinq cēs xxxj. que les grands iours de Poitou seroyēt tenuz en la ville de Poitiers, par aucū de messieurs de Parlemēt: esquelz iours de Poitou sont cōprins lesdictz pays d'Aniou, Touraine, le Maine, Aulnys, Angoulmois & la Marche, pour punir lesdictz crimes & delictz, & aussi pour vuyder les appellations verballes de quatre ou cinq années, qui estoyēt encores indecises: & fut ordonné qu'ilz commenceroiyēt le premier iour de Septembre, & fineroiyēt le dernier iour d'Octobre: & pour mettre à execution leurs Arrestz cōtre les criminelz, enuoya avec eulx le Seigneur de Chandieu, grand Preuost des Mareschaux, accompagné de trois ou quatre cens hommes: & fut ladiete Ordonnance publiée au moys d'Aoust ensuyuant, en la court de Parlemēt à Paris: laquelle fut mise à execution. Le xxij. iour dudiect moys de Septembre, ainsi que Madame la mere du Roy de France, malade d'vne longue maladie, qui des long tēps la tenoit, s'en alloit de Fontainebleau, ou il y auoit grand dāgier de peste, à Remorantin, pour muer d'aer, trespassa en vn villaige, nommé Gres, en Gastinois: & fut son corps mené

Ioustes à  
Paris.

L'an mil v.  
cens xxxj.

Guerres  
contre les  
Turcs.

Les grands  
iours en  
Poitou.

Trespas de  
Madame,  
mere du  
Roy,

mené à Paris, & de Paris à saint Denis en France, où elle à esté inhumée, près des Roys de France. Ce fut vne bonne prudēte & sage Dame, & qui par sa prudente conduyete (Dieu luy tenant la main) preferua le royaume de France de plusieurs partialitez, mutineries & prague-ries, dont on se doubtoit, durant que le Roy fut prisonnier en Italie, & en Espagne. Dieu par sa sainte grace vucille auoir son ame. L'an mil cinq cens xxxij. fut abatue la faulxte porte S. Honoré. Audictan fut par l'Ordonnance du Roy, & de messieurs les Generaux, & de la Justice, faite vne Ordonnance sur les pieces d'or & d'argent, tant de Frāce, que des autres pays & contrées, à l'occasion que plusieurs marchans, gens de finance, & autres de diuers estatz & qualitez, par leur auarice, volunté desordonnée, & profit particulier, vouloyēt excéder le pris raisonnable: lesquelz, faisant encores pis, ont rongné lesdictes monnoyes, & diminué de leur pris, bonté & valeur. Et oultre ont transporté des pays, terres & Seigneuries du Roy les bonnes monnoyes & matieres de billon, d'or & d'argent. <sup>Mil cinq cens xxxij.</sup> Veu & considéré lesquelles choses à esté mis pris raisonnable sur lesdictes monnoyes, tant d'or que d'argent, au grand soulagement du commun peuple, & de ce baillées & données lettres patentes de par le Roy nostre Sire, données à Nantouillet, le cinquieme iour de Mars: & oultre la dessusdictē Ordonnance, a esté veu & regardé à plusieurs pieces, tant de Flādes, du Liege, de Sauoye, de Lorraine, de Metz, d'Escoffe, d'Angleterre, qu'autres: laquelle Ordonnance fut dernièrement donnée à Com- <sup>mutatiō des monnoyes.</sup> mercy, le vingtieme iour de Mars, l'an mil cinq cens trēte deux. Au moys de May mil cinq <sup>Le Roy visi- ta ses pays de Bretai- gne.</sup> cens xxxij. le Roy, la Roynē, & messeigneurs les enfans allerēt en Bretagne, & visita le Roy les principales villes, & la pluspart dudit pays, & y fut iusques au moys d'Aoust ensuyuant, pendant lequel temps la Roynē feit son entrée en la ville & cité de Nantes.

Au moys d'Octobre ensuyuant lesdictz Roys de France & d'Angleterre se veirent à Bou- longne sur la mer, où ilz confermerēt leurs alliances: & fut le Roy de France à Calais, accom- pagné de messieurs les Daulphin, Ducz d'Orleans, & d'Angoulesme, ses enfans.

L'an mil cinq cens trente trois ensuyuant, au temps d'esté, le Roy alla visiter ses pays & Sei- <sup>Mil cinq cens xxxiii.</sup> gneuries de Languedoc, & feit son entrée triumpicante dedans la ville & cité de Toulouse: & luy estant à Montpellier, entreprint par Ambassades parlementer avec nostre saint pere le pa- pe Clement, en la ville de Marceilles, au moys d'Octobre ensuyuant; où ledict pape Clement <sup>Le Roy & le pape Cle- ment traitte- rent ensem- ble, à Mar- seille, le ma- riage de mo- sieur d'Or- leās, & de la fille du duc d'Ar- bin.</sup> arriua: en laquelle venue & assemblée fut traité & fait le mariage de monseigneur le Duc d'Orleans, second enfant du Roy de France, avec madame la Comtesse de Boulongne, niepce dudit pape Clement: & feirent plusieurs bonnes deliberations, pour remedier au scismes & heresies, lors & des long temps au parauant aduenues des Allemaignes, & dont y auoit ia quelque commencement en la ville de Paris, le tout par le moyen d'un Concile qui se deuoit faire par ledict Pape bien tost apres. Le Roy, desirant singulierement la conseruation & <sup>Creatiō des Legionnaires en France.</sup> deffence du royaume, feit dresser & mettre sus vne force de gens de pied par les prouinces d'iceluy, en forme de Legions, pour d'icelles forces se seruir & ayder, ainsi que l'affaire le requerroit: dont il feit certaines Ordonnances, luy estant à saint Germain en Laye, au moys de Iuillet mil cinq cens trente quatre: c'est à sçauoir es pays & Duché de Normandie vne Legion, au pays & Duché de Bretagne vne Legion, es pays de Picardie vne autre Le- gion, au pays & Duché de Bourgongne, Comté de Champagne & Niuernois vne autre Legion, au pays du Daulphiné, Prouence, Lyonnois & Auvergne vne autre Legion, & au pays de Languedoc vne autre Legion: qui sont sept Legions: & qu'en chacune Legion y auroit six mil hommes de pied, qui se leueroient esdictz pays & prouinces dudit royaume.

Au moys de Septembre ensuyuant, mil cinq cens trente quatre, le Comte de Nansau, & <sup>Mil cinq cens xxxiiii.</sup> le Prince d'Orenge, son filz, passa par le royaume de France, venant des Espagnes, & re- tournant en sa maison en Flandres. On disoit qu'il auoit charge de par l'Empereur de trai- ter le mariage de monseigneur le Daulphin avecques la fille dudit Empereur, & de son filz avec vne des filles de France. Le pape Clement, septieme de ce nom, alla de vie à trespas à <sup>Trespas du pape Clem. vu. le quel on disoit e- stre empoi- sonné.</sup> Romme, le cinquieme iour de Septembre dudit an mil cinq cens trente quatre: & apres son deces fut esleu Pape au conclaue de Romme, vn notable & venerable Cardinal, Romain, nommé de Frenes, qui fut nommé Paul, tiers de ce nom: Vers la fin de ladicte année, l'armée du Turc fut deffaite en Perse par les gens de Sophy, Roy dudit pays. Le Turc perdit à ceste deffaite seize mille cheuaulx, trente mille hommes de pied, dixhuyt mil chameaux, & autre <sup>Paul iii. du nom, créé pape.</sup> bagage, cent cinquante grands cheuaulx, menez en main, avecques leurs accoustremēs (qui estoient les cheuaulx du Turc) & quatre vingtz pieces d'Artillerie, tant grosses que menues: & de ceulx du Roy de Perse furent tant de mors que defaillans vingt mil, ou enuiron.

Au moys de Nouembre ensuyuant, le Roy estant à Chastellerault, y arriua vn Ambassa- de du Turc Soliman, pour demander alliance, lesquelz furent enuoyez à Paris, où ilz furent par quelque espace de temps moult bien festoyez.



*Des placards affichez par les places de Paris: & de la Procession, ou le Roy  
assista en personne, à ceste cause.*



**E**N ce tēps, & l'an mil cinq cens xxxiiij. ainsi que l'ennemy gaigne les cœurs des mau-  
uains incredules, & alienez de la sainte Foy, & s'en fait maistre, incita vn ras de mal-  
heureux, fiens seruiteurs, de contemner par blasphemies le Diuin & saint Sacramēt  
de l'autel. Car le Dimenche xvij. iour d'Octobre, audict an mil cinq cens xxxiiij.  
meirent & afficherent par les carrefours, & lieux apparés de la ville de Paris, certains papiers  
& libelles pleins d'execrables & damnez argumens & propos, ausquelz pēdoient aucuns pe-  
titz liuretz, confirmatifz des pernicieuses heresies, declairées ausdictz placards & affichez, qui  
estoyent (cōme dict est) au scandalle & grosse irreuerēce dudiēt saint celeste Sacrement: les-  
quelz peruers & damnables suppostz de Satan, par la permission de celuy que si griēvement  
ilz auoyent irrité & offensé, & avec la bonne ordonnance de la Court de Parlemēt, & grand  
diligence de maistre Jehan Morin, Lieutenant Criminel, furent accusez, emprisonnez, inter-  
roguez: & apres auoir confessé le malheureux cas susdict, cōdamnez au feu, & la plus part des  
coupables executez, plus par diuin iugement, qu'autrement. Le Roy estant en la ville de  
Bloys & aux enuirs, mēmes toute la court ne fut exempte de telles scandaleuses heresies:  
car les dessusdictz, ayās entre eulx diabolique intelligence, & espars en diuers lieux, attacherēt  
telz & semblables libelles heretiques, iusques aux portes de la chābre du Treschrestie Roy: qui  
n'en porta pas moins de fāscherie q̄ faict en son cœur celuy qui veoit despriser & mettre à im-  
propre la chose si digne qu'il doit & veult aymer, seruir, honorer, & craindre: parquoy man-  
da par tout le royaume s'enquerir & informer des malfaiēteurs en diligence, & d'iceulx faire  
bonne, brieue, & exemplaire iustice. De Bloys le Roy vint à Paris, en son chasteau du Lou-  
ure, ou le xij. iour de Ianuier, audict an, & sur le matin, furēt trouuez, & par la ville, liures in-  
fames reiteratifz des blasphemies & heresies susdictz, qui renforça au vertueux Roy le ducil &  
tristesse au parauant conceus, engēdrant à luy vn desir affectueux de future vēgeance, contre  
les ennemys de Dieu: parquoy au xxix. iour dudiēt mois feit publier en la ville de Paris vne  
Procession generale, pour pacifier l'yre de nostre Seigneur, qui au moyē des choses susdictes,  
à luy desplaisantes, pouoit estre offensé & irrité. A laquelle Procession solēnelle le Roy en  
humilité & grād deuotion, nue teste, à pied, & vne torche ardāte en main, assista, & la Roy-

*L'ordre re-  
nue à la p-  
cession nota-  
ble, à Paris,  
en laquelle  
le Roy assi-  
sta, les Prin-  
ces, sei-  
gneurs, &  
sous les e-  
statz de la  
ville.*

*Deuotion  
moult loua-  
ble.*

ne, messieurs les enfans de France, & les Princes du sang royal. Et Par ce q̄ chose si excellēte,  
& non iamais veue au monde, en la grand' reuerence & dignité qu'elle fut accomplie, merite  
bien d'estre mise & couchée par escrit, affin que le tēps, gourmant, qui toutes choses tant soyēt  
elles de grand' merueille, consume, preterit, & met en cest abisme d'oubliāce, n'ait le pouoir  
de l'adnuller & effacer, nous la redigerons par escrit: parquoy retournant à nostre propos, le-  
dict iour xxix. de Ianuier dudiēt an, sur l'heure de neuf heures, q̄ les rues de Paris furent tēdues  
de tapisseries, toutes les croix, bannieres & saintes reliqs des paroisses de ladiēte ville, qui se-  
stoyēt des le matin assemblées en l'eglise S. Germain de l'Auxerrois, partirēt de ladiēte eglise,  
pour aller à la grand' eglise de nostre Dame, & tenoyent toutes tel ordre q̄ les gēs & Archiers  
de ladiēte ville, à ce deputez, leur ordonnoyent. Marchoyent apres les quatre ordres Médians,  
la pluspart d'iceulx en chappes, portans reliques en deuotion. Suyuoyent iceulx les Prestres &  
Chanoines des eglises parochiales & collegiales de ladiēte ville (en ordre comme dessus) por-  
tans les chasses saint Landry, saint Merry, saint Honoré, sainte Oportune, saint Benoist,  
& autres corps saintz. Les religieux des monasteres de saint Germain des Prez, à la main  
dextre portoyent le corps saint Germain: & ceulx de saint Martin des Champs, de l'ordre  
de Clugny, d'autre part portoyēt le chief saint Martin, & le corps saint Paxent. apres, ceulx  
de saint Magloire le corps saint Magloire: & ceulx de saint Eloy le corps sainte Aure: &  
ainsi les autres suyuaus. Furent portez aussi par seize Bourgeoys de ladiēte ville le chief saint  
Philippe, le tableau saint Sebastien, les chasses saint Marceau, & sainte Geneuiefue, en la  
maniere accoustumée, les religieux de sainte Geneuiefue & saint Victor nudz piedz y assi-  
stans. Venoyent apres en bon ordre les Chanoines de ladiēte eglise nostre Dame, à main dex-  
tre, & le Recteur de l'Vniuersité avec sa suyte à main senestre, tenant chacun vn cierge de ci-  
re vierge, ardent en leurs mains. Suyuoyent iceulx les Suisses de la garde du Roy, avec leurs  
fiffres & tabourins. On veit apres les haultxbois, violons, trompettes & cornetz d'iceluy Sei-  
gneur, iouans de leurs instrumens en grand' melodie, ioignans lesquelz marchoyēt les chan-  
tres de la Chapelle dudiēt Seigneur, & ceulx de la sainte Chapelle du Palais ensemble, chan-  
tans deuortz motetz, & Cantiques dudiēt saint Sacrement. Apres marchoyent les Roys  
& Heraulx d'armes dudiēt Seigneur, vestus de leurs cottes d'armes, & iceulx suyuoient dix  
Prestres

Prestres reueſtus, & teſte nue, portans le chef S. Loys. Eſtoient auſſi portez en grand' reuerē-  
 ce la ſaincte vraye Croix de Ieſus Chriſt, ſon Chapeau d'eſpines, & le fer de la Lance, dont ſon *La ſaincte*  
 precieus coſté fut percé, qui par leur grand' excellence & ſingularité n'auoyent eſté transpor- *Croix, le Cha*  
 tez depuis qu'ilz y furent mis par monſieur ſainct Loys. Suyuoyent leſdictes reliques, ſans *peau d'eſpi-*  
 aucune diſtance, grād nombre d'Archeueſques & Eueſques, deux à deux, chappez & mitrez, *nes, le fer de*  
 portans reliques de grand' precioſité, & en grand' reuerence & deuotion, qui puis ledict tēps *la Lance de*  
 n'auoyent eſté deſcendues, avec autres ſacrées reliques d'icelle ſaincte Chapelle. Apres e- *noſtre Sei-*  
 ſtoient au deuant du corpus Domini, & ioignant leſdictz Archeueſques & Eueſques, meſſei- *gneur, furēt*  
 gneurs les Cardinaux de Tournon, le Veneur & Chaſtillon, faiſans le parfait dudiſt cler- *ce iour por-*  
 gé: & les deſſuſdictz paſſez, eſtoit avec vn peu de diſtance, le vray & precieus Corps de no- *tées à la pro-*  
 ſtre Sauueur & Redempteur Ieſus Chriſt, que portoit mōſieur l'Eueſque de Paris, en grād' *ceſſion.*  
 reuerence, & nue teſte, aſſiſté de ſes Archediacles, ſoubz vn poiſſe de veloux cramoify violet,  
 ſemé de fleurs de lys d'or, à quatre baſtons de meſme, ſouſtenus & portez par monſieur le  
 Dauphin, meſſieurs d'Orleans & d'Angoulesme, ſes freres, avec monſieur de Vêdoſ-  
 me, nudz teſtes, & en grand' deuotion. Au deux coſtez du Sacrement eſtoient les bandes des  
 deux cens Gentilzhommes, de la maiſon dudiſt Seigneur, avec torches allumées. Incontinēt  
 apres ledict ſainct Sacremēt marchoit le Roy ſeul, tenāt vne torche de cire vierge en ſa main,  
 teſte nue, en reuerence non petite, & le coſtoyoit vn peu plus bas monſieur le Cardinal  
 de Lorraine: & aux coſtez dudiſt Seigneur eſtoient en ordre vingtquatre Archiers, gardes de  
 ſon corps, veſtus de leurs hoquetons blancz argentez, tenans ſemblablement chacun vne tor-  
 che ardente: & apres ledict Seigneur marchoyent, le myllieu de la rue, grand nombre de Prin-  
 ces, & Cheualiers de ſon Ordre, tenans comme iceluy Seigneur chacun vne torche allumée  
 en leur main, en la reuerence que deſſus. A coſté d'eulx marchoyent Meſſieurs de la court de  
 Parlement, les Maiſtres des requêtes, Cōſeillers de ladiſte Court, deux à deux, Meſſieurs des  
 Comptes, Generaulx de la Juſtice des monnoyes, tous Meſſieurs de ladiſte Court veſtus  
 d'eſcarlate rouge, & les autres de ſatin, velours & drap noir: & par le myllieu de la rue mar-  
 choyent les Princes & Cheualiers de l'Ordre deſſuſdicte, les Gentilzhōmes de la chambre du  
 dict Seigneur, & en general toute la maiſon du Roy, chacun en leur maī vne torche allumée,  
 & teſte nue, meſſieurs les Preuoſtz de Paris & des Marchans, & Eſcheuins de ladiſte ville a-  
 uec leur ſuyte, & en general les quatre cens Archiers de la garde dudiſt Seigneur, veſtus de  
 leurs hocquetons argentez, conduictz par leurs Capitaines: & le long des rues eſtoyēt les Ar-  
 chiers de ladiſte ville, pour donner ordre à ce qu'en telle multitude cōfuſion ne ſe meſlaſt. En  
 ce magnifique ordre fut conduict le ſainct Sacrement iuſques en ladiſte eglise noſtre Dame,  
 ou monſieur l'Eueſque de Paris, celebra en grand' ſolennité la Meſſe dudiſt ſainct Sacrement:  
 & apres icelle dicte, le Roy, Meſſieurs ſes enfans, la Royne, & mes Dames, & pluſieurs grāds  
 & notables perſonnages du noble ſang Royal, diſnerent au logis dudiſt Seigneur, Eueſque de  
 Paris, ou apres diſner feit le Roy en ſa preſence venir les Eſtatz de la ville: c'eſt à ſçauoir ledict  
 Seigneur, Eueſque de Paris, avec les plus apparens de ſon clergé, le Recteur de l'Vniuerſité, &  
 les plus notables Docteurs & ſuppoſtz d'icelle, le Preuoſt des Marchans de ladiſte ville & les  
 Eſcheuins, avec grand nombre des principaulx Officiers & Marchans de ladiſte ville: & luy  
 ſeant en chaire, en lieu bien à propos, pour eſtre veu & ouy de toute la compaignie, & ayant  
 autour de ſoy Meſſieurs ſes enfans, & autres Princes & Seigneurs de ſon ſang, Meſſei-  
 gneurs les Cardinaux, Meſſieurs de ſon Conſeil eſtroict, & avec eulx les Preſidens de la  
 Court, puis auſſi Meſſieurs les Ambaſſadeurs de l'Empereur, du Roy d'Angleterre, de la  
 Seigneurie de Veniſe, & d'autres Princes, Seigneuries & villes, & pluſieurs Princes, Ducz,  
 Marquis, Comtes, & Barons eſtrangers, il feit vne remonſtrance publique & particuliere *Remonſtra-*  
 auſdictz Eſtatz, en ſi grand' affection & vehemence de noble zele, garnie de ſi excellentes & *ce du Tres-*  
 haultes raiſons qu'il en y auoit peu en toute la compaignie à qui il ne tiraſt les larmes hors des *chreſtien Roy*  
 yeulx. Et pour concluſion leur feit requête, oultre les precedentes, que tous vniuerſellement *de France à*  
 & chacun à part & endroit ſoy euſt à denommer tous ceulx qu'ilz congnoiſtroient eſtre ad- *meſſieurs les*  
 herens & complices de ces blaſphemes, ſans nul eſgard d'alliance, lignage ou amytié (iuſques *Princes &*  
 à ce que quand à luy, ſi ſon bras eſtoit infect de telle pourriture, il le voudroit ſeparer de ſon *Eſtatz de ſon*  
 corps) mais qu'ilz euſſent deuant leurs yeulx, que c'eſt grād' meſchaceté d'accuſer vn perſonna *royaume, le*  
 ge à tort. Et en ſin tōba ledict Seigneur en ſi amiables douceurs en ſon oraïſon, q̄ tous les aſſi *iour de la*  
 ſtens plus qu'eſmerueillez de telle prudence royale, apres auoir humblement reſpondu & re- *proceſſion.*  
 mercié de la bōne amour qu'il pourtoit à la Foy & à toute ſa ville, ſ'en retournerēt chacū en ſa  
 chacune, fors cōtēs de leur Prince: duquel noſtre Seigneur vucille auoir l'ame. Et le iour meſ-  
 mes furēt executez en ladiſte ville de Paris, apres auoir fait amende honorable deuant l'egli-  
 ſe noſtre Dame, ſix heretiques cōuaicuz d'auoir eſté coupables deſdictz placards & hereſies.

**Le Capitaine Ionas de** Le Lundy premier iour de Mars audiēt an, le Capitaine Ionas, qui au parauant auoit esté longuement prisonnier à la Bastille, pour raison de crime de leze maieſté, fut decapité aux halles de Paris, & son corps mis en quatre quartiers, & sa teste enuoyée sur le haure de la ville de Marſeilles. L'an mil cinq cens trēte cinq la faulſe porte ſainct Denis, autrement diſte la porte au Paiuētre, fut abatur, & conſecutiuelement toutes les autres faulſes portes de la ville de Paris.

**Playe en France par long temps** L'an mil cinq cens trente cinq, le neuſieme iour de Iuillet, trefreuerend pere en Dieu Anthoine du Prat, Archeueſque de Sens, Chancelier & Legat de Frāce, trefpaſſa en ſon chasteau de Nantouillet, & fut enterré à Sens. En ceſte année par tout le royaume de Frāce y pleut ſi continuellement & ſans ceſſer, que les bledz eſtoyēt tous couchez & renuerſez, tous pleins d'herbes ſans pouoir meurir: parquoy par l'ordonnance de la court de Parlement, à Paris, la chaffe de madame ſaincte Geneuiefue fut deſcēdue, & portée en proceſſiō generale par ladiſte ville, en la maniere acouſtumée, pour & affin qu'elle feiſt priere à noſtre ſeigneur Jeſus Chriſt, pour cōſeruer les fruiſtz & biens qui eſtoyēt en la terre: parquoy ne plent de lōgs iours apres.

**La priſe de la Goulette par l'Empereur.** L'Empereur, qui longuement auoit tenu le ſiege deuant la ville de Thunys, à l'encōtre de Barberouſſe & ſon armée, au moys de Iuillet, par l'aſtuce du Marquis du Gaſt, & d'Andre Doric, print & gaigna la Goulette, deſſence principale de ladiſte ville de Thunys, ou furent mors & prins de trois à quatre mille Turcs, & quatre cens Chreſtiens renyez: & dedās le port de ladiſte Goulette furent prins cent ſept voilles, tant galleres, gallions, que fuſtes, & vn grād nōbre de Cheualiers, qui tous eſtoyent à la garde de Thunys: & depuis ladiſte Goulette prinſe, ladiſte armée de l'Empereur print & gaigna ladiſte ville de Thunys, & en chacea lediſt Barberouſſe & Turcs infideles.

**Le Iubilé par toute la Chreſtiété.** De laquelle victoire aduertty noſtre ſainct pere le Pape, pour en rendre graces au Dieu, duquel toutes victoires procedent, & ſont en ſon pouoir, ordonna vn an Iubilé par toute Chreſtienté, pour le ſecours & tution d'icelle: qui fut celebré au moys d'Aouſt audiēt an, en grand' reuerence & deuotion. En ce temps, au moyen que pluſieurs perſonnes, ſoy ſentans ſuſpectz d'heresie, & choſes deſſuſdiſtes, ſ'en eſtoyent fuyz & abſentez du royaume de France, par pardon & remiſſion du Pape, conſermé par le Roy Trefchreſtien, furent rapelez & reduiſtz à leur premiere fame, bruyt, renommée & biens, tous leſdiſtz fugitiſz, exceptez les malheureux qui auoyent mal parlé du ſainct Sacrement de l'autel. Par ce que

**Ordonnance de la roue, cōtre les volleurs & guetteurs de chemins.** par les champs & es villes de ce royaume y auoit grand nombre de vacabondz, meurtriers, brigans & volleurs, qui faiſoyent & cōmettoyent innumerables maulx, homicides, deſtrouſſes, & pilleries ſur les Marchans, & autres paſſans, fut faiſte en ce temps vne Ordonnance de par le Roy & ſa court de Parlement, par mandement de lettres patentes dudiſt Seigneur, cōtre leſdiſtz volleurs, vacabondz & guetteurs de chemins, que ceulx qui ſeroyent telz, cōuaincuz, ſeroyēt brifez & rompus bras & iambes, puis mis ſur vne roue pour acheuer en telle peine & tourment ce peu de vie que leur reſteroit: qui toutesſois ne deſtorna point les mauuais vouloirs des obſtinez, veu les grands excès qui iournellement ſoyoyēt rapporter de telle maniere de gens.

*Du commencement des guerres de Piedmont: & de Sauoye, & d'autres matieres.*

**Les moſtres de Legionnaires en diuerſes Prouinces.**



LE Roy, enuiron ce temps, ſ'en alla en Normandie & Picardie, pour veoir faire les monſtres des Legionnaires deſdiſtes prouinces & pays: & de la ſe transporta en Champaigne pour auſſi ſemblable occaſion: & puis en fin ſeiourna longuement en ſa bone ville de Dyion. Peu de temps apres le Roy ſ'en alla à Lyon, pour donner ordre à l'armée qu'il entendoit enuoyer en Italie, ou il ſeit durant l'yuer grandes preparacions de guerre, manda par tout le royaume ſes bandes, compaignies, garniſons, Legionnaires, & Artillerie (meſmes de Paris) qui en partit enuiron la my Ianuier, & ſeit marcher l'Augantgarde ſoubz la conduicte de monſeigneur l'Admiral ſon Lieutenant general, de-

libéré de ſuyure, ſi la neceſſité le requeroit, & conduire la Bataille. Ladiſte armée en bon poinct, paſſant par le pays de Breſſe & la Duché de Sauoye, contraignit la plus part des bones villes de ladiſte Breſſe & dudiſt Duché à ſoy rendre à l'obeiſſance du Roy Trefchreſtien.

**L'Empereur ſeit ſon entrée dedās la ville de Romme.** Le dixieſme du moys d'Auril, l'an mil cinq cens trente cinq, auant Paſques, entra l'Empereur à Romme en gros triumphe & acclamation d'un chacun, accompagné de gros nombre de Gentilzhommes Neapolitains, des pays des enuiron, des hommes d'armes & hommes de pied, avec groſſe quantité de nombre d'Artillerie. Au moys d'Aouſt mil cinq cens trente ſix, mourut à Tournon, au pays de Prouence, le Daulphin de France, nommé François, aagé de vingt ans, ou enuiron, duquel fut groſſe perte audiēt pays de France, Dieu face pardon à ſon ame. Audiēt an trefpaſſa auſſi à Lyon le Duc d'Albanie.

**Le ſiege de Peronne.** Audiēt an & moys d'Aouſt fut mis le ſiege deuant la ville de Perōne, par le Côte de Naſau, accom-

accōpaigné des Bourgōgnons, Allemans, Flamēs, & Haynuyers: lesquelz y dōnerent maintz assaulx: mais ce nonobstant fut ladiète ville, à l'ayde de nostre seigneur Iesus Christ, vaillamment deffendue par monseigneur le Marechal de la Marche, mōseigneur le Comte de Dāpmartin, & plusieurs Seigneurs, Capitaines, & autres gens de guerre estans dedans ladiète ville de Peronne: & apres que ledict Comte de Nansau & les Bourgongnons eurent esté deuāt ladiète ville l'espace de deux moys, ou enuiron, se departirent honteusement avec grosse perte de leurs gens, & sans y riens conquerir. Le preux & trefvaillant Comte de Dampmartin mourut en ce lieu, dont le dommage fut moult grand: car il estoit de grand' conduicte, & esfaictz d'armes moult constant. Il fut trouué mort & tout froissé soubz la muraille d'vne mine, ou contremine, qu'il alloit veoir, pour y pourueoir & resister aux aduersaires. Le mesme iour que fut leué le siege de Peronne, l'Empereur se partit de Prouence, ou il auoit parqué son Camp, pres celuy du Roy, qui auoit garny le sien de viures, & de toutes choses qui à la guerre sont decentes, le mieulx qu'on veit iamais: & si on s'enquiert de si soudain depart, ce fut à raison que la mort se meit en son armée, la faim pareillement, & trefgrand' necessité de maintes choses qui y estoient necessaires, & que ses gens pareillement estoient faschez & ennüyez du grand labeur & des armes, & de la continuation du long temps, ausquelz affaires moult auoyēt endure de mal. Et quand est du trefnoble Roy, il monstra en celle expedition sa grand' constance, prudence & vertu: car il vainquit, sans coup ferir, son ennemy & aduersaire, qui est vne chose moult à priser, à raison qu'un bō & vertueux Prince ne doit le sang effus de ses Cheualiers appeter. L'Empereur ce considerāt, & voyant ne pffiter son desir, s'en retourna en son pays d'Espaigne. En celuy temps le Comte Guy de Rangon, Lieutenant pour le Roy en Piemont, print Sauillan, & bien deffendit la ville de Quiers contre le Marquis de Gast, & l'autre Marquis de Saluces, qui le party du Roy de France, sans nulle occasion, comme le commū bruyt estoit, avec laschement delaissé. Le Samedy, qui fut le septieme iour d'Octobre, le Cōte Sebastiano, iceluy meschant trahyste, qui fainctement auoit empoisonné monseigneur le Dauphin de France, premier filz du Roy, & nommé comme luy François, fut par l'Arrest du grand Conseil, tiré tout vif à quatre cheualx dedans Lyon.

*La mort du Comte dāpmartin dedans Peronne.*

*La fuyte de l'Empereur, du pays de Languedoc.*

Le sixieme iour de Nouēbre fut publiquemēt crié à Paris, par l'ordonnāce du Roy, que tous Marchāds durant les guerres pourroyent loysiblement trafiquer avec les estrangers, tāt en son royaume qu'ailleurs. Enuiron ce temps partit le Roy de la Prouence, & de la ville de Lyō, & par Berry vint en Poitou. Il fut enuiron vn moys ou trois sepmaines à Chastellerault, pour ce que c'est vn lieu moult delectable, plaissant, & requis à la chace des Princes qui ayment l'esbat des boys & forestz. La estoit avec le ieune Roy d'Escoffe, Iaques nōmé, auquel il feit grād' chere: & puis s'en vint à Paris, en passant par Bloys, & autres lieux, menant avec luy ledict Roy d'Escoffe. Le Roy logea en la maison de monsieur de Paris, & fut au iour de Samedy. Ledit Roy d'Escoffe feit son entrée à Paris, cité principale de Frāce (qui fut au Dimēche, dernier iour de l'an) accompagnē de plusieurs Princes, Nobles, & Gentilzhommes: & y estoit monseigneur le Dauphin present, luy faisant grand honneur. Ledit Roy Escossois partit des Tournelles, & vint par dessus le pont nostre Dame, ou estoient aucuns beaulx theatres en leuez, lesquelz contenoient les armoyries de France, de la Roynes, de monsieur le Dauphin & dudit Roy d'Escoffe, qui vint à nostre Dame de Paris, eglise maieur. Ledit Roy descendit à pied, & entra dedans ladiète eglise, pour rendre louenges & mercys à Dieu le createur, & à sa glorieuse Mere, de l'honneur qu'il auoit ainsi trefmagnifiquement receu du Roy, de toute sa Seigneurie, & totalement du peuple de Paris. Les rues par lesquelles il passa furent tendues de tapisseries moult riches. Apres qu'il eut rendu graces à Dieu, luy sorty de l'eglise remonta à cheual, & le Roy l'attendoit au logis de Clugny, pres les Mathurins, & la descendit, souppa & coucha. Au lendemain, qui fut le premier iour de l'an, furent celebrées les nopces, & espousē ledit Roy d'Escoffe à madame Magdaleine, fille du Roy de France, en moult grand' pōpe, triumphe & honneur. Le Roy amena sa fille par dessoubz le bras, marchant sur vn long theatre, erigē & dressē hault assez, affin d'eiter la foule du peuple. Apres la messe dicte, le disner fut faict en la grād' Salle de monsieur de Paris, ou les Docteurs de l'vniuersité prennēt le bonnet doctoral, qui ne fut pas sans ieux & esbatz, danses & telles choses. Puis fut faict le soupper au Palais en trefgrand' solennité: car la grand' falle estoit toute tendue richemēt, & en grand' magnificence: & depuis furēt faictes les ioustes au chasteau du Louure, esquelles se porta vaillamment ledit Roy. Le huyctieme iour de Ianuier audict an fut tué Alexandre de Medicis, Duc de Florence, par Laurens de Medicis, son cousin. Cestuy Alexandre tenoit le party de l'Empereur, duquel il auoit espousē la fille bastarde, & tenoit à force la Duché de Florence.

*L'entrēe du Roy d'Escoffe se à Paris.*

*La solennité des nopces du Roy d'Escoffe et de madame Magdaleine, fille du Roy.*

Le quinzieme iour dudit moys de Ianuier, le Roy tint son siege & liz de Iustice en son souuerain Palais à Paris, accōpaigné des Roys d'Escoffe & de Nauarre, de mōseigneur Héry,

Daulphin de France, son aîné filz, duc d'Orleans parauant, & autres Princes & Prelatz : auquel lieu la court de Parlement estant assise, monsieur Cappel, du Seigneur Aduocat, au nom de Procureur general, demanda luy estre adiugées les Comtez de Flandres, Artoys & Charolois : & fut ordonné que l'Empereur seroit adiourné es limites de France, pour aux conclusions respondre de l'Aduocat du Roy, & luy enuoyer dire les causes de retention. ce qui fut fait selon droit & raison. Au moys de Mars en l'an mil cinq cens trente sept, deuant Pasques, le Roy s'en alla en Picardie, & meit son siege deuant Hesdin, petite ville : mais le chasteau y est fort & puissant. Ladiete ville fut prinse d'assault, & se rendit au Roy : lequel meit apres son siege deuant le chasteau, qui fut à auoir difficile : toutesfois les gens y entrerent par force & composition, & n'y eut pas grand meurtre à celle prinse, qui fut au moys d'Auril, mil cinq cens trente sept, auant Pasques. Le Roy le feit fortifier amplement de murs, & autres choses necessaires, & y meit & constitua tresbonnes & fortes garnisons. L'auoy oublié à dire comme le Seigneur d'Auscy, Capitaine dudiect Hesdin, fut la occis. En celuy mesme tēps le Roy feit bastir & renforcer la ville de saint Paul, si qu'elle fust mieulx assurée des aduersaires, qui y pouoyent facilement aller, & tout autour le pays degaster. Apres ces choses le Roy, ayant fait tout ce que faire vouloit, & plus assurément ordonné son pays de Picardie qu'il n'estoit au parauant, meit bonnes garnisons par tout, & se retira, faisant rompre son camp : dont chacun fut fort esbahy, pour autant qu'en considerant l'armée qu'il auoit il eust bien peu, & facilement prendre toutes les villes du pays d'Artoys, mais on ne peut pas si tost scauoir & congnoistre la raison, qui si tost le feit cesser, & son armée retirer. Huiet iours, ou enuiron apres, en France vindrēt les nouuelles que le ieune prince laques, Roy d'Escoffe, duquel nous auōs parauant parlé, estoit passé la mer, & arriué en son royaume d'Escoffe avec la Royne, son espouse, maulgré aucuns contredisans & aduersaires, le cuydant en son chemin empescher : mais au plaisir de Dieu, & ayde qu'il auoit du Roy, il passa oultre tous dangers : & y furent, selon le bruyt qui en fut, trois ou quatre nauires enfoncées dedans la mer, & sept ou huit ratiues. Il fut receu à grand ioye & lyesse, & ne fault doubter qu'on n'ayt fait belles & pompeuses entrées à la Royne, sa femme, veue l'origine dont elle estoit extraicte. En cest an mesmement, vn peu deuant Noel, monsieur de Florenge, diect autrement le Seigneur de la Marche, mourut & trespassa à Longjumeau. qui porta grand domage en France, à cause des proesses qui en luy estoient, mesmemēt de la grand cōduicte & proesse par luy faicte dernièrement à Perōne : duquel vueille Dieu l'ame tenir en son royaume par eternal repos. Son corps fut porté enterrer à Sedan. Le mal l'auoit prins au chemin, ainsi qu'il venoit de court, ou le Roy luy auoit fait bonne chere, selon qu'il l'auoit tresbien deseruy. Quelque peu de temps apres, comme le Roy estoit en Picardie, fut constitué prisonnier en la Bastille de Paris, le President Gentil, Italien. Es moys de Iuin, Iuillet & Aoust, audiect an mil cinq cens trente & sept, apres que le Roy eut rompu son camp, comme nous auōs dit, l'armée de l'Empereur vint en Picardie, & brussa Monstrueil & S. Paul, apres auoir laissé les François, qui estoient dedans, leurs bagues sauues. Les ennemys meirent apres cela le siege deuant Therouenne, qui dura quasi enuiron l'espace d'un moys : durant lequel temps le Roy leua vn autre second camp de quarante mil hommes, ou enuiron, & l'enuoya en Picardie, estant monseigneur le Daulphin conducteur, que monsieur le grand Maistre mena. Cela voyant les aduersaires, les trefues demanderent leur estre données pour dix moys : laquelle chose leur fut accordée : & furent icelles trefues publiées au camp, qui alors fut rompu & leué, & fut vne partie des gens de guerre lors enuoyée au pays d'Italie. Les ennemys leuerēt leur siege de deuant Therouenne, durant lequel siege plusieurs gros personages de France auoyent esté prins. Au moys de Iuillet trespassa & mourut de maladie madame Magdaleine, fille du Roy de France, & Royne d'Escoffe, à Lislebourg, ville dudiect pays Escossois. qui fut vn grand domage : car elle eust esté tresbonne Princeesse, selon les premieres apparēces, & monstres de vertu qui en elle moult singulierement paroissoient : & en fut le Roy fort desplaisant & marry, pour la bonne alliance ia des long temps commencée entre France & Escoffe, par les Roys d'un & autre royaume, qui par elle (comme l'on peut bien croire) a tousiours eust esté perpetuelle, & encores sera elle si il plaist à Dieu, & soit son bon vouloir : car chacun scait quelz ont esté les Escossois vers ceulx de Frāce, certes fideles & loyaux, & de tresbon secours, si besoing en eust esté : & ne treuve on point par escrit, ou memoire, que iamais ilz feissent trahyson encōtre les François : mais comme de pure & entiere amytie munis & aornez ont tousiours esté voyfins & amyables.

Au moys d'Aoust, audiect an, fut prinse la ville de Quiers par les Espaignolz, en Piemont, sur les François, & tuerēt les habitans, pour la faueur desdictz François. En Septēbre dudiect an mesmemēt, le Roy enuoya son armé vers Italie, soubz la cōduicte de mōsieur le Dauphī, pour secourir les villes de Piemōt, ou les Frāçois prīdrēt d'assault la ville de Suze, ou il y eut enuiron quatre

Mil cinq  
cens trente  
& sept.  
La prinse  
de la ville  
de Hesdin,  
& du cha-  
steau, par  
les François

Le Roy  
d'Escoffe  
tourna en  
son royaume.

Le trespas  
de mōsieur  
de la Marche,  
à Longjumeau.

La mort de  
la Royne  
d'Escoffe.

Fidelité es  
Esossois.



quatre mil Espaignolz tuez. Noz gens prindrent semblablement le chasteau de Villaine: au moyen dequoy les Espaignolz, espouentez, de la riuere du Pause retirerent, & les François, à leur entreprise pourfuyans, prindrent la ville de Moncallier, que les aduersaires habandonnerent. Durant ce tēps le Roy s'en alla vers les Itales, & vint en son Camp: & lors pour trois ans furent les trefues faictes & accordées. En celuy tēps aussi furent faictes maintes processions generalles par la Court, Messieurs de la ville, & par le peuple de Paris, pour le bien publicque, & esperance de la paix. En ces entrefaictes le Roy enuoya le reuerendissime Cardinal de Lorraine, & monsieur le grand Maistre, en la ville de Locace, lez Nice, & là ils trouuerent les Ambassadeurs de l'Empereur: c'est à sçauoir le Seigneur de Granduelle, Chancelier d'Espaigne, & le commandeur Cannes, pour traicter de la paix. ce qu'ilz ne peurent faire, mais feirent seulement la prorogation & alongement des trefues iusques au moys de Iuin ensuyuant. Le pape Paul enuoya aussi deux Cardinaux, de Carpy, & de Iacobassy, l'un vers l'Empereur, & l'autre vers le Roy, pour vouloir à la paix entendre: & par eulx fut conclud de parlemēt à Nice. En Feurier audict an ensuyuant monsieur de Montmorency fut par le Roy crée & establi Connestable: & les Seigneurs de Montcian & d'Annebault furent faictz grands Mareschaux de France.

La prise de  
la ville de  
Moncallier.

Le dixseptieme iour dudit moys fut faict vn combat, appelé Duell (qui est quand deux seulement combatant l'un contre l'autre à oultrance) & ce par l'ordonnance du Roy, en la ville de Molins. ce combat fut entre les Seigneurs de Veniez & Sraay: ou le Roy estoit present: & estoit deux iugez esgaulx, & louez du Roy, & furent mis hors du Camp. Ledit Seigneur de Veniez trespassa quinze iours apres.

*De l'assemblée de Nice, ou furent accordées trefues pour dix ans entre le Roy & l'Empereur, par le moyen du Pape.*



L'An mil cinq cens trente & huyt, au moys de May, selon la deliberation deuant faicte, le Pape vint à Nice, l'Empereur à Villefranche, & le Roy à Villeneuve, au bour de Prouence. Le Roy & l'Empereur, l'un estant absent, & l'autre seul à seul, & par diuers iours, parlerent au Pape: lequel, voyant que les moyes de paix estoient difficiles, si bien proceda qu'il feir trefues entre les deux Princes iusques à dix ans. Ces trefues furent publiées audict Nice, le dixhuytieme iour de Iuin. Le Pape s'embarqua deux iours apres dedans les galeres du Roy, pour faire son retour à Rome, & le conduist l'Empereur iusques à Genes, & manda au Roy, qu'il vouloit parler à luy: ce qu'il feir à Aiguemortes en Prouence: ou l'Empereur se trouua le quinzieme iour de Iuliet, ou il fut magnifiquement par le Roy recueilly. Ledit Seigneur Imperial se departit du Roy, apres auoir esté deux iours en bonne amytie d'iceluy Seigneur. qui fut, ou deuoit estre vn grand & bon moyen de paix & concorde: & pour cela furent faictz les grands feux de ioye à Paris le vingtcinquieme iour de Iuliet. Le dixneuvieme iour dudit moys de Iuliet, en l'an mesme, tomba & cheut la foudre & tonnerre sus la tour de Billy, derriere les Celestins à Paris: en laquelle tour estoient les pouldres à canon: au moyen dequoy fut ladicte tour renuersée iusques à terre, & les pieces iectées à vn quart de lieue loing, & le Bouleuert fort endommagé. L'air fut si fort esmeu, par le repoulement, que les verrieres de S. Paul, des Celestins, & de saint Victor, furent quasi toutes rompues & abatues, & les tuyles des maisons prochaines renuersées, & les vergiers destruits & gastez.

L'an mil cinq  
cens xxxviij.

Le Pape,  
l'Empereur,  
et le Roy en-  
semble à Ai-  
guemortes.

La tour de  
Billy foul-  
drayée, à Pa-  
ris.

Enuiron ce temps mourut monseigneur maistre Anthoine du Bourg, Chancelier de France: & en son lieu & estat de Iustice fut mis & constitué monseigneur maistre Guillaume Poyet, parauant President en la court de Parlement à Paris. Quand il eut esté quelque temps ordonné Chancelier, il disposa de l'affaire de la Iustice du Roy: & furent soubz sa conduite nouvelles Ordonnances faictes & establies touchant les abbreviations des proces. qui est vne tres bonne chose: car en longs litiges & procedures souuent est le tēps en vain perdu & consommé, & maint argent à tort soubdainement despendu, & y sont faictes maintes traffiques, fraudes, baratz, & deceptions inuentées contre l'honneur de Dieu, profit de la communauté & prosperité de ceulx ensemblement discordans par proces & telz litiges. Le Philosophe dit, que ce qui est tost faict est le meilleur, & conforme plus à vraye Iustice: & pourtant cecy a esté tresbien faict, & au profit de la republique pensé & demené, & n'a peu estre faict, sinon par la diuine motion: car Dieu, qui voit, comme dit le Philosophe, de l'oeil de sa prouision, toutes choses futures, n'a voulu plus longuement que son pauvre peuple ait esté abusé en longueur de proces, ou plusieurs maux sont faictz, & maintz crimes & pechez inuētez: & encores, qui pis est, plusieurs mettoient toute leur estudie à inuenter, & cercher nouvelles cauillations, pour la

prolongation des causes, quand ilz les sentoyent estre doubteuses, mauuaises, & venir à mau-  
 uaise fin. En l'an mil cinq cens trente neuf l'Emperiere deceda de ce monde en l'autre, se-  
 lon l'institution de nature, qui ne pardonne à Roy, n'autre Prince, nō plus qu'à la plus pau-  
 re creature du monde : car l'Apostre nous dit, qu'il est à tous humains estably & constitué de  
 mourir y ne fois. Quelque bien peu de tēps apres la mort le Roy, demonstrent qu'il ne vouloit  
 autre chose plus singulierement que le zele & amour de l'Emperere, & recōdiation d'iceluy,  
 fait celebrer vn beau service dedans l'Eglise nostre Dame de Paris, qui fut merueilleusement  
 solennel, & funeraillies deschantées à tresgrands pompes & auquel service estoient plusieurs  
 Euesques & Abbez, Gentilshommes, & autres y assistans par le commandement du Roy,  
 qui bien demōstrois ne se delecter de la perte de l'Emperere, puis qu'il faisoit prier Dieu pour  
 l'ame de la defuncte Emperiere, la femme. Depuis ces tēps tousiours à penſe le Roy à la paix,  
 & n'a cessé sans intermission à la persuader avecques l'Emperere, son frere, & si ne fault dou-  
 ter si maintes Ambassades ont esté de l'un à l'autre dirigées & enuoyées, pour interposer &  
 admettre ladicte paix entre les nations, tous royaumes & pays : & ont esté beaucoup de cho-  
 ses pour l'entresien & manutention d'icelle secrettement traitées : qui est l'œuvre de Dieu,  
 selon Lactance, qui ainsi l'appelle, disant, *Pax Dei opus* : & a fait le Roy souuent faire de belles &  
 deuotes processions, pour de plus en plus la bonté de Dieu exciter à pourchacier tous les moy-  
 ens propices qu'il est possible de trouuer pour auoir cest œuvre diuin, qui est la paix, comme  
 j'ay dit. Je m'estois oublié de dire comment apres la mort de madame Magdaleine, fille du  
 Roy de France, fut menée en Escosse la fille de monseigneur de Guyse, pour estre espou-  
 sée audit Roy d'Escosse. Audit an mil cinq cens trente neuf, au mois d'Aoust, furent fai-  
 ctes par le Roy, en son conseil, certaines Ordonnances sur le fait de la Iustice, pour l'abbre-  
 uiation des proces, publiées en la court de Parlement le mois de Septembre ensuyuant.

En l'an mil cinq cens xxxix. le Roy feit publier vn Edict, par lequel estoit dict, q̄ tous Iuges  
 & Officiers royaux se tiendroyēt en leurs Iurisdicōs & Offices. En cedit an mesmemēt il  
 auoit fait aussi publier vn autre Edict sus la traite des bledz, vins, & autres marchādises, avec  
 la declaration des mesures. Le x iour de Mars dudit an, mesmemēt furent publiées aucu-  
 nes lettres patentes à son de trompe par les carrefours de la ville de Paris, touchant la reunion  
 des Iustices de la ville, faulxbourgs, & baliue d'icelle. Public fut vn autre Edict du Roy no-  
 stre sire, en l'an mesme, sur les declarations de tous fiefz, arierefiefz, & autres terres tenues en  
 main morte. Item plus fut publié en la court de Parlement le cinquieme iour de Feurier, en  
 l'an comme dessus, vn autre Edict dudit Roy sur le rachat des rentes constituées sur les  
 maisons des villes, citez, & faulxbourgs de ce royaume.

Vers la fin de l'an mil cinq cens trente neuf l'Emperere vint en France, que le Roy long  
 temps deuant attendoit. Il fut par maintes villes & citez, qui luy firent moult grand hon-  
 neur. Les principales, mesmemēt ou il feit ses entrées, par le vouloir du Roy furent à Poi-  
 tiers, Orleans, & Paris : & pour plus grand honneur luy faire, le Treschrestien Roy fut au  
 deuant de luy iusques à Chastellerault : qui est vn beau & plaisant lieu, tant en chaces qu'en  
 autres passetemps, & est à sept lieux, ou enuiron, de Poitiers. Le Roy le feit le plus amyable-  
 ment traicter qu'il luy fut possible, & croit chacun qu'il n'est chose qui donne ou peut don-  
 ner recreation à vn Prince que le bon Roy ne meditast & pourpensast, pour luy en donner  
 le plaisir : & eust fait d'auantage si la personne de l'Imperialle maiesté eust esté pour lors ac-  
 ceptable de pompes & magnificences : mais ledict Emperere, à raison que sa femme l'Empe-  
 riere estoit morte vn an deuant, ou enuiron, en portoit encores le deuil : parquoy le Roy se de-  
 sista de proceder plus auant en l'execution de plus grands honneurs. Quand ilz eurent esté  
 quelques certains iours à Chastellerault, ilz partirent pour venir à Paris, & marcha le Roy,  
 venāt en grand' lyesse, delibéré de le receuoir audit Paris en moult grād' solennité. Le Roy  
 adonques feit faire plusieurs grands apprestz à Paris (qui est chose digne de perpetuelle me-  
 moire) & n'estoit question d'y espargner or ny argent. L'empereur feit son entrée à Orleans,  
 tresbelle & solennelle, comme il auoit fait à Poitiers. L'eusse mis les estatx & diuises de la bon-  
 ne ville d'Orleans, & dudit Poitiers, mais on les a peu veoir es petis traittez qui en ont esté  
 faitz, & assez patemment escriptz : dont ie me tais pour le present, & viens à l'entrée de Pa-  
 ris, qui luy fut faicte le plus pompeusement qu'il fut possible de penser. Ledit Seigneur Im-  
 perial vint vn soir coucher au boys de Vincennes : & le lendemain, qui fut le premier iour de  
 Ianuier mil cinq cens trente & neuf, partit apres disner, enuiron vne heure ou deux, & entra  
 par la Bastille en grand' magnificence : & alla à nostre Dame de Paris, selon la coustume des  
 Roys, faizans leur entrée, affin de venir remercier Dieu, & luy redre les graces accoustumées.  
 Il passa par dessus le pōt nostre Dame, ou estoient deux arcz triūphaux, erigez à l'antiq̄, esquelz  
 estoient les armoyries dudit Seigneur, celles du Roy, de la Roynne & de mōseigneur le Daul-  
 phin

phin de France, qu'il faisoit beau veoir. Il laisse les estatz & grand ordre de ceulx qui furent au deuât de luy, comme les quatre Mendians en tresbellos processions, monseigneur le Recteur de l'Vniuersité de Paris, avec toute sa suyte, comme Docteurs, Licenciés, Bacheliers, & autres. Les Lieutenans Civils & Criminels, avec tout leur train, ne defailliront pas à celle noblesse, ne Procureurs & Aduocats du Chastelet, Sergens à pied & à cheual, le Guet & Hacquebutiers de la ville, au plus bel ordre qu'on les pouoit renger. Or entendez que Messieurs de la ville de Paris y firent tresbien leur deuoir, richement habillez & parez selon leurs estatz & Offices. Assez tard arriua l'Empereur à nostre Dame, estant accompagné de Messieurs les enfans, monseigneur le Daulphin au costé dextre, & à l'autre costé fenestre monseigneur d'Orléans: & marchoit en bel ordre monseigneur le Connestable, portant l'espée nue, selon sa dignité, comme si le Roy eust esté le present. Ledit Seigneur Imperial descendit à pied, & marcha iusques au grand & maistre Autel, pour rendre graces à Dieu, & fut à long traict chanté *Te Deum laudamus*, selon la tresbonne coustume: & apres les graces à Dieu rendues, il remonta sus sa mulle, & alla soupper & loger au Palais, ou il fut tresbien festoyé du Roy, & des plus grâds Seigneurs seruy. Le lendemain il s'en alla disner au Louure, ou il ne fut pas moins seruy & receu à grand'ioye. Il fut huyt iours, ou enuiron, à Paris: & pendant ce temps luy & le Roy ensemblement parlerent, ainsi que croire pouons fermement: & en grand conseil entretraierent maintes choses, dont on n'a la congnoissance: mais on estimoit & iugeoit que leurs principales parolles estoient de concorde & de paix finale.

L'orde qui  
fut tenue à  
l'entrée de  
l'Empereur.

*Briefue recolection des choses dignes de memoire, aduenues en France, depuis l'an mil cinq cens trente neuf, iusques en l'an mil cinq cens quarante & huyt.*

*Du partement de l'Empereur, du royaume de France, & de l'exécution qu'il feit contre les Gantoys: de la fortification de la ville d'Ardre: & du mariage du Roy d'Angleterre à la sœur du Duc de Gueldres, que depuis il repudia.*



Le Roy l'attendoit bien, & ainsi l'auoit promis l'Empereur au party des Espaignes, qu'il luy feroit raison de la Duché de Milan: ce neantmoins, luy estant à Paris, s'en excusa enuers le Roy, disant qu'il ne le pourroit faire, sans parler à l'Archeduc d'Autriche, son frere, ce nonobstant le Roy le conduysit iusques à saint Quentin en Vermandois: & de là Messieurs le Daulphin & Duc d'Orléans, le menerent iusques à Valenciennes, accompagnez de Monsieur le Connestable, & de plusieurs autres Seigneurs & Gentilzhommes de France. Quand l'Empereur fut arriué en ses pays, soubz couleur d'auoir pitié de ceulx de Gand, & leur faire entendre qu'il leur pardonneroit leur offence, trouua moyen de faire entrer en ladicte ville le Côte du Reux, accompagné de deux cens hommes d'armes, & six mil Lansquenetz, donnant à entendre aux habitans que c'estoit seulement pour donner ordre & seureté aux debatz qui pourroyent suruenir. Les pauvres habitans, qui estimoyent cela estre veritable, meirent ius leurs armes: lesquelles leur furent ostées: & l'Empereur entra en ladicte ville, avecques son frere l'Archeduc d'Autriche, la Royne de Hongrie, sa sœur, douairiere, le Duc de Sauoye, & force gend'armes. Au moys de Mars dudit an mil cinq cens trente neuf, auant Pasques, le Roy alla à Boulongne sur la mer, ou il esperoit que l'Empereur, qui lors estoit en Flandres, pour punir ceulx de ladicte ville de Gand, luy feroit scauoir le lieu & le temps qu'il voudroit entendre à traicter vne paix finale, comme il luy auoit promis au partir de son royaume. Incontinent apres le Roy se partit hastiuement dudit Boulongne, laquelle il auoit enuyé de fortifier, & clorre de murailles & bouleuers la basse Boulongne avec la ville haulte: mais il fut de ce destourné, & qu'il valloit mieulx réedifier de nouveau & fortifier la ville d'Ardre, pour faire teste aux Anglois & Bourgongnons. L'Empereur, estant au dessus des Gantoys, au lieu d'en auoir pitié, les traicta comme chacun scait. Il en feit mourir plusieurs, & entre autres vn Gentilhomme qui auoit deuisé la lettre que lesdictz Gantoys auoyent enuoyée au Roy, par laquelle ilz disoyent qu'ilz se vouloyent du tout rendre à luy, comme leur souuerain. Apres, ledit Empereur feit abatre l'Abbaye de saint Bauon: & au lieu d'icelle feit faire, aux despés des Gantoys, vn chasteau d'incroyable grandeur: car il a neuf cens pieds de long, & huyt cens de large: & non content de la vie d'aucuns, a prins & confisqué leurs biens, & finablement rompu & osté tous leurs priuileges & franchises. Au moys d'Auril ensuyuant, mil cinq cens quarante, apres Pasques, fut commencée la réedification & fortification de ladicte ville d'Ardre, en extreme diligence: laquelle ville, qui est distante de sept lieues de Boulongne, de quatre lieues de

Le Roy à  
Boulongne,  
sur la mer.

L'an mil v.  
cens xl.

Calays, & autant de la ville de sainct Omer, fut en l'an mil cinq cens vingt & vn du tout destruite, brulée, & ruynée, & les murailles d'icelle abatues & rasées iusques aux fondemens, par les Anglois & Bourgognōs: & y enuoya le Roy, pour Capitaine & Gouverneur d'icelle, messire Jehan de Senicourt, Cheualier, seigneur de Saisseual, homme de grand' cōduite, vertueux & bien experimenté aux armes.

*Le Duc de Gueldres, vers l'Empereur.*

En ce mesme temps, qui estoit au moys de Iuin dudit an mil cinq cens quarante, le Turc enuoya sommer ledit Archeduc, Roy de Hongrie, de luy payer tribut de son royaume, & qu'en deffault de ce il luy feroit guerre: & de ce aduertty l'Empereur despescha Corneille Sceper, son Ambassadeur, pour le destourner de ce faire, & luy promettoit que biē tost il entreprendroit tel voyage contre ledit Turc, que luy & tous les autres Princes, ses voyfins, seroyent remis en liberté. Aussi audit temps l'Empereur, estant en ladicte ville de Gand, alla vers luy soubz bonne seureté le Duc de Cleues, duquel l'Empereur estoit mal cōtent, par ce qu'il auoit prins le gouuernement du Duché de Gueldres, ou l'Empereur querelloit quelque chose: & se partit ledit Duc de Cleues mal content de l'Empereur, & se retira en France, se declairant amy & confederé du Roy: & soubz vmbre de ce trouua moyen de contracter mariage avec madame Jehāne, Princesse de Nauarre, fille vniue & seule heritiere de Henry d'Albret, Roy de Nauarre, & de madame Marguerite, sœur du Roy de France, son espouse. Le Roy de Danemarc, estant aduertty de ce que dict est, par ce aussi que l'Empereur ne le vouloit de riens asseurer, enuoya en France le Cheualier Bilde, & Pierre Suaue, principaux de son Conseil, qui contracterēt alliance, & d'auantage receut l'Ordre du Roy: & traicta aussi avec Gustade, Roy de Suede, qui feit le semblable, partie pour ses remonstrances, & partie pour la commodité de quelques commerces que le Roy luy auoit liberalement accordées, & l'esté ensuyuant receut son ordre. Audit an mil cinq cens xl. au moys de Decembre, Henry huytieme du nom, Roy d'Angleterre, espousa en quatrieme nopces Marie de Cleues, sœur dudit Duc de Cleues, & de Luilliers: laquelle, tost apres ledit mariage cōsommé, il repudia, ne luy permettant de soy retirer avec ledit Duc de Cleues, son frere: ce nonobstant luy feit bailler estat: & quelque peu de temps apres conuola en cinquieme nopces avec Catherine de Hauart, petite fille à la vieille Duchesse de Nortfort, excellente en beauté, dont elle passoit toutes les Dames d'Angleterre, comme aussi y ayant esté choisie entre toutes, & cousine à feu Anne Boullanc, espouse en seconde nopces dudit Roy d'Angleterre: laquelle des l'an mil cinq cens trente six il feit decapiter, comme ayant esté conuaincue d'auoir forfait son honneur: laquelle Dame Catherine de Hauart ledit Roy d'Angleterre au moys de Ianuier, mil cinq cens quarante & vn, feit aussi decapiter, pour pareille cause & offence qu'auoit esté decapitée ladicte Roynne Anne Boullanc, sa cousine.

*Des troys Roynes d'Angleterre, dont l'une fut repudiée & les deux autres decapitées.*

*Des Edictz & Ordonnances que le Roy feit sur le fait de la Gabelle du sel.*

*L'an mil cinq cens xli.*

**E**N l'an mil cinq cens quarante & vn, le premier iour de Iuin, le Roy feit vn Edict general, par lequel il reduisit tous les pays de son royaume à droit de la Gabelle, non tel que le precedent, mais par iceluy vouloit que toutes personnes peussent vendre sel, en payant certaine somme de deniers pour chacun muid pour droit de Gabelle, de quart & demy quart, quint & demy quint, selon qu'il est contenu esdictz Edictz & Ordonnances par luy faictes sur le fait de ladicte Gabelle: dont ceulx de Poitou, Xaintonge, la Rochelle, Isles de Marennes, Oleron, Bordeaux, & des isles y adiacens, ne se cōtenterent, disans, que le sel leur coustoit pres de deux fois autant qu'il auoit accoustumé. Auquel mescontentement furent iusques en l'an mil cinq cens quarante & deux, qu'ilz susciterent quelque emotion audit lieu de la Rochelle, à raison de la reformation d'iceluy droit de Gabelle: dont le Roy fut tresmal cōtent: & depuis leur pardonna toutes leurs offences, qui estoient si grandes qu'elles meritoient confiscation de corps & de biens.

*Cesar Fregouze, et le Seigneur de Rinco, Ambassadeurs du Roy, occis sur la riuere du Pau. L'Empereur denat Alger, ou il eut grand' perte.*

Audit an mil cinq cēs quarante & vn, le Roy feit despescher les Seigneurs Cesar Fregouze, Cheualier de son Ordre, & Anthoine Rincon, ses Ambassadeurs, pour aller à Venise, pour aucuns ses affaires: & eulx estans sur la riuere du Pau, en Italie, furent traditieuſemēt & inhumanement occis & meurtris, par les gens de l'Empereur: dont il ne feit grand' compte, & rescriuit au Roy qu'a son retour d'Afrique, ou il alloit pour le biē de la Chrestieté, il luy en feroit faire la raison, & aussi du Duché de Milan. En la faison d'hyuer dudit an mil cinq cens quarante & vn, ledit Empereur se mit sur mer, avec grand' armée, bien equipée, pour deffaire la puissance du Turc, tant par mer que par terre, & alla pour mettre le siege deuant Alger, qui est sur la riuere de la mer en Afrique: ou il ne feit riens: mais retourna avec grand' confusion: car il aduint si grand' tempeste par mer, & par terre, ventz impetueux, pluies, gresles, & orages si

ges si espouventables & merueilleux, que ses nauires estans sur mer se brisoÿt l'un contre l'autre: qui donna coeur à ceulx d'Alger de repoulser l'Empereur & ses gens, de sorte que ledict Empereur, avec grand danger de sa personne, se salua, & s'en retourna avec grand' perte de gens & de biens. Audict an mil cinq cens quarante & vn, le Roy feit publier & proclamer son ban & arriere ban par tout son royaume: toutesfois on ne scauoit à quelle fin ne pourquoy: car le Roy ne l'auoit déclaré, & ne vouloit dresser aucunes armées contre l'Empereur durant sondict voyage d'Alger, contre le Turc, ne le surprendre durant ledict tēps.

*Des armées que le Roy feit dresser pour la tuition & deffence du royaume en diuers lieux.*



V commencement del'an mil cinq cēs quarante deux, apres que ledict Empereur fut retourné de sondict voyage d'Alger, le Roy enuoya vers luy, pour le sommer de luy faire raison de la mort & oultrage fait à sesdictz Ambassadeurs Fregouze & Rincon, & remettre en ses mains la Duché de Milan, suyuant ses promesses: à quoy ne fait respōce, fors par parolles de dissimulation & excuses. A ceste cause le Roy, se voyant iniurié, dressa cinq grosses armées contre l'Empereur, pour les enuoyer, l'une en Piedmont, l'autre en Picardie, l'autre es bas pays del'Empereur, & les deux autres à Rossillon & Parpignan. Et combien que le Roy eust fait preparer lesdictes armées, ce neantmoins il ne les voulut faire marcher iusques à ce qu'il eust de rechef fait sommer l'Empereur de luy rendre Milan, & luy faire iustice de ceulx qui auoyent ainsi tué sesdictz Ambassadeurs: & pour ce qu'il n'y voulut entendre, le Roy feit publier guerre ouuerte entre luy & ledict Empereur, & ses subiectz patrimoniaux. Apres ledicte publication, le Roy feit monseigneur Charles, Duc d'Orleans, son filz, Chef & Lieutenant general de l'une desdictes armées, laquelle il mena au Duché de Luxembourg, acompagné du Duc de Guyse, du Comte de Sancerre, du Baron de Hedac, du Comte Picquelin, Remigrand, & autres Capitaines Allemans: lesquelz prindrent & raserent Danuiller, & la Ferte, Chauancy, Yuoy, Mommedy, Vireton, & Luxembourg, avec plusieurs chasteaulx estans es enuironz lesdictes villes. Ledit Comte de Picquelin demoura en ladicte ville de Luxembourg, pour le garder, acompagné de Mandeffel & Remigrand, Capitaines Allemans. ce qu'ilz feirent quelque temps: & depuis, apres auoir esté sommez des ennemys, l'habandonnerent: car deslors le camp de Luxembourg estoit rompu, & estoient partis les Allemans pour aller à Parpignan, & mondict Seigneur d'Orleans retiré vers le Roy au camp de Languedoc. D'une autre armée fut aussi chef & Lieutenant general du Roy Monseigneur Antoine de Bourbon, Duc de Vendosmois, lequel pour accomplir le bon vouloir du Roy, acompagné des Seigneurs du Bies, de Villebon, Hely, Crequy, & autres Siegneurs de Picardie, feit tirer & marcher son camp, assez pres de la ville d'Aire, en Artoys: laquelle il feit semblant d'assiéger, mais il feit marcher sondict camp deuant le chateau de Tournehan, ou il arriua le septième iour d'Aoust dudit an mil cinq cens quarante & deux, heure de nuyt: & le lendemain au plus matin fut ladicte place moult fort batue d'Artillerie, de telle sorte qu'environ les neuf heures du matin, ceulx de dedans rendirent ledict chateau par composition, leurs biens & bagues sauues. Audict chateau fut trouué grand nombre de grosse & menue Artillerie, munitions & vtencilles de guerre. Ce fait, fut ledict bourg & chateau de Tournehan brulé, & la plus grand' partie des murailles & tours d'iceluy chateau abbatues & rasées iusques aux fondemens: & autant en feit faire mondict Seigneur de Vendosme des chasteaulx de la Montiore, d'Esprelecque, & autres fortresses & eglises, estans le long de la liziere dudit pays d'Artoys, & n'y sceut mettre remede le Comte du Ruz, grand Maistre & Gouverneur dudit pays d'Artoys pour l'Empereur: lequel costoyoyt nostre armée, acompagné de quelque nombre de gens de cheual, & huyt ou neuf enseignes de gens de pied, qu'une partie de noz gens alla charger, de telle sorte qu'il y eut des Bourgongnons que tuez que noyez, de six à sept cens hommes, & le gaigna ledict du Ruz, à bien courir. Le Seigneur de Longueual, en ce mesme temps partit de France, lors que se faisoÿt toutes ces choses à Luxemboutg & en Picardie, & s'en alla au pays de Gueldres, ou luy fut baillé, & à Martin Vanrossen, Mareschal de Cleues, par ledict Duc de Cleues, quatorze mil hōmes Cleuoys & Gueldroys, dont y auoit dixhuyt cens cheuaulx, & allerent piller vne partie des pays de Hollande & de Brabāt, & tirans par eulx vers la ville d'Anuers deffirent la compagnie du Prince d'Orange, ou il estoit en personne: & le gaigna par bien courir iusques en ladicte ville d'Anuers. Audict temps mondict Seigneur de Guyse retourna en ladicte ville d'Yuoy, acompagné desdictz Gueldroys, & de mil auanturiers François, avec cinq cens hōmes d'ar-

mil cinq  
cens.xlii.

Monseigneur le  
Duc d'Or-  
leans, chef  
de l'armée  
de Luxem-  
bourg.

Le Duc de  
Vendosme  
chef de l'ar-  
mée de Pi-  
cardie.

La prise du  
chateau de  
Tournehan  
par le sei-  
gneur de  
Vendosme.

Le seigneur  
de Longue-  
ual descon-  
fi: la compa-  
gnie du pri-  
nce d'orange,  
pres Anuers



mes. Toute ceste compaignie sortit contre ledi<sup>t</sup> Prince d'Orenge, qui estoit venu pour prendre ladi<sup>te</sup> ville d'Yuo<sup>y</sup>: & combien qu'il fust acompaigné de grand nombre de gens de pied & de cheual, fut neantmoins contrain<sup>t</sup> se retirer à sa perte & confusion. En ceste me<sup>me</sup> saison enuoya le Roy vne autre armée en Piedmont, pour amuser ses ennemys qui estoient  
*Autre armée en Piedmont.*  
 audiet pays, à ce qu'il peust plus facilement accomplir ce qu'il auoit entrepris faire à Parpignan: & peu de temps apres, ladi<sup>te</sup> armée retournant de Piedmont, fut menée par m<sup>onsieur</sup> le Marechal d'Anebault, à Parpignan. Monseigneur le Daulphin, comme chef & Lieutenant general du Roy, conduysit & mena vne autre armée deuant Parpignan, ou il arriua le  
*Monsieur le Daulphin chef de l'armée de Parpignan.*  
 vingtsixieme iour d'Aoust audiet an mil cinq cens quarante deux: & y fut mondi<sup>t</sup> seigneur le Daulphin iusques vers la fin du moys d'Octobre mil cinq cens quarantedeux, qu'il fut contrain<sup>t</sup> leuer le siege de deuant ladi<sup>te</sup> ville de Parpignan, tant pour la diuersité du temps, que pour la carence des viures, dont on ne pouoit recouurer, principalement pour les cheualx.

Au moys de Decembre dudi<sup>t</sup> an mil cinq cens quarantedeux, le Roy d'Escoce qui auoit espousé en secondes nopces madame la Duchesse douairiere de Longueuille, fille de monseigneur le Duc de Guyse, & par auant auoit eu espousé en premieres nopces madame Magdaleigne, pour lors aînée fille du Roy, alla de vie à trespas, aagé seulement de trentetrois ans ou enuiron, delaisant vne seule fille, aagée seulement de deux ou trois moys: qui fut fort plain<sup>t</sup> & regretté de ses subiectz. Au moys de Feurier ensuyuant dudi<sup>t</sup> an mil cinq cens quarante deux, le Roy voyant les grâds apprestz de guerre que l'Empereur faisoit contre luy, ordonna, pour y obuyer, oultre sa gendarmerie ordinaire, estre leuez cinquante mil h<sup>ommes</sup> de pied, souldoyez & payez de certaine grosse somme de deniers, qu'il ordonna estre prinse sur toutes les villes closes & faulxbourgs d'icelles de son royaume, nonobst<sup>ant</sup> quelques priuileges, franchises & libertez par luy, ou ses predecesseurs Roys, donnez à icelles villes.

*Des Bourgongnons deffaictz en plusieurs lieux par les Francoys: & de la guerre faicte tant à Land'esy, & es enuiron, qu'au pays de Boulonnoys.*

*Mil cinq cens. xliiij.*



*La ville de Lillers, en Artois, rendue au Seigneur de Vendosme.*

*Les gens du Comte de Buren deffaictz par le Duc de Gueldres.*

*Ban & Arriereban.*

*La ville de Surene, en Boulonnoys, prinse & ruinée par les Bourgongnons.*

An mil cinq quarante & trois, au moys d'Auril apres Pasques, mondi<sup>t</sup> Seigneur de Vendosme, acōpaigné de monsieur le Duc de Neuers, Comte d'Aumalle, des Seigneurs de Crequy, du Bies, & de plusieurs autres Gentilzh<sup>ommes</sup> de Picardie, de quatre à cinq cens hommes d'armes, des Legionnaires de Picardie & Normandie, & quelque nombre de cheualx legiers, fait marcher son camp deuant la ville de Lillers (qui est située audiet pays d'Artois, entre la ville d'Ayre & de Bethune) laquelle il fait battre d'Artillerie, par telle diligence que la pluspart de la noblesse d'Artois, qui s'estoit retirée en ladi<sup>te</sup> ville pour la garder, furent contrain<sup>t</sup>z la rendre par composition. Ce faict, fut ladi<sup>te</sup> ville pillée & bruslée, comme furent les villages & eglises tenans fort, par ou nostre camp retourna. En ce me<sup>me</sup> temps le Roy enuoya le Seigneur de Mompelat, es pays de Poitou & de Guyenne, leuer dix mil h<sup>ommes</sup> de pied, pour la garde du pays de Lâguedoc, frontier à ceulx de Parpignan. Aussi au me<sup>me</sup> tēps le Duc de Cleues, aduert<sup>y</sup> que cinq cens h<sup>ommes</sup> d'armes, & cinq ou six mil hommes de pied, auoyēt soubz la conduyte du Prince d'Orenge & du Côte de Buren, prins le chemin de Strabourg, pour venir à Luxembourg, alla copper chemin ausdi<sup>t</sup>z gens de pied: le<sup>quelz</sup> furent encloz, & serrez de si pres, & ausli lesdi<sup>t</sup>z gens de cheual, qu'ilz furent deffaictz, & grand nombre d'entre eulx tuez & prins prisonniers avec leur bagage. Au commencement dudi<sup>t</sup> moys d'Auril dudi<sup>t</sup> an mil cinq cens quarante & trois, le Roy fait de rechef publier son Ban & Arriereban par tout son royaume, selon qu'il estoit mandé faire par ses lettres patentes, données à Fontainebleau, le penultime de Mars precedent, contenant Edi<sup>t</sup> & Ordonnance, declaration, & reformation dudi<sup>t</sup> Ban & Arriereban, selon que bien amplement est declairé par lesdi<sup>tes</sup> lettres d'Edi<sup>t</sup>. Recours à icelles, pour euit<sup>er</sup> prolixité. Audiet an mil cinq cens quarante & trois, le Mardy des feriers de Pētecoste, ledi<sup>t</sup> Comte du Ruz, Lieutenant audiet pays d'Artois pour l'Empereur, alla assieger le chasteau de la ville de Surene, en Boulonnoys, qu'il print d'assault ce me<sup>me</sup> iour, apres l'auoir fait battre d'Artillerie: & y furent detaillez & mis en pieces les gens de guerre & habitans de ladi<sup>te</sup> ville, qui s'estoyent retirez audiet chasteau, pour sauuer leurs vies, soubz l'esperāce d'estre secouruz par noz gēs de guerre, qui lors estoient espanduz audiet pays de Boulonnoys, mangeans le pauvre bon homme, estās du reliqua du camp de mondi<sup>t</sup> Seigneur de Vendosme: & pouoyent estre de deux à trois mil hommes, tāt de pied que de cheual. Ledi<sup>t</sup> Seigneur du Ruz, foy retirāt à saint Omer, fait piller & brusler lesdi<sup>t</sup>z ville & chasteau de Surene, avec tous les villages & eglises de Boulonnoys, par ou son di<sup>t</sup> camp vint & retourna. Le iour saint Barnabé, dixieme iour de Iuin dudi<sup>t</sup> an mil cinq cens

cinq cens quarante & trois, monsieur maistre François de Montholon, President de la court de Parlement, & Garde des seaux de France, Dauphiné & Bretagne; homme de vertu & de bonnes lettres; alla de vie à trespas à Villiers coste Raiz, & audiēt estat de Garde des seaux succeda monsieur maistre François Errault, President de Thurin. Au commencement dudiēt moys de Iuin dudiēt an mil cinq cens quarante & trois, mondiēt Seigneur de Vendosme, acōpaigné desdiētz Seigneurs de Crequy, du Biez, & autres Gentilzhommes, bruslerent la ville de Bapaulme, & plusieurs autres places & forteresses estās es enuiron de ladiēt ville de Bapaulme, & la ville d'Arras. Le iour de la feste de monseigneur saint Jehan Baptiste dudiēt an mil cinq cens quarante & trois, arriua à Boulogne sur la mer vn Heralut d'Angleterre, pour aller sommer au Roy de payer audiēt Roy d'Angleterre, son maistre, les arrerages de sa pension perpetuelle, ensemble luy rendre les Duchez de Guyenne & de Normâdie, avec la Comté de Boulogne, autrement qu'il se declairoit ennemy du Roy. Aussi audiēt moys de Iuin dudiēt an mil cinq cens quarante & trois, les legions & garnisons, ostées des lieux ou elles auoyent passé l'hyuer, furēt assemblées sur la frontiere de Haynault, ou le Roy alla en personne, & les feit asseoir au lieu de Marolles, qui est vne grosse Abbaye audiēt pays de Haynault, ou le Roy seiourna vne partie de l'esté, puis feit assaillir la ville de Landresy, que les ennemys quitterent, & s'en fuyrent de nuyt: & la feit le Roy fortifier, & y meit pour son Lieutenant & Chef le Capitaine la Lande. Ce fait, feit tirer le Roy ladiēt armée à Luxembourg, ou l'on disoit que l'Empereur venoit: par deuers lequel fut mené par belles parolles lediēt Duc Cleues, par le Duc de Brunswig: ou apres auoir demandé, par lediēt Duc de Cleues pardon à l'Empereur, bailla audiēt Empereur ladiēt Duché de Gueldres; avec la Comté de Zutphen, & les forteresses de Hensberg, & Sittart, pour en disposer à son plaisir: & fut lediēt Duc de Cleues, auquel le Roy auoit tant fait de biens & d'hōneurs, reduyt en l'estat d'vn hōme priué sans domination: dont la mere dudiēt Duc de Cleues eut tel ducil, que tost apres elle en mourut. Au cōmencement du moys de Iuillet dudiēt an mil cinq cens quarante & trois,

*Trespas du  
President Mo-  
tholo, garde  
des seaux.*

*Bapaulme  
bruslée par  
le seigneur  
de Vendosme*

*Le Roy de  
Angleterre  
enuoya som-  
mer le Roy  
de France  
qu'il eust à  
luy rendre  
Boulogne.*

*Le Roy feit  
fortifier Lan-  
dresy.*

*Grās dama-  
ges faiz  
par les An-  
glois au  
pays de Bou-  
lonnoys.*

Au moys d'Aoust ensuyuant ladiēt ville de Landresy fut assiegée par les Bourgongnons, avec lesquelz s'estoyēt venuz ioinde lesdiētz Anglois, dont cy dessus est parlé. Aussi y amena l'Empereur vne autre grand' armée, dont le Roy, de ce aduertty, feit retourner son armée qu'il auoit enuoyée à Luxembourg, comme diēt est, & la feit venir deuāt Landresy, pour donner ayde & secours aux assiegez: auquelz il feit porter viures, & rafraischir de gēs de guerre, pionniers, & autres gens necessaires, a la veue de l'Empereur & de ladiēt armée. Ce fait, le Roy considerant l'incertitude d'vne bataille apparēte, & que mieulx estoit vser de raison que de fortune, laquelle l'auoit autresfois deceu, delibera apres auoir fait ce qu'il auoit voulu audiēt Landresy, de mener son ost vers Guyse: & pour ce faire & amuser les ennemys, leur donna esperance de bataille, par grand bruyt & feux, & ce pendant retira son armée du pays de Cambresis. En quoy faisant le Roy vfa d'vne grand' ruse de guerre: car par cela il rōpit l'entreprinse de son ennemy: lequel, voyant qu'il n'y auoit plus d'esperance d'auoir bataille, encores moins de reprendre ladiēt ville de Landresy: neantmoins, affin qu'il ne semblast qu'il ne voullust cōbatre, feit suyuir les François, par ceulx de son cāp: lesquelz furent visuellement repoullez par monsieur le Dauphin. Finablement lediēt Empereur, soy voyāt frustré de son opinion, donna congé à ses bādes d'Allemands & Anglois, tant pour raison de ce q̄ diēt est, qu'au moyen de la peste, flux de vêtre, que necessité de viures qui estoyent en son camp, de sorte q̄ de dix mil Anglois, qui estoyēt venuz à son ayde n'en retourna poit. iiii. mil. Audiēt an mil. v. c. xliij. au cōmencemēt de l'yuer, le Roy aduertty qu'aucunes villes de Piedmont auoyēt esté reprises par les ennemys, affin qu'ilz ne les fortifiassent y enuoya vne armée à diligence, dont il feit Chef & Cōducteur monsieur François de Bourbon, Seigneur d'Enghien, & frere puîné de mondiēt Seigneur de Vendosme. Au cōmencement du moys de Nouēbre dudiēt an mil v. c. xliij. les Anglois des garnisons de Calais, Guisnes, & Hames, assiege rēt l'eglise d'Audinghen, en Boulonoys, ou s'estoyēt retirez de. c. à. vj. xx. hōmes dudiēt village, avec leurs fēmes & petitz enfans, qui se deffendirent vaillāment: mais eulx voyans frustrés de secours, demanderent cōposition, qui leur fut accordée, telle q̄ d'eulx en aller leurs vies sauues tant seulemēt: laquelle cōpositiō ne leur fut tenue, ains lesdiētz Anglois, vfans de leur naturel, qui est d'estre inhumains & cruelz, mōterēt en la tour de ladiēt eglise, ou ilz copperēt les gorges à tous les-

*Le Roy feit  
auitailler et  
munir la  
ville de Lan-  
dresy.*

*Le seigneur  
d'Enghien  
chef de l'ar-  
mée de Pied-  
mont.*

di&tz paisans, femmes & enfans, & les iettoient du hault de ladi&te tour en ladi&te eglise, qui fut vne grâd' cruaulté & inhumanité par eulx cômise: & ne cesser&nt lesdi&tz Anglois toute la saison de l'yuer dudi&t an. m. v. c. xliij. de brusler & ruyner ledi&t pays de Boulônoys, ou ne leur estoit faicte grand' resist&ce: par ce que dudi&t pays de Boulonnoys auoit esté leué, par l'ordonnance du Roy, pour aller au camp à Landresy, plus de deux mil cōpaignons de guerre, natifz dudi&t pays de Boulônoys, qui estoit la principale force d'iceluy pays: dont lesdi&tz Anglois estoient bien aduertis: car si ledi&t pays n'eust esté ainsi desgarny de gens de guerre, lesdi&tz Anglois n'eussent fait telz effortz, ne mis à execution leurs entreprin&es comme feirent. Pendant ce temps le Duc de Lorraine, & le Cardinal de Freneze, nepueu du pape Paule, allerent plusieurs fois deuers le Roy & l'Empereur, les exhortans à paix. Le Dimenche, dixieme iour de Feurier, audi&t an mil cinq cens quarante trois, le filz premier de mondi&t Seigneur le Daulphin Henry de Valloys, & de madame la Daulphine, qui auoit esté nay au moys de Ian uier precedent, au chasteau de Fontainebleau, fut baptizé en la chapelle dudi&t lieu, par monsieur le Cardinal de Bourbon, avec grand' ioye & triumphe. Le Roy, mōsieur Charles, Duc d'Orleans, & madame Marguerite, fille vnique du Roy, le tindrent sur les fons, & fut nommé François: auquel lieu de Fontainebleau les troisieme & vingtieme iours dudi&t moys de Ian uier precedent, le Roy feit de rechef autres Edi&tz & Ordonnâces sur le deuoir que luy doyuent les Nobles de son royaume, subie&tz au Ban & Arriereban, comme il est cōtenu esdi&tz Edi&tz & Ordonnâces. Au moys de Mars dudi&t an mil cinq cens quarante & trois, le Roy enuoya Cōmissaires par toutes ses villes de frontiere de Picardie, pour les visiter, & luy faire rapport au vray quelles munitions, tant de guerre qu'autres y auoit esdi&tes villes, mesmement en ladi&te ville de Boulongne.

Baptesme  
du premier  
filz de mon  
seigneur le  
Daulphin, à  
Fontaine-  
bleau.

*Du voyage de Carignan, dont estoit Chef le Seigneur d'Enghien: des prin&es de Luxembourg & Ligny: des sieges de Montereul & Boulongne par les Anglois: de la guerre de Champagne: & de la paix entre le Roy & l'Empereur.*

Mil cinq  
cens. xliiii.



V commencement du moys d'Auril de l'an mil cinq cens quarante quatre, mondi&t Seigneur le Comte d'Enghien estant aduertty au lieu de Carmagnolle, que les Espaignolz estoient en la campagne, au nombre de dixhuy&t mil hommes de pied, pour le moins, douze cens cheualx legiers, & seize pieces d'Artillerie, fait sortir de ce lieu tous ses gens de pied, estimez à quinze mil hommes pour le plus, & deux mil cinq cens cheualx, & vnze pieces d'Artillerie, & les fait marcher droit à Syrizolles, ou estoient noz ennemys: lesquels vindrent les testes baiss&es, & feirent abandonner aux François nostre Artillerie, & bruslerent toutes noz pouldres. Quoy voyans les Italiens & Grueri&es tournerent visage: mais mondi&t Seigneur d'Enghien & autres Capitaines François, avec les Suysses & gens de cheual, chargerent par telle furie sur les ennemys, qu'en moins d'une bonne heure noz gens meirent en pieces neuf mil Lansquenetz, & la reste de leur camp en route & fuyte: & fur&nt prins enuiron deux mil cinq cens prisonniers: dont les principaulx estoient domp Charles de Gonzaque, Chef de l'Auantgarde, & coronal de leurs gens de cheual, domp Remy de Mandone, coronal des Espaignolz, le Marquis de Gast blec&é, & non prins, & Cesar de Naples: & des François apparens morts, les Capitaines de Molle, d'Escrot, Passin, Moucault, la Mottedante, le Baron d'Oyn, le frere de l'Esleu d'Orne, le nepueu de monsieur de Chemâs, le Seigneur de Coruille, & le seigneur saint Obin, natif de Boulongne sur la mer, & enuiron quarante hommes d'armes, la plus part de la compaignie de monsieur d'Assier, le filz duquel fut blec&é à mort, & deceda tost apres. Le lendemain de Quasimodo dudi&t an mil cinq cens quarante & quatre, ledi&t Côte de Buren & du Ruz, avec grand nombre de Bourgongnons, Anglois, Allemans & Cleuoys, allerent brusler iusques aux portes de Boulongne, ce que restoit dudi&t pays, depuis ladi&te ville de Boulongne iusques aux terres desdi&tz Bourgongnons & Anglois: & ne furent empesch&ez de ce faire, parce que les Capitaine & Gouverneur dudi&t pays disoyent qu'il ne failloit riens hazarder. Le vingtdeuxieme iour de Iuin audi&t an mil cinq cens quarante quatre fut la ville de Carignan rendue par cōposition, & mise entre les mains de mondi&t Seigneur d'Enghien, qui l'auoit tenue par long temps assieg&e. En ce mesme temps l'Empereur avec son arm&e, estim&e au nombre de quatre vingtz à cent mil combatans, passant par Luxembourg, se r&dit ladi&te ville à luy. Puis alla assieger Ligny en Barroys, qui luy fut quic&e&e sans aucune resistance, cōbien qu'elle fust deffensable: & marchât plus auant vint assieger la ville de saint Disier, ou estoit le Comte de Sancerre, & le Capitaine la Lande, qui y fut tué: & finalement ledi&t Comte de Sancerre, par faulte de viures & de munitions, dont il auroit aduertty le Roy, la rendit

Le Seigneur  
d'Enghien  
d&ffait les  
ennemys à  
Carmagnol-  
le.

Les Bourgo-  
gnons brusle-  
r&nt le pays  
de Boulon-  
noys.

Carignan  
rendue par  
cōposition à  
monsieur  
d'Enghien.

s. Disier r&-  
due par cō-  
position.

la rendit par composition, telle qu'ilz s'en allerent la lance sur la cuyffe, leurs bagues sauues: & ne fut la ville pillée: deuant laquelle fut tué ledict Prince d'Orége, en faisant les approches.

L'Empereur delibera de laisser Chaalons en Châpaigne, & passer la riuere de Marne, pour aller droit à Paris, & pour sonder les passages; enuoya en habit dissimulé le Comte Guillaume de Fustéberg, qui auoit laissé le seruice du Roy, & prins celuy de l'Empereur; lequel fut cōgnu & amené prisonnier à Paris. Le Roy de ce aduert, affin d'affamer le camp dudit Empereur feist brusler la ville d'Esprenay, avec les viures estās tāt en ladicte ville qu'es lieux pchairs d'icelle, dont la pitié fut grāde, & l'exécution bien cruelle. Ce tēps pendant le Roy d'Angle terre faisoit en toute extreme diligence descendre à Calais toutes ses munitions; vtielles de

*Esprenay  
bruslé par  
les François*

guerre & autres choses necessaires & requises, pour mettre le siege deuāt la ville de Boulon- gne & Montreul sur la mer: tellement q le .iiij. de Iuin dudit an mil.v.c.xliij. Thomas, Duc de Norfort, acompagné de plusieurs Princes & Seigneurs d'Angleterre, de .xliij. à .xv. mil hō mes de pied. de .xij. à .xv. cens cheualx, avec grand nombre & equipage d'Artilerie, vint cā- per audict pays de Boulonoys, assez pres de l'Abbaye de Beaulieu, ou il fut fut iusques à la fin dudit mois de Iuin, que le Roy d'Angleterre, qui estoit descendu audict haure de Calais, le .xxij. iour dudit mois de Iuin le feist decamper & mener sadicte armée deuant ladicte ville de Montreul: laquelle il feist sommer de par luy, cōme Lieutenant general du Roy d'Angleterre, au Seigneur du Biez, aussi Lieutenant du Roy en ladicte ville, ou il f'estoit venu mettre, fort bien acompagné de gens de guere & pionniers, delaisant ladicte ville de Boulongne, en la charge du Seigneur de Veruins, son gendre: & fut ladicte sommation faicte le Mercredy .ix. iour de Iuillet audict an mil cinq cens .xliij. avec lequel Duc de Norfort se vint iondre ledict

*Le Duc de  
Norfort de  
scēdu à Ca  
lais.*

Comte de Buren, Lieutenant de l'Empereur, acompagné de .xliij. à .xv. mil hommes tant de pied que de cheual: & le Samedy .xix. iour dudit mois de Iuillet dudit an mil cinq cēs .xliij.

*Montreul  
assiégé par  
ledict Duc  
Norfort.*

ledict Roy d'Angleterre, acompagné de Charles Brandon, Duc de Suffort, des Côtes de Her- fort, d'Aronel, & d'autres Princes & Nobles d'Angleterre & d'Hibernye, & de .xx. à .xxij. mil cōbatās, tant de gēs de cheual q de pied, enuoya vn Herault d'armes sōmer à Iaqs de Cou- cy, Seigneur de Veruins, Barō de Chemery, Lieutenant pour le Roy en ladicte ville, qu'il eust à rendre au Roy de France & d'Angleterre, son maistre, ladicte ville de Boulongne: apres la- quelle sommatio ledict Seigneur de Veruins entroya mettre le feu partoute ladicte basse Bou- longne, affin q les ennemys n'y logeassent: mais il n'y eut le tiers des edifices & maisons brus- lez: aussi n'estoit ladicte cōbustion fort necessaire, cōme l'experience l'a demonsté. Pendant

*Boulongne  
assiégée par  
le roy d'An  
gleterre.*

ledictz sieges de Boulongne & Montreul, l'Auāgarde de l'Empereur print la ville de Cha- steau Thierry: laquelle fut pillée, & aucuns des habitās prins & rançonnez, & les autres occis: dont les habitās de Paris, estans de ce aduertis, & voyans les ennemys si pres de Paris, tombe- rent en si grand' crainte & tremor q plusieurs s'en fuyrent avec leurs meilleurs meūbles: les aucūs à Orlbās, Bloys, Tours, Angiers, & les autres à Chartres, Védosme, & autres villes nō estās en frontiere: mais le Roy pour les rassurer se retira à Paris, avec grand nōbre de sa Gen- darmerie, ou il feist si bonnes remōstrances au peuple, qu'il leur donna ferme volonté d'atten- dre la fortune avec luy, si l'Empereur venoit deuāt Paris: & incontinēt furent assemblez tous les mestiers de ladicte ville, qui se meirent en armes, & plusieurs autres, iusques au nombre de .xl. mil hōmes, ou plus, bien armez. L'Empereur se voyant presque renfermé des François, & son camp affamé, considérant les remontrances q l'on dit q le Roy de Hongrie, son frere,

*Chasteau-  
Thierry pris  
& pillé par  
l'Empereur.*

luy, auoit enuoyé faire, amolist son cœur, & Chrestienmēt eut vouloir de venir à paix: mais il ne la vouloit demāder, aussi ne faisoit le Roy, cōbien qu'il fust aussi visité de l'esprit de Dieu, loq de sa grād' & infinie bonté suscita vn simple religieux, de l'ordre des freres Prescheurs, lequel se trāsporta vers le Confesseur de l'Empereur: auquel il le presenta, & fut par luy ouy: & finablement tant alta & vint ledict religieux vers le Roy & l'Empereur, q ces deux puissāts Princes furent d'accord, & feirent paix, ou fut cōprins le Roy d'Angleterre: & pour entēdre de luy sil auroit en son regard ladicte paix pour agreable, fārēt enuoyez vers luy monsieur le

*La paix fai-  
cte entre le  
Roy et l'Em-  
pereur.*

Cardinal du Bellay, Archeuesque de Bordeaux, & Euesque de Paris, Messire Iehan d'Estour- mel, Cheualier, General de Picardie, & mōsieur de l'Aubespine, Secretaire des cōmandemēs du Roy: lesquels ledict Roy d'Angleterre feist sejourner. viij. iours au chasteau de Hardelot, qui est à deux lieues de ladicte ville de Boulongne, laquelle il feist ce pendant canonner & ba- tre d'Artilerie iour & nuyt, p telle furie, vehemence, & impetuosité (cōme il auoit fait faire

*Ambassa-  
deurs de l'Em-  
pereur vers le  
Roy d'An-  
gleterre.*

durant le tēps de sept semaines au parauant) q c'est chose incroyable à toute psonne qui n'a esté audict siege. Et finablement, apres auoir par les assiegez le Ieudy .xj. de Septēbre ensuyuant soustenu l'assault, q cedit iour ledictz Anglois leur donnerent en trois endroitz, & qui du- ra depuis .xij. heures du matin iusques à six heures du soir, ou furent tuez tant du party des as- siegez q des assiegez, de .iiij. à .v. c. hommes, ledict Seigneur de Veruins, & autres Capitai-

*Assault dō-  
né par les  
Anglois à  
ceux de  
Boulongne*

nes, estans en ladiſte ville, tindrent la nuyſt Conſeil, & conclurent que voyant ladiſte ville ainſi batue, le petit nombre de gens de guerre qui leur reſtoit, & qu'ilz auoyent peu ou neant de pouldres, & autres munitions de guerre, ſans auoir l'aduſ & conſentement des Maires, Eſcheuins, & Bourgeoys de ladiſte ville, obtindrēt legieremēt ſauſconduit dudiſt Roy d'Angleterre pour deux Gentilzhōmes, pour traicter de la reddition de ladiſte ville: laquelle combien qu'elle fuſt encores munye de viures pour quatre moys, le Dimenche enſuyuant, iour de l'Exaltation ſaincte Croix, quatorzieme dudiſt moys de Septembre, lediſt Seigneur de Veruins la deliura aux Anglois, enſemble leſdiſtz viures, munitions & Artillerie. Et ſortirent leſdiſtz habitans avec ſi peu de biens qu'ilz pouoyent apporter ſur leur col: par ce que, cōbien que lediſt Roy d'Angleterre euſt cediſt iour enuoyé auſdiſtz habitāz quatre vingtz chariorz de Flandres ou enuiron, pour emmener leurſdiſtz meubles: ce neantmoins ilz n'en peurent auoir aucuns, mais leur furent oſtez par leſdiſtz gens de guerre, qui les chargerent des meubles deſdiſtz habitans, dont ilz feirēt leur profit. qui fut grand' pitié & cruaulté: & fut ce deſolē peuple conduit par leſdiſtz Anglois iuſques en ladiſte ville de Rue, que peu parauāt ilz auoyēt brulſée, enſemble tous les villages circōuoiſins d'icelle, iuſq̄s aux faulxbourgs d'Abeuille: & les contrainrēt de paſſer à guē le haure d'Eſtapes, & la riuere & pas d'Authie: ou furent noyez beaucoup d'anciens hōmes, femmes & petitiz enfans. qui eſtoit choſe fort pitoyable à veoir. Le Mardy. xvj. iour dudiſt moys de Septembre enſuyuant, lediſt Roy d'Angleterre ſeit venir vers luy mondiſt Seigneur le Cardinal du Bellay, & autres Ambaſſadeurs de France, qui eſtoient audiſt chasteau de Harelot, & les mena avec luy en ladiſte ville de Boulongne: de laquelle toſt apres iceulx Ambaſſadeurs retournerent, ſans aucune choſe exploiter. Audiſt an mil cinq cens quarante & quatre, au temps d'eſté, alla de vie à trespas François monſieur de Bourbon, Comte de ſainct Paul, & Duc d'Eſtouteuille. Auſſi en ce meſme temps deceda lediſt maĩſtre François Errault, Seigneur de Chemens, Garde des ſeaulx de France, Dauphiné, & Bretagne, retournant de deuers l'Empereur, pour traicter de la paix: & toſt apres le Roy crea & institua Chancelier de Frāce monſieur maĩſtre François Oliuier, lors Chancelier d'Alençon. Le. xx. iour dudiſt moys de Septēbre dudiſt an mil cinq cens xliiij. la paix d'entre le Roy & l'Empereur fut publiée par les carrefours de ladiſte ville de Paris. En ladiſte année. v. c. xliiij. le Roy erigea de nouueau pluſieurs Offices royaux, tat pour l'abbreuiation des procès, q̄ pour auoir argent pour ſubuenir à ſes grands & vrgēs affaires: & ſi leua en ladiſte année mil. v. c. xliiii. oultre les tailles ordinaires & acouſtumées, ſurtoutes les villes cloſes de ſon royaume, la ſoulde de. l. mil hōmes de pied: & ſi furēt faiſtz quelques empruntz particuliers, cōme l'année au precedent. Le iour S. Michel. xxix. dudiſt moys de Septembre dudiſt an mil cinq cens. xliiij. leſdiſtz Duc de Norfort, & Comte de Buren, qui tenoyent ladiſte ville de Montereul aſſiegée, aduertiz de ladiſte paix, deſcampèrent de deuant ladiſte ville, prenās leur chemin en Boulonnoys, ou lediſt Comte de Buren print congé dudiſt Duc de Norfort, & remena ſes Allemans, Bourgongnons & Cleuois, es pays de l'Empereur. Le Roy eſtāt aduertī de la reddition & ineſtimable perte de ladiſte ville de Boulongne, ſeit en toute diligence marcher ſon armée qu'il auoit en la Chāpaigne, pour aller deuant ladiſte ville de Boulongne: à vne lieue pres de laquelle ville arriuerent meſſeigneurs les Dauphin, & Duc d'Orleāz, l'ynzieme iour d'Octobre dudiſt an mil cinq. cēs. xliiii. ou fut delibéré aller aſſaillir à l'aube du iour la baſſe Boulongne: & pour ce faire furēt enuoyēz ſix mil hommes de pied, ſoubz la conduyte de monſieur de Thays, coronal des gēs de pied François, du Comte de ſaincte Cigongne, Capitaine Italien, & du Seigneur de Fouqueſolles, Senſchal de Boulonnoys: leſquelz apres auoir mis en pieces le guet des Anglois, & entré dedans ladiſte baſſe Boulongne, leſdiſtz Italiens ſe mirent au pillage, & à tuer hommes, femmes, & petitiz enfans, & ne ſuyirent leurs Capitaines: meſmement lediſt Seigneur de Fouqueſolles, lequel y fut occis. Au moyen dequoy noz gens, estans ainſi mis en deſordre avec la pluie & mauuais temps, furent contrainctz eulx retirer avec noſtre diſte armée: laquelle toſt apres ſerōpit, par ce q̄ les viures ne ſuyuoient point, qui fut vne grand' faulte, & grand' malheur pour France. Au moys d'Octobre dudiſt an mil. v. cēs. xliiii. le Roy enuoya de reſchef mondiſt Seigneur le Cardinal du Bellay, & maĩſtre Pierre Raymond, p̄mier Preſident de Rouen, en la ville de Grauelinghues, ou ſe trouuerent les deputez dudiſt Roy d'Angleterre: qui bien toſt les depeſcherent, diſans que ſilz venoyent pour parler de recouurer Boulogne, qu'ilz ſen retournāſſent: mais ſilz vouloyent traicter de paix, ſans parler dudiſt Boulogne, qu'ilz fuſſent, les tresbien venuz. En ladiſte année mil cinq cens. xliiii. furent en pluſieurs lieux & villes, de ce royaume eſtabliz & aſſis lieux, appelez Magazins, au lieu de greniers à ſel, pour y mettre le ſel & le vendre, par la forme & maniere qu'il eſt contenu es Ordonnances royaux ſur ce faiſtes au moys de Iuillet dudiſt an mil cinq cens quarante & quatre, ou furent mis Officiers

Boulon<sup>ne</sup>  
rendue aux  
Anglois par  
le ſeigneur  
de Veruins.

Ambaſſa-  
deurs de  
Frāce, avec  
le roy d'An-  
gleterre, à  
Boulōgne.

La paix pu-  
bliée entre  
le Roy &  
l'Empereur

Le ſiege le-  
ué de deuant  
Montereul

L'armée de  
France en  
Boulōnoys,  
pour reprē-  
dre Boulon-  
gne.

La mort du  
ſeigneur de  
Fouqueſol-  
les.

Eſtabliſſe-  
ment de Ma-  
gazins, pour  
la Gabelle.



ciers, tant pour la distribution dudit sel, que pour conseruer le droit royal de la Gabelle.

Au moins de Nouëbre dudit an mil cinq cēs quarante & quatre, la Roïne de Frâce, soeur de l'Empereur, acompaignée de madame la Duchesse d'Estampes, & de plusieurs autres Dames de France, allerent vers l'Empereur, estant en sa ville de Bruxelles, en Flandres: ausquelles Dames il feit tresbon recueil: puis retournerēt lesdictes Dames en France, sans grand conclusion prendre avec ledit Empereur. Durant ce tēps le pauvre peuple dudit pays de Boulonnoys, qui ainsi affligé que dict est, festoit retiré es villes d'Abeuille, Montereul, saint Valery, Amyès, & autres villes de Picardie, fut tāt persecuté de la peste, famine, & pauvreté, que l'on estime le nōbre des mors (en moins de six mois) monter à plus de cinquāte mil psonnes.

*Du preparatif de guerre fait pour recouurer Boulōgne: & du trespas du Duc d'Orleās, de la deffaicte des Anglois en diuers lieux, & de la mort du Seigneur d'Enghien.*

**A**V mois d'Auril de l'an mil.v.c.xlv. apres Pasques, mondict Seigneur le Duc d'Orleās alla vers l'Empereur, qui estoit lors en sa ville d'Anuers, en Brabāt, ou luy fut fait tresbon recueil p ledit Seigneur Empereur, duquel il print congé, & tost apres vint trouuer le Roy au pays du Perche. Cētēps pēdant le Roy cōgnoissant q ledit Roy d'Angleterre demouroit obstiné, & ne vouloit rēdre ladiēte ville de Boulongne, n'y entēdre à la paix, fors en luy laissant ladiēte ville, ou luy & ses predecesseurs Roys n'eurēt iamais aucū droit, auroit le Roy au cōmencement de ladiēte année.v.c.xlv. pour le recouurement de ladiēte ville, fait dresser vne armée p terre, pour l'entretenir audict pays de Boulonnoys, tāt pour l'aitaillement des villes d'Ardre & Thērouēne, q pour faire teste ausdictz Anglois, & empescher qu'ilz ne fussent secouruz de viures, & autres munitiōs à eulx necessaires en ladiēte ville de Boulōgne. & outre fait pparer, auitailler & equiper grād nōbre de gros nauires, gallions, galleres, & autres vaisseaux, dont fut dressée vne armée de mer assez puissante, non seulement de garder les ennemys de courir sur la mer, mais aussi pour faire descēte es pays d'Angleterre & le ruiner, avec l'ayde des Escossois: ausquelz le Roy auroit enuoyé argēt, & quelque petit nōbre de gēs de guerre, soubz la cōduicte de monsieur de Lorges. De ladiēte armée de mer estoit chef & cōducteur mōdict Seigneur l'Admiral d'Annebault: lequel feit faire route vers la fin du mois de Iuillet dudit an mil.v.c.xlv. vers le port sainte Heleine, & l'isle d'Vich, en Angleterre, ou le Cheualier d'Eaux descēdit, & quelq petit nōbre de gēs, qui bruslerēt quelqs maisons: & y fut ledit Cheualier d'Eaux occis: & se repira ladiēte armée de mer au Portel, lez Boulōgne, & se vint ioindre avec ledit Seigneur du Biez, aussi chef & cōducteur de ladiēte armée p terre, leql Seigneur du Biez feit cōmencer vn fort en toute diligēce à Oultreane, distāt de ladiēte ville d'vne lieue ou enuiron: & ne fut icelle ville de Boulongne assiegée ne canōnée q dudit fort: & si auoyēt les Anglois dudit Boulōgne grād necessitē de viures: & y estoit la peste si grād qu'il mouroit bien p chacun iour de.xxx.à.xl. Anglois: & furēt contrains de faire cāper partie de leurs gēs hors de ladiēte ville, pour chāger d'aer. Le.viii. iour de Septēbre audict an mil.v.c.xlv. le Roy, estāt à l'Abbaye de Forestmōstier, pres ladiēte ville de Rue, Mōseigneur Charles, Duc d'Orleās, secōd filz du Roy, alla de vie à trespas d'vne pleuresie, ou fiēure pestilēcieuse, & son corps embaulmé, fut mené en l'Abbaye de S. Lucien, lez la ville de Beauuais. Si le Roy & les Frācoys furēt marris de ladiēte mort, aussi fut l'Empereur: leql auoit pmis par le traité de Chaalons, luy faire espouser sa fille ou sa niepce, fille du Roy dōp Ferrād de Hongrie, frere dudit Empereur. Audict an mil.v.c.xlv. le.xxij. dudit mois de Septēbre, ledit Seigneur du Biez par le cōmandement du Roy, acompaigné de messieurs les Cōtes d'Enghie, d'Aumalle, Ducz de Montpēsier, de Neuers, du Seigneur de Lual, & de plusieurs autres grās Seigneurs & chefs de guerre, mena la plus grād partie de nostredicte armée en la terre d'Oye, qu'occupēt les Anglois deça la mer, & ou ilz anoyēt fait plusieurs bolleuers, blocuz, grāds fossez & trāchiz, & mis gēs de guerre pour les deffēdre: lesqlz voyās nostre force, desemparērēt incontīnēt, & se retirērēt avec quatre ou ciq mil Anglois, qui festoyēt retirez à Calais, pour la garde d'icelle ville, dōutans q noz gens n'y allassent mettre le siege: & auant que forcer ledit pays d'Oye furēt tuez de six à sept cens Anglois, sans les paisans, qui furent trouuez cachez aux maisons, lesqlles furēt mises en cēdre, avec les bledz & autres grās qu'ilz auoyēt recueilliz ladiēte année audict pays d'Oye, qui leur porta fort grand dōmage: & si nostredicte armée eust marché iusques en la terre de Mercg, qui est vn peu plus auāt, ce qui estoit facile de faire, lesdictz Anglois eussent esté affamez. Audict mois de Septembre mil.v.c.xlv. Loys Mōseigneur de Neuers, Cheualier de l'Ordre, & Capitaine des Gētilzhōmes de la maison du Roy, alla de vie à trespas en la ville d'Amyès. Audict an mil.v.c.xlv. vers la fin du mois d'Octobre, le Roy enuoya messire Frācoys Oliuier, Cheualier, Chācelier de France, & mon-

Mil cinq  
cens.xlv.

Monsieur le  
Duc d'Or-  
leās vers  
l'Empereur

Preparatif  
pour faire  
guerre aux  
Anglois, tāt  
par terre  
que par  
mer.

Le fort cō-  
mencē de-  
nant Bou-  
longne.

La mort de  
monsieur le  
Duc d'or-  
leās.

*Ambassadeurs de France & d'Angleterre, entre Ardre & Calais.*

sieur l'Admiral d'Anebault, p deuers ledi& Empereur, lor se stât en sa ville de Bruges en Flâdres, de laquelle ilz reuindrent tost apres. Aussi au moys de Nouembre dudi& an mil.v.c. xlv. le Roy enuoya monsieur Geoffroy de Lögueioue, Euesque de Soissons, & maistre Pierre Raymond, p̄mier President de Rouen, iusques en ladi&te ville d'Ardre, pour traicter paix avec les Anglois: entre lesquelles villes d'Ardre & Calais se trouuerēt & parlamēterent soubz tentes & pauillons, p plusieurs iournées, avec les Ambassadeurs deputez de la part dudi& Roy d'Angleterre: & y furent iusques au.viij. de Ianuier dudi& an ensuyuant, qu'ilz se departirent sans pouoir aucune chose conclure avec lesdi&tz Anglois. Le.v. dudi& moys de Ianuier dudi& an cinq.c.xlv. ledi& Seigneur du Biez, acōpaigné des Comtes de Raincro & du Raingrau, Capitaines Allemans, de quelque petit nombre de gens de cheual, & de trois à quatre mil hōmes de pied, se meit à chemin pour aller auitailler ledi& fort d'Oultreane, de vins, chairs, farines & plusieurs autres victuailles, desquelles ceulx dudi& fort auoyent grand' necessité, dont les Anglois estoyēt bien aduertis: & pour ce empescher s'estoyēt mis en embusche, assez pres du mōt S. Estienne, qui n'est qu'a demye lieue distante dudi& fort, ou apres auoir p̄ ceulx laissē passer vne grād' partie desdi&tes munitiōs & viures, vindrēt furieusement charger sur les cōducteurs desdi&tz viures, dont ilz tuerent aucuns, & les autres meirent en fuyte. Ce nonobstant ledi& Seigneur du Biez ne laissa de marcher vers ledi& fort, & de charger sur les ennemys le premier, acōpaigné seulement de trente, ou. xxxv. cheualx: & ce voyans noz Lansquenetz chargetēt en flans lesdi&tz Anglois & les rompirent, de sorte q̄ de deux à trois mil Anglois y furēt q̄ tuez q̄ noyez en la riuere du pont de Bricque, qui est au dessoubz dudi& mōt S. Estienne. Et n'eust esté la nuy& qui les separa, il est bien apparēt que de cinq à six mil Anglois qu'ilz estoyēt ne fust eschapē vn seul hōme. Au moys de Feurier dudi& an mil.v.c. xlv. le Roy enuoya le Seigneur de Thays en ladi&te ville d'Estaples, en Boulōnoys (laquelle l'année p̄cedente auoit esté bruslée, & du tout ruynée p̄ lesdi&tz Anglois) pour icelle fortifier, & aussi racoustrer & aparfondir le haure d'icelle ville, de sorte qu'une partie de ses galleres y peussent estre logées en toute saison, & en feit Capitaine & gouuerneur ledi& Seigneur de Thays. Aussi en ce mesme temps ordonna le Roy estre fait vn autre fort sur vne haulte mōtaigne, appelée le mont Hulin, à vn quart de lieue pres ladi&te ville de Surene, du costé des Bourgōgnons: de laquelle mōtaigne ou mont Hulin, l'on descouure la plus grād' partie dudi& pays de Boulōnoys: & ce p̄dant les Anglois feirēt cōmencer vn fort à Ambleteue, qui est vn petit port de mer, situé à trois lieues pres de ladi&te ville de Boulōgne, & autant de ladi&te ville de Calais. Au cōmencement du moys de Feurier dudi& an mil.v.c. xlv. mondi& Seigneur d'Enghien, p vn cas fortuit & malheureux, estât à la Roche Guyon, ou le Roy estoit pour lors, se iouant avec les ieunes Princes & Seigneurs de la Court, fut tellemēt blessē d'un coffre à bahu, qui luy fut iettē sur la teste, d'une chabre haulte du chasteau dudi& lieu de la Roche, q̄ huy& iours apres il alla de vie à trespas, audi& lieu de la Roche Guyon, qui fut vn grand dommage pour France. A la fin du moys de Mars mil.v.c. xlv. auât Pasques, madame la Daulphine acoucha au chasteau de Fontainebleau de madame Ysabel de France, fille premiere de mōseigneur Henry de Vallois, Daulphin de France: dont le baptisme fut differē iusques au Dimenche quatrieme iour de Iuillet ensuyuant, mil cinq cens. xlvj. q̄ ledi& Roy d'Angleterre enuoya en France le Capitaine de Douures, grand Tresorier d'Angleterre, qui la tint sur fons, en la chapelle dudi& chasteau de Fontainebleau, avec la Roine de France, & madame Jehanne, Princesse de Nauarre, (ses marraines: & tost apres ledi& baptisme) qui fut fait par monseigneur le Cardinal de Bourbō) ledi& Tresorier d'Angleterre tōba malade d'une maladie, de laquelle il alla de vie à trespas en la ville de Paris, au moys d'Aoust ensuyuant, & est inhumē en l'eglise S. Paul.

*Fortification de la ville & haure d'Estaples en Boulōnoys.*

*La mort du Seigneur d'Enghien.*

*De la paix faicte & publiée entre les Roys de France & d'Angleterre: & de la mort dudi& Roy d'Angleterre.*

*Mil cinq cens quarante & six.*

*La paix publiée à Paris entre le Roy & les Anglois.*

**E**N l'an mil.v.c. xlvj. à la fin du moys d'Anril, apres Pasques, le Roy enuoya de rechef mesdi&tz Seigneurs l'Admiral d'Anebault, le President Raymond, & maistre Guillaume Bochetel, l'un des Secretaires de ses commandemēs, en ladi&te ville d'Ardre, pour traicter de la paix avec ledi& Roy d'Angleterre, ou se trouuerēt entre icelle ville d'Ardre & Calais, de la part d'iceluy Roy d'Angleterre, Jehan, Vicomte de l'Isle, Baron de Maupas, & de Bomery, grand Admiral d'Angleterre, maistre Guillaume Page&, Cheualier, & Secretaire d'iceluy Roy d'Angleterre, & maistre Nicolas Vvoton, Docteurs droitz, & Doyen des eglises Metropolitaines de Cantorbery, & de Hebrac, ou ilz furent iusques au septieme iour de Iuin ensuyuant, qu'ilz feirent, conclurent, & accorderent vne paix, laquelle le Roy feit publier par les carrefours de la ville de Paris, le iour de la Pentecoste, trezieme

trezieme iour dudit mois de Iuin audict an mil cinq cens. xlvj. auquel temps fut si grand cherté de bledz, que le sextier, mesure de Paris, fut vendu douze liures tournois: & ne se trou-  
ue es Hystoires & Croniques de France auoir esté vendu au parauant plus de neuf liures tour-  
nois, dont le pauvre peuple eut grandement à souffrir. Apres la publication de ladicte paix  
se seroit l'armée des François retirée dudit pays de Boulonnoys en France: & prendrent noz  
Allemands le chemin de Brabant & Allemagne, ou la pluspart d'entre eulx se meirent au ser-  
uice de l'Empereur: lequel auoit dressé grand' armée, pour corriger les Protestas & Seigneurs  
d'Allemagne. Le. vij. iour d'Aoust dudit an mil cinq cens. xlvj. le tonnerre & fouldre du  
ciel tomba en la ville de Malynes, en Brabant, au logis du Prince, ou furent bruslez de cinq à  
six cens caques de pouldre à canon, que ceulx de ladicte ville auoyent préparé pour enuoyer  
audit Empereur, estant en Allemagne, comme dict est: & furent bruslées de sept à huyt ces  
maisons, & de seize à dixhuyt cens corps, tant hommes, femmes qu'enfans, ars & consum-  
mez, qui fut vne grand' pitié. Audié mois d'Aoust, cinq cens quarante & six, alla de vie à  
trespas madame Marie de Luxembourg, Duchesse douairiere de Védosmoys, grand' mere de  
monseigneur de Vendosme, aagée de soixante & seize ans, où enuiron, laquelle à fondé en  
son viuant Abbayes, Monasteres, & Hospitaux, & fait beaucoup de biens & aumosnes aux  
pauvres. Aussi audié mois d'Aoust audict an, ledict Seigneur d'Anebault, Admiral de Frâ-  
ce, acompagné du Seigneur de Canaples, Capitaine des Gêtilzhommes de la maison du Roy,  
& de plusieurs autres grands Seigneurs & Gentilzhommes de France, alla en Angleterre, ou  
il ratifia pour & au nom du Roy ledict traité de paix, par luy fait audit mois de Iuin prece-  
dent avec lesdictz Angloys: & ce pendant ledict Roy d'Angleterre enuoya aussi en Frâce le-  
dict Vicôte de l'Isle, grand Admiral d'Angleterre: lequel pour & au nom d'iceluy Roy d'An-  
gletre, son maistre, ratifia aussi ledict traité de paix. Au mois de Seprêbre dudit an mil  
cinq cens. xlvj. le Roy voulut faire faire vn fort audit mont S. Estiène, & vn autre au Portel,  
distas l'vn de l'autre & de nostredict fort d'Oultreane de demye lieue ou enuiron: mais il en fut  
empesché par les Anglois de Boulongne, lesquelz à vn poinct du iour vindrēt chacer les piô-  
niers & castadoux que le Roy y auoit enuoyez: dont aucuns furent tuez, & quelques autres  
fort blesez, disant p lesdictz Angloys que par ledict traité de paix estoit dict q lesdictz Prin-  
ces ne pourroyent faire nouuelles fortifications, trop bien pourroyent paracheuer celles par  
eulx encômençées au parauant ledict traité. Audié mois de Septembre ensuyuât mon-  
sieur François de Bourbon, Duc d'Estouteuille, & Comte de saint Paul, aagé de treize ans,  
alla de vie à trespas. A la fin du mois de Novembre dudit an mil cinq cens. xlvj. le Roy  
delegua de Seigneur de Hely, frere de madame d'Estampes, le Baron de la Garde, autrement  
appelé le Capitaine Poullain, & ledict Seigneur d'Estournel, General de Picardie: lesquelz se  
trouuerent au pays de Boulonnoys, avec les deputez dudit Roy d'Angleterre, pour bour-  
ner le pays de Boulonnoys, à eulx delaisié pour quelque temps, depuis la riuere de Lyaune:  
mais ilz ne se peurent accorder, & alla ledict Seigneur de la Garde, pour ce que dict est, vers  
ledict Roy d'Angleterre, par le commandement du Roy. Audié mois de Novembre au-  
dict an, ledict Roy d'Angleterre feit mettre prisonnier en la tour de Londres ledict Duc de  
Norfort, & Milort Sorel, son filz aîné, chargez d'auoir conspiré alencôtre dudit Roy d'An-  
gletre, & de son filz vnique Edouard, Prince de Galles. Au mois de Iannier ensuyuant  
ledict Roy d'Angleterre alla de vie à trespas l'an quarantieme de son regne, delaisiant ledict  
Edouard, Prince de Galles, aagé de neuf ans, ou enuiron, filz vnique de luy & de sa troisieme  
femme, & Marie d'Angleterre aussi sa fille vnique, de Katherine d'Espaigne, sa premiere fem-  
me, tante maternelle de l'Empereur, aagée de trente & quatre ans ou enuiron, delaisiant aus-  
si pour douairiere d'Angleterre Marie de Cleues, sa quatrieme espouse, & vne autre Dame  
dudit pays d'Angleterre, qui estoit sa cinquieme femme & espouse: & eut le Roy certaines  
nouuelles de ladicte mort par son Ambassadeur, le septieme de Feurier ensuyuant audit an  
mil cinq cens quarante & six, le Roy estant à saint Germain en Laye. Le trezieme iour  
de Mars audict an mil. v. c. quarante & six, allerent de vie à trespas deux tresdoctes & scauâs  
hommes, es langues Hebraique, Grecque & Latine: à scauoir maistre François Vatable, na-  
tif du pays de Picardie, lecteur du Roy à Paris en ladicte langue Hebraique, & Iaques Tusan  
aussy lecteur du Roy en ladicte ville en lague Grecque: lesquelz auoyent tous deux en vn me-  
me iour entrepris ceste charge, & en mesme iour decederent, fort plainctz & regrettez de tou-  
tes gens de lettres. Au lieu dudit Vatable fut subrogé pour lire en icelle langue Hebraique  
maistre Bertin le Comte, natif de la ville d'Estaples, sus la mer, en la Comté de Boulonnoys,  
hômme tresexpert en ladicte langue: & en la place de Tusan fut mis par l'election des plus sca-  
uans de ce royaume, maistre Adrian Tournebus, natif d'Andely en Normandie: si que lon  
peult dire que telz successeurs ne degenerent en rien de leurs predecesseurs.

Grād cher-  
té de bled  
en France.

La fouldre  
du ciel tom-  
bée en la  
ville de Ma-  
lynès.

La ratifica-  
tion de la  
paix.

La mort de  
Héry. viii.  
Roy d'An-  
gletre

Hômme do-  
ctes es lan-  
gues He-  
braique,  
Grecque, et  
Latine.

C'est l'Addition oultre les precedentes Impressions.

*Du trespas du Roy Francois, premier du nom, de ses obseques & funerailles : ensemble de feu monseigneur le Daulphin, & du Duc d'Orleans, ses enfans.*

Mil cinq cés  
quarante &  
six.



Le iudy xxxj. & dernier iour dudit mois de Mars audict an mil cinq cens quarante & six, auant Pasques, le Roy estât au chasteau de Rambouillet, aggraué de longue maladie, laquelle se termina en flux de ventre, appelée dissenterie. Apres auoir instruit des affaire du Royaume, son filz vnique Henry, Daulphin de Viennoys, recommandé ses fideles Seruiteurs & Officiers, demandé & receu tous ses derniers Sacremēs de sainte Eglise, entre vne & deux heures apres midy audict iour, rendit son esprit à Dieu : Et le lendemain son corps embaulmé fut mis en boys & plōb, puis porté en l'Abbaye de Haultebruyere, pres ledict Rambouillet, ou il fut iusques au Lundy de Pasques, xj. iour d'Auril ensuyuant, mil. v. c. xlvij. qu'il fut porté au pont S. Cloud, en la maison de l'Euesque de Paris, ou il fut gardé iusques au Samedi xxj. de May audict an, qu'il fut porté dudit lieu de S. Cloud, en l'eglise nostre Dame des Champs, es faulxbourgs de Paris, ou le Roy Héry. ij. du nō, à present regnât, meu de charité fraternele, feit aussi apporter les corps de feu mōseigneur, son frere aisné, François, Daulphin de Viennoys, Duc de Bretagne par la succession de la feue Roynne Claude, sa mere, decedé à Tournon sur le Rosne, des le dixieme iour d'Aoust, mil cinq cens xxxvj. & de feu monseigneur Charles, son frere puisné, en son viuant Duc d'Orleans : lequel trespasla en l'Abbaye de Forestmonstier, pres Abeuille, le ix. iour de Septembre, mil cinq cens quarante & cinq : duquel lieu il auoit esté incontinent transporté & cōduict en l'Abbaye de S. Lucian, lez Beauuais, ou il estoit aussi tousiours demeuré, & iusques au Dimenche ensuyuant, xxij. iour dudit mois de May, audict an mil cinq cens xlvij. qu'ilz furent aussi apportez en icelle eglise de nostre Dame des Champs : d'ou ilz furent leuez ce mesme iour, enuiron l'heure de midy : & portez avec le corps du feu Roy leur pere, en l'eglise nostre Dame de Paris : ou furent faictes leurs obseques par monseigneur le Cardinal du Bellay, Euesque de Paris, selon qu'il est accoustumé en tel cas : mais en la plus grande magnificence & pompe funebre dont iamais on ouit parler. Et le lendemain Lundy, xxij. iour dudit mois de May, aussi enuiron l'heure de midy, les processions, & tous autres estas, tant de la ville de Paris, q̄ de la Court, & suytte du Roy, Princes, Cardinaux, Archeuesques, Euesques, & tous autres notables personnaiges partirent de ladicte eglise nostre Dame de Paris, porterent & cōduyrent les corps des trois Princes dessus nommez, iusques en l'eglise & Abbaye de S. Denis en France : ou le lendemain Mardy xxiiij. iour d'icelluy mois de May, apres leurs obseques & seruices, furent mis & inhumez en la fosse & voulte preparée pour lesdictz trois corps : & ce par monseigneur le reuerendissime Cardinal de Bourbon, Abbé de ladicte Abbaye S. Denis. Dieu vueille auoir pitié & mercy de leurs ames.

Mil cinq  
cens quarante  
& sept.

*Du Roy Henry deuxieme du nom.*



Adict faict  
par le Roy  
Héry, deux-  
ieme, contre  
les blasphé-  
mateurs du  
nō de Dieu.

PAR le trespas d'icelluy Roy François (auquel, par son cry faict en la grand' salle du Palays, & aux carrefours de ladicte ville de Paris, fut baillé tiltre de Prince, clement en Iustice, pere & restaurateur des bons Ars & sciences) succeda à la courōne de France sondict filz vnique, Henry deuxieme du nom, à present regnant. De l'ordonnāce verballe duquel, & incontinent apres le deces de sondict pere, sçauoir est le Mardy v. iour d'icelluy mois d'Auril, audict an mil cinq cens xlvj. auant Pasques, fut faict Edict, & publié ce mesme iour, par les carrefours de S. Germain en Laye, ou il estoit lors, contenant inhibitions & defenses à toutes personnes de quelque estat, qualité, ou condition qu'ilz fussent, de ne renyer, maulgreer, despiter, blasphemer, & faire autres villains & detestables sermens, contre l'honneur de Dieu, & de sa tres sacrée mere, & de tous les Saintz & Saintes de paradis, sur les peines indictes & contenues en icelluy Edict.

En l'an ensuyuant mil cens quarante & sept, feit le Roy aussi plusieurs autres Edictz & Ordonnances, tant sur la reformation d'aucuns draps, toilles d'or & d'argent, orfeureries, canetilles, broderies, que sur le reiglement de ses finances, police des pauvres, suppression des offices de nouuel erigées, & sur le faict des eaus & forestz, le tout au grand entretien de sa Iustice, & soulagement de son peuple.

Pendant ce temps, l'Empereur estant es Allemaignes, empesché alencontre des Princes, vil les capitalles, & Imperialles d'icelluy pays, pour les reduire à la foy & vnion de l'Eglise, print captifz les Ducz de Vvicttemberg, & de Saxe, avec le Landgraue de Hessen, & lesdites citez qui auoyent pris les armes contre luy, multa de grandes sommes de deniers, pour employer à ses affaires.

L'Empereur  
contre les Al  
lemans.

*L'entrée, Sacre & couronnement du Roy Henry, deuxieme du nom, en la ville Reims.*

**E**N ce temps, le Roy ayant delibéré de proceder à son Sacre, & couronnement, feit apporter deuers sa maiesté, en son chasteau de S. Germain en Laye, les ornemens estans en garde en l'Abbaye S. Denis en France, destinez aux ceremonies en tel cas requises: & à raison qu'il les veid iavse, par vne longue antiquité, & pour auoir seruy à plusieurs Roys, ses predecesseurs, sadiete maiesté en feit refaire de tous neufz, de precieuse matiere, enrichie de tresexcellente broderie. Ce fait, procedant ledict Seigneur à l'effect de son Sacre & couronnement, le Lundy xxv. iour du moys de Iuillet, mil cinq cens quarante & sept, apres auoir receu l'obeissance, offres, & requestes des habitans de Reims en Champagne, feit son entrée en icelle ville: ou le lendemain Mardy xxvj. iour dudiect moys de Iuillet, sa maiesté fut oingté, sacrée & couronnée en la grand' Eglise metropolitaine, en la maniere accoustumée: & ce par môseigneur le Cardinal de Guyse, Archeuesque & Duc de Reims, Pair de France: & seiourna ledict Seigneur Roy, en la ville iusques au Vendredy ensuyuant, xxix. dudiect moys, qu'il en partit pour aller à S. Marcoul: ainsi qu'ont eu de tout tēps de bonne & ancienne coustume ses predecesseurs Roys de France.

Mil cinq  
cens quarante  
& sept.

Incontinent apres sa maiesté vint faire son entrée en la ville de Cōpiegne, qui fut au moys d'Aoust, audiect an mil cinq cens quarante & sept. Durant lequel moys, son plaisir fut d'aller visiter, & faire ses entrées en ses villes & places de Picardie: ou ses subiectz le receurēt à grand' ioye: sçauoir est, à Amyens, Abeuille, Mōitreul sur la mer, & autres. Puis alla visiter les Forts, qui depuis la reddition de Boulongne ont esté faitz & commencez, pres ladiete ville, & en la Comté de Boulonoys: ou il meit & laissa garnison de quatre mil Lanquenetz, qu'il a tousiours depuis entretenuz à sa souldie, oultre & par dessus le nombre des souldars de ses vieilles bades, estans en iceulx Forts. Aussi fut visiter ses villes d'Ardres, Therouuēne, Hedin, Dourlan, & Corbie: ou ses subiectz habitans d'icelles feirent tout ce qui estoit en eulx, pour le recevoir en toute humilité: & dela (passant par la ville de Mondidier) retourna à Compiègne, ou il auoit laissé la Roynne son espouse.

Le Roy en  
Picardie.

Le xxviii. iour du moys de Novembre audiect an, fut publié en la court de Parlemēt à Paris, l'Edict fait par le Roy, au moys d'Octobre precedent: par lequel est dict & ordonné, qu'aucuns officiers du Roy en estat d'Aduocats & Procureurs, es Preuostez, Bailliages, & Seneschauces de son Royaume ne pourrōt doresnauāt estre pmeuz es charges ordinaires de Preuostz, Maieurs, Escheuins, ou autres telz estat de ville, sur les peines declarées en iceluy Edict.

Les Officiers  
du Roy, Aduocats, procureurs, seneschaulx, Bailliz, ne pourrōt estre Maieurs n'Escheuins des villes.

Au moys de Decembre ensuyuant mil cinq cens quarante sept, la Roynne estant à Fontainebleau acoucha de sa seconde fille: qui fut solennellemēt baptisée en la chapelle dudiect lieu, & nommée Claude. Ses parrains & marraines furent vn delegué par messieurs des Cantons de Suyffe: Madame Marguerite de France, sœur vnique du Roy: & Madame Iehanne, Princesse de Nauarre.

Le Samedy dixieme dudiect moys de Decembre audiect an mil cinq cens quarante & sept, enuiron les deux heures du matin, se rompit par le mylieu, tout du long, le pont S. Michel, à Paris: de sorte que tout le flanc qui regarde vers l'hostel Dieu, & petit Chastelet, fut perdu, & en tomberent les maisons dedans la riuere de Seine: & ce par les grandes inundations qui suruindrent en ce temps: toutesfois par cest accident, combien qu'il aduint de nuyt, n'y eut aucun des habitans desdictes maisons tué, ne noyé.

Mil cinq cēs  
quarante &  
sept.  
La cheute  
du pōt S. Mi  
chel, à Paris

Le cinquieme iour de Ianuier audiect an, furent publiées en la court de Parlement à Paris, les lettres patentes du Roy, par lesquelles il auoit erigé la Comté d'Aumalle en Duché, & Parrie de France: dont a esté fait premier Duc & Pair Monsieur Francoys de Lorraine, filz aîné de monseigneur le Duc de Guyse.

La Comté  
d'Aumalle  
erigée en Du  
ché.

Au moys de May mil cinq cens quarante & huyt, le Roy & la Roynne, acompaignez de plusieurs Princes & Seigneurs de France, feirent leur entrée en la ville & cité de Troye en Champagne, ou ilz furent honorablement, magnifiquement, & à grand' ioye receuz, & festoyez de leurs subiectz habitans de ladiete ville.

Mil cinq cēs  
quarante &  
huyt.

En ce mesme temps sortit vn Loupceruier de la forest d'Orleans, au pays de Berry, fort cruelle beste, & semblable à celle qui en la saison d'esté de l'an mil cinq cens quarante & six,

Nota.



sortit aussi de la forest de la Neufuille en Hez, au Côté de Clermont en Beauuoyfis, qui feirent innumerables maulx esdictz pays: parce qu'elles y mutilerent, tuerent, & mangerent plusieurs personnes, tant hommes, femmes, filles, qu'enfans: de sorte que nul n'osoit aller à ses negoces, sans grand peril & danger de sa personne, s'il n'estoit bien acompaigné.

Aussi en ceditz moys de May mil cinq cens quarante & huyt, plusieurs Gentilzhommes François, Italiens, & d'autres nations, s'embarquerent en Bretagne, & Normandie, pour aller en Escosse, au secours & ayde des Escossoys, ausquelz les Angloys, leurs anciens ennemys, faisoient tresforte guerre: & arriuerent audictz pays d'Escosse, deuant la ville de Dôpbar, le .xij. iour de Iuin ensuyuant, soubz la conduyte du seigneur d'Essé, Coronal des gens de cheual: du seigneur Pietro Strossy, parent de la Roïne, Coronal des Italiens: ensemble du seigneur d'Andelot, Coronal des gés de pied François: Du Comte Raingrau, Coronal des Allemas: Du Prieur de Cappoa, Coronal des galleres Françoyse: & autres Capitaines, & gens de nom, ou ilz feirent plusieurs beaux faitz de guerre, & de grâds dôrnages ausdictz Angloys.

D'autrepart le seigneur de Chastillô fut au temps dessusdict enuoyé par le Roy au pays de Boulenoys, ou il commença à bastir & construire vn nouveau fort, situé pres & sur le hault du haure de la ville de Boulongne sur la mer, vis à vis de la tour d'Ordre: ou tost apres fut mis bon nombre d'Artillerie, munitions, & gens de guerre en garnison: dont les Angloys n'estoyent gueres contens, & le voulurent empescher pour quelque tēps, qui fut cause que François & Angloys coururent, & s'entrepillerēt les vns les autres, aux enuiron de Boulongne, Guynes, & Ardres, ou furent plusieurs gens tuez des deux parties: toutesfois cela fut tost appaillé à la requeste & poursuytte de l'Angloys, qui ne se sentoit le plus fort.

*Debat entre les Escoliers de l'Vniuersité de Paris, & les Religieux de saint Germain des Prez, pour raison du Pré aux Clercs.*

Mil cinq  
cens quarante  
& huyt



V commencement du moys de Iuillet audict an mil cinq cens quarante & huyt, seismeut debat entre les Escoliers de l'Vniuersité de Paris, & les Abbé & Religieux de S. Germain des Prez, ioignant icelle ville, pour raison de ce que lesdictz Escoliers maintenoyent qu'à eulx appartenoit de tout temps immémorial, vn lieu appelé le Pré aux Clercs, à eulx donné & confirmé par plusieurs Roys de France: partie duquel Pré lesdictz Abbé & Religieux auoyent baillé à cens, à diuers personnaiges, qui dessus auoyēt fait & basti plusieurs maisons & edifices, appliqué le surplus en voyeries, & apporté immundices, chose que lesdictz Escoliers ne vouloyent souffrir ny permettre, disans que ledict Pré leur auoit esté donné par iceulx Roys de France, pour eulx esbattre, & recreer apres l'estude, & qu'ilz en auoyent iouy de toute ancienneté: Parquoy s'assemblerent en grand nombre, & avec eulx s'entremeslerent plusieurs gens vagabonds, qui se transporterent sur la piece litigieuse, ou ilz abbatirent & desmolirēt par force plusieurs belles maisons & edifices, par especial les murailles d'un clos de vigne, qu'auoyent fait faire lesdictz Religieux. Et sans se contēter de cela, arracherent les vignes, & arbres fruitiers estans dedās ce clos, & plusieurs autres iardinages, ou ilz feirēt de grâds excès, disans qu'ilz vouloyēt garder leur possession & iouissance. Pour faire cesser lesdictz outrages, furēt enuoyez par messeigneurs de la court de Parlement l'un des Preuostz de l'hostel du Roy, nommé Genton, les Lieutenant criminel, & Cheualier du Guet de la ville de Paris, pour appaiser ladicte emotion: ce qui ne fut fait sans mort & naureure de plusieurs personnaiges. Au moyen dequoy ladicte Court, pour obuyer à plus grands inconueniens qui s'en eussent peu ensuyuir, enioignit au Recteur, & maistres de ladicte Vniuersité: & pareillemēt ausdictz Abbé & Religieux dudit S. Germain des Prez, d'apporter leurs lettres & tiltres, pour iceulx par elle veuz, leur faire droit & briefue Iustice. Suyuant laquelle inionction, le Mardy dixieme de Iuillet audict an mil cinq cens quarante & huyt, present à ce ledict Recteur, acompaigné de plusieurs notables personnaiges de ladicte Vniuersité, fut la cause playdée pour les Escoliers, & lesdictz Religieux de S. Germain des Prez. Finablement par arrest donné entre les parties, elles furent par ladicte Court reiglées, selon leurs lettres & tiltres anciens, & commis pour executer l'arrest, borner & limiter les lieux, deux Conseillers de ladicte Court: lesquelz pour ce faire se transporterent par plusieurs iours sur lesdictz lieux, en la presence du Recteur, & de plusieurs gens de biē de ladicte Vniuersité: Au moyen dequoy le debat & discord s'appaissa.

Le Roy en  
Bourgoigne.

Audict moys de Iuillet, mil cinq cens quarante & huyt, le Roy voulut aller visiter ses pays de Bourgogne, & villes frontieres des enuiron: esquelles en passant il fit son entrée en triumpphant & sumptueux appareil: comme à Diion, Beaulne, Langres, Auxonne, Bourg en Bresse & autres villes desdictes frontieres. Apres lesquelles visitées, le Roy partit pour aller  
vcoir

veoir la Sauoye, & pays de Piemont: & fait semblablement son entrée en la ville de Thuring, qui est la capitale dudit pays. Cela fait, & apres auoir cognu la fidelité & amour q̄ ses subiectz, en Sauoye, & Piemont, auoient enuers sa maiesté, iceluy seigneur se retira en sa noble ville, & cité de Lion, en laquelle il fit son entrée le Dimenche xxiiij. iour de Septembre ensuyuant audict an mil cinq cens quarante & huit.

*L'entrée du Roy & de la Roynne en la Ville de Lion.*

Mil v. cens  
quarante &  
huit.



T fut ceste entrée assez magnifique & superbe, pour estre parangonnée aux triumphes des Scipions, Pompées, & Césars, tant ventez aux histoires Romaines: Car outre la pompeuse sumptuosité des Porteaux, Arcades, Obeliques, Temples Perspectiues, Coulonnes, & Theatres, enrichis d'une infinité de figures: les vnes esleuées en bosse, les autres couchées en platte paincturé, & ornées de diuerfes grotesques, escripteaux, & festons, erigez & bastis en impenhensible symetrie d'Architecture, semées dru par les rues & places de ladicte ville de Lion depuis le fauxbourg de Vaise iusques au logis de l'Archeuesché: Outre la magnificence des riches tapisseries, faisans tresagreables bordures és maisons assises de part & d'autre des rues, gracieusement vmbragées de cielz de deliées toilles estandues par dessus: Outre la chace du Lion, prins par Diane, accompagnée de ses Nymphes, dedans l'artificielle forest, & présenté au Roy & à la Roynne: par elle receuant l'un & l'autre par un dizain aussi gracieusement prononcé que furent bien ouys, & mieux receuz les quatrains aussi recités par Neptune & Pallas, deuant la perspective du Chage. Les mestiers & Artisans, les enfans de ville à pied & à cheual, & les Conseillers & Escheuins de ladicte ville esparagnerēt tant peu les draps d'or, d'argent & de soye, les guypures, recamures, pourfilure, & canerilles, les boutons, fers iaserans, & bordures d'or, en leurs vestemens, caparassons de cheuaux, habillemens de laquais: & enrichissemens d'iceux, que les nations Luquoise, Florentine, Milanoyse, & Alemande, n'eurent moyen de les surpasser en brauade, cōbien que toutes ces susdictes choses elles fussent prodigalement liberales. Mais encor que les enfans de ville, & nations, eussent retenu les spectateurs en admiration grande, tant du pris & beauré de leurs acoustremens, que du nombre & allegresse des Cheuaux, Genetz, Turcz, & Barbares, qu'ils menoient: toutesfois le Roy, les Princes, & leurs maisons passant apres, feirent veoir à ceux qui les regardoient, que tous les Phrygiōs de la grand Troye eussent esté empeschez de compartir en toute leur vie toutes les couleurs ensemble tant proprement & richement, comme les brodures de Lion, en moins de deux mois contrepeserent le blanc & le noir sur les accoustremens du Roy & des princes, & aux croissans, chiffres, & fueillages, des houffes, caparassons, & harnois de leurs cheuaux. La magnificence du festin & du bal fut sumptueuse: le combat des Gladiateurs fut superbe, l'appareil & l'action de la Comedie furent merueilleusement ingenieux: mais, sur tout fut magnifique la Naumachie des Galleres, représentées sur la Saone, avec grand' compagnie de Fustes, Brigantins, Galliorz, & Gondoles, suyans deux Galiaces Capitaines: tellement painctes, pannoncellées, enrichies, & garnies de soldats, braues & fors, que les voiles de pourpre, les rames d'argent, la poupe d'or du nauire de Cleopatra, ne leur eussent sceu faire honte singulierement accostées au Bucentaure, fait pour la maiesté du Roy & de la Roynne. La structure, forme, paincture, & precieuse enrichissure, duquel fut autant agreable aux regardans comme fut esmerueillable au Roy, aux Princes, aux Dames & aux seigneurs: la table chargée d'infinites sortes de cōfitures, descendāt en un instant du lambris de la Salle du bal, bastie dans ledict Bucentaure, & la Sommellerie toute preste, montant de la carene du bastiau, comme si les Dieux celestes & terrestres eussent miraculeusement enuoyé de haut & de bas la collation aux assistans. En somme fut la brauade & magnificence de ladicte entrée tant grande que la posterité, lisant le liure qui en a esté fait, s'en esmerueillera beaucoup plus tost qu'elle ne le croyra.

Le lendemain vingtquatriesme dudit mois fut faite toute pareille entrée à la Roynne Catherine, sa compagnie: Puis à tous deux furent faitz de tresbeaux & riches presens par les Bourgeois & Nobles de la ville. En laquelle le Vendredy vingthuitiesme dudit mois de Septembre, le Roy celebra le Chapitre des Cheualiers de l'Ordre saint Michel, qui de long temps n'auoit esté celebré en France: & estoient tous vestus, tant le Roy que lesdictz Cheualiers de l'Ordre, d'un grand manteau rond iusques à terre, tout de drap d'argent, & portoient par dessus un chapperon de veloux cramoisy à bourlet,

L'entrée de  
la Roynne à  
Lion.

Le Chapitre  
des Cheua-  
liers de l'Or-  
dre saint Mi-  
chel celebré  
par le Roy.

BB.j.

## LES CRONIQVES ET ANNALES DE FRANCE

comme portent les Aduocatx en Parlement. Monsieur le Cardinal de Guyse, comme Chancelier dudit Ordre, aussi vestu par dessus son roquet d'un pareil manteau de veloux blanc, son chapperon de veloux cramoisy rouge, & les Huissier, Greffier, & Maistre des ceremonies de semblables manteaux de Satin blanc, & chapperons de satin cramoisy rouge.

*Commotion de la commune du pais & du Duché de Guyenne, pour raison de la Gabelle du Sel, & de l'Arrest contre eux donné.*

L'an mil cinq  
cens xlvij.



LE Roy estant en ladicte ville de Turin, fut aduertý des rebellions, seditions, & assemblées des communes de ses pais de Xaintonge, Angoulmois, Poitou, Lymosin, Perigort, & autres endroitz du Duché de Guyenne, voulans empescher l'execution des Edicts faitz sur la perception de ses droicts de Gabelle du sel. Lesquelles communes auroient enuoyé remōstrer audit seigneur, que chacun d'eux estoit prest de se retirer en sa maison, pourueu que le bon plaisir de sa maiesté fust leur pardonner leur faute, en vsant de misericorde. Surquoy ledict seigneur par ses lettres parentes auroit euoqué & retenu à sa personne la cognoissance desdictes rebellions, & seditions, à la charge que les communes & peuples dessusdicts seroient tenuz d'eux separer, & retirer chacun en leurs maisons, & de remettre les armes es lieux ou ils les auroient prinsez: & ou ils n'obeiroient & satisferoient à ce que dessus, ains perseuereroient esdictes assemblées & commotions, lesdictes lettres seroient de nul effect. Et pource qu'icelles communes auroient continué de mal en pis, ledict seigneur auroit esté contrainct enuoyer au pais de Guyenne grand nombre de gens de cheual & de pied, souz la charge & conduicte de monsieur le Duc d'Aumalle, & de monsieur le Connestable qui seroient entrez esdicts pais: mesmement ledict seigneur Connestable, en la ville de Bordeaux, en laquelle lesdicts gens de commune auroient peu parauant tué inhumainement le seigneur de Monnengs, Lieutenant du Roy de Nauarre, Gouverneur pour le Roy d'iceluy pais de Guyenne. Pour raison desquels excès, ledict seigneur Connestable auroit fait publiquemēt punir du dernier supplice plusieurs desdicts rebelles & seditieux en ladicte ville: & au surplus dict & ordonné par sa sentence, ou arrest, que la maison commune de ladicte ville de Bordeaux, seroit rasée & demolie: & qu'en ce lieu seroit edifiée vne Chapelle, pour faire le seruice diuin du feu seigneur de Monnengs, tué meschamment en ladicte ville de Bordeaux (comme dict est) Et outre furent les Iurats avec six vingt hommes du Conseil de ladicte ville, condamnés à aller avec plusieurs autres Bourgeois devant le logis dudit seigneur Connestable, ayans la teste nue, & chascun d'eux tenant en la main vne torche allumée, eux habillez en dueil: ou estans arriuez, se meirent à genoux, demandans pardon à Dieu, au Roy & à Iustice, crians Misericorde. Et de là allerent en l'Eglise des Carmes de ladicte ville, ou fut eleué le corps dudit seigneur de Monnengs, & par les dessusdicts porté en l'Eglise de saint André audit Bordeaux, ou il fut inhumé au cœur: & là est ordonné, que tous les ans sera fait seruice solennel, tant à l'Eglise qu'à ladicte chappelle, ou assisteront douze des plus notables Bourgeois de ladicte ville. Outre, furent iceux habitans priez à iamais d'auoir droict de Communauté, & Iurisdiction, Iuratz, Conseilliers, Bourges, Cloches, Artillerie, ny armes, soit en particulier, ou en general, sur peine de confiscation de corps & de biens. Et outre ce furent leurs priuileges bruslez en leurs presences: & eux condamnez à faire fortifier les deux Chasteaux de ladicte ville à leurs despens, iceux auitailler pour vne fois de toutes choses necessaires, & les renoueller d'an en an. Aussi d'entretenir & auitailler deux Barques de toutes choses necessaires, pour la tution & defense de ladicte ville: Pareillement, de rembourser le Roy de tous les fraiz faitz pour l'armée qu'il auoit conuenu à sa maiesté enuoyer audit pais (à raison de ce que dict est) iusques à la misericorde d'iceluy seigneur, selon que plus à plain le contient ledict Arrest, prononcé à Bordeaux de par ledict seigneur Connestable, le xxvi. iour d'Octobre mil cinq cens xlvij.

Punition des  
metins lu  
pays de Guy-  
enne.

Mariage de  
monseigneur  
le Duc de Vē  
dormois avec  
la fille du roy  
de Nauarre.

Audit mois d'Octobre mil cinq cens xlvij. le Roy fit son entrée en la ville de Moulins en Bourbonnois: ou fut magnifiquement celebré le mariage de monseigneur Antoine de Bourbon, Duc de Vendosmois, Per de France, & de madame Jeanne d'Albrer, Princesse, & fille vniue de monseigneur Henry d'Albrer, Roy de Nauarre, & de madame

dame Marguerite de France, sœur unique du feu Roy François, que Dieu absolue, qui fut au grand desir & contentement du peuple de France. Le xxv. iour de Novembre audict an mil cinq cens xlvij. le Roy par ses lettres patentes, données à saint Germain en Laye, suyuant autres lettres expedices par le feu Roy François, premier de ce nom, fit reiterer les defences de ne porter Haquebures ne Pistolletz, souz les peines indictes, par icelles lettres dudiect feu Roy François, en datte du sixiesme iour de Iuillet, mil cinq cens xlvj. Le xvij. iour de Ianuier, audict an mil cinq cens xlvij. fut aussi publié & enregistré en la Cour de Parlement, à Paris, autre Edict fait par le Roy au moys de Novembre, en icelle année, par lequel est inhibé & defendu à toutes personnes, de quelque estat, qualité, ou condition qu'ils soient, de ne plus bastir de neuf és fauxbourgs de la ville de Paris, de toutes pars, sur peine de confiscation du fonds & du bastiment, pour les causes à plain contenues & declarées és lettres patentes sur ce données par sa maiesté.

Defenses de ne porter haquebures ne pistolletz.

Defense de ne bastir és fauxbourgs de Paris.

Le Dimenche troisieme iour de Feurier audict an mil cinq cens quarante & huit, la Roïne estant à S. Germain en Laye, accoucha d'un beau fils, qui fut nommé Loys, Duc d'Orleans: & baptizé en l'Eglise du Chasteau d'iceluy saint Germain, le dixneufiesme iour de May l'an mil cinq cens quarante neuf ensuyuant: Furent ses parrains Dom Constantin, delegué à ce faire par Dom Iean Roy de Portugal avec monseigneur le Duc de Guise, tenant le lieu en cest endroit de monseigneur le Duc de Ferrare, & marraine madame la Duchesse d'Aumalle, en l'absence de la Roïne, douairiere d'Escoffe.

Natiuité de monseigneur le Duc d'Orleans à saint Germain en Laye.

*L'entrée du Roy & de la Roïne à Paris: le Tournay fait audict lieu pour la celebration de leur ioyeux aduenement.*

**E**N ce temps le Roy estant en son Chasteau de saint Germain en Laye, avec la Roïne, princes, princesses, & seigneurs de la Cour: & pouruoyât à ses affaires, delibera faire son entrée, en armes, en la ville de Paris, capitale de son Royaume: & de fait fit publier icelle le Lundy, huietiesme iour d'Auril, mil cinq cens quarante & huit, au quinziesme de May ensuyuant: cōme aussi le premier iour d'Auril, audict an, il auoit par ses Heraux d'armes fait publier par les carrefours de ladicte ville de Paris les articles du Tournay, entrepris pour la solennité de son tresheureux couronnement, & triumpante entrée, de luy, & la Roïne, sa compaignie, pour ouurir le pas d'iceluy au premier iour de Iuin ensuyuant: mais, pour certains affaires suruenus, fut ladicte entrée differée iusques au seiziesme iour de Iuin, mil cinq cens quarante & neuf: & par mesme moyen l'ouuerture du Tournay, remise au vingtroisieme iour dudiect moys de Iuin, audict an. Et ce pendant que chacun se preparoit en son endroit, pour receuoir, acompaigner & assister à sa maiesté, en l'ordre & equipage requis, il partit avec la Roïne, & toute la Cour, de saint Germain en Laye, pour venir faire la feste de Pentecoste en la ville saint Denis en France: en laquelle il fut honnorablement receu par le reuerendissime Cardinal de Bourbon, Abbé dudiect lieu, & de tous les habitans d'icelle ville, & ledict iour de Pentecoste toucha les malades, au cloistre de l'Abbaye, ainsi qu'auoient acoustumé de faire ses predecesseurs Roys de France.

Mil cinq cens quarante, & neuf.

Le Lundy de Pentecoste, dixiesme de Iuin audict an, fut ressolennellement celebrée la messe dedans le cœur de ladicte Eglise, par ledict seigneur reuerendissime Cardinal de Bourbon: à laquelle, sus eschauffaux expressement dressés & preparez, assisterēt tous les Princes, Ducz, Comtes, Barons, Seigneurs, & Gentilshommes de la Cour, avec Cardinaux, Archeuesques, Euesques, Abbez, & prelatz, en grand pompe & magnificence: & sus autres eschauffaux, richement acoustrez, furent aussi presentées madame Marguerite, sœur unique du Roy, & toutes Princesses, Duchesses, Comtesses, vestues de leurs manteaux de veloux violet, & de leurs couronnes triumpiales, pour faire honneur à la Roïne: laquelle sus vn eschaffault au mylieu du cœur, fut en grand magnificence couronnée durant ladicte Messe, avec armonieuse melodie de Musique, & applaudissement du grand nombre de peuple affluant, tant pour la pompe dudiect couronnement, que pour les pardons de planiere remission, octroyez pour cedi iour par nostre saint pere le Pape Paul tiers de nom, pour l'extirpation des pullulantes heresies, augmentation de la Foy, vnion des Princes & estats de la Chrestienté.

Le couronnement de la Roïne à S. Denis en France.

Le Roy & toute sa cour demeura à saint Denis, & lieux circonuoyfins, iusques au xv. iour dudiect moys de Iuin, audict an, qu'il vint loger au Prieuré S. Lazare, lez Paris,

## LES CRONIQVES ET ANNALES DE FRANCE

L'entrée du  
Roy à Paris.

là ou se presenta sa maiesté sus vn grand eschauffault, dresé au deuant dudiç Prieuré, richement tapissé, & couuert autour du siege de sadiçte maiesté, de ciel & de tapis de drap d'or frize: ou il ouit les harengues & gratulations des Estatz de la ville de Paris, le venans l'un apres l'autre saluer, & receuoir, en triumpfant ordre & magnificence, puis les harengues finies proceda à l'ordre de son entrée, en armes. La magnifique excellence, laquelle fut telle, que peult mieus iuger celuy qui la veü à l'œil, qu'autre qui en puisse lire la forme descrire: car, encor que la fanterie fust braue, & en grand nombre, comme aussi fut l'artillerie, qui fit vn continuel tonnerre, pendant que la maiesté passa, bien que tous les estats de Paris, singulierement les enfans de ville à cheual, fussent en leurs dorures, acoustremens, & cheuaux tant braues, que l'esbahissement des regardans en surmontast l'expectation, combien que l'ingenieuse elegance des Portaux, Spectacles, Arcz triumpaux, & de leurs statues, deuises, & enrichissement, rauissent le spectateur en admiration de l'antiquité, doctement renouuellée, neantmoins la maison du Roy, en armes, & la maiesté d'icelle ornée, & enuironnée, meslerent tant de merueilles parmy le plaisir des ententifz à veoir, qu'ils se trouuoient empeschez de laisser l'estonnement, pour se renger à la ioye. Aussi à la verité les plus aguerris & experimétez au faict des armes, voyans passer vn grand nombre de Pages vestus de drap d'or & d'argēt, la pluspart cheuauchans Genetz, Turcz, & cheuaux de Royaume, harnachez de mesmes, selon les couleurs de leurs maistres: desquels ils portoiet l'armet en teste, les gantellerz aux mains, & les lances peintes & pannoncelées de blanc & noir, sur les cuisses, regardās suyure les Gentilshommes de la maison du Roy, tant bien armez, montez, capparassonnés, & bardés, oyans tant de trompettes, clérons & doucines, moderantes l'aspreté de l'artillerie, plus que tonnante, contemplans en fin la maiesté du Roy, couuerte deuant & derriere des Princes, Cheualiers de l'Ordre, Officiers de la maison, Gentilshommes de la chambre, & de ses quatre cens archiers, avec les cent Suysses, tant diaprez, & capparassonnez d'armes dorées & grauées, de draps d'or & d'argent, broderies, pierreries, perles & pennaches, voltigeans sus tant remuans cheuaux, & adroiets, s'estonnoient de veoir tant de Princes, Gentilshommes, Capitaines & hommes d'armes, vaillans, puissans, & braues, en extremité de superbe magnificence, dedans le clos d'une ville.

L'entrée de  
la Roynne à  
Paris.

Et si ceste entrée en armes donna esbahissement, & plaisir aux estrangers, & citoyēs, qui la veoyent, ceux mesmes ne receurent moins de contentement voyans la Roynne le Mardy suyuant dixhuietième iour dudiç mois de Iuin, receüe & saluée en mesme forme que dessus par les Estats de la ville de Paris: puis y entrer accōpagnée deuant & derriere de tous les Princes, Ducz, Comtes, & Gentilshōmes de France, avec tous les Officiers de la maison du Roy, & de la sienne, les vns à pied, les autres à cheual, tant bien dorez, vestus, montez, & houssez de drap d'or, d'argent, & autres parures, qu'il est malaisé le croire sans l'auoir veu: Mais sur tout la Roynne & madame Marguerite de France assises de front en vne litiere descouuerte, & suyues des Princesses, Duchesses, Comtesses, & Dames de France: mesmes de trois chariotz triumpans, plus enrichiz des beautez & graces des Damoyelles qu'ils portoient, que de la crouste & drap d'argent qui les couuroient iusques en terre, distrayoient les regardans en triple admiration, par leurs dignitez, beautez, & tresprecieux acoustremens.

Le Tournay  
fait à Paris,  
pour le ioy-  
eux aduene-  
ment du Roy  
& de la Roy-  
ne.

Les festins des deux entrées furent fort riches en banquetz, seruices, bals & masques: Aussi fut le disner que le Roy & la Roynne prindrent le Mercredy suyuant des Preuost, Escheuins, & du corps de la ville de Paris, en vne salle de l'Euesché expressement & tresumptueusement paincte, tapissée, & parée: dont leurs maiestez trescontentes, tant de l'honnestes seruice, & riches presens, que de la bonne volunré de va ville, partirent apres disner, pour aller coucher en la maison des Tournelles: deuant laquelle, & au long de la grand' rue sainct Anthoine, estoient les lices magnifiquement dresées, faisans monstre de part & d'autre de deux grands Arcz, precieusement & ingenieusement enrichis de deuises, avec statues, & brodures par les costes des loges grandes & richement tapissées, ou la Roynne, & les Dames, les Iuges du Tournoy, & Ambassadeurs des Potétats voysins veirent ouurir le pas dudiç Tournoy, le Dimenche vingtroisième iour de Iuin, audic an, par monseigneur François de Lorraine, Duc d'Aumalle: le sire Robert de la Marche seigneur de Sedan, Marechal de France, le sire Jaques d'Albon, seigneur de sainct André, Marechal de France, le sire Claude Gausier, seigneur de Boisy, grand Escuyer de France, le sire Gaspard de Saux, seigneur de Tauennes, Capitaine de cinquante hom-  
mes



mes d'armes, & le sire Philebert de Marilly, seigneur de Cipierre, Gentilhomme de la chambre du Roy les fix tenans contre tous venans, tant François comme estrangers, & par le Roy, accompagné de trente hommes d'armes, premier assaillant. En ce Tournoy, fut procédé les quinze iours suyuant par monseigneur Antoine de Bourbon, Duc de Védosmois, & tous les autres Princes & seigneurs consecutiement assaillans, suyuant la forme des huit emprises, déclarées au long par les articles du Tournoy; auquel les Princes & Gentilshommes de France, & singulierement la maiesté du Roy fit monstre & preuue suffisante de sa vaillance, magnanimité & dextérité aux armes, tant à cheual comme à pied.

Le Mardy deuxiesme de Iuillet, audict an, le Roy acôpaigné des pers de France, Princes de son sang, Gentilshommes & Officiers de sa maison, de son Chancelier & maîtres des Requestes de son hostel, vint tenir le siege en son palais, dedans la chambre dorée, ou sied le parlement de Paris, selon la coustume obseruée de toute ancienneté par ses predecesseurs Roys de France.

Le Mercredy suyuant, le Roy & la Roïne prindrent apres leur soupper l'esbat d'une guerre nauale, entreprise par les Princes & Gentilshommes de France, & par messieurs de la ville de Paris, pour la recreation de leurs maiestez. Le Roy & la Roïne par vne brague Gondole furent menez dedans le bateau que la ville auoit fait dresser, & enrichir en leurs couleurs, duquel ils veirent descendre d'amont l'eau xxxij. Galleres, peintes de diuerses couleurs, aux deuises des assaillans, & autrement bien garnies de forcères, & braues soldats: lesquelles de priusault passantes à la fille deuant le fort, basti au fons de l'isle de Louuiers, le saluerent d'une espouventable infinité de canonnades, puis escharmouchées de sept Galeaces, serrées dedans le port, ioignant le fort, reculerent, faisant semblant de fuir, pour puis apres venir en foule donner l'assault furieux: auquel d'entrée les tenans meirent le feu dedans l'une de leurs tours, fermans le haure: par ce qu'ils ne la iugeoient tenable: & en dura la flamme vne grand' heure pendant que les riues des Celestins, & saint Victor couuertes de peuple dru comme sable, & d'un bouleuert de l'isle aux Vaches, couuerte de soldats, doubles canons, couleurines & harquebuzes à croc, estoient la veüe & ouye aux spectateurs de ladicte fumée & tempeste qu'elles faisoient. Les Galleres esparées sur l'eau de tous les costés du fort, & les soldats Parisiens venans promptement au secours, partie dans autres bateaux & brigantins, assaillirent & eschellerent le fort, avec telles bragues: & furent repoulsez par les tenans, de potz & lances à feu, de coups de picques, d'espées & haches, de telle constance & roydeur, que le Roy, les Dames, & seigneurs ne perdirent le plaisir de ce combat, iusques à dix heures du soir, que l'obscurité de la nuit contrainit les combatans & regardans de se departir, & retirer chascun chez soy, avec indigne lieüe & contentement.

Guerre nauale & l'assaut du fort de l'isle de Louuiers à Paris.

*La procession solennelle faicte à Paris, par le Roy, pour l'extirpation des heresies, & augmentation de la foy Chrestienne.*

**L**E lendemain, qui fut le leudy quatriesme iour du mois de Iuillet dudit an, le Roy, meu de deuotion, & du tiltre de Treschrestien, affecté par prerogatiue à luy & tous ses predecesseurs Roys de France, fit vne procession solennelle: à fin qu'il pleust à Dieu extirper des heresies, & augmenter & asseurer la foy Chrestienne, qui de toute ancienneté a trouué leur appuy, fondement, & soutienement en son Royaume. Pour laquelle celebrer partirent reueremment & par son commandement, de l'Eglise de saint Paul, les quatre ordres des Mendians de ladicte ville, precedées de toutes les bannieres des parroisses, & suiuis des Croix & gens d'Eglise desdictes parroisses & colleges, portans comme les Mendians chappes, & grand nombre de chasses, & reliquaires en grande reuerence & deuotion. Apres lesquels furent portées les chasses de madame sainte Geneuiefue & monsieur saint Marceau, entourées & suiuis de citoyens nudz en chemise, avec les Religieux & Abbé dudit conuent sainte Geneuiefue, aussi piedz nudz, portans tous vn cierge de cire blâche en la main: au dos desquels se voyoit long ordre de ieunes Escoliers, & de tout le corps de l'Vniuersité de Paris, d'un costé des Ausmoniers & Chantres du Roy, & des Chanoines & dignités de nostre Dame, & Sainte chapelle de l'autre, portans aussi reueremment chascun vn cierge de cire blanche en leur main, pressez des trompettes sonnantes, & des Suysses Marchans au son des Tabourins & Fiffres: & apres eux cent des Gentilshommes de la maison du Roy, portans les Suysses vne torche, garnie des armoiries de France, en la main droite, la Hallebarde en la

L'an mil cinq centz xlix.

## LES CRONIQVES ET ANNALES DE FRANCE

gauche, les Gentilshommes, la hache d'armes d'une main, & de l'autre un gros flambeau ardent. Les Abbez, Euesques & Archeuesques, qui les suiuoient, portoient tous en leurs mains des saints & precieux reliquaires, tant du tresor de la Sainte chapelle, que d'ailleurs: & peu apres estoient portees reueremment les saintes reliques, sçauoir est la precieuse Couronne d'espines, la vraye Croix, les Cloux, la verge de Moysé, & autres sacrez reliquaires en grand nombre. Puis les Cardinaux deux à deux, vestus de leurs chappes de Camelot violet, marchoient graument deuant un riche ciel, couuert de broderie d'or & de perles, porté par quatre Princes: sous lequel monsieur le Cardinal de Guise, portoit le saint Sacrement de l'autel: & estoit de pres suiuy par la maiesté du Roy, acompagné de monseigneur le Reuerendissime Cardinal de Lorraine, de la Royné, & Dames de la court, toutes accostées des Princes, Seigneurs, & Gentilshommes, portans tous un cierge de cire blanche en la main. Apres eux venoit monsieur le Chancelier, & Maistres des requestes de l'Hostel, la court de Parlement, en robes rouges, messieurs les Generaux des Aydes, & des Comptes: & les Preuost & Escheuins, suivis des notables Bourgeois & Marchans de la ville, & fermez par derriere des archers, portans tous chacun une torche, garnie des armoiries de France. En tel ordre & venerable deuotion passa la pompe solennelle iusques à la grand' Eglise nostre Dame de Paris: ou le Roy, & toute la court, ouy deuotement la messe en grand' solennité celebrée: puis ayant pris, avec la Royné, le dîner au logis de l'Euesché, veit s'en retournant en sa maison des Tournelles, bruler vifz quelques heretiques Sacramentaires, condamnés par la court de Parlement, à la rigueur des Ordonnances, qu'il & feu de bonno memoire le Roy François, son pere, ont faictes, pour l'exirpation & grieve punition de telles pernicieuses & damnables opinions.

*En Addition depuis les precedentes Impressions iusques en  
l'an mil cinq cens cinquante & trois.*

Mil cinq ces  
quarante neuf.

Reformation  
des draps d'or  
& de soye.



V quatorzième iour d'Aoust, mil cinq cens quarante & neuf, fut publié par les carrefours de la ville de Paris un Edict fait par le Roy sur la reformation des habits des draps d'or, de soye, bordures, passemens, tant pour les gens d'Eglise, Gentilshommes, qu'autres de tous estats, pour reprimer & abolir beaucoup de façons d'habis superflus & dissolus.

Different entre les Nobles  
& le populaire  
de ce pais  
d'Angleterre.

Audict an au pais d'Angleterre y eut grandes dissensions entre les Nobles du pais, & le commun populaire, sur ce que ledict populaire requeroit les saints Decretz, Statuts de l'Eglise estre obseruez, restitués, & remis en leur pristin estat accoustumé: & que les Nobles eussent à rendre & restituer es mains des Euesques & Prelats de l'Eglise, les possessions Ecclesiastiques qu'ils detenoient, pour les sustenter (suyuant l'intention des fondateurs) ce que les Nobles ne voulurent faire, qui fut cause que le commun populaire s'eueut. Et furent contraincts les Nobles prendre les armes contre ledict populaire, ou il y eut grande effusion de sang des deux parties. Parquoy le ieune Roy Edouard fut contrainct enuoyer querir outre mer ses armées, tant de Cleuois, Gueldrois, Bourguignons, qu'Allemas, qu'il auoit preparés à l'encontre du Roy de France, qui fut le moyen d'accorder les Nobles avec ledict populaire.

Le Roy au  
pais de Boulonnois.

Audict mois & an, le Roy fit publier que tous Gentilshommes, gens d'armes, & autres eussent à eux trouuer le premier iour du mois de Septembre ensuyuant, montez, armez, en bon equipage, au camp estant lors audict pais de Boulonnois, pour l'accompagner. Et le seizième iour dudit mois le Roy partit d'Abeuille pour aller à Monstrucil, ou il trouua monseigneur le Connestable, & le seigneur d'Aumalle, la arriuez pour aller dresser le camp audict pais, arriué avec les seigneurs susdicts, & autres, fit le lendemain tirer son armée vers mont Lambert, distant de Boulongne enuiron une lieue, & fit camper sondict camp entre ledict mont Lambert & Desurene, ou il fit faire force tranchées en forme de fort, à fin d'euiter l'Artillerie que ceux de dedans tiroient continuellement, pour empêcher que l'Artillerie du Roy ne passast, ce voyant le Roy enuoya une tropette audict lieu à ce qu'ils n'eussent plus à tirer ladicte Artillerie, ou qu'il les feroit sacager & mettre à feu & à sang: & par ce moyen cessèrent lesdicts ennemis: & passa l'Artillerie du Roy à sauueté, & sans danger. Ce fait, le Roy, par le conseil de ses Princes seigneurs & Capitaines, fit mener quelque nombre de pieces d'Artillerie deuant le fort de Seulesque, ou estoient deux

deux enseignes d'Anglois, qu'il fit si rudement canonner, qu'ils furent contraincts à parlementer à monseigneur le Connestable, pendant lequel parlement les François, animez, de force entrèrent dedans, & saccagerēt tous les Anglois, & fut ladicte prise le iour saint Barthelemy audict an mil cinq cens quarante & neuf, & le mesme iour fut assailly, par les François, le Chasteau dudiect lieu, ou furent tuez plusieurs François: neantmoins furent si bien canonnez qu'ils furent contraincts eux retirer la nuit au fort d'Ambleteue, ou le Lundy vingt sixiesme iour dudiect moys ensuyuant le canon fut mis deuant lediect fort, auquel y auoit six enseignes d'Anglois, lesquels furent canonnez, de sorte qu'ils furent contraincts quitter la place leurs vies & bagues sauues. Le Bastard de la Mirandolle, lequel estoit tourné du party des Anglois, fut trouué audict fort, auquel le Roy pardonna son offense: mais la plupart des Italiens, estans de sa compagnie, auxquels le Roy n'auoit pardonné, furent pendus & estranglez. Lors la compagnie du seigneur de Chastillon entra dedans: & y fut trouué grandes prouisions, tant bledz, vins, bieres que chair salée, avec force Artilleries & poudres.

Plusieurs fors  
pris par les  
François au  
païs de Bou-  
lonnois.

Et le xxvij. iour dudiect moys le Capitaine de Les Anglois, qui est vn fort entre lediect Ambleteue fortirent de & la tour d'Ordre, vint par deuers le Roy luy demander pardon, & qu'il fust son vouloir mont Lam-  
bert. qu'il peust sortir dudiect lieu avec deux enseignes qu'il auoit, les vies sauues, ce que le Roy luy accorda benignement: auquel lieu fut trouué force Artillerie, poudres & viures, pour long tēps. Ceux de mont Lambert, voyant les escarmouches que leur faisoient les François, auxquels ils ne pourroient resister, firent consommer leurs poudres, & brusler les maisons, & de nuit se retirerent en la ville de Guines: dequoy le Roy aduerty, fit fortifier lediect lieu, & y fit mettre garnison. Depuis le siege fut mis deuant la tour d'Ordre en asiete inexpugnable, au moyen dequoy le Roy fit mettre par tout les forts, par luy conquis, force garnisons, viures & munitions, pour empescher les viures des Anglois. Et apres auoir donné congé à sa gendarmerie, & soldats, se retira en France iusques en l'an ensuyuant, à raison de l'Yuer qui estoit prochain. Et pour rendre graces à Dieu des belles victoires qu'il auoit obtenues sur ses ennemis, furent faictes, tant à Paris qu'és autres villes, processions, & prieres, ainsi que de bonne coustume est de faire en France.

Le Roy remit  
en leurs fran-  
chises les ha-  
bités des païs  
de Guyenne,  
touchant les  
salines.

Le Roy estant à Amiens, au moys de Septembre, vindrent par deuers luy aucuns deleguez des pays de Poitou, Chasteleraux, Xaintonge, Gouverneur de la rochelle, augoulmois, hault & bas Limosin, haute & basse Marche, perigort, & anciens ressorts d'iceux, luy requerir pardon des fautes & rebellions qu'ils auoient faictes contre sa maiesté, pour raison du sel, & salines, à telle condition qu'il luy plaisoit les recevoir. Apres plusieurs remonstrances par eux à luy faictes & à son conseil, vsant de clemence & bonté, abolit & supprima les derniers Edicts, comme estans incommodes à la chose publique: & remit les habitans desdicts lieux à l'usage des precedens Edicts, moyennāt les offres par eux faictes de quelque somme de deniers, pour employer au recouurement du Cōté de Boulonnois.

Au moys d'Octobre ensuyuant Octouian de Freneze, nepueu du Pape Paul, assembla grande compagnie d'Italiens, & assiegea la ville de Parme, en Italie. Mil cinq cens  
quarante neuf.

Le dixiesme iour de Nouembre ensuyuant, le Pape Paul aagé de quatre vingt ans, & plus, deceda en la ville de Romme au seiziesme an de son pontificat. Lequel fit de moult bonnes constitutions en l'Eglise, homme sçauant és lettres, tres-vertueux & sage, fort enclin, & prenant peine de moyenner la paix entre les Princes Chrestiens, & les exciter à l'encontre des heretiques. Il aymoit fort les pauvres, & leur faisoit moult d'aumosnes, & n'espargnoit le bien de l'Eglise à leur subuenir & substanter. Dieu luy face pardon. Trespas du  
Pape Paul 3.  
du nom.

Apres les funerailles & seruice faict fut le conclaue ouuert aux Cardinaux, pour proceder à l'election d'un Pape, ou ils furent iusques au huitiesme iour de Feurier ensuyuant, auquel temps le Roy considerant la charté des viures, & que les pauvres gens de labour estoient souuent trauaillez par les gensdarmes, fit augmenter les gages d'iceux, qui fut vn grand soulagement pour les pauvres laboureurs, à cause des oppressions qui leur estoient souuent faictes durant la guerre par lesdicts gensd'armes. Augmenta-  
tion des ga-  
ges des gens-  
darmes.

Le quatorziesme iour de Decembre, audict an, tressage prudente & vertueuse Dame, & Princesse Marguerite de Vallois, espouse de treshault, puissant seigneur Henry d'Albret, Roy de Nauarre & sœur vnique du feu Roy François, deceda de ce siecle au pays de Bretagne, delaisant tres-excellente Princesse Ieanne d'Albret, femme du Duc de Vendosme, sa fille seule enfant. Trespas de la  
Royne de  
Nauarre.

Audiect an furent publiées en la court de Parlement à Paris, lettres du Pape & du Roy, BB.iiij.

## LES CRONIQVES ET ANNALES DE FRANCE

Erection de  
l'Vniuersité  
de Reims.

contenant l'erection de l'Vniuersité en la ville de Reims des cinq facultez , à sçauoir de Theologie,droict Canon & Ciuil,Medecine & les Ars.

Le parlement  
de Bordeaux  
& officiers  
restituez.

En celle mesme année deceda à Romme le Cardinal de Boulongne, homme de grandes lettres,& de vertu.

Au moys de Ianuier suyuant la court de Parlement de Bordeaux fut rehabilitée. Les conseillers qui pour n'auoir donner ordre à la sedition de la ville,lors & en ce temps que le seigneur de Monnengs,Lieutenant & commissaire pour le Roy,y fut occis par le commun,auoient estez suspenduz,furent reuoeuez & remis en leurs estatz,& les conseillers de diuerfes cours de parlement,qui auoient esté enuoyez à Bordeaux exercer la iustice,furent enuoyez chacun en leurs maisons.

Reformation  
sur les Mon-  
noyes.

En ladicte année,& és années precedentes,le Roy & son Conseil,estant aduertý des rongneures,faulcetez,& meschancetez qui se faisoient sur les Monnoyes,qui estoit au detrimet & dommage du pauure peuple , au moyen que la valeur & poix d'icelles estoit lors diminué,& affoibly:aussi que l'on ne vouloit changer tant l'or que monnoye,pour la diminution & non valeur d'icelles. Desirant y pourueoir,pour le bien & vtilité de son Royaume,& pour obuier à l'aduenir à tels crimes & rongneures desdictes monnoyes,& autres fautes cy dessus.Prohiba & defendit de ne pouuoir mettre ny alouer aucunes monnoyes,tant d'or,d'argent,que blanches,rongnées.Et furent plusieurs pieces d'or estranges descriées & ordonnées estre mises au billon. Les douzains , & trezains, rongnez , furent mis à quatre liures dixhuiet solz le marc,qui fut grand domage pour le pauure peuple,pour autant que l'on ne pouuoit alouer lesdictes monnoyes, que selon l'Edict du Roy,dont il suruint en plusieurs lieux debarz & querelles. Et deslors ledict seigneur ordonna de faire forger des pieces d'or,soubz son nom,de cent solz tournois piece , de cinquante solz tournois , & les demies de vingt cinq solz à l'equipolent. Aussi peu apres fit forger,soubz sondict nom,en diligence,plusieurs monnoyes de son Royaume,grande quantité de douzains,pour fournir le peuple:& pour estre aux faux monnoyeurs le moyen de ne rongner.Telle calamité dura plus de deux ans,peu apres fit forger des pieces de deux solz parisis,& de douze deniers parisis en grand nombre.

Creation du  
Pape Iules 3.  
du nom.

Audiect an mil cinq cens quarante neuf, le huietiesme iour de Feurier les Cardinaux, ayans long temps esté assemblez pour l'election d'un Pape,conclurent en fin,& esleurent le reuerendissime Cardinal Iean de Maria au parauant Euesque de Mantue, & Legat de Boulongne,& se nomma Iules tiers du nom.

Publication  
de la paix en-  
tre les Roys  
de France &  
d'Angleterre.

Le vingtyniesme iour dudiect moys receut la couronne Papale. Et le lendemain feste de la chaire saint Pierre,ou il ouurit les portes de la grand Eglise saint Pierre , pour le grand pardon du Iubilé,accoustumé estre à Romme de cinquante ans en cinquante ans. A son aduenement il fit plusieurs bonnes & louables constitutions en l'Eglise.

Mil cinq ccs  
cinquante.

La paix d'entre le treschrestien Roy de France, & le Roy Edouard d'Angleterre, fut publiée en la ville de Paris,ou furent faicts les feux de iouye. Les articles de la paix contenoient,que le Roy de France deuoit bailler aux Anglois quelque somme d'argent, dedás quelque temps:& à ce moyen deuoient rendre au Roy la ville de Boulongne, & autres fortz par eux occupez,avec les Artileries,& autant de munitions & viures qu'ils y auoient trouué au iour de la prinse d'icelle. Le payement fut faict à deux fois pour seureté duquel, le Roy voulant tenir la promesse enuoya en Angleterre le comte d'Enghien, Loys monsieur de Vendosme,son frere,le Vidame de Chartres,& autres pour ostages.

Le dixhuietiesme iour d'Auril,audiect an , trespassa de ce siecle tres-vertueux Prince Claude de Lorraine,Cheualier,premier Duc de Guyse , Per de France , gouverneur de Bourgongne,moult plainct & regreté,pour les bonnes vertus qui estoient en luy.

Le Roy de  
France en la  
ville de Bou-  
longne.

Le vendredy vingtcinquiesme iour d'Auril,feste saint Marc,à huit heures du matin, les Anglois meirent en possession les François de la ville , Chasteaux & Forts du Comté de Boulonnois,suyuant les conuentions & tiltres de paix,delaissans les Artileries munitions & viures,autant qu'ils en auoient trouué leans lors qu'ils y entrerent.

Le quinziesme iour de May ensuyuant le Roy de France entra dedans ladicte ville de Boulongne,ou il presenta en l'Eglise nostre Dame vne grande image,d'argent,qu'il auoit fait faire à l'honneur de ladicte Dame pour mettre au lieu de celle que les Anglois auoient transportée quand ladicte ville par composition leur fut liurée.

Le vingtseptiesme iour de Iuin,audiect an,la Roynne de France acoucha de so troisieme fils,& fut appelé Duc d'Alençon & d'Angoulesme : pour lequel fut fait grand ioye tant en la

en la ville de Paris, qu'ailleurs: & fut differé le baptême à saint Germain en Laye iusques au dernier iour d'Aoust ensuyuant: & furent ses parrains Maximilian Roy de Boesme: le Roy de Nauarre, & Renée Duchesse de Guyse.

Au moys de Iuillet audiect an, deceda au Chasteau de S. Germain en Laye, le bon seigneur de Humieres, lequel auoit eu par long temps le gouuernement des enfans de Frâce.

Enuiron lequel temps mil cinq cens cinquante, le grand Lieutenant du Turc fit voile sur mer, pour veoir & visiter le pais d'Afrique, en esperance d'entrer au Royaume de Portugal. Dequoy aduertty le seigneur d'Andridory, avec l'ayde du Visroy de Cecille, fit dresser vne grosse armée qu'il cōduit à l'encontre dudiect Lieutenant: lequel aduertty de ce, se retira, non sans grand perte & danger qu'il auoit receu des Portugalois, se fortifiant en vne ville audit pais d'Afrique pour resister aux Chrestiens. Parquoy, le Roy de Portugal estat aduertty du secours des Chrestiens, fit preparer ses nauires de plusieurs Artileries, & munitions de guerre, & gens d'armes de son pais, lesquels arriues avec les Chrestiens, fut aduisé mettre le canon deuant ladicte ville d'Afrique, lieu fort & opulent en marchandise. Apres plusieurs sommations faictes par les Chrestiens aux assiegez, fut dressé quelque nombre d'Artilerie, & si bien canonnez: de sorte qu'il y fut fait bresche, & entrèrent dedans les Chrestiens, & non sans grande resistance des infidelles, ou il mourut plusieurs Cheualiers de Rhodes, Neapolitains, & autres. Et y mourut de la part desdicts infidelles, tant Mores, Turcz que habitans, cinq mille homes, ou enuiron: de la part des Chrestiens d'vnze à douze cens: & fut leurdict port conquis victorieusement à l'honneur & gloire de Dieu. L'on estime ladicte ville auoir de circuit enuiron trois mil huit cens pas. Ladicte prinse fut faicte le septiesme iour de Septembre audiect an.

La ville d'Afrique prinse par les Chrestiens sur les Turcz.

Auquel moys la Roynie d'Escoffe, fille du feu seigneur le Duc de Guyse, arriua à Dieppe, auquel lieu fut par les habitans bien receuë, & de là vint à Rouen par deuers le Roy, lequel la receut benignement, auquel lieu le iour & feste saint Michel fit quatre Cheualiers de son ordre.

La venue de la Roynie d'Escoffe en France.

*De l'entrée du Roy & de la Roynie en la ville de Rouen.*



V premier iour d'Octobre ensuyuant, le Roy fait son entrée en la ville de Rouen, ou il fut receu par les habitans en toute bonne affection vouloir bon ordre & equipage, demonstrent le bon zele qu'ils auoient à leur Roy & seigneur. A laquelle entrée furent faictes grandes triumphes, tant en la ville, que sur l'eau, par diuers iours: & entre autres choses y auoit quantité de Sauuages, tant homes que femmes, qu'il faisoit moult beau veoir, lesquels feirent audiect Seigneur plusieurs beaux esbatemens. Et le lendemain la Roynie fait son entrée en ladicte ville, ou fut receuë par les habitans en pareilles triumphes, avec les Duchesses, Comtesses & autres dames de la court. Peu apres le Roy partit dudiect lieu, & s'en alla faire son entrée en la ville de Dieppe, & autres villes de Normandie.

Mil cinq cens cinquante.

Le quatorziesme iour de Novembre audiect an, le Pape Iules, tiers du nom, enuoya bulles à tous Prelats, & autres ayans interest: par lesquelles il les amonestoit se trouuer au Concile general en la ville de Trente, pour commencer lediect Concile, audiect lieu, le premier iour de May, lors ensuyuant, ce qui fut empesché au moyen des guerres qui seroient suruenues au pais d'Italie, & ailleurs, pendant lediect temps.

Le Concile conuocqué à Trente.

Le vingtiesme iour dudiect moys de Nouëbre, le Roy & la Roynie feirent leur entrée en la ville de Chartres: & depuis, desirant lediect seigneur visiter les villes, alla peu apres faire son entrée en la ville de Blois, ou il seiourna es enuirs par quelques temps: puis tira en sa Duché de Bretagne. Pendat ce il enuoya, en bonne cōpagnie & equipage, le seigneur de S. André, mareschal de France, & seneschal de Lion, par deuers le Roy d'Angleterre, ou il fit peu de seiour, à raison d'vne maladie, appelée la Suette, qui lors regnoit audiect pais: de laquelle y mourut en peu de temps grand quantité de peuple. Apres auoir seiourné en Bretagne, lediect seigneur se retira à Fontainebleau: & en passant fit son entrée en la ville d'Orleans, en laquelle fut receu des habitans en grand triumphe, honneur & obeissance.

Le Mareschal de saint André en Angleterre.

En l'an mil cinq cens cinquante & vn, le Roy print en sa protection la ville de Parme appartenant au seigneur Octauio frere du Duc Horace: pour laquelle rauoir, le Pape avec l'ayde qu'il tira de l'Empereur, leua vne armée & assiegea ladicte ville, avec la Mirandole, faisant vn merueilleux degast des biens estans sur la terre.

Mil cinq cens cinquante & vn.

Enuiron ce temps fut dressé à Paris vn Moulin sur la Riuere de Seine, auquel s'est for-

BB.v.



## LES CRONIQVES ET ANNALES DE FRANCE

gée monnoye d'or & d'argent si exinctement imprimée & arrondie, qu'il est impossible de mieux, en trop plus grand nombre & moindre frais qu'au parauant.

Defense de  
ne porter ar-  
gent à Rome.

Le Lundy septiesme du moys de Septébre, furent publiées lettres en la court de Parlement à Paris par lesquelles le Roy deffendoit ne porter or ny argent à Rōme, pour raison des benefices. Chose qui greuoit beaucoup le Pape & qui plus le contraignit à accorder treues avec le Roy: qui fut cause que le camp de la Mirandole & de Parme fut leué & les passages de Rōme ouuers comme au parauant. Auquel temps le Capitaine Poulain, seigneur de la Garde, print sur mer en la coste de Normandie, quelque quantité de Nauires, chargées de marchandises appartenans aux subiectz de l'Empereur allans & venans de Flandres en Espagne. Enuiron ce temps Montmorency, premiere Baronnie de France, fut erigée en Duché & Perrie. Sur ce mesme temps le seigneur Octauius Frenese meit la ville de Parme en la puissance du Roy de France, contre la volonté du Pape.

Le dixneufiesme dudiect moys, le Roy & la Roynie estans à Fontainebleau, ladiete Dame accoucha de son quatriesme fils, le baptisme fut differé iusques à quelque tēps apres.

Bournes mi-  
ses & assises  
dehors le  
fauxbourg  
de Paris.

Le cinquiesme iour d'Octobre ensuyuant furent mises & assises bournes hors les portes sainct Germain des Prez sainct Iaques, & sainct Marcel, en intention d'augmenter & croistre la ville de Paris. Enuiron ce temps aucuns Princes d'Allemagne entrerent en alliance avec le Roy, pour maintenir leur liberté.

Le douziesme iour de Nouembre, audiect an, le Roy estant à Paris ouyt la messe en la grand' salle du Palais, en la chapelle de mesieurs les Presidens acōpaigné de mesieurs les Cardinaux & autres seigneurs & Gentilshommes, ou assisterent en la maniere accoustumée, mesieurs les Presidens, Conseillers, & Officiers de la court de parlement. La messe dicte, ledit seigneur se transporta en la court ou en icelle, en sa presence, monsieur Bertrandi, garde des seaux, receut les sermens desdicts Presidens, Conseillers, Aduocatz, & Procureurs, ce qu'est ordonné d'estre fait par chacun an lediect iour.

Le Mercredy d'apres le Roy ordonna procesion generale estre faicte en ladiete ville, en laquelle fut porté le sainct Sacrement de l'autel, les saintes Reliques estans en la sainte chappelle du Palais, la chaste madame sainte Geneuiefue, & plusieurs autres. Et vindrent lesdictes procesions de la grand Eglise passer par dedans la grand salle du Palais iusques à la sainte chappelle, ou le Roy, la Roynie, mesieurs les Cardinaux, seigneurs, & Gentilshomes. Aussi mesieurs de la court de Parlemēt, des Comtes, la Ville, & autres, les attendoient. Et lors le Roy en grand hōneur & deuotion, ensemble la Roynie, portās chacun vn cierge blanc en la main. Pareillement tous les seigneurs & estatx, susdicts, conduiront & accompagneront lesdictes procesions iusques en la grand Eglise: en laquelle fut dit & celebré le diuin seruiice en grand deuotion.

Et le Lundy ensuyuant fut par ordonnance du Roy publié en ladiete ville vendre la chair à la liure, ce qu'au parauant n'auoit esté veu. Peu de temps apres lediect seigneur se retira à Fontainebleau: auquel lieu vint par deuers luy Ambassadeur de la part de nostre saint Pere le Pape, Ieronime Verallo, Cardinal du tiltre sainct Martin, es montaignes, Legat en France. Le Samedy, cinquiesme iour de Decembre, fut baptize audiect lieu monseigneur d'Angoulesme, & furent ses parrains l'Admiral d'Angleterre, ambassadeur pour & au nom du Roy Edouard d'Angleterre son maistre, & monsieur le Duc de Védosmois: & fut nommé Edouard alexandre. Le Mercredy ensuyuant, le Roy meu de deuotion partit dudiect lieu, accompagné de messeigneurs les Cardinaux, Seigneurs & Gentilshomes de sa maison, tous à pied, pour faire son voyage à nostre Dame de Clery.

Et le Dimenche d'apres lediect ambassadeur du Pape fit son entrée à Paris: auquel il fut, tant du Clergé, que de mesieurs de la court de Parlement, & autres Estats de ladiete ville bien & honnorablement receu. Apres tout cela, le Roy ayant prins congé en sa court de Parlement des gens de sa Iustice, dresé son armée en Champaigne, & laissé la Roynie Regente en France, print son voyage vers les Allemans ses alliez.

Mil cinq cēs  
cinquante &  
deux.

En l'an mil cinq cens cinquante & deux, au moys d'Auril, la ville de Metz, & le pais de Lorraine receurent le Roy & son armée en toute humilité. Et Chrestienne, fille d'Isabeau sœur de l'Empereur, & de Christiernus Roy de Dannemar, femme en premieres nopces de François Sforce Duc de Milan, & en secondes nopces du Duc de Lorraine, mit son corps, & celuy du petit Duc de Lorraine son fils, avec la Duché, à la protection & sauuegarde du Roy, qui les receut tres-voluntiers, la veille de Pasques.

Audiect an le Roy fut receu dedans Hagenau: mais, peu de temps apres, se deffiant de  
ses al-

ses alliés, non sans cause, s'en reuint par la Duché de Luxembourg, & print en son chemin Danuilliers, Iuoy, les villes & places de Cymay, Montmedy, Astenay, Lumes, Buillon, & moys de Iuin & de Iuillet, sur Charles d'Austriche son ennemy.

En ce temps la Royne Marie, sœur de l'Empereur, douairiere de Hongrie, tenoit la campagne en la Duché de Guyse, & pilloit, saccageoit, & brusloit par tout ou elle passoit: & mesmement brusla Veruins, Trespontz, & plusieurs autres villes & villages. Pour lesquels bruslemens empescher fut enuoyé d'Yuoy monsieur de Vendosme.

Au moys de Iuillet ledict Duc de Vendosme, Gouverneur pour le Roy au pais de Picardie, bien aduertty que le seigneur du Ru, Lieutenant pour l'Empereur, amenoit plusieurs Flamens, Haynuyers, & autres gens de guerre, pour empescher l'enuictuaillement de Therouenne, les rencontra & deffit pres ladicte ville, prenant sur eux iusques au nombre de treze à quatorze cens prisonniers. Peu de temps apres, ledict seigneur de Vendosme, estant allé assieger le Chasteau de Contes, distant de trois ou quatre lieues de Hedin, incontinent le print & mit en l'obeissance du Roy.

Enuiron ledict temps l'Empereur vint des Allemaignes à Thiouille, place de son obeissance. Puis en tout equipage necessaire, planta son camp deuant la ville de Metz: dedans laquelle estoit Lieutenant pour le Roy le Duc de Guyse: qui, entre autres fort sages factions, fit, durant le siege, vne tant heureuse saillie que plusieurs gros seigneurs de la paréte du Marquis de Brandebourg y furent deffaicts, & aucuns autres prisonniers.

Le seigneur du Ru, Lieutenant pour l'Empereur au pais de Flandres & d'Artois, durât le siege de Metz rascha à surprédre la Fere sur Oyse, appartenant à monsieur de Vendosme: mais elle fut si bien gardée par l'Admiral d'Annebault, que ledict seigneur du Ru, craignant que s'il venoit encor autre secours à ceux de la ville, ne se trouuast le plus foible, print chemin vers la ville de Chauny, & de la à Noyon: lesquelles il pilla & brusla, avec plusieurs villages des enuirs, faisant beaucoup d'autres inhumanitez par tout le pais de SanTERS, iusques à la ville de Roie: laquelle semblablement il pilla, saccagea & brusla. Puis s'en alla mettre son siege deuant le Chasteau de Hedin: qui luy fut rendu en peu de de iours: mais, assez tost apres, monsieur de Vendosme assiegea ledict Chasteau, & le batit de telle sorte que force fut aux Imperiaux de le luy mettre entre mains le vingt & troisieme iour de Decembre, l'an mil cinq cens cinquante & deux: & deslors fut baillé en garde, par mondict Seigneur de Vendosme, au Seigneur de Riou, lequel, quelque temps au parauant, auoit tenu & gardé le fort de Bolongne contre les Anglois.

L'Empereur, apres auoir long temps seiourné deuant la ville de Metz, & perdu grand nōbre de ses gens, & cōsommé la plupart de ses viures & munitiōs de camp, n'ayant es-  
Mil cinq ccs cinquante & trois.

perance de secours de gens ne d'argent, se retira secrettement de nuit à Thionuille, le premier iour de Ianuier, à son grand dommage, honte & cōfusion, & le lēdemain bien matin se retira le Duc d'Alb<sup>ert</sup>, & le surplus de ses gens, la plupart en grand desordre & pauureté. Le quatriesme iour dudit moys, le Roy, estant à S. Denis en France, en habit Royal, accompagné de la Royne, des Prelatz, Princes, & seigneurs de France, fit en toute cerimonie remonter les chasses de saint Denis & de ses cōpagnons, qui auoient esté descendues quand il voulut partir pour aller vers Allemaigne: & le huitiesme iour dudit moys fit assembler procesion generale, à Paris: en laquelle il se trouua, accompagné cōme dessus, pour rendre graces à Dieu le Createur.

En ladicte année mil cinq cens cinquante & trois, fut la ville de Therouenne prinse  
La prinse de Therouenne.

d'assault par les Allemans, Bourguignons, & Flamens, tenans le party de l'Empereur: & à ceste prinse furent tuez & mis à mort plusieurs de ceux de dedans. Tost apres, audit an, fut assiegée la ville & Chasteau de Hedin, & prinse d'assault par lesdictes gens de l'Empereur. A laquelle prinse fut tué le Duc Horace, qui auoit espousé la fille bastarde du Roy: & aussi pareillement fut prins prisonnier messire Robert de la Marche, Mareschal de France.

*Autres nouvelles additions depuis l'an mil cinq cens cinquante & trois iusques en l'an mil cinq cens cinquante & sept.*

EN l'an mil cinq cens cinquante & quatre, le Roy voyant que les ouuertes de la paix  
Mil cinq ccs cinquante & quatre.

entre luy & l'Empereur, par long temps demenees par le Cardinal d'Angleterre, Legat du Pape, ne peurent sortir à aucun effect, fait assembler & apprester toutes choses viles & necessaires au fait de la guerre: & le neufiesme iour du moys de Iuin le tout

## LES CRONIQVES ET ANNALES DE FRANCE

fut assemblée à Crecy en Laonois. L'armée fut diuisée en deux parties, dont l'une fut conduite par messeigneurs de Vendosme & le Connestable, laquelle tira à Estrée, puis à Auanes, prenant & ruinant les forts de Trelon, Glaion, & Simay releuez depuis deux ans qu'ils auoient esté abbatu. L'autre partie de l'armée estant souz la conduite du Marechal de saint André marcha à droit vers Maulbertfontaine, puis de là par vn tresdifficile chemin se rendit avec l'artillerie deuant la ville de Mariembourg: ou l'autre partie de l'armée peu apres se vint ioindre à ceste cy. Et endura ladicte ville de Mariembourg le siege par l'espace de trois iours, puis fut rendu bagues sauues, demeurans toutesfois les Gouverneur & Capitaines prisonniers.

Le Roy à mariembourg.

Le Roy arriua à Mariembourg le dernier iour du moys de Iuin, & mit ordre à ce qui estoit besoing, pour la garnison dudit lieu.

Au troisieme iour du moys de Iuillet l'armée se rendit à Ginez, ou elle demeura iusques au septiesme iour dudit moys. Puis en partit, & assiegea Bouines, ville des appartenances de l'Empereur: laquelle fut prinse d'assault, & ceux qui tindrent bon, mis à l'espee. La tour dudit lieu fut quelque peu defendue par quelques Espagnols, lesquels en fin se rendirent, leurs vies sauues.

En ce mesme temps, de l'autre costé de la riuere de Meuze, monsieur de Neuers avec vne autre grand' armée assiegea & mit son camp deuant la ville de Dinan, appartenant à l'Euesque du Liege, assise presque vis à vis de ladicte cité de Bouines: laquelle ayât quelque peu de temps tenu bon, se rendit à la mercy du Roy, qui, enuers les habitans, vfa de toute benignité & clemence.

Le Chasteau de Dinan deffendu par quelques Allemans & Espagnols en fin fut rendu & ruiné, & aussi la tour de Bouines, par le commandement du Roy.

Le camp du Roy deuant Mariemont.

Pendant ce temps l'Empereur auoit assis son camp pres la ville de Namur, pour la defendre, si le Roy la venoit assieger. Mais d'autre part le Roy, bruslant, gastant & destruisant tout le pais par ou il passoit (en reuence du degast & grande perte qu'auoient fait les gens dudit Empereur au pais de Boulonnois, ceste mesme année mil cinq cens cinquante & quatre) se campa deuant Mariemont, lieu de plaisance de Marie Roynne douairiere de Hongrie, fort sumptueux & excellent. Auquel lieu fut faite bresche le lendemain, & la place rendue, pillée & le tout mis à feu & à sang. Aussi fut bruslée & destruite la ville de Baur, ville fort ancienne, au vingt & troisieme iour dudit mois de Iuillet.

Au quatrieme iour du moys d'Aoust ensuyuant l'armée des François passa par deuant la ville de Bapaume: & cognoissant estre chose impossible d'y mettre ne tenir siege de plus pres d'une lieue, marcha outre, & vint deuant Fruges, lieu assis en maretz à vne lieue pres de Renty.

Deffaite de l'auantgarde de l'Empereur par monsieur de Guyse.

L'Empereur se vint camper au plus pres de l'armée des François: duquel l'Auargarde, au trezieme iour dudit moys d'Aoust, se rua & vint charger sus la compagnie de monsieur le Duc de Guyse, lequel avecques l'ayde & secours qui luy vint la deffit, qui espouuenta si fort & en telle maniere tout le reste de l'armée Imperiale, qu'elle se retira moult hastiue-ment en son camp, auquel ledict Empereur se fortifia, sans vouloir plus venir aucunement à la bataille: qui fut cause que le Roy, au veu de son ennemy, & sans estre par luy empesché, leua son camp, & se retira, pour ce qu'il auoit trop grande faute & necessité de fourrage, puis vint à Moncaboé, de là à la Chartroufe, pres la ville de Montereul. Et voyant que l'Empereur ne faisoit aucun semblant de se mouuoir, donna congé aux Suysses, & à son Arriereban: & se retirant en France, laissa monsieur le Duc de Vendosme, General du reste de l'armée, pour empescher à l'ennemy l'entrée du pais.

Au vingt & troisieme iour de Mars, mil cinq cens cinquante & quatre, auant Pasques, le Pape Iules, troisieme de ce nom, deceda. Le neuuiesme iour du moys d'Auril ensuiuant, fut esleu Pape Marcel, second du nom: lequel tost apres son election mourut. Paul, quatrieme de ce nom luy a succédé.

L'an mil cinq cens lv.

La prinse de Vulpian par les François.

L'an mil cinq cens cinquante & cinq, apres que par l'espace de deux iours entiers la ville & Chasteau de Vulpian, en Piemont, eust esté furieusement & viuement batue des François, le leudy vingtiesme du moys d'Auril elle fut rendue par cōposition, que ceux de dedans, qui estoient enuiron neuf cens homes braues & bien armez, en ce cōpris quatre cens chevaux d'Allemans, Espagnols, & Italiens, sortirent dehors leurs bagues sauues, enseignes desployées & tabourins sonnans: & que, à fin d'euiter infamie & reproche, & pour leur iustification, on tireroit contre ledict Chasteau cinquante coups de Canon. Lesquelz, fortans

sortans de là, & emportans tout le butin qu'ils auoient peu cōquester en vingt ans, se retirerēt en leur camp, au pont de Sture, lieu fort, qui est enuiron douze lieues par de là Turin.

En ces assaultz, entre ceux de grand renom, a esté trouué mort & occis le fils de Cesar de Naples, & le nepeue du Duc d'Albe blessé, tellement que l'on ny attendoit vie. Monseigneur de Bonniuet, Coronal de l'infanterie Françoisē, a esté aussi fort blessé: & pareillement le Comte de Creance, y a aussi esté trouué blessé en la teste, d'un coup de Harquebouzade: l'Escuyer du Prince de Condé mort, & douze des Gentilshomms de monseigneur le Duc d'Enghien blesez & naurez, desquels, & de plusieurs autres, tant blesez que tuez, ne disons les noms, à cause de briefuēté.

Ladictē année, mil cinq cens cinquante & cinq, a esté fort humide & pluuiēse, en telle maniere qu'il n'y a eu audict an nulle forme ny d'Esté, ny d'Yuer, pour les grādes pluyes qui ont continué tout du long de ladicte année.

Audict an, les Vignes furent vendangēes enuiron la Toussainctz & la sainct Martin d'Yuer, à cause de la grand' humidité & moyteur de la terre: & ont esté les vins, qu'on recueillit si fort peris & trempēz, combien qu'on en recueillit assez suffisamment, que ce n'estoit quasi qu'eaue.

En ceste mesme année, mil cinq cens cinquante & cinq, la riuere de Seine s'est par plusieurs fois desbordée, en Yuer, tant pour les grandes eaues pluuiiales, que pour estre la terre par trop abbreuēe & attrempée d'eaue. Mesmement qu'un Ruisscau, appelé la Riuere sainct Marcel, lez Paris, est tellement fort de son lieu & limites, qu'es rues dudit sainct Marcel & de l'Vrsine, es fauxbourgs, les Caues estoient pleines d'eaue iusques aux premiers estages des maisons, de sorte que la grand' habondance de l'eaue sortoit & regorgeoit par les Souspirailz desdictes Caues.

*Des treues faictes & accordées entre le Roy de France, l'Empereur, & Philippe son fils Roy d'Angleterre.*

**E**N la mesme année, mil cinq cens cinquante & cinq, le treziēme iour du moys de Feurier, fut la Treue faicte & accordée, entre treshaulx, tresexcellens & trespuissans Princes, le Roy de France Henry deuxiesme de ce nom, l'Empereur Charles cinquiēme du nom, & Philippe Roy d'Angleterre son fils, leurs hoirs, successeurs, Royaumes, païs, terres, & seigneuries tant deça que dela les Montz, pour le temps & terme de cinq ans ensuyuans & consecutifs, à commencer du cinquiesme iour dudit moys. Et pourront les subiets d'une part & d'autre aller, venir, sejourner, traffiquer, & marchander, en tous lieux & endroicts, tant par mer, par terre, que par eaues douces, librement & franchement, en payant toutesfois les droicts & subides deuz & accoustumés en temps de bonne paix. Et fut ladicte Treue publiée à Paris le seiziesme iour dudit moys de Feurier, par Valoys, premier Herault d'armes de Frāce, Sieur du Boullay, Afsisté de Bourgongne, Champagne, & Piemont, aussi Herault d'armes dudit Seigneur, avec tel ordre & cerimonies en tel cas requises & accoustumées.

Publicatiō de  
la Treue entre  
le Roy &  
l'Empereur.

Le Lundy ensuyuant, dixseptiesme iour dudit moys de Feurier, fut faicte procesion fort honorable par messieurs de la ville, pour rendre grāces à Dieu desdictes Treues, & le prier de les conuertir en longue & desirée paix.

L'année ensuyuant, mil cinq cens cinquante & six, fut enuoyé par nostre sainct Pere le Pape Paul quatriēme, le Cardinal Caraffe, Legat en France, lequel fut receu honorablement ainsi qu'il le cas le requeroit, puis vint faire son entrée en la ville de Paris, au moys de Iuin, laquelle fut moult triumpante & solennelle: apres auoir premierement seiourné quelque espace de temps à la Court à Fontainebleau, & tenu sur les fons la fille du Roy de France, & de madame Catherine de Medicis, Roïne, laquelle il nomma Diane.

L'an mil cinq  
cens lvi.

Pendant ce temps, par merueilleuse aduenture, de nuit fut mis le feu en deux basteaux tous chargez de boys & costeretz, & en un autre chargé de foing, sur la riuere de Seine, entre le Chasteau du Louure, & l'Hostel de Néelle, ausquelz basteaux ne fut possible en aucune maniere d'y approcher pour les sauuer, à cause de la grande chaleur dudit feu, joincte à la vehemente ardeur du Ciel, & furent tous lesdicts basteaux & marchandise bruslez iusques à ce qui estoit dedans l'eaue.

Grand fortune  
de feu ad-  
uenue sur la  
riuere.

Ceste année mil cinq cens cinquante & six fut du tout contraire à la precedente: car elle fut tant seiche & chaulde, que depuis le Careme iusques au temps de l'Yuer n'y eut aucunement de pluye, sinon à la veille & iour de feste Dieu: de sorte & en telle maniere

## LES CRONIQVES ET ANNALES DE FRANCE

que de la chaleur de l'air, qui estoit si grande & excessiue, tout brusloit quasi sur terre. Et par ladicte seicheresse furent les Vignes si hastiues que l'on vendengea enuiron le moys d'Aoust, & eust on des vins moult fors & chaleureux.

L'ordre que le Roy tint le iour saint Michel, en l'Eglise nostre Dame de Paris.

Le penultime iour du moys de Septembre ensuyuant, le Roy estant en sa noble ville & cité de Paris solenniza & festoya moult honorablement & triumpamment le iour & feste de saint Michel, qui est la feste des Cheualiers de son Ordre. Ou assisterent enuiron soixante Cheualiers dudit Ordre, en leurs habits & accoustremens à ce deputez & ordonnez par le Roy, à Vespres de la veille, & à la messe dudit iour: ou furent faits par le dict Roy de nouveaux Cheualiers, ausquels il donna le Collier de l'Ordre en la grand' Eglise nostre Dame de Paris. Puis le disner prins à l'Euesché se trouuerent lesdicts Cheualiers en habits de dueil à Vespres, & en ce mesme ordre à la Messe du lendemain, en ladicte Eglise, pour estre au seruice des trespassez suiuant leur coustume.

Ordonnance des Tauerniers & Cabaretiers.

Ordonnance à esté faicte par le Preuost de Paris, & publiée au moys de Novembre, mil cinq cens cinquante & six, audit lieu, par laquelle estoient exhibées & deffendues les Tauernes & Cabarets aux manans & habitans de la ville & fauxbourgs de Paris. De laquelle Ordonnance appellerent les Tauerniers & Cabaretiers en la Court de Parlement dudit lieu, en la grand Chambre duquel fut playdée la cause par l'Aduocat desdicts Tauerniers, & par vn autre Aduocat de ceux qui reçoient l'argent du huietième pour le Roy, contre l'Aduocat du Roy. Et fut audit iour du plaidoyé, qui estoit le dixhuitiesme iour du mois de Decēbre, confirmée & ratifiée ladicte Ordonnance, non seulement pour estre conseruée, gardée & entretenue en la Preuosté & Vicomté de Paris: mais par tout le Royaume de France entierement: laquelle, selon le vray iugement de toutes gens de bon aduis, est moult vrile & profitable.

Audit an mil cinq cens cinquante & six, au moys de Decembre vint vne Gelée fort aspre qui dura l'espace de trois sepmaines, en telle maniere que la riuiere de Seine estoit toute gelée & prinse, puis enuiron la fin dudit moys fut vn temps fort humide & moyte, tellement que les Neiges qui estoient sur les champs fondirent, & creut ladicte Riuiere en telle sorte qu'elle esleua & rompit tous les Glaçons, qui feirent moult grand domage à plusieurs grands basteaux & fonssetz, estans sur ladicte Riuiere de Seine, lesquels furent tous rompus & brisez desdicts Glaçons.

Mil cinq cēs cinquāte six.

L'an mil cinq cens cinquante & six, au moys de Decembre, monseigneur le Duc de Guyse fut enuoyé Lieutenant general par le Roy, en l'armée qu'il enuoya au pays d'Italie, pour ayder & secourir le Pape Paul, quatriesme du nom, montant au nombre d'enuiron quinze mil hommes de pied, cinq cens hommes d'armes, huiet cens cheuaux legers, avec Messieurs les Duc d'Aumalle, & Marquis d'Ellebeuf, freres dudit Seigneur, le Duc de Nemours, Comte d'Eu, Vidafme de Chartres, & plusieurs autres grands seigneurs & Gentilshommes François.

Prinse de la ville de Vallence.

En ce mesme temps la ville de Vallence, sur le Thesin, fut prinse d'assault par monsieur le Duc de Guyse, & mit en pieces quelque nombre d'Espagnols, lesquels luy cuydoient empescher le passage.

Audit temps, les Ducz d'Albe & de Florence estant aduertis de la venue dudit Seigneur de Guyse leuerent le siege de deuant la ville de Romme.

Edict du Roy.

Le premier iour du moys de Mars, audit an mil cinq cens cinquante six, fut publié en la court de Parlement, à Paris, l'Edict fait par le Roy, sur les mariages clandestins des enfans de famille, faicts sans le vouloir & consentement de leurs peres & meres.

Edict du Roy.

Le quatriesme iour ensuyuant dudit moys, fut publié en la court de Parlement, à Paris, vn autre Edict du Roy, sur le faict des femmes grosses, & des enfans mors nez.

Mil cinq cēs cinquāte six. Renouuellement de guerre.

Le quatriesme iour du moys d'Auril, l'an mil cinq cens cinquante & six, auant Pasques, fut faicte la premiere entreprinse des Espagnols sur la nouuelle ville de Rocroy, laquelle le Roy faisoit bastir, pour seruir de contrefort & appuy és villes de Mariembourg, & de Maubert-fontaine.

Prinse de Valsiniere.

Le dixseptiesme iour dudit moys d'Auril, la Vigille de Pasques, Valsiniere, ville du pays de Piemont, fut prinse par les François à force d'armes, avec moult grande perte de gens d'armes, tant d'une part que d'autre.

Prinse de Cairas.

Le dixneufiesme iour dudit moys d'Auril, l'an mil cinq cens cinquante & sept, Cairas, ville du pays de Piedmont, fut prinse par les François, au troisieme assault: & furent tous mis au fil de l'espee ceux qui portoient armes pour la garde & deffence de ladicte ville, qui fut chose grandement pitoyable & merueilleuse.

Le



Le dixseptiesme iour du mois de May, audict an mil cinq cens cinquante & sept, furent publiées en la court du Parlement à Paris les lettres parentes du Roy, que tous Archeuesques, Euesques, Prelatz, Curez, & autres, ayant charge d'ames, résideront en personne sur leurs benefices, & y prescheront ou feront prescher & annoncer la parolle de Dieu, sur peine de faillissement du reuenu de leurs benefices.

Edict du Roy.

Audict an, le septiesme iour du mois de Iuin, la Roynie d'Angleterre enuoya par vn Herault d'armes signifier la guerre au Roy de France, & se declarer son ennemye, le Roy estant pour lors en la ville de Reims.

La Roynie d'Angleterre denonce la guerre au Roy.

En ceste dicte année mil cinq cens cinquante sept, le dixiesme iour du mois d'Aoust, les François apres auoir fait entrer par force d'armes, & à la veue du camp des ennemis, quelque bon nombre de soldats dedans la ville de saint Quentin, & n'estant qu'une petite poignée d'hommes au regard du grand nombre desdicts ennemis, combien que de bonne affection & courage fussent bien autant, & aussi forts, fut aduisé, par deliberation des Chefz & conducteurs de l'armée, de ne faire teste d'auantage aux dessusdicts ennemis, & mettre en hazard vn affaire de si grande importance, sans plus auantageuse occasion. Parquoy suyuant cest aduis & deliberation eux retirant furent chargez de telle sorte par lesdicts ennemis que les premiers, rancz estant renuerséz tout le reste se mit en route & desordre, dont plusieurs furent tuez, & plusieurs prins prisonniers, & le demourant se sauua à la Fere, & autres lieux circonuoisins. En ceste rencontre & desastre fut tué en combatant vaillamment tres-vertueux, & magnanime Prince Iean de Bourbon, Duc d'Enghien, & aussi plusieurs autres, lesquels y sont mors avec gloire & loz immortel. Furent emmenez prisonniers Messieurs le Connestable estant fort blessé à la hanche, le Duc de Longueuille, le Seigneur Ludouic, Prince de Mantoue, & plusieurs autres grands Seigneurs & Capitaines. Se sauuerent Messieurs le Prince de Condé, le Duc de Neuers, le Comte de Sancerre, de Montmorency, & autres Seigneurs, Capitaines, & soldats, tant de gendarmerie, que de pied.

Defaite des François, à S. Quentin.

Les nouuelles de la dessusdicte route & defaite de l'armée Françoisse venues au Roy estant à Compiègne, ledict Seigneur se retira deuers saint Germain en Laye, & enuoya la Roynie son espouse à Paris, ville tellement, pour lors, troublée & en si grand' crainte, que chascun ne pensoit qu'à fuir & se sauuer soy & les siens. Et ayant ladicte dame Roynie remontré les grandes affaires & necessitez du Royaume, en la maison de ladicte ville, les Citoyens d'icelle accorderent volontairement au Roy trois cens mille francz.

Les Parisiens accordent trois cens mille francz au Roy.

En ce mesme temps, le Roy aduertit Monseigneur de Guyse de soy retirer d'Italie en France, & amener avec luy toute la gendarmerie qu'il auoit pendant lequel temps monseigneur le Duc de Neuers r'assembloit les forces du Roy en la ville de Laon, pour munir & fortifier les villes d'alentour.

Retour de monsieur de Guyse, du pays d'Italie.

Le vingtcinquiesme iour dudit mois d'Aoust, audict an mil cinq cens cinquante & sept, les ennemis se presenterent deuant la ville de Rocroy, pour attaquer l'escarmouche, & solliciter ceux de dedans de sortir; mais ils se retirerent avec leur courte honte & grande perte des leurs, & ne leur fut aucunement possible approcher le rampart de plus de quatre cens pas pres.

Audict an mil cinq cens cinquante & sept, le vingtseptiesme dudit mois d'Aoust, la ville de saint Quentin, en Vermandois, fut prinse d'assault par les ennemis, avec moult grand' perte des François, qui furent tous tuez, ou faictz prisonniers.

Prinse de S. Quentin.

Le sixiesme iour du mois de Septembre, audict an, le Castellet fut rendu audicts ennemis: laquelle place ils ont depuis fortifiée, comme saint Quentin & Han.

Prinse du Castellet.

Le douziemesme iour du mois de Septembre, audict an, le Chasteau de Han fut rendu au Roy Philippes, n'estant la place aucunement remparée ny fortifiée, & apres auoir receu & enduré à deux mille coups de Canon.

Prinse de Han.

Enuiron ce temps furent faictes monstres des gens de Mestier de la ville de Paris, hors ladicte ville entre saint Denis & la Chappelle.

Au mesme temps, la paix fut accordée entre le Pape Paul, quatriemesme du nom, & Philippes, Roy d'Espagne, & d'Angleterre.

Paix entre le Pape, & le Roy Philippes.

Le mesme iour, & le lendemain de ladicte Paix, aduint en la ville de Romme vne si grande & impetueuse rauine d'eaux du Tybre, que plusieurs Eglises, Monasteres, Pontz, & presque la tierce partie des maisons furent demolies, & grand' quantité d'hommes noyez & perduz.

## LES CRONIQVES ET ANNALES DE FRANCE

**Inondation  
à Nîmes.**

En ce mesme temps, en la cité de Nîmes, pays de Languedoc, tomba par l'espace de six à sept heures de nuict, vne telle & si impetueuse quantité d'eau de l'air, accompagnée de gresle de la grosseur d'esteufz, avec grandes coruscations, esclairs, tonnerres, & foudres, que si elle eut encores autant duré comme elle auoit fait, on estimoit que ladicte ville estoit en tref-grand dangier d'estre du tout, ou en partie, ruinée, tant estoit endommagée & gastée.

**Inondation  
à Florence.**

Audiect an mil cinq cens cinquante & sept, en ce mesme mois de Septembre, aduint en la Cité de Florence vn tel deluge d'eau par le fleuve Arno, qu'il fut noyé plus de quinze mil personnes, & estimoit le Duc de Florence y auoir perte & dommage en ladicte ville de bien dix millions d'or. Quoy voyant il ploia de grand' pitié & compassion qu'il auoit, & remit les tailles & subides à ses subiects iusques à certain temps.

**Inondation  
en Sicile.**

En ceste dicte année, au Royaume de Sicile y eut vne telle rauine & si impetueuse inondation d'eaux, qu'en la cité de Palerme, il y eut bien dix mil personnes noyées, & deux mil maisons ruynées & demolies.

**La Coqueluche.**

En cediect an mil cinq cens cinquante & sept, regna & courut vne maladie parmy le Royaume de France, qu'on appelloit la Coqueluche, laquelle maladie estoit moult longue & fort ennuyeuse, combien qu'elle ne fut point si dangereuse que celle qui regna audiect Royaume, en l'an mil cinq cens & dix.

Audiect an mil cinq cens cinquante & sept, furent veuz en l'air plusieurs signes & prodiges estranges en diuers lieux & places.

**Ennemis re-  
poussez de la  
Bresse.**

En ceste année certain grand nombre de gens amassez d'Allemands, Bourguignons, & Flamens descendirent au pais de Bresse, au nom du Prince de Piedmont, souz la charge & conduite du Baron de Polleuille: lesquels feirent contenance & semblant d'assiéger la ville de Bourg en Bresse: mais ils furent contraincts eux retirer peu de iours apres en la Franche Comté dont ils estoient venuz. A l'occasion de ceste descente d'ennemys, lon commença à faire trenchées & fortifier la ville de Lyon, & faire monstre des manans & habitans, pour la garde & defence d'icelle ville.

**Prise des  
fors de Nieul-  
lay, & de Ris-  
ban, & autres.**

Audiect an mil cinq cens cinquante & sept, le premier iour du mois de Ianuier, les troupes de monseigneur le Duc de Nevers arriuées & ioinctes avec celles de monseigneur le Duc de Guise, ledict Seigneur de Guise se presenta deuant le fort de Nieullay. Et à l'arriuée les hacquebuttiers François gaignerent vn petit fort, pallissé, & releué de terre, lequel les Anglois auoient basti à sainte Agathe, petit village, proche, & sur le commencement de la chaussée, qui va au pont de Nieullay, lequel fort lesdicts Anglois abandonnerent voyant marcher vers eux vne teste de noz hacquebuttiers, & se retirerent au grand fort de Nieullay. Tout sur l'heure monseigneur de Guise, & le Sieur de Termes recongneurent cediect fort de Nieullay, & feirent commencer les approches & trenchées, & amener l'artillerie, pour commencer à le battre au poinct du iour.

Ce mesme iour, la nuict estant venue, mondict Seigneur de Guise s'en alla reconnoistre les dunes qui sont de l'autre costé du pont dudiect Calais & le fort de Risban, qui commande à l'entrée du haure, & defend la venue de ladicte ville de ce costé: là ayant mené avec luy Messieurs le Duc d'Aumalle, son frere, le Marechal de Stroffy, ledict Seigneur de Termes, les Sieurs d'Estrée, grand maistre de l'artillerie, de Sensac, Tauennes, Dandelot, & de Senerpont, tous Cheualiers de l'Ordre, lesquels en approcherent de si pres, encores que le lieu soit fort chatouilleux que mondict Seigneur de Guise eut le moyen de le voir à trente pas pres, sans aucun alarme ne dommage.

Au mesme instant, estant la mer basse, il fit conduire par le sieur de Rendan, le ieune Allegre, & vn autre Gentilhomme en vn endroiect dudiect port, ou il auoit sceu qu'il y auoit vn passage pour le sonder, ce qu'il fit, & incontinent fut prins resolution avec les Capitaines d'assaillir tout d'vn coup le fort dudiect pont de Nieullay, & celui dudiect Risban, ou fut faicte telle diligence que le lendemain troisiésme iour de cedit mois, l'artillerie estant departie en batterie, deuât lesdicts deux fors, trois heures auant le iour, & vne heure apres commença ladicte batterie en l'vn & l'autre endroiect. Ceux dudiect pont de Nieullay apres auoir enduré quelques vollées de canon abandonnerent ledict fort se retirans dedans la ville de Calais: & vne heure apres ceux dudiect Risban se rendirent à la discretion dudiect Sieur de Guise, s'estans trouué dedans lesdicts deux fortz grand nombre d'artillerie & quantité de munitions.

En cestedicte année mil cinq cens cinquante sept, le sixiésme iour du mois de Ianuier, fut

fut faicte assemblée des Estats au Palais, à Paris, en la grand' salle de saint Louys, en laquelle assista le Roy, accompagné de monseigneur le Daulphin, & de plusieurs autres Princes, Seigneurs, & Cheualiers, avecques les gens du priué conseil, & aussi pareillement de Messieurs de la Court de Parlement.

Assemblée  
d'Estatz à Pa-  
ris.

*De la prinse des villes de Calais, Guynes, Hames, & de toute la Comté  
d'Oye, par monseigneur le Duc de Guyse, Lieutenant  
general pour le Roy.*



E huiictiesme iour dudit mois de Ianuier, audit an mil cinq cens cinquante & sept, les Anglois furent contraincts par force d'armes rendre la ville de Calais, aux François, qu'on estimoit imprenable, à telles conditions & capitulations qu'il pleut à monseigneur le Duc de Guyse. En icelle ville fut trouué vne grande & incroyable quantité de poudres, artillerie, munitions, laines, & viures, qui furent reseruez & retenuz, & le surplus donné en proye & pillage aux soldats, ou ils gaignerent beaucoup. Et fut ladicte prinse faicte en bien peu de iours, d'autant plus memorable, que regnant Philippes de Valloys, les Anglois tinrent le siege deuant ladicte ville vn an tout entier, lors qu'elle n'estoit si forte qu'elle est de present.

Prinse de Ca-  
lais.

Pendant ces entrefaictes, l'armée n'a point perdu de temps d'un autre costé, ayant couru toute la terre d'Oye, & icelle entierement remise en l'obeissance du Roy, ensemble tous les fors qui y sont: hors mis Guynes & Hames, & n'y auoit fort ou il ne se trouuaist grand nombre d'artillerie, de telle sorte qu'il se peut dire en auoir esté gaigné en ceste conquiste plus de trois cens grosses pieces, & aussi ledict pais d'Oye fort plein de viures pour nourrir ladicte armée du Roy par l'espace de plus de trois mois, encores qu'elle soit de bien trente mil hommes de pied, & de six à sept mille cheuaux.

Le quinziesme iour dudit mois de Ianuier, le Roy estant accompagné de monseigneur le Daulphin, & de cinq Cardinaux, avec tous les autres grands Princes & Seigneurs de son priué Conseil, tint le siege de Iustice en son Palais, à Paris, ou il fit lire en sa presence plusieurs Edictz & Ordonnances.

Audit an mil cinq cens cinquante & sept, le vingt & deuxiesme iour dudit mois de Ianuier, la ville de Guynes fut rendue & liurée aux François, aux conditions qu'il pleut à monseigneur le Duc de Guyse: lequel voyant icelle ville estre moult grandement auysible au chemin de France, à la ville de Calais, si elle estoit reprinse, & pour plusieurs autres considerations la fit ruiner & demolir.

La prinse de  
Guyse.

Incontinent apres la prinse de ladicte ville de Guynes, le Chasteau de Hames, qui est inaccessible pour l'assiette du lieu, fut laissé & abandonné par les Anglois, effroyez de si heureux succes & victoire des François.

La prinse de  
Hames.

En ceste dicte année mil cinq cens cinquante & sept, le sixiesme iour du mois de Feurier, le Chasteau de Herbemont, forte place, assise & située es Ardennes, fut prins par monseigneur le Duc de Niernoys.

La prinse de  
Herbemont.

*Du mariage de tres-noble & tres-excellent Prince François de Valloys,  
Daulphin aîné fils du Treschrestien Roy de France, Henry, second  
du nom, avec tres-excellente Princeesse madame Marie  
d'Estuart, Roynne heritiere d'Escoffe.*



N l'an de grace mil cinq cens cinquante & huiet, le dixneuuesme iour du mois d'Auril, furent faictes les fiançailles de monseigneur François, premier fils du Roy Henry, Daulphin de France, & de Marie d'Estuart, Roynne heritiere d'Escoffe, l'une des plus belles & vertueuses Princeesses du monde, en la grand' salle du Chasteau du Louure. Et apres qu'és mains de monseigneur le Cardinal de Lorraine ils eurent promis d'espouser l'un l'autre, fut dresé le bal Royal, auquel le Roy & la Roynne ballerent, & aussi tous les Princes & Princeesses, en signe de grand' ioye.

Mil cinq cens  
cinquante viij.

Mariage de  
monseigneur  
François,  
Daulphin, &  
de madame  
Marie Royn-  
ne d'Escoffe.

Le dimenche, vingtquatriemesme iour dudit mois d'Auril furent faictes les espousailles en l'Eglise nostre Dame de Paris, par monseigneur le Cardinal de Bourbon, Archeuesque de Rouen, en la presence de reuerend pere en Dieu monseigneur l'Euesque de Paris, lequel

## LES CRONIQVES ET ANNALES DE FRANCE

fit vne scientifique & elegante oraison aux asistans , avec grand' solennité & compagnie des Prelatz, Princes, Cheualiers, Seigneurs, Dames, & Damoysselles. Lors les Heraux crierent par trois fois à haulte voix Largeffe, & ietterent au peuple grand nombre d'or & d'argent, de toutes especes, & là y eut tresgrand tumulte du peuple, eux precipitans les vns sur les autres pour la cupidité d'en auoir. Ce pendant lesdicts Seigneurs entrèrent en ladiete Eglise, en laquelle l'Euesque de Paris dit & celebra vne Messe, avec si grand' dignité & reuerence, qu'il est impossible de le dire. Et la Messe paracheuée retournerent au logis de l'Euesché, ou ils dînerent, & ayans dîné fut dressé le bal Royal, auquel toute l'assemblée print grand plaisir. Le bal finy ils allerent soupper en la grand' salle du Palais royal, avec telle pompe, magnificence, & triumphe, que de memoire des asistans n'en fut oncques veu vn tel. Au moyen duquel mariage fut donné audiect sieur Daulphin, le tiltre de Roy Daulphin.

Le lendemain dînerent audiect Palais, & apres dîner s'en allerent au Louure, auquel lieu lesdictes triumphes continuerent par plusieurs iours, durant lesquels furent faicts plusieurs mariages.

Prinse de  
Thionuille.

Audiect an mil cinq cens cinquante & huiet, le vingt & troisieme iour du moys de Iuin, la ville de Thionuille fut rendue es mains de monseigneur de Guyse, Lieutenant general pour le Roy, apres auoir esté assiegée & battue par plusieurs iours, par lediect Seigneur, durant lequel siege le seigneur Pierre Stroffy, Marechal de France, fut tué d'une harquebuzade au dessus du tetin gauche, mondiect Seigneur de Guyse parlant à luy, & ayant l'une de ses mains appuyées sur son espaule.

Prinse d'Ar-  
ton.

Le deuxiesme iour du moys de Iuillet, audiect an, la ville d'Arton fut sommée de se rendre, dont ceux qui estoient dedans, craignant la fureur de l'armée Françoisse, sortirent par vne poterne, & abandonnerent ladiete ville apres y auoir mis le feu, lequel amorty & estainct lon fit abbatre & demolir les fondemens des murailles & fortifications, à fin d'oster l'occasion à l'ennemy de se fortifier de ce lieu.

Defaict des  
François.

Le trezieme iour dudiect moys de Iuillet, monsieur de Termes, apres auoir prins & saccagé Berghes, & Duinkerke, voulant pourfuyre sa fortune en la terreur & espouuement de tout le pais bas, fut defaict aupres de Grauelinet, & emmené prisonnier estant fort blessé, & plusieurs autres Seigneurs & Capitaines.

Armée de  
mer des en-  
nemys re-  
poullée.

Sur la fin de cediect moys de Iuillet, audiect an, vne armée de mer de six à sept vingts vaisseaux Flamens & Anglois, ayans costoyé & rasté les endroicts foibles de la coste de la Bretagne, aborderent & prindrent terre en vn haure nommé le Conquest, iusques au nombre de six ou sept mil, & pillerent & bruslerent le village de Conquest: lesquels s'estant iettez à la campagne, pour butiner, furent defaictz par monsieur de Kerfimon, partie d'iceux tuez, partie prins prisonniers, & le reste contrainct se retirer & sauuer dedas leurs vaisseaux.

Les deux ar-  
mées se cam-  
pent.

Audiect an mil cinq cens cinquante & huiet, sur la fin du moys d'Aoust, l'armée du Roy se campa aupres d'Amyens, le long de la riuere de Somme, & l'armée du Roy Philippes, le long de la riuere d'Aurhie: lesquelles deux armées se ramparent & fermerent de trenchées flanquées & armées d'Artillerie, comme si elles eussent delibéré y faire vn long sejour, & se matter l'une & l'autre par la longueur du temps: & de faict elles y demourerent enuiron trois moys sans riens faire: pendant lequel temps ces deux Princes se rangerent à receuoir & faire quelque bon accord, & se trouuerent les deputez d'une part & d'autre, pour ladiete paix, en l'Abbaye de Cercamp, en la separation des pais d'Artois, & Picardie, enuiron la my Octobre: & presque en ce mesme temps lesdictes deux armées s'eslongnerent & departirent.

Marie, royne  
d'Angleterre  
decedée.

Enuiron la fin du moys de Nouembre, audiect an mil cinq cens cinquante & huiet, Marie, Roynne d'Angleterre, femme du Roy Philippes, deceda, qui fit cause que les deputez pour la paix se departirent sur le commencement du moys de Decembre, & remeierent à conclure & paracheuer le surplus au moys de Ianuier ensuyuant, au Chasteau de Cambresis.

Obseques de  
l'Empereur  
Charles.  
Isabel, royne  
d'Angleterre.

Le vingtneufiesme iour du moys de Decembre, audiect an, le Roy Philippes celebra en la ville de Bruxelles, avec religieuses & deuotes ceremonies, les obseques de l'Empereur Charles cinquieme son pere, lequel estoit decedé au moys de Septembre, audiect an mil cinq cens cinquante huiet, en Espagne. Le quinzieme iour du moys de Ianuier, audiect an, Isabel, fille du Roy Henry huietieme, & d'Anne de Boulan (vne simple Damoysselle, qu'il

qu'il espousa pour son plaisir, & qu'il fit apres decapiter) fut declarée & couronnée Royne d'Angleterre, par les estats du pays. Le vingtseptiesme iour dudiect mois de Ianuier, audiect an, le Pape Paul priua trois de ses nepueux, de toutes auctoritez qu'il leur auoit cōmises & données, & remist & cassa tous Gouverneurs & Officiers, excepté ceux qui seroient par apres de rechef nommez par sa saincteté, avec inionction à seldiects nepueux de sortir de la ville de Romme, & aussi leurs seruiteurs & famille dedans douze iours.

Et le lendemain fut faicte audience publique, qu'il institua pour ouyr vne fois le mois les plainctes & doléances des subiects. Et depuis fit mettre vn tronc dedans l'Eglise saint Pierre, à Romme, duquel luy seul auoit la clef, pour receuoir & mettre les libelles & plainctes de chacun.

Le Pape donne audience à ses subiects.

Le cinquiesme iour du mois de Feurier, audiect an mil cinq cens cinquante huit, furent celebrées solennellemēt les nopces de monseigneur Charles, Duc de Lorraine, avec madame Claude, seconde fille du Roy Henry, en la ville de Paris. Les espousailles furent faictes en la grand' Eglise nostre Dame, en la presence du Roy, & de la Royne, & de plusieurs Prelats, grands Princes, Seigneurs, Dames, & Damoyelles: & durerent lesdictes nopces sept ou huit iours, ausquels il n'estoit veu & demonstré que tous plaisirs, & toutes sortes de ieux & passetemps, tant au Palais Royal, qu'en ceux de Messieurs de ceste maison de Lorraine: esquels se tenoit maison ouuerte, & se faisoient conuiues & distributions profuses, & à qui en vouloit, & aussi deuant le logis de monseigneur le Duc de Guyse fut fait vn Tournoy ouuert à tous Cheualiers, pour s'esprouuer en lice à la lance, & au combat de toutes sortes d'armes.

Nopces du Duc de Lorraine, & de madame Claude, fille du Roy.

Audiect an, enuiron la my Feurier, les dessuſdicts députez pour la paix, se trouuerent au Chasteau de Cambresis, maison de l'Euesque de Cambray. Et le troisieme iour du mois d'Auril, mil cinq cens cinquante neuf, fut conclue & arrestée ladicte paix. Et quatre iours apres fut publiée à Paris, & les feux de ioye faicts. Et le lendemain huitiesme iour dudiect mois, fut faicte procession generale autour de la Cité de Paris.

La paix accordée & publiée. mil cinq cens lix.

Enuiron ce temps fut enuoyé edict par le Roy à la Court de Parlement, à Paris, touchant les comittimus des Procureurs & Aduocats, en ladicte Court, dont & pour dissuader la verification d'iceluy Edict, Adrian Palue, docteur es droicts, & Aduocat en ladicte Court, fit vne tref-docte & eloquente Oraison, de *Aduocatorum privilegiu fori*.

Edict du Roy.

Le dernier iour du mois de May, audiect an mil cinq cens cinquante & neuf, fut publié en la Court de Parlement, à Paris, l'Edict fait par le Roy, sur le faict & reiglement du guet ordinaire de la ville, Cité, Vniuersité, & fauxbourgs de Paris.

Edict du Roy.

*Du mariage de Philippes, Roy des Espagnes, avec tref-vertueuse  
Princesse, Madame Elizabeth, aînée fille du Tref-  
chrestien Roy Henry.*



Vdiect an mil cinq cens cinquante & neuf, le vingt & deuxiesme iour du mois de Iuin, furent celebrées les espousailles & nopces du Roy Trescatholique, par monseigneur le Duc d'Albe, Procureur pour ledict Seigneur, avec tref-noble, & tref-vertueuse Princesse madame Elizabeth, fille aînée du Treschrestien Roy Henry, second du nom, en l'Eglise nostre Dame de Paris, avec moult grand solennité & assistance des Prelatz, Princes, Cheualiers, Seigneurs, Dames, & Damoyelles, tant des pais estranges, que de ce Royaume.

Mil cinq cens cinquante ix. Mariage du Roy Catholique, avec madame Elizabeth, fille aînée du Roy.

Et durerent les festins, triumphes & magnificences iusques à la fin dudiect mois, que ledict Roy Henry fut blessé. Enuiron ce temps, le Roy, accompagné de grand nombre de Cardinaux, Archeuesques, Euesques, & autres grands Princes & Seigneurs de son priué Censeil, tint son siege de Iustice en la ville de Paris, le Parlement estant, pour lors, au Conuent des Augustins. Et apres auoir ouyr les opinions de quelques Conseillers en ladicte Court, touchant le faict de la Religion & punition des Lutheriens, les fit arrester, & mener prisonniers en la Bastille.

Le Roy en son siege de Iustice, au Palais, à Paris.

En celle mesme année fut telle secheresse à Paris, durant cinq ou six mois, que lon passoit la riuere de Seine à pied sec du costé des Augustins: & pour lors là aupres fut trouuée vne grosse source d'eau viue, au grand soulagement de tout le voisinage.



# LES CRONIQVES ET ANNALES DE FRANCE

*Du trespas du Roy Henry, deuxiesme du nom : ensemble du mariage  
du tref-noble Duc de Sauoye, avec tref-vertueuse & sauante  
Princesse Madame Marguerite, sœur vniue  
dudict Roy.*

Mil cinq cēs  
cinquante ix.



Mariage du  
Duc de Sa-  
uoye, & de  
madame Mar-  
guerite sœur  
du Roy.

Estedictē année mil cinq cens cinquante neuf, le dernier iour dudict mois de Iuin, le Treschrestien Roy Henry, courant en Lice, ou Tournoy, lequel se faisoit en moult grand triumphe & magnificence, en la rue saint Antoine, en la noble ville de Paris, en resiouyſſance, & congratulation de la paix & dessusdictes alliances, fut frappé & blessé d'un coup de lance en la teste; duquel coup il demoura malade en son logis des Tournelles, durant laquelle maladie, le neuuesme iour du mois de Iuillet ensuyuant, furent faictes les nopces & espousailles de tref-noble & excellent Prince monseigneur le Duc de Sauoye, avec tref-vertueuse & sauante Princesse madame Marguerite, sœur vniue dudict Roy Henry, fille du feu Roy François, premier du nom, & de feu madame Claude, sa femme.

Trespas du  
Roy Henry,  
deuxiesme  
du nom, aux  
Tournelles, à  
Paris.

Et le lendemain, dixiesme iour dudict mois de Iuillet, le noble & puissant Roy Henry alla de vie à trespas. Et le douzième iour dudict mois son corps fut moult honorablement mis en cercueil de plomb, & son cœur fut séparément mis en autre petit cercueil de plomb. Et le dixhuitiesme iour dudict mois, le cœur dudict defunct Roy fut porté, par monseigneur le Prince de Condé, en l'Eglise du conuent des Celestins, pour y estre sumptueusement inhumé.

Et le vingt neuuesme iour dudict mois l'Effigie dudict Seigneur Roy fut posée en vne grand' Salle basse, qu'il auoit fait magnifiquement bastir en son parc des Tournelles, en laquelle Salle ladicte Effigie fut iusques à l'vnziesme iour du mois d'Aoust ensuyuant, que le corps dudict defunct Roy fut porté & conduit en l'Eglise nostre Dame de Paris, auquel lieu furent faictes les obseques & funerailles, selon qu'il est ac-

couſtumé en tel cas de toute ancienneté. Et le lendemain, douzième iour

dudict mois d'Aoust, fut porté, conduit, & conuoyé par tous les

Estatz & Ordres, tant de sa maison, que des Princes, Cardinaux,

Archeuesques, Euesques, Courts de Parlemēt, Aydes, Comptes

& autres Magistratz de Paris, iusques en l'Eglise & Abbaye

de saint Denis en France, en laquelle Eglise le lende-

main, trezième iour dudict mois d'Aoust, mil

cinq cens cinquante neuf, apres les obse-

ques & seruice faicts fut mis & in-

humé en la fosse & voute

preparée pour le-

dict corps.

Additions



**A** Pres le decez du Treschrestien Roy Henry, deuxiesme du nom (auquel par son cry, fait en la grande salle du Palais à Paris, & au Parlement, fut baillé tiltre de Prince tres belliqueux, l'amour de tous Estarz, accomply de bonté, prompt & liberal, secours des affligez, plein de vaillance & adresse) succeda à la couronne de France son filz aîné, François, deuxiesme du nom, aagé de quinze à seize ans: & commença à regner au moys de Iuillet, en l'an que dessus, mil cinq cens cinquante neuf. Auquel temps, in-

L'an mil cinq cens lix.  
Le Châcellier Oliuier, reuocé en l'administration de son Office, sceille la defense des hacquebutes & pistoletz.

continent apres le decez de son-dict pere, reuocqua Messire François Oliuier, Chancelier de France, en l'exercice de son Office: & à ce commencement de regne furent faitz plusieurs Edicts & Ordonnances: entre lesquelles Ordonnances fut deffendu par vne, datée du vingt & troisieme iour de Iuillet, à toutes personnes, de quelque estat, qualité, ou condition qu'elles fussent, de ne porter pistoletz ou hacquebutes, ne d'en tirer, ou faire tirer, en quelque sorte, ne pour quelque occasion que ce fust: nonobstant quelcōques priuileges, congez, ou permissions: que le Roy, de sa pleine puissance & autorité Royale, reuocuoit. Et ce sur peine à ceux, qui pour la premiere fois seroient trouuez portans lesdictz pistoletz ou hacquebutes, ou tirans d'iceux, de la confiscation desdicts bastons, & d'auantage, de la somme de cinq cens escuz d'or, soleil, d'amende: le tiers de laquelle seroit appliqué au denonciateur. Et, si les delinquans n'auoient dequoy payer ladicte somme, seroient enuoyez aux galeres, pour y seruir perpetuellement. Quand à ceux, qui pour la seconde fois seroient trouuez auoir delinqué, ilz seroient pendus & estranglez, sans qu'il fust loisible à nul Iuge, ou Officier du Roy, de rien diminuer ne moderer desdictes peines.

Aussi fut fait Edict, en date du dixhuitiesme iour d'Aoust: par lequel le Roy reuocuoit, cassoit, & anuloit, tous & chascuns les dons, cessions, transportz, alienations, & constitutions, qui auoient esté faites par ses predecesseurs, des membres, portions, & reuenus du domaine de la courōne de France, pour quelques causes, raisons, faueurs, considerations, & autres moiens, quels qu'ils feussent, & peussent estre exprimez & declairez es lettres sur ce octroyées & expediees, tant à perpetuité, à vie, & à réps, que pour seureté, engagemens, venditions, recompenses, faueurs, graces, bienfaictz, ou autrement, en quelque maniere & pour quelque personne que ce peust estre.

Edict pour la reuocatiō du domaine du Roy.

Et iceux ioingnoit, vnissoit, & incorporoit inseparablement, au corps de son domaine: nonobstant les verifications & expeditions, qui en eussent esté, ou peussent estre faites. Et vouloit, statuoit, & ordonnoit, lesdictes pieces, membres, & portions, estre remises & reunies en ses receptes ordinaires, sans que des lors, pour quelque cause, occasion, n'y à quelque personne que ce fust, aucunes donations, alienations, ne sur charges, en peussent par luy estre faites, tant du domaine qu'il tenoit pour lors; que de celui qui luy pourroit aduenir par apres: si ce n'estoit pour la constitution du dot & douaire de la Royne sa mere, ou d'autres Roynes, ou filles, issus de la maison de France, ou pour l'appanage de ses freres, ou enfant, fil plaisoit à Dieu luy en donner. Et, si par importunité de requerans, ou autrement, il en faisoit aucuns dons & concessions, il les declairoit nulles & de nul effect & valeur, & ne vouloit qu'aucunes lettres en fussent expediees, sellées, ne verifiées. Toutesfois en ceste reuocation ne vouloit & n'entendoit estre comprise la Duché de Berry, Seigneurie de Rommorantin, & autres terres, dont sa tante, Madame Marguerite de France, Duchesse de Sauoye & de Berry, iouyssoit par vsufruit, ne semblablement les Duché de Chartres & Comté de Gisors, & autres terres, qui auoient esté baillées en mariage à la Duchesse de Ferrare sa grāde tante, ne pareillement les terres & Seigneuries, sur lesquelles estoit assigné le dot de la feuë Royne Alienor, veufue du feu Roy François, premier de ce nom, son ayeul, desquelles iouyssoit sa cousine Madame Marie, Infante de Portugal, fille du premier mariage de ladicte Royne Alienor. D'auantage ne comprenoit, en ladicte reuo-

## LES CRONIQ. ET ANNALES DE FRANCE.

cation, les venditions, alienations, & engagemens, à pris d'argent, qui auoient esté faictz par ses predecesseurs Roys, pour subuenir aux grans & vrgens affaires, qu'ilz auroient euz à supporter pour le faict des guerres, & pour la deffense de ce royaume, & desquelz les deniers seroient venus & entrez en ses finances, reauement & de faict, & sans deguïsement, & dont les alienations se trouueroient auoir esté faictes conformement aux commissions & pouuoirs expediez sur ce.

Mort du Pape Paul iiii.

Ce mesme iour, dixhuietieme d'Aoust, le Pape Paul, quatrieme du nom, trespassa: & furēt enuoyez à Romme quelques Cardinaulx de Frāce, quelque peu de iours apres, pour la creation de son successeur.

Declaration du Roy sur la deffense des hacquebutes & pistoletz.

Le vingtiesme iour dudit mois, le Roy, estant à saint Germain en Laye, declaira, par vn breuet, expedie sur ce, & signé Duthier, qu'il n'auoit entendu, & n'entendoit comprendre, soubz l'Ordonnāce & deffense susdicte des hacquebutes & pistoletz, le Preuost de son Hostel, le grand Preuost de la Connestablie de France, leurs Lieutenans, Greffiers, & Archers, les Preuostz generaux des Mareschaux de France, & autres Preuostz desdictz Mareschaux prouinciaulx, leurs Lieutenans, Greffiers, & Archers, en portant par lesdictz Archers, leurs sayes de liurée, sinon quand il seroit question de les laisser, pour plus secrettement faire quelque exploit. Lesquelz Lieutenans, Greffiers, & Archers, seroient auoüez par lesdictz Preuostz: qui n'enrouleroyent, prendroient, n'auoüeroient, plus grand nombre de Lieutenans, Greffiers, & Archers, qu'il leur estoit permis prendre par leurs lettres de prouision. Semblablement la Maïesté exemptoit de la deffense susdicte les Capitaines & Archers de ses gardes, venans à son seruice, ou retournans d'iceluy, en portant par lesdictz Archers chacun son breuet, signé de l'un de ses Secretaires d'estat, & cōtenant la permission de porter lesdictes hacquebutes & pistoletz. Et, pour le regard des Capitaines, Lieutenans, & gardes des forestz, ayās telle exemption & reseruacion que dessus, lesdictz gardes seroient tenus de rapporter vn certificat du Capitaine, soubz lequel ilz seroiēt. Ausquelz Capitaines estoit aussi deffendu d'auoüer plus grand nombre desdictz gardes, que celuy qu'ilz auoient accoustumé d'auoir.

Exemption de la traite foraine.

Le vingt & neuuesme iour d'iceluy mois, le Roy par ses lettres patentes, données à Villers-costerets, confirma exemption des droictz de la traite foraine, resne, dommaine forain, & hault passage de son Royaume, octroyée pour vn an à tous Marchans, en datte du sixiesme iour de Iuillet precedent, par le feu Roy Henry son pere.

Reglemēt du nombre des Procureurs es Cours souveraines & autres Iurisdicions Royales.

Ce mesme iour le Roy ordonna qu'en ses Cours de Parlemēt, Bailliages, Seneschauces, Preuostez, & sieges y ressortissans, aucun ne seroit des lors en-auant receu à faire le serment de Procureur, outre ceux qui pour lors y estoient, iusques à ce qu'autrement en seroit par luy ordonné. Qui neantmoins deuoit estre, apres que le nombre desdicts Procureurs seroit tellement diminué, que lesdictes Cours verroient qu'il seroit requis, pour le bien public, & expedition des causes, y en mettre d'autres. Auquel cas, au rapport & par l'aduis desdictes Cours souveraines, la Maïesté seroit expedier les lettres de sublation desdictes deffenses, pour par lesdictes Cours, & autres ses Iuges inferieurs respectiuelement, estre, pourueu ausdictz estats & charges de Procureurs, en tel nombre que de besoing. Et, afin qu'icelles Cours peussent plus claiement congnoistre, & au vray, pour le regard des sieges inferieurs, & luy bailler leur aduis quād il seroit requis d'y mettre Procureurs nouveaux, elles s'en informeroient par les Iuges des lieux, & autres officiers, Aduocat, & Praticiens desdictz sieges, & en prendroient leur aduis, pour s'en aduertir. En deffendant trefexpressément ausdictes Cours, Baillifs, Seneschaux, Preuostz, & autres Iuges susdictz, qu'ilz n'eussent plus à proceder à la reception desdictz sermens des Procureurs autrement que dessus: & à ceux, qui poursuuyroient d'estre receuz esdicts estats, de n'auoir recours, pour cest effect, qu'à lesdictes Cours & Iuges inferieurs respectiuelement, selon la forme contenue en ceste Ordonnance, sur peine, ou ilz feroient le contraire (quelques lettres particulieres qu'ils peussent obtenir de luy à ceste fin: ausquelles ne vouloit lesdictes Cours & Iuges auoir aucun esgard) d'encourir en peine de faulx de tout ce qui seroit par eux faict, accordé, & procuré pour les parties, pour lesquelles ilz auroient occupé, & de tous despens, dommages, & interestz enuers icelles parties, & d'auantage, d'estre à iamais priuez de postuler, en quelque Court & Iurisdiction que ce fust.

Edict du Roy sur les couēti-cules illicites

Le quatrieme iour de Septembre, audit an mil cinq cens cinquāte neuf, ayant esté donné à entēdre au Roy que plusieurs assemblées & conuenticules illicites & nocturnes se

nes se faisoient à Paris & en quelques autres villes de son Royaume soubz couleur de Religion, & que l'on y prophanoit la sainte Cene, cōtre l'usage de l'Eglise Catholique, statua & ordōna, par Edict, que des lors les maisons, ou lon trouueroit & verifiroie que lesdictes assemblées & conuenticules auroient esté faictes, seroient rasées, demolies, & abbatuës, à perpetuelle memoire, sans qu'elles peussent plus estre rebasties, à l'aduenir: fust q̄ lesdictes maisons appartenissent à gēs d'Eglise, ou autres, de quelque qualité ou cōdition qu'ilz fussent, & que les propriétaires desdictes maisons y fussent demourans, ou qu'ilz les eussent baillées à louage, & fussent tenuës par locatifz.

Ce mesme iour, le Roy, estant à Villers-costerets, par Edict reuocqua, cassa, & annula, <sup>Edict sur les suruiuanes des Offices.</sup> toutes & chascunes les suruiuanes qui auoient esté par ses predecesseurs Roys admises de tous Estatz & Offices de son royaume & païs de son obeissance, concernans le faict de ses finances, de quelque tiltre & qualité qu'ilz fussent, Comptables ou non, & en quelque faueur qu'elles peussent estre admises. Voulant qu'elles demeurassent nulles & de nul effect & valeur, & que lesdictz Estatz & Offices fussent, apres le trespas des resignans, premiers possesseurs d'iceux, vaquans & impetrables, sans que ceux, en faueur desquelz lesdictes resignations à suruiuanse auroient esté admises, y peussent, en vertu des lettres qu'ilz en auroient obtenues, aucune chose pretendre, demander, ne quereller, en quelque maniere que ce fust: encores que par leursdictes lettres fust expressement derogé aux Ordonnances faictes, ou affaire, sur lesdictes suruiuanes: exceptez toutes-foies ceux, qui pour lesdictes resignations à suruiuanse auoient payé finances à lesdicts predecesseurs, & qu'ilz soient tourné à leur profit, sans fraude & sans deguisement: lesquelz seroient tenus d'en faire apparoir au Conseil priué, dedans trois moys apres la publication de l'Edict. Auquel cas pourroit sa Maieité ( si bon luy sembloit ) faire rembourser lesdicts resignataires des sommes qu'ilz auroient ainsi fournies, & leur en satisfaire par raison. Et ou sa Maieité ne voudroit faire ledict remboursement & satisfaction, ceux, qui auroient ainsi deüement verifié le payement de ladicte finance, auroient acte de la verification & lettres, pour les laisser iouyr de l'effect desdictes suruiuanes, sans aucun empeschement. Et en deffault d'auoir fait apparoir de ce que dessus dedans ledict tēps de trois moys, seroit par sa Maieité pourueu ausdictz Estatz & Offices, vacation aduenant par la mort desdictz resignans, premiers possesseurs d'iceux.

Audict moys de Septembre, le Roy, estant encor à Villers-costeretz, par Edict <sup>Edict sur la suppression des alienations.</sup> supprima & abolit tous Offices Comptables alternatifz, nouuellement crée & erigée, de quelque tiltre & qualité qu'ilz fussent, sans que ceux, qui en auoient esté pourueuz, & qui pouuoient estre ceste année là en exercice, le dernier iour dudit moys de Septembre escheu ( qui estoit la fin du quartier de Iuillet ) se peussent plus entremettre en l'exercice de leursdictes charges & Offices, ny en la perception des deniers d'icelles. Ce que sa Maieité leur deffendoit tresexpressement, sur peine d'encourir au crime & en la peine de peculat: reseruant neantmoins à ceux, qui pour la prouision de leursdictes Offices auroient fourny & payé deniers, qui fussent tombez és finances & au profit du feu Roy son pere, ou de luy, sans fraude & sans deguisement, & se retirer par deuers luy & les gens de son Cōseil priué, pour en faire verification: estant laquelle faicte, les feroit rembourser, assigner, & recompenser, ainsi qu'il appartiendroit par raison.

Le xv. iour d'iceluy moys, le Roy, procedant à son sacre & couronnement, fit son entrée en la ville de Reims: là ou il fut receu en tout deuoir d'honneur, par les habitans d'icelle ville: & le Lundy ensuyuant xvij. iour dudit moys, sa Maieité fut oingte & sacrée en la grand' Eglise, par le Cardinal de Lorraine, Archeuesque d'icelle Eglise, & Abbé de l'Abbaye de saint Remy, ainsi que les autres Roys, ses predecesseurs, en la presence des Princes de son sang, des Pairs de France, & de plusieurs autres grans Seigneurs, avec excellentes pompes & magnificences, y estans gardées & obseruées toutes ceremonies requises, ou accoustumées d'ancienneté. Incōtinent apres il partit de là, conuoyant son beau frere le Duc de Lorraine, & la Duchesse Claude sa sœur, iusques à Bar-le Duc: d'ou il reprint chemin en Frâce, s'en allant seiourner quelque temps en la ville de Blois: en laquelle fut reformée la suite de sa Court & la superfluité de ses Officiers. <sup>Le Roy à Blois.</sup>

Aussi fut là fait vn Edict, en date du septiesme iour de Novembre, audict an mil cinq cens cinquante neuf: par lequel le Roy statuoit & ordonnoit que tous ceux de ses Tresoriers, Receueurs, & Comptables, leurs Clercs & Cōmis, de quelque qualité qu'ilz fussent, ayant maniement de ses deniers & finances, qui se trouueroient auoir billonné <sup>Edict sur les billonnements des finances du Roy.</sup>

ses deniers, seroient punis de la vie, sans aucune moderation de peine, ny esperance de grace. Et pource que sa Maiesté auoit sçeu que la pluspart de telz billonnemens se faisoit par les Receueurs de ses tailles & aydes, vouloit & ordonnoit que deslors les Collecteurs desdictes tailles, & telz autres, qui iroient faire les payemens ausdictz Receueurs, meneroient avec eux vn ou deux tesmoins, dont l'un sçauroit lire, pour assister ausdictz payemens, & pouoir tesmoigner des especes, quand & à qui il appartiendroit. Lesquelz Receueurs seroient tenus exprimer en leurs quittances lesdictes especes, soubz peine de priuation de leurs Offices: & là ou ilz seroient refusans de ce faire, ou qu'ilz auoient faulxement exprimé en leursdictes quittances icelles especes, autres qu'elles ne leur auroient esté baillées, le Collecteur, ou celuy, qui leur auroit fait ledict payement seroit tenu de l'aller denoncer, tout à l'heure, au Iuge du lieu, & de ce faire examiner, & lesdictz tesmoins, sans que pour ce faire lesdictz Iuge & tesmoins peussent pretendre ne demander aucun salaire. Ce que sa Maiesté leur inhiboit & deffendoit & commandoit, & ordonnoit audit Iuge, sur peine de priuation de son Office, qu'il eust à enuoyer incontinent ledict examen & information par deuers sa personne & les gens de son Conseil, par la voye de la poste, & donner assignation audit Receueur de comparoit par deuant icelle Maiesté, ou sondict Conseil, à certain & competant iour, pour se veoir declairer estre encouru en la peine susdicte. Et afin de pouoir verifier en quelles especes lesdictz payemens auroient esté faitz, ledict Collecteur, quand il auroit payé porteroit & laisseroit le double de sa quittance es mains du Iuge du lieu: qui la feroit enregistrer au Greffe de sa Iurisdiction, pour y auoir recours, toutes & quantes fois que besoin seroit, sans que lesdictz Iuge & Greffier en peussent demander aucun salaire: & au demourant, garderoit & obserueroit ledict Collecteur ceste Ordonnance, sur peine d'estre puny corporellement, & de cinquante liures d'amende, à chascune fois qu'il y auroit defaill.

Lettres patentes du Roy au Preuost de Paris, pour auoir reuelation des conuenticules illicites.

Le trezieſme iour de Nouembre, ayant encor esté donné à entendre au Roy que l'on continuoit à faire plusieurs conuenticules & assemblées illicites, soubz vmbre de Religion, tant à Paris, qu'ailleurs, & que là on semoit & diuulguoit plusieurs propos contre son honneur & estat, & pour inciter son peuple à mutinerie & sedition, adressa lettres patentes au Preuost de Paris, ou son Lieutenant: par lesquelles luy mandoit & enioingnoit, qu'incontinent, apres la reception d'icelles, fait crier, à son de trompe, & cry public, par tous les carrefours d'icelle ville de Paris, & par tout ailleurs, ou besoin seroit, Que toutes personnes, qui auroient congnoissance de ceux qui feroient lesdictz conuenticules & assemblées illicites, tant de nuit que de iour, tant pour le fait de la Religion, que pour autre fin, quelle qu'elle fust, vint à les reueler à la Iustice, dedans le tēps qui leur seroit à ce prefix par iceluy Preuost, ou son Lieutenant, sur peine d'estre punis de telles & semblables peines que ceux, qui se seroient trouuez esdictz conuenticules & assemblées illicites. Voulant sa Maiesté qu'à celuy, qui premier viendroit à reuelation, & par le moyen duquel telles choses sauereroient, fust fait pardon, ores qu'il fust des complices & coupables: & d'auantage, que l'on luy donnast, pour loyer, la somme de cent escus, pour vne fois. Au surplus, luy mandoit & enioingnoit sa Maiesté, qu'il maintinst, gardast, & deffendist lesdictz reuelateurs, de toutes iniures, oppressiōs, & molestes: & les conseruast en & soubz la protection & sauuegarde de sadicte Maiesté.

Autres telles patentes contre ceux qui donneroient faueur à telz conuenticules.

Le quatorzieſme iour dudit mois, ayant semblablement esté donné à entendre au Roy qu'il se trouuoit à Paris beaucoup de personnes qui donnoient faueur à ceux qui estoient accusez d'estre sacramentaires, ou entachez d'autres crimes d'heresie, & pareillement à ceux qui hantoient & se trouuoient aux conuenticules & assemblées, & qu'ilz vsoient de menaces, iniures, ou intimidations, contre les Iuges, & autres les ministres, & contre ceux qu'ilz leur vouloient produire à tesmoins, despescha autres lettres patētes au premier des Conseillers de la Court de Parlemēt à Paris, au Preuost de ladicte ville, ou à son Lieutenant: par lesquelles leur mandoit, & cōmettoit, qu'à la requeste de son Procureur ilz s'informassent secrettement, diligēment & bien, desdictes faueurs, menaces, iniures, & intimidatiōs: & procedassent cōtre ceux, qu'ilz trouueroient chargez par ladicte information, à leur faire & parfaire leur proces, ainsi que de raison.

Edict sur lesdictz conuenticules.

En ce mesme mois, sans date de iour, fut aussi fait Edict irreuocable, donné en ladicte ville de Bloys: par lequel, pour les causes alleguées aux lettres patentes du trezieſme dudit mois, & pour obuier à quelques cōmencement de seditions, que l'on disoit auoir



auoir esté desia veuz en plusieurs & diuers lieux du Royaume de France, le Roy declairoit, statuoit, & ordonnoit, que tous ceux qui feroient conuenticules & assemblées illicites, tant pour la Religion, que pour quelque autre cause & occasion que ce fust, ou de nuit, ou de iour, & semblablement ceux qui s'y trouueroient & assisteroient, seroient des lors punis de supplice de mort, sans aucune esperance de grace, ne moderation de peine: & les maisons, où se feroient lesdictes assemblées & conuenticules, rasées & demoliées, sans pouuoir estre cy apres rebasties & réedifiées, suyuant l'autre Edict du quatriesme iour de Septembre precedent.

Le dixiesme iour du mois de Decembre ensuyuant, le Roy estant encores à Bloys, furent depeschées lettres patentes, sur le reiglemēt du bail à ferme du sel de ce Royaume, pour lestranger, iusques au terme de six ans: & encores autres telles, sur le bail à ferme des espiciers & drogueries, qui entrēt en ce Royaume, iusques au mesme terme de six ans.

Ce mesme iour fut aussi depesché mandement: par lequel le Roy reuoquoit, cassoit, & anulloit, toutes traictes de bleds & de vins, tant generales que particulieres, parauant octroyées: excepté qu'il permettoit la traicte de cinquante mil tonneaux de blé, & de cent mil tonneaux de vin, pour l'année prochaine, commençant au mois de Ianuier, à ceux qui auroient lettres des Commissaires, par luy sur ce deputées à Paris, pour puis apres augmenter ladicte traicte, selon qu'il verroit estre necessaire pour le bien & commodité de son peuple, & de ses voyzins. Ce que la Maiesté confirma encores puis apres par vne lieppe Ordonnance, en date du vingtiesme iour de Decembre, y denommant plus especiallement les Commissaires.

Le douziesme iour d'iceluy mois, Maistre Antoine Minart, tiers President du souverain Parlement de Paris, en reuenant du Palais, monté dessus sa mule, fut frappé d'un coup de Pistolet, en la vieille rue du Tēple, entre cinq & six heures du soir, à deux maisons pres de son logis: & deux heures apres, trespassa de ce siecle: dont Messieurs de la Court furent fort troublez: & combien que l'on fit grandes inquisitions & recherches, pour auoir congnoissance des meurtriers, avec promesse de grosse somme de deniers aux denonciateurs & reuelateurs, neantmoins l'on n'en peut rien auerir.

Le dixseptiesme dudit mois, fut faicte Ordonnance: par laquelle le Roy, estant à Chambort, deffendoit que nul ne tirast, ou recelast, ceux de ses subiectz, qui auoient esté condamnez à mort, ou à autres peines corporelles, ou bien à estre bannis du Royaume de France, sur peine d'estre tenus pour coupables & cōsentans des crimes, dont tels recelez auroient esté condamnez, & d'estre punis comme leurs allies & complices de la mesme peine qu'eux, & quant à ceux desdictz condamnez, qui tiendroient fors en leurs maisons & chasteaux, contre les Ministres de Iustice, fussent contrainctz par toutes voyes de faict, & iusques à tirer le canon contre eux, à obeir aux arrestz, sentences, & iugemens, contre eux donnez: & que pour memoire de leur rebellion, leurs places & maisons fussent abbatues, demoliées, & rasées, sans pouuoir estre puis apres rebasties, ne réedifiées: sinon par le congé & permission de la Maiesté.

Le vingt & troisieme iour d'iceluy mois, Maistre Anne du Bourg, Cōseiller du Roy en la Court de Parlement à Paris, & l'un de ceux, que le feu Roy Henry auoit faict constituer prisonniers, apres auoir ouy leurs oppinions sur le faict de la Religion, fut mené, à grande compaignie d'hommes armez, iusques à la place de Greue: là ou il fut pendu & estranglé, & son corps brulé & consommé en cendres.

Le propre iour de Noel audict an, le Cardinal Mediquin, Italien, fut esleu Pape, & nommé Pie, quatriesme du nom.

Le dernier iour dudit mois de Decembre, fut faict vn mandement par le Roy, estant pour lors à Bloys, au Preuost de Paris, ou son Lieutenant, sur la confirmation de tous offices royaux, tant ordinaires qu'extraordinaires du ressort de la Preuosté: à ce qu'apres la publication d'iceluy mandement, & la taxe de chacun Office entenduë par icelle publication, les Officiers eussent à aller prendre leur depesche à la Court du Roy, dedans le terme de trois mois pour tous delais, & cet.

Au commencement du mois de Ianuier, audict an, furent faictes & erigées six tournelles en la Court de Parlement, par le vouloir & commandement du Roy, à l'instigation d'aucuns de son priuē Conseil, pour vacquer à l'expedition des proces des Lutheriens: de sorte qu'il ne passoit gueres iour, que l'on n'en executast.

## LES CRONIQUE ET ANNALES DE FRANCE.

*Sainct Quentin, & autres places réduës au Roy & Madame Elizabeth de France menée au Roy d'Espaignes, son mary.*

Audiēt moys de Ianuier, les villes de sainct Quentin, Han, & Castelet, furent remises & renduës soubz l'obeissance du Roy de France, selon les conclusions & promesses de l'accord de paix: suyuant laquelle paix, Madame Elizabeth, aînée fille du feu Roy Henry, & femme de Dom Philippe, Roy des Espaignes, fut cōduite & menée par le Roy de Nauarre, par le Cardinal de Bourbon, son frere, & par le Prince de la Roche suryon, iusques en l'Abbaye de Roncevaux, pour estre liurée & baillée aux deputez d'iceluy Roy son mary: c'est à sçauoir au Due de l'Infantasque, & au Cardinal de Bourgues: qui la receurent en tresgrande pompe & magnificence.

*Preparatif du Roy pour enuoyer armée en Escosse.*

Le huitiesme iour d'iceluy moys, le Roy, voulant pourueoir à quelque tumulte, esleué en son Royaume d'Escosse, pour cause de la Religion, ordōna au Preuost de Paris, ou à son Lieutenant, par mandement expres, donné à Pontleuoy, de faire publier en son ressort & iurisdiction, que tous chefs, hommes d'armes, & archers des compagnies du Marquis d'Elbeuf, & des Seigneurs de Beauuais & de la Vauguyon, eussent à se trouuer aux lieux de leurs garnisons, & à la monstre qui se feroit d'icelles cōpaignies le vingtiesme iour du moys d'April ensuyuant, prestz en armes & en equipage pour faire voyage audiēt royaume d'Escosse, estant l'homme d'arme monté de deux bons cheuaulx de seruice, & l'Archer d'un tant seulement: avec lesquels il entendoit les faire embarquer pour ledict voyage.

*Edict sur les Iusticiers & Officiers, qui ne feroient leur deuoir contre les assemblées prétendues illécites.*

Au moys de Feurier, sans autre date du iour, estant tousiours donné à entendre au Roy, qu'ès assemblées, qui se faisoient en son royaume pour cause de Religion, l'on forgeoit plusieurs conspirations contre la republique, & à la subuersion de l'estat de son royaume, ordonna, par Edict irreuocable, que, quand il se trouueroit par apres que les Seigneurs Iusticiers des lieux, ou lesdictes assemblées seroient faictes, n'auroient fait le deuoir, appartenant à leursdictes Iustices, contre ceux qui seroient lesdictes assemblées, ou qui s'y trouueroient, iceux Seigneurs Iusticiers seroient priuez de leurs iustices, qui seroient reünies à celle de la couronne. Et si lesdictes assemblées se faisoient es lieux de sadiete Iustice, les Officiers seroient tenus d'en faire la poursuite & punition, portée par ses Ordonnances. Et en cas de negligence, dissimulation, ou conuiuance, seroient seldictz Officiers priuez de leurs estatz & offices, & declairez incapables de leurs offices royaux. Et afin que l'on peult veoir & cōnoistre quelle diligēce y auroit par eux esté faicte, vouloit & ordonnoit que lesdictz officiers, dedans vn moys apres que lesdictz cōuenticules auroient esté faictz, fussent tenus d'en aduertir les Procureurs generaux de ses Cours de Parlement: ausquelz ilz enuoyeroient vne copie des informations qui en auroient esté faictes, & autres pieces, par lesquelles il pourroit apparoir du deuoir qu'ilz auroient fait en cest endroit. Et au deffault de ce faire par eux, enioignoit à seldictz Procureurs generaux de les faire appeler en seldictes Cours, pour estre contre eux procedé par les peines susdictes.

*Autre Edict contenant abolition generale pour ceux qui partant auroient mal senty de la Foy.*

Au moys de Mars ensuyuant, le Roy statua & ordonna par Edict, leu, publié & enregistré au registre de la Court de Parlemēt à Paris, le Lundy vnziemesme iour d'iceluy moys, & eussi leu & publié en la chambre criminelle du Chastelet, & par les carrefours d'icelle ville, au mesme iour, que pour raison des crimes & cas quelzcoques, cōcernans le faict de la foy & Religion, ne seroit par apres faicte par ses Iuges, pour le regard du passé, aucune question à ses subiectz, de quelque qualité qu'ilz fussent, en iugement, ne hors iugement: deffendant tresexpresssement à tous de ne se reprocher aucune chose du passé, quant au faict de la Religion, sur peine d'en estre punis selon l'exigence du cas. De tous lesquels crimes & cas, cōcernās le faict de la foy & Religion, sa Maiesté faisoit pardon, remission, & abolition generale, de tout le passé, à tous ses subiectz, sans qu'ilz fussent tenus prédre autre pardon, ne remission speciale d'icelle Maiesté. Et moyennāt ce, seroient les coupables desdictz crimes & cas susdictz tenus de viure des lors en auant comme bōs catholiques, vrais fideles, & obeissans filz de saincte Eglise, & garder les institutions & cōmandemens d'icelle, ainssi que ses autres subiectz. Toutesfois n'entendoit cōprendre, en icelle abolition, les Predicans, ne ceux qui, soubz le pretexte de Religion, se trouueroient auoir conspiré contre la personne de la Royne sa mere, contre la sienne, contre celle de la Royne sa femme, contre celles de ses freres, ou contre celles des Princes, & de ses principaux Ministres, ou qui se trouueroient auoir machiné cōtre son estat: ne ceux aussi, qui par voye de faict & violence auroient recouru aucuns prisonniers des mains de Iustice, & rauy ses pasquetz, & excedé les porteurs.

Ce pen-

Ce pendant, & en ce mesme temps, l'estans quelques Gentilz-hommes du Royaume de France assemblez en armes pres la ville d'Amboyse (ou pour lors estoit le Roy, principalement accompaigné du Cardinal de Lorraine, & de son frere le Duc de Guyse) furent descouverts en certaine entreprinse, qu'ilz disoient faire pour le biē public, & pour deposseder quelques estrangers, qu'ilz pretendoient estre vsurpateurs du gouvernement du Roy & du Royaume, contre l'ancienne autorité des trois Estatz de Frāce, & aussi pour faire quelques remonstrances au Roy sur le faict de la Religion. Or, apres ceste descouverte, furent tellemēt atraits de parolles, qu'une partie d'eux posa les armes, s'en venans vers le Roy, en intention de luy faire leurs remonstrances seurement & sans danger de leurs personnes, selon la promesse qu'on leur en faisoit. Mais, estans arriuez en la ville, furent incontinent serrez en prison, gehennez, & condamnez à mort comme criminelz de leze Maiesté. Entre ceux qui furent ainsi exécutez, vn Gentilhomme de grande maison, nommé le Baron de Castelnau, fut descapité. Quant au chef de l'entreprinse nommé la Renauldiere (ainsi qu'il se vouloit ioindre au reste de la troupe, qui estoit demeurée aux champs) en tuant vn autre Gentil-hōme, appelé Pardillan (qui luy estoit enuoyé pour rencontre) fut aussi tué, par vn seruiteur d'iceluy Pardillan, luy tirant vn coup de hacquebute: & depuis, le reste s'escarta, & sauua, au mieux qu'il peut. Toutesfois, pource que l'on doubtoit qu'ilz ne se r'assemblissent, & iouassent à la desesperade, par crainte d'estre apprehendez les vns çà, & les autres là, & finalement menez à supplice de mort, fut faict Edict, publié en la ville d'Amboyse, le dixseptiesme dudit mois, par lequel le Roy statuoit & ordonnoit que par les carrefours & lieux publics de ses villes d'Amboyse, Tours, Chinon, Poitiers, Orleans, Bloys, & ailleurs ou il appartiendroit, seroit faict cōmandement, à son de trompe & cry public, à toutes personnes, de quelque qualité qu'ilz fussent, estans venuz, ou qui seroient en chemin de venir deuers luy, en troupes & assemblées en armes pour le faict de leur foy, que dedans vingt quatre heures deux fois, apres la publication d'iceluy Edict, ilz eussent à rebourser chemin, & eux retirer en leurs maisons paisiblement, deux à deux, ou trois à trois, pour le plus, sans piller, ne meffaire aux autres subiectz du Royaume. Et à ceux, qui par la maniere susdicte se retireroient dedans ledict temps, donnoit par compassion & misericorde, impunité du faict & cas dessusdict: & deffendoit à tous ses Iuges de leur en faire iamais question. Et quant à ceux, qui demeureroient obstinez en telle scandaleuse entreprinse, statuoit & ordonnoit, que ledict temps passé, en quelque part qu'ilz fussent trouuez, ou apprehendez, fussent pendus & estranglez sur le champ, de quelque qualité qu'ilz fussent, sans autre forme & figure de proces, nonobstant toutes appellations: & pour ce faict & egard, vouloit que tous ses Iuges en peussent iuger souuerainement: & en oultre permettoit à tous ses subiectz de les pouuoir appreheder de leur autorité priuée, au cas qu'ilz les trouuent en troupes & en armes: & s'ilz n'auoient force suffisante, leur permettoit d'assembler les Communes à son de cloche & de toxin, pour en faire les apprehensions, & en cas de resistance, leurs courir sus, avec impunité, comme estant ce faict contre trahistres & rebelles, & qu'au preneurs appartiendroit la moitié de leurs confiscations. Et neantmoins, afin que chascun congneust que les accez à sa personne estoient ouuers à tous, qui avec humilité & reuerence, & comme il appartenoit à bons & loyaux subiectz, voudroient venir deuers luy: pour y presenter leurs requestes, permettoit aux dessusdictz, qui se seroient ainsi retirez que dict est, d'enuoyer par deuers luy vn, ou plusieurs d'entre eux, avec leurs requestes & remonstrances, pour les faire par luy considerer, & sur ce leur pouruoir comme il appartiendroit: leur promettant, en parole de Roy, ne faire aucune question à eux, ny à leursdictz deputez, d'icelle presentation.

D'auantage, en ce mesme dixseptiesme iour de Mars, furent aussi depeschées lettres patentes: par lesquelles le Roy faisoit sçauoir à tous, que pendant & durant les mouuements & affaires qui s'offroient, il ordonnoit son Lieutenant general, François de Lorraine, Duc de Guyse, pour représenter sa personne, absente & presente, en ladicte ville d'Amboyse, & en telz autres lieux & endroits du royaume que besoing seroit, avec plain pouuoir, autorité, commission, & mandement special, d'assembler, toutes & quantes fois que besoing seroit, tous les Princes, Seigneurs, Capitaines, Gentilz-hommes, & autres, de quelque estat & condition qu'ilz fussent, ayans charge & cōduicte de ses gēs de guerre, tant de cheual que de pied, pour leur dire, ordonner, & cōmander, ce qu'ilz

Le tumulte d'Amboyse.

Edict d'abolition pour faire retirer ceux du tumulte d'Amboyse.

Le Duc de Guyse Lieutenant pour le Roy, contre ceux du tumulte d'Amboyse.

## LES CRONIQUE ET ANNALES DE FRANCE.

auroient à faire, pour le seruice, seureté, & conseruation de la personne & estat, & pour la repression & correction de l'esmeutte susdicte, & pour aduiser & deliberer avecques eux, quelles forces seroient promptement à leuer & mettre sus en icelle ville, tant à pié qu'à cheual, & avec quelles armes & equipage ils pourroient seruir, & iceux faire assembler à son de tabourin, & en faire les monstres & reueuës, pour faire punir, corriger, & chastier ceux qui se seroient esleuez contre la Maiesté, par les peines & rigueurs accoustumées en tel cas, & sans forme ne figure de proces. Et generalemēt commander, ordonner, pourueoir, & disposer de toutes choses, requises & necessaires à l'effect desusdict, tant pour l'artillerie, munitions, reparamens, & fortifications d'icelle ville d'Amboyse, & autres ou besoing seroit, que pour les fraiz, qu'ilz conuiendroient sur ce faire. Promettant en bōne foy & parole de Roy, auoir agreable tout ce que par iceluy Duc de Guyse se seroit fait, ordonné, & executé en ceste dicte charge de Lieutenant general, & le tout approuuer, quand requis en seroit. Si donnant en mādement, à tous ses Lieutenans, Gouverneurs, Marechiaux, Baillifz, Seneschaux, Preuostz, Iuges, ou leurs Lieutenans, Capitaines de ses gens de guerre, Maires, Escheuins, Consulz, & Gardes de ses bōnes villes, citez, chasteaux, forteresses, ports, ponts, passages, destroiēt & iurisdicōs, & à tous ses Iusticiers, & Officiers, qu'ilz obeissent & entēdissent, & feissent obeir & entendre, audit Lieutenant general, en tout ce qui leur seroit par luy ordonné & cōmandé pour le seruice, seureté & conseruation de la personne & estat, & pour la repression & correction de l'esmeutte susdicte, tant qu'elle dureroit seulement. Depuis lesquelles lettres depeschées, furent assemblées, alentour de la residence du Roy, plusieurs cōpaignies de gens de guerre, tant à pié qu'à cheual, nō sans grāde foule du pauvre peuple.

Le xxiiij. dudiēt moys, la Royne Elizabeth d'Angleterre declaira, par ses lettres patentes données à Vvestmontier, que les forces qu'elle auoit mises sus, ne rendoient à faire aucune guerre, ny acte d'hostilité contre les François ou Escossoys, ains seulement à garder son Royaume, si le Roy de France, qui de iour en iour enuoyoit gens en Escosse, vouloit tascher, apres auoir dompté les pretēdus rebelles Escossoys, ou autrement, d'enuahir sondiēt royaume, soubz la querelle de la Royne d'Escosse sa fēme: pour raison de laquelle il auoit chargé les armes d'Angleterre sur le tout de Frāce & d'Escosse.

Lettres & apologies sur le fait du tumulte d'Amboyse.

Le dernier iour d'iceluy moys de Mars, tousiours mil cinq cens cinquāte neuf, estāt encōres le Roy à Amboyse, furent adressées lettres patentes, soubz le nom d'iceluy, aux Cours souueraines de France, aux Baillifz, Seneschaux, & telz autres gens de Iustice, tendans à fin de leur faire croire que l'esmeutte susdicte, qui depuis a esté nommé le Tumulte d'Amboyse, estoit vne conspiration, faicte contre la personne du Roy, & à la subuersion de son estat, soubz vmbre de luy vouloir faire quelques remōstrances sur le fait de la Religion, & pour les aduertir de contenir le reste du peuple de leurs ressorts en vraye obeissance, l'admonnestant de son deuoir, & de se garder des conuenticules & assemblées illicites, pendant que lon assembleroit les Prelarz & membres de l'Eglise Gallicane, dedans six moys, pour reformer l'estat Ecclesiastique, & le reduire à son ancienne splendeur & integrité. Mais à telles lettres fut respondu par quelques Apologies, remonstrans avec plusieurs apparences de raisons, que l'on n'auoit rien voulu attenter contre la Maiesté du Roy ou de son estat, ne contre les Princes & Princeesses de son sang, ains seulement cōtre ceux que l'on disoit (reseruant tousiours la Royne mere) fēstre entremis du maniēmēt des affaires de Frāce, sans y auoir esté legitimemēt appelez: & des lors fut fort debatue entre gens de tous estatz sur la maiorité & minorité du Roy, tant par escriptures, que par dispute de bouche.

Mort du Chancelier Oliuier.

En ce mesme moys mourut le Chancelier Oliuier: & en sa dignité fut appelé monsieur de l'Hospital, pour lors resident en Piedmont, pres la personne de Madame Marguerite de Frāce, tante du Roy, & Duchesse de Sauoye: de laquelle il estoit Chancelier, pour la Duché de Berry.

Le quatorziēme iour d'Auril ensuyuant fut le iour de Pasques: auquel iour les gens de Iustice, les Secretaires d'Estat, Financiers, Notaires, & autres telles gens de pratique cōmencent leur année: qui fut pour lors contée mil cinq cens soixante.

L'an mil cinq cens soixāte. Ediēt sur la suppression des Offices nouueaux.

Au moys de May, dudiēt an mil cinq cens soixante, le Roy estāt à Rōmorantin, par Ediēt supprima & abolit les estatz & offices de Presidens, Maistres des Requestes, & Conseillers de ses Cours de Parlement, quand vacation y escherroit: & aussi les offices de Presidens & Conseillers de son Grand conseil, Presidens, Maistres, Correcteurs, &

cteurs, & Auditeurs de ses Châmbres des Contes, Presidens, Generaulx, & Conseillers de ses Cours des aydes, Presidens, & Cōseillers de ses Monnoyes, Presidens & Conseillers des Sieges Presidiaux, & l'un de ses Aduocatz esdictz Sieges, es lieux ou il s'en trouuera deux, Esleuz de sestailles en chascune Election de son Royaume, & generalement tous autres Officiers nouveaux & supernumeraires, quand vacation y escherroit par mort ou forfaiture, & iusques à ce que tous lesdictz estatz fussent reduictz au nōbre ancien, sans que par apres, lors de la vacation d'iceux, y fust par luy pourueu d'autres personna- ges, iusques à tant qu'ilz fussent reduictz au nombre ancien.

En ce mesme moys, & en la mesme ville, fut aussi fait Edict: par lequel le Roy de-  
 laissoit l'entiere cōgnoissance de tout crime d'heresie aux Prelatz de son Royaume, cō-  
 me à naturelz Iuges d'iceluy crime, & ainsi qu'ilz l'auoient anciennement: les admon-  
 nestant & exhortant de faire residence, en leurs dioceses, vacquer songneusement à la  
 reduction & constitution de la sainte Eglise, extirpation d'erreurs & heresies, & par  
 leurs bōnes mœurs, exemple de bonne & sainte vie, prieres, oraisons, preschemens, &  
 persuasions, reduire ceux, qui sont en erreur, à la voye de verité, & autrement procéder  
 ainsi que les saintz Conciles, Canons, & Decretz, ont ordonné. Interdisant à ses Cours  
 de Parlement, Baillifz, Seneschaux, & autres Iuges de n'entreprendre aucune congnois-  
 sance desdictz crimes d'heresie, & ne s'en meller aucunement: sinon en tant qu'ilz fus-  
 sent requis, par les Iuges d'Eglise de leur prester & bailler secours, pour les executiōs de  
 leurs ordōnances & iugemens. Et s'il y auoit aucuns desdictz Prelatz, qui ne feissent re-  
 sidence en leurs Eueschez, enioignoit expressement à seldictz Baillifz, Seneschaux, ou à  
 leurs Lieutenans, & à ses Aduocat & Procureur desdictz Bailliages, qu'ilz eussent à s'en  
 aduertir, & luy enuoyer les noms de ceux, qui ne resideroient & ne feroient le deuoir,  
 tel qu'ilz estoient tenus de faire, pour yser, ou faire vser contre eux, de telle contrainte  
 que il appartiendroit par raison. Et neantmoins par ce qu'il estoit nagueres aduenue (ce  
 que iamais il n'eust pensé pouuoir aduenir) qu'aucuns de ses subiectz, soubz espeece &  
 pretexte de Religion, auoient pris les armes, & s'estoient souleuez, pour troubler l'estat  
 & repos de luy & du reste de ses autres subiectz, cuidans plâter, par force, les nouuelles  
 opiniōs qu'ilz tenoient en la Religion, dont les vns auroiēt pris la hardiesse de venir ius-  
 ques à sa maison, avecques si mauuaise & damnable intētion, que si l'execution s'en fust  
 ensuyuie telle qu'ilz desiroient, il n'en pouuoit venir que la subuersion & desolation de  
 sondict estat. Sa Maiesté pour obuier que telle chose n'aduient par apres prohiboit &  
 deffendoit toutes assemblées illicites & forces publiques: declairāt ceux, qui se trouue-  
 roient en telles assemblées, ses ennemis & rebelles, & subiectz aux peines, qui estoient  
 establies contre les criminelz de leze Maiesté. Enioignant à tous ses Lieutenans gene-  
 raux, Gouverneurs de pais, Baillifz, Seneschaux, Preuostz des Mareschaux, & autres  
 ses Iuges, chascun endroit soy, d'entendre songneusement à ce que telles assemblées ne  
 se feissent: & ou ilz seroient aduertis d'icelle, se transporter sur les lieux, sans attendre la  
 requeste ou poursuite de ses Procureurs, ou de partie, prendre les delinquans, infor-  
 mer & instruire les proces contre eux: lesquelz proces, ainsi faitz & instruitz, vouloit  
 estre iugez en dernier ressort, au siege Presidial du lieu, ou seroit cōmis le delict, assistās  
 au iugement d'iceux les Presidens, Baillifz, Seneschaux de robe longue, leurs Lieute-  
 nans, ciuils, criminelz, & particuliers, & les Conseillers dudit siege, qui se trouueroient  
 sur les lieux, iusques au nōbre de dix, si tant s'en trouuoit: & en deffault d'eux, seroient  
 pris les plus anciens & fameux Aduocats dudit siege, qui se trouueroient sur les lieux  
 iusques au nombre de dix: lesquelz Iuges puniroient lesdictz delinquans, pour la seule  
 force, sedition assemblée illicite. Et afin que telles coniurations secretes vinsent plus  
 tost en euidēce, enioignoit, sur pareilles peines, à tous sçachans, cōsentans, ou recelans,  
 qu'ilz eussent incōtinent à icelles cōiurations reueler & deferer à iustice: ausquelz (s'ilz  
 estoient des cōplices) pardonnoit & donoit impunité: & (s'ilz n'en estoient) vouloit leur  
 estre donnée la somme de cinq cens liures tournois, à prendre sur les premiers & plus  
 clairs deniers procedans des biēs des delinquās. Declairoit aussi tous les Predicans, nō  
 ayans puissance des Prelats, ou autres, ayans pouuoir de les cōmettre faiseurs de cartels,  
 plaquars, ou libelles diffamatoires, Imprimeurs, vèdeurs, & semeurs desdictz plaquars &  
 libelles, rebelles, ennemys de sa Maiesté, & subiectz aux peines des seditieux & faiseurs  
 d'assemblées, & punissables par la façon, maniere, & mesmes Iuges q̄ dessus. Et neant-  
 moins, ne voulāt que par cest Edict les mauuais prinsissent occasiō de calōnier, declairoit

Edict sur la  
congnoissan-  
ce des Here-  
sies attribuée  
aux Palais.

Assemblées  
illicites & for-  
ces publiques  
deffendues.



Peine aux calomniateurs.

tous calomniateurs, & qui faulſement & malicieuſement defereroient eſtre ſubieçtz à pareilles & ſemblables peines, que ſeroient les accuſez, ſilz eſtoient conuaincus.

Articles de l'accord d'entre la Royne Regente d'Eſcoſſe, & les Proteſtans Eſcoſſoys.

Le vingt & troiſieſme iour de Iuillet, apres quelques exploitz de guerre, faiçtz entre les François, que le Roy auoit enuoyez en Eſcoſſe, & ceux des Eſcoſſoys, qui ſ'eſtoient eſleuez contre la Royne, Regente Douairiere d'iceluy Royaume, pour le faiçt de la Religion, & pour autres cauſes, furent accordez les articles ſuyuans. Premièrement qu'iceux Eſcoſſoys, Proteſtans vouloir viure ſelon la pureté de l'Euaſgile, leur ſuyte & compagnie, reſeruez les hōmes de l'Islebourg, partiroident de ladiçte ville, le lendemain de bon matin, laiſſans icelle ville vuide & ſans aucuns de leurs gens de guerre, ainſi qu'il auoit pleu à la Royne Regente le deſirer. Les Proteſtans rendroient tous les coings de la monnoye par eux pris, & iceux deliureroient entre les mains de ceux, qui en auoient charge de ladiçte Dame: & ſemblablement le Palais, aſſis pres l'Abbaye ſaincte Croix, ſeroit par eux laiſſé & rendu au concierge d'iceluy, ou autre, ayant pouuoir ſuffiſant de ladiçte Dame, en meſme eſtat qu'il fut receu: & ce auant que partir de ladiçte ville de l'Islebourg: Et pour l'oſeruation des deux deſſuſdiçtz articles, les Seigneurs de Ruſſien & de Petatro ſeroient entrepleigées. Leſdiçtz Proteſtans, & tous ceux qui en deſpendoient demeureroient ſubieçtz & obeïſſans à l'autorité du Roy & Royne, leurs ſouuerains, & à la Royne Regente: & obeïroient à toutes les loix & couſtumes du Royaume, tout ainſi qu'elles eſtoient vſitées parauant ce trouble & controuerſe: excepté en ce qui concerne le faiçt de la Religion: ainſi qu'il ſera cy apres ſpecifié. Leſdiçtz Proteſtans ne troubleroient, ny ne moleſteroient les gens d'Egliſe par voye de faiçt, en leurs perſonnes, ny ne leur feroient aucun empeſchement en ce qu'ilz iouiſſoient & recueilloient de leurs rentes, profits, & deuoirs de leurs benefices: ains pourroient franchement en vſer & diſpoſer, ſelon les loix & couſtumes du Royaume iuſques au dixieſme de Ianuier enſuyuant. Leſdiçtz Proteſtans n'vſeroient par apres d'aucune force ou violence ſur les Eglifes & monaſteres: ains demeureroient en leur entier & eſtat, comme ilz eſtoient pour lors, iuſques audict iour. La ville de l'Islebourg choiſiroit ſans contrainte, & vſeroit de telle forme de Religion qu'il luy plairoit: afin que les habitans d'icelle peuſſent viure en liberté de conſcience, iuſques audict iour. La Royne Regente ne interpoſeroit point de ſon autorité, pour moleſter ne troubler les Preſcheurs deſdiçtz Proteſtans, ou empeſcher aucuns d'iceux en leurs corps, biens, terres, poſſeſſions, ou péſions: & ne ſouffriroient le clergé, ayans la ſpirituelle, ou répoſelle iuriſdiction, les troubler en aucune maniere, pour le faiçt de la Religion, ou pour autre action, en deſpendant, iuſques audict iour: & que chaſcun pourroit viure en particulier ce pendant, ſelon ſa cōſcience. Le vingtcinquieme dudit mois, eſtant le Roy à Fontainebleau, fut faiçt Edict: par lequel il ordōnoit que tous ſes Iuges des plus prochains lieux, eſquelz ſeroient aſſis & ſituez quelques Hoſpitaux, Maisōs Dieu, Maladeries, Aulmoſneries, Leproſeries, & autres telz lieux pitoyables, ſeroient tenus, dedans vn mois, apres la publication d'iceluy Edict, faire ſaiſir tout le reuenu deſdiçtz lieux, qui ne ſe trouueroient regis & gouuerner par les villes & Communaultez, ou gens par elle deputez, & eſtablir Commiſſaires gens de bien, reſſeans & ſoluables, nonobſtant oppoſitions ou appellations quelconques, & ſans preiudice d'icelles. Par leſquelz Cōmiſſaires ſeroit bien & deuement regy & gouuerné le reuenu deſdiçtz lieux, & diſtribué loyalement aux pauvres, & faiçt faire le ſeruite diuin y accouſtumé: le tout par prouiſion, & iuſques à tant qu'autrement en fuſt ordonné par luy, ou par les Cōmiſſaires, qui pour ceſt effect y ſeroient par luy deputez. Et enioignoit à ſeſdiçtz Iuges, chaſcun en droict ſoy d'enuoyer, deuers les Preſidens de ſes Cours de Parlement, ſoubz le reſſort deſquelles ilz ſeroient, & leſquelz ilz cōmettoient à ce, dedans vn mois apres enſuyuant, les proces verbaulx des executiōs, qu'ilz auroient faiçtes, ſelō ce q̄ deſſus, pour ſur le tout eſtre par luy pourueu, ſelon les Ordōnāces de ſes feux ayeul & pere, & ſelon l'aduiz qui luy ſeroit enuoyé par ſeſdiçtz Preſidens, ſigné pour le moins de deux ou trois d'eux, & de ſon Procureur General, ainſi que de raiſon. Et en default de luy auoir obey par chaſcun de ſeſdiçtz Iuges, apres les deux mois, que deſſus eſcheuz, & paſſiez, ſuspendoit de leurs eſtarz les deſſailans, & leur deſſendoit l'exercice, iuſques à ce que autrement en fuſt par luy ordonné: interdisant neantmoins à tous ſeſdiçtz Iuges & Officiers, de prédre aucun ſalaire pour les vacations qu'ilz auroient faiçtes en executant iceluy ſon mandement.

Edict ſur les Hoſpitaux, Maisōs Dieu, Maladeries, Aulmoſneries, Leproſeries, & autres lieux pitoyables.

En ce meſme mois de Iuillet, audict an, & en ce meſme lieu, fut auſſi donné vn Edict

dict, par lequel le Roy statuoit, & ordonnoit, que tous les Gouverneurs de ses Prouin- <sup>Edict sur la</sup> ces & leurs Lieutenans, Baillifz, Seneschaux, & autres ses Officiers, eussent à se re- <sup>residence des</sup> rirer es lieux de leurs Gouvernement, Bailliages, Seneschauccées, & charges, pour y <sup>Gouverneurs</sup> faire dorenavant leur residence actuelle & continuelle, & exercer en personne leurs <sup>de Prouinces</sup> estatx & offices. Dequoy il auroit ia aduertty les Gouverneurs & leurs Lieutenans pour <sup>& telz autres</sup> n'y faire faulte. Et quand ausdictz Baillifz, Seneschaux, Preuostz, & autres Offi- <sup>grands Offi-</sup> ciers, vouloit que ce fust quinze iours apres la publication qui seroit faicte de cest <sup>ciers du Roy.</sup> Edict: & ce soubz peine de priuation de leurs estatx & offices: lesquelz en cas de de- fault, il declairoit vaquans & impetrables. Mandant à ses Procureurs esdictz Baillia- ges, Seneschauccées, & autres lieux de la residence de seldictz Officiers, soubz les mes- mes peines que dessus, que ledict terme de quinze iours expiré & passé, ilz eussent à l'aduertir des deffailans, pour y pourueoir ainsi que dessus. Et pource qu'il y a quelques vns desdictz Baillifz, & Seneschaux, qui exercent lesdictz estatx en robe loque, iceluy vouloit qu'ilz ne laissassent pour cela d'y vacquer aux choses, qui depédroient du faict de la force, selon qu'il estoit permis generalemēt à tous Baillifz & Seneschaux & cōme ilz feroient, ilz tenoient lesdictz estatx en robe courte, & que les Nobles du Ban & Arriereban, estans ou dedans de leursdictz Bailliages & Seneschauccées, & les Commu- nes du plat pais, eussent en cela à leur obeir.

Encores en ce mesme moys de Iuillet, audict an, & lieu, fut donné vn autre Edict, <sup>Autre Edict</sup> perpetual & irreuocable: par lequel le Roy deffendoit & prohiboit à tous ses Gouver- <sup>& deffense à</sup> neurs, leurs Lieutenans, Presidents de seldictes Cours, Thresoriers, Generaux, & ge- <sup>telz Officiers</sup> neralement à toutes personnes, de prendre & receuoir dons & presens, en or, argent, <sup>de ne riē exi-</sup> ou autres especes quelzconques, de ses subiectz, fust par forme de don, action, re- <sup>ger du peu-</sup> compense, salaires, taxations de voyages, & vacquations; en aucune maniere que ce fust, pour estre venus ausdictz Estatz, ou ailleurs, ou autre quelconque pretexte & couleur: ne d'estre auteurs, Ministres, ou moyens d'iceux faire baillier, octroyer, & venir ens, sur peine du quadruple enuers seldict peuple, sur lequel telz deniers au- roient esté leuez, & au quadruple enuers seldict Maiesté, & oultre, contre ses Ma- gistratz & Officiers, sur les peines, qui sont de ce droit establies au crime, de concus- sion & repetundes: ausquelles peines ilz seroient subiectz: encorēs que seldict peu- ple voulust, & consentist tel don, lors par- auant, ou apres, ou que lesdictz preneurs, eussent obtenu lettres de seldict Maiesté, deuant ledict Edict, ou apres, à fin d'estre dispensés de cest Edict. Lesquelles lettres, il declairoit nulles, & de nul effect & valeur: & sans auoir esgard à icelles, enioignoit à ses Procureurs, qui estoient pour lors, & seroient par- apres, de poursuyure ceux, qui auroient ainsi mal prins, & leurs heritiers, tant pour le principal que peines applicables à luy, & à son peuple. Lequel sien Edict, vouloit auoir lieu pour l'aduenir, & sans l'estendre, & tirer en ar- riere, aux dons & presens, qui parauant auoient esté accordez par lesdictz Estatz, à leurs Gouverneurs, ou doncques il restoit encorēs quelque chose à payer. N'entendi- doit aussi deffendre, ou empescher, par cest Edict, qu'il ne fust faicte taxe raisonnable, pour les fraiz & vacquations seulement, à ceux qui veritablement, & sans aucune fraude, auroient esté employez aux affaires & negoces d'iceluy peuple: comme Sindics, Procureurs, & autres, & qui se feroient bien & diligemment acquitez de leurdict charge: lesquelz deniers toutesfoi, ne autres quelconques, ilz n'imposeroient, ny ne leueroient, sur seldict peuple, sans congé & licence de la Maiesté, & sans lettres paten- tes de seldict grand seau: ausquelles lettres seroient attachées les parties par le menu & la taxe qui en auroit esté faicte.

Semblablement en ce mesme moys de Iuillet, & lieu, fut faict autre Edict: par le- <sup>Edict sur la</sup> quel le Roy statuoit & ordonnoit que femmes veufues, ayans enfant, ou enfans, ou <sup>restrictio des</sup> enfans de leurs enfans, si elles passoient à nouuelles nopces, ne pourroient donner de <sup>dons & libe-</sup> leurs biens, meubles, acquestz, ou propres à leurs nouveaux maris, pere, mere, ou en- <sup>ralitez de</sup> fans desdictz mariz, ou autres personnes, qu'on peust presumer estre par dol, ou fraude, <sup>ceux & celles</sup> interposée, plus qu'à l'un de leurs enfans, ou enfans de leurs enfans. Et s'il se trou- <sup>qui passent à</sup> uoit diuision inegale de leurs biens, faicte entre leurs enfans, ou enfans de leurs enfans, <sup>secōdes nop-</sup> les donations, par elles faictes à leurs nouveaux marys, seroient reduictes à la raison <sup>ces.</sup> de celuy des enfans, qui en auroit le moins. Et au regard des biens à icelles veuf- ues acquis par dons & liberalitez de leurs deffunctz marys, elles n'en pourroient faire

## LES CRONICQ. ET ANNALES DE FRANCE.

aucune part à leurs nouveaux marys : ains seroient tenuës les reseruer aux enfans communs d'entre elles & leurs marys, de la liberalité desquelz iceux biens leurs seroient aduenus. Le semblable dequoy vouloit estre gardé es biens qui seroient veuz aux marys par dons & liberalitez de leurs deffunctes femmes: tellemēt qu'ilz n'en pourroient faire don à leurs secondes femmes : mais seroient tenuz les reseruer aux enfans, qu'ilz auroient euz de leurs premieres. Toutesfois n'entendoit, par cest Edict, bailler ausdictes femmes plus de pouuoir & liberté de disposer de leurs biens, qu'il ne leur loisoit par les costumes des pais: ausquelles il ne derogeoit, en tant qu'elles retraignoient plus auant la liberalité desdictes femmes.

Declaration  
du Roy sur la  
cognoissance  
des assemblées  
illicites & for  
ces publi  
ques.

Le sixiesme iour du moys d'Aoust ensuyuant, estant le Roy au mesme lieu de Fontainebleau, declaira par ses lettres patentes, quand à son Edict du moys de May dernier passé, donné à Rommorantin, sur la cognoissance du crime d'heresie, assemblées illicites, & forces publiques, qu'il n'entendoit interdire la cognoissance desdictes assemblées illicites, & forces publiques, à la Court de Parlement à Paris: ains entendoit & ordonoit, que pour abbreuiation de Iustice, ladicte Court, & les Iuges Presidiaulx en pourroient congnoistre concurrement.

Edict sur le  
iugement des  
arbitres entre  
parties liti  
gantes.

Audict moys d'Aoust, & au mesme lieu de Fontainebleau, fut fait Edict: par lequel le Roy auctorisoit & confirmoit tous Iugemens donnez sur les compromis des parties: encorres qu'en iceux compromis, n'y eust aucune peine apposee. Voulant que tels iugemens eussent semblable force & vertu, que les sentēces donnees par les Iuges, & contre iceux iugemens nul ne fust receu appellant, que preallablement ilz ne fussent entierement executez, tant en principal & despens, qu'en la peine (si peine y auoit esté apposee) sans esperance d'icelle peine recouurer: ores que ladicte sentence fust infirmée en tout, ou en partie. Et que l'appel desdictz arbitres, ou arbitrateurs, seroit releué en ses Cours souveraines: sinon qu'il fust question des choses, dont les Iuges Presidiaulx peussent iuger en dernier ressort: auquel cas seroit ledict appel releué par deuant eux.

Autre Edict  
sur l'executio  
de tous iuge  
mēs sans ob  
tenir *pareatis*.

En ces mesmes moys & lieu, fut aussi fait Edict irreuocable, statuant & ordonnant le Roy par iceluy, que tous Arrestz, Iugemens, Decretz, Executoires, Commissions, Mandemens, & autres prouisions, qui auroient esté donnees par luy & son Cōseil priué, ses Cours de Parlement, Chambres des Comtes, Cours des aydes, Thresoriers de France, Generaulx de ses finances, Baillifz, Seneschaux, & Iuges de son Royaume, ou leurs Lieutenans, & pareillement toutes lettres & prouisions, qui auroient esté & seroient octroyées en la Chancellerie, estant lez la Maiesté, tant es matieres Ciuiles, que Criminelles, seroient executées par tout son Royaume & pais de son obeissance: sans que les executeurs, ne les parties, fussent tenus demander aucune permission, *visa ne pareatis*, à lesdictes Cours de Parlement, Baillifz, Seneschaux, Preuostz, ny autres Iuges, ou Lieutenans. Et ou lesdictes Cours souveraines, Baillifz, Seneschaux, Preuostz, Iuges, ou leurs Lieutenans, empescheroient lesdictes executions, ou les parties, & executeurs, soubz couleur de leur auoir demandé ledict *pareatis*, ou pour auoir procedé à l'execution, sans l'auoir demandé, ou s'efforçeroient prendre de ce aucune iurisdiction, ou cognoissance, chargeoir, vn seul & pour le tout, tant lesdictz ordonnateurs de cest empeschement, que les executeurs de leur ordonnance, du payement de la dette & condamnation, contenue esdictz Arrestz, iugemens, sentēces executoires, & prouisions, & de tous despens, dommages, & interestz, enuers ladicte partie: qu'il vouloit, apres la verification deuēment faite dudit empeschement, sans autre figure de proces, estre declairez & adiugez à l'encontre d'eux, presens, ou absens, par le Iuge, qui auroit donné le iugement, lettres, ou prouisions: n'estoit que il fust question d'adiuger lesdictz dommages & interestz, à l'encontre des Presidens, & Conseillers d'vne de lesdictes Cours. Auquel cas vouloit iceux estre iugez par la Court de Parlement, à laquelle ressortissoient les Iuges, qui auoient donné lesdictz premiers iugemens. Et pource que les parties condamnées, & autres, formoient oppositions ausdictes executions, ou appelloient d'icelle, de ce qu'on ne les y vouloit recevoir, & releuoient lesdictes appellations, ou icelles poursuyuoient, ensemble lesdictes oppositions, pardeuant les Iuges ou Cours, au ressort desquelles, estoient faites lesdictes executions, Ordonnoit que lesdictes appellations ne pourroient estre releuées, ne poursuyuies, ne pareillement lesdictes oppositions, par deuant les Iuges & Cours, au ressort desquelles seroient faites lesdictes executions, ny ailleurs

ailleurs que par deuant les Iuges, ou Cours, qui auroient donné lesdictes sentences, & iugemens : dont il inhiboit & deffendoit, ausdictz Iuges & Cours, en prendre aucune congnoissance, soubz les peines susdictes. Vouloit neantmoins, là ou les Huissiers, Sergens, ou executeurs, procedans ausdictes executions, feroient, ou commettroient aucuns abuz, ou maluersations, que les Iuges des lieux, ou seroient faicts lesdictz abuz, en peussent informer, & enuoyer les informations par deuers les Iuges, qui auroient donné lesdictes sentences, ou iugemens, pour proceder contre les delinquans, ainsi que de raison : sans que lesdictz Iuges, qui auroient informé, ny autres que ceux, qui auroient donné lesdictz iugemens, en peussent prendre autre congnoissance : qui leur estoit interdite & deffenduës, soubz les peines que dessus.

En iceluy mesme moys d'Aoust, mil cinq cens soixante, ainsi que le Roy tenoit vn grand & solennel Conseil, audict lieu de Fontainebleau, luy fut présentée requête de <sup>la part de ceux de ses subiectz, qui disoient & protestoient vouloir viure selon la reformation de l'Euangile & Sainte Escrip- ture. Laquelle requête tendoit principalement à fin, qu'il pleust à sa Maie- sté leur octroyer des Temples, ou autres lieux commodes, pour publiquement y prier Dieu, prescher & ouyr la parole, administrer les Sacre- mens, & y faire apparoir de leur foy & creance, suyuant vne confession, qu'ilz en auoient fai- cte, & enuoyée à icelle Maie- sté, assez tost apres qu'il leur y auoit esté donné leur accez, par son Edict du moys de Mars precedent. Mais il ne fut riens conclu là dessus : sinon, que l'on depescha lettres patentes, en date du dernier iour dudit moys d'Aoust : par lesquelles le Roy mandoit & enioignoit au Preuost de Paris : & pareillement à tous les autres Iuges, qu'ilz eussent incontinent (les patentes receuës) à faire assembler, à son de trompe, ou autrement, en la principale ville de leur ressort, dedans le plus brief temps que faire se pourroit, tous ceux desdictz trois Estatz d'iceluy, pour conférer ensemble, tant sur les plainctes & doléances qu'ilz auroient à proposer en l'assemblée ge- neral des trois Estatz de France (qu'il entendoit commencer à tenir le dixiesme du moys de Decembre prochain en la ville de Meaux, ou il vouloit qu'ilz enuoyassent, & feissent trouuer, certains bons person- nages d'entr'eux, & pour le moins vn de cha- cun ordre, qu'ilz choisiroient à ceste fin) comme aussi sur ce, qui leur sembleroit tout- uer au bien public, & au soulagement & repos d'un chascun. Pendant lequel temps, les Lieutenans, & Gouverneurs des Prouinces, visiteroient respectiue- ment leurs villes, & autres lieux de leurs charges, pour entendre, par le menu, les doléances du peuple, pour puis apres luy en faire les remonstrances. Et au regard des Euesques, Prelatz, & membres de l'Eglise de son Royaume (lesquelz suyuant son exhortation, se- roient retirez en leurs dioceses, & lieux ou ilz debuient residence) oultre ceux qui seroient deputez par les Prouinces, pour se trouuer esdictz Estatz, les aduertiroit de se tenir lors prestz & appareillez, pour s'acheminer vers la ville de Paris, & se retirer la part, ou seroit sa Maie- sté, pour pouoir estre, & comparoir le vingtiesme iour de Ian- uier, au lieu qui leur seroit signifié en temps deu : à fin que là estans assemblez, & ouys tous ceux qui auroient à remonstrer quelque chose concernant l'honneur de Dieu & reformation de son Eglise (lesquelz il entendoit y pouoir comparoir venir, & retourner en toute liberté & seureté) aduisassent par ensemble : ce qui seroit digne d'estre remon- stré au Concile general de toute la Chrestienté : ou il y auroit apparéce, qu'il se tint bien tost. Et attendant iceluy, retrancheroient, & reformeroient ce, qui par intermis- sion des Conciles, negligences des Prelatz, & autrement par corruption des temps, leur sembleroit digne d'estre retranché, & reformé, comme chose repugnante à la do- ctrine de Dieu, & des saints Conciles de l'Eglise. Ce pendant enioignoit ausdictz Pre- uost & telz autres Iuges de tenir l'œil ouuert, & donner ordre : que les espritz malins, qui pourroient estre composez des reliques du tumulte d'Amboise, ou autres gens stu- dieux de nouuelleté & d'alteration d'estat (si aucuns s'en trouuoit) fussent tellement descouverts, & selon la feuerité de ses Edictz retenus, que par leurs machinati- ons, soubz quelque pretexte qu'ilz les courussent, ilz ne peussent corrompre ceux qui les pour- roient escouter, en attirant les simples à leur faction, par exemple de leur impunité, & soubz confiance de la clemence, dont il auoit vŕe parauant, ou qu'autrement par leur artifice n'alterassent la tranquillité de ses bons & loyaux subiectz.</sup>

Le dernier iour dudit moys d'Aoust, fut mandé par le Roy, que les deux cens Gentilz-hommes de la maison, & tous Archers de ses gardes, ne faillissent inconti-

re-  
queste des  
Protestans de  
France au Con-  
seil tenu à Fon-  
tainebleau.

Conuocation  
des iij. Estatz  
de France.

Promesse de  
assembler les  
Prelatz de  
France pour  
le Concile ge-  
neral.

Aduertisse-  
mens de pren-  
dre garde aux  
reliques du  
tumulte d'-  
Amboise.

## LES CRONIQ. ET ANNALES DE FRANCE.

La maison du  
Roy, & les  
Cheualiers de  
l'ordre appe-  
lez à son ser-  
uice.

rent à partir de leurs maisons, avecques leurs armes & grands cheuaulx, pour se rendre lesdictz Gentilz-hommes à Pontoise, & lesdictz Archers à Mantre & Meulanc, le quinzième du mois suyuant: ou il leur feroit sçauoir ce qu'ilz auroient à faire pour son service. Item, que tous Cheualiers de l'ordre, Pensionnaires, & Gentilzhommes seruaus de ladicte maison, qui ne seroient employez ailleurs par son commandement, se rendissent, avec leurs armes & grands cheuaulx, à Paris, le mesme quinzième iour dudit mois, sans y faire faulte.

Tumulte en  
la ville de  
Lyon.

La nuit precedente le cinquiesme iour de Septembre, comme l'Abbé de Sauigny, Gouverneur de la ville de Lyon (en l'absence du Marechal de saint André) fust aduertie que certains habitans d'icelle ville, auoient recelé & receloient quelques Capitaines & soldats, qui leurs estoient yenuz & venoient secrettement à la file, de iour en iour, pour faire quelque esmeute, enuoya le Capitaine de ladicte ville accompagné de plusieurs gens en armes, vers le quartier de saint Nizier, entre le Rhosne & la Sosne, ou estoit la demeure desdictz receleurs, pour les cuider surprendre au despourueu, avec leurs Capitaines & soldats: mais ledict Capitaine trouua rencôtre sur le pont de Sosne: & là y eut de ses gens tuez & blesez, & tellement repoulsez, qu'il fut contrainct se retirer, pour assembler nouvelles forces, en attendant le iour, pendant lequel temps, lesdictz Capitaines & soldats, avecques aucuns des habitans dessusdictz, ayans esté decouuers possible, deuant que tous leurs compagnies fussent arriüées, & pourtant ne se sentans encores assez forts, trouuerent moyen de sortir hors la ville, & d'eschapper. Toutesfois le lendemain matin, ayant iceluy Capitaine prins renfort de gens, & s'estant accompagné de la Iustice, furent entre autres, prins trois ieunes compagnons estrangers, & quelques vns desdictz habitans de la ville: & le Samedi ensuyuant (qui fut le septiesme iour dudit mois) les deux plus ieunes desdictz trois cōpaignons estrangers furent suyuant l'Edict des seditieux, pendus & estranglez sur le pont de Sosne: & le tiers (qui ne monstroit point apparence de plus de vingt & deux ans d'aage) fut aussi pendu & estranglé en la place des Cordeliers, puis descapité, & mis en quatre quartiers: qui furent portez pendre hors la ville, & sa teste fichée sur iceluy pont de Sosne. Quelque peu de iours apres, le Marechal de saint André Gouverneur en chef de Lyonnois, arriua en ladicte ville, grâdemēt accompagné de gens de cheual, & le Cardinal de Tournon aussi, avecques vne enseigne de gens de pied: & alors les plus innocēs ne se trouuoient gueres asseurez, estans les portes si estroitement gardées, des le matin du tumulte, que nul n'entroit dedans la ville, sans estre mené deuant l'Abbé de Sauigny, ou ses commis, pour y estre diligemment examiné, & sondé s'il seroit point de l'entreprinse: cōme aussi nul n'en sortoit (fust habitant de la ville, ou autre) sans auoir passeporte, signé de la main dudit Abbé, par l'espace de plus de deux mois. Incontinent que lesdictz Seigneurs furent arriuez on vqua diligemment à faire & parfaire le proces de ceux, qui auoient esté pris, & que l'on prenoit encores d'heure en heure: tellement que pour vn iour, peu apres ceste arriüée, quatre habitans de la ville furent pēdus & estranglez en diuers quartiers d'icelle, soustenans constamment, à l'extremité de la vie, que leur entreprinse n'auoit tendu, sinon à faire prescher publiquement la pure parole de Dieu, & se fortifier contre ceux, qui (cōme ilz disoient) vsurpans l'autorité du Roy, durant sa minorité par eux pretendüe, les eussent voulu empescher de ce faire, & de viure selon leur cōscience. Les autres prisonniers furent gardez, pour l'instruction des proces, que l'on pretendoit aussi faire à quelques grands Seigneurs de ce Royaume, souspeçonnez d'auoir presté faueur à l'entreprinse susdicte, ou à telles autres, en plusieurs contrées d'iceluy royaume: entre lesquelz Seigneurs fut Messire François de Vendosme, Cheualier de l'Ordre, & Vidafme de Chartres: qui fut fait prisonnier à Paris, & mené en la Bastille saint Anthoine, & depuis aux Tournelles: là ou il mourut le Lundy xxij. iour de Decembre mil

L'an mil cinq  
cens lx.

cinq cens lx. enuiron deux heures du matin, deuant que son proces fust parfait.

Conuocation  
des Prelatz  
de Frâce par  
le Roy Fran-  
çois deuxies-  
me.

Le dixiesme iour dudit mois de Septēbre, le Roy estant à saint Germain en Laye, depescha lettres patentes: par lesquelles il mandoit, prioit, & exhortoit, & neantmoins enioignoit à tous Euesques, Prelatz, & mēbres des Eglises de son obeissance, qu'ilz eussent à se trouuer à Paris, sur le vingtiesme iour du mois de Ianuier ensuyuant, pour en ce lieu, ou autre prochain d'icelle, qui leur seroit assez tost designé, s'assembler & conferer ensemble, sur le vray seruice de Dieu, & seureté des cōsciences du pauvre peuple: & que ce pendant, toutesfois ilz tinssent l'œil ouuert à ce qu'il n'y eust chose soubz leur charge



charge, qui par leur negligence peult empirer: & qu'ilz vsassent de leur autorité Ecclesiastique, avecques telle moderation enuers ceux, qui seroient soupçonnez ou deferez de sentir mal de la foy, que les desuoiez du droict chemin fussent plustost reduictz par leurs douces & amiables exhortations, que par la seuerité & rigueur des iugemens, que ilz pourroient exercer cōtre eux. Au demeurant selon l'ancienne institution & exemple des sainctz Peres, feissent indiction de ieunes, avec prieres publiques & supplications, tant pour appaiser l'ire de Dieu enuers son Esglise, que pour le supplier de vouloir, par son saint Esprit, si bien inspirer ceux, qui seroient assemblez, qu'ilz peussent composer & reduire les troubles à la vraye pacification & vnion, & que l'Eglise, qu'il auoit consacrée au sang de son benoist filz Iesus Christ, nostre Redempteur, & qui estoit mere de tous fideles, fust repurgée & nettoyée de toutes ordures & pollutions, que les mauuais luy auroient apportées: & apres, d'un cœur & esprit luy peussent tous rendre graces du repos & de la paix qu'il auroit rendue à sadicte Eglise, & à la conscience des enfans d'icelle. En oultre leur mandoit que ce pendant il auoit ordonné, que ces Bailifz & Seneschaulx, qui residioient sur les lieux, & aussi les Gouverneurs, qui visitoient les Prouinces de leurs Gouvernemens, tinssent la main forte, à ce que tous seditieux, & qui ne voudroient viure selon l'ancienne institution de l'Eglise, fussent retenus par les peines coërtions contenues en ses Edicts. Et, en cas qu'ilz fussent de ce faire negligens, enioignoit tres-expressement ausdictz Prelarz, de l'en aduertir avecques toute diligence, pour y pourueoir de sorte que Dieu y fust premierement seruy, & la Maieité Royale obeie.

Le huitiesme iour d'Octobre, estant encores le Roy au mesme lieu de saint Germain, fut despesché le departtement de la Gendarmerie, en la maniere qui s'ensuyt. C'est assauoir, pour Prouence, Monsieur le Comte de Tende, avecques trente Lances: pour Saoye, Dauphiné, & Bresse, Monsieur le Prince de Salerne, avecques trente Lances, Monsieur de la Motte Godrin, avecques trente Lances, & Monsieur de Saoye, avecques cent Lances: pour Languedoc, Monsieur le Comte de Villars, avec trente Lances, & Monsieur de Clermont, avec trente Lances: pour Guyenne, le Roy de Navarre, avec cent Lances, Monsieur de Burie, avec trente Lances, à Bourdeaux, & Monsieur de Iarnac, avec trente Lances, à la Rochelle: pour Piedmond, Monsieur de Auffum, avecques trente Lances, & monsieur le Comte de Beyne, avecques vingt Lances: pour demeurer à la suyte de monsieur le Marechal de Termes, sur le pais de Poitou, Monsieur le Marechal, luy mesme, auroit cinquante Lances, Monsieur de Sanflac, trente Lances, Monsieur de Lude, trente Lances, Monsieur de la Vauguyon, trente Lances, Monsieur de Rendan, trente Lances, monsieur le Prince de Navarre, quarante Lances, Monsieur de la Rochefoucault, trente Lances, & monsieur le Comte de Charny, trente Lances: pour Bretaigne, monsieur le Comte d'Estampes: pour Touraine, & Anjou, monsieur de Montpensier, avecques trente Lances, le Lieutenant de monsieur le Comte d'Artois, avecques soixante Lances, monsieur de Gonnord, avecques trente Lances, & monsieur de Vassay, avecques trente Lances: pour la basse Normandie, soubz monsieur de Villebon, es enuiron de Caen, monsieur le Marquis d'Elbeuf, avecques quarante Lances, monsieur de Villebon, avecques trente Lances, monsieur d'Annebault, avecques trente Lances, & monsieur de la Milleraye, avecques trente lances: pour Rouen & ses enuiron, Monsieur l'Admiral, avecques soixante lances, & monsieur d'Estrée, avecques trente lances: pour Metz, monsieur de Vieilleuille, avecques trente lances: pour Champagne, monsieur le Duc de Bouillon, avecques trente lances, à Sedan: pour le pais de Lyonois, Auvergne, & Bourbonnois, monsieur le Marechal de saint André, avecques quatre vingtz lances, monsieur de Bourdillon, avecques trente lances, monsieur d'Anville, avecques trente lances, monsieur de la Fayette, avecques trente lances, & monsieur de Montluc, avecques trente lances: pour Orleans, monsieur le Prince de la Rochefuryon, avecques trēte lances, le Lieutenant de monsieur d'Orleans, avecques quarante lances, monsieur de la Trimouille, avecques trente lances, & la cōpaignie de monsieur le Vidame, en nōbre de trente lances: pour les enuiron d'udit Orleans, & y cōparoir le vingtiesme iour d'iceluy moys, le Lieutenant de monsieur d'Angoulesme, avecques trēte lances, Monsieur de Neuers, avecques quatre vingtz lances, monsieur d'Aumalle, avecques quatre vingtz lances, monsieur de Nemours, avecques trente lances, monsieur de Tauennes, avecques trente lances, monsieur de Terilde, avecques trente Lances, le Sei-

Departtemēt  
de la Gendar  
merie de Frā  
ce en diuers  
quartiers du  
Royaume.

Plusieurs cō  
paignies de  
Gendarmerie  
mandées se  
trouuer à Or  
leans, & es  
enuiron, le  
xx. d'Octo  
bre.

gneur Francisque d'Est, avecques trente Lances, Monsieur le Comte d'Eu, avec trente Lances, Monsieur le Prince de Condé, avecques trente Lances, Monsieur de la Roche du Maine, avec trente Lances, Monsieur de Beauvais, avecques trente Lances, Monsieur le Duc de Lorraine, ou son Lieutenant, avecques soixante Lances, Monsieur le Connestable, avecques cent Lances, Monsieur le Marechal de Montmorency, avec cinquante Lances, Monsieur le Marechal de Brissac, avecques quatre vingts Lances, Monsieur de Chaulme, avecques trente Lances, Monsieur de Genlis, avecques trente Lances, Monsieur de Guyse, avecques cent Lances, Monsieur de Longueville, avecques trente Lances, Monsieur le Prince de Mantouë, avec trente Lances, Monsieur de la Brosse, avecques trente Lances, & Monsieur de Crussol, avecques trente Lances: & pour Picardie, Monsieur de Senarpont, avecques trente Lances, à Rue, Monsieur de Moruilliers, avecques trente Lances, à Monstreul, Monsieur de Humieres, avec trente Lances à Peronne,

Suyuant lequel departement fut crié, à son de trompe & cry public, par tous les lieux ou est de besoing, que tous les Hommes d'armes & Archers d'icelles Compagnies (quelque congé, ou excuse, qu'ilz peussent auoir) eussent à partir de leurs maisons, avec leurs armes & grands cheualx, & en l'equipage déclaré par les Ordonnances du Roy, pour eux rendre & resider, dedans le vingtcinquième dudit mois, au plustard, és lieux, qui leur estoient ainsi designez & declairez: esquelz lieux, & auquel iour, ilz feroient la prochaine monstre, & en armes, pour le quartier de Iuillet, Aoust, & Septembre, derniers.

Si commandoit la Maiesté du Roy tres-expressément à tous qu'ilz tinssent garnison, & n'en partissent sans expres congé d'iceluy, sur peine d'estre cassez de ses Ordonnances, pour iamais n'y entrer: & aussi qu'ilz vescuissent doucement & gracieusement, selonc ses Ordonnances, & tellement qu'il ne luy vint aucune plainte, sur les peines indictes par icelles Ordonnances.

Le Roy à Orleans en armes.

Depuis, pource que l'on feist entendre au Roy, que l'on brasloit encores quelque esmeute à la subuersion de son estat, soubz vmbre de Religion, en la ville d'Orleans, s'y en alla incontinent, tousiours principalement accompagné du Cardinal de Lorraine, & de son frere le Duc de Guyse, oncles maternelz de la Roynne sa femme, avecques grande force, tant de gens de cheual, que de gēs de pied, sans ceux qui desia l'y attédoient, & sans les autres; qui se deuoient trouuer és enuironz, selonc que nous auons dict cy dessus: & alors feist constituer prisonniers quelques habitans de la ville, chargez de l'entreprise nagueres dicté: entre lesquels fut le Baillif mesme d'icelle ville.

Le Prince de Condé prisonnier à Orleans.

En apres, estant monseigneur le Prince de Condé, nommé Messire Loys de Bourbon, venu enuers vers sa Maiesté, en compagnie du Roy de Navarre, & du Cardinal de Bourbon, ses freres, le dernier iour dudit mois d'Octobre fut semblablement arresté prisonnier, & mis en tres-estroite garde, comme ayant eu quelque intelligence aux esmeutes & entreprises susdictes, & principalement à celle de Lyon: & ce mesme iour, & pour la mesme cause, fut aussi despesché commission, pour prendre, & apprehender au corps, Madame Magdaleine de Mailly, veufue du feu Seigneur de Roye, & pour saisir, & mettre en la main du Roy, toutes les lettres & papiers, que l'on trouueroit en sa possession, & à elle appartenans. Ce qui fut diligemment executé, assez tost apres: & en vaquant à faire le proces dudit Prince, d'icelle Dame, de Maistre Robert de la Haye, Conseiller du Parlement de Paris, & de quelques autres, detenus prisonniers pour semblable cause que dessus, passa le mois de Novembre, iusques enuiron le dix-neufiesme iour: auquel temps le Roy deuint malade d'un catarrhe: qui luy tomba sur vne oreille, & tellement le pressa, qu'il en mourut, par un lundy, cinquiesme iour de Decembre, audit an mil cinq cens soixante, laissant Madame Marie Stuart, Roynne d'Ecosse, sa femme, veufue, sans aucuns enfans: & quelque peu de temps apres fut son corps porté inhumer à saint Denis en France, pres de ses peres & predécesseurs; avec telles pompes funebres, que le temps peut permettre.

Mort du Roy François ij. de ce nom.

*Fin des faictz & gestes du Roy François, second du nom.*

Additions

# ADDITIONS NOUVELLES,

REVEVES ET CORRIGÉES DEPUIS

LA PREMIERE IMPRESSION.

DU REGNE DU ROY

CHARLES, NEUVIÈME

de ce nom.



**A** V Roy François, dernier mort, succeda à la couronne de France, Charles, neuvième de ce nom, pour lors Duc d'Orléans, le plus aîné des frères du dict deffunct : & alors entra en legitime administration des affaires du nouveau Roy & de son Royaume, avec la Royne, sa mere, le Roy de Navarre, Antoine de Bourbon : comme son plus proche parent, Prince du sang de France, qui fust en aage, sens, & discretion, propre & idoine à tel gouvernement. Ce qui fut au grand contentement des trois Estatz de France, pour lors assemblez en ladicte ville d'Orléans, nonobstant que leur premiere assignation de lieu eust esté en la ville de Meaux : & alors fut conclu, que combien que le Roy n'eust qu'environ vnze ans d'aage, neantmoins parleroit en toutes lettres & despêches,

Le Roy de Navarre en l'administration des affaires de France, avec la Royne, mere.

sans que l'on feist aucune mention de Regent, ou Regente. Aussi furent establis, pour le Conseil privé du Roy, les Princes du Sang, les Connestable, Admiral, Mareschaux, & quelques Chevaliers de l'Ordre, avec le Chancelier, & certains notables personnages de robe longue, comme Cardinaux, & autres Prelatz : par l'advis duquel conseil fut incontinent commandé à toutes gens de guerre, tant à pié qu'à cheual, assemblez és environs d'Orléans, de se retirer paisiblement chascun en sa maison. Puis en ce mesme mois de Decembre, fut faicte & continuée l'assemblée desdictz Estatz, en icelle ville d'Orléans : là ou le Roy solennellement assisté de la Royne, sa mere, du Roy de Navarre, son oncle, des Princes & Princesses du sang, du Connestable, du Chancelier, des gens de son Conseil privé, & de tous ceux qui deuoient assister à vn acte si solennel, ouyt les plaintes, doléances, & remonstrances des deputez de chascun d'iceux, pour puis apres leur faire droit & raison.

Estatz tenus à Orléans.

Sur ces mesmes iours, le Prince de Condé fut eslargy, & mis hors de prison : & des lors poursuyuit roidement la iustification de son innocence : qui fut approuvée & publiée par Arrest de la Court du Parlement de Paris : ainsi que nous dirons en temps & lieu.

Le Prince de Condé hors de prison.

Le vingthuitiesme iour du mois de Ianuier, tousiours mil cinq cens soixante, selon la supputation que dessus, le Roy, estant encor à Orléans, par le Conseil de la Royne, sa mere, du Roy de Navarre son oncle, des autres Princes du sang, & des gens de son Conseil privé, manda, & ordonna tresexpressément, par ses lettres missiues, à tous ses Iuges & Officiers, qu'ilz eussent à cesser & superseder toutes poursuites, procédures, recherches, adiournemens, deffaulx, & iugemens, qui se pouoient faire & donner par eux, alencôtre de toutes personnes, de quelque qualité qu'elles fussent, pour le faict de la Religion : encores qu'elles eussent assisté aux assemblées, avecques armes, pour la saureté de leurs personnes,ourny argent, ou autrement. Semblablement qu'ilz eussent à mettre en plaine & entière liberté, & faire ouurir leurs prisons à tous ceux, & celles, qui à ceste occasion y seroient detenus, les admonestant de viure par-apres catholiquement, & sans faire aucun acte scandaleux, ne seditieux, sur peine d'estre punis, sans pour le passé plus auant les enquerir, inquieter, ne molester, en quelque sorte que ce fust. Neantmoins n'entendoit sa Maïesté qu'au nombre d'iceux fussent cōpris les Autheurs & Chefz des seditieux, qui auroient conspiré & pris les armes contre sa propre personne & contre l'estat de son Royaume : lesquelz seulz, & non autres, il vouloit estre exclus de ceste sienne grace. Et quant à l'aduenir, entendoit que l'Edict, faict dernièrement à Rô-

Mandement du Roy Charles neuvième de ce nom, pour l'impunité & liberté de ceux, qui par le passé auroient esté accusez sur le faict de la Religion.

Second volume.

DD. j.

morantin par le feu Roy son frere, eust leu, & fust obserué & entretenu de point en point, pour le bien & repos de son peuple, soulagement des bons & chastiment des mauvais. Si leur mandoit & ordonnoit de rechef tres-expreslement, qu'ilz eussent à suyure & effectuer le contenu d'iceluy mandement, tout ainsi que s'il estoit emané de luy par lettres patentes: lesquelles il auoit, pour aucunes bonnes causes & considerations, differé faire expedier.

Deffense à toutes personnes, de ne s'en offenser pour le faict de la Religion.

Le trentiesme iour d'iceluy mois furent despeschées autres lettres, données en icelle ville d'Orleans: par lesquelles le Roy deffendoit tres-estroitement, & sur peine de la vie, à toutes personnes, de quelque estat, qualité, ou condition, qu'elles fussent, que des lors en auant ilz n'eussent, en quelque sorte que ce fust, à disputer, contèndre, ne debatre aucunement entre eux, pour le faict de la Religion, ny à ceste raison se reprocher, iniurier, n'irriter les vns les autres, de paroles, ne de faict, ains viure amiablement, & se porter, les vns enuers les autres, en toute douceur, fraternité, & bonne intelligence: de maniere qu'à ceste occasion ne sortist aucun scandale entre ses subiectz. Si cōmandoit au Preuost de son Hostel, & autres ses Officiers, proceder contre les infracteurs de ceste sienne Ordonnāce, par la rigueur de la peine y contenuë, & de la faire publier à son de trompe: à ce que personne n'en peüst pretendre cause d'ignorance.

Ordonnāces du Roy sur les remonstrāces des Estatz

Audiēt mois, le Roy, tenant ses Estatz, par ses lettres patentes feit & autorisa, sur les plaintes, doleances, & remonstrances des deputez desdictz Estatz, plusieurs belles Ordonnances, tant sur le faict de l'Eglise, que sur celuy de la Iustice, des Vniuersitez, de la Noblesse, des Tailles, & de la Marchandise: du contenu desquelles Ordonnances nous ne parlerons point icy plus amplement, pour euitier prolixité, estant le tout redigé en iuste volume.

Confirmatiō des lettres du trentiesme de Ianuier, sur le faict de la Religion.

Le quinziesme iour de Feurier, audiēt an mil cinq cens soixante, le Roy, estant à Fontainebleau, despescha autres lettres, semblables aux dessusdictes du trentiesme de Ianuier, sur le faict de la Religion: commandant à tous Baillifz, Seneschaux, ou leurs Lieutenans, de les faire publier à son de trompe, & proceder contre les infracteurs du contenu d'icelles, par la rigueur de la peine y comprise.

L'an mil cinq cens lxi.

Le sixiesme iour d'Auril fut le iour de Pasques: auquel on commença à compter l'an mil cinq cens soixante & vn, selon la supputation dessusdictē.

Sacre du Roy Charles neufiesme, à Reims.

Le dixhuietiesme iour de May, audiēt an mil cinq cens soixante & vn, le nouveau Roy, Charles neufiesme, fut sacré & couronné en la grand' Eglise de Reims, à la maniere accoustumée: & ce par le Cardinal de Lorraine, Archeuesque de ladicte Eglise, & Abbé de saint Remy en icelle ville de Reims.

Arrest du Parlement de Paris, sur la iustificatiō du Prince de Condé.

Le treziesme iour du mois de Iuin ensuyuant, Monseigneur le Prince de Condé fut declairé innocent des cas & charges à luy imposez: & fut ceste declaration faicte par Arrest de la Court du Parlement de Paris: dont la teneur s'ensuyt. ENTRE Messire Loys de Bourbon, Prince de Condé, demandeur en declaration d'innocence, pour raison des cas & charges à luy imposez, d'une part, & le Procureur general du Roy, defendeur d'autre. Veu par la Court, les Chambres assemblées, les pieces & procedures, cōcernans le faict dudiēt de Bourbon: L'instruction cōmençee à faire du proces à l'encontre de luy, tant en la presence du Roy deffunct, qu'aucuns de son priuē Conseil, & autres Commissaires par lediēt Seigneur cōmis & deputez: Arrestz ou iugemens donnez par lediēt Seigneur, les treze, quinze, vingt, & vingtsexiesme iours de Nouembre, dernier passé: Interrogatoires & responses de Iaques de la Sague & Gilles Triou, dict le Gantier: prisonniers, examinez & repetez les vingtsix & vingtneufiesme d'Aoust, deuxiesme, septiesme, vingtseptiesme, & vingthuietiesme Septēbre, aussi dernier passé: Autres interrogatoires & responses de defunct Messire François de Vendosme, Cheualier de l'ordre dudiēt Seigneur Roy, Vidame de Chartres: Depositions, memoires, ou aduertissemens de Iaques de la Bigne, Iehan Lādier, Florent Boulēger, Iehan du Point, Iehan de la Borde, vn nommé Calandrin, Iehan Codere, prisonnier au Chasteau de Nismes, & du Seigneur de Bellines, & lettres missiues escriptes par lediēt de Vendosme audiēt de Bourbon: Les lettres en forme de declaration d'innocēce du treziesme iour de Mars dernier, par lesquelles le Roy, apres auoir mandé lediēt de Bourbon en la presence de la Royne sa mere, des Princes de son sang, & des gens de son conseil, denomez esdictes lettres, & que lediēt de Bourbon luy auroit rendu tesmoignage & faict preuue de ladicte innocēce, dont lediēt Seigneur auroit declairé estre suffisamēt informé.

me. Autres lettres d'innocence des iour & an dessusdicts, adressantes à ladicte Court, à laquelle auroit esté mandé le recevoir à faire & poursuyure en icelle Court autre declaration plus ample & tesmoignage de sadicte innocéce: Le plaidoyé fait en icelle Court, lesdictes chambres assemblées, les vingt, vingt & vn, & vingtdeuxiesme Mars dernier, sur lequel ladicte Court auroit ordonné, entre autres choses, que toutes les charges & informations, proces & procédures, faictes alencontre dudit de Bourbon, estans tant en ceste ville de Paris és mains de Maistre Jehan du Tillet, Greffier civil de ladicte Court, qu'autres, seroient dedans trois iours ensuyuas mises és mains des Commissaires commis par ladicte Court, denommez audit Arrest, & qu'audit Procureur general seroit decernée commission pour faire apporter toutes les autres pieces concernans ledict fait, & pour ce faire contraindre tous ceux qu'il appartiendrait: Ladicte commission en forme de compulsoire, octroyée audit Procureur general, pour satisfaire au contenu dudit Arrest: Autres Arrests, donnez les vingthuitiesme dudit Mars & vnzième Avril, aussi dernier, par lesquelz icelle Court auroit permis audit de Bourbon, suyuant la requeste par luy faicte à ceste fin, de faire ouyr par lesdictz Commissaires les tesmoings qu'il voudroit produire sur les faicts des induction, forces, & menaces, par luy pretendues auoir esté faictes à aucuns tesmoings, & pour examiner autres tesmoings sur plusieurs pretendues falsifications de blancs-signeux dudit de Bourbon: Auditions & examen de tesmoings faicts par lesdictz Commissaires de Jacques de la Sague & Gilles Triou, dict le Gantier: Autres depositions dudit de la Borde, de François & Imbert du Fay, freres, Seigneurs de Changy, Pierre Vincent, François le Camus, Estienne Thibaudier, Antoine Bonin, & Guichard l'Aduocat: Trois lettres missiues, signez Godail, trouuées en la possession dudit Thibaudier: Autres procédures, faictes par le Preuost de l'Hostel, ou son Lieutenant, & depositions dudit Codere & autres tesmoings, apportées & mises par deuers ladicte Court: Requeste, présentée de la part dudit de Bourbon, le dernier iour d'Avril mil cinq cens soixante & vn dernier, par laquelle il auroit requis que le Procureur general du Roy eust à declarer s'il auoit ou vouloit produire autre chose, & ce qui auoit esté par luy produit par deuers ladicte Court: L'Arrest donné en icelle, le troisième iour de May dernier, par lequel auroit ordonné que toutes les pieces & procédures, faictes audit proces dudit de Bourbon, seroient communiquées audit Procureur general, pour dire, declarer, & requérir, ce qu'il verroit estre à faire: A ces des diligences, faictes à plusieurs fois par ledict Procureur general, tant à Lyon, Mâcon, Forest, Parlement du Dauphiné, que de Prouence, & autres lieux, avec la declaration par luy faicte, tant par escript, que verbalement, lesdictes Chambres assemblées, qu'il n'auoit peu recouurer autres pieces, ne procédures, concernans la charge dudit de Bourbon, que ce qu'il auroit mis par deuers lesdictz Commissaires & ladicte Court: Autre Arrest, donné le vingtdeuxiesme iour de May, par lequel icelle Court, lesdictes chambres assemblées en voyant ledict proces dudit de Bourbon, auroit ordonné, ouy sur ce ledict Procureur general, que commandement seroit faict à Maistre Jehan Fournel, Lieutenant general de Lyon, & à Maistre Mery Tournois, Lieutenant criminel, d'apporter, par deuers ledict Greffe d'icelle Court, toutes & chascunes les minutes & grosses, estans tant par deuers eux, qu'és Greffes dudit lieu, concernans ledict proces, mesmement les minutes des proces verbaux des questions, si aucunes y auoit, ensemble la commission en vertu de laquelle ilz auoient besongné audit proces, & ce dedans le delay à eux prefix par ledict Arrest, sur peine d'amende arbitraire & suspension de leurs Offices: Les proces verbaux des questions & tortures, baillées & reportées audit de la Borde, enuoyez par lesdictz Lieutenans par deuers ladicte Court: Tout ce qui a esté mis & produit en icelle, & les conclusions tant dudit Procureur general, que celles dudit de Bourbon, apres que luy, pour ce mandé, a esté ouy en ladicte Court, Et tout considéré, D I C T a esté, que ladicte Court a déclaré, & declare, ledict de Bourbon pur & innocent des cas à luy imbez: Et luy a reserué & reserue son recours contre qui il appartiendra, pour telle reparation que la qualité de la personne le requiert, & à eux leurs defenses au contraire: & a ordonné & ordonne ladicte Court, que ce present Arrest sera lu & enregistré és Cours souveraines de ce royaume. Prononcé à huis ouuers, toutes les chambres de ladicte Court assemblées, le trezième iour de Iuin, l'an mil cinq cens soixante & vn. Signé M A L O N. Or fut cest Arrest prononcé en la maniere dessusdicte par Monsieur le President Baillet, assistans, du costé



des Conseillers Laiz, le Roy de Nauarre, le Cardinal de Bourbon, le Duc de Montpensier, le Prince de la Roche-furyon, les Ducz de Guyse, de Neuers, & de Montmorency, Connestable, les Mareschaulx de saint André & de Montmorency, & les Eueques d'Auxerre & d'Vzes: & du costé des Clercs, Messieurs les Cardinaux de Lorraine, de Chastillon, & de Guyse. Puis au mesme instant, & en la mesme assemblée, fut prononcé, par ledict Sieur President, l'Arrest de Maistre Robert de la Haye, Conseiller en ladiete Court: & par Maistre Claude Malon, Greffier, ceux de Madame Magdaleine de Mailly, Dame de Roye, de Monsieur le Vidame de Chartres defunct, & de Monsieur de Cany, contenans tous lesdicts Arrestz pareilles declarations d'innocence & reseruation.

Merueilleuse  
tempeste à  
Paris & es  
enuirons.

Le troiesme iour de Iuillet, sur les dix ou vnze heures du matin, s'esleua telle tempeste, & vn vent si grād & impetueux, à Paris, & es enuiron, que presque tous les moulins à vent d'alentour en furent abbatuz & renuersez par terre: & sur les deux heures apres Midy, tomba quantité de si grosse gresle, par endroictz qu'il n'estoit point memoire d'en auoir iamais veu de semblable.

Saufcōduit,  
allant & re-  
tournāt, pour  
l'assemblée  
de Poissy.

Le vingtcinquiesme dudiect moys, estant le Roy à Saint Germain en Laye, depecha lettres patentes: par lesquelles il mandoit à tous ses Baillifz, Seneschaulx, Preuosts, Iuges, ou leurs Lieutenans, & autres telz siens Iusticiers & Officiers, qu'il auoit permis & permettoit à tous ses subiectz, de quelque estat, qualité, ou cōdition, qu'ils fussent, qui auroient à remonstrer quelques choses en l'assemblée generale, qu'il pretendoit faire des Prelatz de son Royaume en la ville de Poissy, d'y pouuoir seurement, franchement, & sans aucune crainte, venir, se trouuer, & estre ouys en ladiete assemblée, & la demourer, & seiourner, tant & si longuement qu'elle dureroit, & apres, eux en retourner, & se retirer en semblable seureté & liberté, ou & ainsi que bon leur sembleroit: Deffendant tres-expressement à toutes personnes quelconques de ne meffaire, ne mesdire, de faict, ne de parolles, à ceux qui là viendroient, sur peine de la hart: Enioignant pareillement à ceux de ses subiectz, qui viendroient pour cest effect, qu'ils eussent, sur les mesmes peines, à eux comporter & contenir doucement & modestement, & sans exciter aucuns troubles, ne seditions. Et afin que ceste sienne intention, vouloir, & permission, fust patente & manifeste à vn chascun, eussent lesdicts Officiers à la faire incontinent lire & publier par tous les lieux & endroicts de leurs ressorts, accoustumez à faire cris & proclamations: à ce qu'aucun n'en pretendist cause d'ignorance, & que ceux, qui auroient à se trouuer à ladiete assemblée, y peussent venir & comparoistre à temps.

Mandement  
du Roy, pour  
reprimer les  
seditionz, de  
quelque Reli-  
gion qu'ils  
fussent.

Le seiziesme iour d'Aoust, estant le Roy au mesme lieu de Saint Germain, depecha autres lettres patentes: par lesquelles il mandoit au Mareschal de Montmorency, Gouverneur de l'Isle de France, qu'il eust à faire publier à son de trompe, par tout son Gouvernement, deffenses à toutes personnes, de quelque qualité qu'elles feussent, de s'iniurier, prouoquer, irriter, n'outrager l'un l'autre, de faict ne de parole, faire assemblées en armes, courir sus les vns aux autres, n'autrement troubler, n'offenser, en quelque sorte que ce fust, la tranquillité publique, soubz couleur de quelque Religion que ce fust. Et si apres icelles deffenses, il en trouuoit aucuns, qui s'oubliaissent tant, que d'y contreuenir, ou s'ingeraient de s'assembler en armes, & feissent insult, outrage, ny offense, à qui que ce fust, entraissent, forçassent, & pillassent les Eglises, abbatissent images, ou croix, ou feissent aucun desordre, qui offensast sa Magesté, le priué & le public, en ce cas les feist prendre & saisir au corps, pour en estre faicte la iustice & punition si rigoureuse, que l'exemple seruiſt à contenir les autres.

Le Colloque  
de Poissy.

Or apres que, selon le mandement du Roy, les Prelatz de France furent assemblez en la ville de Poissy, le Roy, estant assis au hault bout du grand refectoir des Nonnains d'icelle ville, & ayant à son costé dextre Monsieur d'Orleans, son frere, & le Roy de Nauarre, & à son fenestre la Royne sa mere, & madame Marguerite sa sœur, comme aussi les autres Princes du sang, les gens du Conseil, & les Prelatz dessusdicts furent assis selon leurs rangs & dignitez, commença luy mesme à parler, leur disant qu'il les auoit ainsi faict assembler pour reformer ensemble, à l'honneur de Dieu, à l'aquit de leurs consciences, & au repos public, ce qui seroit à reformer en son Royaume, sur le faict de la Religion, tellemēt que ses subiectz peussent deslors viure en paix & vnion, les vns avec les autres. Puis commanda à monsieur de l'Hospital, son Chancelier, de leur declarer plus au long son intention. Ce qu'il feist fort bien, concluant qu'il ne falloit attēdre le Con-

Substance de  
la Harangue  
du Roy, & de  
son Chancelier.

le Concile general, & que le mal estoit si grand, & si pressant en Frâce, quand au desordre de la Religion, qu'il estoit besoing de prompt remede, pour remettre le tout en bon ordre. A quoy le Cardinal de Tournon, President en la compagnie des Prelatz, comme le plus ancien, & Doyen du College des Cardinaulx, & Primat de Frâce, à cause de son Archeuesché de Lyon, respondit qu'il s'estoit preparé pour respondre aux poincts principaux des lettres, qu'on leur auoit enuoyées pour les faire assembler en ce lieu, & qu'il en auoit arresté memoires, pensant qu'on les deust proposer: mais que leur estans pour lors proposées plusieurs autres choses de grande importance, ne pourroit proprement y respondre: ou quand il le pourroit, ne le voudroit entreprendre seul, sans l'aduis de sa compagnie. A cause de quoy requeroit que monsieur le Chancelier baillast sa proposition par escript, & qu'il leur fust donné loisir d'en deliberer. Surquoy monsieur le Chancelier repliqua, qu'il n'estoit besoing la bailler, & que chacun l'auoit peu entendre: tellement qu'en fin il s'en excusa, quelque instance que ledict Cardinal feit au contraire. Quelque temps apres (qui fut le neufiesme iour de Septembre) Theodore de Besze, accompagné d'unze autres Ministres, & de vingt autres personnages, deputez des Protestans de France, qui l'auoient esleu à porter la parolle pour tous, apres auoir, en peu de mots, aduertý le Roy de ne trouuer estrange s'ils commençoient par l'inuocation de Dieu, deuant qu'entrer plus auant en ce qu'ils auoient charge de luy dire s'agenouilla, avec toute sa compagnie, & feit sa priere tout hault, requerant à Dieu qu'il luy pleust leur dōner grace de mettre en auant, de cuer & de bouche, chose, qui peust seruir à l'honneur & gloire de son saint nom, à la prosperité & grandeur du Roy, & de tous ceux qui luy appartenoint, & au repos & consolation de toute Chrestienté, & nommément du royaume de France, au nom & en faueur de son filz Iesus Christ, & ainsi que luy mesme leur auoit appris à prier, en disant Nostre pere, qui es es cieus, &c. Puis apres ceste priere, r'adressant sa parolle au Roy, deit que iamais ilz ne pourroient suffisamment rendre graces à Dieu, & à luy, de ce qu'ils auoient tant de biē, que de veoir sa Magesté, & d'estre veuz & ouys d'icelle, en la plus illustre & noble compagnie qui fust au monde, & principalement pour y rendre raison de leur Foy enuers Dieu, & pour declairer l'obeissance qu'ils portoient à iceluy Roy, leur Seigneur, & Prince: adioustant aussi qu'ils esperoient que leur seruice luy seroit agreable, tendant principalement à mettre fin aux troubles & desordres suruenus en son royaume, pour le faict de la religion: & fondoient leur esperance, contre ce qu'il leur pourroit donner empeschement en cela, sur la fiance qu'ils auoient que Dieu fauoriseroit le dessein de leur bonne conscience, sur la debonnaireté du Roy, sur l'equite de la Roynne sa mere, sur la droicture du Roy de Nauarre & des Princes du sang, sur la bonne affection de Messieurs du Conseil, en chose si sainte & necessaire, & sur la reigle de charité: par laquelle ils presumoient que Messieurs les Prelatz s'efforceroient, avec eux, de venir à toute bonne vnion. De là entrant en matiere, monstra par la Confession de Foy de luy & de ceux pour lesquels il parloit, qu'elle estoit conforme à celle que toute la Chrestienté tenoit communément & generalemēt: mais qu'il y auoit quelque different entre les Prelatz, & eux Protestans, en l'interpretation de quelques articles, en l'addition qu'on y a faicte, & en ce que ceste addition n'auoit esté prinse de la sainte Escripiture. Ce qu'il deduisit amplement, declairant par le menu, leurdictē Confession, & remonstrant consequēment que le moyen d'accorder ce differēt estoit de se reigler par la pure parolle de Dieu, contenuē es liures du vieil & nouueau Testament, sans s'amuser à l'autorité des homes: sinon en tant qu'elle seroit cōforme à icelle parolle de Dieu. En fin respōdit à ceux, qui par auant les auoient calomniez de ne vouloir obeir aux Roys & Seigneurs, concluant que le desir qu'ils auoient d'auācer la gloire de Dieu, avec l'obeissance & seruice treshumble, deu par eux à la Magesté du Roy, & l'affectiō qu'ils auoient à la Patrie, & nommément à l'Eglise de Dieu, les auoit accōduits iusques en ce lieu: auquel ils esperoient que Dieu feroit pareille grace au Roy, qu'il feit iadis au petit Ioias, que soubz le gouuernement de la Roynne mere, assistée du Roy de Nauarre, des Princes du sang, & des Seigneurs du Conseil, seroit rafreschie la memoire de la Roynne Clotilde: & soubz ceste esperance estoient prestz d'employer leurs propres vies: à fin que luy faisant treshumble seruice en vne chose si loüable & si sainte, peussent veoir le vray siecle doré: auquel le Seigneur & Sauueur Iesus Christ fust seruy tout d'un accord: ainsi q̄ tout hōneur & gloire luy appartenoit à tousiours. Sur laquelle fin ledict Besze

Substance de  
la Harangue  
du Cardinal  
de Tournon,  
pour les Pre-  
latz.

Substance de  
la Harangue  
de Theodore  
de Besze,  
pour les Pro-  
testans.

Responſe de la  
Royne mere,  
à certaines pa-  
rolles du Car-  
dinal de Tour-  
non.

Subſtance de  
la harangue  
de monſieur  
le Cardinal  
de Lorraine,  
& de la respon-  
ſe de Theodo-  
re de Beſze.

Le Colloque  
de Poiſſy  
rompu.

& ſa compaignie fleſchirent le genouil à terre : & eſtans releuez, presenta au Roy leur Confession de Foy par eſcript, avec quelque peu de parolles, en la luy preſentât. Quoy faiſt, le Cardinal de Tournon, au nom de l'assemblée des Prelats, supplia le Roy de ne vouloir aucunement croire le ſens, ne les parolles de celuy, qui venoit de parler : & de ſuspendre le iugement qu'il en pourroit faire, iuſques à tant qu'il euſt ouy ce, que la compaignie deſdicts Prelatz entendoit luy faire remonſtrer au contraire, au iour qu'il luy plairoit leur assigner pour ceſt effect: adiouſtât iceluy Cardinal, que ſans le reſpect, qu'ils auroient eu à ſa Mageſté, ils ſe fuſſent leuez, en oyant ce qu'ils auoient ouy. A quoy la Royne reſpondit que ſon n'auoit rien faiſt en cela que par la deliberation du Conſeil: & que ce n'eſtoit pour rié ianouer ou muer, ains pour appaiſer les troubles de la Religion, & pour r'adreſſer les fouruoyez au vray chemin. Le lendemain Theodore de Beſze, ſçachât que certains perſonnages ſ'eſtoient offenze de quelques parolles ſiennes, quand au point de la preſence du corps de noſtre Sauueur Ieſus Chriſt en la Sainte Cene, eſcriuit & preſenta, à la Royne, la declaration de ce point, alleguant Saint Auguſtin, & Vigile, Euſque de Trêre: qui eſcriuoit contre l'heresie d'Eutiches, enuiron ſan cinq cens.

Le ſeizieme iour dudit mois de Septembre, eſtant le Roy aſſiſté comme deſſus: le Cardinal de Lorraine, commis à ce par l'assemblée des Prelats, en ceſte aſſiſtance, & en la preſence des Miniſtres, & deputez deſſusdicts, reſpondit à leur ſuſdicte harangue. De laquelle responſe les principaux pointz ſont, de l'obeiſſance deuë aux Roys & Princes, de leur reciproque debuoir enuers l'Egliſe, qu'icelle n'eſt pas ſeulement des bons & eleuz, qu'elle eſt indeuiable en la foy, qu'en icelle la parolle de Dieu ha la premiere authorité, & apres icelle la tradiſiō de l'Egliſe. Puis de l'vſage des ſainctz Cōcilz, & du cōſentemēt & accord des ſainctz Peres. Puis il vint au principal different, qui eſt du ſainct Sacrement, & comme les proteſtans d'Allemagne n'en conuiennent point avec ceux qu'on appelle Sacramentaires, & combien en eſt le different pernicieux à toute l'Egliſe, comme on peut veoir en ladicte reſponſe imprimée, comme les ſuſdictes harangues. A quoy ledict de Beſze demanda congé de reſpondre ſur le champ. Ce qui ne luy fut permis iuſques au vingtquatrieme iour dudit mois: duquel iour il repliqua bien ample-ment, reſeruat neantmoins l'article de la Cene à temps plus commode, pour quelques cauſes qu'il allegua: mais le ſecond iour d'apres il y ſatisfeit. Et pource que les Prelatz vouloient, que luy & ſes compaignons ſignaſſent, deuant que paſſer plus oultre en cōference avec eux, certains articles que leur conſcience ne pouuoit approuuer: pria la Royne qu'ils ne fuſſent cōtrainctz à ce, & qu'elle feiſt deputer certains perſonnages de la part des Prelatz, qui ne feiſſent point de ſcrupule de conferer avec eux: diſputas par ordre, & ayans les liures en preſence, avec des Secretaires, pour recueillir & mettre le tout en forme bōne & autétique. Surquoy quelques iours apres furēt deputez les Eueſques de Valence & de Séez, & les Docteurs Salignac, Bouteiller, Deſpenſe, avec leſquels ilz eurent amiable conference: mais onc ne peurent accorder enſemble du principal point de la Cene. Mais toſt apres ceſte conference fut rompuë par la pluralité des Prelatz, allegans qu'il ne failloit point diſputer contre les heretiques, ſur choſes, qui de ſi long temps auoient eſté aſſeurées & reſoluës: & pour leſquelles deſſendre ilz n'eſpargneroient leur propre ſang. Et ainſi ne fut autre choſe arreſté ſur le ſaiet de la religion: ſinon que deſlors par tacite cōſequence, fut ſouffert aux proteſtans d'auoir leurs preſches publics, & d'y adminiſtrer les Sacremens à leur mode.

















